

তিথিডোর

রচনাকাল : ১৯৪৬-১৯৪৯

প্রথম প্রকাশ :

সেপ্টেম্বর ১৯৪৯

আখিৰ ১৩৫৬

আট টাকা

জ্যাকেট—ধরনী সেনগুপ্ত, মুদ্রণ—রণজিৎকুমার দত্ত, নবশক্তি প্রেস,
১২৩, লোয়ার মারকুলার রোড।

প্রকাশক—জ্বে. এন. সিংহ রায়, নিউ এজ পাবলিশার্স লিমিটেড,
২২ ক্যানিং স্ট্রীট, কলকাতা-১

বুদ্ধদেব বসু

তিথিডোর



লিউ এন্ড পাবলিশার্স লিমিটেড

প্রথম খণ্ড :

প্রথম শাড়ি : প্রথম শ্রাবণ

... ১

দ্বিতীয় খণ্ড :

করুণ রঙিন পথ

... ১৭৩

তৃতীয় খণ্ড :

যবনিকা কম্পমান

... ৪১৭

୧

ପ୍ରଥମ ଖାଡ଼ି : ପ୍ରଥମ ଶ୍ରାବଣ

রাজেনবাবু মানুষটি একটু শৌখিন। শৌখিন মানে বাবু নয়। হাঁটুব কাছে কাপড় তুলে, হু-হাতে দুই ঝুলি নিয়ে বাজার ক'রে আসতে আপত্তি নেই তাঁর; কিন্তু শোবার সময় বালিশে একটু সুগন্ধ চাই। এক জামা প'রে সপ্তাহের ছ'দিন আপিশ করবেন, এদিকে কাচের গেলাশে ছাড়া জল খাবেন না। ঠিকে-ঝি কামাই করলে রাত থাকতে বিছানা ছেড়ে উঠুন ধরিয়ে রাখবেন, তারপর বারান্দার ভাঙা তক্তায় খালি গায়ে ব'সে গুনগুন করবেন ভৈরবী কি যোগিয়া।

পনেরো বছর বয়সে বিয়ে হ'য়ে, বাপের বাড়িতে এক বছর কাটিয়ে শিশিবকণা প্রথম যখন স্বামীর ঘর করতে এলেন, স্বামীর এ-সব ছোটোখাটো শখগুলি তাঁর মনে বিগ্ৰহ কৌতুক জাগিয়েছিলো। এমনকি, এর কিঞ্চিৎ প্রশ্রয়ও তিনি দিয়েছিলেন বিছানার তলায় অগুরুর শিশি লুকিয়ে রেখে—তার চেয়েও বেশি, ঠিকে-ঝির সাহায্যে সংগৃহীত কয়েকটি পথে-ঝরা বকুল কোনো বাত্রে নিজের আঁচলে বেঁধে নিয়ে। সুগন্ধ ভালো; সুপন্ধের উৎসর্গ আরো ভালো হ'তে দোষ কী।

কয়েক মাস পরে শিশিবকণা যখন অন্তঃসত্ত্বা হলেন, আর রাজেনবাবু বললেন—‘বেশ হ'লো—ছোটো ফুটকুটে একটা মেয়ে হবে—বেশ!’ তখন স্বামীর এই নতুন শখটিতে বেশী সুখী না-হ'য়ে তিনি বললেন, ‘কেন, মেয়ে কেন?’

‘ছেলে হ'লে তো শুধু হাফ-প্যান্ট আর ডাঙাগুলি! আর মেয়ে! রং-বেরঙের ফ্রক, রিবন, ঝাঁকড়া-ঝাঁকড়া কোঁকড়া-কোঁকড়া চুল—আর, একটু বড়ো হ'লে তো কথাই নেই!’

কিন্তু স্বজাতির সংখ্যাবৃদ্ধির সম্ভাবনায় শিশিরকণাকে বিশেষ উৎফুল্ল দেখা গেলো না। যে-রকম কথা নিজের মা-র মুখে অনেকবার তিনি শুনেছেন, তারই পুনরুক্তি করলেন এই ভাবী মা ;— ‘ফক—রিবন—বাঃ ! মেয়ের শিক্ষার ব্যবস্থা তো ভালোই !’

‘তা তুমি যা-ই বলো, একটা মেয়ে থাকলে ঘব আলো।’

কয়েক মাস পরে আলো হ’লো ঘর ; আর তিন দিন পরে রাজেনবাবু তাঁর শৌখিনতার আর-একটি নমুনা দেখালেন : মেয়ে-ব নাম তিনি রাখলেন শ্বেতা।

‘না, বাবা,’ আঁতুড়-ঘরের দরজায় ব’সে ব’লে উঠলেন শিশিরকণার বিধবা পিসিমা, ‘সীতা নাম বেখো না, বড়ো দুঃখিনী সীতা।’

‘সীতা নয়, শ্বেতা।’ গম্ভীরভাবে রাজেনবাবু বললেন, তালবাম্বা আর ব-ফলা ছোটোই স্পষ্ট উচ্চারণ ক’রে।

‘ও-সব বিলিতি নাম আমাদের মুখে তো আসবে না, তবে ইঁয়া—মেয়ে তোমার মেমের মতোই রূপসী হবে।’

‘বিলিতি নয় তো—’ রাজেনবাবুর কথা কেটে দিয়ে আর-একটি কণ্ঠস্বর উঠলো আঁতুড়-ঘরের ভিতর থেকে। —‘ওঁর কথায় তুমি আবার কান দাও পিসিমা, ওঁব তো ঐরকমই ! মেয়ের নাম আমি মঞ্জু রেখেছি।’ শেষের কথাটি শিশিরকণা একটু চোঁচিয়ে বললেন, যাতে যথাস্থানে নিভুলভাবে পৌঁছয়।

পৌঁছলো, কিন্তু যথাস্থানটি অবিচলিত। মাসখানেকের মধ্যে একটা নামের লড়াই লেগে গেলো বাড়িতে। মেয়েকে বুকে চাপড়ে-চাপড়ে আদর করেন শিশিরকণা—‘মঞ্জু—মঞ্জুল—মঞ্জুলী-ঈ—

আর রাজেনবাবু ঠিক সূরে সূব মিলিয়ে ব'লে ওঠেন, 'মঞ্জু—
কুমকুম লজ্জা—যা!' তারপর কাছে এসে মেয়ের গালে একটু
আঙুল ছুঁইয়ে ডাকেন : 'শ্বেতা।'

চোখের পাতা মিটমিট করেন কণ্ঠা, যেন এই নামই তাঁর
পছন্দ। তা হ'তেই পারে—যা ফুটফুটে ফর্সা।

প্রথম সন্তান যুবক পিতার কণ্ঠক এ-কথা যাঁরা বলেন,
নিশ্চয়ই তাঁরা রাজেনবাবুকে ছাখেননি। হাঁটু ঝেঁকে-ঝেঁকে মেয়েকে
ঘুম পাড়াচ্ছেন তিনি, বোতলে দুধ খাওয়াচ্ছেন, কোলে নিয়ে
'বেড়াচ্ছেন বিকেলে, রাত্রিরে বদলে দিচ্ছেন কাঁথা। প্রথম
ছ-মাসের মধ্যে একটি রাত্রিও ঘুমের ব্যাঘাত হ'লো না নতুন
মা-ব, বাঙালি পরিবারের পক্ষে যার তুলা আশ্চর্য কথা আর
নই।

কিন্তু এ-সুখের একটি দাম দিতে হ'লো। 'শ্বেতার জামাটা
'কোথায়?' 'শ্বেতার পাউডরটা দাও।' 'শ্বেতা তো খুব ঘুমুচ্ছে
আজ।' সব সময় এই শুনতে-শুনতে শিশিরকণাও মাঝে-মাঝে
শ্বেতা ব'লে ফেলতে লাগলেন : প্রথমে ঠাট্টা ক'রে 'তোমার
শ্বেতা'—যেমন : 'তোমার শ্বেতার তো রূপের খ্যাতি হচ্ছে খুব,'
কি 'তোমার শ্বেতা কী-রকম হাসে দেখেছো?' তারপর শুধুই
শ্বেতা। সীতা কিংবা সীতুও নয়, একেবারেই শ্বেতা। মঞ্জু যুদ্ধে
হেরে দেশান্তরী হ'লো, রাজেনবাবু মহৎ যোদ্ধার মতো নিজের
জয় মেনে নিলেন সবিনয়ে।

দেড় বছর পরে আর-একটি মেয়ে যখন জন্মালো, রাজেনবাবু
তক্ষুনি তার নাম দিলেন মহাশ্বেতা। তৃতীয় কণ্ঠাটি অতদিনও

সবুর করলো না; মহাশ্বেতার সঙ্গে মাত্র চোদ্দ মাসের ব্যবধান রেখে শিশিরকণার কোলে এলো সরস্বতী।

‘থাক, থাক, আর সোহাগ ক’রে নাম দিতে হবে না,’ শিশিরকণা ব’লে উঠলেন।

‘নাম তো একটা চাই।’

‘ছাই!’ নিজের অজান্তে শিশিরকণা একটা পদ্ম রচনা ক’বে ফেললেন।

দ্বিতীয়বারে, তাঁর বিশ্বাস ছিলো, ছেলে হবে। তবু মহাশ্বেতাকে সহ্য করেছিলেন ভবিষ্যতের আশায়। কিন্তু এবারেও—! তিন-তিনটে মেয়ে! তাঁর বিরক্তি, তাঁর বিক্ষোভ আর তিনি গোপন রাখতে পারলেন না।

রাজেনবাবু বললেন, ‘কী-সুন্দর চুল হয়েছে সরস্বতীর!’

‘হয়েছে! হয়েছে! যাও এখন—’ ব’লে শিশিরকণা নবজাতাব একমাথা কঁকড়া চুলের দিকে একটু তাকালেন আড়চোখে।

‘কেন, তিনটি সুন্দর-সুন্দর মেয়ে ভালো লাগে না তোমার?’

‘ও! এখনো মেয়ের শখু মেটেনি দেখছি! তোমার জন্মই, তোমার জন্মই তো খালি-খালি মেয়ে হচ্ছে আমার। আর মেয়েব নাম মুখেও এনো না।’

কিন্তু মুখে না-আনলে হবে কী, রাজেনবাবুর মনের এই একটি শখ ভালোরকম মিটিয়ে দিতে ভাগ্যবিধাতার আশ্চর্য তৎপরতা দেখা গেলো। বছর সাতেক চুপচাপ থেকে শিশিরকণা হঠাৎ আবার উঠে-পড়ে লাগলেন। সতেরো বছরের বিবাহিত জীবনে পঞ্চ কণ্ঠার পিচ্ছা হলেন রাজেনবাবু। এক কাঁকে একটি ছেলেও অবশ্য এসে।

গেলো। বোনেদের সঙ্গে তার পার্থক্য একেবারে লাল কালিতে টেনে দিয়ে রাজেনবাবু তার নাম রাখলেন বিজন।

‘সে কী! শিশিরকণার চোখ উঠলো কপালে, ‘মেয়েদের নামের জাঁকজমকে তো পাড়ার লোক অস্থির, আর ছেলেটা বিজন!’

‘পুঙ্খের সাধারণ নামই ভালো। কী হবে না হবে জানি না তো— মিছিমিছি একটা লম্বা-চওড়া নাম দিয়ে—’

‘আব মেয়েরাই-বা তোমার কোন রাজকন্যা?’

‘তা আমার মেয়ে যখন, রাজ-কন্যা তো বলাই যায়।’

‘তাহ’লে ছেলেই বা রাজপুত্র নয় কেন?’

‘তাব’লে বিক্রমাদিত্য তো নাম রাখা যায় না।’

এত কষ্টেব, এত দিনের চেষ্টার একটামাত্র ছেলে—তার সম্বন্ধে স্বামীব এই অবহেলা শিশিরকণার সহ্য হ’লো না; জ্ব’লে উঠে বললেন, ‘মেয়ে-মেয়ে ক’রে তুমি পাগল মেয়েব হাতে তোমার অনেক লাঞ্ছনা আছে ব’লে দিচ্ছি!’

সত্যি, মেয়েদের সম্বন্ধে রাজেনবাবু একটু বেশিই মুগ্ধ। আর কপাল ও তাঁর পাঁচটি মেয়ের যে-কোনোটির দিকে তাকালে চোখ ফেরে না। শিশিরকণা সেকেলে ধবনের সুন্দরী-ফাঁকুরং, টানা-টানা নাক-চোখ, রাজেনবাবুও দেখতে ভালোই; কিন্তু তাই ব’লে এত কপ হবে প্রত্যেকটি মেয়ের, এ-রকম তো কথা ছিলো না। না-ও তো হ’তে পারতো।—আর শুধু কি রূপ!

অবশ্য পাঁচটি মেয়েকে একসঙ্গে বাড়িতে পাওয়া রাজেনবাবুর ভাগ্যে ঘ’টে উঠলো না; খেতার বিয়ে হ’য়ে গেলো স্বাতী

জন্মাবার আগেই। শিশিরকণার বিয়ে হয়েছিলো একটু বেশি বয়সে তাঁর সময়ের পক্ষে বেশি স্পষ্ট মনে পড়ে অবিবাহিত অবস্থায় তিনি সুখী ছিলেন না, বিয়ে হ'য়ে যেন বাঁচলেন। বড়ো মেয়ে পনেরোয় পড়া মাত্র, তাই, তাব বিয়ের জন্য অস্থির হ'য়ে উঠলেন তিনি। রূপের জোরে পাত্র জুটলো মৈমনসিংএর এক ছোটোখাটো জমিদারের পুত্র। ছেলের ফোটোগ্রাফ দেখে শিশিরকণা পছন্দ করলেন; ছেলের বাপ পছন্দ করলেন সশরীরে পাত্রীকে দেখে। বিয়ে হ'য়ে গেলো।

স্বাতী তখন মাতৃগর্ভে সাত মাসের। ঐ অবস্থায় নবজামাতার সামনে লজ্জাই করছিলো শিশিরকণার : কিন্তু উপায় কী।

বিজন জন্মেতে দু-বছর আগে। শুধুই কতগুলো বোনের মধ্যে বড়ো হ'য়ে উঠতে তার ভালো লাগবে না ব'লে সে-ই ডেকে আনছে একটি ভাইকে -মনে-মনে এইরকম যুক্তি প্রয়োগ করেছিলেন শিশিরকণা খাটলো না। আবারও মেয়ে! তেবো বছরের মহাশ্বেতা, বারো বছরের সরস্বতী, আর পাঁচ বছরের শাস্বতী যখন আঁতুড়ঘরের দবজায় ভিড় করলো নেহাংই শোওয়া থেকে উঠতে পারছিলেন না ব'লে, নয়তো ঠিক ওদের গালে ঠাশঠাশ চড় বসিয়ে দিতেন।

রাজেনবাবু বললেন, 'বেশ হ'লো, এক মেয়ে গেলো স্বপ্তরবাড়ি, আরেক মেয়ে এলো।'

শিশিরকণা চোখ বুজে মনে-মনে বললেন, 'হে ঈশ্বর, আর যেন কখনো আমার কিছু না হয়।'

ভাগ্যবিধাতার কানে পৌঁছলো এই প্রার্থনা। কিন্তু একটু

ভুল ক'বে এ-বকম ভুল দেবতাটি প্রায়ই ক'রে থাকেন—কিছুটা বেশিই মঞ্জুর ক'বে ফেললেন তিনি। স্বাতীৰ জন্মেব কয়েক মাস পৰ থেকে একটু-একটু ক'বে বোঝা যেতে লাগলো যে শিশিবকণা শুধু-যে আব নতুন প্রাণ পৃথিবীতে আনতে পাববেন না, তা নয়, তাঁৰ নিজেৰ প্রাণই যেন থবথব কবছে বা'বে পড়াব জগৎ।

মাস কাটলো, বছৰ কাটলো, শবীৰ আব সাৰে না। ডাক্তাবে বিবক্ত হ'য়ে বাজেনবাবু ছুটি নিলেন দু-মাসেব। অনেক খবচ ক'বে মস্ত পৰিবাবটি নিয়ে মিহিজামে এলেন। শিশিবকণা অনেকটা সেবে উঠলেন, কনকাতায় ফিবেও বেশ ভালো থাকলেন কিছুদিন। আবার আন্ত-আন্ত খাবাপ হ'লো আবার শয্যা নিতে হ'লো।

এ-অবস্থাতেই কায়েমি হলেন তিনি। মাঝে-মাঝে ডাক্তাব আসে, চিকিৎসায় উপবাবও হয়, তাবপৰ ডাক্তাব যেই বলে, এইবাব আপনি ঠিক সেবে উঠছেন, তখনই নতুন কোনো উপসৰ্গ দেখা দেয়। মাঝে-মাঝে এমনিতেই বেশ ভালো থাকেন, আবার শুয়ে থাকতে হয় দিন পনেবো। বাজেনবাবু নিয়ম ক'রে বছবে একবাব কলকাতাব বাইবে যেতে লাগলেন সকলকে নিয়ে সমুদ্র, পাহাড়, শুকনো হাওয়া, দুধকুণ্ডেব জল, সবই হ'লো কিস্ত কিসেব কী। হঠাৎ একদিন দেখা যায় শিশিবকণা কিছুই খাচ্ছেন না, কেনন চুপচাপ হ'য়ে আছেন। আবার বিড়ানা।

বিশৃঙ্খলা এলো সংসাবে, অকুলোন ঘটলো। শুয়ে-শুয়ে অসহায় চোখে শিশিবকণা তাকিয়ে ছাখেন চাকবদেব চুৰি, মেয়েদেব অপবায়, ছেলেটাব হতচ্ছাড়া চেহাবা। —সংসাব। দিনে-দিনে

গড়েছেন একে, তিলে-তিলে ভরেছেন, সকল গহ্বর পূর্ণ করেছেন তাঁর শরীর দিয়ে—শরীর ছাড়া আর-কী আছে মেয়েদের ! পুরুষ কত-কিছু পারে তার শক্তি, তার সাহস, তার অর্থ দিয়ে ; মেয়েরা যা পারে শুধু শরীর দিয়েই পারে।—স্বামীর এই আয় আর কবে থেকে ; তাঁরা তো গরিবই ছিলেন, অথচ কখনো এতটুকু অস্বাচ্ছন্দ্য কি ঘটতে দিয়েছেন, কখনো কি ওরা একটা ময়লা জামা পরেছে, না খারাপ খেয়েছে, না কি ওঁকেই কখনো শুনতে হয়েছে যে হাতে টাকা নেই !

ক্ষীণ কণ্ঠ যথাসম্ভব চড়িয়ে তিনি ডাকলেন, ‘মহাশ্বেতা ! সরস্বতী ! মহাশ্বেতা !’—কী-নামই রেখেছে, বাপু ; কোনোরকমে-যে একটু -ছোটো ক’রে নিয়ে ডাকবো, এত বছরের চেষ্টায় তা পারলাম না।

মহাশ্বেতা ঘরে এসে বললো, ‘কেন, মা ?’

‘বিজুটা কী-রকম নোংরা হ’য়ে ঘুবে বেড়াচ্ছে দেখিস না তোরা ! বাথরুমে নিয়ে গিয়ে দে না ওকে একটু পবিত্রাব ক’রে !’

‘বাথরুমে সরস্বতী, মা।’

‘তবে নিচে নিয়ে যা কলতলায়। আলমারি খুলে দাখ তো ওর জামা-কাপড় কী আছে।’

মহাশ্বেতা আলমারি খুলে একটি ভেলভেটের নিকারবোকার বের করলো।

‘—বুদ্ধি তোর ! এই गरমে -! আর এটা ছোটোও হ’য়ে গেছে ওর। একটা শাদা প্যাণ্ট আর একটা গেঞ্জি বের কর।’

কিন্তু খুঁজে খুঁজে গেঞ্জি পাওয়া গেলো না কোথাও। মহাশ্বেতার

মুখ লাল হ'লো, কপাল ঘেমে উঠলো, একটা টানতে গিয়ে তিনটে ফেললো মেঝেতে। শিশিরকণা অনেক ধৈর্য খাটিয়ে বললেন, 'ঐ পপলিনের শার্টটা - আঃ, ভালো ক'রে গুছিয়ে রাখ, আর ঝাঁচলটা তোল না গায়ে !'

ভাইয়ের শার্ট-প্যান্ট নিয়ে মহাশ্বেতা একটু দ্রুত ভঙ্গিতেই বেরিয়ে গেলো। একটু পরেই ফিরে এসে বললো : 'বিজু আসছে না, মা।'

'আসছে না আবার কী ! জোর ক'রে ধ'রে নিয়ে যা।'

'আমি কি ওর সঙ্গে জোবে পারি নাকি ?'

'না, এত বড়ো মেয়ে, ঐটুকু ছেলের সঙ্গে তুমি পারো না !'

'বিজু বড্ড মারে।'

শিশিরকণা হেসে বললেন, 'মার না-খেলে আব দিদি কী ! আর এত বড়ো মস্ত মা-র মতো দিদি !'

ছুই ঠোঁটে একটা বিরক্তির শব্দ ক'বে মহাশ্বেতা মাথা ঝেঁকে উঠলো।

'কিছু বললেই এ-রকম কবিস কেন রে ?'

'আমি পড়বো না ? পবীক্ষা না আমার ?'

মহাশ্বেতার গলা শুনে শিশিরকণা স্তম্ভিত হলেন। মা-র কথার উত্তরে এ-রকম গলা বেব কবা যায়, সেটা কল্পনাতে ছিলো তাঁদের ছেলেবেলায়। চুপ ক'বে একটু তাকিয়ে থেকে বললেন, 'আচ্ছা যা, পড় গিয়ে।'

তক্ষুনি অস্তর্হিত হ'লো মহাশ্বেতা। বাঁচলো যেন।

সেদিনই সন্ধ্যাবেলায় শিশিরকণা স্বামীকে বললেন, 'রাজ-কন্যাদের জন্ম রাজপুত্র খুঁজতে লেগে যাও এবার।'

‘হবে, হবে, তুমি সবে ওঠো তো ।’

‘আমি যা সাববো তা জানি । একসঙ্গেই ব্যবস্থা কবো
তু-জনেব, খবচও বাঁচবে, আমিও বাঁচবো ।’

‘এত ব্যস্ত কী ! ছেলেমানুষ, ম্যাট্ৰিক পাশ ক’বে কলেজে
পড়বে আজকাল তো আব সে-দিন নেই যে ’

‘সে-দিন নেই মানে,’ মৃদু স্ববে কিন্তু খুব স্পষ্ট ক’বে শিশিবকণা
বললেন, ‘মেয়েদেব বিষে হ’তে পাৰছে না, তাই ও নিয়ে কেউ
আব কিছু বলছে না আজকাল । কিন্তু যৌবন তো আব দেবি
ক’বে আসছে না তাই ব’লে ।’

‘ও-বোগেব একমাত্র চিকিৎসা বুঝি বিষে ’ একটু হাসলেন
বাজেনবাবু ।

‘চাট্টা কী ঠিকই তো । তোমাব মেয়েদেব তো আব অগ্গদেব
অবস্থা নয় কপ আছে, ত’বে যাবে ।’

চাট্টাব সুবটা বজায় বেখে বাজেনবাবু বললেন, ‘তা পাণিপ্ৰায়ী
বাজপুত্ৰেবাই আসবে ক-দিন পবে ।’

‘তু-একটি এসে গেছে, মনে হচ্ছে । ও-ঘবে এত হৈ-চে
কিসেব ?’

‘খুব আড্ডা জমিয়েছে ওবা ।’

‘কাৰা ?’

‘কাৰা আবাব । মহাপ্ৰেতা ? সবস্বতী

‘আবো কাব গলা পাচ্ছি যেন ?’

‘ও-তো অকণ ।’

‘অকণ ?’ শিশিবকণা ভুক কুঁচকোলেন ।

‘আহা—অরুণকে ভুলে গেলে?—শ্বেতার দেওর, সেই-ষে ডাক্তারি পড়ে—’

‘অরুণ এসেছে নাকি? কেন?’

‘প্রায়ই আসে তো।’

‘প্রায়ই আসে? আমার সঙ্গে তো দেখা করে না।’

‘তোমাকে আর বিরক্ত করে না; জানে তো, শবীর ভালো নেই।’

‘তোমার সঙ্গে?’

‘আহা—আমার সঙ্গে আবার আলাদা ক’রে দেখা করবে কী। ছেলেমানুষ সবাই, সন্ধ্যাবেলা একসঙ্গে ব’সে গল্প-টল্প করে-
আমি আর ও-ঘরে যাউ-টাই না।’

উচু-করা বালিশের ঢালু থেকে শিশিরকণা টানা-টানা ক্লান্ত দুটি চোখ স্বামীর মুখের উপর স্তব্ধ হ’লো।

‘এতদিন আমাকে বলোনি এ-কথা!’

‘আহা—এ আবার একটা—’

‘তুমি কী!’ শিশিরকণা সোজা হ’য়ে উঠে বসলেন। ‘আমি ম’রে গেলে উপায় হবে কী তোমার?’

‘যত বাজে!’

‘অরুণকে একটু ডেকে দাও আমার কাছে।’

‘পাগল নাকি! কুটুম্ব মানুষ—’

‘তা...’ শিশিরকণা একটু ভাবলেন, ‘শ্বেতার আপন দেওর তো নয়। আর যদি আপনও হ’তো, তাহ’লেও কি—’

‘লক্ষ্মী-তো শিশু, মিছামিছা শরীরটাকে আরো খারাপ কোরো না—ওকে তো দেখেছো সুন্দর ছেলে, খুব ভালো—’

ঝড়ের মতো বরেন্দ্ৰ এসে বাবার কোলে ঝাঁপিয়ে পড়লো পাঁচ বছরের স্বাতী। ‘বাবা, শোনো —’ ব’লেই প্রকাণ্ড কান্না।

‘কী রে, কী?’

কোমরে হাত রেখে বীরের ভঙ্গিতে দাঁড়ানো বিজু পিছন থেকে ব’লে উঠলো, ‘কিছু না, বাবা। ছোড়দি কিনা ওর চকোলেটগুলি দেখতে চেয়েছিলো একটু—’

‘না বাবা,’ চোখের জলে বাপের কোল ভিজিয়ে দিতে-দিতে স্বাতী বললো, ‘না বাবা—কেড়ে নিয়েছে আমারটা—’

‘মিথ্যুক! হিংসুটি!’ দরজার কাছ থেকে বাবড়ি ছলিয়ে চৌচিয়ে উঠলো রঙিন ফ্রক পরা শাশ্বতী। ‘সবটা নিয়ে কেঁদে হাট বাধানো চাই! তোকে তো আর দেয়নি—’

‘তোমাকেই যেন দিয়েছে!’ রোদনের রক্ত-পথে বেরিয়ে এলো স্বাতীর প্রত্যুত্তর।

‘দিয়েছে তো সেজদিকে!’ ঠিক বোঝা গেলো না, বিজু কোন পক্ষের সৈনিক।

বিজুর কথায় শিশিরকণা একটু চমকালেন। বললেন, ‘সেজদিকে একটু ডেকে দিস তো, বিজু।’

‘দাও আমার চকোলেট!’ আনুনাঙ্গিক আর্তস্বর বের করলো স্বাতী।

‘যাঃ! চাই না একটাও! আহ্লাদি মেয়ে!’ শাশ্বতীর লম্বা শাদা হাতটা ঝিলিক দিয়ে উঠলো, আর মেঝের উপর, ঠিক শিশিরকণার পায়ের কাছে ছড়িয়ে পড়লো চিকচিকে ম্যাজেন্টা আর সবুজ আর রূপোলি রাস্তায় মোড়া কয়েকটা চকোলেট। হঠাৎ বিজুর ছোট্ট শরীরে ডিগবাজি খাওয়ার মতো একটা ভঙ্গি হ’লো,

চকিতে সব ক-টা কুড়িয়ে এক লাফে ঘর পার হ'লো সে, শাশ্বতী চীৎকার ক'রে ছুটলো তার পিছনে। স্বাতী অবিশ্রান্তই ঝ-ঝ-ঝ ক'রে কাঁদছে।

রুগ্ন শরীরে গর্জন ক'রে উঠলেন শিশিরকণা : 'স্বাতী, চুপ !'

সঙ্গে-সঙ্গে স্বাতীর গলা আর শোনা গেলো না, কিন্তু কান্না উদ্বেল হ'লো দ্বিগুণ।

'চুপ, থামাও কান্না !'

মেয়েকে কাঁধের উপর ফেলে রাজেনবাবু তাড়াতাড়ি চ'লে এলেন বারান্দায়। পাইচারি করতে-করতে মেয়ের কৌকড়া-কৌকড়া ঘন চুলের মধ্যে আঁস্বে আঙুল চালাতে-চালাতে গুনগুন ক'রে বলতে লাগলেন, 'স্বাতী, আমার স্বাতী-সোনা, আর কাঁদে না। লক্ষ্মী-তো, মণি-তো, আর কাঁদে না।...বাঃ, কী-সুন্দর চোখ, দেখি, দেখি একটু...কী-সুন্দর হাসি !'

সত্যি সুন্দর। সরস্বতীর চেয়েও সুন্দর চুল হয়েছে ওর। স্বাতী—বাড়ির ছোটো-ছোটো মানুষগুলির মধ্যে সবচেয়ে ছোটো, পাঁচটি সুন্দরীর মধ্যে সবচেয়ে সুন্দর, পাঁচটি মধুর নামের মধ্যে সবচেয়ে মধুর নাম। এ-নাম তিনি তো ওর কোনো দিকদিকেও দিতে পারতেন—সরস্বতীকে, কি শাশ্বতীকে—ভাগ্যিশ দেননি, আর কাউকে মানাতো না; নিজেরই অজান্তে এ-নাম তিনি রেখে দিয়েছিলেন সব-শেষের সবচেয়ে ভালোটির জন্ত।

স্বাতী শান্ত হ'লো, স্তব্ধ হ'লো, মাথাটি ভারি হ'লো কাঁধের উপর। আহা, ঘুমিয়ে পড়লো। সারাদিন ছোটোছুটি দাপাদাপি করে—মা-র অসুখে কি আর ছেলেমেয়ের কোনো হাল থাকে !

আমি আর কতটুকু পারি, সারাদিন তো আপিশ, তাছাড়া বাপকে দিয়ে কি হয় এ-সব, হয় সব! একটু বেশি আহ্লাদি হয়েছে মেয়েটা—বড্ড আখুট, জেদ—তা হবে না, জ'ন্মে থেকে ও মা-কে তো পায়ইনি বলতে গেলে। লুটিয়ে-পড়া চুল মুখ থেকে সরিয়ে দিয়ে ভিজ্জে-ভিজ্জে ঠাণ্ডা নরম ঠোঁটের উপর একবার চুমু খেলেন রাজেনবাবু, তারপর আস্তে ঘরে নিয়ে এসে নিজের খাটে শুইয়ে দিলেন।

শিশিরকণা শুয়ে ছিলেন চোখে হাত রেখে আলো আড়াল ক'রে; না-তাকিয়েই বললেন, 'ঘুমিয়ে পড়লো তো? একদিনও ওর খাওয়া হয় না রাত্রে--'

'হুয়েছে হুয়েছে,' রাজেনবাবু তাড়াতাড়ি বললেন, 'আমি ডেকে খাওয়াবো'খন—'

'সারাদিনের খাটুনির পরে এই করো আরকি। ঈশ্বর!'

'তুমি ও-রকম কোরো না তো, শিশু! আমার বেশ ভালোই লাগে এ-সব—'

চোখ থেকে হাত সরিয়ে ঘুমন্ত স্বাতীর দিকে একটু তাকিয়ে শিশিরকণা বললেন : 'এত-যে সোহাগ করলে মেয়েদের নিয়ে—হ'লো কী তাতে? তিনটে টেকি-টেকি মোয়ে যে-বাড়িতে, সেখানে নাকি—তোমার ঐ স্বাতী-সুন্দরীও কি আর ওদেব চেয়ে ভালো হবে!'

'কী-যে বলো তুমি! আমার মেয়েরা মন্দ!—কী রে, সরস্বতী?'

ঘরের মাঝামাঝি জায়গায় দাঁড়িয়ে সরস্বতী বললো, 'কী মা? ডেকেছিলে?'

‘অনেক আগেই ডেকেছিলাম।’

মা-র কথাটার তাৎপর্য বুঝতে পারলো না সরস্বতী, মিষ্টি ক’রে একটু হাসলো।

‘চকোলেট কে দিয়েছে?’

‘অরুণদা তো!’

‘তোকে দিয়েছে?’

‘আগে একদিন মহাশ্বেতাকে দিয়েছিলো কিনা—আজ আমাকে দিয়েছে। তা সকলে মিলেই তো খাই। কী সুন্দর বাস্কেট—দেখবে, মা?’

এক ছুটে সরস্বতী নিয়ে এলো কাচের মতো কাগজে মোড়া মস্ত রঙিন বাস্কেট। মা-র হাতের কাছে বিছানায় রেখে বললো, ‘ছাখো মা—’

শিশিরকণা গম্ভীর স্বরে বললেন, ‘দেখছি তো। কেন দিয়েছে?’

‘কেন মানে?’

‘এ-রকম দেয় বুঝি মাঝে মাঝে?’

‘দিলে কী হয়?’ ‘কী’-টাকে অনেকখানি টানলো সরস্বতী, একটু আতলাদি ধরনে।

সুন্দর, সরল, উজ্জ্বল মুখে এগিয়ে আসছে আশঙ্কার ছায়া, আবার তাকে হঠিয়ে দিচ্ছে আনন্দের অন্ধ বিশ্বাস। সেইদিকে তাকিয়ে-তাকিয়ে শিশিরকণা হঠাৎ কোনো জবাব দিতে পারলেন না, আর সেই সুযোগে রাজেনবাবু বললেন, ‘কিছু হয় না—মা।’

সরস্বতী মা-র দিকে একবার তাকালো।

নিশ্বাস ফেলে শিশিরকণা বললেন, ‘যা। অরুণকে একবার ডেকে দিস আমার কাছে।’

সরস্বতী চ’লে যাওয়ামাত্র রাজেনবাবু ব্যস্তভাবে ব’লে উঠলেন, ‘অরুণকে আবার কেন? এই শরীর তোমার, তার মধ্যে—’

‘চকোলেটের বাস্কেটের অন্তত দশ টাকা দাম হবে, কী বলো?’

‘পাগল! অত কি আর!—আর হ’লেই বা কী—ভালো লাগে ব’লেই তো—’

‘এ-সব ভালো-লাগা ভালো না।’

‘যত তোমার—! ওকে তুমি কিছু ব’লে বোসো না কিন্তু।’

‘তুমি ভেবো না—আমি ঠিক কথাই বলবো।’

শুয়ে-শুয়ে শিশিরকণা বুঝলেন অরুণকে দরজা পর্যন্ত এগিয়ে দিয়ে মহাশ্বেতা আর সরস্বতী বিদায় নিলো। দরজার বাইরে জুতো ছেড়ে অরুণ একটু কুণ্ঠিতভাবে ঘরে ঢুকলো; রোগা, উশকোখুশকো, একটু-যেন দিশেহারা। এগিয়ে এসে অনভ্যস্ত আড়ষ্টভাবে প্রণাম করলো শিশিরকণাকে, গৃহস্বামীকেও করা উচিত কিনা তা-ই বোধহয় ভাবছিলো মনে-মনে, রাজেনবাবু তাকে বিপদ থেকে উদ্ধার করলেন।—‘দাঁড়িয়ে কেন, বোসো। ভালো তো? বাড়ীর সব ভালো?’

চেয়ার উপেক্ষা ক’রে বিছানাতেই বসলো অরুণ, শিশিরকণার পায়ের কাছে। সলজ্জ হেসে বললো, ‘কেমন আছেন, মাসিমা?’

‘আমি তোমার মা’ত্রীমা হই,’ শিশিরকণা বললেন।

‘মা-’ত্রীমা! সে আবার কী? না, না, ওটা বিস্ত্রী, ও আমি ডাকতে পারবো না!’ রীতিমতো কাতর শোনালো অরুণের অনুনয়।

শিশিরকণা হেসে ফেললেন। অরুণ বিজ্ঞভাবে জিগেস করলো,
‘কী-অসুখ আপনার ?’

‘অসুখ কিছু না, ডাক্তারদের বুজরুকি।’

‘নিশ্চয়ই ডাক্তারদের চান্স দেননি ?’ তক্ষুনি প্রতিবাদ করলো
ভাবী ডাক্তার।

‘তুমি ডাক্তার হ’লে আমাকে সারাতে পারতে বইকি। কিন্তু
তুমি যদিও ডাক্তার হবে তদ্দিনে হয় অসুখ থাকবে না, নয়
‘আমি থাকবো না।’

শিশিরকণার দিকে এক পলক তাকিয়ে বড়োসড়ো ডাক্তারি
ধরনেই সাস্থনা দিলো অরুণ : ‘আমি-তো তেমন-কোনো অসুখ
দেখছি না আপনার।’

শিশিরকণা বললেন, ‘তোমাকে দেখেই ক’মে গেলো-যে
অসুখ। ভালো ডাক্তার তুমি।’

আরো দু-চারটে কথার পর অরুণ বিদায় নিলো। যে-সব
কথা শিশিরকণা বলবেন ভেবেছিলেন, কিছুই তার বলা হ’লো না,
বলতে পারলেন না।—বাজে—! কিন্তু বাজে কেন ? ছেলেটি
ভালোই, কিন্তু বিপদ যারা ঘটায় তারা কি সকলেই মন্দ
লোক ?

শরীরটা নিতান্তই অবসন্ন না-লাগলে শিশিরকণা মাঝে-মাঝে
ডেকে পাঠাতে লাগলেন অরুণকে। কেমন-একটা অশ্রুমনস্ক
এলোমেলো ভাব ছেলেটির, অথচ কথাবার্তায় বেশ সপ্রতিভ, হঠাৎ
না-জেনে এক-একটা মজার কথা ব’লে ফেলে। শিশিরকণা লক্ষ্য
করলেন যে সে-সময়ে মেয়েরা কেউ আসে না ঘরে, শাস্ত্রতী পর্যন্ত

কেমন এড়িয়ে-এড়িয়ে চলে—নিশ্চয়ই দিদি ছু-জনেরই অনুকরণে । কোনো-কোনোদিন ইচ্ছে ক’রে, এবং নিজের শরীরের উপর অনেকটাই জ্বরদস্তি ক’রে, অরুণকে ঘণ্টাখানেকও আটকে রাখেন—কিন্তু যুবকটি একটুও চঞ্চল হয় না, কোনো লক্ষণেই এমন বোঝা যায় না যে তার মন অন্য কোথাও প’ড়ে আছে । মনের অনেক তলায়, অন্ধকার অপ্রকাশিত অংশে ছেলেটার জন্য একটু-একটু দুঃখও হ’লো শিশিরকণার : মেয়ের কাছে পৌঁছবার আশায় ওকে কতই-না পূজো দিতে হচ্ছে মা-ব বিমর্ষ বোগশযায় ।

আর-একজন সঙ্গী অবশ্য জুটেছিলো । মা-র ঘরে অকণদাব সাড়া যেই পাওয়া, তক্ষুনি ছুটে আসা চাই স্বাভাবিক । এসেই মেঝেতে চিৎ হ’য়ে, পড়তে নেগে যাবে কোনো ছেড়াখোঁড়া ‘হিজিবিজি’ কি ‘রাঙা ছবি’ ; নয়তো দিদিদের কোনো পবিত্যক্ত খাতার কোনো-একটি শাদা কাগজে, ভাঙা পেনসিলে বার-বার জিত ঠেকিয়ে, অত্যন্ত মন দিয়ে ছবি আঁকবে উপুড় হ’য়ে । অরুণ যদি তার দিকে একবার তাকিয়ে বললো, ‘কী, ছবি আঁকা হচ্ছে ?’ তাহ’লে আর কথা নেই, খাতার উপর বুক পেতে লজ্জায় মূর্ছা গেলো । ‘দেখি না, দেখি না একটু !’ অল্প-একটু সাধ্য-সাধনার পরেই স্বাভাবিক মুখ তুলে বললো, ‘না—বিশ্রী হয়েছে !’ কিন্তু তক্ষুনি খাতাটি নিয়ে এসে দাঁড়ালো অরুণদার পিছনে । অরুণ

খাতার দিকে তাকিয়ে বললো, ‘তুমি কোনটা এঁকেছো?’ ‘এই তো!’
 ‘ও মা, এটা তোমার আঁকা! আমি ভাবছিলাম তোমার
 দিদিদের বুঝি! সত্যি তুমি এঁকেছো? এই কলাগাছ, নদী,
 সূর্য—সব? বাঃ, কী সুন্দর!’ ‘মোটোও না! মোটোও না!’
 কৌকড়া চুল নেচে উঠলো স্বাতীর মাথায়, ছোট্ট সূঠাম শরীরটিতে
 নানাবকম ভঙ্গি দেউ উঠলো; অকণের মুখের দিকে একটু
 তাকিয়ে থেকে বললো, ‘সত্যি ভালো হয়েছে?’

‘ভালো মানে? এ-বকম আঁকতে পাবে নাকি কলকাতার
 শহবে আর-কোনো পাঁচ বছরের মেয়ে!’

‘আব-কোনো শহবে পাবে?’

‘তা তো জানি না,’ অকণ অবিচল গাম্ভীর্যে উত্তর দিলো।
 ‘বিলেতে-টিলেতে পাবে বোধহয়।’

বিলেতটা এত দূবে যে সেখানে তার সমকক্ষের সম্ভাবনা
 স্বাতী হাসিমুখেই মেনে নিলো। তাব এব পবের প্রশ্ন হ’লো :
 ‘অরুণদা, তেঁতুল গাছ কী-বকম?’

‘তেঁতুল গাছ?’

‘এই কলাগাছের পাশে একটা তেঁতুল গাছ আঁকবো, কিন্তু
 তেঁতুল গাছ কী-রকম কিছুতেই মনে করতে পারছি না। মা,
 আমি তেঁতুল গাছ দেখেছি?’

‘তোমার বকবকানি থামা তো রে একটু!’

এর চেয়ে মৌল্যেয় কোনো উত্তর মা-র কাছে আশা করা
 স্বাতী ছেড়ে দিয়েছে অনেক দিন। মুখ একটুও মলিন না-ক’রে
 আবার বললো, ‘অরুণদা, বলো না তেঁতুলগাছ কী-রকম।’

অরুণ হেসে বললো, ‘আমিও ঠিক মনে করতে পারছি না এখন—কাল বলবো তোমাকে।’

পরের দিন অরুণ নিয়ে এলো কুচকুচে কালো পেণ্টিংবক্স আর মস্ত ড্রয়িংখাতা। হাতে পেয়ে বিদ্যুৎ খেলে গেলো স্বাতীর চোখে-মুখে। ‘মেজদি—সেজদি—ছোড়দি—’ চীৎকার ক’রে বিদ্যুতের মতোই সে ছুটে গেলো।

এ-সুযোগ শিশিরকণা হারালেন না। একটু তীক্ষ্ণ সুরেই বললেন, ‘এ কী অন্ডায় তোমার!’

‘অন্ডায়? অন্ডায় আমি কী করলাম?’ ব্যাকুল জিজ্ঞাসা অরুণের।

‘মিছিমিছি টাকা নষ্ট!’

‘নষ্ট কেন? বাচ্চার তো সব খেলাই ভেঙে ফেলে; তাই ব’লে কি টাকা নষ্ট হয়?’

‘শোনো, অরুণ, তোমাকে একটা কথা বলি। তুমি বাড়ির ছেলের মতো—আসো, যাও, সে বেশ ‘কথা—কিন্তু তুমি উপহার কিনে-কিনে এত টাকা খরচ করো সেটা আমার ভালো লাগে না।’

অরুণের নিচু-করা মাথার দিকে তাকিয়ে শিশিরকণা বুঝলেন যে তার কাছে এটা একেবারে অপ্রত্যাশিত, বজ্রপাতের মতো। নির্ভুর, নিশ্চয়ই; তবু না-ব’লে পারলেন না—‘টাকা যদি তোমার এতই বেশি হ’য়ে থাকে, সংসারে গরিব-ছঃখীরও কি অভাব! কয়েকটা অপরিণত মেয়ের উচ্ছৃঙ্খলতাকে প্রশ্রয় দিয়ে লাভ কী। বয়স অনুপাতে তোমাকে খুব বুদ্ধিমান মনে হয়, আমার কথা তুমি বুঝবে নিশ্চয়ই?’

অরুণ মুখ তুলতে পারলো না অনেকক্ষণ। উঠে দাঁড়ালো যখন, সে-মুখ দেখে শিশিরকণার কণ্টক হ'লো।

খানিক পরে মহাশ্বেতা এসে বললো, 'মা, অরুণদা কোথায়?'

'চ'লে গেলো তো এইমাত্র।'

'চ'লে গেলো! কী মুশকিল—এখন আমি এই অঙ্কটা বুঝে নিই কার কাছে!'

দু-দিন, চার দিন, সাত দিন কেটে গেলো—অরুণ আর আসে না। বিকেলবেলা আস্তে-আস্তে উঠে মেয়েদের ঘরে এলেন শিশিরকণা। তাঁকে প্রথম দেখতে পেলো স্বাতী। 'মা! মা এসেছে! কী মজা—!' ছুটে গিয়ে সে জড়িয়ে ধরলো মা-কে, মেয়ের আদরের ধাক্কা সহিতে না-পেরে মা এলিয়ে পড়লেন পাশাপাশি পাতা তিনটি খাটের প্রথমটিতে।

এক লাফে পাশে শুয়ে পড়লো স্বাতী। গলা জড়িয়ে ধ'রে মুখে মুখ ঘ'ষে বলতে লাগলো: 'মা, তুমি তবে ভালো হ'য়ে গেছো?...মা, আজ একটু বেড়াতে যাবে আমাকে নিয়ে?...মা, চলো না!'

শাস্ত্রতীও এসে বসলো বিছানায়, মা-র কপালের একটি চুল দু-আঙুলে লম্বা ক'রে টেনে বললো, 'ঈশ, মা! কত দিন পরে তুমি এলে এ-ঘরে!'

বড়ো দুই মেয়ে এসে কাছে দাঁড়ালো। পশ্চিমের ঘর, রোদ্দুর এসেছে লম্বা-লম্বা ফালিতে, হাওয়া দিচ্ছে ঝিরিঝিরি। মুহূর্তের জন্য শিশিরকণার মনে হ'লো তিনি সত্যিই মেরে গেছেন।

‘যাবে না, মা, বেড়াতে ?’ ঈষৎ নাকি সুর স্বাতীর ।

—এই ছোটোটাকে কিছুই করতে পারলাম না ! মা-র আকাক্ষা মিটলো না ওর ।

‘যাবে না ?’ দ্বিগুণ হ’লো আনুনাসিকতা ।

‘আমি কি হাঁটতে পারি রে !’

‘তবে ট্যাক্সিতে চলো । রিকশাতে চলো ।’

‘আজ থাক—আর-একদিন—’

‘যেদিনই তোমাকে বলি—আজ থাক—আজ থাক !’ মা-র গলা ছেড়ে দিয়ে স্বাতী বিছানায় গড়ালো একটু । ‘হুচ্ছাই—কিছু ভাল্ লাগে না—অরুণদা এলেও একটু গল্প-টল্প করতে পারতুম !’

শাশ্বতী হেসে উঠলো কথা শুনে ।

‘সত্যি রে ! অকণ যেন আসে না ক-দিন । কেন ?’ ব’লে শিশিরকণা মহাশ্বেতার মুখে চোখ রাখলেন ।

মহাশ্বেতা লালও হ’লো না, চোখও নামালো না, চুলেব বিনুনি করতে-করতে উদাসভাবে বললো, ‘কী জানি !’

‘রাগ-টাগ করেনি তো ?’ শিশিরকণা চোখ সরালেন সবস্বতীব মুখে ।

‘বোধহয়’, সরস্বতী হাসলো । ‘সেদিন স্বাতী যা চুল ধ’রে টেনেছিলো—উরেব্-বাপ !’

‘মোটেও না ! মোটেও চুল ধ’রে টানিনি আমি !’

‘বাঃ, টানলি না !’ জোগান দিলো শাশ্বতী । ‘টানতে-টানতে কদাফাই ক’রে দিলি !’

‘টেনেছি তো টেনেছি—বেশ করেছি ! তোমাদের তো আর

পেক্টিংবক্স দেয়নি—আমাকেই তো দিয়েছে !’ ঝুপ ক’রে খাট থেকে নেমে শাস্ত্রীর পড়ার টেবিলের তলা থেকে তার পেক্টিংবক্স বের ক’রে নিয়ে সগর্বে বেরিয়ে গেলো স্বাতী ।

‘সুন্দর হাঁটে মেয়েটা,’ অনেকটা নিজের মনেই শিশিরকণা বললেন ।

‘জানো মা,’ শাস্ত্রী ব’লে উঠলো, ‘ও নাচতে পারে । কত নাচে আমাদের সামনে—আয়নাব সামনে দাঁড়িয়ে একা-একাও নাচে । একদিন দেখবে, মা, ওর নাচ ?’ শাস্ত্রী ছ-হাতে মা-র একটি হাতে চাপ দিলো ।

‘খাক, আর নেচে কাজ নেই,’ শাস্ত্রীর উৎসাহে ঠাণ্ডা জল ঢেলে দিয়ে শিশিরকণা আস্তে-আস্তে উঠলেন । তিন বোন সাজগোজ ক’রে বেরিয়ে গেলো বেড়াতে ; ওদের কলকল কথা সিঁড়ির শেষ ধাপটি পর্যন্ত শুনতে পেলেন তিনি । ওরা হাসছে, বেড়াচ্ছে, সন্ধেবেলা নিজেরাই আড্ডা জমাচ্ছে যথারীতি ; একটুও তো আঁচড় পড়েনি ওদের মনে । আজকালকার মেয়েগুলো কী ? নির্বোধ ? না হৃদয়হীন ? না কপটতায় ওস্তাদ ?

অরুণের না-আসাটা ছোট্ট একটি কাঁটার মতো বিঁধে রইলো শিশিরকণার মনে ।

আরো দিন দুই পরে অরুণ এলো । সোজা শিশিরকণার কাছে এসে সলজ্জভাবে বললো, ‘কলেজ ছুটি হ’লো : দেশে যাচ্ছি কাল ।’

মুখের দিকে একটু তাকিয়ে শিশিরকণা বললেন, ‘এ-ক’দিন যে আসোনি ?’

‘ছুটির আগে অনেক কাজ শেষ করতে হ’লো,’ খুব সহজভাবে উত্তর দিলো অরুণ ।

‘ভালো আছে তো?’

‘ভালো আছি, মাসিমা।—এই যে, স্বাতী। কী-খবর?’

স্বাতী বেগে ছুটে আসছিলো, মাঝপথে থমকে দাঁড়িয়ে শরীর মোচড়াতে লাগলো।

‘এসো, এসো, লজ্জা কী। এ-ক’দিন না-দেখেই লজ্জা? তাহ’লে ছুটির পরে এলে তো চিনতেই পারবে না।’

স্বাতী একটু কাছে আসতেই অরুণ এক হাত বাড়িয়ে তাকে জড়িয়ে ধরলো, আর সঙ্গে-সঙ্গে বিহ্বল হ’য়ে গা এলিয়ে দিলো সে। আরেক হাতে তার চুলে আদর করতে-কবতে অরুণ কানে-কানে বললো, ‘ক-টা ছবি আঁকলে?’

ঠিক তেমনি গোপন, অন্তরঙ্গ সুরে স্বাতী খুব নিচু গলায় জবাব দিলো, ‘অনেক।’

‘দেখাবে না আমাকে?’

স্বাতী মাথা নাড়লো।

‘নিয়ে’সো খাতাটা।’

স্বাতী ছুটলো।

শিশিরকণা একটু হেসে বললেন: ‘এখানে তোমাকে পেলে স্বাতীটা আর ছাড়তে চায় না। দিদিদের মহলে বিশেষ পান্ডা পায় না তো বেচারী।’

‘বলেন কী, মাসিমা! ওকে পান্ডা না-দিয়ে সাধ্যি আছে কারো!’

‘মাথার চুলস্বন্ধু উপড়ে নেয়, কী বলো?...স্বাতী, লক্ষ্মী মা ও-ঘরেই যাও, অরুণদাকে ছবি দেখাও ব’সে-ব’সে। বেশি

চাঁচামেচি কোরো না, আমার মাথা ধরেছে বড্ড।... আর অরুণ, রাত্তিরে একেবারে খেয়েই যেয়ো এখান থেকে—কেমন ?’

সে-রাত্রেই শিশিরকণা স্বামীকে বললেন : ‘তুমি-তো পারলে না, এদিকে আমি ঘরে বসেই মেয়ের পাত্র ঠিক করলাম।’

শোবার আগের ওষুধ ঢালতে-ঢালতে রাজেনবাবু বললেন, ‘তোমার সঙ্গে আমার তুলনা !’

‘অরুণ সুপাত্র, সন্দেহ কী। চেনাশোনা ব’লেই-তো মন খুঁতখুঁত করে—তা না-হ’লে কি এতদিন ভাবতুম ! কিন্তু আমি ভাবছি—’

এই যে, ওষুধ।’

বহুদিনের অভ্যস্ত নিপুণতায় ওষুধটা একেবারে গেলাশ থেকেই কণ্ঠনালীতে চালান ক’বে দিলেন শিশিরকণা।—‘ভাবছি—’ওর কাকে পছন্দ। মহাশ্বেতাকে, না সরস্বতীকে।’

‘বোধহয় দু-জনকেই,’ জলের গেলাশ এগিয়ে দিয়ে রাজেনবাবু বললেন। ‘মনস্থির করতে পারছে না।’

একটা অদ্ভুত মুখভঙ্গি ক’রে শিশিরকণা ব’লে উঠলেন, ‘ভালো মেয়ের বাপ !’

‘তুমিই মনস্থির করো এব হ’য়ে।’

‘মনস্থির আবার কী। বড়োর আগে তো আর ছোটোর হ’তে পারে না। তা আর-একটি পাত্রের খোঁজ করো তুমি। আর কালই চিঠি লেখো অরুণের বাপকে।’

‘শিশু, এত তোমার তাড়া কেন। মহাশ্বেতার তো আব ক-মাস পরেই ম্যাট্রিক—এত খেটে-খুটে পবীক্ষাটা দিতে পারবে না !’

‘কেন, বিয়ের পরেও তো কত মেয়ে পরীক্ষা দেয়।’

‘তা কি আর হ’য়ে ওঠে সব সময়।’

‘না-হয় না-ই হ’লো। মেয়েদের জীবনে বিয়েই আসল।’

একটু কাছে ঘেষে বসলেন রাজেনবাবু, একটু চুপ ক’রে থেকে বললেন, ‘সত্যি-তো তু-জনেই খুব ছেলেমানুষ এখনো—থাক না আর কয়েকটা দিন—চ’লে তো যাবেই।’

স্বামীর মুখের দিকে তাকিয়ে রইলেন শিশিরকণা।

‘কী বলো?’

শিশিরকণা আস্তে-আস্তে বললেন, ‘সবই বুঝি আমি, কিন্তু—না, তুমি অমত কোরো না। বোঝো না, কবে ম’রে যাই—’

রাজেনবাবু তাঁর কুড়ি বছরের সঙ্গিনীকে দু-হাতে জাপটে ধরলেন। ‘ঈশ, মরো তো! মরা অত সোজা!’—কিন্তু চিঠি লিখে দিলেন পরের দিনই।

জবাব এলো চটপট। অরুণের বাপ জানিয়েছেন যে রাজেনবাবুর সঙ্গে বৈবাহিক সম্বন্ধস্থাপন তাঁদের পরিবারে একবার যখন সুখের হয়েছে, তখন আর-একবারও হবে আশা করা যায়। তবে তাঁর পুত্রের ইচ্ছা যে তৃতীয় কন্যাটির সঙ্গেই—

‘কেমন!’ ব’লে উঠলেন শিশিরকণা।

রাজেনবাবু বললেন, ‘আশ্চর্য! অরুণের এতটা—’ এতটা কী, তা আর বললেন না।

পাত্রীরা কিছুই জানলো না, ভূগোল, জ্যামিতি আর মাসিকপত্রের গল্প পড়তে লাগলো নিশ্চিন্ত মনে; এদিকে আর-একটি পাত্রের সঙ্কানে রাজেনবাবু চর লাগিয়ে দিলেন দিগ্বিদিকে।

রেঙ্গুনের হেম্বাঙ্গ বর্ধনকেই শিশিরকণা পছন্দ করলেন।

লোহালকড়ের ব্যবসা তার, ধনী, ছোটো অবস্থা থেকে নিজের চেষ্টায় উঠেছে। বিয়ে করবার সময় হয়নি এতদিন : এবার এসেছে কলকাতায় বৌ নিয়ে ফিরবে ব'লে। বয়স একটু বেশি—তা তো হবেই।

ছটি বন্ধু নিয়ে নিজেই পাত্রী দেখতে এলেন বর্ধন। মাত্র আগের দিন খবরটা দেয়া হয়েছিলো মহাশ্বেতাকে; অনেক চ্যাচামেচি কান্নাকাটি করলো সে—আমি কি অদ্ভুত একটা জন্তু যে লোকের কাছে দেখানো হবে, আমি কি একটা পুতুল যে সাজিয়ে রাখবে দোকানে—কিন্তু শেষ পর্যন্ত আশমানি রঙের একটা মূর্শিদাবাদ শাড়ির উপর লম্বা চুল ছেড়ে দিয়ে আলতা-পরা টুকটুকে পায়ে যথাসময়ে সভাস্থলে এসে দাঁড়ালো লক্ষ্মী মেয়েটি। সরস্বতীকে ঘরের ভিতর লুকিয়ে রাখা হ'লো, পাছে দিদির রূপকে সে নিশ্চিন্ত ক'রে দেয়, আর বর্ধনও অরুণের মতেই মত দিয়ে ফেলে।

চাঁচাছোলা পাংলাঠাঁট ঘাড়ছাঁটা চেহারা, কিন্তু মুখের কোথায় যেন খুব-একটা ভালোমানুষিও আছে। বর্ধন প্রায় সমস্ত সময় মাথা নিচু ক'রেই থাকলো, কথাবার্তাও বিশেষ বললো না; কিন্তু পরের দিন খবর পাঠালো যে অজ্ঞানের প্রথমেই বিয়ে হওয়া চাই।

'বলিনি আমি তোমাকে!' স্ত্রীর মুখে এ-রকম হাসি অনেকদিন চাখেননি রাজেনবাবু। 'তোমার রূপসী মেয়েদের আবার ভাবনা! আর কী, লেগে যাও কাজে, একসঙ্গে ছোটো বিয়ে তো হাল্কা কাম না!'

একসঙ্গে ছোটো বিয়ে! একসঙ্গে চ'লে যাবে ছ-জন! হঠাৎ কেমন ফাঁকা-ফাঁকা লাগলো রাজেনবাবুর বুকের ভিতরটা।

সন্ধেবেলা শাশ্বতী বললো স্বাতীকে, 'জানিস, যে-একজন কাল এসেছিলো না, তার সঙ্গে মেজদির বিয়ে, আর অরুণদার সঙ্গে সৈজদির।'

স্কিপিং রোপটা ছ-হাতে ধ'রে মাথার কাছে তুলতে গিয়ে স্বাতী থেমে গেলো।—'মোটাই না!'

'মোটাই না কী রে?'

'অরুণদার সঙ্গে সৈজদির মোটাই বিয়ে না!'

'নিশ্চয়ই!' রেগে উঠলো শাশ্বতী। 'আচ্ছা, বাজি রাখ। বেট!'

ছ-বার দড়ি-লাফ দিয়ে, হাত দিয়ে কপালের চুল সরিয়ে, ঠোঁট বঁকিয়ে ব'লে উঠলো স্বাতী : 'অরুণদাকে তো আমি বিয়ে করবো : জানো কী!'

হাসতে-হাসতে, হাতে তালি দিতে-দিতে শাশ্বতী চৈচিয়ে উঠলো : 'এ মা! এ মা! স্বাতী অরুণদাকে বিয়ে করবে! ব'লে দেবো! ব'লে দেবো সব্বাইকে!'

স্কিপিং রোপ ফেলে দিয়ে, ছুটি হাত টান ক'রে ছ-দিকে ঝুলিয়ে, স্বাতী স্থির হ'য়ে দাঁড়ালো। চকচকে চোখে তাকিয়ে বললো : 'করবোই তো, নিশ্চয়ই করবো!'

'এ মা! এ মা! কী বলে স্বাতী! ও মেজদি, ও সৈজদি, শুনেছো?'

'এত হাসির কথা কী?' বেতের মতো সোজা দাঁড়িয়ে

জিগেস করলো পাঁচ বছরের স্বাতী। তার ভাব-ভঙ্গি দেখে মুখে
আঁচল চেপে লুটিয়ে পড়লো বড়ো দুই দিদি।

‘হাসছো কেন তোমরা ?’

‘না, হাসবে না ! ক্যাবলা কোথাকার !’

ফুলকি ছড়ালো স্বাতীর দুই চোখ, বড়ো-বড়ো নিশ্বাস পড়লো,
বেড়ালের মতো ফুলে-ফুলে উঠলো ঘাড়, তারপর হঠাৎ তার
ডান হাতটি উঠে এলো যেন খাপ থেকে তলোয়ার। ঠাশ ক’রে
এক চড় বসিয়ে দিলো তার চেয়ে এক মাথা লম্বা, পাঁচ বছরের
বড়ো শাস্বতীর গালে।

শাস্বতী ছাড়লো না, উপযুক্ত উত্তর দিলো। তুমুল লেগে
গেলো দুই বোনে।

বাথরুম থেকে বেরিয়ে বারান্দা দিয়ে যেতে-যেতে রাজেনবাবু
শুনলেন চ্যাচামেচি। তাড়াতাড়ি ঘরে ঢুকে জ্বাখেন, একেবারে
রোলারলি কাণ্ড। শাস্বতী দাঁড়িয়ে আছে উশকোখুশকো চুলে
দেয়ালে ঠেশ দিয়ে, স্বাতী লাফিয়ে উঠে-উঠে তাকে মারছে, আর
বড়ো দুই বোন হেসে গড়িয়ে পড়ছে এ ওর গায়ে, আর মাঝে-
মাঝে চেষ্টা করছে ওঁদের ছাড়াতে।

‘কী হয়েছে রে ?’

বাবাকে দেখে বড়ো দু-জন হাসতে-হাসতে মুখ ঢেকে ফেললো।

‘হয়েছে কী ?’

‘জ্বাখো বাবা,’ শাস্বতী আরম্ভ করলো, ‘স্বাতী বলছিলো—’

‘বলেছি তো বলেছি !’ ঘামে, রাগে, চোখের জলে গনগনে
গরম-লাল ময়লা-কালো মুচড়োনো মুখে গ’র্জে উঠলো স্বাতী।

‘বেশ করেছি! নিশ্চয়ই আমি অরুণদাকে বিয়ে করবো—
হ্যাঁ, করবোই তো—তোমার তাতে কী!’

রাজেনবাবু তাকালেন এক মেয়ের মুখ থেকে আরেক মেয়ের মুখে।
মহাশ্বেতা হাসি বন্ধ ক’রে বললো, ‘শাস্বতী হেসেছিলো,
সেইজন—’

রাজেনবাবু গম্ভীরভাবে বললেন, ‘সত্যি-তো, হাসবার কী আছে
এতে। ‘শাস্বতী, যা, মুখ-চোখ ধুয়ে ফ্যাল।’

‘আমাকে-যে মাবলো, তুমি কিছু বললে না,’ বাবা?’

‘আহা, তুমিও যেন মারোনি! যা, আর ঝগড়া করতে হবে না।
মা-র অসুখ না?’ এগিয়ে এসে ডাকলেন, ‘স্বাতী।’

‘বাবা!’ স্বাতী নতুন ক’রে আকুল হ’লো কান্নায়।

‘শোন,’ ব’লে রাজেনবাবু যেই হাত বাড়ালেন, অমনি স্বাতী
ছিটকে দূরে গিয়ে উপুড় হ’য়ে লুটিয়ে পড়লো মেঝেতে—রাজেনবাবুব
মনে হ’লো, ঠিক যেন নাটকের নায়িক অর্ছিত হ’য়ে পড়লেন রঙ্গমঞ্চে।

রাজেনবাবু নিচু হ’য়ে তার মাথায় হাত রাখলেন। কান্নার
মধ্যে ফুঁশে উঠে স্বাতী বললো, ‘করবো তো! নিশ্চয়ই করবো!
তাতে কার কী?’

রাজেনবাবু তাকে মেঝে থেকে তুলে শুইয়ে দিলেন মহাশ্বেতার
বিছানায়। বালিশে মুখ চেপে সে এমন ক’রে কাঁদতে লাগলো যেন
এক টুকরো বরফের মতো গ’লে মিলিয়ে যাবে।

‘স্বাতী! আমার স্বাতী-সোনা!’

‘বাবা!’ হাত বাড়িয়ে বাবার হাত আঁকড়ে ধরলো স্বাতী।
রাজেনবাবু চুপ ক’রে পাশে ব’সে রইলেন। কী-রকম পাগলাটে হ’লো

মেয়েটা—একেশ্বরে অবুঝ, না কি বড় বেশি বোঝে?—অত বড়ো-বড়ো দিদিদের সঙ্গে প্রচণ্ড রেষারেশি, ছোটো ব'লে একটু কম নেবে না কোনো জিনিষ; নিজের চেষ্টায় পড়তে লিখতে শিখে ফেললো শুধু শাস্ত্রতীর হিংসের; দিদির বন্ধুদের নাম ধ'রে ডাকবে; বরং একা থাকবে, কিন্তু সমবয়সী কোনো মেয়ের সঙ্গে খেলবে না; যখন যেটা চাই, খুন হ'য়ে যাবে তক্ষুনি সেটা না-পেলে। এত মরজি তার মেনে চলবে কে, এত জেদ রাখবার জায়গা কোথায় পৃথিবীতে? ভাবতে গেলে সত্যি-তো তার দোষ অনেক।...দোষ? এটুকু তো মানুষ। চূলে ভরা তার মাথাটির দিকে তাকিয়ে রইলেন রাজেনবাবু। এত লাভ্য আর কার মুখে? আর কার চোখের তাকানো এত সুন্দর? রাক্তিরে যে গলা জড়িয়ে ধ'রে ঘুমোয়, ঘুমের মধ্যে-যে 'বাবা' ব'লে ডেকে ওঠে, এই-তো সে—তার দোষ! তীব্র অভিমান, আত্মসম্মান; ভালোবাসায় ভ'রে দিতে হবে ওকে, মা-র প্রয়োজন ওরই ছিলো সবচেয়ে বেশি।...হে ঈশ্বর, এমনি বিছানায় শুয়ে-শুয়ে যদি জীবন কেটে যায় তাও যাক, তবু ওর মাকে তুমি বাঁচিয়ে রাখো, বাঁচিয়ে রেখো।

আর বেশিদিন তিনি টিকবেন না, এ-রকম একটা ভয় মাঝে-মাঝেই রাজেনবাবুর হ'তো, কিন্তু শিশিরকণা ধিকিয়ে-ধিকিয়ে আরো কয়েক বছরই বেঁচে রইলেন। বড়ো কষ্ট পেয়ে গেলেন শেষের ক-মাস।

স্বাতীর বয়স তখন দশ-পেরোনো। এগারোর দেরি আছে, কিন্তু দেখায় তেরো। মাথায় সে শাস্ত্রতীকে প্রায় ধ'রে ফেলেছে, দৈহিক বিকাশও চোখে পড়ে—এমনকি, চোখে ঠেকে। সেই যেদিন

অরুণদাকে বিয়ে করবে ব'লে কঁদেছিলো, সেদিন থেকে কনিষ্ঠাব
জন্ম উদ্ভবের অন্ত ছিলো না শিশিরকণার। মেয়ে কিছুতেই শাড়ি
পরবে না, মা-ও ছাড়বেন না, জোর ক'রে পরিয়ে দিতেন নিজের
ভালো-ভালো শাড়ি, কিন্তু আধ ঘণ্টার মধ্যেই আবার স্বাতীকে দেখা
যেতো নির্লজ্জ ফ্রক প'রে ঘুরে বেড়াচ্ছে। অনুরোধ, ক্রোধ,
নতুন-নতুন শাড়ির প্রলোভন, কিছুতেই যখন ফল হ'লো না, তখন
ঐ মুমূষু শরীরে উঠে ব'সে শিশিরকণা কল চালিয়ে শেলাই করলেন
মেয়ের জন্ম যৌবন-আবরণী অন্তর্বাস ; রাজেনবাবুকে তাড়া দিয়ে-দিয়ে
আনাতে লাগলেন লম্বা-লম্বা ফ্রক—আরো, আরো লম্বা—যে-কোনো
ফ্রক স্বাতীর ছোটো হ'য়ে যায় দেখতে-দেখতে, এদিকে তার
মাপের ফ্রক কিনতে পাওয়াও দুর্ঘট হ'য়ে উঠলো—শেষটায়
কি মেমসাহেবদের গাউন কিনতে হবে ! জীবনের একেবারে শেষ
মাসটির আগে পর্যন্ত স্বাতীকে বসতে, শুতে, চলতে, বলতে শেখাতে
গিয়ে শিশিরকণা তাঁর আয়ুর স্বল্প সম্বলের অনেকটাই খরচ ক'রে
ফেলেছিলেন ; শেষটা একটু হঠাৎ হ'লো বোধহয় সেইজন্মই।

তিনটি বিবাহিত মেয়ে তাদের তিনজন স্বামী আর গোনা-
গুনতিতে পাঁচটি (কেননা সকলকে আনা হয়নি) ছেলেমেয়ে নিয়ে
একে-একে বিদায় নিলো শ্রাদ্ধের পরে। রাজেনবাবু চুপ ক'রে
বারান্দায় এসে বসলেন।...তাহ'লে অণ্ড এক জীবন আরম্ভ হ'লো।
যখন বিয়ে করেছিলেন, যখন বেলেঘাটার আঠারো টাকা ভাড়ার
বাড়িতে শিশু এসে উঠেছিলো, তখন যে-জীবন আরম্ভ হয়েছিলো,
তা তো অনেকদিনই চুকেছে, এতদিন তবু জীবন্ত একটা চিহ্ন ছিলো
তার, তাও মুছে গেলো। বেলেঘাটা থেকে শাঁখারিপাড়ার দোতলায়

ট ঘর, তারপর হাজরা রোডের দক্ষিণমুখো ফ্ল্যাট—কী ধোঁয়া
তো শীতকালে !—তারপর, এই তো সেদিন, যতীন দাস রোডের
ই সত্তর টাকা ভাড়ার আস্ত দোতলা বাড়ি। শ্বেতা এলো ছেলে
'তে। লেক পর্যন্ত খোলা ছিলো তখন, ঝড়ের মতো হাওয়া
ত্র মাসে, কিন্তু রাতে শিশু কাঁদতো মশার যন্ত্রণায়।

‘বাবা !’

‘স্বাতী !...খেয়েছিস তোরা ?’

‘খেয়েছি।’

‘বিজু ?’

‘ঘুমিয়ে পড়েছে। ছোড়দিও।’

‘তুই একা জেগে আছিস ? শুবি না ?’

‘তুমি চলো, বাবা।’

বাজেনবাবু উঠলেন। বারান্দার অন্ধকার থেকে আলোতে
এসে একটু হাসির ধরনে বললেন, ‘স্বাতী, শাড়ি যে ?’

‘ই্যা বাবা, এখন থেকে শাড়িই পরবো।’

কিন্তু শাড়িটা রপ্ত করতে আরো অনেকদিন লেগে গেলো স্বাতীর। শাড়ি প'রে ইশকুলে সে যেতেই পারে না, বন্ধুদের সামনে বেরোতেও লজ্জা করে। তাহ'লে আর কতটুকু সময় বাকি রইলো। কোনো ছুটির দিনে বাথরুম থেকে শাড়ি প'রেই বেরিয়ে আসে গম্ভীরভাবে, কিন্তু ভাত-টাত খেয়ে মেঝেতে যখন উপুড় হ'য়ে শুয়ে পড়ে গল্পের বই নিয়ে, আর পড়তে-পড়তে আস্থে-আস্থে পায়ের আঙুল ঘষে মেঝেতে, শাড়ি তখন শাড়ির মনে হাঁটুতে ওঠে, আর শাস্ত্রী শাসন করে, 'স্বাতী, পা-টা ঢাক।'

এক পায়ের দু-আঙুলের সাহায্যে আর-এক পায়ের শাড়ি নামিয়ে দিয়ে স্বাতী আরো গম্ভীর ডুব দিলো বইতে।

—‘কী খালি-মেঝেটার উপর গড়াচ্ছিস! ছোটো আছিস নাকি এখনো?’

ঠিক যেন মা, স্বাতীর মনে হ'লো। মুখে বললো, ‘কেন, গড়ালে কী হয়?’

‘হবে আবার কী! মেঝেটা নোংরা না?’

‘বেশ পরিষ্কার তো—’

‘ওঠ! উঠে বোস চেয়ারে! না-হয় খাটেই শো।’

শাস্ত্রী কয়েক মাস আগে কলেজে ভরতি হয়েছে। বেশ পাকাপোক্ত যুবতীর মতো তার চাল-চলন। স্বাতীর খুব ইচ্ছে করে ছোড়দির মতো হ'তে, কিন্তু ছোড়দির কয়েকটা অভ্যাস তার

একেবারে পছন্দ না : যেমন, বাড়িতে সারাক্ষণ স্ত্রীগুল প'রে থাকা, বাস্তবে শোবার আগে নিয়ম ক'রে চুল বাঁধা—ইত্যাদি।

একটি পায়ের উঁচু-করা গোড়ালির উপর আরেকটি পায়ের বুড়ো আঙুল গুস্ত ক'বে সে বললো, 'ননা। এ-ই ভালো।'।

'বিস্ত্রী স্বভাব—!' আর কথা না-ব'লে শাশ্বতী তার অত্যন্ত পরিপাটি ক'বে গুছোনো পড়ার টেবিলে এসে খুলে বসলো পেনসিল হাতে নিয়ে ইনডক্টিভ লজিক, স্বাতীর তুলনায় অনেকটা উঁচু দরের জীব মনে হ'লো নিজেকে। একটু পরে ছোট্ট হাই তুলে পাঠ্যবই মুড়ে রাখলো, আর তুলে নিলো বন্ধুর কাছে দু-দিনের কড়াবে ধার-কবা হাল আমলের বাংলা নভেল। বইখানা কোলের উপর খুলে টেবিলে মাথা ঠেকিয়ে চোখ নিচু করলো, তারপর কেমন ক'বে বেলা কেটে গেলো বুঝলো না।

এমন সময় বিজু এসে ডাকলো, 'ছোড়দি।'

'উ।'

'ও ছোড়দি।'

'আঃ!'' ধনিটা বিরক্তির নয়, ন্যায়িকার প্রতি অনুকম্পার নিশ্বাস। এ-রকম সময়ে কি বই থেকে চোখ তোলা যায় ?

'শোনো না—'

'বল না!'

হু-পা এগিয়ে এসে বিজু বললো, 'ছোড়দি, শুভ্রবাবু এসেছেন।' এমন সুরে বললো যেন মস্ত একটা খবর দিচ্ছে।

'শুভ্রবাবু ? সে আবার কে ?'

'ও মা !' হাফ-প্যান্ট-পরা ঈষৎ-সোঁফ-ওঠা বিজু কপালে চোখ

তুললো। তারপর, যদিও চীৎকার ক'রে বললেও আগন্তুক ভদ্রলোকের শোনবার সম্ভাবনা ছিলো না, তবু খুব নিচু গলায় বললো, 'শুভ্রবাবু! সেই-যে সরস্বতীপুজোর সময় তিনকোণা পার্কে গান করলেন! মনে নেই তোমার?'

‘তা—হয়েছে কী?’

অসহিষ্ণু বিজু মেঝেতে একবার পা ঠুকে বললো, ‘কী-যে তুমি, ছোড়দি! শুভ্রবাবু—কত জায়গায় তিনি গান করেন আজকাল—এই-তো কয়েকটা বাড়ি পরেই থাকেন—’

‘ও, শুবু!’ ঘরের অন্য কোণ থেকে হঠাৎ ব'লে উঠলো স্বাতী। ‘শুবুকে তো সেদিনও দেখেছি গোল-গোল চশমা প'রে এক পাঁজা বই ঘাড়ে ক'রে ইশকুলে যেতে! এব মধ্যো গাইয়ে হ'য়ে উঠেছে! আবার শুভ্র-বাবু!’

স্বাতীর দিকে কটমট ক'রে তাকিয়ে বিজু বললো, ‘তুই দেখেছিস, না? তোর চেয়ে কত বড়ো, জানিস?’

শাস্বতী তাড়াতাড়ি মধ্যস্থ হ'য়ে বললো, ‘তা বেশ তো—এসেছে কেন?’

‘আমি ধ'রে নিয়ে এলাম রাস্তা থেকে’, বিজু সগর্বে খবর দিলো। ‘জানো ছোড়দি, শুভ্রবাবু আমাকে গান শেখাতে রাজি হয়েছেন।’

‘তোকে আর গান শিখতে হবে না, দাদা’, স্বাতী ফশ ক'রে বললো, ‘এমনিই তোর গলা দিয়ে সাত সুর বেরোচ্ছে আজকাল।’

‘স্বাতী!’ চীৎকার করতে গিয়ে সত্যিই তিন-চার রকম আওয়াজ দাঙ্গা বাধিয়ে দিলো বিজুর গলায়। আর-কোনো প্রতিবাদের চেষ্টা সে করলো না; ঘুরে দাঁড়ালো মুঢ় মেয়েলি স্পর্ধার দিকে পিঠ

ফিরিয়ে এমন একটা ভঙ্গিতে, যেন অগ্রজের গৌরবের আর সমস্ত পুরুষ জাতির গাঙ্গীর্ষের বর্তমানে সে-ই একমাত্র প্রতিনিধি।—তা কথটা এমন মিথ্যেই বা কী।

চাপা গলায় ব্যস্তভাবে যে-খবরটা জানালো সেটা অবশ্য জানা কথাই : ‘ছোড়দি, শুভ্রবাবু ব’সে আছেন নিচে !’

‘ব’সে আছেন তো আমি কী করবো ?’

‘তুমি একবার যাবে না ?’

‘যাঃ !’

বিজুব মুখ কালি হ’লো। তার এমন যোগ্য কলেজে-পড়া দিদি, দিদির জ্ঞাত শুভ্রবাবুর চোখে কত বেড়ে যেতো তার সম্মান !

‘তুই ডেকে এনেছিস—তুই যা, গল্প কর গিয়ে।’

নিশ্চয়ই!—কিন্তু শুভ্রবাবু কি সুখী হবেন শুধু তার সঙ্গে গল্প ক’বে ? বাড়ির লোকদের সঙ্গে আলাপ না-হ’লে আব বাড়িতে আসা কেন ?

‘আচ্ছা।—একটু চা পাঠিয়ে দিয়ো, কেমন ?’

সন্ধেবেলা আরজি পেশ করলো বিজু : ‘বাবা, আমি গান শিখবো।’

‘গান শিখবি ?’ রাজেনবাবু একটু চুপ করলেন। যৌবনে তাঁরও ছিলো গানের নেশা। কলকাতার মল্লিক, বড়াল, দেবেদের বাড়ির দরোয়ানদের অপমান সহ্য ক’রে কত শুনেছেন বড়ো-বড়ো ওস্তাদ, বাইজিদের গান—কোনো বাড়িতে একান্তই যখন ঢুকতে পারেননি, ফুটপাতে দাঁড়িয়ে থেকেছেন একটু ভেসে-আসা স্রবেষ প্রার্থনায়।...কিন্তু গানের জগৎটা ভালো না, পদ্মের পথে এত কাদা যে পদ্মের আকাঙ্ক্ষাই ম’রে যায় অনেকের।...তাছাড়া তেমন গান কি আর আছে দেশে।

বললেন, ‘বড়ো শক্ত রে। ও নিয়েই পড়ে থাকতে হয় দিনরাত।’
 ‘না তো! সপ্তাহে ছ-ঘণ্টা রেওয়াজ করলেই মডার্ন শেখা যায়,’ বিজু তার মনোনীত সংগীত-শিক্ষকের মত উদ্ধৃত করলো।

‘মডার্ন কী?’

‘মডার্ন জানো না, বাবা?’ শাস্তী ভাইয়ের সাহায্যে এলো,
 ‘রেডিও শোনো না কখনো? আধুনিক গান।’

‘ও! নাকি কান্না আবার শিখতে হয় নাকি?’

বাবার এ-কথা শুনে বিজু পালালো, শাস্তী গম্ভীর হ’লো,
 কিন্তু স্বাতী লুটিয়ে পড়লো হেসে।

বিজু ধ’রে পড়লো শাস্তীকে।—‘ছোড়দি, লক্ষ্মী-তো, বাবাকে
 ভালো ক’রে বলো। আমি কথা দিয়েছি শুভ্রবাবুকে—এখন যদি
 না হয়, ওঁর কাছে আর মুখ দেখাতে পারবো না।’

শাস্তী হেসে বললো, ‘তুই কথা দিয়েছিস কী রে! পুঁচকে
 ছেলে!’

অপমান লাগলো বিজুর, কিন্তু সেটা চেপে গিয়ে অনুনয় করলো
 —‘না দিদি, না! তুমি ইচ্ছে করলেই হ’য়ে যায়!’

শেষের এই কথাটা মন্দ লাগলো না শাস্তীর। কতৃৎসর সুরে
 বললো, ‘আচ্ছা, শিখতে থাক তো। শেষ পর্যন্ত কোনোটাতেই
 তো অমত করেন না বাবা।’

তা-ই হ’লো। সপ্তাহে ছ-দিন আসতে লাগলেন শুভ্রবাবু। বিজু
 হার্মোনিঅম টিপে-টিপে তার চোদ্দ বছরের মোটা গলায় রজনীগন্ধাকে
 ঝাঁক-ঝাঁক প্রাণ কর্তে লাগলো সে আজ রাত ক’রে ফুটলো কেন?
 এটাই রজনীগন্ধার স্বভাব ব’লে এর কোনো উত্তর সম্ভব নয়, আর

বোধহয় সেইজন্মই প্রশ্নটি করতে হ'লো বার-বার, বড়ই বার-বার।
শুভ্রবাবু না-এলেও মাঝে-মাঝে নিচের ঘর থেকে শোনা যায় বিজুব
গীতাভ্যাস।

‘বিজু দেখছি গাইয়ে হবেই’, রাজেনবাবু মন্তব্য করলেন একদিন।
শাস্ত্রী তাড়াতাড়ি ভাইকে আশ্রয় দিলো : ‘ওকে কিছু
বোলো না, বাবা।’

‘মাস্টারটি কে?’

‘কে একজন শুভ্রবাবু—’

‘তা বিজুর কী হবে গান শিখে? তোরা শিখলেই পারিস।’

‘আমি না!’ স্বাতী ব'লে উঠলো। ‘বাবাঃ! যা বিব্রী
দেখায় দাদাটাকে!’

‘তুই?’ বাপ তাকালেন শাস্ত্রীর দিকে।

‘ঐ শুভ্রর কাছে শিখবে কী!’ সঙ্গে-সঙ্গে স্বাতীর জবাব। ‘ও
নিজে গাইতে শিখলো কবে যে অন্তকে শেখাবে?’

‘অসম্ভব মেয়ে!’ শাস্ত্রী আস্তে-আস্তে চ'লে গেলো সেখান থেকে।

বিজু মাথা খেয়ে ফেলতে লাগলো এই ব'লে যে বাড়িতে একদিন
শুভ্রদার গান হোক।—‘আমি যদি বলি না, তাহ'লে নিশ্চয়ই
একদিন সময় ক'রে—’

‘থাম-ছো চালিয়াৎ!’ শাস্ত্রী হাসলো। ‘তোরা শুভ্রদার
আবার সময়ের অভাব! বাড়ি-বাড়ি সেধে-সেধে গেয়ে বেড়ানোই
তো তাঁর কাজ।’

‘জানো তুমি!’ বিজু মুখ লাল ক'রে বললো, ‘কত নেমন্তন্ন
ফিরিয়ে দেন, জানো?’

‘তাহ’লে আর নেমস্তন্ন ক’রে কী হবে।’

‘না, না!’ বিজু ডবল উৎসাহে বললো, ‘আমি বললে নিশ্চয়ই গাইবেন এসে। যত শুনতে চাও।’

শাস্ত্রতীর মনে হলো ছাত্রের চাইতে শিক্ষকের উৎসাহ কিছু কম না। আর ভদ্রলোক যখন এত ক’রে শোনাতেই চাচ্ছেন, তখন নিরাশ করা কি উচিত?

রাজেনবাবু সায় দিলেন সানন্দে। কতদিনের মধ্যে কোনো কোলাহল নেই বাড়িতে—শান্ত, ঝিমোনা, চুপচাপ—কত ক’মে গেছে বাড়ির লোক; যে-তিনজন আছে তারাও এতটা বড়ো হয়েছে যে নিজেদের মধ্যে তেমন টগবগে ঝগড়াও আর করে না। ছেলেমানুষ, মাঝে-মাঝে একটু আনন্দ-উৎসব না-হ’লে চলবে কেন?—বেশ!

একটু লোকজন না-হ’লে গান জমে না, শাস্ত্রতী বললো দু-চারজনকে। শুভ্রবাবুও সাড়ম্বরে এলেন। সঙ্গে তাঁব নিজের হার্মোনিঅম, বাঁয়া-তবলা, তবলচি, আর জন তিনেক বন্ধু—বন্ধু মানে পরীক্ষিত ও প্রতিশ্রুত ভক্ত। নিচেব ছোটো ঘরটি বেশ ভরা-ভবাই দেখালো। হার্মোনিঅমে সুর দিয়ে শুভ্র একবার শ্রোতাদের দিকে তাকালো; শাস্ত্রতীর কিউটিকুরা পাউডর দু-হাতে মাখিয়ে নিয়ে আস্তিন গুটিয়ে প্রস্তুত হ’লো তবলচি। আর গোছা-গোছা পানের রূপোলি তবক পাখার হাওয়ায় কেঁপে-কেঁপে চিকচিক করতে লাগলো খুব যেন খুশি হ’য়ে।

রাজেনবাবুও এসে বসেছিলেন—শুধুই ছেলেমেয়ের মন-রক্ষার জ্ঞান নয়। কিন্তু প্রথম গানটি হ’য়ে যেতেই আস্তে উঠে উপরে চ’লে গেলেন। ছি, একে এরা গান বলে! হচ্ছে কী দিন-দিন!

ভেবেছিলেন চুপে-চুপেই উঠে আসতে পেরেছেন, কিন্তু গাইয়ের চোখ এড়ালো না। তবে বেচারী-চেহারার প্রৌঢ় ভদ্রলোকের অনুপস্থিতিতে শুভ্র মুষড়ে পড়লো না ; হার্মোনিঅম নিয়ে দু-চার মিনিট কসরৎ করতে-করতে হঠাৎ দ্বিতীয় গানটি ধরলো।

লম্বা ছাঁদের মুখ, চুল পিছনে ওপ্টানো, ছোট্ট সরু একটু গোঁফও রেখেছে আবার। যে-ছেলেকে সে দেখেছে বই ঘাড়ে ক'রে স্কুলে যেতে, তার সঙ্গে একে ঠিক মেলাতে পারলো না স্বাতী। মানুষের ছেলেবেলাটা কোথায় প'ড়ে থাকে, বলো তো ? হঠাৎ কি ছেলে-মানুষটা মিলিয়ে যায় হাওয়ার মধ্যে, বড়ো একজন তার জায়গায় এসে দাঁড়ায় ? আমার এ-আমিটার কী হবে ক-বছর পরে ? ছোড়দির মতো হবো, তারপর মা যেমন ছিলেন সেইরকম—এখন যা আছি তা তো বেশ লাগছে আমার, তবে কেন এটাকে ছাড়তে হবে ? ইশকুলে-যাওয়া শুবুটু মন্দ ছিলো না ; হঠাৎ গোঁফ গজিয়ে শুভ্রবাবু হ'য়ে হার্মোনিঅম বাজিয়ে গান ক'বে লাভটা তার কী হচ্ছে ?

শুভ্রকে মোটে ভালো লাগছিলো না স্বাতীর। এক লাইনের অর্ধেক গেয়ে, প্রশংসাব জ্ঞাত তাকায় চারদিকে, তারপর বাকি অর্ধেক গায়, বন্ধু তিনজন সাজোরে মাথা নাড়ে ; কেমন-একরকম গোল-গোল চোখে তবলচির দিকে তাকিয়ে হার্মোনিঅমের রীডে তিন আঙুলে বাড়ি মেরে-মেরে তাল বুঝিয়ে দেয় ; মাঝে-মাঝে বেলো ছেড়ে দিয়ে বাঁ হাতটি উপরে তুলে হা-হা ক'রে ওঠে এমনভাবে যেন পাশের লোকের গায়ে ঢ'লে প'ড়ে যাবে—গান গাইতে হ'লে এ-রকম করতে হয় নাকি ? ছোটো-ছোটো হাসির বুড়বুড়ি

উঠছিলো স্বাতীর গলায়, কিন্তু আব-কারো মুখে সে-রকম কোনো লক্ষণ সে দেখতে পেলো না, সকলেই গম্ভীর হ'য়ে শুনছে, বেশ ভালোই লাগছে যেন। স্বাতীও চেষ্টা কবলো নিজেকে গুটিয়ে নিতে, শুভ্রকে চোখ দিয়ে না-দেখে কান দিয়ে তার গান শুনতে।

পব-পর তিনটি গান গেয়ে শুভ্র থামলো। রুমালে মুখ মুছে বললো, 'এবার আপনারা কেউ—'

'আপনার পবে কে স্মার গাইবে এখানে', ব'লে উঠলো শাস্বতীর এক কলেজ-বন্ধুর দাদা, নিরুজ্জও পড়ুয়া, বর্তমানে বোনের এসকর্ট।

কথাটা অমান্বিকস্তঃ ঃ মেনে নিয়ে শুভ্র জবাব দিলো, 'তাতে কী। কেউ কিছু স্বর্কন।'

ঘরের মধ্যে একটা নড়াচড়া ঠেলাঠেলিব ঢেউ উঠলো। চশমার আড়াল থেকে শুভ্রর চোখ একটু ঘুবে-ঘুবে বেড়ালো, তারপব স্থিব হ'লো স্বাতীর মুখের উপর।—'তুমি একটা গাও না।'

স্বাতী মাথা নেড়ে বললো, 'না।'

ঈনা কেন? গাও!' শুভ্র উৎসাহ দিলো।°

'পারি না।'

'তোমাকে দেখে কিন্তু মনে হয় পারো', ফুটফুটে বাচ্চা মেয়েটির সঙ্গে একটু কৌতুক করলো শুভ্র।

হঠাৎ চোখ তুলে স্বাতী বললো : 'দেখে তো এ-রকম উন্টোউন্টি কতই মনে হয়।

হু-একজন হেসে উঠলো কথা শুনে। শুভ্র নিজেও হাসলো ; সেই হাসির রেশটাই টেনে রেখে ঘুখখানা বেশ মোলায়েম ক'রে নিয়ে চোখ ফেরালো শাস্বতীর দিকে।—'আপনি?'

‘না—না !’ শাস্ত্রীর ভাবটা এইরকম যেন কেউ তাকে পেরেক খেতে বলেছে, কি ভাঙা কাচ, কি পাথরের কুচি ।

বিজু চৈচিয়ে উঠলো কোণ থেকে : ‘বলুন, ছোড়দিকে ভালো ক’রে বলুন । ছোড়দি নিশ্চয়ই গাইবে ।’

ছুটলো বিছাতের মতো দৃষ্টি বিজুব দিকে ; সে-দৃষ্টি কাবো-কারো মনে হ’লো পার্থিব বমণীয়তাব পরম উদাহরণ ।

‘একটা গান কবতে খুব কি কষ্ট হবে আপনার ?’ মিনতি করলো শুভ্র ।

‘গাও না, শাস্ত্রী’, পিছন থেকে জোগান দিলো কলেজের বান্ধবীটি ।

‘একটা !’ শুভ্র তিন বন্ধুব একজনের নিবেদন ।

‘আপনার গান শুনবো ব’লে কতদিন ধ’বে মনে-মনে আমাব ইচ্ছা ।’ আবো একটু সাহস কবলো শুভ্র ।

গাইতে হ’লো শাস্ত্রীকে । দ্বিধা-ভবা গলায় একবার ফুর আর দু-বার কথা ভুল ক’রে ‘একটি’ ববীন্দ্র-সংগীত । শেষ হওয়া মাত্র বাহবাব বব যা উঠলো তাতে ছোটো-ছোটো পোকার মতো ফোঁটা-ফোঁটা ঘাম নামলো শাস্ত্রীর মেকদণ্ড বেয়ে ।

শুভ্র আসন নিলো আবাব , একটি, আব-একটি, তারপর সকলের উপবোধে আরো একটি গোয়ে শেষ ক’রে দিল । তাবপব শিঙাড়া, সন্দেশ, গল্প, চা, পান । বেশ ভালো লাগলো সকলেবই ।

সকলে চ’লে যেতেই বিজু আনন্দে একবার গড়িয়ে উঠলো পাতা ফরাশে । ‘কী গ্র্যাণ্ড হ’লো, ছোড়দি ! উঃ, ওআগুরফুল !’

দেয়ালের সঙ্গে ঠেকানো সোফায় ব’সে জানলা-বাইরের টুকরো

কালো আকাশের দিকে তাকিয়ে ছিলো স্বাতী, মুখ না-ফিরিয়েই বললো, ‘ওআণ্ডরফুল বানান কর তো !’

‘তুই চুপ কর। তোর সঙ্গে কথা বলছি না আমি।’

‘মন্দ না ভদ্রলোকের গান’, শাস্ত্রী সাস্ত্রনা দিলো ভাইকে।

‘মন্দ না ! হুঁঃ—বলো কী !...আর কী-রকম প্রশংসা করলেন তোমার গানের। রাস্তায় আমাকে কী বললেন, জানো ? বললেন, তোমার ছোড়দি যদি ভালো ক’রে একটু মন দেন গানে—’

‘থাম, থাম’, আবার বললো স্বাতী। ‘যেমন বাজে তুই, তেমনি বাজে লোকের সঙ্গে তোর ভাব !’

‘কী !’ বিজু লম্বা দিয়ে এসে খপ ক’রে চেপে ধরলো স্বাতীর চুল।

‘ঠিক ! পান খেয়ে ঠিক একটা বখার মতোই দেখাচ্ছে’, ব’লে স্বাতী মাথার এক ঝাঁকানিতে চুল ছাড়িয়ে নিয়ে আস্তে-আস্তে উঠে গেলো ঘর থেকে।

বিজু রাগ ক’রে কথা বন্ধ করলো স্বাতীর সঙ্গে, আর সেটা জানাবার জন্য তার গা ঘেঁষে দুমদাম ক’রে চ’লে যেতে লাগলো নাক উচু ক’রে। আর সকালে-বিকালে তার গানের রেওয়াজ পাল্লা দিতে লাগলো রেডিওর সঙ্গে। এটাও স্বাতীর উপর প্রতিশোধ।

কিন্তু শ্রেষ্ঠ প্রতিশোধ ঘটিয়ে দিলো স্বাতী নিজেই। হঠাৎ একদিন বিজু শুনলো স্নানের পরে বেরিয়ে আসতে-আসতে স্বাতী গুনগুন করছে সেই নীল সাগরের গান, শুভ্রদা সেদিন যেটা সবশেষে গেয়েছিলেন। প্রতিজ্ঞা ভুলে’ গিয়ে সে বললো : ‘স্বাতী ! তবে ?’

স্বাতী চোখ দিয়ে একটু হাসলো, গুনগুনানি থামালো না।

‘বাঃ ! সুন্দর বসেছে রে তোর গলায় !’ মুহূর্তে সমস্ত শত্রুতা ভুলে গেলো বিজু, বোনের গলা জড়িয়ে বললো, ‘আয় না একটু। আয় আমরা একসঙ্গে গাই বাজনার সঙ্গে।’

‘বাঃ !’

‘লক্ষ্মী-তো, আয় !—ঈশ, স্বাতী, তুই যদি একটু সিরিআসলি—’
‘তুই আর ইংরিজি বলিস না তো, দাদা !’

বিজু রাগলো না, বরং আরো গ’লে গিয়ে বললো : ‘সত্যি স্বাতী, সত্যি !—আচ্ছা আমি গাইবো না, তুই-ই ভালো ক’রে গা, আমি শুনি।’

কিন্তু স্বাতী ব’সে গেলো তার স্কুলের পড়া নিয়ে। বিজু একটু ঘুরঘুর করলো, তারপর আর টিকতে না-পেরে নিজেই ছুটে গেলো হার্মোনিঅমের কাছে ; সারাটা সকাল হাবুড়বু খেতে লাগলো নীল সাগরের তরঙ্গে।

‘বিজুটার পড়াশুনো শুলে হয়’, আপিশ যাবার মুখে কাদো-কাদো হার্মোনিঅমটা আর যেন সহ হ’লো না রাজেনবাবুর।

‘ওর খুব মাথা, বাবা,’ শাস্ত্রী তাড়াতাড়ি বললো।

‘তবে আর ভাবনা কী। তুই-ই তো পড়াতে পারিস ওকে।’

স্পষ্ট দ’মে গেলো মেধাবী ভাইকে নিয়ে শাস্ত্রীর উৎসাহ।
‘বই নিয়ে বসতেই চায় না’, তাকে স্বীকার করতে হ’লো।

‘হার্মোনিঅমের দেবীও কি সরস্বতী ?’ ব’লে রাজেনবাবু আরেকটি পান মুখে দিয়ে আন্তে-আন্তে রওনা হলেন।

—আশ্চর্য ! আর মাসখানেকের মধ্যেই দেখা গেলো—মানে শোনা গেলো—হার্মোনিঅম আর হাঁ করে না। এত বড়ো একটা

ঘটনা চৰ্ত ক'ৰে বিশ্বাস কৰা যায় না, আৰু সে-বিশ্বাসেৰ সময় হ'ব
আগেই হঠাৎ এক সন্ধ্যায় নিচৰ ঘৰ খেকে কেঁপে-কেঁপে উঠে এলো
আৰু-একটি আৰ্তস্বৰ, হাৰ্মোনিঅমেৰ চেয়ে অমেক বেশি কান্না-
পাওয়া, গায়ে-কাঁটা-দেওয়া, দাঁতে-দাঁত-লাগানো। আপিশ-ফেবৎ
শৰীৰটাকে বান্ধায় পাটিৰ উপৰ এলিয়ে দিয়েছিলেৰ ৰাজেনবাবু,
একটু চমকে উঠেই বললেন, 'এ আবার কী ?' তাৰপৰি নিজেই
নিজৰ প্ৰশ্নেৰ জবাব দিলেন :

'বেহালা। বিজু বেহালা শিখছে ?'

'কী জানি। জানি না তো,' বললো শাস্বতী।

'বা ছোড়দি !' স্বাতী ব'লে উঠলো, 'সেদিন স্কোমলবাবুকে
দেখলে না বেহালা হাতে নিয়ে আসতে ?'

'কী জানি ! ও-সব তুই-ই দেখিস !' খোঁপায় একবার হাত
দিয়ে শাস্বতী বললো।

'শুভ্ৰ বন্ধু স্কোমল ! সেই-যে তোমাৰ গান শুনে বলেছিলো—'

'আচ্ছা থামি ! বড়ো-বড়ো মানুষদেৰ আৰু নাম নিয়ে বলতে
হবে না তোকে।'

ৰাত্ৰে খেতে ব'সে ৰাজেনবাবু বললেন, 'বিজু, আবার বেহালা
কেম ?'

মধুৰ একটু হেসে বিজু জবাব দিলো, 'গান আমাৰ হবে না, বাবা।'

'একটাত্তে যখন হ'লো না, আৰু-একটাত্তে বুঝি হবেই ?'

'বেহালাটা আমি পাৰবো', বিজু নিশ্চিন্ত।

ৰাজেনবাবু তাত্তেৰ খালাব দিকে তাকিয়ে বললেন, 'একটু যদি
পড়িম-টড়িম—'

উৎসাহে মাথা নেড়ে বিজু জবাব দিলো, ‘সে আমি ঠিক ক’রে নেবো—তুমি কিছু ভেবো না, বাবা।’

একটু চুপ ক’রে থেকে রাজেনবাবু আবার বললেন, ‘বেহালা পেলি কোথায়?’

মুখ-চোখ উজ্জ্বল হ’লো বিজুর।—‘স্বকোমলদাই এনে দিয়েছেন একটা, চল্লিশ টাকা দাম। একসঙ্গে দিতে হবে না—মাসে পাঁচটা ক’রে টাকা দিয়ে, কেমন বাবা?’ ব’লে বিজু তাকালো বাবার নিচু-করা মুখের দিকে। বেহালার মতো একটা সৌভাগ্যের অধিকারী হওয়া যায় মাসে মাত্র পাঁচ টাকা খরচে—তবু বাবা সুখী নন। কী যে—!

বেহালার তারে জং ধরলো বেহালার দাম পুরো শোধ হবার আগেই। অবশ্য গান-বাজনার আবহাওয়াটা রইলো বাড়িতে : স্বকোমল আসে মাঝে-মাঝে, শুভ্রও আসে, আসে শাস্ত্রীর সেই বন্ধু আর তার দাদা, পড়শিনিদের মধ্যে কেউ-কেউ। শাস্ত্রীর বন্ধু অনেক, বন্ধুতারই বয়স তার এখন, থাকেও অনেকে কাছাকাছি ; দোতলার ঘরে শাস্ত্রীর সভা যখন বসেছে সন্ধ্যাবেলায়, ঠিক সেই সময়ে বিজু জড়ো করেছে নিচের ঘরে তার সাংগীতিক অগ্রজদের ; হাসির ঢেউ গড়িয়ে যায় উপর থেকে নিচে, গানের কলি উড়াল দেয় নিচে থেকে উপরে। দোতলা মাঝে-মাঝে উতলা হয়, একতলা ঘন-ঘন নিশ্বাস ফেলে ; আর লাফিয়ে-লাফিয়ে পারাপার করে বীর বিজন। তারপর, ঠিক বোঝা গেলো না কেমন ক’রে হ’লো, নিশ্চয়ই বিজুরই চেফটাতে—কবে উঠলো স্বাধীনতার সিঁড়ি, উড়লো সাম্যের নিশান, আর মৈত্রীর তো

এমনিডেই অভাব ছিলো না। এক-একদিন সন্ধ্যাবেলা রাজেনবাবু যখন ক্লাস্ত পায় ফেরেন, বাড়িতে পা দেয়ামাত্র তাঁকে অভ্যর্থনা করে নিচের ঘর থেকে ছেলেবয়সের কলোচ্ছ্বাস।

ব্যাপারটা মন্দ লাগলো না স্বাতীর। সে-যে গান ভালোবাসে, সে-কথা এতদিনে বুঝলো নিজের মনে। আসরে গাইবার সময় শুভ্রকে বড়ো বোকা-বোকা লাগে, কিন্তু ব'সে-ব'সে গুনগুন করে যখন—ভালোই তো। স্নানের সময়, কিংবা ঘরে যখন একা থাকে, অন্তত দাদার শুনে ফেলবার সম্ভাবনা থাকে না, তখন সে-ও গুনগুন করে—কথা বাদ দিয়ে কেবল সুর। গানটাকে শুধুই গুনগুনানি মনে হয় তার—হার্মোনিঅম, তবলা, আলো, লোকজন—কিছুই যেন মেলে না তার সঙ্গে, শুধু একটা গুনগুনানি, যেমন পাতা কেঁপে ওঠে হাওয়ায়, যেমন সুরে-সুরে দেখি চাঁদ তাকিয়ে আছে মুখের দিকে—সেই চুপচাপ তাকিয়ে-থাকাটা যদি কোনোরকমে কানে শুনতে পেতুম! এমন গান কি জানে কেউ? না, কেউ জানে না; তবু যারাই গান গায়, ঐ-গানই মনে-মনে ভাবে, যারাই শোনে ঐ গানই শুনতে চেষ্টা করে মনে-মনে।

‘চুপ ক’রে যদি গান গাওয়া যেতো’, মনের কথাটা ব্যক্ত না-ক’রে পারলো না স্বাতী, ‘তাই’লে বেশ-হতো; না, ছোড়দি?’

‘সে আবার কী!’ জবাব দিলো আঠারো-ধরো-ধরো যুবতী।

‘আচ্ছা ছোড়দি, রেলগাড়িতে যেতে-যেতে কখনো তোমার মনে হয়নি আকাশ ভ’রে কে যেন গান করছে?’

‘ও!’ শাশ্রুতী হাসলো। ‘রেলগাড়ির আওয়াজ দিয়ে যা খুশি তা-ই বলানো যায়, গাওয়ানো যায়—কে না জানে?’

‘না, আমি তা বলিনি—’ থাক, আর বলবে না। রেলগাড়ির চাকা যতই চ্যাচাক, কিছুতেই পারে না সেই গানকে চাপা দিতে, আকাশের গান, স্পষ্ট কানে শুনেছে সে, মাইলের পর মাইল, স্টেশনের পর স্টেশনের ঝলসানি পার হ’তে-হ’তে। কিন্তু যেই কোনো বড়ো স্টেশনে গাড়ি ঢুকলো, উঠলো মানুষের রোল—আর শোনা যায় না। রেলগাড়িতে চড়ে তো সকলেই, আর-কেউ শোনেনি ?

সন্ধ্যাবেলা ছোড়দিকে খুঁজতে-খুঁজতে স্বাতী এলো নিচের ঘরে। শুভ্র কী-য়েন বলছিলো নিচু গলায়, শাশ্বতী তাড়াতাড়ি ব’লে উঠলো, ‘আয়, স্বাতী। কোথায় ছিলি এতক্ষণ ?’

‘কোথায় আবার থাকবো।’

‘একটু বোস। আমি এক্ষুনি আসছি।’ কেমন-একরকম এঁকে-বেঁকে চ’লে গেলো শাশ্বতী।

টেবিলে ছিলো আধ গেলাশ জল, হাত বাড়িয়ে জলটুকু খেয়ে নিয়ে শুভ্র উঠলো।

‘যাচ্ছেন নাকি ?’ স্বাতী একটু অবাক হ’লো।

‘হ্যাঁ, আজ যাই। কাজ আছে।’

শুভ্র চ’লে গেলো। আর-কেউ এলো না, ছোড়দিও আর কথাবার্তা বললো না বেশি, একটু মন-মরাই কাটলো সন্ধ্যাটা।

‘স্বাতী, শোন’, শাশ্বতী ডেকে বললো দিন দুই পরে, ‘এ-বইটা দিয়ে আয় তো শুভ্রবাবুকে।’

‘কোথায় দিয়ে আসবো ?’

‘নিচে এসে ব’সে আছেন।—আমার শরীরটা আজ ভালো নেই, বলিস।’

বইখানা হাতে নিয়ে স্বাতী একটু তাকিয়ে বললো, ‘কালই না দিয়ে গেলো ? কখন পড়লে ?’

‘ও আমার পড়া বই।’

‘ছোড়দি, আর-একদিন রাখো না, আমি পড়বো।’

‘না, দিয়ে আয়।’

‘পারবো না ! তুমি যেতে পারো না—সত্যি-তো আর অস্থখ করেনি তোমার !’

‘লক্ষ্মী-তো !...আচ্ছা, বইখানা আবার আমি আনি দেবো তোকে—এখন দিয়ে আয়, কেমন ?’ ছ-আঙুলে কপাল টিপে ধ’রে শান্তী জুড়ে দিলো—‘উঃ, মাথা যা ধরেছে।’

স্বাতীর হাত থেকে নিয়েই শুভ্র একবার বইখানা খুললো। শাদা-কালো কাগজের গায়ে নীল রঙের একটা ধাম ঝিলিক দিলো স্বাতীর চোখে। তক্ষুনি বই বন্ধ ক’রে শুভ্র একটু হেসে বললো, ‘ছোড়দি কী করছে ?’

‘মাথা ধরেছে বোধহয়।’

‘আচ্ছা—’ শুভ্র উঠলো ; স্বাতীর সামনে হঠাৎ থেমে তার দিকে একটু তাকিয়ে থেকে বললো, ‘তুমি গান শেখো না কেন বলো তো ? এত সুন্দর গলা তোমার।’

‘ছোড়দির চেয়েও ?’ স্বাতীর মুখ দিয়ে যেন ব’লে উঠলো অণু কেউ।

‘হ্যাঁ, ছোড়দির চেয়েও’, তক্ষুনি জবাব দিলো শুভ্র। ‘এসো না আমার কাছে—খুব ভালো ক’রে শিখিয়ে দেবো তোমাকে’, ব’লে শুভ্র তিন আঙুলে স্বাতীর গাল টিপে দিলো একটু।

উপরে এসে স্বাভী সোজা ঢুকলো বাথরুমে, জলের ঝাপটা দিলো সমস্ত মুখে, সাবান দিয়ে ঘ'ষে-ঘ'ষে লাল ক'রে ফেললো গাল, পারলে চামড়া তুলে নেয় ওখানকার। তারপর তার গোলাপি রঙের অর্গ্যাণ্ডির ফ্রক ছেড়ে ব্লাউজ আর শাড়ি পরলো ; শাদা, কালো-পাড়ের মিলের শাড়ি। আঁচলটা গায়ে জড়িয়ে 'নিতে-নিতে হঠাৎ মনে পড়লো মা-কে—এ-দু'বছরের মধ্যে এমন ক'রে মনে পড়েনি কোনোদিন, কোনোদিন মনে প্রশ্ন ওঠেনি মা কেন নেই, অসুখ দেখে-দেখে ধ'রেই নিয়েছিলো যে একদিন থাকবেন না। আজ মনে হ'লো তাই-তো, অসুখ হ'লেই কি মানুষ ম'রে যায়, আর না-ও তো অসুখ হ'তে পারতো।...কোনোদিন, আর কোনোদিন আমি শাড়ি ছাড়া কিছু পরবো না, মনে-মনে যত বার এ-কথা বললো সে, ততবার তার চোখ জলে ভ'রে উঠলো একা ঘরে আয়নায় নিজের দিকে তাকিয়ে-তাকিয়ে।

স্বাভীকে আর দেখা গেলো না একতলার সান্ধ্য সভায়।
'কী রে ?' ক-দিন পরে শাশ্বতী জিগেস করলো, 'হয়েছে কী তোর ?'
'কী আবার হবে !'

'কী-রকম একা-একা থাকিস।'

'না তো !'

'জানিস স্বাভী,' শাশ্বতী চেষ্টা করলো বোনের মনে ফুটি আনতে, 'শুভ্রবাবুরা সবাই মিলে একটা গানের স্কুল খুলছেন পাড়ায়। নাচের ক্লাশও থাকবে—ভরতি হবি তুই নাচে ?'

‘না।’

‘না কেন ? ছেলেবেলায় নিজে-নিজেই কত নাচতিস—মনে আছে ? শিখলে খুব ভালো হবে। এত সুন্দর ফিগার তোর—’

‘চুপ করো, ছোড়দি !’ স্বাতী খেঁকিয়ে উঠলো।

শাশ্বতীর মন বেশ ভালো ছিল সেদিন ; বোনের পিঠে হাত রেখে বললো, ‘কী হয়েছে তোর বল তো ? সব সময় রাগ ?’

জবাব না-দিয়ে আঁচলটা আঙুলে জড়াতে লাগলো স্বাতী।

‘শোন, আর দেরি না—তৈরি হ’য়ে নে।’ ব্যস্ত ভাব শাশ্বতীর।

‘কেন ?’

‘বা ! মিতালি সংঘে ম্যাজিক না আজ ?’

‘আমি যাবো না।’

‘সে কী রে ? সবাই যাচ্ছে আর তুই যাবি না !’

‘না।’

‘চল না—খুব ভালো ম্যাজিক—চল।’ হাত ধ’রে টান দিলো শাশ্বতী।

‘আমি যাবো না।’

‘ধাক তবে !’ স্বাতীর হাতটায় জোরে একটা ঝাঁকানি দিয়ে শাশ্বতী চ’লে গেলো সাজতে। তার সময় নেই—একুনি এসে পড়বে বন্ধুরা।

ছাড়া-ছাড়া মেঘ করেছে সেদিন, এলোমেলো হাওয়া। ছাতে পাইচারি করতে-করতে স্বাতী দেখছিলো আকাশে চৌরঙ্গির মতো চওড়া হাইরঙা রাস্তা, আর সেই রাস্তা দিয়ে ছুটে-আসা টকটকে লাল দমকলের মতো রোদ্দুরের এক-একটি লম্বা-লম্বা

লাইন। আর-কিছু করবার ছিলো না তার বাড়ির সব বই অন্তত দশবার ক'রে পড়া হ'য়ে গেছে, ধার-করা বইও কিছু নেই, আর ভুলেও সে একটা গানে টান দেয় না আজকাল। আস্তে-আস্তে আলো নিবলো আকাশে, মেঘেরা আরো একটু জায়গা জুড়লো, সন্ধ্যা-গ্যাস-জ্বলা আবছা রাস্তা দিয়ে স্বাতী দেখতে পেলো বাবা আস্তে-আস্তে আসছেন।

সেও সিঁড়ি দিয়ে নামলো, আর রাজেনবাবুও দোতলায় এসে পৌঁছলেন।—‘বাবা, এত দেরি তোমার!’

‘চাকরি রে, চাকরি,’ নিশ্বাস নিয়ে এগিয়ে এলেন রাজেনবাবু।

বাবার সঙ্গে-সঙ্গে হাঁটতে-হাঁটতে স্বাতী বললো, ‘আর যেন কেউ চাকরি করে না! সবাই তো ফিরেছে সেই কখন!’

‘নাকি?’ বাধরুমের দরজার কাছে আলনার ধারে দাঁড়ালেন বাজেনবাবু।

বাবার গা ঘেঁষে দাঁড়িয়ে কোটের বোতামের উচু ধারটার একটি আঙুল গোল করে একবার ঘুরিয়ে এনে স্বাতী বললো, ‘বাবা তুমি গলা-বন্ধ কোট পবো কেন? বেশ স্ম্যুট-ট্যুট পরলেই পারো।’

‘রক্ষে কর!’ রাজেনবাবু কোট খুললেন, শার্ট তুললেন।

‘তোমার প্যান্টগুলোই বা কী! প্রত্যেকটা ছোটো!’

‘ভালো-তো। ওতেই সুবিধে লাগে আমার।’ জুতোর দশ ঘণ্টার জেলখানা থেকে পা ছুটোকে ছাড়িয়ে নিলেন রাজেনবাবু।

‘না বাবা,’ স্বাতীর ঠোঁটের কাছটা কেমন-একটু করুণ হ'লো।

‘ভালো দেখায় না।’

‘এমনিতেই যাৱা দেখতে ভালো তাদেৱ কি আৱ সাজতে হয় !’
চোখ টিপে ৰাজেনবাবু ঢুকলেন বাথৰুমে, বেরিয়ে এলেন হাত-মুখ
ধুয়ে, খালি পায়ে, ধুতি আৱ গেঞ্জি প’ৱে।

‘তোমাৱ পাৰ্টি পেতে ৱেখেছি, বাবা।’ স্বাতীৰ চোখে-মুখে হাসি।

‘আঃ, কী আৱাম !’ ৰাজেনবাবু লম্বা।

চা এলো, সঙ্গে দুখানা তিন ঘণ্টা আগেকাৱ ভাজা নিমকি।

‘বাবা, তুমি কিছু খাও না কেন ?’ স্বাতীৰ প্ৰশ্ন।

‘সে কী ৱে ?’

‘এই যেমন আমবা কত কিছু খাই—তালশাঁস খাই, পেয়াবা
খাই, পাটালি খাই—তুমিই তো বাজাৱ থেকে আনো সব, কিন্তু
তুমি-তো খাও না ?’

মেয়েৱ মুখেৱ দিকে কোঁতুকেৱ চোখে তাকিয়ে ৱইলেন
ৰাজেনবাবু। শুধু কোঁতুক ?

‘লিচু খাবে, বাবা, লিচু ? হ্যাঁ বাবা—লিচু তোমাকে খেতেই
হবে !’ সম্মতিৰ অপেক্ষা না-ক’ৱে স্বাতী ছুটে গিয়ে নিয়ে এলো
তাৱ পেঁপিল ৱাখাৱ বাজে লুকোনো চাৱটি বড়ো-বড়ো ম্যাজেণ্টা
ৱঙেৱ লিচু। বাপেৱ হাতেৱ কাছে ছড়িয়ে দিয়ে বললো, ‘খাও।’

লিচু একটা খেতে হ’লো।

‘কেমন ? ভালো না ?’

‘চমৎকাৱ।’—মেয়েৱ একটা হাত নিজেৱ হাতে নিয়ে ৰাজেনবাবু
তাতে তুলে দিলেন আৱ তিনটি।

বাৱান্দাৱ ৱেলিঙে পিঠ ঠেকিয়ে হাঁটু উচু ক’ৱে ব’সে স্বাতী
বললো, ‘বোজ তোমাৱ জন্ম লিচু ৱেখে দেবো—কেমন ? খাবে তো ?’

‘আজ-যে তুই বাড়িতে?’ রাজেনবাবু জিগেস করলেন।

‘ও মা! আমি-তো বাড়িতেই থাকি রোজ!’

‘আজ একা বুঝি?’

প্রশ্নটা শুনে মনে কোথায় একটু ব্যথা লাগলো স্বাতীর। কিছু বললো না।

‘তোদের গান-বাজনা কেমন চলছে?’

এ-প্রশ্নের কোনো উত্তর না-দিয়ে স্বাতী বললো ‘বাবা, তুমি রোজ আপিশ থেকে এসে বাড়িতেই ব’সে থাকো কেন?’

‘ভালো লাগে ব’লে—আর অভ্যেস ব’লে।’

‘মাঝে-মাঝে একটু বেরোলেও তো পারো—’

‘কোথায় যাই বল তো?’

দাঁত দিয়ে একটি লিচুর খোশা ছাড়াতে-ছাড়াতে স্বাতী আস্তে-আস্তে বললো : ‘বন্ধু-বান্ধবের বাড়ি যেতে পারো—কি শনি-রবিবারে সিনেমায়—’

‘আচ্ছা আচ্ছা, ঢের হয়েছে! তা তুই কেন বাড়ি ব’সে থাকিস সন্ধ্যাবেলা?’

কোমরের উপর থেকে শরীরটি একটু মুচড়িয়ে স্বাতী বললো, ‘এ—মনি।’

‘তোর দিদিটা বেড়ুনি হয়েছে খুব, আর তোর দাদা-তো বিশ্ববন্ধু। তোর বন্ধুরা আসে না কেউ?’

‘আমার কোনো বন্ধু নেই,’ ব’লে স্বাতী খোশা-ছাড়ানো নীলচে-শাদা নিটোল লিচুটি একবারে পুরে দিলো মুখের মধ্যে।

সন্ধ্যাবেলাটা সম্প্রতি একটু নির্জনই হ’য়ে উঠেছিলো রাজেনবাবুর,

হঠাৎ ভ'রে উঠলো। কত কথা স্বাতীর! রাজেনবাবুর শ্রান্ত শরীরের উপর যেন ফুরফুরে হাওয়া ব'য়ে যায়, আর ফোঁটা-ফোঁটা রুষ্টি ঝ'রে পড়ে। কোনোদিন স্বাতী হয়তো বললো, 'শোনো বাবা, আমাদের রাস্তা দিয়ে ঝকঝকে কালো নতুন একটা গাড়ি যায়, দেখেছো তুমি?'

'নাকি?'

'ঐ মোড়ে যে-কম্পাউণ্ডওলা মস্ত বাড়িটা না—ও-বাড়ির গাড়ি। চারটে গাড়ি ওদের। খুব বড়োলোক ওরা, না বাবা?'

'তা হবে।'

'কিন্তু চারটে গাড়িতে তো আর একসঙ্গে চড়া যায় না। কী হয় চারটে দিয়ে?'

রাজেনবাবু একটু ভেবে বললেন, 'অনেক লোক বোধহয় বাড়িতে, আর তারা তোর মতো ঘরে ব'সে থাকে না কেউ—সকলেই খুব বেড়ায়-টেড়ায়।'

'বাবা, তুমি একটা গাড়ি কেনো।'

'তাহ'লে বেড়াবি তুই?'

স্বাতী মুখ টিপে হাসলো।—'তা মন্দ কী। বেড়াতে হ'লে-তো গাড়িই ভালো। মেয়েরা-যে রাস্তায় হেঁটে-হেঁটে বেড়ায়, একটুও ভালো লাগে না আমার।'

রাজেনবাবু হাসলেন কথা শুনে।

স্বাতী বললো, 'হাসবার কী আছে—ঠিকই-তো!—আর গাড়ি হ'লে বেশ তোমাকেও আর ট্র্যামে চ'ড়ে আপিশ করতে হয় না।'

'কেন, ট্র্যাম তো ভালো।'

‘বিশ্রী—! কী-ভিড় আপিশের সময়! ই্যা বাবা—একটা
শাড়ি কেনো।’

‘দেখি।’

‘আচ্ছা বাবা’, রাজেনবাবুর সিঁথির উপর দিয়ে একটি আঙুল
আলুটে টেনে নিতে-নিতে স্বাতী বললো: ‘আমরা তো এর চেয়ে
ছোটো একটা বাড়িতে যেতে পারি। দুটো ঘর তো খালিই প’ড়ে
থাকে।’

‘তোমার দিদিরা এলে লাগে না?’

‘ওঃ, কবে-না-কবে আসবে দিদিরা, তাই জ্ঞে—আচ্ছা,
আর-তো দিদিরা কেউ এলো না একবারও?’

‘আসা কি সোজা রে?’

‘কেন, মা থাকতে তো কতবার—’

রাজেনবাবু একটু হেসে বললেন, ‘মা না-থাকলে বাবার কাছে কি
আর আসে মেয়েরা।’

‘আসে না? বলো কী তুমি!’

‘আসে নাকি?’

‘বা রে! আমি! আমি বুঝি আর মেয়ে না তোমার!’
ব’লে স্বাতী বাপের গা ঘেঁষে শুয়ে পড়লো উপুড় হ’য়ে। ঘন চুলে
ভরা কৌকড়া কালো মাথাটিকে রাজেনবাবু চোখ দিয়ে চুম্বন করলেন
অনেকক্ষণ।

—আশ্চর্য ঘটনা! অভূতপূর্ব প্রস্তাব! কোনো-এক শনিবারে

আপিশ থেকে এসেই রাজেনবাবু বললেন, ‘কোথায় গো রাজকন্যা, সিনেমায় যাবে নাকি আজ?’

স্বাতী ছুটে এসে বাবাকে দুই হাতে জড়িয়ে ধরলো : ‘সত্যি বাবা, সত্যি?’

শাশ্বতী একটু ফাঁপরে পড়লো। শনিবার গীতায়তনে তার ক্লাশ—শুভ্রদের ইশকুল ওটা—এদিকে বাবাকে নিরাশ করতেও অনিচ্ছা, হঠাৎ একটা শখ হয়েছেই যখন!—‘কোনটাতে যাবে?’ ঠাণ্ডা গলায় সে জিগেস করলো।

‘যেটাতে ইচ্ছে তোদের।’

‘“বন্দিনী”টা মন্দ হয়নি শুনেছি—’ বিজ্ঞ মন্তব্য শাশ্বতীর।

‘ছাই!’ বিজুর শাদা কৌচাটা দুলে উঠলো দরজার কাছে। দেখতে হয় তো “প্রতিশোধ”—ওঃ গ্লোরিআস!’

‘দেখেছিস নাকি তুই?’ শাশ্বতী যেন যুদ্ধে আহ্বান করলো ভাইকে।

‘ক—বে!’

‘তাহ’লে এখন আর যাবি না তো?’ বললো স্বাতী।

‘ব’য়ে গেছে!’ ঝিলিক দিয়ে উঠলো দরজার আড়ালে বিজুর বীরদর্প। ‘বললেও যেতাম না আমি—রিহাসেল আছে না আমার!’

‘রিহাসেল! নাটক?’ সোজা ছেলেকে জিগেস না-ক’রে রাজেনবাবু শাশ্বতীর দিকে তাকালেন।

‘পাড়ার ছেলেরা বুঝি করছে একটা—আর এ-পাড়ায় কিছু কি হ’তে পারবে যাতে বিজু নেই!’ একটু গর্বিতভাবেই শাশ্বতী বললো।

কিন্তু শেষ পর্যন্ত রিহার্সেলের মায়া কাটালো বিজু। ট্যান্সি ১'৫' ডে সবাই মিলে যাওয়া হ'লো, আর সবচেয়ে দামি টিকিট কিনে বসা হ'লো দোতলায়। শাশ্বতী বসলো চেয়ারে ঠেশান দিয়ে অভিজ্ঞ ধরনে, যতক্ষণ-না আরম্ভ হ'লো দর্শকদের মধ্যে ঘুরে বেড়ালো তার চোখ, আর আরম্ভ হবার পর থেকে বিজু অবিশ্রান্ত কথা বলতে লাগলো তার পাশে ব'সে—‘এইবার মেয়েটা রাগ ক'রে বাপের বাড়ি চ'লে যাবে,’ ‘ছেলেটার অসুখ করবে, তাই চোখ দুটো ও-রকম—’ শাশ্বতী এমনকি একটা চড়ও মারলো তার কানের উপরে, বেশ জোরেই মারলো, কিন্তু বিজু নাছোড়।

ফিরতি ট্যান্সিতেও অবিশ্রান্ত বকবকানি তার।—‘জানো ছোড়দি, শিবেনের গানগুলি কিন্তু প্লে-ব্যাক। গেয়েছে আর-একজন, ছরিতে শুধু ঠোঁট নেড়েছে।’

‘আচ্ছা হয়েছে, তুই থাম-তো এবার!’ কিন্তু শাশ্বতীর কথার মধ্যেই ব'লে উঠলেন রাজেনবাবু—‘সত্যি?’ ফিল্ম দেখে, মানে, দেখে-শুনে, রীতিমতোই চমকেছিলেন তিনি। সেই কোন জন্মে বোবা বায়োস্কোপ দেখেছিলেন—তখনকার দিনে বায়োস্কোপ বলতো—এই প্রথম দেখলেন কথা-বলা ছবি, তাও বাংলা! কী-সব কাণ্ড—ঐ্যা! কী ক'রে করে!

‘বাঃ, সত্যি না!’ বাবার উৎসাহে বিজু একেবারে টগবগ করতে লাগলো ফুটন্ত জলের মতো। ‘গানগুলি গেয়েছে-তো শশাঙ্ক দাশ—ঐ-তো মনোহরপুকুরে থাকে, নিউ মডেল স্টুডিওবিকার আছে একখানা।’

‘অনেক-তো খবর রাখিস তুই!’

কথাটা বিজু প্রশংসা ব'লেই ধরলো, আর প্রশংসাটা মেনে নিলো একটুমাত্র হেসে। 'শশাক্ষর গান কত ফিল্মে-যে থাকে আজকাল—আর সত্যি গায়ও খুব ভালো, না ছোড়দি? শুভ্রদাও প্লে-ব্যাক করবেন শিগগির।'।

রাজেনবাবু বিষয়টা নিয়ে একটু-যেন চিন্তা ক'রে বললেন, 'তা যাই বলিস তোরা, গানের সঙ্গে-সঙ্গে ঠিকমতো ঠোঁট নাড়াও কম শক্ত না।' আর ছেলেটি দেখতেও—'

'কী হ্যাগুসম।' কথা কেড়ে নিয়ে বিজু বললো। 'ও-তো সুজিত—এই সেদিন নামলো "স্বপ্ন-পুরী"তে, আর এর মধ্যেই— হবে না! চেহারাখানা কেমন!'

'বিত্তী!' এতক্ষণে স্বাতী কথা বললো। 'ঠোট দুটো বোকা-বোকা!'

'জানিস!' বিজু শাসালো, '“রূপরঞ্জে”র ভোটে সুজিত ফাস্ট হয়েছে চেহায়ায়!'

'হোকগে! তার চাইতে ঐ আর-একটি ছেলে, ঐ-যে বন্ধু, সে ঢে—র ভালো দেখতে।'

নায়কের বন্ধুর চেহারাটা একটু চেপ্টা ক'রে মনে এনে রাজেনবাবু বললেন, 'তাকে ভালো লাগলো তোর?'

'হ্যাঁ বাবা, ও বেশ সুন্দর। একটু-একটু তোমার মতো।'

'আমার মতো!'' রাজেনবাবু হেসে উঠলেন। 'আমি ও-রকম সুন্দর হ'লে-তো কাণ্ডাই করেছিলাম!'

'তুমি সুন্দর না? বলে কী!'' স্বাতীর আঁটোসাঁটে সারবাঁধা দাঁত ঝকঝক ক'রে উঠলো হাসিতে।

বাড়ি ফিরেও খানিকক্ষণ চললো সিনেমা-প্রসঙ্গ। ছোড়দিকে

উপলক্ষ্য আর বাবাকে লক্ষ্য ক'রে বিজু উন্মুক্ত ক'রে দিলো।
এ-বিষয়ে তার অসামান্য জ্ঞানের ভাণ্ডার। স্বাতী চুপ ক'রেই
রইলো মোটামুটি, যেন অগ্ন্যদিকে তাকিয়ে অগ্ন্য কথা ভাবছে।
আলো-না-জ্বালা বারান্দায় তার আবছা মুখের দিকে তাকিয়ে
রাজেনবাবু হঠাৎ ব'লে উঠলেন, 'স্বাতী, তোর জন্মদিন তো শিগগির।'

স্বাতী দ্রুত ভঙ্গিতে মুখ ফিরিয়ে তাকালো।

'বেশ বড়োসড়ো হলি—এবার তোর জন্মদিন খুব ভালো ক'রে
করা যাক।'

'হ্যাঁ বাবা, হ্যাঁ,' শাখতী হাতে তালি দিয়ে উঠলো। 'খুব
ভালো হবে! খুব মজা!'

'গানের আসর যা হবে একথানা!' বিজু লাফিয়ে উঠলো।
'ওঃ! শশাঙ্ক দাশকেই নিয়ে আসবো একেবারে। বাড়িতে
লোক ভেঙে পড়বে।'

'বেশ-তো—গানের আসর হবে—আর? বলবি কাকে-কাকে?'

'শোভা-দি, লীলা-মাগি, মিঠু-দা—' বিজু গড়গড় ক'রে আত্মীয়দের
নাম ব'লে গেলো।

'তা তো হ'লো। আর? তোদের বন্ধুরা?'

'সে তো—' হঠাৎ থেমে বিজু বললো, 'আচ্ছা ছোড়দি, হারীতবাবু?
হারীতবাবুকে বলি?'

'যত তোর—!'

'কী-রকম বক্তৃতা করলেন সেদিন মিতালি-সংঘে! কী স্মার্ট, না?
ঈশ, আর-একটু থাকতে যদি, ছোড়দি, তোমার সঙ্গে আলাপ
হ'য়ে যেতো!'

‘ও, তুই ছাড়িসনি!’ শাস্ত্রী খুব জোরে হেসে উঠলো।

রাত্রে শোবার আগে বাবাকে একা পেয়ে স্বাতী বললো, ‘বাবা, শোনো—’

‘কী রে?’

‘জন্মদিন-টন্মদিন কিন্তু কোরো না।’

‘কেন?’

‘না, ভালো লাগে না।’

‘কী ভালো লাগে তোর বল তো?’

কী ভালো লাগে? তা কি সে নিজের জানে? ছুটির দিনের শাঁ-শাঁ দুপুরবেলায় হঠাৎ মাঝে-মাঝে কী-একটা আশ্চর্য ভালো-লাগা ছড়িয়ে পড়ে—সিনেমা, বেড়ানো, নেমন্তন্ন, হৈ-চৈ, আর-কিছুতেই তো সে-রকম হয় না—আর তা-ই যদি না হ’লো, যত ভালোই হোক, কিছুই কি ভালো? আকাশ গান করে তার কানে-কানে, পৃথিবীটাই রেলগাড়ি, স্টেশন নেই, কেবল চলছে, দিনে-রাত্রে কখনো থামে না গান, আমরা শুনি না, কেউ শোনে না, আমি শুধু শুনি, আর শুনি যদি, সব সময় শুনি না কেন?

‘বল না, কী তোর ভালো লাগে?’

‘বেশ, যা ইচ্ছে কোরো’, একটু হেসে স্বাতী চ’লে গেলো শুতে।

জন্মদিনের সকালবেলায় চা খাবার পরে রাজেনবাবু বললেন, ‘শাস্ত্রী, একটু বেরোবি আমার সঙ্গে?’

স্বাতী তাড়াতাড়ি এগিয়ে এলো। বাবা বললেন, ‘না, তুমি আজ না, তুমি বাড়িতে থাকো।’

হঠাৎ যেন স্তব্ধ হ’য়ে গিয়ে স্বাতী দাঁড়িয়ে রইলো একটু,

তারপর আস্তে-আস্তে স'রে এলো সেখান থেকে। বাবা-যে তাকে নিলেন না, তার চেয়েও খারাপ লাগলো বাবার মুখের 'তুমি'। মনে পড়লো না আর-কোনোদিন বাবা তাকে 'তুমি' বলেছেন। জন্মদিন—তো তার দোষ কী।

সিঁড়িতে ফিরে আসার শব্দ হ'লো ঘণ্টাখানেক পরে; ডাকাডাকি শুনে সে জবাব দিলো বিরক্ত গলায়, 'ক্যা—নো?'

'শিগগির আয়!'—ছোড়দির আর কী, ফুর্তি ধরে না!

'আমি অঙ্ক করছি!' ব'লে সে দ্রুতবেগে লিখতে লাগলো দশমিকের সংখ্যা। অঙ্ক খুব ভালো, অঙ্ক সবচেয়ে ভালো; মন-খারাপ হ'লে ভুলে' থাকতে এমন আর কিছু না।

'আয় না!'

'না, আমি এখন পারবো না!' তোপের মতো বেরুলো স্বাতীর আওয়াজ।

'এই নে!' রূপ ক'রে তার টেবিলের উপর কী-একটা পড়লো, আর বিজু পালালো দৌড়ে। দোকানের নাম-ছাপানো মস্ত চৌকো বাস্ক একটা—জীশ! এ-রকম একটা বাস্ক কতদিন মনে-মনে চেয়েছে সে, কী ভারি, আর কী ভালো, কত জিনিশ রাখা যায়—দেখেই তার আবার পুতুল খেলতে ইচ্ছে করছে। কোথায় পেলো দাদা? আর বড়ো-যে ভালোমানুষ—নিজে না-রেখে তাকে দিয়ে গেলো?

পেনসিল রেখে দিয়ে বাস্কটা খুললো স্বাতী। ও মা, শাড়ি! কী-সুন্দর সবুজের উপর সোনালি বুটি! আবার ব্লাউজও! আর একটা পাংলা ছোটো বাস্কে চিকচিকে কাগজের তলায় ঠিক জ্যামিতির ত্রিভুজের মতো ভাঁজ-করা-করা হলদে, গোলাপি, ফিকে-নীল রুমাল।

বাইরে ছুটে এলো স্বাতী।—ফুল, সন্দেশ, নতুন চায়ের পেয়ালা, চকচকে চামচে—কী কাণ্ড!

বাবা বললেন, ‘কেমন? এখন বেশ জন্মদিন-জন্মদিন লাগছে না?’
বিজু বললো একটু দূরে দাঁড়িয়ে: ‘ভাবিসনে শুধু তোর জন্মই সব এসেছে! এই ছাথ আমার ধুতি—আর ছোড়দির শাড়ি। ওঃ, আজ যা হবে!’

স্বাতী চুপ ক’রে রইলো, মুখ তার টুকটুকে লাল। মা থাকতে জন্মদিন হয়েছে তাদের—নতুন ক্রক-ট্রক এসেছে, পায়ের রান্না হয়েছে, কেউ-কেউ এসেওছে কোনো-কোনো বার—কিন্তু এ-রকম! এত ফুল! ঘাস-রঙের পেস্তা-বসানো শাদা-শাদা ফোলা-ফোলা ঠাণ্ডা নরম এত সন্দেশ! আর এ-সব তার জন্ম? তার জন্মদিন ব’লে!

রাজেনবাবু বললেন, ‘শাড়িটা কেমন রে? ভালো?’

‘সিন্ধের তো—’

‘সিন্ধ ভালো লাগে না তোর?’

চোখ না-তুলে, শরীরটি একটু মোচড়াতে-মোচড়াতে স্বাতী বললো: ‘পুতুলদের যে-রকম শাড়ি পরানো থাকে, সে-রকম তো—’

‘তা পরবে যে সে-ও তো পুতুল!’

‘মোটোও না!’ স্বাতী হেসে ফেললো। ছড়ানো জিনিশগুলির দিকে তাকিয়ে বললো: ‘আচ্ছা বাবা, সকলের জন্মই আনলে, নিজের জন্ম তে কিছু আনলে না?’

‘নিজের জন্মই তো সব এনেছি,’ বললেন রাজেনবাবু।

পরতে হ’লো সবুজ সিন্ধের শাড়ি, সাটিনের ব্লাউজ, শাখতী

জোর ক'রে ধ'রে চুলটা নতুন ধরনে উল্টিয়ে দিলো ঘাড়ের উপর, কপালে চন্দনের ফোঁটাও বাদ দিলো না। দেখে রাজেনবাবুর মনে পড়লো খেতার, মহাখেতার, সরস্বতীর বিয়ের রাতের মুখশ্রী, কত সুন্দর, কত সুখের, আর কত দুঃখে দেখা সেই মুখশ্রী। স্বাতীর কাঁচা মুখের সঙ্গে বেশ-তো মানিয়ে গেছে এই সাজ!— একবার তাকিয়েই চোখ ফিরিয়ে নিলেন রাজেনবাবু।

স্বাতীরও নতুন লাগলো নিজেকে, যখন সন্দের পর দোতলার বড়ো ঘরে এসে বসলো। সিঁড়িতে কত জুতো, ঘর ভরা লোক, সকলেই ভালো, সকলেই খুশি। শশাঙ্ক দাশকে বিজু অবশ্য ধরতে পারেনি—তা শুভ্র আর তার দলই আসর জমিয়ে রাখলো রাত ন-টা পর্যন্ত। স্বাতীর মনে হ'লো সমস্ত গান ঘুরে-ফিরে এই কথাই বলছে তাকে, 'ভূমি ভালো, আমরা তোমাকে ভালোবাসি' যত লোক আছে এখানে, সকলে তাকে ভালোবাসে। ভালো, খুব ভালো, এই পৃথিবী ভালো, পৃথিবীতে যা-কিছু আছে সব ভালো; তা না-হ'লে মানুষ কেন গায়, নাচে, হাসে, আনন্দ করে; তা না-হ'লে এত আনন্দ কোথা থেকে আসে?

'এবার তুমি', ব'লে শুভ্র হার্মোনিঅম ঠেলে দিলো স্বাতীর দিকে।

তক্ষুনি সুর কেটে গেলো। এতক্ষণের সমস্ত ভালো-লাগাকে খেঁৎলে দিয়ে অসম্ভব একটা লজ্জা এসে গলা ঝাঁকড়ে ধরলো স্বাতীর, সকলেই যেন তার দিকে তাকিয়ে আছে, বাঁকা চোখে দেখছে তাকে, তার শাড়ি পরাটা যেন ঠিক হয়নি, কোথায় কী-ভুল বেরিয়েছে।— বিল্লী! উঠতে পারলে বাঁচে, কিন্তু উঠতে গেলেও তো এতগুলো চোখ!

‘আজ একটা গান শুনবোই তোমার,’ রাগ্তিরে বেড়াল-ডাকের মতো শুভ্র নরম গলা সে শুনতে পেলো।

হঠাৎ মুখ তুলে, এক মুহূর্ত আগেও কথাটা চিন্তা না-ক’রে, এক ঘর লোককে শুনিয়ে সে ব’লে উঠলো, ‘আপনি আমাকে “তুমি” বলবেন না!’

ঘরে উঠলো অস্পষ্ট গুঞ্জন। চশমার পিছনে শুভ্র চকচকে চোখ দুটি দপ ক’রে নিবে গেলো, মুখে যতখানি সুখ আর যেটুকু লালিত্য তার ছিলো সব মুছে গিয়ে চেহারাটা হ’য়ে গেলো যেন অশ্রু মানুষের। অনেকেই যেন কিছু বলতে চাচ্ছে, বলতে পারছে না, এইরকম একটা অনিশ্চয়তার মধ্যে খুব সপ্রতিভ কেউ-একজন স্পষ্ট গলায় ব’লে উঠলো : ‘আপনি একটা গান করলে আমরা সকলেই খুব সুখী হই।’

স্বাতী তাকিয়ে দেখলো, কথাটা যে বললো সে বসেছে দেয়ালে ঠেস দিয়ে, জিন-প্যাণ্টে ঢাকা হাঁটু দুটো উচু ক’রে, খাটো হাতার আন্ধক ঢাকা একটি হাত হাঁটুর উপর, আর-এক হাতে উল্টো-করা পাইপ ধরা। মনে হ’লো না আগে কখনো দেখেছে এঁকে, না-ই বা দেখলো, মুখে জবাব এলো তার : ‘গান শুনলে সুখী হন, না আমার গান শুনলে?’

‘মনে করুন আপনার গান।’ পাইপ-ধরার চোখে-মুখে কৌতুক।

স্বাতীও সকৌতুকে তাকালো কালো রঙের মস্তণ মুখের দিকে। বললো, ‘গান আমি জানি না।’

‘জানেন না? কিন্তু এঁরা কি আগে কখনো আপনার গান

শোনে ননি ? আমিও-তো শুনেছি আপনি গাইতে পারেন', ঠোঁটের কাছে একটু বাঁকা ক'রে হাসলো পাইপ-ধরা মানুষটি।

‘আমার গান শোনা বরং সম্ভব, কিন্তু আমি গাইতে পারি এ-কথা শোনা নিশ্চয়ই অসম্ভব,’ ব’লে স্বাতী কালো মানুষটির মুখ থেকে চোখ সরিয়ে নিলো। সরু-মোটা গলায় মেশানো হাসি উঠলো ঘরে।

‘কী-অসভ্য রে তুই ! ছী-ছি !’ বোনের সঙ্গে একা হওয়ামাত্র শাশ্বতী আর সময় নষ্ট করলো না।

‘অসভ্য কেন ?’

‘ও-রকম ক’রে অপমান করলি শুভ্র—বাবুকে !’

‘অপমান ?’

‘অপমান না ? তোকে ছোটো দেখেছে—’

‘তাই ব’লে এখন-তো আর ছোটো না আমি।’

স্বাতীর ঝলমলে শাড়ির দিকে একপলক তাকিয়ে শাশ্বতী বললো : একবার “তুমি” ব’লে আবার নাকি “আপনি” বলা যায় !’

‘কেন যাবে না ? একবার “আপনি” ব’লে আবার “তুমি” বলা যায় তো ?’

‘অসভ্য !’ শাশ্বতী লাল হ’লো।

‘বার-বার অসভ্য বোলো না, ছোড়ি !’

‘নিশ্চয়ই বলবো। অসভ্য, অভদ্র, উদ্ধত ! হারীতবাবুও তোমার ইয়াকির পাত্র, না ?’

‘ও, ঐ কালো মূর্তিই তোমাদের বিখ্যাত হারীতবাবু ?’

শাশ্বতী জ্বলে উঠে বললো, ‘মনে কোরো না, স্বাতী, পঁচিশ টাকা

দামের শাড়ি প'রেই মস্ত বড়ো হ'য়ে গেছো ! বড়োদের সঙ্গে সমান-সমান চলবার যোগ্য তুমি এখনো হওনি, মনে রেখো ।'

শাশতীর চোখে-মুখে এ-বকম টকটকে রাগ স্বাতী কখনো দ্যাখেনি । ভয় পেয়ে ডাকলো, 'ছোড়দি ।'

'তুমি মনে করেছেো পৃথিবীর সব লোকই বাবা । যা কবো তা-ই চলবে ।—না ! মনে করেছেো তোমার ছেলেমানুষি দিয়েই জিতে যাবে সব জায়গায় ।—না ! ভালো হ'য়ে, নতুন হ'য়ে যদি চলতে না পারো, কেউ তোমাকে দু-চক্ষে দেখতে পাববে না—কেউ না !'

'ছোড়দি, আমি কী কবলাম—আমি কী করেছি—অমন ক'বে বকছো কেন আমাকে ?' স্বাতী হাত বাড়িয়ে এগোলো, থমকালো, কাঁপলো, পেছোলো ; লুটিয়ে পড়লো মেঝেতে সোনালি-বুটি-আঁচল ।

'এখন আর নেহাৎ ছেলেমানুষ নও তুমি,' নিজেই নিজের কথার বিরুদ্ধতা ক'রে শাশতী আবার বললো । 'এখনো যদি তোমার গর্বিত স্বভাব, তোমার দুর্বিনীত ব্যবহার তুমি ছাড়তে না পারো—'

একসঙ্গে এতগুলি শব্দ-শব্দ কথা শুনে স্বাতী প্রায় কেঁপে ফেললো । 'আর বোকে না, আর বোকে না আমাকে—' কোনোরকমে এগারো হাত শাড়ি সামলে ছুটে গেলো সে বাবার কাছে, দু-হাতে জড়িয়ে ধ'রে ডেকে উঠলো, 'বাবা !'

'কী রে ?'

বাবার শাস্ত, সুন্দর, আশ্বাসে ভরা মুখের দিকে তাকিয়ে স্বাতী কান্না গিলে ফেললো ।

—'না, কিছু না ।'

'হয়েছে কী ?'

‘কিছু না।’

‘ছোড়দি বুঝি বকেছে?’

‘না।’

‘তবে?’

বাবার কাঁধে মুখ রেখে চুপ ক’রে রইলো স্বাতী। কৌকড়া কালো মাথাটায় হাত বুলিয়ে রাজেনবাবু বললেন, ‘বাঃ, কী-রকম নতুন ফ্যাশনের খোঁপা ক’রে দিয়েছে ছোড়দি!’

‘বাবা,’ পাঞ্জাবিতে আস্তে মুখ ঘ’ষে-ঘ’ষে স্বাতী বললো, ‘বাবা, আমি তোমার কাছেই থাকবো। তোমাকে ছেড়ে কোথাও যাবো না। কোনোদিন না।’

‘বেশ-তো! খুব ভালো কথা! খুব সুখের কথা! তাই-ব’লে কান্নার কী আছে? এত বড়ো পনেরো বছরের মেয়ে নাকি কাঁদে!’

‘ও মা!’ স্বাতী মুখ তুলে জলভরা চকচকে চোখে হাসলো, ‘বলে কী বাবা! আজ আমার তেরো পূর্ণ হ’লো না — চোদ্দতে ষড়্‌লাম।’

কোথাও যাবো না, তোমার কাছেই থাকবো!—কিন্তু যেতেই হয়। শাস্ত্রীর পালা এলো।

কয়েকমাস আগে রাজেনবাবু এসেছেন নিজের বাড়িতে। টালিগঞ্জে, ব্রিজের কাছাকাছি, রসা রোড থেকে একটু পশ্চিমে ঢুকে, ছোটো একটু জমি শস্তায় কিনেছিলেন অনেকদিন আগে কোনো-এক কাঁকে; হঠাৎ স্থির করলেন বাড়ি করবেন। একেবারে হঠাৎও নয়। ছ-মাস আগে থেকে মাস্টারের নিয়মিত আনাগোনা সত্বেও রাজেনবাবু মনে-মনে যা ভয় করেছিলেন তা-ই হ'লো : বিজু ফেল করলো ম্যাট্রিকুলেশন পরীক্ষায়। ফেল ক'রে কয়েকদিন খুব মন-খারাপ ক'রে থাকলো; তার পরেই মেতে গেলো গরচা ফ্রেণ্ডস ইউনিঅন-এর 'সীতা' নাটকের ধুমধামে—সোজা কথা নাকি—তাকে সাজতে হবে তুঙ্গভদ্রা! এ-ছেলের হাতে, রাজেনবাবু ভাবলেন, কাঁচা টাকা না-পড়াই ভালো। অবশ্য টাকা-ষে তাঁর বলবার মতো কিছু আছে তা নয় : সরকারি সিঁড়ির ধাপে-ধাপে উঠে এতদিনে সাতশো টাকার একটি আসনে বসেছেন বটে, কিন্তু জীবন ভ'রে অনেক দেনা করতে, অনেক দেনা শুধতে হয়েছে। দশ বছর ভ'রে স্ত্রীর অসুখ, তিনটি মেয়ে-বিয়ে, আর ছেলেমেয়ের স্নেহের জন্তে হিশেবহীন খরচ—কী আর থাকে। তবু, প্রভিডেন্ট ফণ্ডটা অনেকবার অনেক মার খেয়েও টায়ে-টুয়েটিকে আছে, ইনশিওরেন্সের পলিসি দুটোও পেকে এলো।

বাংলাদেশের অধিকাংশ চাকুরে ভদ্রলোকের টাকা জমাবার উপায় যে-ছুটি মাত্র, তারই প্রথমটিকে প্রায় নিঃশেষ ক'রে রাজেনবাবু বাড়িটি তুললেন।

বড়ো বাড়ি হ'লো না। একতলা, থাকবার ঘর খানচারেক। চেহারাটাও জাহাজ কি এরোপ্লেন কি লেবং-এব রেসকোর্সের মতো না—নেহাৎই শাদাশিধে বাড়ি একটি, যেখানে মানুষ থাকে, খায়, ঘুমোয়। শান্তী সুখী হ'লো না মোটেও। আবার রাস্তার নাম বিধু ঘোষ লেন—সেটাও অপছন্দ।

‘বাড়িটা এখানে কেন করলে, বাবা?’ একদিন সে না-ব'লে পারলো না।

‘এখানে ভালো লাগে না তোর, না বে?’

‘পাড়াটা বড্ড—’ শান্তী বলতে যাচ্ছিলো গরিব, কিন্তু হারীতবাবুর কথাবার্তা শুনে সে গরিবদের শ্রদ্ধা করতে শিখেছে—সত্যি, তারাই-তো সংসাব চালাচ্ছে, তারাই সব!—একটু থেমে সে কথা শেষ করলো, ‘—বড্ড পাতিবুজ'আ।’

বি.-এ.-পড়ুনি মেয়ের কথা শুনে রাজেনবাবু অবাক। পাতি—? কী বললো? পাতিবজরা? পাতিবিজোড়? পাতিবাছুর?

‘বড্ড—কী?’

‘এই আল্লাহ্‌কি!’ বাবার অজ্ঞতা সহাস্তে ক্ষমা করলো শান্তী। ‘দেখছো না, কী-বকম ঘেঁষাঘেঁষি, আর বাচ্চাগুলো কী-রকম নোংরা হ'য়ে ঘুরে বেড়ায়!’

জানলার তাকে পা বুলিয়ে ব'সে স্বাতী একটা কাঁচা পেয়ারা চিবিয়ে খাচ্ছিলো, হঠাৎ কথাটা কানে যেতেই ব'লে উঠলো :

‘যেঁষাযেঁষি ! বলো কী, ছোড়দি ! এদিকটা কী-রকম খোলা—
মাঠ—গাছপালা—আর কতখানি আকাশ ! বাক্বাঃ ! যতীন দাস
রোডের কথা ভাবতে হাঁপ ধরে এখন !’

শাশ্বতী হেসে উঠলো তার ভঙ্গি দেখে। বললো, ‘দোতলা
করলে না কেন, বাবা ?’

‘সবটাই আমি ক’রে ফেলবো ? বিজুর জন্য কিছু বাকি থাক !’

‘দোতলা দিয়ে হবেই বা কী। এই বেশ—ঠিক যেটুকু
দরকার সেটুকু। বেশি-বেশি আমার ভালো লাগে না !’ একহাতে
জানলার শিক ধ’রে স্বাতী পা দোলাতে লাগলো। তক্ষুনি আবার
জুড়ে দিলো, ‘একতলাই সবচেয়ে ভালো লাগে আমার—বাইরেটা
খুব কাছে হয় একতলা হ’লে। কেমন সুন্দর বাগান করি থাকো না !
ছোটো একতলা বাড়ির মতো সুন্দর নাকি আর-কিছু ?’ প্রতিপক্ষকে
আর-কিছু বলবার সুযোগই দিলো না স্বাতী, নিজেই জজ হ’য়ে
নিজের পক্ষে রায় দিলো ; আর নিশ্চিন্ত হ’য়ে পেন্সারায় কামড়
বসালো তারপর।

কিন্তু প্রতিপক্ষ ছাড়লো না ; পরে নিরিবিলি ঘরে আবার তর্ক
তুললো : ‘আচ্ছা স্বাতী, তুই কেন ভাবিস যে তোর যা ভালো লাগে,
সকলেরই তা-ই ?’

‘বা রে ! তাই ব’লে আমার ভালো-লাগাটা বলতেও পারবো
না আমি ?’

‘তোর ভাবখানা এইরকম যেন তোর ইচ্ছেমতোই চলবে জগৎ-
সংসার।’

‘জগৎ-সংসার তো না, শুধু তু-একজন—’

‘তুই আর কেন’, শাস্ত্রী বাধা দিলো কথায়, ‘ও-রকম মানুষ একজনের বেশি-তো হ’তে পারে না—আর হ’লেও বিপদ।’

‘মানে?’

‘স্বাধীন!—এদিকে নভেল প’ড়ে পেকে ঢোল!’

স্বাধীন সত্যিই বোঝেনি কথাটা, বুঝলো ছোড়দির চৌকির বাঁকা হাসি দেখে। হাসির উত্তরে একটু বেশি গম্ভীর হ’য়ে বললো, ‘তা এই বাড়ির কথা নিয়ে ঝগড়া করো কেন—এ-বাড়িতে তুমি-তো আর থাকবে না বেশি দিন!’

‘তুই-ই যেন থাকবি!’

‘নিশ্চয়ই!’—কথাটা ঠেলে উঠলো ভিতর থেকে, কিন্তু আসতে-আসতে যেন জোর ক’মে গেলো, শেষ পর্যন্ত পৌঁছলোই না। একটু চুপ থেকে কী-একটা অন্য কথা বলতে গেলো : ‘ছোড়দি, শোনো—’

‘চুপ কর এখন,’ ব’লে শাস্ত্রী টেবিল থেকে একখানা বই তুলে নিয়ে বিছানায় শুয়ে পড়লো।

‘শোনো না—’ স্বাধীনের স্বর ব্যাকুল।

‘না!’—শাস্ত্রী বই খুললো সোপানের সামনে।

‘শোনো না একটু!’ প্রায় কান্নার স্বরে স্বাধীন প্রার্থনা জানালো।

‘মারকস-এর বই এক্ষুনি, না-পড়লে চলবে না তোমার?’

‘মারকস না রে, মার্ক্স,’ শাস্ত্রী হেসে শুধরে দিলো। ‘দেখি একটু পাতা-টাতা উন্টিয়ে, হারীতবাবু আবার-তো আসবেন সন্ধেবেলা।’

অবাক হ’লো স্বাধীন; যে-কথাটা বলবার জন্য ছটফট করছিলো, সেটা ভুলে গেলো।—‘তাতে কী?’ খুবই গায়সংগত প্রশ্ন তার।

‘হারীতবাবুই দিয়েছেন কিনা বইটা।’

‘আজই বুঝি ফেরৎ দিতে হবে? তা আর-ক’দিন রাখতে দেবে না বললে?’

‘এ-সব তো আর সত্যি পড়বার বই নয়!’ শাশুতী মুখ টিপে হাসলো। ‘দেখে রাখি একটু—এলে বলতে হবে-তো দু-একটা কথা!’

এমন একটা তাজ্জব কথা স্বাতী তার পনেরো বছরের জীবনে শোনেনি। না-প’ড়েও ভাণ করতে হবে অন্তের কাছে? কেন? ভালো না লাগে না-পড়লেই হয়—মুশকিল আর কী। চোখ ভরা প্রশ্ন নিয়ে ছোড়দির দিকে সে তাকালো, কিন্তু ছোড়দির মুখ আড়াল করেছে দুখানা হলদের উপর কালোতে ছাপা মলাট।

শাশুতী উঠলো খানিক পরেই; টেবিলে সারে দাঁড়ানো পাঠ্য বইয়ের মাথায় অপাঠ্য বইখানাকে সম্বন্ধে শুইয়ে রেখে চ’লে গেলো গা ধুতে। ছোড়দির কবুত্বে ভাঙা ইঠাৎ মনটা খারাপ হ’য়ে গেলো স্বাতীর। টেবিলের ধারে দাঁড়িয়ে বইখানা তুলে নিয়ে আস্তে-আস্তে পাতা ওলটাতে লাগলো। কেমন ভয় হ’লো তার, বুক টিপটিপ করতে লাগলো; কখন কোন পাতার ফাঁক থেকে আবার ঝিলিক দেয় নীল রঙের খাম! ক্রতক্ৰমে সব পাতা ওলটাবে!—বইখানা উপুড় ক’রে জোরে ঝাঁকানি দিলো কয়েকবার : না, কিছু নেই। ঠিক জায়গায় আবার শুইয়ে রাখলো মাস্তকৈ, কী-ভালোমানুষের মতোই শুয়ে আছে বইখানা, কিন্তু—কিন্তু—কিন্তু—কী?

মাথায় তোয়ালে চেপে ঘরে আসতে-আসতে শাশুতী বললো, ‘তুই যা এবার।’

‘পরে যাবো।’

‘এই তোর এক বদভ্যাস, স্বাতী।’ তোয়ালে নামিয়ে শাশ্বতী চিরুনি হাতে নিলো। ‘অস্তুত বিকেলে তো একটু ফিটফাট হ’তে হয়!’

‘আমি সারাদিনই ফিটফাট’, স্বাতী ধূপ ক’রে শুয়ে পড়লো খাটে।

‘শুলি যে?’

‘শুই না।’

‘যত অসময়ে—!’ কালো চুলে শাদা-শাদা আঙুল দ্রুত ওঠা-পড়া করতে লাগলো শাশ্বতীর।

‘আচ্ছা ছোড়দি,’ দু-আঙুলে কপালের চামড়া একটু টেনে ধ’রে স্বাতী বললো, ‘শুভ্রবাবুর খবর কী?’

‘কী-অস্তুত! আমি কী ক’রে জানবো?’

‘আমাদের এ-বাড়িতে একদিনও আসেননি—না?’

‘ও-বাড়িতেও আর আসতো কই শিগগির। খেটে-খেটেই ফুরসৎ নেই! ঐ ফিতেটা দে ~~কিছুক্ষণ~~’

‘ওঁর গানের ক্লাশওঁ. তুমি ছেড়ে দিলে—’

‘বড়ো-ষে দরদ দেখছি তার জন্ত—দু-চক্ষে দেখতে পারতিন না তো!’

‘আমার ইচ্ছায় তো জগৎ চলে না,’ স্বাতী পাশ ফিরে একটি হাত রাখলো গালের তলায়। ‘আমি দেখতে না-পারলেই তো মন্দ হ’য়ে যায় না মানুষ।’

জবাব না-দিয়ে শাশ্বতী হেজেলিন স্নোর মুখ খুললো। হলদে-আর-কালো মলাটের সেই শোওয়ানো বইটার উপর আবার চোখ পড়লো স্বাতীর।

‘ছোড়দি, মাস্ত্র কী?’

‘মাস্ত্র—মাস্ত্র একজন মানুষ।’

‘তঁার লেখা বই?’

‘তঁার—তঁার বিষয়ে।’

‘বিষয়ে মানে?’

‘মানে—’ শাস্ত্রতীর পাউডর-প্যাডটা থেমে গেলো মুখের উপর।
‘এই আরকি—’ ইনক্সা আনন-রেণু মুখে বুলোতে-বুলোতে সে কথা
শেষ করলো : ‘জানতে চাস তো হারীতবাবুকে জিগেস করিসু।’

‘তিনি জানেন বুঝি এ-সব?’

‘জানেন না! কত বড়ো বিদ্বান! লগুন স্কুল অব ইকনমিস্ট্রের
পাশ-করা!’ শাস্ত্রতী স’রে এসে একখানা শাড়ি পরতে লাগলো
যার রং ঠিক কালোজামের ভিতরটার মতো।

‘ওঁর কাছে ইক-নমিস্ত্র পড়ো বুঝি তুমি?’

‘যাঃ!’

‘যাঃ কেন? পড়লেই পারো—প্রায়ই তো আসেন।’

‘কী-অদ্ভুত! প্রায়ই আসেন কখন?’ শাস্ত্রতী কৌচাচ মতো
ক’রে কোমরে গুঁজলো শাড়ি, তারপর পিঠের উপর দিয়ে
আঁচলটা ঘুরিয়ে আনতে-আনতে বললো, ‘কী ওঁদের সভা-টভা
সব হয়—তারই খবর দিয়ে যান মাঝে-মাঝে। তোকে বলি না
কতবার যেতে—যাস না তো ককখনো!’

‘কী হয় সভায়?’

‘কত রকম হয়! গান, বক্তৃতা, তর্কাতর্কি—’

‘বাজে!’—স্বাতী ঠোঁট বাঁকালো।

‘বাজে কী রে ? হারীতবাবু চমৎকার বলেন—কত শিক্ষা হয় ওঁর কথা শুনলে।’ শাড়িটাকে এখানে একটু কুঁচকে, ওখানে একটু টান ক’রে দিতে-দিতে শান্তী আর-একবার আয়নার সামনে দাঁড়ালো।

স্বাতী তার দিকে একটু তাকিয়ে থেকে বললো, ‘দিদি, তোমার ঐ চোকো বাস্তের পাউডরটা কিন্তু বিক্রী।’

‘বিক্রী ?’ শান্তী হেসে উঠলো।

‘বড্ড কটকটে।’

‘ফেস-পাউডর কিনা।’ স্বাতীর কথা উড়িয়ে দিলো শান্তী, কিন্তু আয়নায় সূক্ষ্ম চোখে একটু তাকিয়েও দেখলো। খুব কি উগ্র হয়েছে ? না, ঠিকই।...তবু আর-একবার পাউডর-প্যাড হাতে নিয়ে বললো,—‘কে-একজন লেখক না তাঁর ফ্যাশনেবেল নায়িকার মুখে কিউটিকুরা পাউডর মাখিয়েছিলেন ? কী বুদ্ধি !’

‘কেন ?’ আর-একবার তাজ্জব বনলো স্বাতী।

‘কিউটিকুরা বুদ্ধি মুখে মাখে ?’

‘মাখে না ?’ প্রতিবাদের বেগে স্বাতী উঠে বসলো একেবারে।

‘আমি-তো মাখি। তুমিও-তো মেখেছো কত।’

কথাটা যেন শুনতেই পায়নি, এমনিভাবে শান্তী বললো, ‘সেদিন ঐ লেখককে নিয়ে কী-ঠাট্টা অগ্রণী সংঘে। সবশেষে হারীতবাবু তুললেন ঐ পাউডরের কথাটা—’

‘তাঁর কাছে অনেক রকম শিক্ষাই তো হয় তাহ’লে,’ স্বাতী যেন অভিভূত হ’য়ে পড়লো হারীতবাবুর জ্ঞানের পরিধিতে।

বোনকে নরম হ’তে দেখে শান্তী সুখী হ’য়ে বললো, ‘তুই দেখিস এটা মেখে—কত ভালো, তুলনা হয় না।’

‘তা তুমি যা-ই বলো, কিউটিকুরার মতো গন্ধ নয় আর-কিছুরই,’ বলতে-বলতে স্বাতী উঠে দাঁড়ালো।

হারীত যখন এলো, তার একটু আগে রাজেনবাবু ফিরেছেন আপিশ থেকে, আর স্বাতী ছোটো পটে ক’রে তাঁর চা নিয়ে এসেছে বসবার ঘরে। বাবার চা ঢেলে দিয়ে স্বাতী হেসে বললো, ‘আমি একটু চা খাই, বাবা?’

‘রোজ-রোজ আর অনুমতি চাওয়া কেন?’

‘তবে রোজ খাবো—কেমন বাবা? এখন-তো বড়োই হয়েছি—না?’ বাবার গলা একটুখামি জড়িয়ে ধ’রেই স্বাতী স’রে এলো চায়ের কাছে। ‘তুমি একটু খাবে, ছোড়দি?’

একটু দূরে জানলার কাছে ইজিচেয়ারে শান্তী সেজে-গুজে ব’সে ছিলো সেই হলদে-কালো মলাটের বইটা চোখের সামনে খুলে। সংক্ষেপে জবাব দিলো, ‘না।’

চামচে দিয়ে চা খেতে-খেতে স্বাতী বললো : ‘ঈশ, কী ভালো হয়েছে চা-টা—চমৎকার!’

‘স্বাতী, তোর চামচে দিয়ে চা খাওয়াটা ছাড় তো।’ ছুটে এলো সুশিক্ষিত শান্তীর মন্তব্য।

‘কেন, কী হয়?’

‘কেউ খায় না।’

‘খায় না আবার! অনেককে আমি দেখেছি—’

‘তারা সব ক্যাফলা!’

‘চামচে দিয়ে ষাড়া খায় না, তারা বুঝি কেউ ক্যাফলা না?’ মুখে ও-কথা ব’লে স্বাতী চামচে রেখে দু-আঙুলে পেয়ালা তুললো

বয়স্ক ধরনে, তারপরেই—‘নাঃ, চামচে দিয়েই ভালো!’ ব’লে তাকালো ছোড়দির দিকে, কিন্তু শাখতী হঠাৎ কেমন-একটু চঞ্চল হ’য়ে উঠে গম্ভীরভাবে চোখ ডোবালো বইয়ে। বাইরে জুতোর শব্দ হ’লো, আর যুহু কিন্তু স্পর্শ তিনটি বিলেতি চৌকা পড়লো দরজায়।

রাজেনবাবু বললেন, ‘ছাখ-তো কে’; কিন্তু স্বাতী ব’সে-ব’সেই বললো : ‘আমুন।’

পরদা ঠেলে হারীত ঘরে এলো। ঢিলেঢোলা রকমেব একটা পাংলুন পরা, আর গলা-খোলা শার্ট। ঢুকেই রাজেনবাবুকে দেখে ছু-হাত তুলে অভিবাদন জানিয়ে বললো; ‘এই যে—ভালো?’

‘স্বাতী, চা—’ রাজেনবাবুর ব্যস্ত ভাব।

‘না, না আমি চা না, এইমাত্র—’ হারীত একটু ঝুঁকে স্বাতীর দিকে তাকালো। ‘এসে অসুবিধে করলুম কি?’ ভাবগান। এই-রকম যেন ঘরের তিনজনের মধ্যে স্বাতীই প্রধান।

স্বাতী হেসে ফেললো। কী-রকম জোর দিয়ে-দিয়ে কথা বলেন ভদ্রলোক, ‘চা’-কে বলেন ‘চ্চা,’ ‘এসে’-কে ‘এশ-শে’। ‘অসুবিধে কী,’ একটু থামলো স্বাতী, আবার বললো, ‘বসুন।’

স্বাতীর অনুরোধ উপেক্ষা করলো না হারীত, কয়েক পা হেঁটে গিয়ে শাখতীর পাশের চেয়ারটিতে বসলো। —‘কী, পড়লেন?’

‘সবটা হয়নি,’ চোখ আনত শাখতীর, কণ্ঠ ক্ষীণ।

হাঁটুতে হাঁটু ভুলে টিপে-টিপে পাইপে তামাক ভরতে-ভরতে হারীত বললো, ‘বিষয়টা শব্দ—তবে এ ছাড়া তো আর বিষয় নেই আজকাল।—আমরা অবশ্য দিব্যি খেয়ে-দেয়ে চাঁদের বিষয়ে

পদ্ম লিখে দিন কাটাচ্ছি, এদিকে একটা বড়োরকমের লড়াই—’
পাইপ মুখে তুলে সে কথাটা শেষ করলো—‘বাধলো ব’লে।
সেজন্ম এখন থেকেই—’দেশলাই জ্বালতে গিয়ে হঠাৎ থেমে,
পাইপটা মুখ থেকে হাতে নামিয়ে গেলি-পরা বাবাটির দিকে তাকিয়ে
বললো, ‘I am sorry.’

‘না, না, তাতে কী,—আমি বরং—’ রাজেনবাবু উঠতে গেলেন।

‘আপনি বসুন,’ দেবতার বরদানের মতো হাতটি উচু করলো
হারীত। ‘এতে অবশ্য কিছু নেই—তবে আমাদের দেশে একটা নিয়ম
বধন আছে—আমি বরং বাইরে একটু পাইচারি—’ স্বদেশের প্রথাকে
প্রতি পদক্ষেপে সম্মানিত ক’রে হারীত পাইপ হাতে берিয়ে গেলো।

একটু পরে চায়ের পেয়ালায় শেষ চুমুক দিয়ে রাজেনবাবু
আস্তে-আস্তে উঠে ভিতরে এলেন। শাস্ত্রী ব’সে-ব’সে কয়েকটা
আঁকাবাঁকা ভঙ্গি করলো শরীরের—আর ব’সেই রইলো।

স্বাতী এলো বাবার সঙ্গে-সঙ্গে।—‘একটু বেড়াতে যাবে, বাবা?’

‘চল!’ রাজেনবাবু তক্ষুনি রাজি। : ‘

‘চলো ঐ মাঠটায় হাঁটি একটু।’

‘বেশ।’

ছ-মিনিটে তৈরি হ’য়ে এলো স্বাতী।—‘বাবা। শুয়ে পড়লে?
যাবে না—’ হঠাৎ থেমে বাবার মুখের দিকে এক পলক তাকিয়ে
স্বাতী বললো, ‘খাক বাবা, না গেলাম।’

‘কেন রে? চল—আমি এমনিই শুয়েছিলাম একটু—’

স্বাতী শিয়রে ব’সে বললো : ‘না বাবা, তুমি শোও. আমি
তোমার পাকা চুল বাছি।’

‘আর কি বাছবার সময় আছে?’

‘ঈশ, ক-টাই বা চুল পেকেছে তোমার, তা-ই নিয়ে এত জাঁক!’ হাত দিয়ে চুল সরাতে-সরাতে তকুনি আবার বললো, ‘উঃ! কত!’ সঙ্গে-সঙ্গে—পটু!

‘লাগে!’—রাজেনবাবু ন’ড়ে উঠলেন।

‘কী ছেলেমানুষের মতো করো! চুপ ক’রে শোও না!’ বাবার মাথাটি স্বাতী ঘুরিয়ে নিলো নিজের ইচ্ছেমতো; চুলের মধ্যে আঙুল চালিয়ে বললো, ‘সুন্দর চুল তোমার, বাবা!’

‘হবেই! স্বাতীর বাবা তো আমিষ্ট! আবছা শোনালো বাবার গলা।

বাবার যখন একটা চুলও পাকেনি, কেমন ছিলেন দেখতে? সে যেন বাবাকে এইরকমই দেখেছে বরাবর, মনে হয় এঁরকম ছাড়া আর-কিছুই ছিলেন না কখনো—কিন্তু সত্যি-তো আর তা-ই নয়! পুরোনো দু-একটা ছবি আছে বাবার, এতই অল্পরকম যে, দেখলে হাসি পায়, কিন্তু যখনকার ছবি তখন-তো ঠিকই ছিলো!

‘বাবা’, স্বাতী ডাকলো, ‘ও বাবা!’

ভারি নিশ্বাসের শব্দ শুনলো উত্তরে। ও মা! ঘুমিয়ে পড়লো! কেমন অবাক লাগলো স্বাতীর, বাবাকে এই সন্ধেবেলায় হঠাৎ ঘুমিয়ে পড়তে দেখে। নড়লো না, চুপ ক’রে ব’সে রইলো সেখানেই, আলো ক’মে-ক’মে রাত নামলো ঘরে।...বাইরে থেকে হঠাৎ ভেসে এলো হাসির শব্দ, সরু মোটা গলায় মেশানো।

সন্ধের পর স্কুলের পড়া নিয়ে ব’সে স্বাতী ব’লে উঠলো, ‘ছোড়দি, হার্নীতবাবুর বইটা!’

‘বইটা—কী ?’

‘ফিরিয়ে দিলেই পারতে । পড়বে-তো আর না—’

‘তোমার তাতে কী !’ ঝামটা দিয়ে মুখ ফিরিয়ে শান্তী ভাবতে লাগলো, হারীত-যে ব’লে গেলো রোববার বিকেলে ইউনিভার্সিটি ইনস্টিটিউটে যেতে, সেটা কেমন ক’রে সম্ভব হবে ।

পরের দিনও এই কথাই ভাবছিলো সে, দুপুরবেলা বই হাতে পাড়ার ছুটি সহপাঠিনীর সঙ্গে কলেজের উন্টে দিকের ফুটপাথে দাঁড়িয়ে । অগ্রণী সংঘের যে-ক’টি সভায় সে গিয়েছে, সবই রাসবিহারী এভিনিউর এক বড়োলোকের বাড়িতে, একা যাওয়া-আসা করা গেছে সহজেই—কিন্তু কলেজ স্কোয়াব ! এদিকে হারীতের কাছে প্রকাশ করেনি তার এই অসুবিধের কথাটা—কী ভাববে সে—কত মেয়ে আজকাল একলা টহল দেয় সারা শহর, আর সে বুঝি—

‘উঠে পড়ুন,’ ছোট্ট ছাইরঙের একটি গাড়ি এসে থামলো ঠিক তার সামনে ।

‘উঠে পড়ুন,’ হাত নেড়ে আবার ডাকলো হারীত ।

‘আপনি !’

‘আমুন,’ হারীত হাত বাড়িয়ে দরজা খুলে দিলো ।

শান্তীর চেহারাটা হ’লো মূর্তিমতী দ্বিধা । আমতা-আমতা ক’রে বললো, ‘না, আমি ট্র্যামেই—’

পাশের মেয়েটি কানে-কানে বললো, ‘কে রে ?’

হারীত গলা বাড়িয়ে বললো, ‘ও, বন্ধুদের জন্তু বুঝি ? তা সকলকে তুলে নিতে পারলে আমি-তো স্ত্রী হতাম খুব, কিন্তু

দেখছেন-তো, একজনের বেশি...অতএব, আপনারা অনুমতি করলে—' একটু হেসে সে অশ্রু মেয়ে দুটির দিকে তাকালো।

'যা,' পাশের মেয়েটি আস্তে একটু ঠেলে দিলো শাশ্বতীকে, 'দয়া-মায়াও নেই তোর?'

'ঐ-যে ট্রাম,' ব'লে এগিয়ে গেলো অশ্রু মেয়েটি।

ট্রাম চ'লে গেলো বন্ধু দু-জনকে নিয়ে। কেমন-একটা ট্রেন-ফেল-করা চেহারা ক'রে শাশ্বতী দাঁড়িয়ে রইলো সাড়েদশটা-বেলার বড়ো রাস্তার ব্যস্ততার মধ্যে। হারীত বললো, 'আর ভাবছেন কী—'

শাশ্বতী গম্ভীর হ'য়ে বললো, 'অনেক ধন্যবাদ মিস্টার নন্দী, কিন্তু—'

'ও-হু! ডোন্ট বি সিলি!' এমন-একটা অসহিষ্ণু অথচ সকৌতুক মুখভঙ্গি হ'লো হারীতের যে শাশ্বতী আর দেরি না-ক'রে গাড়িতে উঠে পড়লো।

গাড়ি বঁকলো ডান 'মিকে হাজরা রোড ধ'রে।—'এ কী!'

শাশ্বতী দরজা ধ'রে চেষ্টা করে উঠলো, 'এদিকে না!'

হারীত কোনো জবাব না-দিয়ে গাড়িটিকে আস্তে দাঁড় করালো একটি পেট্রল-পম্পে। স্বস্তির নিশ্বাস পড়লো শাশ্বতীর। মুখ দিয়ে বেরিয়ে গেলো—'ও!'

পকেট থেকে পাইপ বের করলো হারীত, গাড়ির গায়ে ঠুকে-ঠুকে পাড়া তামাক ফেলে দিলো। তারপর মুখ ফিরিয়ে বললো, 'আপনি ভেবেছিলেন আমি আপনাকে নিয়ে পালিয়ে যাচ্ছি?'

আগুনের রং ছড়িয়ে পড়লো শাশ্বতীর কুমারী মুখে। দৃশ্যটা

উপভোগ করতে-করতে হারীত আবার বললো, ‘আর সে-রকম কোনো ছরভিসন্ধি যদি আমার থাকেই আপনি ভয় পাবেন কেন ? নিজেকে রক্ষা করতে পারবেন না ?’

শাশ্বতী মুখ ফিরিয়ে দেখতে লাগলো কাচের স্তম্ভে ফিকে-সোনারি পেটলের বুড়বুড়ি-তোলা নেমে আসা। একটু পরে গাড়ি চললো রসা রোড ধ’রে বরাবর দক্ষিণে। জ্বলজ্বলে রোদ, ট্রাম-বাস ভরতি, প্রত্যেকটি বাড়িফেরা ট্র্যামে তার কলেজের মেয়েরা—কী অস্বস্তি !

‘মনে হচ্ছে অপরাধ করলাম,’ চিবিয়ে-চিবিয়ে হারীত বললো।

‘গাড়িটা—বেশ-তো।’ এতক্ষণে শাশ্বতী কিছু বলবার কথা খুঁজে পেলো।

‘আমার এক বন্ধুর গাড়ি, আমি ব্যবহার করি। বড্ড ছোটো ;—অসুবিধে হচ্ছে ?’

‘হ’লেই-বা কী করা।’

‘বইগুলো অস্তুত কোল থেকে নামাতে পারেন।’

‘ধাক।’

রাসবিহারী এভিনিউর মোড় পার হ’তে-হ’তে হারীত বললো, ‘নাঃ, আপনাকে কষ্ট দিলাম। কিন্তু আমি-তো আর আপনার সুখের জন্ত আপনাকে আসতে বলিনি।’

‘তবে ?’

‘আমার সুখের জন্ত—নিশ্চয়ই !’

শাশ্বতী মুখ নিচু করলো।

‘রোববার আসছেন তো ?’

‘দেখি ।’

‘দেখি আবার কেন ?’

‘এত দূর—’

‘দূর ? দূর আবার কী ! আসতেই হবে আপনাকে ।’

শাশ্বতী এক হাতে কপালের চুল সরালো । তার ঈষৎ নোওঙ্গানো আধখানা মুখের দিকে তাকিয়ে হঠাৎ একটা নতুন কথা ঝিলিক দিলো হারীতের মনে ।—‘আচ্ছা, ভাববেন না, আমি যাবার সময় তুলে নেবো আপনাকে ।’

‘না, না—’

‘এতে আঁৎকাবার কী আছে ?’

‘মিছিমিছি অশ্রুবিধে—’

‘অস্ত্রত ট্রাম-বাস্-এর চেয়ে বেশি অশ্রুবিধে না—’

‘সে-কথা না—’

‘তবে আবার কী । ছ-টায় তৈরি থাকবেন ; আমাকে যেতে হবে একটু আগেই ।’

‘না, সত্যি দেখুন—’

‘সত্যি দেখুন !’ মুখে-মুখে ঠাট্টা ক’রে উঠলো হারীত । শাশ্বতী হেসে ফেললো ।

বড়ো রাস্তায় গাড়ি থেকে নেমে শাশ্বতী গলিটুকু হেঁটে এলো । কেন, বাড়ি পর্যন্ত গাড়িতে এলে কী হ’তো ? সত্যি, কী বিজ্ঞী আমার মনের এই—! বাজ্ঞে সব ! মানে হয় না কোনো ! . রোববার যাবো হারীতের সঙ্গে গাড়িতে—নিশ্চয়ই, নিশ্চয়ই !

কিন্তু হ’লো না । রাজেনবাবু বললেন, ‘তুই একা ওর সঙ্গে যাবি কী রে ?’

‘গেলে কী হয় ?’

‘হবে আবার কী—এ-রকম যায় না। তুই ওকে “না” ব’লে আয়।’

‘না’! যে-বাবার মুখে কোনোদিন কোনো ‘না’ শোনেনি, সে-বাবার মুখে ‘না’! যেখানে গেলে নানা বিষয়ে শিক্ষা হয়, সেখানেও নিজের ইচ্ছেমতো যেতে পারবে না, এত পরাধীন সে! আর এতদিন ধ’রে সে ভেবে এসেছে তার বাবা অশ্রু বাবাদের মতো নয়—!

মাথা ঝাঁকি ব’লে উঠলো, ‘আমি পারবো না কিছু বলতে।’

‘আমিই ব’লে আসি তবে।’

‘না, না—’ কিন্তু ততক্ষণে রাজেনবাবু অসুস্থিত। একটু পরে ঢাকাই জামদানি পরা শাশ্বতী শুনলো ছোট্ট গাড়িটির চ’লে যাওয়ার শব্দ।

ঘরে ঢুকতে-ঢুকতে রাজেনবাবু বললেন, ‘কী রে, তোর মন-খারাপ হ’লো নাকি খুব?’

‘কী বললে তুমি হারীতবাবুকে?’

‘বললাম, শাশ্বতী আজ যাবে না।’

‘এই বললে তুমি?’ শাশ্বতী আর্ত ভঙ্গিতে হাত তুললো।

‘কী বলবো তবে?’

‘বলতে পারলে না অসুখ করেছে?’

‘কেন, অসুখ করেছে নাকি তোর?’

রাগে শাশ্বতীর ইচ্ছে করলো গায়ের জামা-কাপড় টেনে ছিঁড়তে। হী-ছি, এর পরে কী ক’রে মুখ দেখাবে সে? আর বাবা কী-রকম

মানুষ—দিব্যি ব'লে এলেন সে যাবে না ! অপমান করলেন একজন
উঁচু দরের মানুষকে ! আর কি সে আসবে ? না, আসবে তো-
না-ই, আর তার উপর কী ভেবে গেলো তাকে, কী বিক্রী, কী-রকম
একটা জড়ভরত ভূত ! যদি কোনোরকমে আজকের সভাটার
সে যেতে পারতো, তাহ'লে—তাহ'লে অন্তত বুঝিয়ে বলতে পারতো—

‘তা এতই যদি তোর যাবার ইচ্ছে,’ ঠিক তার মনের কথাটাই
যাবার মুখে শুনতে পেলো শাস্তী, ‘বিজুকে নিয়ে বাস্-এ
চ'লে যা ।’

কিন্তু বিজু রাজি হ'লো না । শার্টের কলারটা উঁচু ক'রে
তুলে দিয়ে সে তখন বেরোচ্ছে আড্ডা দিতে । ‘বক্তৃতা নাকি ?
সর্বনাশ ! আমি ওর মধ্যে নেই !’

‘একদিন না-হয় গেলি একটু ছোড়দিকে নিয়ে,’ রাজেনবাবু
অনুরোধ জানালেন ।

‘আমি না !’ ত্বরিতে নিষ্ক্রান্ত হ'লো বিজু ।

তখন রাজেনবাবু বললেন, ‘তাহ'লে চল আমিই—

যাবার সঙ্গে ? তা হোক, তবু-তো যাওয়া হবে । শাস্তী
উঠলো তার বিপর্যস্ত প্রসাধনের মেঝামত করতে । রাজেনবাবু
ডাকলেন, ‘স্বাতী, যাবি নাকি ?’

‘কোথায়, বাবা ?’ স্বাতী ছুটে এলো পাশের ঘর থেকে ।

‘তোর ছোড়দিকে নিয়ে মীটিঙে যাচ্ছি—’

‘তুমি কেন ?’

‘যাই । একটু বেড়ানোও হবে আমার ।’

‘না, তুমি যাবে না ।...হাসছো কী ? একটাই রোষবার—

এখন আবার বাস্-এর, ঝাঁকানি খেতে-খেতে কলেজ স্কোয়ার—
পাগল !’

‘রোববারটা এমনই ব’সে-ব’সে—’

‘ব’সে-ব’সে না আরো-কিছু!—কেন, দাদা যেতে পারে না ?’

‘তার সময় হয় না ।’

‘যত সময় বুঝি তোমার ? এমন রাগ হয় সত্যি—!’

ঘরে এলো ব্যাগধারিণী শান্তী । ‘ছোড়দি, বাবা কিন্তু যাবেন না !’
তাকে দেখামাত্র স্বাতীর ঘোষণা ।

শান্তী থমকে দাঁড়ালো ঘরের মধ্যে ।

‘যাই না’, রাজেনবাবু দেখলেন শান্তীর মুখে মেঘ আর স্বাতীর
চোখে বিদ্রোহ । অসহায়ভাবে বললেন, ‘যাই, কেমন ? তুইও চল ।’

‘ছোড়দি, তুমি কেমন ?’ স্বাতী দাঁড়ালো বোনের মুখোমুখি ।
‘বাবাকে আবার টেনে নিয়ে যাচ্ছে—’

‘আহা—ও-তো কিছু বলেনি—’

‘স্বাতী !’ শান্তী গর্জন ক’রে উঠলো, ‘তুই এ-বাড়ির কর্তা
হলি কবে থেকে ?’

‘ককখনো না !’ স্বাতীও গলা চড়ালো, ‘ককখনো তুমি
যাবে না বাবা—আমি বারণ করছি !’

‘চাইনে, চাইনে যেতে—এ-বাড়িতেই আর থাকবো না আমি !’
শান্তী ছুটে গিয়ে জানলার শিক ধ’রে ফৌপাতে লাগলো ।

মিথ্যে হ’লো না মুখের কথা, একটি মাসও কাটলো না এর পর,
হারীত বিয়ের প্রস্তাব জানালো ।

সেদিনও রবিবার। বাজার নিয়ে এসে, রাজেনবাবু বাইরের ঘরে ব'সে কাগজ পড়ছেন, হারীত ঢুকলো গটগট ক'রে। সেদিন তার পোশাকটা—বোধহয় আইনত শীতঋতু আরম্ভ হয়েছে ব'লেই—একটু আটোঁসাঁটো ; পাংলুনে কড়া ইস্ত্রি, নেকটাইটি পরিষ্কার। শরীরের একটা কুণ্ঠিত ভঙ্গি দিয়ে রাজেনবাবু অভ্যর্থনা জানানলেন। ‘বন্ধন,’ ব'লে কাগজের পাতাগুলি গুছিয়ে নিয়ে তিনি উঠতে যাচ্ছিলেন, হারীত বললো, ‘আপনি উঠবেন না—আপনার সঙ্গেই আমার কথা।’

রাজেনবাবু শাস্ত্র চোখে যুবকের মুখের দিকে তাকালেন।

‘কথাটা হচ্ছে’, হারীত চেয়ারে পিঠ খাড়া ক'রে হাতলে দুটো টোকা দিলো, ‘আমি শাস্ত্রতীকে বিয়ে করতে চাই। ‘আপনি নিশ্চয়ই বুঝেছেন যে শাস্ত্রতীরও এ-ই ইচ্ছে, এখন আপনার মত হ'লেই হ'য়ে যায়।’

শাস্ত্রতী নামটা হারীতের মুখে একটুও মধুর শুনলেন না রাজেনবাবু। কেন-যে এই ছেলেটিকে আমার ভালো লাগে না ! খারাপ তো কিছু নয়—ভালো ছেলে ! শিক্ষিত, বিলেত-ফেরৎও, উৎসাহী, বুদ্ধিমান। তবু—ওর চাল-চলন, হাব-ভাব, কথা বলার ধরন—সব যেন—; অশ্রু তিন জামাই এসে দাঁড়ালো চোখের সামনে : দিলখোলা ফুঁর্তিবাজ বড়ো জামাই প্রমথেশ ; একটু রাগি হেমাজ, কিস্তি চাপা ঠোঁটে কম কথায় বেশি বুদ্ধির মানুষ ; উশকোখুশকো ছুলে দিশেহারা অরুণ ;—তাদের পাশে এই—এই—কী ? কী জানি ! আজকালকার ভালো-ভালো ছেলেরা বুঝি এইরকমই ; আমি পুরোনো লোক—আমারই চোখের দোষ।

কল্যাণককে নীরব দেখে পাণিপ্ৰার্থী আরো বললো : ‘আমার সম্বন্ধে কিছু খবর আপনাকে জানানোর আছে। চাকরি করি ইনশিওরেন্স আপিশে ; এখন পাচ্ছি তিনশো, প্রসপেক্ট আছে। বাবা উকিল—আইনের বই-টাই লেখেন, থাকেন ভবানীপুরে ঠাকুরদার আমলের বাড়িতে, দুই কাকাও সেখানে—আমি সম্প্রতি আলাদা ফ্ল্যাট নিয়েছি রাসবিহারী এভিনিউয়ে।’

‘কেন ?’

একটুও দেরি না-ক’রে, ‘আপনার মেয়েরই সুখের জন্ত’, জবাব দিলো হারীত। চেয়ারে হেলান দিয়ে বললো, ‘তাহ’লে আপনি কী বলেন ?’

‘তেমির বাবার সঙ্গে কথা বলবো।’

‘নিশ্চয়ই—ও-সব ফর্ম্যালাটি তো আছেই। তবে এ-বিষয়ে বাবার যখন আলাদা কোনো মত নেই, আপনি আমার সঙ্গেই—’ হারীত উত্তরের জন্ত রাজেনবাবুর মুখের দিকে তাকালো, উত্তর না-পেয়ে উঠে দাঁড়ালো।—‘আচ্ছা, চলি।’ ‘কাল আবার আসবো এই সময়ে।’ দরজার দিকে যেতে-যেতে একটু থামলো রাজেনবাবুর সামনে, গলা নিচু ক’রে চোখে কেমন-একটা উদাস ভাব এনে বললো : ‘একটা কথা বলি। এ-বিষয়ে হবেই, আশা করি মিছিমিছি একটা গোলযোগ—?’

‘দেখি।’

হারীত চ’লে যাবার পর রাজেনবাবু তেমনি ব’সে রইলেন চেয়ারটিতে। কী-দোষ ? হারীতের কী-দোষ ? কেন মনে হচ্ছে না চমৎকার, কেন স্থখী হ’তে পারছেন না, কেন তার মুখে দেখতে

পাচ্ছেন না প্রমথেশের ভালোমানুষি, হেমানন্দ্র ধার, অরুণের লাবণ্য ?
 কেন ওদের পাশে বসাতে গিয়েই মন কুঁকড়ে ফিরে আসছে ?—
 কিন্তু মেয়ে তাকে পছন্দ করেছে, মেয়ে সুখী হবে, আমি কে ?
 কিছুই কি নই ? আমার না ওরা ?...না, ফল কি গাছের ?
 মুকুল গাছের, ফুল গাছের, ফল পৃথিবীর। যে-মুহূর্তে পাকলো,
 সে-মুহূর্তে দিতে হবে পৃথিবীকে, না-দিলে ফল পচবে, গাছ
 মরবে।...যদি পড়ে পোড়ো জমিতে, জোলো জমিতে, মরুভূমিতে ?...
 কে জানে, কেউ কি বলতে পারে ? কাকে জিগেস করবেন ?
 কার সঙ্গে কথা বলবেন আজ ? বিছানায় শুয়ে, অত কষ্ট পেয়ে,
 রোগে ধুঁকতে-ধুঁকতে, তবু-তো সে ছিলো। গেলো কোথায় ?
 ...তবে কি সত্যি চ'লে গেলো, আর দেখবো না, তার মেয়ের
 বিয়েতেও দেখতে পাবো না একবার ?

‘বাবা !’

এইমাত্র স্নান করেছে স্বাতী, পরেছে লাল পাড়ের শাদা
 একটি শাডি, ভিজ়ে চুল মেলে দিয়েছে পিঠে। তাকিয়ে রাজেন-
 বাবু কথা বলতে পারলেন না। বলবার কিছু নেই, বললেও
 কেউ শুনবে না ; দিতেই হবে, আমাকেও দিতে হবে, আমার
 কাছেও পৃথিবীর পাওনা ছিলো তিনটি, চারটি, পাঁচটি কথা।

‘বাবা, তুমি যেন বড়ো চিন্তিত ?’

‘শোন স্বাতী, তোকে একটা কথা বলি—’

‘কী, বাবা ?’

‘আচ্ছা, হারীতের সঙ্গে তোর ছোড়দির বিয়ে হ’লে কেমন
 হয় রে ?’

‘ভালো-তো !’

‘ভালো ? তোর ভালো লাগে হারীতকে ?’

‘আমার ?’ স্বাতী আর-কিছু বললো না।

রাজেনবাবু জিগেস করলেন, ‘শাখতী বেশ সুখী হবে, তোর মনে হয় ?’

‘কেন হবে না ?’ ব’লে স্বাতী ঘুরে দাঁড়ালো, একটু-যেন লাজুক ধরনে। চোখে লাগলো লাল পাড়ের ঝলকানি। এ-রকম তো হয়েছিলো আগে একবার, হঠাৎ মনে হ’লো রাজেনবাবুর, ঠিক এ-রকম, এমনি এক অত্মানের সকালে ; ঠিক এই মুহূর্তটি, এই ঘর-আলো-করা লাল পাড়, ভিজ়ে চুলের গন্ধ, ঘুরে দাঁড়ানোর চমক। ‘কবে ?...কবে ? সে কি এ-জন্মে, সে কি আর-এক জন্মে ? সে কি এই জগতে, না আর-এক জগতে ? সে কি আমি ? সে কি সত্যি আমি ? সেই আর-একটি পনেরো বছরের মেয়ে, তাকে মনে পড়ে না ? আমাকে আর মনে পড়ে না ? আমাকে আর মনে পড়ে না তোমার ?’

‘ছোড়দিকে ডাকবো, বাবা ?’ স্বাতী নিচু হ’য়ে থুতনি রাখলো বাবার কাঁধে। মাথা সরিয়ে নিলেন রাজেনবাবু, দুই চোখ ভ’রে দেখতে লাগলেন যেন স্বাতীকে আগে জ্ঞাথেননি। সেই কৌকড়া কালো মাথাটা, যত মুখ জীবনে দেখেছেন তার মধ্যে সবচেয়ে সুন্দর মুখ ! সে-মুখ তো নেই আর। যে-মুখে শুধু আনন্দ ছিলো, শুধু অমৃত, সে-মুখে কেন আশঙ্কা, যেন অশাস্তি ? কী-যেন লুকোনো আছে, সেই লুকোনোকে তার ভয়। চোখ এমন বড়ো-বড়ো ছিলো না তার, এমন বাঁকাও ছিলো না। কখনো এমন আশ্চর্য

লাগেনি তার মুখ, এত আশ্চর্য যে অচেনা ।...যদিও চারটি মেয়েকে-
এর আগে বড়ো হ'তে দেখেছেন, তবু রাজেনবাবু যেন বিশ্বাস
করতে পারলেন না যে এ তাঁরই কন্যা ।

‘কিছু বলছো না যে ?’ আবার প্রশ্ন স্বাভাবিক ।

‘আচ্ছা,’ ব'লে রাজেনবাবু চেয়ার ছেড়ে উঠলেন, আর
সেদিন থেকেই লেগে গেলেন টাকা জোগাড়ের চেষ্টায় ।
তারিখ পড়লো অস্থানেরই শেষে ; দেখতে-দেখতে পাড়ায় ছড়ালো
বিয়ে-বাড়ির সোর ।

—যাকে বলে বিয়ে-বাড়ি ! ভিড়, হৈ-চৈ, অফুরন্ত রান্না
আর খাওয়া । এ-ক'বছরে যদিও তিন মেয়েই যাওয়া-আসা
করেছে দু-একবার, আর পূজোর সময় একবার খেতা আর
সরস্বতী একসঙ্গেও এসে ছিলো কিছুদিন—তবু চেষ্টা ক'রেও
তিন মেয়েকে একত্র করতে পারেননি রাজেনবাবু । খুব আশা
ছিলো যে শাস্ত্রীর বিয়ের সময়—কিন্তু হ'লো না । হেমন্ত
রেনাল কলিকে ভুগছে, তাকে নিয়ে আসা অসম্ভব, তাকে রেখে
আসাও তা-ই । লম্বা একটি চিঠিতে মহাশ্বেতা কঁাদলো বাবার
কাছে, পাঠালো সেই খামেই পাঁচশো টাকার ড্রাফট, আর পার্সেলে
বর্মি স্নাকরার শিল্পকলার কয়েকটি নমুনা ।

নতুন বাড়িতে মেয়ে-জামাইরা এই প্রথম এলো । সবচেয়ে
বড়ো পূর্ব-দক্ষিণ-খোলা ঘরটি, শাস্ত্রী আর স্বাভাবিক ষেটাতে থাকে—
মানে থাকতো—সেটি রাজেনবাবু দিলেন খেতাকে, সে বড়ো

ব'লে নয়, তার ছেলেপুলে বেশি ব'লে। তাঁর ঘর হ'লো সরস্বতীর, আর বিজুর ছোটো ঘরে ছোটো দুই মেয়েকে দিয়ে তিনি এলেন বাইরের ঘরে—এলেন মানে আর কী, রাত্তিরের শোওয়াটা দিয়েই-তো কথা।

‘আমি ? আমি কোথায় শোবো ?’ বিজু গনগন করলো।

রাজেনবাবু বললেন, ‘কেন ? বাইরের ঘরে তো কত জায়গা।’

‘মেঝেতে ?’

রাজেনবাবু তক্তাপোশ আনালেন। স্বাতী বললো, ‘তুমি বুঝি মেঝেতে শোবে, বাবা, আর দাদা তক্তাপোশে ?’

‘মেঝেতেই আরাম।’

‘আমি পড়বো কোথায় ? আমার আবার পরীক্ষা না ?’

‘পরীক্ষা তো স্বাতীরও’, রাজেনবাবু মাথা চুলকোলেন, ‘তা এক-টা দিন—’

‘ঈশ ! এমনিতেই প’ড়ে ভাসিয়ে দিচ্ছিস !’ স্বাতী ঠোট বেঁকিয়ে বললো, ‘খুব সুবিধেই হ’লো ‘তোর, চমৎকার ছুতো হ’লো একটা।’

বিজু রাগ ক’রে দু-তিন খানা বই আর একটি বালিশ নিয়ে চ’লে গেলো তার এক বন্ধুর বাড়িতে। শ্বেতা থেমে-থেমে বললো, ‘সত্যি, ওকে কেন—আমরা না-হয়—ওর পরীক্ষা—’

‘ভালো তো !’ রাজেনবাবু বললেন, ‘যদি রাগ ক’রেও একটু পড়ে-ঠেড়ে, তবে-তো ভালোই।’

‘তা—ওকে ডেকে আনবে না ?’

‘আসবেই।’

সারাদিন বাইরে কাটিয়ে সন্দের একটু আগে বাড়ি এসে বিজু হাঁক দিলো : ‘স্বাতী, আমার মশারি দে।’

শ্বেতা তাড়াতাড়ি কাছে এসে বললো, ‘বেশ ছেলে! কোথায় ছিলি রে সারাদিন? আয়—কী খাবি?’

বিজু মোটা গলায় বললো, ‘আমি চ’লে যাবো এক্ষুনি।’

‘যা, ঘরে যা। তোর ঘর ঠিক ক’রে দিয়েছি।’

ঘরে এসে বিজু অবাক। পরিষ্কার গুছোনো টেবিল, নতুন স্ফুজনি দিয়ে ঢাকা বিছানা, আর বোন ছুটোর চিহ্নমাত্র নেই। হাত-পা ছড়িয়ে তক্ষুনি শুয়ে পড়লো লম্বা হ’য়ে—উঃ, বড্ড ঘোরাঘুরি হয়েছে সারাদিন।

সন্দের পর শ্বেতা বললো, ‘বাবা, আমি বাইরের ঘরেই বিছানা করতে বললাম, এখানে এক খাটে শাম্বতী আর স্বাতী, আর-এক খাটে তুমি—’

‘কেন?’

‘বিজুকে তার ঘরেই দিয়েছি।’

‘আর তুই বুঝি ছেলেপুলে নিয়ে এই ঠাণ্ডায়—’

‘ঠাণ্ডা কোথায়—কলকাতায় আবার শীত। মস্ত বিছানা হবে মেঝেতে, ছেলেপুলে নিয়ে বেশ ছড়িয়ে শোবো।’

‘হ্যাঃ, তাই বেশ! যা গড়ায় ওরা এক-একজন!’ ব’লে প্রমথেশ এমনভাবে হেসে উঠলো যেন এই গড়ানোটা খুব একটা আনন্দের ব্যাপার।

‘বিজুকে এ-রকম প্রশ্রয় দেয়া কিন্তু ঠিক না’, বললো সরস্বতী।

‘প্রশ্রয় কী রে?’ শ্বেতা জবাব দিলো, ‘সকলেবই সুবিধে, আর ওর বুঝি অসুবিধে হবে?’

‘অসুবিধে আবার কী—বোনেদের জন্ত একটু কষ্ট করতে পারে না !
ছ-দিনেরই তো ব্যাপার ।’

‘আহা—ছেলেমানুষ—ওর আবার—’

‘আমি-তো দেখছি ওর ছেলেমানুষি ঘুচবে না কখনোই । তোমাকে
বললাম, বাবা, ওকে দিল্লিতে আমার কাছে রাখো—ঠিক মানুষ
হ’য়ে যেতো ওখানে ।’

‘সত্যি নাকি রে ? তবে আমার ডালিমটাকে রাখি তোর
কাছে—একবারে পড়তে চায় না হুমুমান !’

ছাইরঙের গরম স্যুট প’রে অরুণ এসে দাঁড়ালো ।—‘শোনো,
একটা রুমাল দিতে পারো ?’

‘স্যুটকেসেই আছে ছাখো না,’ স্বামীর দিকে না-তাকিয়েই উত্তর
দিলো সরস্বতী ।

‘খুঁজে পাচ্ছি না তো—’

‘তুমি আবার কবে কী খুঁজে পাও ! যা তো গীতি, বাবার
একখানা রুমাল বের ক’রে দে ।’

গীতিও সেজেছিলো বাবার সঙ্গে বেরোবে ব’লে ; পুতুলের মতো
মাথা নেড়ে বললো, ‘আমি পারবো না !’

‘পারবি না ! কিছুই পারবি না তোরা ! সবই যদি আমাকেই
করতে হবে তাহ’লে আর ছেলেমেয়ে হ’য়ে আমার লাভ কী হ’লো !’

‘আহা—দে না খুঁজে’, রাজেনবাবু নিচু গলায় বললেন ।

মেয়ের গায়ে ধাক্কা লাগিয়ে মাথায় কাপড় টেনে সরস্বতী উঠে
দাঁড়ালো । খেঁতা ব’লে উঠলো, ‘তোর শাড়িটা দিসরে আমাকে—
পাড় লাগিয়ে দেবো ।’

‘এটা ?’ সরস্বতী একটু-যেন অবাক হ’লো। ‘এগুলো-তো পাড় ছাড়াই পরে।’

‘নাকি ? পাড়-ছাড়া শাড়ির ফ্যাশন হয়েছে আজকাল ? মা গো, মা গো !’ শ্বেতার যেন চোখে দেখেও বিশ্বাস হয় না।

‘মনে নেই তোমার—সেই মিসেস দে—জজ-সাহেবের স্ত্রী—’ ঘর ভ’রে গেলো প্রমথেশের উচ্চহাসিতে।

রাত্রে বিছানায় শুয়ে শান্তী বললো স্বাতীকে : ‘বড়দিটা কী-রকম হয়ে গেছে রে !’

‘কী হয়েছে ?’

‘কেমন বাঙাল-বাঙাল !’

স্বাতী একটু ভেবে বললো, ‘আমার কিন্তু অন্য রকম লাগে।’

‘কী-রকম ?’

‘লেপের তলায় বোনের আবো একটু গা ঘেঁষে স্বাতী চুপি-চুপি বললো, ‘ঠিক মা-র মতো।’

‘কী গরম রে !’ শান্তী লেপ সরিয়ে দিলো পায়ের উপর থেকে।

‘ছোড়দি, মাকে তোমার মনে পড়ে ?’

‘বাঃ, পড়ে না !’

‘আমার কিন্তু মনে হয় ভুলেই গেছি। বড়দি যেদিন এলেন না—আমি কী-রকম চমকেছিলাম প্রথম দেখে—ঠিক যেন—’

‘দূর !—মা বুঝি ও-রকম ছিলেন ! ছবির সঙ্গে মিলিয়ে দেখিস।’

‘কী জানি, আমি-তো বড়দিকে বেশি দেখিনি, তাই বোধহয়—’

‘জামাইবাবুটাই ক্যাবলা,’ একটু পরে শাশ্তী মন্তব্য করলো।
‘সেইজন্মই বড়দি ও-রকম হ’য়ে গেছে।’

‘যাঃ, জামাইবাবু খুব ভালো—চমৎকার।’

‘ভালো সত্যি অরুণদা। কিন্তু কী-রকম বুড়োটে হ’য়ে গেছে রে
এর মধ্যে! তোর সঙ্গে আজকাল আর বেশি ভাব দেখি না
তার?’

‘দেখাই হয় না।’

‘তোর মনে আছে, স্বাতী’, শাশ্তী ন’ড়ে-চ’ড়ে বোনের মুখের
কাছে মুখ আনলো, ‘সেই-যে কেঁদেছিলি অরুণদাকে বিয়ে করবো
ব’লে?’

‘যাঃ!’

‘কেঁদে একেবারে গঙ্গা-যমুনা! আর কী মেরেছিলি আমাকে—
মনে নেই?’

‘যাঃ!’

‘কাণ্ডই করেছিলি, সত্যি। দিদিরা হেসে খুন!’ কথাটা মনে
ক’রে সেইরকমই হাসলো শাশ্তী, যে-রকম দিদিরা হেসেছিলো
কথাটা শুনে দশ বছর আগে। কিন্তু ঠিক কি সে-রকম?

একটু চুপ ক’রে থেকে স্বাতী যেন আপন মনে বললো, ‘আজ
এক শুক্লবার গেলো, আবার শুক্লবারেই তো—’

‘নে, ঘুমো এখন।’

‘ছোড়দি, একটা কথা বলবে?’

‘কী?’ একটু লজ্জা শাশ্তীর মুখে।

‘কেমন লাগছে রে?’

‘কেমন আবার !’ শাস্ত্রী এক ঝটকায় পাশ ফিরলো ।

ছপুরবেলায় সিনেমা দেখে বিকেলের রোদ্দুরে বেরিয়ে আসতে যেমন লাগে, তেমনি লাগলো হারীতের পরের শুক্রবারের রাত-শেষের শনিবারের সকালবেলায় । লোকজন, চলাফেরা, হাসি, কথা, ব্যস্ততা, রোদ্দুরে মাখা শীতের সকাল, আর সে ঘুম থেকে উঠলো একটি অচেনা বাড়ির অচেনা ঘরের মেঝেতে, পাশে আলপনা, হাতে হলদে সূতো, পরনে গরদ । যেন সিনেমা শেষ, সকলে মিশে গেছে রাস্তার ভিড়ে, সে প’ড়ে আছে সিঁড়িতে একলা । নাঃ—এক পেয়ালা চা খেয়ে নিয়েই বেরিয়ে পড়তে হবে !—গায়ের আড়মোড়া ভেঙে হারীত উঠে দাঁড়ালো ।

বাথরুমে হাত-মুখ ধুয়ে, গরদ ছেড়ে সাধারণ কাপড় প’রে ঘরে এসে ছাখে রীতিমতো ভিড় । মেঝেতে মস্ত রুপোর ট্রেতে চা—শুধু কি চা ! রুটি-মাখন, ডিমের পোচ, সোনারঙের মোটা-মোটা মর্ত্তমান কলা, আবার ফুলো-ফুলো লুচি, বিরিবিরি আলুভাজা, সন্দেশ, পান্তয়া, সরভাজা । হারীতের ভির্মি লাগলো ।

সরস্বতী বললো, ‘কী নন্দী-সাহেব, রাতিরে একটু ঘুমিয়েছিলে কি ?’

‘খুব ঘুমিয়েছিলাম,’ হারীত গস্তীরভাবে বসলো এসে মেঝের বিছানাতেই, যেহেতু ঘরে চেয়ার-টেয়ার কিছু নেই ।

‘ও মা, বিয়ের কাপড় ছেড়ে ফেললে !’ শ্বেতা ব্যস্ত হ’য়ে উঠলো ।
‘বাসিবিয়ে হবে না ?’

আরো গস্তীরভাবে হারীত বললো : ‘আমি একটু বেরুবো ।’

‘এখন ? এখন কোথায় যাবে ?’ আঁৎকে উঠলো শ্বেতা । ‘কত-কিছু আছে এখন—’

‘আ—হা !’ মোটাসোটা প্রমথেশ খাটে এসে জুড়ে বসলো, ‘তোমাদের ও সব নিয়ম-টিয়ম ছাড়ো-তো একটু । আজকালকার ছেলেদের কি ভালো লাগে ও-সব ! দাও, চা দাও ওকে ।’

‘স্বাতী, যা তো তোর ছোড়দিকে ডেকে নিয়ে আয় ।—এটা বোধহয় আজকালকার ছেলেটির ভালো লাগবে ?’ সরস্বতী কটাক্ষ হানলো হারীতকে ।

‘মিছিমিছি লজ্জায় ফেলা বেচাবাকে—’ মাথার কাপড়টি আরো একটু টেনে দিয়ে শ্বেতা বললো ।

কিন্তু না ! বেনারসি’ আর গয়না পরা শাস্ত্রী বেশ হাসিমুখেই ঘরে এসে বড়োজামাইবাবুর কাছে বসলো খাটে ঠেশান দিয়ে ।

‘এই ভুল করলে ! ওখানে ওর পাশে গিয়েই বোসো না— একটু দেখি আমরা !’ ব’লে প্রমথেশ অনুমোদনের জন্য আর-সকলের দিকে তাকাতে লাগলো ।

‘আর জ্বালিয়ে না তো বাপু !’ শ্বেতা উব-হাঁটু হ’য়ে ট্রের কাছে ব’সে খাবার-সাজানো-সাজানো থালা এগিয়ে দিতে লাগলো হারীতের দিকে ।

‘এ-সব দিয়ে কী হবে ?’

‘খাও একটু ?’

‘একটু ?’

‘কাল-তো উপোশ ক’রে ছিলে—’

‘না ! উপোশ কেন করবো ?’

শ্বেতা হেসে ফেললো।—‘আচ্ছা, কাল না-হয় উপোশ করোনি।
তাই ব’লে আজ করবে নাকি?’

‘একটু চা দিন।’

সরস্বতী এগিয়ে এলো চা ঢালতে। হারীত বললো, ‘আপনারা?
হাত নেড়ে জবাব দিলো প্রমথেশ, ‘আমাদের হ’য়ে গেছে
অনেক আগে। বুঝেছো না, মফস্বলের অভ্যেস, ঘুম ভেঙেই খিদে।’

‘আপনি?’ প্রশ্নের লক্ষ্য সরস্বতী।

মুখ টিপে হেসে সরস্বতী বললো, ‘আগে বললে না—ব’সে
থাকতুম তোমার জন্ত।’

ঢিলেঢালা ধুতি-পাঞ্জাবি-পরা অরুণ ঘরে ঢুকে সোজা ব’সে
পড়লো মেঝের উপর, কপাল থেকে চুল সরিয়ে বললো, ‘আমাকে
একটু চা।’

সরস্বতী চা ঢেলে প্রথমে দিলো জামাইকে, তারপর স্বামীকে।

খাটের দিকে তাকিয়ে হারীত বললো, ‘শাস্বতী, তুমি?’

প্রমথেশ হা-হা করে হেসে উঠলো, শ্বেতা হাসি লুকোলো
আঁচলে, আর সরস্বতী সহজভাবে বললো, ‘চা খাবি, শাস্বতী?’

শ্বেতা মুখ তুলে হারীতের দিকে তাকালো—‘ওর জন্ত ভাবতে
হবে না তোমাকে—তুমি খাও-তো এবার!’

একটি ডিম খেলো হারীত, তারপর চায়ে চুমুক দিতে লাগলো।

‘তা হবে না! সব খেতে হবে।’ লুচির থালা এগিয়ে দিলো
শ্বেতা। হারীত শিউরে স’রে এলো।

‘খাও!’

‘না।’

‘খা—ও।’

‘না দেখুন—সকালে কিছু খাই না—’

‘রোজ-রোজ কি বিয়ে করো যে রোজকার মতো খেতে হবে ? চালাকি, না ? খাও শিগগির !’ অনেকটা আলু-ভাজা একখানা লুচিতে মুড়ে শ্বেতা গুঁজে দিলো হাবীতের হাতের মধ্যে ।

হারীত কাতরভাবে লুচিখানা খেয়ে উঠলো ।—‘আর কী খাবে ?’ আসরে নামলো সরস্বতী ।

‘আর না ।’

‘ও, বড়দির হাতই পছন্দ তোমার ? দাও, বড়দি, আরো কিছু দাও নন্দীর হাতে । উনি আবার নিজের হাতে নিয়ে খেতে জানেন না ।’

কিন্তু সন্দেশের বিরুদ্ধে একেবারে উপুড় হ’য়ে পড়লো হারীত । রীতিমতো সত্যগ্রহ । শালীরাও ছাড়লো না, হত্যা দিলো দু-দিক থেকে দু-জনে ।

শাস্বতী ব’লে উঠলো খাট থেকে : ‘এ কী একগুঁয়েমি ! এত ক’রে বলছে—খাও না !’

‘ও মা ! এর মধ্যে এত !’ শ্বেতা হেসে লুটিয়ে পড়লো মেঝেতে, আর সরস্বতী একটু-যেন শুকনো গলায় বললো, ‘আমরা-তো ফেল হলুম রে—এবার তুই আয়, ছাখ পারিস যদি !’

দরজার কাছে দাঁড়িয়ে রাজেনবাবু বললেন, ‘খাওয়া নিয়ে জবর-দস্তি কী বিশ্রী ! যে যে-রকম ভালোবাসে সে-রকম দিলেই হয় ।’ মৃদুস্বরে বললেন, কিন্তু শুনতে পেলো সকলেই ।

‘তা—তা— ইচ্ছে করলে আর—’ থাকগে ! মুখ ভার হ’লো সরস্বতীর ।

‘সকলের অভ্যেস-তো একরকম না,’ ব’লে রাজেনবাবু অগ্ৰ দিকে চ’লে গেলেন ।

শশুরকে দেখে হাতের সিগারেট নামিয়ে রেখেছিলো অরুণ, হঠাৎ তুলে নিয়ে বললো, ‘স্ত্রী যদি এক মাইল দূরে খাটে ব’সে থাকে, তাহ’লে কি আর খেতে ভালো লাগে কারো ! শাস্ত্রী এসো না এখানে !’

জমিদারি ধরনে পায়ের পাতায় হাত বুলোতে-বুলোতে একটু তুলে-তুলে প্রমথেশ বললো : ‘তুমি-গো বেশ লোক হে ! বসেছো-তো গিয়ে নিজের স্ত্রীটির মুখোমুখি, তার উপর আবার—’

‘বাঃ, তাই ব’লে অগ্ৰের স্ত্রীর দিকে নজর দেবো না একটুও !— কিছু মনে কোরো না, হারীত ।’

সভাস্থল থেকে একটু দূরে জানলার ধারে ব’সে ছিলো স্বাতী, অরুণের কথাটা শুনে চোখ তুলে তাকালো ।

‘শালীর বিয়েতে খুব-যে রস !’ উশকোখুশকো চুলের হাসিমুখ মাল্লুঘটিকে তীর ছুঁড়লো সরস্বতী ।

‘কিছুতেই খেলে না তো ।’ ব’লে শ্বেতা আঁচলে মুখ মুছে উঠে দাঁড়ালো ।

কিন্তু দমলো না ; দুপুরবেলা নতুন জামাইকে সাজিয়ে দিলো মস্ত রুপোর থালায় বাটি-চেপে-গোল-করা ফুলের মতো ভাত, আর থালাটি ঘিরে হারের লহরের মতো বাকঝকে কাঁসার ছোটো-বড়ো বাটি—যেন সাতাশ বো নিয়ে চাঁদ ।

হারীত এসে বসতেই শ্বেতা বললো, ‘খেতে হবে না, শুধু দেখবার জন্ম দিয়েছি।’

‘দেখবার যোগ্যই,’ হারীতকে স্বীকার করতে হ’লো। ‘ব’লে দিন সবচেয়ে ভালো রান্না কোন-কোনটা।’

শ্বেতা খুশি হ’য়ে বললো, ‘সবটাই চেখে ছাখো একটু-একটু।’

‘চেখে দেখবো? বাকিটা ফেলা যাবে তো?’

‘সে তোমাকে ভাবতে হবে না!’

‘কী অপব্যয়! কত খাবার নষ্ট!’ সারি-সারি বাটির উপর চোখ বুলিয়ে হারীত স্বগতোক্তি করলো।

‘তা না-হ’লে আর বিয়ে কী!’ শুক্লোটাকে উপেক্ষা ক’রে ছোলার ডালের ‘হেঁচকি দিয়ে খাওয়া আরম্ভ করলো প্রমথেশ। ‘সেই সি. আর. দাশের গল্প জানো না—মেয়ের বিয়ের সময় খাজাঞ্চি এন্টিমেট দিলো একলাখ টাকার। হেসে বললেন দাশ-সাহেব, “আরে একলাখ টাকা-তো চুরিই হবে, লাগবে কত বালো!”’ ব’লে প্রমথেশ মাথা উচু ক’রে হেসে উঠলো।

‘এই ক’রে-ক’রেই তো এ-অবস্থা হয়েছে আমাদের!’ হারীত মাছের চপের কোণা ভেঙে মুখে দিলো। ‘তা দেরি নেই আর—আসছে দিন! এ-যাত্রাও কোনোরকমে ঠেকিয়ে রাখলো চেন্সরলেন, কিন্তু যুদ্ধ হবেই—তখন দেখা যাবে কোথায় থাকে এ-সব!’

‘মানুষের আনন্দ-উৎসব বন্ধ হবে ভেবে তুমি যেন বেশ উৎসাহিত?’ চুমুক দিয়ে শুক্লোর ঝোল খেয়ে নিলো অরুণ ডাক্তার।

রাজেনবাবু নেবু নিংড়ে নিচ্ছিলেন ডালে, চোখ না-তুলেই আস্তে বললেন, ‘তা সত্যিই-তো, অপব্যয়টা আমাদের বড়ো বেশি।’

‘অপব্যয় যখন হ’য়েই গেছে, সদ্যবহার করা যাক !’ প্রমথেশ পাতে নিলো উচ্ছে দিয়ে রাঁধা মৌরলা মাছ ।

‘সহজে কি শিক্ষা হবে আমাদের ! রাস্তায় না-খেয়ে মরবে মানুষ—তবে-তো !’ হারীত বেছে-বেছে হাত দিলো শর্ষে-নারকোলের চিংড়িতে ।

‘মানুষের যারা উপকার করে তাদের কী মুশকিল !’ শাদা-শাদা লাউয়ের তরকারি দিয়ে একটু ভাত মেখে নিয়ে অরুণ বললো, ‘মানুষ ভালো থাকলে ভালোই লাগে না তাদের ।’

হঠাৎ বাবার কাঁধে মাথা হেলিয়ে জলের মতো ছলছল শব্দে হেসে উঠলো স্বাতী । হারীত চট ক’রে চোখ তুলে তাকালো একবার, তারপর খেতে লাগলো নিঃশব্দে, গম্ভীরভাবে ।

‘স্বাতী, তুমি যে বসলে না ?’ প্রমথেশ কথা বদলালো ।

‘আমি দিদিদের সঙ্গে খাবো ।’

‘কেন, ওকে আর বিজুকে বসিয়ে দিলেই হ’তো নতুন জামাইয়ের সঙ্গে ।’

‘বিজু-তো সেই কখন খেয়ে বেরিয়ে গেছে’, জবাব দিলো শ্বেতা ।

‘আর স্বাতী—’

‘না, না’, অরুণ ব’লে উঠলো, ‘ও-সব একসঙ্গে খাওয়া-টাওয়া হাইজিনিক নয় ।’

‘তোমার মুখে এ-কথা ?’ সরস্বতী হাসলো । ‘স্বাতী সঙ্গে না-বসলে তোমার-তো খাওয়াই হ’তো না ।’

‘তার অবস্থা আলাদা কারণ আছে ।—কী স্বাতী, মনে নেই ?’

‘অরুণ এক ঝলক তাকালো স্বাতীর দিকে ।

‘তোমাদের এ-সব সেকলে ঠাট্টা নন্দীর ভালো লাগছে না’,
রাশ টানলো সরস্বতী ।

‘তা একেলে ঠাট্টা শুনি না দু-একটা !’ যাকে লক্ষ্য ক’রে খেতার
টিপ্পনি, সে একটু লাল হ’লো, কিন্তু থালা থেকে চোখ তুললো না ।

স্বাতী উঠে এলো সেখান থেকে । আবছা মনে পড়ে, অরুণদাকে
তার কী-ভালো লাগতো ছেলেবেলায় ; অত ভালো কাউকেই
যেন আর লাগলো না । শুভ্র, শুভ্রর বন্ধুরা, হারীতবাবু—কেউ কি
সেই অরুণদার মতো ?...কিন্তু সে-রকম আর নেই কেন, সে-অরুণদার
কী হ’লো ?...বড়ো হ’তে-হ’তে ছেলেবেলার ভালো লাগা আর
থাকে না বুঝি ? ভাগ্যিণী সে বড়ো হয়েছে—এখন থেকে ভালো
লাগা সম্বন্ধে নিশ্চিন্ত, আর-তো বদল হবে না—না কি হবে ?
সর্বনাশ ! —স্বাতীর যেন দম বন্ধ হ’লো মুহূর্তের জন্য—তা-ই
যদি হয়, তাহ’লে ভালো লাগায় বিশ্বাস কী ।

শাস্ত্রতীর কাছে গিয়ে সে বললো, ‘আচ্ছা ছোড়দি, একবার যাকে
আমাদের ভালো লাগে, তাকেই কি ভালো লাগে বরাবর ?’

‘কী বোকার মতো কথা !’

ছোড়দির সিঁদুর-ভরা মাথার দিকে স্বাতী একটু তাকিয়ে রইলো
চুপ ক’রে । হঠাৎ বললো, ‘ছোড়দি, আজ চ’লে যাবে ?’

‘বিজুটা কই রে ?’

‘জানি না তো ।’

‘কখন থেকে দেখছি না ওকে ।’

‘দাদা-তো বাইরে-বাইরেই—’

‘দেখে আয় তো, ফিরেছে নাকি ।’

স্বাতী ঘুরে এসে গললো, ‘না ছোড়দি, দাদা বাড়ি নেই।’

ট্যান্সিতে ওঠবার আগের মুহূর্ত পর্যন্ত শাস্ত্রী বিজুর খোঁজ করলো, কিন্তু বিজু ফিরলো রোদে-পোড়া চেহারা আর স্কাণ্ডেল-পরা ধুলো-মাখা পা নিয়ে সন্ধেবেলা। ঢুকেই বাড়ির থমথমে চুপচাপ ভাবটা তার ভালো লাগলো না। এ-ঘরে ও-ঘরে কয়েকবার উঁকিঝুঁকি দিয়ে স্বাতীকে জিগেস করলো, ‘ছোড়দি কই?’

স্বাতী ভারি গলায় বললো, ‘চ’লে গেছে।’

কথাটা যেন ধাক্কা দিলো বিজুকে। সামলে নিয়ে বললো, ‘কখন গেলো?’

‘বিকলে।’

‘আমাকে আগে বলতে পারলি না?’ বিজুর গলা চড়লো।

‘আলাদা ক’রে আবার বলতে হবে নাকি?’

‘কেন বললি না আমাকে?’

‘চ্যাচাসনে, দাদা!’

‘কত খোঁজ করলো তোর!’ শ্বেতা নিশ্বাস ছেড়ে বললো। ‘তা এক কাজ কর না—হাত-পা ধুয়ে একবার ঘুরে আয় ওখান থেকে—কত খুশি হবে।’

‘ব’য়ে গেছে আমার!’

‘ওকে কিছু বোলো না, বড়দি,’ স্বাতী বললো। ‘ও কি এ-বাড়ির লোক যে ওর কিছু এসে যায়!’

‘নই-ই তো! এ-বাড়ির লোক তো নই-ই আমি!’ গলা ছেড়ে চীৎকার করলো বিজু। ‘আমি এ-বাড়ির লোক হ’লে কি আর এটাও জানতে পেতাম না যে ছোড়দি কখন যাবে!’

‘তবে-তো বুঝিসই,’ জবাব দিলো স্বাতী।

‘বুঝি না!’ বিজু যেন চোখ দিয়ে পুড়িয়ে ফেললো স্বাতীকে।
‘সবই বুঝি। এ-বাড়ি তোর, এ-বাড়িতে তুই-ই সব, তোর কথায় সবাই ওঠে-বসে—আমার কোনো জায়গা নেই এখানে। এতদিন ছোড়দির জন্ম তোর জ্বলুনি-তো কম ছিলো না, এবার সেও বিদায় হ’লো! কেমন! আহ্লাদে নাচ এবার!’ মুখ লাল ক’রে, গলার রং ফুলিয়ে, ঠোঁটে ফেনা তুলে, বাড়ির বিমর্ষ অবসন্ন প্রত্যেক মানুষের কানে বিজু তার মনের কথা সঁধিয়ে দিলো। একটি কণ্ঠ্যার সত্ত্ববিচ্ছেদে যা হয়নি, সেইরকম একটা আঘাত হঠাৎ যেন আকাশ থেকে নামলো।

‘কিন্তু কেন জানিস?’ আবার শোনা গেলো বিজুর গলা, ‘কেন আমি এ-বাড়ির লোক নই, জানিস? তোর জন্ম! শুনে রাখ, স্বাতী, আমি-যে বাড়ি থাকি না, আমি-যে ঘুরে-ঘুরে বেড়াই, আমার-যে পড়াশুনো হ’লো না—সব তোর জন্ম! তোর রাজত্বে আমিও থাকবো ভেবেছি। আমি আর না—! এই আমি চললাম!’ বুকে চাপড় মেরে এক হাত লাফিয়ে উঠে, পায়ের কাছে ঢনাং ক’রে একটা কেটলি উল্টিয়ে বিজু বেরিয়ে গেলো বন্দুকের গুলির মতো।

‘কী অসম্ভব ছেলে!’ পাশের ঘরে রাজেনবাবু বললেন চাপা গলায়।

আর-সবাই যেন স্তম্ভিত হ’য়ে রইলো কয়েক মিনিট। তারপর প্রমথেশ ফিশফিশ ক’রে বললো, ‘ছাথো না, সত্যি চ’লে গেলো নাকি।’

‘কেন-যে যেখানে-সেখানে রাখে সব!’ খেতা কেটলিটি তুলে

রেখে বাবার কাছে এলো।—‘বাবা, তুমিও-তো ওকে একটু ডাকলে-টাকলে পারো মাঝে মাঝে। বড়োসড়ো হয়েছে এখন—’

‘ওআইল্ড!’ এই একটি ইংরিজি শব্দ ছাড়া আর-কোনো কথা সরস্বতীর মনে এলো না। ‘একেবারে ওআইল্ড!’

‘মা তো নেই,’ খেতা তাড়াতাড়ি বললো, ‘আর এ-বয়সে সব ছেলেই একটু-না-একটু বিগড়োয়। বাবা যদি একটু ওর সঙ্গে—’

‘না,’ সরস্বতী বাধা দিলো, ‘ও-সব কিছু না। শাসন চাই, কড়া শাসন। বাবা অমন অসম্ভব ভালোমানুষ ব’লেই-তো মাথায় চড়েছে।

কোনো মেয়ের কথার উত্তরেই রাজেনবাবু কিছু বললেন না। হঠাৎ আবার শোনা গেলো ছুমদাম পায়ের শব্দ; যেন রাস্তায় মার খেয়েছে এই রকম একটা চেহারা ক’রে বিজু ঘরের মধ্যে এসে সকলের দিকে তাকিয়ে বললো, ‘বলতে পারলে না? আমাকে বলতে পারলে না তোমরা? কেউ বলতে পারলে না?’ ব’লেই ছিটকে শুয়ে পড়লো উপুড় হ’য়ে শান্তীর খাতে, মুখে বালিশ চেপে বিশ্রী বীভৎস আওয়াজ ক’রে ডেকে উঠলো, ‘ছোড়দি—জি। ও-ও ছোড়দি!’ একেবারেই অসভ্যের মতো হাউহাউ ক’রে কাঁদতে লাগলো।

বারান্দার একটি থামে হেলান দিয়ে স্নাতী যেন শীতের ছাইরঙা সন্ধ্যার মধ্যে মিশে ছিলো এতক্ষণ : চমকে উঠলো দাদার অন্তরকম চীৎকার শুনে। বিজু সহজে থামলো না; আর শুনতে-শুনতে স্বাতীর গলা আটকে এলো, ঠোঁট কেঁপে উঠলো, তার মুখ তাকে অমানুষ ক’রে বিকৃত হ’লো নানারকম রেখায়, আর ফোঁটা-ফোঁটা গরম শরীর-নিংড়োনো জল গড়িয়ে পড়তে লাগলো চোখ বেয়ে গালে।

কান্না !—কান্না এইরকম ? মাকে যখন নিয়ে গেলো, মাকে রেখে বাবা যখন ফিরে এলেন, তারপর বাড়িতে সেই প্রথম মা-ছাড়া রাত্রি... কেঁদে-কেঁদে মরতে বাকি ছিলো তার। কিন্তু এ-রকম তো লাগেনি। কান্নার জোয়ারে সে ভেসে গিয়েছিলো তখন, যেন অথৈ জলে ডুবছে, কিন্তু যতবার দম আটকে এসেছে কে যেন হাতে ধ'রে তাকে তুলে দিয়েছে ঢেউয়ের উপর।...আর এ-কান্না যেন বুক ভেঙে দিয়ে ঠেলে-ঠেলে উপরে উঠলো, তারপর একটু-একটু ক'রে নেমে এলো চোখ জ্বালিয়ে দিয়ে ; একে লুকোতে চায়, পারে না ; এতে লজ্জা করে, কিন্তু লজ্জা মানে কে ? মা-র জন্তু কান্নায় শুধু কষ্ট ছিলো, যত কষ্ট তত আরাম ; আর এ-কান্নায় সবচেয়ে বেশি মনে হ'লো আমি যেন হেরে গেলাম ; আর, যেন কী বলতে গিয়ে বলতে পারলাম না, আর সেই মুখের কথাকে মুছে দিলো চোখের জল।

এর পরে দিন কয়েক স্বাভাবিক যেন কান্নায় পেলো। ছোড়দির কথা মনে ক'রে যখন-তখন সে কাঁদে ; আর বড়দি সেজদি যখন চ'লে গেলেন তখনো কেঁদে ভাসালো সে ; আগের চেয়েও নিরিবিলি বাড়িতে কান্না যেন তাকে ধরবার জন্তু ওৎ পেতেই রইলো, যেমন, সে শুনেছে, স্বদেশীদের পিছন-পিছন ঘোরে পুলিশের গোয়েন্দা। এক-এক সময় কিছুতেই তার হাত ছাড়াতে না-পেরে গল্পের অ্যালিসের মতো নিজেকেই নিজে ধমকে দেয় : 'চুপ ! চুপ করো বলছি ! এত বড়ো মেয়ে,

কাঁদতে লজ্জা করে না! থামাও এক্ষুনি।' আর সত্যিই—এ-রকম করলে চলবে কেন ; পরীক্ষা না ?

বিজুকে সে বললো, 'দাদা, আয় আমরা একসঙ্গে পড়ি।'

বিজু জিভ বের ক'রে ঠোঁটে বুলিয়ে বললো, 'আমার হ'য়ে গেছে সব।'

'ছাখ দাদা, জিওমেট্রি-তো ঢোকে না আমার মাথায়—'

'আচ্ছা, দেবো'খন এক সময় বুঝিয়ে।—আমার পরিষ্কার ধুতি আছে নাকি রে একটা?'

'ধোপার তো আসার কথা—আঃ, ঝাঁটিসনে!' স্বাতী বই ফেলে উঠে তোরঙ্গের তলা থেকে আস্তে টেনে আনলো একখানা পাট-করা ধুতি।

বিজু তাকিয়ে বললো, 'এ তো বাবার।'

'তা হোক না।'

'যেমন মোটা তেমনি খাটো।'

'আ-হা। বাবা পরতে পারেন আর তুই পারিস না!'

'আমি বাবার চেয়ে লম্বা-তো!—আর বাবারই কি ঠিক হয় নাকি? বিস্ত্রী স্বভাব—যেন উনি চুয়াল্লিশ ইঞ্চি ধুতি পরলেই কত আয় হবে সংসারের! এদিকে কত দিক দিয়ে কত খরচ হচ্ছে তাতে কিছু না!' কোনো-এক সময়ে কোনো-এক দিদির মুখে শোনা এই কথাটা আওড়াতে পেরে খুব খুশি হ'লো বিজু, খুব হাসলো খানিকটা, তারপর বললো, 'আচ্ছা দে, আর নেই যখন—'

'দাদা, জিওমেট্রি—'

'দাঁড়া। খেয়ে-দেয়ে—' ধুতি হাতে বিজু চ'লে গেলো নাইতে।

রাত্রে ষখন বোনের সঙ্গে আবার দেখা হ'লো, সে বেশ-একটু গুরুজনের মতোই জিগেস করলো, 'পড়াশুনা তোর হচ্ছে তো' ঠিকমতো ?'

'এই একরকম—' স্বাতী জ্যামিতিপ্রসঙ্গ আর তুললো না।

'ক'টা "এসে" মুখস্ত করেছিস ?'

' "এসে" মুখস্ত মানে ?'

'ইংরিজি "এসে" মুখস্ত করিসনি একটাও ? এরোপ্লেনটাও না ? ওটা নির্ঘাৎ পড়বে এবার—দেগিস !'

'ও মা !' স্বাতী খিলখিল ক'রে হেসে উঠলো। ' "এসে" আবার মুখস্ত করে নাকি ! ও তো বানিয়ে লিখতে হয় !'

যেন বোনকে শুনিয়ে-শুনিয়েই বিজু উচ্চস্বরে ইংরেজি পড়তে লাগলো রাত জেগে-জেগে। রাজেনবাবু চমকে বললেন, 'বিজু পড়ছে— আশ্চর্য কথা !'

'ছাখো না !' স্বাতী আশ্বাস দিলো বাবাকে।

কিন্তু বুথা—বিজু ফেল করলো এবারেও। কোনো-এক সুষোগে রাজেনবাবু কুণ্ঠিতভাবে ছেলের কাছে প্রশ্ন উত্থাপন করলেন : 'এখন কী করবি ?'

'আর পড়বো না, বাবা,' দরাজ গলায় জবাব দিলো বিজু।

'তাহ'লে...?'

'তুমি ভেবো না, আমি সব ঠিক ক'রে ফেলেছি।'

রাজেনবাবু ছেলের মুখের দিকে তাকালেন।

'আমি আর্টিস্ট হবো, বাবা।'

'আর্টিস্ট !' রাজেনবাবু হাঁ। 'মানে...যারা ছবি আঁকে ?'

‘না বাবা’, মধুর একটু হেসে বিজু খবর জানালো বাবাকে, ‘গাইয়েদেরও আর্টিস্ট বলে আজকাল। অ্যাক্টরদেরও।’

‘মাথা-থারাপ হ’লো নাকি রে বিজুর?’ পরে, স্বাতীর সঙ্গে একলা হ’য়ে রাজেনবাবু বললেন।

‘নতুন কিছু হয়নি,’ স্বাতী হাসলো। একটু পরেই আবার বললো, ‘দাদার খুব মাথা কিন্তু, বাবা ; একটু যদি মন দিতো তাহ’লে কথা ছিলো না।’

রাজেনবাবু জবাব দিলেন না।

কোনোরকমে যে-কোনো একটা কাজে এন্ফুনি ওকে ঢোকাতে না-পারলে পরে কি আর সামলোনো যাবে? তাঁর পেনশনের আর দু-বছর মোটে বাকি ; যে-রাজত্বে তিনি কাজে ঢুকেছিলেন এখন তার কিছুই আর নেই ; তবু উপরওলাদের ধ’রে পড়লে এখনও হয়তো তাঁর ডিপার্টমেন্টে—কিন্তু ম্যাট্রিকটাও—

‘আর তাছাড়া’, স্বাতী সাস্তুনা দিলো, ‘পরীক্ষা পাশ করাটাইতো আর সব কথা নয়। আরো কত আছে। কোনটাতে হঠাৎ ওর মন লেগে যাবে কে জানে!’

‘একটা মূর্থ হ’য়ে থাকলো!’ রাজেনবাবুর দীর্ঘশ্বাস।

‘মূর্থ’ আবার কী! কথাবাতায় চাল-চলনে কার চেয়ে কম! আমাদের সঙ্গে যা করে করে—বাইরের একজন এলে দেখা-তো!’

‘শান্তীও কেমন বি.এ. পাশ করলো বিয়ের পরে—’

‘পাশ করলেই বিদ্বান হয় বুঝি?’

স্বাতী তর্ক করলো বটে, কিন্তু মনে-মনে দাদার জন্ম তারও দুঃখ কম না। আহা—কলেজে পড়বে না কোনোদিন? সে তো

পড়ছে—কী ভালো কলেজ; কী ভালো লাগে—একেবারে অশ্রুকম,
একেবারে নতুন। কত নতুন কথা, শক্ত-শক্ত কথা—কয়েক মাস
আগেও যা ভাবতে পারতো না—সত্যি!

কলেজে ইংরেজির ক্লাশে পিছনের বেঞ্চিতে তার পাশে ব'সে
বললো একদিন ইভা গান্জুলি : ‘আর ইংরেজি প’ড়ে কী হবে—
ইংরেজের রাজত্বই থাকবে না!’

‘থাকবে না?’ স্বাতী অবাক।

‘দ্যাখ না এই যুদ্ধে কী হয়—’

ও মা! যুদ্ধ! হারী-দার কথাই ঠিক হ’লো!—‘সত্যি
যুদ্ধ?’

‘সত্যি মানে?’ ইভা হেসে উঠলো।

এনশেণ্ট ম্যারিনর পড়তে-পড়তে প্রোফেসর একটু থামলেন,
চকিতে একবার তাকিয়েই পড়তে লাগলেন আবার। ইভা হাসি
চেপে চুপি-চুপি বললো : ‘কাগজও পড়িস না?’

উত্তর না-দিয়ে স্বাতী মন দিলো প্রোফেসরের দিকে। বেশ
লাগে শুনতে, কিন্তু এমন ক’রে বইখানা ধরেছেন যে মুখ দেখা
যাচ্ছে না। নিজের বইয়ে চোখ রেখে স্বাতী অক্ষরের সঙ্গে ধ্বনিকে
মিলিয়ে নিতে লাগলো।

‘খুব-যে পড়ায় মন?’ পেনসিলের খোঁচা লাগলো স্বাতীর
পিঠে।

‘আঃ !’

হঠাৎ পড়া থেমে গেলো ; স্বাতী চোখ তুলে দেখলো, বইখানা নেমেছে প্রোফেসরের হাত থেকে টেবিলে, আর তাঁর শাস্ত দৃষ্টি পড়েছে তারই মুখের উপর। ‘কী হয়েছে ?’ বাংলায় মৃদুস্বরে তিনি বললেন।

ইভা তাকিয়ে রইলো উদাস দৃষ্টিতে অগ্নি দিকে ; আর স্বাতীর মুখে ফুটে উঠলো অপরাধের লালরঙা বিজ্ঞাপন। তড়াক ক’রে উঠে দাঁড়িয়ে বললো সামনের মোটাসোটা মায়া সান্যাল, ‘পড়ায় আমাদের আজ মন লাগছে না, স্যর !’

‘কেন ?’

‘এই-যে যুদ্ধ লাগলো, সে-বিষয়ে কিছু বলুন আমাদের।’

‘সে-আলোচনার এটা-তো জায়গা নয়,’ বলে অধ্যাপক উঠে দাঁড়িয়ে গভীর গম্ভীর গলায় পড়তে লাগলেন :

‘Nor dim, nor red, like God’s own head
The glorious sun uprist :
Then all averr’d I had killed the bird
That brought the fog and mist.
’Twas right, said they, such birds to slay,
That bring the fog and mist.’

স্বাতী আর তাকাতে পারলো না, তার দৃষ্টি লেগে রইলো আঠার মতো বইয়ের পাতায়, তার শ্রাবণ পান করলো প্রতিটি স্বর, তাল, মাত্রা ; কবি-যে বলেছেন তিন বছরের শিশুর কথা, সেইরকম মুগ্ধ হ’য়ে সে শুনতে লাগলো।

‘The fair breeze blew, the white foam flew,
The furrow followed free ;
We were the first that ever burst
Into that—’

‘শ্রু, “like God’s own head” মানে কী ?’ শমের মুখে তাল কাটলো হঠাৎ ; মেঝেতে বাটিঘষার শব্দে যেমন হয় তেমনি শিউরে উঠলো স্বাতীর শরীর ; সামনে দাঁড়ানো মায়া সান্ত্বালের পিঠের দিকে ক্রুদ্ধ একটা দৃষ্টি হানলো সে ।

‘আরো খানিকটা প’ড়ে নিই,’ প্রোফেসর ইংরেজিতে জবাব দিলেন, ‘তারপর আলেচনা করবো ।’

‘“Nor dim, nor red”টাও বুঝলাম না, শ্রু,’ আপত্তি জানালো অলকা নাগ ।

‘এতে আপাতত বোঝবার কিছু নেই,’ ছাত্রীদের মাথার উপর দিয়ে প্রোফেসর তাকালেন দেয়ালের দিকে । ‘প্রথমে কান দিয়ে শোনো, তারপর মন দিয়ে-ভাবো ।’

‘কিন্তু সূর্যকে কেন “God’s own head” বললো ?’ মায়ার নাছোড় জিজ্ঞাসা ।

‘বড়ো শক্ত কবিতা, শ্রু,’ বললো আর-একজন, ‘ভালো ক’রে বুঝিয়ে না-দিলে ফলো করতে পারছি না ।’

প্রোফেসরের নম্র লাজুক মুখে রক্ত উঠে আসতে দেখলো স্বাতী । বিষণ্ণ হ’লো চোখ, একটু বেঁকলো ঠোঁটের কোণ, মুখে যেন কোঁতুকের ভাব নিয়ে আস্তে-আস্তে তিনি ব্যাখ্যা করতে লাগলেন—কী দরকার,

স্বাতী ভিতরে-ভিতরে জ্বলতে লাগলো, এ-সবের কী দরকার, প'ড়ে গেলেই তো হ'তো ।

‘বেশ পড়েন কিন্তু উনি,’ স্বাতী বললো ইভাকে, ক্লাশের পরে ।

কথা ভুল শুনে, কিংবা ইচ্ছে ক'রে ভুল বুঝে, ইভা জবাব দিলো : ‘হ্যাঁঃ—ও আবার পড়াবে কী, বাচ্চা ছেলে ! পাশ ক'রেই তো বেরুলো সেদিন !’

‘সত্যি ! কী-ছেলেমানুষ রে ! আর কী-লাজুক ! কারো দিকে তাকায় না কখনো !’ যোগ দিলো মোটা মেয়েটি ।

‘এই তো সত্যেন রায় ? খুব নামজাদা ছাত্র না ? নাম শুনেছি দাদার মুখে ।’ এই প্রথম কথা বললো ছোটোখাটো চশমা-চোখের একটি মেয়ে ।

‘ভালো ছাত্র হ'লেই-তো আর ভালো মাস্টার হয় না !’ ইভা উদ্ধৃত করলো তার ভাইস-প্রিন্সিপাল মামার একটি বচন । ‘অনাদি-বাবুর অনুখ ব'লেই-তো ওকে পড়াতে দিয়েছে মেয়েদের ক্লাশে । ও তো টিউটিরিঅল করায় ছেলেদের, মাইনে পায় পঁচাত্তর । একসঙ্গে এতগুলো মেয়ে দেখে যা অবস্থা বেচারার !’

ইভা বয়সে ক্লাশের সব মেয়ের বড়ো, স্মার্ট, তার উপর আছে তার মামার জোর । অনেকেই হাসলো তার কথা শুনে ; সকলের-যে হাসি পেলো তা নয়, কিন্তু না-হাসলে মান থাকে না ।

‘এ কী অণ্ডায় !’ স্বাতীর তীব্র স্বর হাসি ছাপিয়ে উঠলো । ‘পড়াতে তো দিলেই না—এখন আবার ঠাট্টা ! কী-সুন্দর পড়ছিলেন, আর কী-সুন্দর কবিতাটা !’

স্বাতীর রং-ধরা মুখের দিকে ইভা একটু তাকিয়ে রইলো, তারপর

গস্তীরভাবে বললো, ‘এইজন্মই-তো বাচ্চা-মাস্টারদের মেয়েদের ক্লাশে পড়াতে দিতে নেই,’ ব’লেই মুখ টিপে হাসলো। আবার কলকলানি উঠলো মেয়েদের মধ্যে।

‘কেন, বুড়োদের দিয়ে বুঝি বিপদ নেই কিছু?’ দ্রুত জবাব দিয়ে স্বাতী হনহন ক’রে বেরিয়ে এলো। বাজে সব!—এইরকম জবাব দিয়েই ঠাণ্ডা করতে হয় ওদের। কী-সুন্দর—কী ভালো লাগছিলো—নষ্ট ক’রে দিলো। হিষ্টি ক্লাশ থাক আজ, বাড়ি যাই। ছুটি হ’লেই তো সঙ্গে জুটবে অনুপমা আর চিত্রা আর সুপ্ৰীতি, বকবক করবে সারাটা পথ—এখন বেশ একা-একা...‘we were the first,’ ফুটপাতে নেমে হঠাৎ থমকে দাঁড়ালো স্বাতী, গা ঘেঁষে একটা গাড়ি চ’লে গেলো...‘we were the first that ever burst into that silent sea.’ জেশ, কী ক’রে বানায় এ-রকম, কারা বানায়?—‘into that silent—’ পা বাড়িয়েই স’রে এলো স্বাতী—বাস্! কী মস্ত আর কী আওয়াজ! বাস্-এর আওয়াজ, ট্রামের আওয়াজ, বড়ো রাস্তায় পঞ্চাশ গৌলমাল, সব পার হ’য়ে তার কানে এসে পৌঁছলো সত্যেন রায়ের ভারি, নরম গলা :

‘Nor dim, nor red, like God’s own head

The glorious sun uprist :

Nor dim, nor red, like God’s own head—’ মানে!

এর আবার মানে! এ-তো চোখে দেখা যায়।....সমুদ্র, শেষ নেই, শব্দ নেই, শুধু সমুদ্র; একলা একটা জাহাজ, শুধু সমুদ্র; কালো-কালো কুয়াশা, ছায়া-ছায়া আলো, শুধু সমুদ্র: আর এই সমুদ্রে কিনা মাথা তুললো আশ্চর্য সূর্য—আশ্চর্য, এর চেয়ে আশ্চর্য আর কী—

ট্রামের তোড়, বাস্-এর সোর, বড়ো রাস্তার পঞ্চাশ গোলমাল ;
ভিড়, রোদ্দুর, উঁচু-উঁচু বাড়ি, আপিশ-বাওয়া ছুটোছুটি—মুহূর্তের
জন্ম কিছু দেখলো না স্বাতী, কিছু শুনলো না ; দেখলো সমুদ্র,
শুধু সমুদ্র, আর সেই আলোছাড়া কালোছায়ার সমুদ্রে সূর্যের আশ্চর্য
মাখাতোলা ; শুনলো শুধু নরম গন্তীর একটি গলার সেই আশ্চর্য
কথা, যেমন আশ্চর্য সে জীবনে আর শোনেনি : ‘Nor dim nor
red...’

‘কী ? রাস্তার মধ্যে দাঁড়িয়ে চাপা পড়বি নাকি ?’ তার কাঁধে
হাত রাখলো অনুপমা ।

‘তুমি যে ?’ সহপাঠিনীকে সম্ভাষণ করতে একটু দেরি হ’লো স্বাতীর ।

‘তোমার পিছন-পিছন এলুম । ইভাটা বড়ো অসভ্য, সত্যি ।...’ চল ।’

বাড়ি এসে সেই লম্বা কবিতাটি স্বাতী আগাগোড়া একবার প’ড়ে
ফেললো । ভালো লাগলো, কিন্তু তত না । সবটা যদি সত্যেনবাবুর
মুখে শুনতে পেতো ! আবার এক মঞ্জলবারে তাঁর ক্লাশ । কিন্তু ক্লাশে
আর কতটুকু হয়, আর মেয়েগুলো যা—!

পরের মঞ্জলবারে মেয়েরা আরো চঞ্চল, কেননা পুজোর ছুটি দু-দিন
পরে । বোধহয় সেটা অনুমান ক’রেই সত্যেনবাবু ক্লাশে এলেন না ।
আর ছুটির পরে ক্লাশ নিতে লাগলেন আবার অনাদিবাবু ;
ভারিকি চেহারা, প্রচণ্ড গলা, কখন কবিতা পড়ছেন আর কখন
বক্তৃতা করছেন বোঝা যায় না ; আর কখন বক্তৃতার মধ্যে হঠাৎ
এক ফাঁকে ‘Take down’ ব’লে নোট দিচ্ছেন সেটাও বুদ্ধি ক’রে
বুঝে নিতে হয় । চল্লিশ মিনিট টু শব্দ নেই সমস্ত ক্লাশে ।

...মুহূর্তের জন্ম একটু ফাঁক হ’য়েই কি বন্ধ হ’য়ে গেলো দরজা ?

‘কিন্তু আমি-যে দেখে ফেলেছি ভিতরে কী আশ্চর্য ! আর কি খুলবে না ?
আর কি দেখবো না ? ভিতরে যেতে পারবো না কোনোদিন ?...’

লাল মলাটের মোটা পাঠ্য বইখানার স্বাতী পাতা ওন্টাতে
লাগলো বার-বার । যে-স্বর তার কানে লেগেছিলো, আর লাগে না ।
গুমোটের রাত্রে যেমন অত্যন্ত মৃদু, অস্পষ্ট, অস্পষ্ট একটুখানি
হাওয়া হঠাৎ স্বর্গ ছড়িয়ে মিলিয়ে যায়, তেমনি মাঝে-মাঝে একটু
ঝিরঝিরানি লাগলো তার মনে—কিন্তু তার পরেই চুপ, আবার গুমোট,
‘নিঃসাড় গুমোট ।

ক্লাশের মেয়েদের কাছে সে কথাটা পাড়লো : ‘আচ্ছা, এনশেণ্ট
ম্যারিনর যিনি লিখেছেন তিনি আর-কিছু লেখেননি ?’

‘আর-কিছু টেক্সট নেই আমাদের,’ বললো সেই ছোটোখাটো কালো
মেরেটি, ম্যাটি কুলেশনে স্কলারশিপ-পাওয়া ।

‘ধাঝাঃ, এই নিয়েই হয়রান !’ মানে-জানতে-চাওয়া মায়া সামান্য
মাঝাঝাঝা । ‘যা বিতিকিচ্ছিরি কবিতা !’

‘যত আজগুবি !’ বললো সুপ্রীতি, চিনের জাগরণ বিষয়ে সে
প্রবন্ধ লিখেছে কলেজ-ম্যাগাজিনে । ‘পাখি মেরেছে তো হয়েছে কী ?
আর কি ঠাকুমার ঝুলির দিন আছে !’

এর পরে ছোড়দিরা যেদিন বাড়িতে এলো, স্বাতী কথায়-কথায়
বললো, ‘হারীতদা, আপনার কাছে কবিতার বই আছে ?’

‘কবিতা ?’ হারীত ঠোট বেঁকিয়ে হাসলো । ‘কবিতা-টবিতা
আমি পড়ি না ।’

‘কেন ?’ স্বাতী একটু অবাক হলো । কলেজের মেয়েগুলো
না-হয় বোকা, হারীতদা তো বিদ্বান ।

‘কবিতা দিয়ে কী হয় ? কবিতা প’ড়ে কি পেট ভরে মানুষের ?’

‘সে আবার কী !’ স্বাতী খিলখিল ক’রে হেসে উঠলো। ‘কবিতা প’ড়ে পেট ভরবে কেন ? ভাত খেয়ে পেট ভরবে ।’

তরুণী শ্যালিকার এই চপলতা হারীত মার্জনা করলো মহতের মতো হেসে, কিন্তু বাড়ি ফিরতে-ফিরতে স্ত্রীকে বললো : ‘স্বাতীর শিক্ষা ঠিকমতো হচ্ছে না ।’

‘স্বাতী খুব ব্রিলিআন্ট’, জবাব দিলো শাস্তী। ‘ও ছেলে হ’য়ে বিজু যদি মেয়ে হ’তো—’

‘কেন, মেয়েদের ব্রিলিআন্ট হ’তে নেই ?’

‘পুরুষ যা পারে মেয়েরা-তো আর পারে না ।’

‘উঃ !’ আতঁস্বর বেরুলো হারীতের। ‘আর কত, আর কতকাল শুনবো এ-সব ! নিজে মেয়ে হ’য়ে লজ্জা করে না এ-রকম বলতে ?’

‘পারে না মানে করতে দেয়া হয় না’, শাস্তী তৎক্ষণাৎ নিজেকে শুধরে নিলো।

‘তবে ?’ হারীত খুশি হ’লো এবার। ‘আর-তো কিছু না, সুযোগ-সুবিধের কথা। সোহ্মিয়েট ইউনিঅনে মেয়েরা রেলের এঞ্জিন পর্যন্ত চালাচ্ছে !’

আরামে গাড়িতে ব’সে যেতে-যেতে (হারীতের সেই বন্ধুর গাড়ি) শিফন-পরা শাস্তী মুহূর্তের জন্য নিজেকে দাঁড় করালো এঞ্জিনের রাস্কুসে চুল্লির সামনে, আর মনে-মনে ঈশ্বরকে (ঈশ্বর ?—কিন্তু কেউ-তো আর শুনছে না !) কৃতজ্ঞতা জানালো সোহ্মিয়েট ইউনিঅনে ‘মেয়ে হ’য়ে জন্মায়নি ব’লে।

‘আমাদের দেশেও হবে ও-রকম ।’ স্টিয়ারিং হুইলে হাত রেখে

হারীত একটু হেসে মুখ ফেরালো, আর মুখে-চোখে জ্বলজ্বলে উৎসাহ নিয়ে স্বামীর দিকে তাকালো শাশ্বতী।

এদিকে স্বাতী শরণ নিলো কলেজের লাইব্রেরির। একটু ভয়ে-ভয়ে জিগেস করলো : ‘কোলরিজের কবিতার বই আছে ?’ বুড়ো লাইব্রেরিআন না-তাকিয়েই জবাব দিলো : ‘না, কোলরিজ নেই।’

‘একখানাও না ?’

‘না।...উৎপলা সরকার—“গোরা”—’

অনেক আকাঙ্ক্ষার, অনেক হাতের দাগ লাগা, পেনসিলে কালিতে অনেক বিচিত্র মন্তব্যের উন্ধি-আঁকা জীর্ণ মলিন ‘গোরা’ বইখানা হাতে নিয়ে উৎপলা সরকার স’রে যাবার পর স্বাতী আর-একবার চেষ্টা করলো : ‘আর-কিছু আছে ? আর-কোনো কবিতার বই ?’

চশমার ভিতর দিয়ে গোল-গোল নির্জীব চোখে মুখ তুলে তাকালো লাইব্রেরিআন। পিছন ফিরে দাঁড়িয়ে আলমারির বই ঘাঁটতে-ঘাঁটতে অশ্রু-একজন ব’লে উঠলেন : ‘পলগ্রেভের গোল্ডেন ট্রেজরি দিন না।’

‘প্যালগ্রেভ টেক্সট-বুক, স্টুডেন্টদের ইশু করা হয় না।’

একটু মুখ ফিঁরিয়েই আবার বই দেখতে লাগলেন সত্যেন রায়, তারপর দু-খানা বই বের ক’রে নিয়ে টেবিলের ধারে এসে দাঁড়ালেন। স্বাতী একবার তাকালো, আবার তাকালো, তারপর হঠাৎ সত্যেনবাবুর চোখ পড়লো তার উপর। লাইব্রেরিআনকে তিনি বললেন, ‘দেখুন না মেয়েটি কী চায়।’

বই দু-খানার নাম প্রচুর পরিশ্রম ক’রে খাতায় তুলতে-তুলতে লাইব্রেরিআন বললো, ‘আজ আর ইশু হবে না।’

স্বাতী মন-মরা হ’য়ে ফিরে এলো। আন্তে-আন্তে হেঁটে লাইব্রেরির

দরজা পর্যন্ত এসেছে, এমন সময় হঠাৎ রূপ ক'রে একটা বই যেন ছিটকে তার পায়ের কাছে পড়লো, আর সঙ্গে-সঙ্গে নিচু হ'য়ে বাঁ হাতে সেটি তুলে নিলেন সত্যেন রায়, ডান হাতে এক পাঁজা বই কোনো-রকমে সামলে।—‘এত বই !’ স্বাতীর মুখ দিয়ে বেরিয়ে গেলো।

সলজ্জ একটু হেসে সত্যেনবাবু দাঁড়িয়ে-দাঁড়িয়ে বইগুলি দু-ভাগ ক'রে দু-হাতে নিলেন।

স্বাতীও থেমে গেলো, চোখ দিয়ে বইগুলি একবার স্পর্শ ক'রে বাধো-বাধো গলায় বললো, ‘আপনি...আপনি আমাদের ক্লাশ আর নেন না?’

বইয়ের দুটি স্তূপের উপর প্রোফেসরের দুই হাতের আঙুল একটু চঞ্চল হ'য়ে উঠলো ; মুহূর্ত্তে বললেন, ‘কোন ইআর তোমার?’

‘ফস্ট’ ইআর।.....এনশেণ্ট ম্যারিনর পড়াচ্ছিলেন আমাদের... খুব ভালো লেগেছিলো...’

‘ভালো কবিতা। ভালো লাগাই উচিত’,—ব'লেই সত্যেনবাবু যেন এগিয়ে যাচ্ছিলেন ; হঠাৎ থেমে, স্বাতীর মুখের দিকে তাকিয়ে বললেন, ‘তুমি কবিতা ভালোবাসো?’

‘কবিতা? আমি...’ কী-জবাব দেবে, কী-কথা বললে ঠিক হবে, স্বাতী ভেবে পেলো না।

‘রবীন্দ্রনাথ পড়েছো?’

এ-প্রশ্নেরও কোনো উত্তর দিতে পারলো না স্বাতী। ‘রবীন্দ্রনাথ পড়ে,’ নিজের বই-ধরা হাতের দিকে তাকিয়ে সত্যেনবাবু আবার বললেন। ‘আর—এ-কলেজের লাইব্রেরির কোনো আশা রেখো না—’ বাঁ হাতের স্তূপ থেকে ডান হাতের দু-আঙুল দিয়ে স্ক্রুশলে

ছোটো একটি বই বের ক'রে আনলেন তিনি—‘এ-বইটা প’ড়ে দেখো।’ প্রোফেসরের ছু-আঙুলের ফাঁক থেকে স্বাতী বইটা নিজের হাতে নিলো। মলাটের ভিতরের পাতায় লেখা নামের দিকে তাকিয়েই মুখ তুলে কিছু বলতে যাচ্ছিলো, কিন্তু তাকে আর সময় না-দিয়ে ছু-হাতে দুই বইয়ের বোঝা নিয়ে একটু দুলে-দুলে সত্যেনবাবু বেরিয়ে গেলেন।

গোল্ডেন ট্রেজারির সবগুলি পাতা ওন্টাতেই স্বাতীর সাত-আট দিন লেগে গেলো। যে-পাতাই খোলে, সেখানেই চোখ আটকে যায়। কত!...কত! কোনটা ফেলে কোনটা পড়বে! আট লাইনের ছোটো একটি যদি পড়লো, সেটাই পড়তে ইচ্ছে করে বার-বার, আবার সেই সঙ্গে তার পাশেরটিও তাকে টানে, আর তার পরেরটিও। ‘Spring, the sweet spring is the year’s pleasant king... the spring time, the only pretty ring time...; mistress mine... ‘Full fathom five...’ এ-সব কী?...কী? ছাপার অক্ষর যদি গান করে, তাহ’লে কি মানুষ পাগল হ’য়ে যায় না? কতদিনে সে প’ড়ে উঠবে এ-বই, কত মাসে, কত বছরে? ...একটি লাইনই তো সারা দিনে মাথা থেকে নড়ে না—এ-রকম হ’লে সারা জীবনেই শেষ হবে না তো! কবে ফেরৎ দিতে হবে কিছু বলেননি উনি, তাই ব’লে অনেক দিন তো আর রাখা যাবে না। স্বাতী মাঝে-মাঝে কলেজে নিয়ে যেতে লাগলো ফেরৎ দিতে, কিন্তু কোথায় সত্যেন রায়। তিনি ছেলেদের পড়ান, আর এখানে ছেলেদের আর মেয়েদের ক্লাশ আলাদা ভাগ করা—কেমন ক’রে দেখা হবে? আর উনিও বেশ, বই দিয়ে ভুলেই

আছেন একেবারে, চেয়ে পাঠালেও তো পারেন। 'কিন্তু চাইবেন কার কাছে, উনি তো আমার নাম জানেন না। এ-রকম দেয়াই ঠিক না, আমি হ'লে দিতাম না ককখনো—এখন দরকার হ'লেই বা পাবেন কী ক'রে, আমারই উচিত ফেরৎ দিয়ে আসা, না-দেয়াটা অন্তায় হচ্ছে।...স্বাতী রীতিমতো উদ্বিগ্ন হ'য়ে উঠলো এ নিয়ে,' কিন্তু সত্যেন রায়কে আর ধরাই গেলো না ; একদিন দু-দিন ক'রে-ক'রে শীত কেটে গেলো, গরম পড়লো, পরীক্ষা হ'লো কলেজের, গ্রীষ্মের, ছুটি এলো।

ছুটির মধ্যে বাবা একদিন বললেন, 'স্বাতী, আজকাল যেন তুই একটু মন-মরা ?'

'না তো !' ঝকঝকে হেসে জবাব দিলো স্বাতী।

'সারাটা দিন তো'র' তো একাই কাটে।'

স্বাতী চুপ ক'রে রইলো।

'ছোড়দির বাড়ি যাস না ?'

'যাই তো।'

'দু-চার দিন থাকলেও তো পারিস গিয়ে।'

'না, বাবা—'

'না কেন ? শাশুতী আমাকে বলছিলো সেদিন—'

'বাড়িতে ছাড়া আমার ভালো লাগে না কোথাও।'

'বেশ তো, বাড়িতেই বন্ধুদের আসতে বল।'

‘বন্ধু পার্বো কোথায় ?’

‘কেন, কলেজে পড়ছিস আজকাল—আমি আরো ভাবছিলাম
কত রঙিন শাড়ি পরা-পরা মেয়েরা আসবে বিকেলে—হাসি, গান,
গল্প—চমৎকার !’

‘এ-বিষয়ে ওস্তাদ ছোড়দি, না বাবা ? কী হৈ-চৈ...আর কী-রকম
নিশ্চুপ হ’য়ে গেছে বাড়িটা। তোমার নিশ্চয়ই খারাপ লাগে ?’

‘তোমার লাগে বুঝি ?’

‘আমার না।’

মেয়ের মুখের দিকে একটু তাকিয়ে থেকে রাজেনবাবু বললেন,
‘দিদিরা তো মস্ত মিশুক এক-একজন—তুই এ-রকম কুনো হলি
কেন ?’

ছেলেবেলার মতো একটুখানি শরীর বেঁকিয়ে স্বাতী বললো :
‘আছি আছি কুনো ! কুনোই ভালো।’

‘কলেজে একটি মেয়ের সঙ্গেও ভাব হয়নি তোমার ?’

স্বাতী জবাব দিলো না।

একটু চুপ ক’রে থেকে রাজেনবাবু বললেন : ‘তোমার দাদার
খবর-টবর কিছুরাখিস ?’

দাদার দু-একটা কথার সঙ্গে নিজের অনেকখানি ইচ্ছা মিশিয়ে
স্বাতী খবর দিলো : ‘দাদা বোধহয় কোনো রেডিওর দোকানে
কাজ শিখছে।’

‘ভালো।’ উদাস মস্তব্য রাজেনবাবুর।

‘তোমার সঙ্গে আজকাল বুঝি দেখাশোনাই হয় না দাদার ?’

‘কোথায় আর।’

‘ওর একটা অঙ্কুত ধারণা হয়েছে যে তুমি ওকে ভালোবাসো না।’
‘মুখের অশেষ দোষ।’

‘ঐ তো! ও-রকম যে বলো ও বুঝি আর বোঝে না?’
‘মিথ্যে বলি?’

‘সত্য হ’লেই বলতে হয় নাকি সব সময়?’

‘বলাবলির আর আছেই বা কী—’ ঠোঁটে ঠোঁট চেপে রাজেনবাবু চুপ করলেন।

‘বাবা, শোনো,’ স্বাতী তাড়াতাড়ি অন্য কথা পাড়লো, ‘সেদিন একখানা পুরোনো বই খুঁজে পেলাম—“গীতাঞ্জলি”—মা-র নাম লেখা। আগে তো দেখিনি।’

রাজেনবাবু একটু ভেবে বললেন, ‘কোন জন্মের বই।’ আছে এখনো?’

হাতে নিতেই রাজেনবাবুর চোখে পড়লো মলাট-ছেঁড়া বইয়ের প্রথম পাতায় লেখা নামটি। যেন চিনতেই পারলেন না সেই হাতের লেখা, সেই নাম। শাদা কাগজ হলদে হয়েছে, কালো কালি বাদামি—তবু হাতের লেখার সেই সেকেলে ডৌল, পাশাপাশি ছোটো তালব্য “শ”র হাসি-হাসি মুখ—সেই নাম...নাম। চোখ সরতে গিয়েও আবার চোখ রাখলেন রাজেনবাবু।

বাবার চোখের দৃষ্টি লক্ষ্য ক’রে স্বাতী বললো, ‘মা বুঝি ভালোবাসতেন এ-বই?’

বইখানা উন্টো ক’রে শুইয়ে রাজেনবাবু বললেন, ‘তখন-তো ঘরে-ঘরে “গীতাঞ্জলি”—কী-কাণ্ড! সকলের মুখে ও-সব গান! আমার এক বন্ধু ছিলো হরেন—কত দিন কত গান শুনিয়েছ সে—

‘আর তোর মা—’ হঠাৎ একটু থেমে, কেমন-একটু আড়ষ্ট হ’য়ে রাজেনবাবু যেন কোনোরকমে কথাটা শেষ করলেন—‘তোর মা খুব ষাওয়াতেন-টাওয়াতেন আরকি।’

‘বলো, বাবা, বলো,’ বাপের গা ঘেঁষে বসলো স্বাতী।

‘আর কী বলবো।’

‘মা খুব গান ভালবাসতেন, না?’

‘ঐ তো—রান্নাঘরে ব’সে লুচি ভাজতেন, আর দরজার আড়াল থেকে গানের ফরমাশ করতেন মাঝে-মাঝে।’

‘আড়াল থেকে কেন?’

‘তখন কি মেয়েরা বেরতো নাকি রে কারো সামনে’, রাজেনবাবু হাসলেন।

‘কী বিল্লী!’ সঙ্গে-সঙ্গে স্বাতীর মন্তব্য। ‘ভাগ্যিণী স্নে-যুগে জন্মাইনি!—তারপর?’

‘তারপর কী রে? গল্প নাকি যে তারপর?’

‘তোমরা তখন কোথায় ছিলে, বাবা?’

‘তখন? শাঁখারিপাড়ায়।’

‘শাঁখারিপাড়া কোথায় আবার?’

‘আছে কলকাতাতেই কোথাও।’

‘আমি তখন জন্মেছি?’

‘দু—র! সরস্বতীই ও-বাড়িতে জন্মালো।’

ছুটি-তিনটি শিশু নিয়ে মা-বাবার সেই গান-শোনা ঘোমটা-মানা সংসার স্বাতীর মনে হ’লো স্বপ্নের মতো। এত সুখ!—বুকটা যেন টকটক করে উঠলো তার—এ-সুখ আমি কি জানবো কোনোদিন?

মা বেরোতে পারতেন না কারো সামনে, রান্নাঘরে ব'সে গান শুনতেন।
তবু এত সুখ! আমি-তো স্বাধীন, আমি-তো কত-কিছু পারি,
কিন্তু...কিন্তু...এতে কি সুখ বেশি? ছোড়দি কি মা-র চেয়ে
বেশি সুখী? সেই শাখারিপাড়ার মা-বাবার সঙ্গে তুলনা হয় নাকি
ছোড়দি আর হারীতদার?...কেন হবে না? ছোড়দি খুব ভালো
আছে, কত নতুন জায়গায় যাচ্ছে, কত নতুন লোকের সঙ্গে আলাপ
হচ্ছে, মুখে তার ঝ'রে পড়ছে খুশি।...কিন্তু—

‘বাবা’, স্বাতী একটু ক্ষীণ স্বরে বললো, ‘আমাকে সেই শাখারি-
পাড়ার বাড়িটা দেখাবে একদিন?’

কথা না-ব'লে রাজেনবাবু আর একবার তাকালেন কোন জন্মের
‘পুরোনো সেই গীতাঞ্জলির দিকে। আর স্বাতী, উপুড়-করা বইখানার
গায়ে আঁস্তে হাত বুলিয়ে আঁস্তে বললো, ‘সুন্দর গানগুলি, না বাবা?’
রাজেনবাবু চোখ দিয়ে সায় দিলেন।

‘বাবা’, স্বাতীর কথায় লজ্জার ঢেউ উঠলো, ‘আমাকে দশটা
টাকা দেবে?’

‘কী চাই?’ তক্ষুনি বদলে গেলো রাজেনবাবুর চোখ-মুখ।

‘রবীন্দ্রনাথের বই আরো কিনলে হয় না?’

‘মোট দশ টাকা তার জন্ম?’

‘ও মা! তুমি কি ভাবছো আমি সব বই কিনবো? দোকানে
বললো যে সব কিনতে দেড়শো-দুশো টাকা লাগবে।’

‘তা এমন-কী বেশি। বইও তো বোধহয় দেড়শো-দুশো।’

‘বেশ-তো!’ আনন্দের আলো জ্ব'লে উঠলো স্বাতীর মুখে,
‘মাসে-মাসে আঁস্তে-আঁস্তে—’

‘ইশ! খুব-ষে হিশেখি হয়েছিস।’ রাজেনবাবু মেয়ের মাথাটি ধ’রে নেড়ে দিলেন।

...‘মানসী’, ‘চিত্রা’, ‘কল্পনা’, ‘কণিকা’, ‘বলাকা’, টাটকা নতুন বই ক’খানা বিছানায় ছড়িয়ে স্বাতী চুপ ক’রে শুয়ে ছিলো দুপুরবেলায়। মেঘ করেছে আকাশে; ধোঁয়ারঙের, ছায়ারঙের, রাতরঙের মেঘ, উচু-উচু নারকোল গাছের মাথা কালো ক’রে দিয়ে, কাঁপা-কাঁপা হাওয়ায় সেতারের মীড় তুলে-তুলে আকাশের মেঘ আস্তে-আস্তে স্বাতীর মনে ছড়িয়ে পড়লো।...কেন মন-খারাপ লাগে? কিসের দুঃখ আমার? কোনো দুঃখ তো নেই। তবে? কবিতা প’ড়ে-প’ড়ে হ’লো নাকি এ-রকম? হারীতদার কথাই কি তবে ঠিক—তবে কি ইভা শোভনা সুপ্রীতির বোকা নয়—যা কোনো কাজে লাগে না সেটাই বাজে? ‘ঠেশে ইকনমিস্ট পড়ো, মাথা থেকে সব ধোঁয়া বেরিয়ে যাবে’, হারীতদা তাঁকে বলেছিলেন। ধোঁয়া... মেঘও-তো ধোঁয়া, কিন্তু মেঘ কি বাজে? যদি মেঘ না-হ’তো, বৃষ্টি না-হ’তো...

—‘স্বাতী।’

দাদাকে দেখে খুশি হ’য়ে স্বাতী উঠে বসলো।

‘আলমারির চাবিটা দে তো একটু।’

‘আলমারি তো খোলাই। শাড়ি বুঝি?’

বিজু জবাব না-দিয়ে পিছন ফিরে দাঁড়িয়ে শাড়ি বাহতে লাগলো।

‘আর কতকাল তুই মেয়ে সাজবি রে দাদা?’

‘বেশিদিন না,’ বিজু ঘাড় ফিরিয়ে হাসলো, ‘মেয়ে-পুরুষে মিলে যে-রকম নাটক লাগিয়েছে আজকাল—যাকে বলে জীবন-নাট্য।’

কথাটা অগ্রাহ্য ক’রে স্বাতী বললো, ‘ছেলেবেলায় তবু একরকম—তাই ব’লে এখন নাকি দাড়ি-গোঁফ কামিয়ে মেয়ে সাজলে মানায়!’

‘দাড়ি-গোঁফ তো এমনিই সবাই কামায় আজকাল,’ বিজু জবাব দিলো। ‘আর মানাবার কথা কী বলছিস—ঢাকুরেতে ষোড়শী করেছিলাম—তিন দিন পর্যন্ত আর-কোনো কথা বলেনি কেউ।’

স্বাতী হেসে উঠলো।

‘দেখলে আর হাসতিস না ও-রকম ক’রে!—ভালো শাড়ি কিছু নেই রে তোর, ছোড়দির কত ছিলো!—এই নীলাস্বরীটা—’

‘ওটা নিস না, দাদা, ওটা মা-র,’ চৈঁচিয়ে উঠলো স্বাতী।

‘দেখি না একটু।’

‘না, না, দেখতে হবে না—রেখে দে!’ লাফিয়ে খাট থেকে নেমে স্বাতী হাত বাড়িয়ে এগিয়ে এলো। এক পলক তাকিয়ে বিজু বললো, ‘খাক বাবা, খাঁক। তোরই মা, তোরই বাবা, আমার তো কেউ নয়।’

মা-র শাড়িখানা যথান্থানে ফিরিয়ে রেখে স্বাতী বললো, ‘তাই ব’লে তোদের ঐ গোলমালের মধ্যে নিয়ে যেতে হবে—না সেবার হারালি তো আমার অত সুন্দর ঢাকাই জামদানিখানা!’

‘ভারি তো! পাঁচ টাকা দাম!’

‘তা যা-ই হোক, কী-সুন্দর কচিপাতা রংটা ছিলো! আর পাঁচ টাকা এমন কমই বা কী!’

‘তোর আবার টাকার অভাব! বাবার কাছে চাইলেই তো পাস—’

‘তুই পাস না ?’

বিজু এ-কথার জবাব দিলো না ; বিছানার ধারে এসে ছড়ানো বইগুলির দিকে তাকিয়ে বললো, ‘কিনলি ? তা আমাকে কেন বললি, না, শস্তায় এনে দিতাম ।’

‘বইয়ের আবার শস্তা আর দাম আছে নাকি ?’

‘তুই জানিস কী ?’ জ্ঞানের গৌরবে বিজুর চোখ দুটি চকচকে হ’য়ে উঠলো । ‘এই-তো “শেষ রক্ষা” করছি আমরা—ছ’ কপি বই লাগবে—এক টাকার বই চোদ্দ আনায় আনিয়ে দিলেন ঞ্চব দস্ত—’

‘কে ?’

‘নামও শুনিসনি ? কী তাহ’লে কলেজে পড়িস—এত বড়ো কবি একজন ! “ষোড়শী” দেখতে ধ’রে এনেছিলাম ওঁকে । আমার পার্ট দেখে বললেন—’

‘কবি ? কবিতা লেখে ?’

‘লেখে মানে ?’ ঠোঁটে ঠোঁট চেপে আওয়াজ ক’রে বিজু বললো । ‘কত বই ওঁর ! তাই-তো সব বই কম দামে কিনতে পান ! জানিস—আমাদের “শেষ রক্ষা”তেও আসবেন !’

‘গোঁফ-কামানো ইন্দুমতীকে দেখতে ?’

‘রাখ, রাখ—তোরাই যেন ভালো পারিস এর চেয়ে !’ পাইচারি করতে-করতে বিজু সগর্বে বলতে লাগলো, ‘বিলেতেই অ্যাকট্রেস ছিলো নাকি শেক্সপিয়ারের সময় ? চিনদেশে তো এখনো নেই । স্বয়ং জ্যোতিরিন্দ্র ঠাকুর নটী সাজেননি জোড়াসাঁকোর বাড়িতে ?’

দাদার মুখের দিকে একটু তাকিয়ে থেকে স্বাতী বললো, ‘কার কাছে শুনেছিস এসব ?’

‘যার কাছেই শুনি না!’ বিজু খাটের উপর বসে পড়ে মনে করবার চেষ্টা করলো এ-বিষয়ে ধ্রুব দত্ত আরো কী বলেছিলেন। একটু পরে চেষ্টা ছেড়ে দিয়ে বললো, ‘একবার দেখে আয় না কেমন—তারপর বলিস!’

‘না—’

‘তা যাবি কেন! আমি যেখানে আছি সেখানে কি তুই যেতে পারিস! জীবনে কখনো যা করলি না, সে-রকম একটা কাজ তোকে করতে বলাই ভুল হয়েছিলো আমার!’ বিজু মুখ লাল ক’রে উঠে দাঁড়ালো।

‘কথায়-কথায় তোর রাগ ওঠে কেন রে দাদা?’

‘রাগ আবার কী—অন্তেরা যত ভালোই বলুক, আমি ষা করি তা-ই তোর কাছে বাজে!’

স্বাভী হেসে ফেললো। ‘—তোকে ভালো বলতে আমার ভালো লাগে না, কিন্তু অন্তেরা ভালো বললে ভালো লাগে।’

‘শুনিস না তো কী শলে সবাই,’ বিজু তক্ষুনি নরম হ’লো। ‘আমিও ভাবছি রে’, হঠাৎ গ’লে গিয়ে বোনকে সে মনের কথাটা ব’লে ফেললো, ‘আর মেয়ে সাজবো না। দু-একবার হিরোর পার্টে নামতে পারি যদি, তাহ’লেই ফিল্মে একটা চান্স পাওয়া যাবে।’

‘ফিল্মে...?’

‘এখন বলিস না কাউকে কিছু’ বিজু চোখ টিপলো। ‘তাত-না, একেবারে অবাক ক’রে দেবো!’

‘দাদা, তুই-যে সেই রেডিওর দোকানে—’

‘হয়েছে, হয়েছে,’ বিজু ব্যস্ত হ’য়ে উঠলো, পছন্দ-করা শাড়ি

ভিনখানা তাড়াতাড়ি কাগজে জড়িয়ে নিতে-নিতে বললো,
'তাহ'লে—কাল যাবি নাকি ?'

'বাবা যদি যান—'

'রাবার দরকার কী রে—এই-তো এখানে সাদান' এভিনিউ
আর ল্যান্সডাউন রোডের মোড়ে—তাছাড়া ছোড়দিরাও—' কথা
শেষ করবার সবুর সহিলো না বিজুর।

আবার একা ঘরে মেঘলা ছুপুরে স্বাতীর মন-খারাপ লাগলো ।
চুপচাপ পাড়া ; বড়ো রাস্তার ট্রামের শব্দ হঠাৎ শোনা গেলো—
ঠিক যেন কেউ দীর্ঘশ্বাস ফেললো ঘরের মধ্যে । কোথাও তার চ'লে
যেতে ইচ্ছে করে, কিছু তার করতে ইচ্ছে করে, কী-যেন দেখতে
শুনতে, জানতে ইচ্ছে করে...না, কপালে হাত বুলিয়ে স্বাতী
মনে-মনে বললো, কিছু না । জানলা দিয়ে চোখে পড়লো আকাশে
মেঘের কঁাকে নীল, আর গাছের কচি-কচি-পাতা-ভরা সবুজ মাথা,
আর সেই নীল আর সবুজের মাঝখানে আস্তে উড়ে-চলা শান্ত,
নিশ্চিন্ত, কুচকুচে কালো একটা কাক...কী সুখী ঐ কাক, দেখেও সুখ...
কিন্তু ঐ কী-রকম সুখ যাতে আরো বেশি মন-খারাপ হ'য়ে যায় !

পরের দিন বেশ তোড়জোড় ক'রেই সে দাদার 'শেষরক্ষা'
দেখতে গেলো ছোড়দি আর হারীতদার সঙ্গে । বইখানা প'ড়ে
কী হেসেছিলো একবার ! তখন যদি কেউ তাকে বলতো, 'রবীন্দ্রনাথ
পড়ো', তাহ'লে এতদিনে...কী হ'তো ? বই প'ড়ে কী হয় ? বই প'ড়েই
কি সুখী হয় মানুষ ?—কবিতা প'ড়ে কি পেট ভরে ?—বিলেত থেকে
এই শিখি এলেন হারীতদা ! কবিতা প'ড়ে দুঃখ বাড়ে, তাই তো
কেউ কবিতা পড়ে না।...দুঃখ ?

সামনের দিকের চেয়ারে সসন্মানে ব'সে স্বাতী একবার মুখ ঘুরিয়ে-ঘুরিয়ে দর্শকদের দেখে নিলো। মনে হ'লো, রাজ্যের বাজে ছোকরা আর মোটা-মোটা গিন্নি আর বিরক্ত চেহারার আধ-বুড়ো পুরুষ জড়ো হয়েছে এক জায়গায়। কিন্তু মানুষ তো তার চেহারা—চেহারাটা কিছুই কি নয় তাই ব'লে? বাবাকে দেখে কে না বলতে পারে যে অমন ভালোমানুষ হয় না! আর সত্যেন রায়ের মুখ দেখেই বোঝা যায় যে তিনি কবিতা-পড়া মানুষ—তাই তো, মেয়েগুলো সাহস পায়—

‘ঐ ধ্রুব দত্ত এলেন।’ কথাটা কানে যেতেই স্বাতী তাকালো। তিন-চার জন ভলটিঅর পায়ে-পায়ে বিনয় ঝরিয়ে তাদের প্রধান অতিথিটিকে এনে বসালো একেবারে সামনে, বাচ্চাদের সতরঞ্চির ধারে একটু আড় ক'রে পাতা একটি স্বতন্ত্র চেয়ারে। বোধহয় তাঁর আসবার জন্তেই দেরি হচ্ছিলো : একটু পরেই পরদা উঠে পাল্লা আরম্ভ হ'লো।

স্বাতীর চোখ মাঝে-মাঝেই স'রে আসছিলো নাটক থেকে ধ্রুব দত্তর দিকে। কবি! একজন কবি!—এই প্রথম একজন জ্যোন্ত কবিকে চোখে দেখলো সে। মুখ দেখা যাচ্ছিলো আধখানারও কম, চেয়ারের মধ্যে কেমন এলিয়ে, মাথা নামিয়ে, পা দুটোকে দূরে পাঠিয়ে দিয়ে বসেছেন ভদ্রলোক, অথচ স্থবির ভাব নেই, ওরই মধ্যে অবিশ্রান্ত নড়াচড়া করছেন, আর সিগারেট খেয়ে যাচ্ছেন ক্রমাগত একটার পর একটা।...ইনি কবিতা লেখেন? ঐ-রকম ক'রে সাজাতে জানেন কথা? বোবা অক্ষরকে দিয়ে গান গাওয়ান? ...ঐ-রকম দেখতে? ছোটো ক'রে হাঁটা চুল, মোটা ষাড়,

শক্ত-শক্ত হাত—একেবারেই সত্যেন রায়ের মতো নয় তো!—
কিন্তু হবেই বা কেন, সত্যেন রায় কি কবি?—আর হ'লেই বা কী;
দু-জন কবি কি একরকম হয় দেখতে? দু-জন মানুষ কি
একরকম হয় কখনো?—সে কেন ভাবছিলো—সত্যি, কী বোকার
মতো—চোখ সরিয়ে নিলো, নাটকে মন দিলো।

প্রথম অঙ্ক শেষ হবার পর হারীত বললো, 'উঠবে নাকি এবার?'
'এখনই?' শান্তী আপত্তি জানালো। 'বেশ-তো লাগছে—
আর বিজুকে সত্যিই মেয়ে মনে হচ্ছে।'।

'মন্দ কী,' দাঁতে পাইপ চেপে হারীত বললো। 'ক্যাপিট্যালিজম-এর
রাজত্বে এর বেশি আর কী হবে।'।

শান্তী মীইয়ে গিয়ে বললো, 'কেন, ভালো না?'

'কী-রকম ইনিয়ে-বিনিয়ে কথা বলছে সবাই!' হারীত ছোটো
ক'রে হাসলো। 'জীবনেও যারা কোনো কাজ করে না—'

'সে-তো ঠিকই,' ছোড়দির খোঁপার পিছন দিয়ে তাকিয়ে স্বাতী
বললো, 'কাজের লোকেরা কি কথা বলে!'

'অন্তত ইনিয়ে-বিনিয়ে বলে না,' হারীত জবাব দিলো।

'চিবিয়ে-চিবিয়ে বলে,' সঙ্গে-সঙ্গে স্বাতীর প্রত্যুত্তর।

হারীত গম্ভীর হ'য়ে চুপ করলো, আর দ্বিতীয় অঙ্কের শেষে
একেবারেই উঠে দাঁড়ালো 'নাঃ, আর না' ব'লে।

শান্তী উশখুশ ক'রে বললো, 'কী, স্বাতী, যাবি?'

যে-উত্তর সে চেয়েছিলো তা পেলো না। 'তোমরা গেলেই
যাযো,' বলতে-বলতে স্বাতীর চোখ ফিরলো দ্রব দত্তর দিকে।

স্বামীর ঘুখের দিকে চকিতে একবার তাকালো শান্তী, কোনো

আশা পেলো না। কৌ-মুশকিল—কে জানতো ‘শেষরক্ষা’ নাটকও সর্বনৈশে ক্যাপিট্যালিজম-এরই একটি বিষফল! বেশ লাগছিলো, আর এমন বেশিকণও তো নয়।

হঠাৎ হারীত বললো, ‘তোমরা তাহ’লে থাকো, আমি চললাম।’
তক্ষুনি উঠে দাঁড়ালো শাস্তী, একটু পরে স্বাতী।

‘ইচ্ছে হ’লে থাকো না তোমরা,’ দু’সারি চেয়ারের ফাঁক দিয়ে একটু এগিয়েই হারীত থামলো।

শাস্তী কথাটা শুনলো, মুখ দেখলো না। —‘থাকবো?’ তার গলার স্বরে খুশি গোপন থাকলো না। ‘তুমি কি তাহ’লে ঘুরে আসবে আবার?’

‘আমার আর আসবার দরকার কী—ফিরতে পারবে না একা? আর না-ই ফিরলে না-হয়, ও-বাড়িতে থেকো রাতটা’, বলতে-বলতে হারীত তাকালো স্ত্রীর দিকে।

শাস্তী আর কথা বললো না, মাথা নিচু করে আস্তে-আস্তে বেরিয়ে এলো। ..রাগ? এই নিয়ে এত রাগ? আর স্বাতীর সামনে! এ-রকম রাগ করতেও জানে?—তা মনের কথাটা প্রথমেই খুলে বললে হ’তো, আমি কি জোর করতাম?

রাস্তায় এসে হারীত হাঁটতে লাগলো পুরো পুরুষালি কদমে।
স্বাতী বললো, ‘একটু আস্তে, হারীতদা।’

‘তোমার অসুবিধে হচ্ছে?’

‘আমার না, ছোড়দির। মোটা হ’য়ে পড়েছে কিনা।’

‘তোমাদের সঙ্গে চলতে আমারই অসুবিধে’, ব’লে হারীত দম্বা করে একটু টিল দিলো হাঁটায়।

‘কী আর করবেন—অনুবিধেটা নিজের ঘটিয়েছেন যখন—’ স্বাতী আড়চোখে তাকালো ছোড়দির দিকে, কিন্তু শাশ্বতী কিছু বললো না, হারীতও চুপ ; হনহন হেঁটে কয়েক মিনিটেই তারা দেখতে পেলো টালিগঞ্জের ব্রিজ। গলির মোড়ে দাঁড়িয়ে হারীত বললো, ‘আমরা এখান থেকেই ট্রাম ধরি।’

‘যাঃ—!’ কথাটা উড়িয়ে দিলো স্বাতী।

কিন্তু হারীত শব্দ হ’য়ে দাঁড়ালো ট্রাম-স্টপের কাছে। শাশ্বতীর শরীরে যেন একটা ঢেউ উঠলো, ঢেউ মিলিয়ে গেলো, গলা পর্যন্ত এসে ফিরে গেলো কথা, দুই কণ্ঠার কাঁকে ছোটো গর্তটুকু যেন কেঁপে-কেঁপে উঠলো ; টোক গিলে, নেকলেসে একবার হাত রেখে, গায়ে-মাথায় আঁচল টেনে স্থির হ’লো সে।

‘আমুন—বাঃ!’ স্বাতী হারীতদাকে ডাকলো।

‘আজ আর থাক।’ হারীত তাকালো ট্রামের আশায়।

রাস্তার ইলেকট্রিক আলোর তলায় মুহূর্তের জন্ত চোখাচোখি হ’লো দু-বোনে। শাশ্বতী আগে চোখ নামালো, নিচু করলো সিঁদুর-হৌওয়ানো মাথা, ফিরিয়ে নিলো ঈষৎ-রং-বোলানা মুখ। বাঁকের মুখে দেখা দিলো আলো-জ্বলা ট্রাম। ‘আচ্ছা যাই—’ কোনোদিকে আর না-তাকিয়ে স্বাতী তাড়াতাড়ি ঢুকে পড়লো বাড়ির গলিতে।

রাজেনবাবু শুয়ে ছিলেন চোখ বুজে, কপালে হাত রেখে ; শব্দ শুনে উঠে ব’সে বললেন, ‘ওরা কোথায়?’

‘ওরা বাড়ি গেলো, বাবা।’

‘এলো না?’

একটুও দেরি না-ক’রে স্বাতী জবাব দিলো, ‘হারীতদার কাছে

কার যেন আসবার কথা সাড়ে-নটার সময় ; জরুরি কাজ,
তাই—’

‘একটু এলো না !’

‘আহা—তোমার আবার সবটাতেই বাড়াবাড়ি—এখান থেকে
এখানে—কালই হয়তো আসবে আবার ।’

‘তুই কার সঙ্গে এলি ?’

‘আমি ? আমি...মস্ত দল এলো পাড়ার...দাদা কী-সুন্দর
করলো, বাবা—দাঁড়াও, সব বলছি এসে—’ এক ছুটে কাপড় বদলে
এলো স্বাতী, পিঠের উপর কৌকড়া কালো ঘন চুল ছড়িয়ে দিয়ে
ব’সে-ব’সে সবিস্তারে বর্ণনা করতে লাগলো নাটকের, প্রত্যেকের
গলার আওয়াজ, বলার ধরন এমন ক’রে নকল করলো যে রাজেনবাবু
শব্দ ক’রে হেসে উঠলেন কয়েকবার ।

খুব যেন একটা গোলমালে স্বাতীর ঘুম ভেঙে গেলো রাস্তিরে ।
বাইরে শৌঁ-শৌঁ ঝড় ; ঘরের মধ্যে হাওয়ার হৈ-হৈ, আর জানলার
ঠকাশ-ঠকাশ শব্দ । একলা অন্ধকারে ভয় পেয়ে হঠাৎ সে
ডেকে উঠলো—‘ছোড়দি !’ তারপরেই পাশ ফিরে ভালো ক’রে
চোখ মেলে তাকালো । ঘরের মধ্যে আর-এক কোণে ছোড়দির
খাট প’ড়ে আছে এখনো, খালি-খালি বিদ্রী দেখাচ্ছে, আর
জায়গাও জুড়ে আছে মিছিমিছি ।...কী ছেলেমানুষ ছিলাম, একা
শুতে পারতাম না কিছুতেই, কত বড়ো হ’য়েও বাবার কাছেই
শুয়েছি—তারপর মা যখন—তখন থেকেই ছোড়দি আর আমি ।
বাবা আলাদা ক’রে দিলে কী হবে, আমি ছোড়দির খাটেই বকরবকর

করতাম শুয়ে-শুয়ে, ঝগড়া ক'রে নিজের বিছানায় এসে উপুড় হ'য়ে পড়তাম, তারপরেই আবার ডাকতাম, 'ছোড়দি।' নিজের সেই ঘুম-ভরা ভাঙা-ভাঙা গলার ডাক স্বাতী যেন কানে শুনতে পেলো।... কে ভেবেছিলো একা এক ঘরে—কেন, ভাবতে না-পারার কী আছে, -এ-তো জানাই জানা, আর এখনো ছেলোমানুষ আছে। নাকি যে রাত্রে ঘুম ভাঙলে ভয় করবে! ওঠো, আলো জ্বালো, জানলা বন্ধ করো! ভাবতে-ভাবতেই আলো জ্ব'লে উঠলো তার চোখে বাড়ি মেরে, আর স্বাতী তক্ষুনি চোখ বুজে ফেললো, কিন্তু দেখতে লাগলো মিটিমিটি। কাছের জানলাটা বন্ধ ক'রে, দূরের জানলা দুটো ছিটকিনি লাগিয়ে খুলে রেখে বাবা এসে দাঁড়ালেন তার বিছানার ধারে।—'বাবা', চোখ মেলে হেসে উঠলো সে।

'জেগেছিস?'

'তুমি আবার উঠে এসেছো কেন?'

'তবু একটু ঠাণ্ডা হ'লো। বাঁচলাম!'

'বাবা, দাদা ফিরেছে?'

'কই, না।'

'রাত-বিরেতে না-ফেরাই ভালো—কী বলো?'

সে-কথার জবাব না-দিয়ে রাজেনবাবু আলনা থেকে একখানা খদ্দেরের চাদর এনে মেয়ের গায়ের উপর বিছিয়ে বললেন, 'ঘুমো এখন।'

'বাবা, একটু বসবে আমার কাছে?—থাক, শোও গিয়ে।'

রাজেনবাবু ব'সে বললেন, 'যুষ্টি নামলো। যুষ্টিটা বেশ, না রে?'

‘খুব ভালো, বাবা, খু—ব ভালো লাগে’, উষ্ণ নিশ্চিন্ত আরামে স্বাতীর কথা জড়িয়ে এলো। ‘বাবা, শোনো, ঐ খাটটা তো কোনো কাজে আর লাগে না—’

‘হ্যাঁ, ওটা সরিয়ে দেবো।’ জাজিম-পাতা বিছানাহীন শূন্য খাটটার দিকে রাজেনবাবু একবার তাকালেন, তারপর দুই চোখ ভ’রে দেখতে লাগলেন তাঁর সবচেয়ে ছোটো, সবচেয়ে সুন্দর, তাঁর সর্বশেষ, তাঁর একমাত্র কন্যাকে। স্বাতীর চোখে তখন বাসা বেঁধেছে ঘুম, সে দেখছে অনেক ভিড়, লোকজন; নাটক আরম্ভ হবে এখন, প্রব দস্ত সিগারেট খাচ্ছেন ব’সে-ব’সে, কিন্তু ছোড়দি নেই, হারীতদাও না, চারদিকে অচেনা মুখ, জায়গাটাও অচেনা—কোথায় এলো সে, কেমন ক’রে এলো—আবে, ঐ-তো বাবা!

‘বাবা!’ ঘুমে-ভরা ভাঙা-ভাঙা স্বরে ডাকলো একবার, ‘বাবা, এটা তোমার হাত?’ হাত বাড়িয়ে টেনে নিলো বাবার হাতখানা, আঁকড়ে ধ’রে তক্ষুনি ঘুমিয়ে পড়লো। বাইরে বৃষ্টি, বৃষ্টি।

বর্ষার কী জাঁকজমক সেবার! যেন উড়িয়ে নেবে, যেন ভাসিয়ে দেবে। আরো কত বর্ষা তো কেটেছে স্বাতীরা, আগে কখনো এমন ছাধেনি। সে যেন চোখে দেখতে পেলো ঘাসের ঘন হওয়া, গাছপালার বেড়ে ওঠা, মাটির সুখ, শিকড়ের খুশি। লম্বা মেঘলা একলা ছপূর, রঙের আফ্লাদে গ'লে-যাওয়া বিকেল, আর রিমঝিম রাত্রি, আর মাঝে-মাঝে মেঘ-ছেঁড়া ভিজ্জে-ভিজ্জে জ্যোছনা—এত ভালো লাগে, ভালো লাগে ব'লেই একা লাগে, আবার মানুষের সঙ্গও বেশি ভালো লাগে না—এইরকম একটা আবছায়ার মধ্যে তার যেন দম আটকে এলো ; কলেজটা খুললে বাঁচে।

সেদিন সকালে শহর স্নান ক'রে সেজে-গুজে ফিটফাট, যেন সে জানে আজ স্বাতীরা কলেজ খুলবে। বই হাতে নিয়ে হালকা পায়ে বেরলো বাড়ি থেকে ; সবুজ পৃথিবী, ঝকঝকে রোদদূর ; তার শরীরে সুখ আর ধরে না, রাস্তায় যদি লোক না থাকতো ঘুরপাক খেয়ে নেচে নিতো একবার। ট্রামে মেয়েদের সীট ছেড়ে দিয়ে সে বসলো একেবারে সামনে এগিয়ে—কী হাওয়া, আর কী সুন্দর সাদান' অভিনিউর মোড় পর্যন্ত রাস্তাটি ; কত গাছ, কত ঘাস, আর গাছের তলা দিয়ে ছাইরঙের ট্রামগুলি জলের উপর হাঁসের মতো বঁকে যায়—মিনিটে-মিনিটে যাচ্ছে, কিন্তু কেউ ছাধে না, কেউ কি ছাধে ? ভালো লাগার জন্তু কোথায়-না ছুটোছুটি করে মানুষ—সিনেমা, থিয়েটার, খেলার মাঠ ; যে-কোনো জায়গায় যে-কোনো রকম

একটা মেলা-টেলা কিছু হ'লে মেয়ে-পুরুষে থইথই, দোকানে-দোকানে ভিড় ধরে না, রেলগাড়ি চ'ড়ে দূর-দূর দেশে চ'লে যায় ;—এদিকে কত ভালো লাগা যে ছড়িয়ে আছে চোখের সামনে, নাম নেই, দাম নেই, টিকিট নেই, এত বড়ো শহরে আর-কেউ তা জানে না ? ভালো লাগার জন্তু কোথাও যেতে হয় নাকি, কিছু করতে হয় নাকি ? —এমনি-এমনিই তো ভালো লাগার শেষ নেই, ভালো না-লেগে উপায় আছে মানুষের ।

প্রথম ঘণ্টায় অনাদিবাবুর ক্লাশ। অনাদিবাবুকে বেশ তো ভালো দেখাচ্ছে আজ—চশমাটা বদলেছেন ?—না, এইরকমই তো —দেখতেই ভালো উনি—কী আশ্চর্য—আশ্চর্য কেন, অনাদিবাবুকে দেখতে ভালো হ'তে নেই ? আর তাঁর পড়ানোই বা এমন মন্দ কী । স্বাভাবিক চোখের সামনে বই খুললো, কিন্তু অনাদিবাবু নাম ডাকা শেষ ক'রে উঠে দাঁড়িয়ে স্বভাবত স্নগস্তীর মুখে আরো গাঙ্গীর্য এনে বললেন : ‘তোমাদের ক্লাশের উনিশ রোল-নম্বর মেয়ে, মায়া সান্তাল, ছুটির মধ্যে মারা গেছে—’

অ্যা ! অর্ধ-স্মুট উচ্চারণে চঞ্চল হ'য়ে উঠলো দশ-বারোটি মেয়ে, মায়া সান্তালের বন্ধুরা, আর অন্তেরা তাকিয়ে রইলো অবাক হ'য়ে ।

‘—তার স্মৃতির সম্মানরক্ষার্থে আজ তোমাদের ক্লাশ হবে না । তোমরা বাড়ি যেতে পারো ।’ কথা শেষ ক'রেই অনাদিবাবু চ'লে গেলেন ।

—‘হাউ শকিং !’

—‘কী হয়েছিলো ?’

—‘কবে মরলো ?’

—‘তুই কিছু জানিস, অলকা ? তোরা বাড়ির কাছেই তো—’

—‘মাসখানেক আগেও দেখা হয়েছে আমার সঙ্গে : তারপর মামাবাড়ি গেলুম—’

অশ্বদের চেয়ে চড়া গলায় ইভা ব’লে উঠলো, ‘একটা কনডো-লেন্স মীটিং করা উচিত আমাদের।’

‘নিশ্চয়ই!’ অলকার সোৎসাহ সমর্থন।

‘কবে করবি?’ স্নগ্ধীতির প্রশ্ন।

‘আজই! এখনই!’ ইভা টগবগ ক’রে উঠলো। ‘একটা রেজলিউশন পাস ক’রে ওর বাড়িতে পাঠিয়ে দেবো আজই।’

‘কিন্তু অনেকে-যে চ’লে যাচ্ছে—’

ইভা লাফিয়ে উঠলো প্রোফেসরের তক্তায়। আঙুলের গাঁট দিয়ে টেবিল ঠুকে বক্তৃতার ঢঙে বললো, ‘বন্ধুগণ, আপনারা যাবেন না। মায়ী সান্ত্বালের জন্য কনডোলেন্স মীটিং করবো আমরা। আপনারা যাবেন না—আপনারা বসুন—স্থির হ’য়ে বসুন।’

তবু চ’লে গেলো কেউ-কেউ, অনেকে যেতে-যেতে ব’সে পড়লো। ইভা তাকিয়ে বললো, ‘আচ্ছা এতেই হবে।’

একজন আপত্তি তুললো, ‘সভাপতি কোথায়?’

‘লাগবে না’, দ্রুত উত্তর দিলো ইভা। ‘এটা আমাদের নিজেদের সভা—ছাত্রীদের সভা—আর এ-যুগে সভাপতি একটা অ্যানাক্রনিজম।’ নতুন-শেখা ইংরিজি কথাটা ঠিক জায়গায় বসাতে পেরে ইভা বেশ খুশি হ’লো মনে-মনে—একটা মেয়েও মানে জানে না নিশ্চয়ই?—‘আপনারা কেউ কিছু বলুন, আমি রেজলিউশন ড্রাফট করি—’ ইভা গম্ভীরভাবে ব’সে পড়লো প্রোফেসরের চেয়ারে। এতই যদি সভাপতির শখ, তাকেই মনে করুক না।

একটু ঠেলাঠেলির পর অলকা উঠে কিছু বললো, তারপর সুপ্রীতি, তারপর আরো দুটি মেয়ে। বলতে গিয়ে তারা ঠেকে গেলো, ভুল করলো, হেসে ফেললো—অন্তেরাও হাসলো—মোটোও শোকসভার মতো লাগলো না তখন। তারপর ইভা উঠে রেজলিউশন পড়লো, সবাই মিলে দাঁড়িয়ে গ্রহণ করলো সেটি, আর সবশেষে ইভা বক্তৃতা করলো জমকালো ভাষায় অনর্গল বেগে—মেয়েরা অবাক হ'লো শুনে, আর স্বাতীর মনে হ'তে লাগলো যে মায়া মরেছে ইভাকে এই বক্তৃতার সুযোগটা দেবার জন্মই।

তার সামনের বেঞ্চিতে মায়া যেখানে বসতো, সেখানে মাঝে-মাঝে তাকাচ্ছিলো স্বাতী। সেই মানে-জানতে-চাওয়া মোটাসোটা মায়া। ম'রে গেলো। ম'রে যাওয়া এতই সোজা? যে-কোনো মানুষ যে-কোনো দিন মরতে পারে?...আমিও? ভাগ্যিশ—কথাটা লাফিয়ে উঠলো স্বাতীর মনে,—ভাগ্যিশ আমি মরিনি! পৃথিবীর কোটি-কোটি মানুষের মধ্যে আমি না-থাকলে কী হ'তো? কিছু না। যদি আমি না-ই জন্মাতাম—তাতেই বা কী হ'তো? কিছু না। এই-তো মায়া সান্ত্বাল হঠাৎ 'হাঁ' থেকে 'না' হ'য়ে গেলো—কী হ'লো তাতে? মা ম'রে গেলেন—তবু-তো আমরা বেঁচে-ব'র্তে আছি; ভালো—হ্যাঁ, ভালোই তো আছি—হঠাৎ হাতুড়ির বাড়ি পড়লো ছৎপিণ্ডে, মা-র জন্ম যে তার আর কষ্ট হয় না, সেই কষ্টে যেন বুক ফেটে গেলো। তবে কি কারো জন্মই কিছু এসে যায় না কোথাও? পৃথিবীকে না-হ'লে এক মুহূর্ত চলে না আমার, কিন্তু আমাকে না-হ'লে পৃথিবীর তো চলবে চিরকাল। এই-যে বৃষ্টি, হাওয়া, রোদদূর—এ কি আমার জন্ম? এরা কি আমাকে চায়? কোনোরকমে হঠাৎ জ'ন্মে

গেছি পৃথিবীতে, জানি না কেমন ক'রে না-ম'রে আছি—তাই তো সব পাচ্ছি, এই রোদ, বৃষ্টি, হাওয়া, মনে হয় আমারই জন্ম সব ; চায়, আমাকেই চায় ওরা—কিন্তু না-ই যদি চায়, তাহ'লে আমি কেমন ক'রেই বা হলাম ! আমি না-হ'য়ে অন্য কেউ তো হ'তে পারতো, আমি হলাম কেন ?

রাস্তায় বেরিয়ে স্বাতী তাকিয়ে দেখতে লাগলো আকাশের দিকে, আলোর দিকে, পাতা-কাঁপা গাছের দিকে—শোনো, তোমরা কি আমার কেউ নও ? আকাশের উঠানে ছুটোছুটি খেলছে বাচ্চা মেঘেরা, বড়ো রাস্তার চকচকে গায়ের উপর দিয়ে লম্বা ছায়া লাফিয়ে-লাফিয়ে এগিয়ে এলো, গাছের চুল ধ'রে ঝাঁকানি দিয়ে হা-হা ক'রে হেসে উঠলো হাওয়া—আমাকে তোমরা চিনতে পারো না ? উত্তর নেই—উত্তর নেই—মনে-মনে বানিয়ে নিতে হয় উত্তর, বলিয়ে নিতে হয় ওদের দিয়ে যে-কথা শুনতে চায় মন ।

‘কী ভাবছিস ?’ পাশে চলতে-চলতে জিগেস করলো অনুপমা ।

‘না তো ।’

‘মায়ার কথা ভাবছিস ?’

‘মায়ার কথা ? না ।’ মায়ার কথা কেন ভাববো, মায়ার কথা কে ভাবছে আর ?

‘কিছু-না-কিছু তো ভাবছিসই—’ বললো সুপ্রীতি—‘তবে বলবি না, এই আরকি ।’

‘কেমন দেখাচ্ছে তোকে !’ রাস্তা পার হ'য়ে চিত্রা ঘুরে দাঁড়ালো স্বাতীর মুখোমুখি । ‘হয়েছে কী ?’

‘কী আবার হবে ।’

‘প্রেমে পড়িসনি তো ?’

হেসে উঠলো সুপ্রীতি আর অনুপমা, আর স্বাতী বললো,
‘হাসছিস কেন ? প্রেমে পড়া কি হাসির কথা ?’

‘তাহ’লে সত্যি-জী !’ কথাটার রেশ টেনে তিনজনে চৌঁচিয়ে
হেসে উঠলো এবার ।

‘সত্যি না ?’ চাপা হাসির আভা স্বাতীর চোখে মুখে ।

‘বলবি, কে ?’

‘আমি কি জানি যে বলবো ?’

‘ফাজলেমি—!’

‘চল, ট্রাম—’ সুপ্রীতি ঠেললো চিত্রাকে । এমন সুখের চর্চাটায়
বাধা পড়লো !—চিত্রা সুখী হ’লো না, কিন্তু ট্রাম তো আর দাঁড়াবে না ।

লেডিজ সীট সব ক’টি ভরতি । চারটি মেয়ে দাঁড়িয়ে রইলো
এলুমিনিঅমের হাতল ধ’রে—তাদের-যে খুবই খারাপ লাগছিলো
তা হয়তো নয়, কিন্তু পুরুষদের এখনো এটা খারাপ লাগে, তাই
পিছন দিকের লম্বা সীট থেকে একজন, তারপর দু-জন, তারপর
অনিচ্ছায় মুখ কালো ক’রে আরো দু-জন উঠে দাঁড়িয়ে ছাত্রীদের
জায়গা ক’রে দিলো । এ ওর পিঠ ধ’রে কাঁকানি সামলে ব’সে
পড়লো তারা, তারপর উদাসভাবে জানলা দিয়ে বাইরে তাকিয়ে
রইলো যেন এ-ব্যাপারটা তাদের কিছু না ।

লজ্জাই করে, সত্যি । একটি মেয়ের বসবার জায়গা দু-জন
পুরুষ সর্বদাই উঠে দাঁড়ায় । মেয়েটি হয়তো লেকে যাচ্ছে
হাওয়া খেতে, আর পুরুষরা ফিরছে সারাদিন খেটে-থুটে ক্লান্ত
হ’য়ে । কিন্তু উপায়ই বা কী—স্বাতী কপাল থেকে চুল সরালো—

সত্যি-তো আমরা দুর্বল, আর তাছাড়া—যতই-না দাপাদাপি করি—
তাছাড়া আমাদের অসুবিধেও ! সমান-সমান ব'লে চাঁচালে কী
হবে—আমাদের শরীরই মেরে রেখেছে আমাদের, ঘেঁষাঘেঁষি
ভিড়ের মধ্যে—বিশ্রী ! অথচ আমাদের জন্ম অশ্রেরা দাঁড়িয়ে
থাকে, সেটাও—

‘ঐ যে—সত্যেন রায়—’ অনুপমা কানে-কানে বললো ।

‘কে ?’

‘সত্যেন রায়, প্রোফেসর—মনে আছে ইভার সঙ্গে ঝগড়া ?’

ফিরে তাকাতেই চোখে পড়লো সত্যেন রায়কে । দাঁড়িয়ে
আছেন এক হাতে চামড়ার স্ট্র্যাপ ধ'রে, আর-এক হাতে মোটা-মোটা
ছু'খানা বই বেশ কসরৎ ক'রেই সামলাচ্ছেন । নিশ্চয়ই এখানে
ব'সে ছিলেন তিনি ? আমাদের জন্মই...অন্তত বই দুটো যদি
নামিয়ে রাখতে পারতেন—আমার কিছুই অসুবিধে নেই, কিন্তু বলি
কী ক'রে ? তাকিয়ে আছেন সোজা সামনের দিকে ; স্বাভী
দেখতে পেলো ঘাড় বেয়ে চুল নেমেছে—এবার ছাঁটা দরকার—
পাঞ্জাবির একটা পকেট হেঁড়া—জানেন তো ? না, পরসা-টয়সা প'ড়ে
যায় ?—আর দেখলো পায়ের চাপে গোড়ালির উপরের সরু হাড়টা
ফুলে-ফুলে উঠছে । কথা বলার আশাই নেই ।

ট্রামের মিনিট দশেক সময় স্বাভীর ভারি অস্বস্তিতে কাটলো ।
সেই বইটার কথা বলতে পারতো না এখন ! মেয়ে হবার অসুবিধে
কত ! ছেলে হ'লে উঠে দাঁড়াতে পারতো, কথা বলতে পারতো
কাছে গিয়ে । আবার কবে দেখা হবে !

স্বাভী নামে সকলের আগে । বন্ধুদের কাছে চোখে-চোখে

বিদায় নিয়ে উঠেই সে দেখলো সত্যেনবাবুও নামছেন সেই স্টেপে। কিন্তু তাতে কী—সে রাস্তায় পৌঁছতে-পৌঁছতে ভদ্রলোক হনহন ক’রে রাস্তা পার হ’তে লেগেছেন, আর সে ট্রাম-লাইন পার হবার আগেই ঢুকে পড়েছেন তাদেরই পাশের গলিতে। যেন জানতে পেরে ইচ্ছে ক’রে এড়িয়ে গেলেন। কিন্তু এখানে কোথায়? চেনাশোনা কেউ আছে বুঝি? আসেন নাকি মাঝে-মাঝে? গলির মধ্যে শাদা পাঞ্জাবির মিলিয়ে-যাওয়া দেখতে-দেখতে স্বাতীর মনে কেমন-একটা আশাও হ’লো।

এর ঠিক দু’দিন পরে আবার দেখতে পেলো সত্যেন রায়কে, তাদেরই ট্রাম-স্টেপে অপেক্ষা করছেন কাঁধে চাদর ঝুলিয়ে, একখানা কাগজ-মলাটের বই এক হাতে উন্টিয়ে চোখের সামনে ধুলে। স্বাতী তাকালো, এক পা এগিয়ে এলো, আবার পেছলো; চোখ নড়লো না বই থেকে। ছশ ক’রে ট্রাম এসে দাঁড়ালো, সত্যেনবাবু উঠতে গিয়ে মহিলা দেখে হাতল ছেড়ে দিলেন, স্বাতীও হাত বাড়িয়ে স’রে এলো প্রোফেসরকে সম্মান জানিয়ে—ইতিমধ্যে ট্রাম দিলো ছেড়ে। সত্যেনবাবু চৈচিয়ে উঠলেন, ‘এই রোক্কো!’ কিন্তু কেজো ট্রাম কথা শুনলো না।

‘মজা হ’লো’, বেরিয়ে গেলো স্বাতীর মুখ দিয়ে।

সত্যেনবাবু এক পলক তাকালেন। মুখের ভাবে স্পষ্ট বুঝিয়ে দিলেন যে তাঁর দোষেই ট্রামটা ধরা গেলো না, কিন্তু ভদ্রমহিলার মুখে এই মন্তব্যটাও তিনি আশা করেননি।

‘আমাকে...আমাকে চিনতে পারছেন না?’

‘আপনি—’ প্রোফেসরের চোখ পড়লো স্বাতীর হাতের বইয়ের

উপর—ধমকে গিয়ে, ‘আপনি’ ‘তুমি’ দুটোই এড়িয়ে, অস্পষ্টভাবে বললেন, ‘কলেজে বুঝি ?’

‘আপনি আমাকে—’ স্বাতী কথাটা পাড়তে আর দেরি করলো না, ‘আমাকে একখানা বই দিয়েছিলেন অনেকদিন আগে—’

‘নাকি ?’

মনেই নেই ? স্বাতী একটু ব্যথিত হ’লো। বইটা ভুলেছেন, আর সেই সঙ্গে যাকে দিয়েছিলেন তাকেও ? কীণস্বরে বললো, ‘কলেজের লাইব্রেরিতে একদিন—’

‘লাইব্রেরির বই ?’ একটু উদ্বিগ্ন প্রশ্ন সত্যেনবাবুর।

‘না, আপনারই। গোল্ডেন ট্রেজরি—’

‘ও, হ্যাঁ, হ্যাঁ’, সত্যেনবাবুর মুখে হাসি ছড়িয়ে পড়লো। ‘পড়েছো ?’

‘চেষ্টা ক’রেও ফেরৎ দিতে পারিনি এতদিন—’

‘কেন, ভালো লাগলো না ?’

স্বাতী বুঝতে না-পেরে চোখ তুললো, মুখের দিকে।

সত্যেনবাবু আবার বললেন, ‘এর মধ্যে হ’য়ে গেলো পড়া ?’

‘সাত মাস আট মাস হ’লো—’

‘মাত্র সাত-আট মাসেই প’ড়ে ফেললে !’

একটু লজ্জিত, একটু বিব্রত মুখ তুলে স্বাতী তাকালো এবারেও।

‘কবিতার বই আমি ধার নিই না কখনো—’ স্বাতীর চোখের প্রশ্নের উত্তর দিলেন সত্যেনবাবু—‘দিইও না। ও তুমিই রাখো।’

‘না, না, আমি কেন—আপনি—কী আশ্চর্য—’

‘আশ্চর্য কিছু না’, সত্যেনবাবু একটু হাসলেন। ‘অন্য বই

প'ড়ে শেষ করলেই শেষ হ'লো—কবিতা তো আর শেষ হয় না কখনো, নিজের না-থাকলে চলে !'

স্বাতী অবাক হ'লো কথা শুনে। বাধো-বাধো ভাবটা চেঁচা ক'রে কাটিয়ে উঠে বললো, 'তাই ব'লে যে-কোনো লোককে যে-কোনো বই দিয়ে দেবেন ?'

'না !—কিন্তু সত্যি যারা ভালোবাসে তাদের তো দিতেই হবে।'

'তাহ'লে আপনার নিজের বই আর থাকবে না।'

'সে-ভয় নেই। সে-রকম মানুষ খুব কমই।'

আমি কি সেই খুব-কমদের একজন ? স্বাতীর প্রশ্ন মনে উঠলো। কী ক'রে বুঝলেন ? আমাকে তো চেনেনও না। কথাটা বলা যায় কিনা, কী-রকম ক'রে বললে ঠিক হয়, তা ভাবতে-ভাবতে আবার ট্রাম এলো। অল্প দিনের মতো সামনের দিকে এগিয়ে যেতে লজ্জা করলো স্বাতীর, ব'সে পড়লো মেয়েদের সীটেই। সত্যেনবাবু-যে পিছনের দিকে ব'সে আছেন এটা মুহূর্তের জ্ঞানও ভুলতে না-পেরে এই ট্রামে যাওয়াটুকু অল্পদিনের মতো উপভোগ করতে পারলো না।

ঠিক কলেজের সামনেই ট্রাম দাঁড়ায়। নামবার সময় সত্যেনবাবু স'রে দাঁড়ালেন স্বাতীর জ্ঞান, তারপর একসঙ্গে হাঁটতে-হাঁটতেই চুকলেন কলেজে। নানা দিক থেকে মেয়েরা আসছে তখন, কেউ একা, অনেকে ছোটো-ছোটো দলে, গেট পার হ'য়েই স্বাতী যেন ভিড়ের মধ্যে হারিয়ে গেলো।—তাই তো ! কোনো কথাই তো হ'লো না !... কী-কথা ? ভেবে কোনো কথা পায় না ; কত বেশ কথা আছে মনে হয়।

আবার দেখা হ'লো একদিন।

বৃষ্টির পরে ঝিলমিলিয়ে রোদ উঠেছে সন্দের একটু আগে ; পশ্চিমের মাঠে বেড়িয়ে ফিরছিলো স্বাতী। এখন অবশ্য ঠিক মাঠ বলা যায় না আর ; বাড়ি উঠছে, রাস্তা হচ্ছে, মোষের গাড়ি পিষে দিয়েছে ঘাস, চওড়া-চওড়া টাক পড়েছে সবুজে। তবু এখনো মাঠ ছেড়ে গলিতে ঢুকলেই মন-খারাপ লাগে—কিন্তু আর ক-দিন পরে সবই তো গলি হ'য়ে যাবে।

মাঠের গা ঘেঁষে পুরোনো একটি দোতলা, পশ্চিম-মুখো, সূর্যাস্তের মুখোমুখি, তারই একতলার সরু বারান্দায় রেলিঙে হাত রেখে দাঁড়িয়ে-দাঁড়িয়ে সত্যেন রায় দেখলেন, বেগনি রঙের শাড়ি পরা একটি কালো চুলের মেয়ে যেন হলদে আলোর নদীতে নেয়ে উঠে এলো। কাছে আসতেই চিনতে পারলেন, পাশ দিয়ে যেতে-যেতে হঠাৎ চোখ তুলে থমকে দাঁড়ালো স্বাতী। আরে ! উনি ?—‘আপনি !’

কথাটা এমন বেগে তার গলা দিয়ে বেরলো যে নিজের কানেই বোধশ্রী শোনালো, চোখ নামিয়ে নিলো একটু লাল হ'য়ে।

‘কেমন ? ভালো ?’ প্রোফেসরের কুশল-প্রশ্ন।

‘আপনি এখানে ?’ এবার খুব মৃদু স্বর স্বাতীর।

‘এখানেই থাকি।’

তা-ও তো বটে। নয়তো ট্রামে উঠবেন কেন ঐ স্টপ থেকে ? কী বোকা আমি—আগেই ভাবা উচিত ছিলো, তাহ'লেই তো এমন অশ্রাব্যরকম অবাক হতাম না। নিজেকে সামলে নেবার চেষ্টা করে বললো, ‘এ-বাড়িতে অন্য কারা থাকতো যেন ?’

‘তারা আছেন।’

‘আত্মীয় আপনার ?’

‘না, না, আত্মীয় হবে কেন’, সত্যেনবাবু হাসলেন। ‘তারা দোতলায় আছেন, আমি একতলাটা ভাড়া নিয়েছি।—বেশ জায়গা।’

‘আপনার ভালো লাগে ?’

‘এখান থেকে তাকালে কলকাতাই মনে হয় না।’ সত্যেন রায় একবার তাকালেন দূরের আকাশে রঙিন মেঘের দিকে, আর-একবার কাছের কালো চুলে হলদে-ফিতে আলোর দিকে। যেন বুঝতে পারলেন না কোনটা দেখবেন।

স্বাতী বললো, ‘আগে আরো সুন্দর ছিলো। কত গাছ কেটে ফেলেছে !’

‘এখনই-বা কম সুন্দর কী’, সত্যেনবাবু বললেন, কালো চুলের আলোর দিকে তাকিয়ে।

স্বাতী একটু চুপ ক’রে রইলো, তারপর হঠাৎ তার মনে পড়লো যতীন দাস রোডে তাদের পাশের বাড়িতে নতুন কারা এলো একবার, মা রাত্তিরের খাবার পাঠালেন বাড়ি থেকে, কুঁজো ভরতি-ভরতি জল, বাচ্চাদের দুধ, সিঁড়ি ভেঙে-ভেঙে চার-পাঁচবার আনাগোনা বাবার। ‘আপনার কোনো’, তাড়াতাড়ি সে খবর নিলো, ‘কোনো অসুবিধে হচ্ছে না তো ? যদি কিছু দরকার হয়—’

‘দরকার হ’লে বলবো,’ সত্যেনবাবু বারান্দা থেকে সিঁড়িতে নামলেন। ‘খুব কাছেই থাকো ?’

‘ঐ মোড়ের শাদা একতলাটা’, স্বাতী আঙুল দিয়ে দেখালো। ‘যদি কখনো—’ কথা শেষ করলো না।

‘তোমাকে আসতে বলতে পারলাম না, আমার বাড়িতে তো আর-কেউ নেই—’

‘কবে আসবেন সব ?’

‘আর-কেউ নেই। একাই থাকি।

‘একেবারে একা ?’

ঠোঁটের কোণে একটু হাসি ফুটলো সত্যেন রায়ের। একেবারে একা ! এই একাই স্বর্গ ! কী বিশ্রী ছিলো ভবানীপুরের সেই মেসের ভিড়, যেন ট্রাম থেকে নেমে আর-একটা ট্রামে ঢুকলাম ।... কপালগুণে হঠাৎ জুটে গেছে এটা, পাড়াটা জাতে নিচু আর বাড়িটা পুরোনো ব’লে মাত্র আঠারো টাকা ভাড়া। আবার তাকিয়ে দেখলেন দূরের দিকে ; গোলাপি মেঘ বাদামি হ’লো, আর নিচু-করা মাথাটির উপর ফুলে-ফুলে-ওঠা চুল ছাইরঙা ছায়ায় আরো যেন কালো দেখালো। হঠাৎ জিগেস করলেন, ‘নাম কী তোমার ?’

‘স্বাতী মিত্র।’

‘স্বাতী মিত্র ? স্বাতী ?’

‘স্বাতী।’

‘সুন্দর নাম।’

সুন্দর !

এর পরে মিনিটখানেক সত্যেনবাবু যখন আর-কিছু বললেন না, স্বাতী একটু চোখ তুলে অস্ফুট একটা ‘আচ্ছা—’ ব’লে বিদায় নিলো নিচু মাথায় অধ্যাপককে অভিবাদন জানিয়ে।

বাড়ি এসে বললো, ‘বাবা, আমাদের এক প্রোফেসর এসেছেন এখানে।’

‘কোথায় ?’

‘ঐ-যে মাঠের ধারে বাড়িটা—’

‘ও, রেবতীবাবুর বাড়িতে ?’

‘পাড়ার সকলকে তুমি চেনো কেমন ক’রে, বাবা ?’

রাজেনবাবু হেসে বললেন, ‘দেখাশোনা হ’লেই চেনাশোনা হয় ।—

তা ভালো হ’লো রেবতীবাবুর, প্রোফেসর ভাড়াটে পেলেন ।’

‘ভালো কেন ?’

‘ভালো না ? প্রোফেসররা খুব শাস্ত ভালোমানুষ হয় তো ।’

‘নাকি ?’

‘বিদ্বান কি আর মিছিমিছি হয় রে ।’

‘তা তুমি যা-ই বলো, তোমার মতো ভালোমানুষ হ’তে বিদ্বানদের চেষ্টা দেয় এখনো ।’

‘হয়েছে, হয়েছে—নিজের বাপকে সবাই ভালো বলে !’

‘ঈশ !’ স্বাতী মাথা ঝাঁকালো । ‘বললেই হ’লো !’

রাজেনবাবু আগের কথায় ফিরে গেলেন—‘তা তোর সঙ্গে দেখা হ’লো প্রোফেসরের ?’

‘হ্যাঁ, বাবা । একা ঠিকেন ভদ্রলোক—’

‘একা কেন ?’

‘আমি কী জানি !...আর একা কি কেউ থাকে না-?’

‘ঐ-তো ছাখ ! প্রোফেসর না-হ’লে কি বাড়ি ভাড়া পেতেন ।’

‘পেতেন না ?’ স্বাতী অবাক ।

‘জানিস না বুঝি—কলকাতায় একা কোনো পুরুষমানুষকে সহজে কেউ বাড়িভাড়া দিতে চায় না । স্ত্রী থাকা চাই—কি অন্তত মা বোন-টোন কিছু ।’

‘কেন ?’

রাজেনবাবু একটু ভেবে জবাব দিলেন : ‘কোনো মেয়ে না-থাকলে
বাড়ি তো আর বাড়ি হয় না।’

কথাটা হঠাৎ ধ্বক ক’রে উঠলো স্বাতীর বুকের মধ্যে। একটু
অশ্রুমনস্ক হ’য়ে গেলো।

রাজেনবাবু বললেন, ‘মাবে-মাবে খোঁজ-খবর নিস তোর প্রোফেসরের।’

‘খোঁজ-খবর আমি আর কী নেবো—তুমি যদি একদিন—’

‘বেশ, নিয়ে চলিস আমাকে।’

‘পাড়ার সকলের সঙ্গে তোমার তো আলাপ থাকাই চাই—
না, বাবা?’ স্বাতী হাসলো।

এর পরের রবিবারের সকালে বাজার নিয়ে এসে রাজেনবাবু
যথারীতি গায়ের জামা খুলে একটি পান খেলেন ব’সে, আর
তার পরেই উঠে জামা পরলেন আবার।

‘আবার বেরুচ্ছে!’ স্বাতীর কথাটা অর্ধেক প্রশ্ন, অর্ধেক প্রতিবাদ।

‘যাই একটু অশুকুলের বাড়িটা—’

‘রাখো-তো তোমার!’ স্বাতী গলা চড়ালো। ‘রোজ-রোজ
দেখতে হবে না ‘অত! ঠিকই আছে—উড়েও যায়নি, চুরিও হয়নি।’

‘আহা—বুঝিস না। দূরে থাকে, যদি কিছু গোলমাল হয়—’

‘হোক’ গোলমাল, তোমার কী?’ স্বাতী মাথা ঝাঁকালো।

রাগ হয়, সত্যি। এক দূর সম্পর্কের কাকা তার, দিল্লি-শিমলের
চাকুরে, ঐ মাঠের একটা প্লটে বাড়ি তুলছেন, আর বাবা সময়
পেলেই তার দেখাশোনা করছেন রোদ্দুরে দাঁড়িয়ে। যতীন দাস
রোডের বাড়িতে কাকাটি এসেছিলেন একবার—কী খাওয়ার ঘট
সে-ক’দিন, বাবা পারেনও!—অথচ একদিন তাঁর একখানা ধুতি

খুঁজে পাওয়া যাচ্ছিলো না, চাকর ভুল ক'রে বাবার কাপড়ের সঙ্গে রেখেছিলো, তাই নিয়ে এমন হলুদুল বাধালেন যে মা-র হার্টফেল হবার জোগাড়।

‘একুনি আসছি—’ রাজেনবাবু কাচুমাচু মুখে অনুমতি চাইলেন মেয়ের কাছে।

‘না, যেতে হবে না কোথাও।’

‘তুইও চল না—’

‘ব’য়ে গেছে আমার!’

‘ফেরবার পথে তোর প্রোফেসরের বাড়িও একবার যাবো, না-হয়।’

স্বাতী একটু ভেবে বললো, ‘সত্যি যাবে নাকি?’

‘বাঃ, কেমন আছে-টাছে একবাব দেখতে হয় না?’

স্বাতী হঠাৎ বললো, ‘না বাবা, আমি যাবো না।’

‘কেন?’

‘না’, স্বাতী চোখ ফুঁচকে মাথা নাড়লো।

‘চল না—একটু বেড়ানোও তো হবে, কেমন সুন্দর সকালবেলাটা।’

স্বাতী চ’লে গেলো ঘর থেকে, দু-মিনিটের মধ্যে তৈরি হ’য়ে এসে বললো, ‘তোমার ধুতিটা বদলে নাও, বাবা।’

‘এই রে!’

‘তুমি যে কী!’ স্বাতী পাট-করা জামা-কাপড় বের ক’রে দিলো, মুখের দিকে তাকিয়ে বললো, ‘দাড়িটাও কামিয়ে নিলে পারতে।’

‘ধাম তো!’ দু-দিন-পর্যন্ত জামার মোলায়েম অন্তরঙ্গতা

থেকে টাটকা জামার কড়কড়ে ভব্যতায় বদলি হ'য়ে নিয়ে
রাজেনবাবু মেয়ের সঙ্গে রাস্তায় নামলেন।

ভোরের দিকে বৃষ্টি হয়েছিলো সেদিন ; রাস্তায় ঘাসের আর
বাসিবকুলের একটা আবছা ঠাণ্ডা মিঠে-মিঠে গন্ধ। প্রোফেসরের
বাড়ি পার হ'য়ে মাঠে নামলো তারা ; স্বাতী একবার মাত্র তাকালো
একতলার ঘরটার দিকে, তারপর হাঁটতে-হাঁটতে বোঝাতে লাগলো
যে সকলের সব দায় ঘাড়ে ক'রে নেবার এই বদভ্যাস বাবাকে
ছাড়তেই হবে, আর কান দিয়ে মেয়ের কথা শুনতে-শুনতে মনে-
মনে রাজেনবাবু ভাবতে লাগলেন যে অশুকুলের কনট্রাক্টর নিশ্চয়ই
তাকে ঠকাচ্ছে, দেখা হ'লে কথা বলতে হবে। কিন্তু কনট্রাক্টর
আসেই না মোটে, তার একজন ছোকরামতো কর্মচারী খুতির
সঙ্গে শোলা টুপি প'রে সাইকেলে চ'লে যাচ্ছিলো, রাজেনবাবু
তাকে থামিয়ে কয়েকটা কথা বললেন, আর স্বাতী দাঁড়িয়ে রইলো
একটু দূরে, অর্ধেক তৈরি বাড়িটার দিকে তাকিয়ে। একটা বাড়ি
যতদিন তৈরি হ'তে থাকে, কী কুচ্ছিত্রই দেখায় ! ভাবাই যায় না
যে এর মধ্যে একদিন মানুষ থাকবে, হাসবে, হাঁটবে, চা
খেতে-খেতে গল্প করবে, গল্প করতে-করতে-করতে ঝগড়া বাধাবে।
এখন তাকিয়ে শুধু মনে হয়, দূরে-দূরে ছড়ানো এই আট-দশটা
হাঁটের টিপি মাঠের গায়ে বড়ো-বড়ো ফোড়ার মতো লাল হ'য়ে
উঠলো। স্বাতীর চোখ গেলো দূরে, মাঠের ওপারে সেই পুরোনো

বাড়িটিতে ; চুন শুরকি ধুলোর মধ্যে রোদ্দুরে দাঁড়িয়ে-দাঁড়িয়ে সমস্ত পাড়াটাকেই কেমন শান্ত, ছায়াচ্ছন্ন মনে হ'লো। ফেরবার সময় অর্ধেক মনে হ'লো পথ।

রেবতীবাবুর একতলার বন্ধ দরজার দিকে তাকিয়ে রাজেনুবাবু বললেন, 'প্রোফেসর আছে তো বাড়িতে?' আবার কী-রকম একটা অনিচ্ছায় স্বাতীর শরীর যেন ভারি হ'য়ে এলো। বাবার জামায় টান দিয়ে ফিশফিশ ক'রে বললো :

'থাক, চলো।'

'আয়', রাজেনুবাবু নিশ্চিন্ত। বারান্দায় উঠে টোকা দিলেন দরজায়।

দরজা খুলে দিলো চাকর।

'বাবু আছেন?'

'বসুন।' হলুদের হাত কাপড়ে মুছে স'রে দাঁড়ালো লোকটি।

ঘরের মাঝখানে বেতের টেবিল ঘিরে খানচারেক চেয়ার।

'বোস', মেয়েকে এ-কথা ব'লে রাজেনুবাবু বেশ ঘরোয়াভাবে ব'সে পড়লেন।

'বসুন, বাবুকে বলি'; ব'লে লোকটি দু-কাঁধের একটা বিনীত ভঙ্গি ক'রে নীল পরদার ওপারে চ'লে গেলো।

আসামাত্রই যে দেখা হ'লো না তাতে স্বাতী যেন একটু স্বস্তি পেলো। তাকিয়ে দেখলো, একদিকের দেয়াল ঘেঁষে দুটি শেলফ, একটি বড়ো, আর-একটি ছোটো, কিন্তু দুটোই রোগামতো ঝাড়া চেহারার, বড়োটায় ইংরেজি বই, আর ছোটোটায় বাংলা—বইগুলি দাঁড়িয়ে, শুয়ে, কাৎ হ'য়ে, মাথা উলটিয়ে নানা অবস্থায়

আছে, হয়তো গোছাবার সময় হয়নি এখনো, না কি বই যারা পড়ে তাদের বই এ-রকমই থাকে ? দুটি জানলার মাঝখানে ছোটো একটি লেখার টেবিল, নীল প্যাডের ফাঁকে কুচকুচে কালো কলম গৌজা—চিঠি ! কাকে চিঠি ? ও মা, চিঠি লেখার লোকের নাকি অভাব ? এখানে একা থাকেন, বাড়ির লোকদের তো লিখতেই হয় । কিন্তু প্যাডটার বেগনিমতো নীল রংটা বড্ড যেন...হঠাৎ কেমন-একটা রাগ চিড়বিড় ক'রে উঠলো মাথায়, মনে হ'লো অনেকক্ষণ ব'সে আছে এসে, কেন ব'সে আছে, কী দরকার ব'সে থাকবার, আর আসবারই-বা দরকার ছিলো কী ?

‘বাবা—’ কিন্তু আর বলা হ'লো না, সত্যেনবাবু ঘরে এলেন । স্বাতী চকিতে দেখলো, এইমাত্র স্নান করেছেন ভদ্রলোক, মাথার চুল পরিষ্কার আঁচড়ানো, গায়ে পাংলা ঢিলে একটা পাঞ্জাবি, আর তিনি কাছে আসতে সূক্ষ্ম একটু স্বেদও স্বাতীকে মুহূর্তের জন্য উন্মন করলো । বাইরে থেকে যা মনে হয় ঠিক তা নয়—বাবুগিরি আছে !

ঘরে পা দিয়েই সত্যেনবাবু একটু-যেন থমকে গেলেন অবাক হ'য়ে, আর তার পরেই তাড়াগাড়ি এগিয়ে এসে বললেন, ‘কী, আশ্চর্য ! তুমি !...আপনি ! আমি স্নান করছিলাম, তাই...’ এতক্ষণ ব'সে-ব'সে...কী আশ্চর্য !’

স্বাতী উঠে দাঁড়িয়ে বললো, ‘আমার বাবা ।’

‘বুঝেছি ।’ রাজেনবাবুর দিকে তাকাতেই সত্যেন বাবুর ঠোঁটে হাসি ফুটলো ।

রাজেনবাবুও হেসে বললেন, ‘আমার মেয়ে খ'রে নিয়ে এলো আমাকে ।’

‘নিশ্চয়ই, নিশ্চয়ই—মানে, আমারই যাওয়া উচিত ছিলো—
আপনি কষ্ট ক’রে—তুমি বোসো, দাঁড়িয়েই থাকবে নাকি ? কষ্ট
ক’রে এই রোদ্দুরে—আর পাখাটাও খুলে দেয়নি, কী কাণ্ড !’

সত্যেনবাবু ছুটে গেলেন দেয়ালের কোণে, চালিয়ে দিলেন
টেবল-ফ্যানের সুইচ, অতিথিরা দু-জনেই হাওয়া পাচ্ছে কিনা তা
দেখবার জন্য তাকালেন, কিন্তু হাওয়া কই ? প্লগটা খুলে আবার
লাগালেন, সুইচটা এদিক-ওদিক করলেন অনেকক্ষণ, কিন্তু পাখা
চললো না। মুখ তুলে, হাতের উল্টো পিঠটা কপালে একবার
বুলিয়ে আবছা একটু হাসলেন। ‘এই ভাড়াটে পাখাগুলো—’

‘থাক না’, রাজেনবাবু বললেন, ‘পাখার কী দরকার—জানলা দিয়েই
হাওয়া আসছে খুব। আপনি বসুন।’

‘কালই দিয়ে গেলো এটা—’ করুণ চোখে পাখাটার দিকে শেষবার
তাকিয়ে সত্যেনবাবু বসলেন এসে। রাজেনবাবু জিগেস করলেন,
‘ঘোষ কোম্পানি দিয়েছে বুঝি ?’

‘কী ক’রে জানলেন ?’ প্রোফেসর অবাক।

‘ঐ একটাই তো ইলেকট্রিকের দোকান এ-পাড়ায়। আর
সেজন্মই এ-রকম—’ কথা শেষ না-ক’রে রাজেনবাবু বললেন, ‘আপনার
কোনো অসুবিধে হচ্ছে না তো ?’

‘অসুবিধে ? না, অসুবিধে কী।’

‘ওদিকের ঘরটা বুঝি বেবতীবাবু রেখেছেন ?’

‘হ্যাঁ, ওঁর জিনিশপত্র আছে ওটাতে, আমার তো লাগেও না,
দুটো ঘরই মনে হয় বেশি।’

‘রান্নাঘর ?’ রাজেনবাবুর পরের প্রশ্ন।

একটু ভেবে সত্যেন রায় জবাব দিলেন, ‘বোধহয় নেই। বোধহয় মানে’, নিজেই একটু হেসে তাড়াতাড়ি আবার বললেন, ‘মানে, নেই আরকি। আর রান্নাই বা কী, তার জন্ম আবার—!’

‘চাকর রাঁধতে পারে?’

‘রোঁধে তো দিচ্ছে, কিন্তু রাঁধতে পারে কিনা, আমি ঠিক বলতে পারবো না।’

রাজেনবাবু হো-হো ক’রে হেসে উঠলেন এ-কথায়। ছাত্রীরা দিকে মুখ ফিরিয়ে সত্যেনবাবু বললেন, ‘তুমি যে একেবারে চুপ?’

বইয়ের শেলফ থেকে চোখ সরিয়ে আনলো স্বাতী।

‘বই দেখবে? ছাখো না’, সত্যেনবাবু চেয়ার ছেড়ে উঠে শেলফের কাছে গেলেন। ‘এসো এখানে।’

স্বাতী আস্তে উঠে প্রোফেসরের পাশে দাঁড়ালো। বই কী সুন্দর! কত রকম রং, কত রকম বাঁধানো—আর নাম, কত নাম, আর দুটি মাত্র মলাটের মধ্যে কতকাণ্ড। দু-আঙুলে আলগোছে দু-একটি বই একটু ছুলো সে।

‘নেবে? নেবে বই?...বলো, কোনটা তোমার ইচ্ছে?’

ফিকে-ধূসর শোওয়ানো একটি বইয়ের উপর স্বাতী আস্তে আঙুল রাখলো, আর-কোনো কারণে নয়, শুধু মলাটের রংটা আশ্চর্য সুন্দর ব’লে।

‘চেখভ!’ খুশি গলায় ব’লে উঠলেন সত্যেন রায়।

চে—?

না-বলা প্রশ্নটা বুঝে নিয়ে প্রোফেসর আবার উচ্চারণ করলেন, ‘চেখভ।’ ‘খ’-টা খুব কড়া শোনালো আর ‘ভ’-টা খুব নরম।

‘আন্তন চেখভ । রুশ । কিন্তু অনুবাদ এত ভালো—আর গল্পগুলি—’
 হঠাৎ থেমে জিগেস করলেন, ‘ইংরেজিতে গল্পের বই কী পড়েছো ?’
 স্বাতী মাথা নাড়লো ।

‘কিছু না ?’

আবার মাথা নাড়লো স্বাতী । সত্যেন রায় তাকিয়ে দেখলেন
 তার মেঘ-রঙের চোখ দুটিতে লজ্জার সঙ্গে কৌতূহলের প্রতিযোগিতা,
 নম্রতার সঙ্গে উৎসাহের লুকোচুরি ।—‘কিছু পড়োনি ! কত
 ভালো বই, আর পৃথিবীর প্রায় সব ভালো বইয়ের চমৎকার
 অনুবাদ !—ইংরেজ রাজত্বের নানা অসুবিধের মধ্যে এই একটা
 সুবিধেই তো আমরা পেয়েছি ।’ বলতে-বলতে ফিকে-ধূসর বইটি,
 আর বেছে-বেছে আরো তিনখানা, নামিয়ে দিলেন তার হাতে ।

বইয়ের, লজ্জার, কৃতজ্ঞতার ভারে স্বাতী যেন মুয়ে পড়লো ।
 অস্ফুটে বললো, ‘একসঙ্গে এতগুলো—’

‘এতগুলো আর কী—বদলে-বদলে তো পড়তে ইচ্ছে করে ।
 প্রথমে ছোটোগল্প দিয়ে অভ্যেস করো, পরে বড়ো উপন্যাস পড়তে
 পারবে ।’

শেষের কথাটা একেবারেই মান্দিরি । স্বাতী চেষ্টা করলো
 কিছু বলতে, যে-কোনো একটা কথা বলতে চেষ্টা করলো ; একটা
 কথাও বলতে পারলো না ।

বাইরে এসে রাজেনবাবু বললেন, ‘তোমর খুব লাভ হ’য়ে
 গেলো রে এসে ।’

যে-পাতায় বইয়ের নাম-টাম লেখা থাকে, এক-এক ক’রে
 সেই পাতাগুলি দেখে নিচ্ছিলো স্বাতী । চোখ তুলে বললো, ‘সত্যি !’

‘চমৎকার মানুষ!’

‘এর মধ্যেই বুঝে ফেললে!’

‘কী-রকম চেহারা রে! এমন যেন আর দেখিনি।’

‘তোমার সবটাতেই বাড়াবাড়ি!’ স্বাতীর হাসির শব্দটা যেন
কুঁজোর জল ঢালার মতো।

‘—আর কী-রকম ছেলেমানুষি করলেন পাখাটা নিয়ে!’

‘সত্যি!’ ঘটনাটা মনে ক’রে স্বাতী আবার হেসে উঠলো।

‘পড়াশুনোর মানুষ—এদের দেখবার কেউ না-থাকলে চলে!

চুরি ক’রে সর্বনাশ করে চাকর!’

‘তোমার বুঝি ইচ্ছে করছে রোজ এঁর বাজারটা ক’বে দিতে?’

রাজেনবাবু মুখ টিপে হাসলেন।

একটু পরে স্বাতী ব’লে উঠলো, ‘আচ্ছা বাবা, তুমি কী-রকম?’

‘কী-রকম বল তো?’

‘বেশ ব’লে দিলে আমি তোমাকে ধ’বে এনেছি! এমন
রাগ হচ্ছিলো আমার তখন!’

‘বাঃ, তোরই প্রোফেসর—’

‘আমার তো প্রোফেসর, কিন্তু গরজটা যেন তোমারই!’

‘আহা—আমারও তো ইচ্ছে করে একটা ভালো লোকের
সঙ্গে আলাপ করতে!’ বললেন রাজেনবাবু বাড়ির সিঁড়িতে পা দিয়ে।

‘তুমি নিজে কিনা ভালো, তাই সকলকেই ভালো ছাখো!
লাফিয়ে সিঁড়ি টপকে বাবাব আগে বাড়িতে ঢুকে পড়লো স্বাতী।

নিজের ঘরে গিয়ে বই ক-খানা রাখলো তার পড়ার টেবিলে, চেয়ারে ব'সে একখানা তুলে নিলো হাতে। কিন্তু খুলতে গিয়েই ধেমে গেলো, চোখে ঝিলিক দিলো নীল খাম...নীল প্যাডের ফাঁকে কালো কলমটি গাঁজা...বই খুললেই বিষাক্ত একটা পোকা লাফিয়ে উঠবে, কামড়ে দেবে। কী-সব ভাবছে সে বোকাম মতো—কোথায় শুভ্র, আর কোথায় সত্যেনবাবু, শুভ্র তো একটা বাজে—কেন, বাজে কেন? শুভ্র যদি বাজে হয় ছোড়দিও তো বাজে!... আর, কী-ই বা আছে এতে—ক্লাশের মেয়েদের যা-সব গল্প করতে শোনে—না, না, বিল্লী, বিল্লী সব, সব বাজে, পৃথিবীসুদ্ধ লোক বাজে—কিন্তু সেটা কি সত্যেনবাবুর দোষ?...স্বাতী খানিকক্ষণ ব'সে রইলো শক্ত হ'য়ে, তারপর আস্তে, আস্তে, খুব মন দিয়ে চারখানা বইয়ের প্রত্যেকটির পাতা ওল্টালো। পাতাগুলি খশখশ ক'রে বললো, 'এসো, এসো।' কালো-কালো ইংরেজি অক্ষরগুলি গুনগুন করলো, 'শোনো, শোনো।' একটু আগে তার যেমনই খারাপ লাগছিলো, তেমনি একটা স্থূথের ঢেউ ছলছল ক'রে উঠলো বুকের মধ্যে—আঃ, এ-সব বই কি কখনো তার হাতে আসতো সত্যেনবাবুর সঙ্গে দেখা না-হ'লে!

সন্কেবেলা সে সেজদির চিঠি প'ড়ে শোনাচ্ছে বাবাকে, রামের মা এসে বললো একজন বাবু এসেছেন। বিরক্ত হ'য়ে স্বাতী জিগেস করলো, 'কে?'

'কে, তা ও জানবে কী ক'রে—আমি দেখে আসছি', ব'লে রাজেনবাবু উঠে পড়লেন।

'পাওনাদার-টার কেউ হবে আরকি—ব'সে থাক না খানিকক্ষণ।'

‘পাওনাদারদের কী মুশকিল বল তো—ধারে দিতেও হয়, আবার টাকা চাইতে গেলেও লোকে রাগ করে!’ যেতে-যেতে হাসলেন রাজেনবাবু।

একটু পরেই ফিরে এসে বললেন, ‘তোরা প্রোফেসর।’

শোনা মাত্র স্বাতী উঠে দাঁড়ালো।

‘চলে গেছেন।’

‘চ’লে গেলেন!’

‘কত বললাম বসতে, বসলেন না, টাশনি আছে-টাছে বোধহয়।’ স্বাতী আবার ব’সে প’ড়ে একটু নির্জীব স্বরে বললো, ‘কেন এসেছিলেন?’

কথা না-ব’লে মুখ টিপে হাসলেন রাজেনবাবু।

‘এসেছিলেন কেন?’

‘কিছু না...এই—’ একটু-একটু অপরাধীর ভাবে রাজেনবাবু বললেন, ‘আমাদের সেই টেবল-ফ্যানটা ঝুঁকে পাঠিয়ে দিয়েছিলাম কিনা—’

‘পাঠিয়ে দিয়েছিলে?’

‘আমাদের তো কোনো কাজেই লাগে না ওটা—আর সারাটা দিন গরমে কষ্ট পাবেন ভদ্রলোক—ভালো করিনি?’

‘আমি তোমাকে বলেছি না, বাবা, আমাকে জিগেস না-ক’রে ককখনো কিছু করবে না!’

‘কেন, এতে দোষ কী?’

‘ভালো ক’রে তো চেনেনও না আমাদের—ইঠাং এ-রকম—উনি কী মনে করলেন, বলো তো!’

‘এতে আবার মনে করবার কী। কত তো ভালো-ভালো কথা ব’লে গেলেন। কথা শুনলে প্রাণ জুড়োয়, সত্যি!’

‘তোমার প্রাণ বড়ো সহজেই জুড়োয়’, স্বাতী গম্ভীর হ’লো।

‘পড় দেখি সরস্বতীর চিঠিখানা আর-একবার’, মেয়েকে খুশি করবার চেষ্টা করলেন রাজেনবাবু।

স্বাতী পড়লো, কিন্তু সে একরকমের দায়-সারা পড়া।—চ’লে গেলেন! একটু বসতে পারলেন না! আবার কবে—

কিন্তু আর দেখা হ’লো না শিগগির, আর তাতে যেন মনে-মনে আরাম পেলো স্বাতী। ক-দিন ধ’রে এমন হচ্ছে যে রোজই বিকেলের দিকে বৃষ্টি, বেড়াতে যাওয়া আর হয় না; ঘরে ব’সে-ব’সে সেই ইংরেজি বইগুলি পড়ে আর মাঝে-মাঝে চোখ তুলে বাইরের দিকে তাকায়। আকাশে নীল মেঘ কালো, ছাইরং ছড়ালো, বৃষ্টি ঝমঝম, ঝমঝম। আলো কম, আরো, ক’মে আসে, ম’রে যায়, আর পড়া যায় না, দেখা যায় না, বই খোলা, বই কোলে, ব’সে থাকে, ভাবে, আবছা, একলা, চুপ।

২

করণ রঙিন পথ

কী ভাবে স্বাতী ? রুষ্টিবিকলে জানলাধারে ব'সে, ফিকেনীল শাড়িতে, পিঠে চুল ছড়িয়ে, ঠোঁটেমুখে জলছিটে নিতে-নিতে কী ভাবে সতেরো বছরের স্বাতী ? কী?... কী আর ভাববে, সব ভাবনা ভেবে রেখেছে অন্তরা, যে-সব ভাবনা ভাবা যায় ব'লেও সে ভাবেনি কোনোদিন। প্রথমে বাধো-বাধো, ঝাপসা ; তারপর যখন খুলে গেলো—কিন্তু কোথায় চলেছে পথ, কী-ভীষণ ভয়ের অন্ধকারে, কোন লুকোনো, হাসিমুখের, সব-তলের পাতালে!...এ-রকম গল্পও আছে পৃথিবীতে ! ছেলেবেলা থেকে গল্প তো সে কম পড়েনি—মাসিকপত্রের রাশি-রাশি গল্প, শরৎচন্দ্রের সব, রবীন্দ্রনাথের কত—কিন্তু এ-রকম ! পড়তে পাগল-পাগল করে, আর লিখতে গিয়ে মানুষ পাগল হ'য়ে যায় না ? হয় কি আর না—ঐ-তো মোপাসাঁ ব'লে একজন—বইতেই লেখা আছে—সত্যি নাকি পাগল হ'য়ে গিয়ে নিজের গলা কেটে মরেছিলো। আর সে-রকম যারা মরেনি, তারাও তা-ই ; তবে অনেকেই সেটা লুকোতে পারে বোধহয়, কেউ-কেউ পারেই না।...লুকোবে ? আর যেটা দপদপ ক'রে জ্বলছে এই শাদা-কালো পাতাগুলিতে—বইয়ের কাগজ-যে পুড়ে যায় না, সেটাই যেন আশ্চর্য লাগে। আশ্চর্য—কী ভীষণ, নির্লজ্জ, নিষ্ঠুর—আর কী—কী সত্য কথা সব ! এরা কি সব জানে, কী ক'রে জানে মানুষের মনের সব কথা, এ-সব তো মুখ ফুটে কেউ বলে না কখনো—বলবে কী, এ-সব কথা যে তারই মনের কথা, তা-ই তো জানে না কোনো

মানুষ, জানতে পারে না...যতক্ষণ-না এ-সব বই পড়ে। আমি-যে আমি, আমারও মনের কত কথা লিখে গেছে এরা—কত কেন, সব কথাই তো, যার কথাই লিখেছে সেই মানুষই যেন আমি—পড়তে লজ্জাই করে এক-এক সময়, কিন্তু সব-মানুষই যদি আমি, তবে আর লজ্জা কার কাছে—আর লজ্জাই তো নয় শুধু, তার উন্টোটাও আছে—সেই উন্টোটাও তেমনি আশ্চর্য—আর, শুনতে যেটাই যেমন হোক না, ঠিক, ঠিকই তো, এইরকমই তো। এতই ঠিক-ঠিক এইরকম যে আমার কথাই আমি জানবো না এদের মুখে না-শুনলে;—আমি-যে কী, আমি-যে কেমন, আমি-যে কত মন্দ আর কত ভালো, তা নাকি কোন জন্মে লিখে রেখেছে কোন দূর-দূর দেশের পাগলরা! আশ্চর্য!—কত আশ্চর্য সেটাও কুলিয়ে ওঠে না সতেরো বছরের স্বাতীর মেঘলা-ঘন ভাবায়; সব ভাবনা মুছে যায় ফিকে, ভিজ়ে, আকাশজোড়া ঘোরবিকেলে।

এমনি এক বিকেলে স্বাতী নিচু হ'য়ে পড়ছিলো টলস্টয়ের নীতি-কথা, রাজেনবাবু আপিশ থেকে ফিবে ডাকলেন, 'স্বাতী।'

স্বাতী শুনতে পেলো না।

রাজেনবাবু কাছে এসে বললেন, 'এই বিকেলবেলায় আর বই কেন?'

স্বাতী চমকে তাকালো, বাবাকে দেখে হাসলো, উঠে দাঁড়ালো বইয়ের মধ্যে আঙুল দিয়ে।

'আজকাল তোকে যখনই দেখি, তখনই পড়হিস। এত পড়া কি ভালো?'

'ভালো না বুঝি?'

‘এ-সব বই—’ স্বাতীর টেবিলটার দিকে একবার তাকালেন রাজেনবাবু—‘বুঝিস তুই?’

‘কেন বুঝবো না—?’ একটু লজ্জা-লজ্জা ধরনে স্বাতী জবাব দিলো।

‘সব সময় পড়া কিন্তু ভালো না’, রাজেনবাবু আবার বললেন।

‘আর-কী করবো, বলো তো?’

‘কেন?’—রাজেনবাবুর মুখ-চোখ উজ্জ্বল হ’লো, যেন একেবারে নতুন একটা আবিষ্কার করলেন এফুনি—‘সংসারের কাজ-টাজ্জ করতে পারো মাঝে-মাঝে।’

‘ঠিক!’ ডান হাতের তর্জনী তুলে স্বাতী দাঁড়ালো একটু, তারপবে সে-ও যেন মস্ত একটা আবিষ্কার ক’রে ফেললো হঠাৎ, ‘বাবা, ভিজ়েছো!’

‘কই, তেমন—’

‘কী-যে তুমি—রোজ-রোজ তোমার ভেজ়াই চাই!—’ নেচে উঠলো পিঠের উপর চুল, এক ছুটে নিয়ে এলো শুকনো জামা-কাপড়; ‘চা আনছি এফুনি’, ব’লে দৌড় দিলো আবার।—কিন্তু চা খেতে-খেতেও হাতে রাখলো বই।

একে-একে চারখানাই শেষ হ’লো। ফেরৎ দিতে হবে, নতুন বইও চাই, কিন্তু—যেতে ইচ্ছে কবে না, আবার কাউকে দিয়ে পাঠানো ভালো দেখাবে কি? এই দ্বিধা থেকে তাকে উদ্ধার করলেন সত্যেনবাবু নিজেই। হঠাৎ একদিন বেলা তিনটের সময় তিনি টোকা দিলেন রাজেনবাবুর দরজায়।

দরজা খুলে দিয়ে স্বাতী যেন তাকাতে পারলো না মুহূর্তের

জন্ম । রুষ্টির পরে দারুণ রোদ সেদিন । টুকটুকে লাল মুখে সিঁড়িতে দাঁড়িয়ে আছেন সত্যেনবাবু—হাতে এক পাঁজা বই অবশ্য আছেই ।

‘আপনি !’—স্বাতীর মুখ দিয়ে বেরিয়ে গেলো ।

‘তোমার জন্ম বই আনলাম দু-খানা—’

‘আমুন !’

ঘরে এসে দাঁড়িয়ে-দাঁড়িয়েই স্বাতীর হাতে দু-খানা বই দিলেন সত্যেনবাবু । স্বাতী একবার তাকিয়ে আস্তে-আস্তে বললো, ‘‘‘শানাই,’’ ‘‘নবজাতক’’ । নতুন বই?’ বলতে চেয়েছিলো যে নতুন-কেনা মনে হচ্ছে, কিন্তু সত্যেনবাবু জবাব দিলেন, ‘রবীন্দ্রনাথের নতুন বই । কত ভাগ্য আমাদের এখনো রবীন্দ্রনাথের নতুন বই পাচ্ছি । কিন্তু যে-রকম শুনছি তাঁর শরীরের অবস্থা—’

‘অমুখ ?’

‘সেবারের পর আর সামলে ওঠেননি ঠিক !’

কবে-যে রবীন্দ্রনাথের কী-অমুখ করেছিলো স্বাতী তা জানতো না, তাই একটু চুপ ক’রে থেকে বললো, ‘বলুন !’

হাতের বইগুলি পাশে রেখে সত্যেনবাবু এমন একটি শান্ত ভঙ্গিতে সোফায় বসলেন যেন ওখানেই কাটাবেন বাকি জীবন । জিগেস করলেন, ‘ও-বইগুলো পড়লে ?’

আবছা হাসলো স্বাতী । আবছা মাথা নাড়লো ।

‘হয়নি এখনো ?’

স্বাতী তাড়াতাড়ি বললো, ‘আপনার কি—’

‘আমার কোনো দরকার নেই এক্ষুনি, কিন্তু তোমাকে তো আরো পড়তে হবে । এই তো সময় ।’

স্বাতী মাথা নিচু ক’রে আঁচলের প্রান্তটা জড়াতে লাগলো হাতের কজ্জিতে।

‘কেমন লাগলো তোমার?’

স্বাতী চোখ তুললো একবার, বললো না কিছুই।

‘ভালো লাগলো?’ সত্যেনবাবু আবার জিগেস করলেন।

এ-প্রশ্নের কি কোনো উত্তর আছে?

তার মুখের দিকে তাকিয়ে সত্যেনবাবু বললেন, ‘আচ্ছা, আরো দেবো তোমাকে,’ ব’লেই উঠে দাঁড়ালেন।

‘যাচ্ছেন?’

‘বাই—’

‘এস্কুনি?’

‘বাড়ি গিয়ে একটু পরেই বেরোতে হবে আবার।’

জানলার দিকে তাকিয়ে স্বাতী বললো, ‘কী রোদ!’

‘ঘরে ব’সে যতটা মনে হয় বেরিয়ে পড়লে আর ততটা লাগে না।—আচ্ছা!’

সত্যেনবাবু চ’লে যাবার পর স্বাতী বাইরের ঘরেই ব’সে রইলো।— একটু চা খেতে বললো না, একটু জল পর্যন্ত না—এই রোদ্দুরে কত ঘেন ক্লান্ত হ’য়ে এসেছিলেন। তা আর কী হবে—ও-রকম হঠাৎ চ’লে গেলে মানুষের কি আর মনে থাকে কিছু! তবু নিজের এই ক্রটিটা স্বাতীর মনে খোঁচা দিতে লাগলো অনেককণ ধ’রে। সেটা ভুলে যাবার জন্য “নবজাতক” খুলে বসলো, এখানে-ওখানে চোখ বুলিয়ে এলোমেলো পাতা ওন্টালো কয়েকবার, তারপর হঠাৎ অন্য কথা ভুলে গিয়ে পড়তে লাগলো কবিতা, একটির পর

একটি, শাস্তি নামলো মনে; যে-সব গল্প এ-ক’দিন ধ’রে সে পড়ছিলো, তার আশ্চর্য পাগলামির পরে এ যেন এক আরো আশ্চর্য শাস্তি; বড়, অন্ধকার আর অসহ্য বিদ্যুৎ থেকে বেরিয়ে সে যেন চ’লে এলো এমন এক দেশে যেখানে সব আলো, সব ভালো, সব সুন্দর। মনের আরামে চোখ বুজে এলো তার, নিজের ঘরে এসে শুয়ে পড়লো, আর সঙ্গে-সঙ্গে মধুর একটি ঘুম মায়ের মতো তাকে কোলে তুলে নিলো।

বই ফেরৎ দিতে স্বাতী নিজেই গেলো দু-দিন পরে। এক আঙুলে আন্তে টোকা দিতেই দরজা খুলে তার মুখোমুখি দাঁড়ালেন সত্যেন রায়। একটু তাকিয়ে থেকে বললেন, ‘এসো।’

ঘরে ঢুকে স্বাতী থমকে দাঁড়ালো। বেতের টেবিলে পা তুলে দিয়ে চেয়ারে এলিয়ে ব’সে আছেন একজন, দু-আঙুলে সিগারেট-ধরা একটি হাত চেয়ারের বাইরে ঝুলে পড়েছে, চোখ যেন আন্ধেক বোজা। আরে! এঁকে তো চিনি, দেখেছি তো আগে! কে?... কোথায়?...

‘এসো!’ সত্যেন রায় আবার অভ্যর্থনা জানালেন।

এগিয়ে এসে স্বাতী দেখলো, টিপয়ে দু-পেয়লা আন্ধেক-খাওয়া চা, আর মেঝেতে সিগারেটের টুকরো। এঁরা বেশ গল্প-টল্প করছিলেন, এর মধ্যে আমি—আগে জানলে কি আসতুম এ-সময়ে! অল্প ভদ্রলোকটি যেন এতক্ষণে জানলেন যে ঘরে আর-একজন এসেছে; কেমন বিমোহিত অনিচ্ছুক চোখে একটু তাকিয়েই হঠাৎ সমস্তটা চোখ খুলে ফেললেন—যেন একটা ধাক্কা খেয়ে স্বাতী কাছের চেয়ারটায় ব’সে পড়লো, আর সঙ্গে-সঙ্গে তার মনে হ’লো

যে ইনি তো সেই বিখ্যাত ঞ্ৰব দত্ত, যাঁর নাম শুনেছিলো দাদার মুখে, আর দাদার নাটক দেখতে গিয়ে যাঁকে দেখে হতাশ হয়েছিলো।

‘স্বাভী মিত্র—আমাদের কলেজের ছাত্রী : আর ইনি ঞ্ৰব দত্ত—কবি,’ ব’লে সত্যেন রায় ছাত্রীর নাকের কাছে তোলা মস্ত ছুখানা পায়ের দিকে তাকালেন।

ঞব দত্ত পা নামিয়ে নিলেন, কিন্তু ও-রকম এলিয়েই ব’সে রইলে। চেয়ারে। স্বাভীর নরম নমস্কারের উত্তরে মাথাটা অস্পষ্টভাবে একটুখানি নেড়ে হাত বাড়িয়ে পেয়ালার বাকি চা-টুকু শেষ করলেন এক চুমুকে।

‘তোমাকে একটু চা দিতে বলি?’ ঞ্ৰব দত্তর অবহেলার ভঙ্গিটা সত্যেনবাবু ঢেকে দিতে চাইলেন ছাত্রীর দিকে একটু বেশি মন দিয়ে।

‘না—আমি এঙ্কুনি—আমি শুধু এই বইগুলো—’

‘একটু বোসো। একটা কবিতা শোনো ঞ্ৰববাবুর।’ টেবিল থেকে রোগা চেহারার একটি পত্রিকা তুলে নিলেন সত্যেন রায়, কবির দিকে তাকিয়ে বললেন, ‘আপনি পড়ুন।’

‘না, না, আমি পড়তে-টড়তে পারি না,’ মোটা গলায় জবাব দিলেন কবি।

‘পড়ুন না। এই মেয়েটি—ইনিও খুব কবিতা ভালোবাসেন।’

‘নাকি?’ পুরো চোখ খুলে ঞ্ৰব দত্ত আবার তাকালেন স্বাভীর দিকে। স্বাভী তাকিয়ে দেখলো, ভদ্রলোকের মুখের চেহারায় একটুও সুখ নেই, মোলায়েম কালো রঙের তলায় একটা অশান্তি যেন ছটফট

করছে সব সময়। সেই নাটকের রাস্তিরে ভালো ক’রে দেখতে পারেনি, আজ দেখলো, দেখে আরো খারাপ হ’য়ে গেলো মন। এই একজন কবি? কী জানি!

‘কবিতাটা পড়ুন না,’ আবার অনুরোধ করলেন সত্যেন রায়, কিন্তু সিগারেট মুখে তুলতে-তুলতে হাত নেড়ে কথাটা উড়িয়ে দিলেন ঞ্চব দত্ত।

‘তাহ’লে আমিই পড়ি।’ একবার কবির দিকে, একবার ছাত্রীর দিকে তাকিয়ে, আর দেরি না-ক’রে সত্যেন রায় পরিষ্কার গলায়, স্পষ্ট উচ্চারণে সেই পত্রিকার কবিতাটি পড়লেন। পড়ার শেষে জ্বলজ্বলে মুখে বললেন, ‘খুব ভালো হয়েছে সত্যি!’

ঞব দত্ত ঠোঁট বাঁকালেন একটু, কিন্তু ওতেই বোঝা গেলো যে তিনি খুশি হয়েছেন।

‘তোমার কেমন লাগলো?’ প্রোফেসর ফিরলেন ছাত্রীর দিকে।

‘ভালো।’—পড়াটা খুব ভালো লেগেছিলো স্বাতীর, কিন্তু কবিতাটার ভালো-মন্দ কিছু বোঝেনি, সেইজন্য কথাটায় খুব বেশি উৎসাহ আনতে পারলো না। হঠাৎ ঞ্চব দত্ত সারা মুখ ভ’রে হেসে ফেললেন, কেমন-একটু মজার ধরনে নাক কুঁচকে বললেন, ‘নিজের লেখা সম্বন্ধে ঐ “ভালো” কথাটা শুনলেই আমার যেন পায়ের তলায় শুড়শুড়ি লাগে। —চলি।’ লম্বা শরীরটাকে কয়েকটা ক্ষিপ্ৰ ভঙ্গিতে সোজা ক’রে উঠে দাঁড়ালেন তিনি, বিদায়ের একেবারেই কোনো ঘটনা-ক’রে বেঁকে-বেঁকে হেঁটে বেরিয়ে গেলেন দরজা দিয়ে। ঘরে হঠাৎ যেন একটা শাস্তি নামলো; অনেকক্ষণ চলবার পর রেডিও বন্ধ হ’লে যেমন লাগে, ঠিক সেইরকম।

স্বাতীর অপ্রস্তুত লাগলো। চ’টে গেলেন ধ্রুব দত্ত ? আমি কি খুবই বোকার মতো বলেছিলাম ‘ভালো’টা ? সত্যি, আমি একটা মানুষ, আমার আবার একটা ভালো লাগা ! কিন্তু আমার কী দোষ, সত্যেনবাবুই তো —

‘প্রথম দেখলে’, সত্যেন রায় এতক্ষণে রোগা চেহারার পত্রিকাটিকে হাত থেকে নামালেন, ‘ধ্রুববাবুকে একটু কেমন-কেমন লাগে, কিন্তু—সত্যিকার কবি !’

স্বাতী আর কথা বলার উৎসাহ পেলো না।

‘হঠাৎ উঠে দুম্ ক’রে চলে গেলেন !’ যেন আপন মনেই সত্যেন রায় বললেন আবার। ‘আমার সঙ্গেও আলাপ আজই প্রথম !’

‘আজই প্রথম !’ স্বাতী অবাক হ’য়ে তাকালো। ‘যে-রকম ক’রে ব’সে ছিলেন’, মনের কথাটা আর লুকোতে পারলো না সে। ‘আমি ভেবেছিলুম আপনার কতকালের বন্ধু !’

বসবার প্রসঙ্গটা এড়িয়ে গিয়ে সত্যেন রায় বললেন, ‘তবে কি ভাবছিলে আমার বন্ধু ব’লেই প্রশংসা করছিলাম ? অবশ্য বন্ধু হ’লেও প্রশংসা আমাকে করতেই হ’তো—এমনকি শত্রু হ’লেও !’

একটু চুপ ক’রে থেকে স্বাতী বললো, ‘যাঁরা ভালো লেখেন তাঁদের সকলের সঙ্গেই বুঝি আপনার আলাপ ?’

‘সকলের সঙ্গে আর কোথায়’, সত্যেন রায় একটু-যেন লজ্জিত হলেন স্বাতীর প্রশ্নে। ‘তবে এঁর—এঁর বইয়ের একটা সমালোচনা লিখেছিলাম আমি, সেইটে প’ড়ে—’

‘নিজের প্রশংসা প’ড়ে আর টিকতে পারলেন না ?’

ছাত্রীর সরল হাসিমুখের দিকে তাকিয়ে অধ্যাপকের নিজেরও হাসি পেলো। কিন্তু গম্ভীর হ’য়ে বললেন, ‘প্রশংসা শুনতে-যে ভালো লাগে, সেটাই ঠিক ভালো লাগে না। ঠিক শিল্পীর স্বভাব !’

‘স্বামী বই লেখে তাদের চাইতে যারা বই পড়ে তারাই কিন্তু ভালো,’ স্বামী হেসে ফেললো কথাটা ব’লে।

‘লেখকের চাইতে লেখকের বই অনেক সময় ভালো হয় বটে,’ সত্যেন রায় একটু ভেবে বললেন। ‘কিন্তু খুব দত্তর চোখ-মুখ কী অসাধারণ !’

‘নাকি?’ মনে-মনে বর্ণনার সঙ্গে বাস্তবকে মিলিয়ে নেবার চেষ্টা করতে-করতে স্বামী বললো, ‘কিন্তু উনি তো—বুড়ো !’

সত্যেন রায় হেসে বললেন, ‘তোমার বয়সে অনেককেই বুড়ো লাগে, আমার বয়সে অনেককেই লাগে না।’

স্বামীর মুখে এলো, ‘আহা—আপনার আবার বয়স !’ কিন্তু এ-রকম সুরে কি প্রোফেসরের সঙ্গে কথা বলা যায় ? তাই সে বললো, ‘আপনার তো অনেক বড়ো উনি।’

‘তাই ব’লে বুড়ো নাকি !’ একটু পরে আবার বললেন, ‘কবিদের বুড়ো হওয়া বুঝি ভালো লাগে না তোমার ?’

‘কারোরই লাগে না,’ স্বামী স্বীকার করলো।

‘রবীন্দ্রনাথকে দেখে তোমার কী মনে হয় ?’

‘দেখিনি কখনো।’

‘রবীন্দ্রনাথকে জ্ঞাখোনি ! কলকাতায় আছো, এ বড়ো হয়েছে, রবীন্দ্রনাথকে জ্ঞাখোনি !’

স্বাতী মাথা নিচু ক'রে অপরাধ মেনে নিলো।

সত্যেন রায় হঠাৎ হেসে বললেন, 'এমন ক'রে বলছি যেন তোমার দোষ। সকলের কি আর স্মৃযোগ হয়—আর মেয়েদের অসুবিধে কত। মা-কে ব'লে শাস্তিনিকেতনে যাও না একবার।'

স্বাতী বললো, 'আমার মা নেই।'

মুখের দিকে একটু তাকিয়ে থেকে সত্যেনবাবু বললেন, 'মা নেই। ...তা বাবা তো আছেন—আর এমন চমৎকার বাবা!'

মনে-মনে একটু চিন্তা ক'রে, অনেকটা সাহস ক'রে স্বাতী এতক্ষণে একটা ঘরোয়া প্রশ্ন করলো : 'আপনার মা-বাবা এখানে থাকেন না?'

'আমার মা-ও নেই, বাবাও নেই,' কীণ একটু হাসলেন সত্যেনবাবু।

স্বাতী অবাক হ'লো কথা শুনে।—কিন্তু অবাক হবার কী, এ-রকম কত লোকই তো আছে পৃথিবীতে। কিন্তু বাবাও নেই! তার বাবাও কি থাকবেন না একদিন?

মুহূর্তের জন্ম স্বাতী যেন নিশ্বাস নিতে পারলো না। একটু ন'ড়ে-চ'ড়ে, একটু সোজা হ'য়ে, যেন নিজের মধ্যে ফিরে এসে জিগেস করলো, 'ভাই-বোন?'

সত্যেনবাবু মাথা নাড়লেন।

'তাও নেই?...একজনও না?...আশ্চর্য!'

'আশ্চর্য বুঝি?'

স্বাতী কথা বললো না। হঠাৎ মনটা কেমন খারাপ হ'য়ে গেলো তার। এ-বাড়িতে যদি একজন মা থাকতো এখন, কত ভালো

লাগতো। মিজের রুগ্ন মা-র স্মৃতিকে মনে-মনে সাজিয়ে দাঁড় করালো এই ঘরে, দেখলো তাঁর হাসি, শুনলো তাঁর কথা, আর ছায়া-ভরা ঘরে চুপচাপ ব'সে-ব'সে তার যেন মনে হ'তে লাগলো যে-মার কথা সে ভাবছে, সে-মা আর কেউ নয়, সে নিজেই।

উঠে ঘরের আলো জ্বলে দিলেন সত্যেনবাবু।—‘এবারে কী-কী বই নেবে বলো।’ উত্তরের অপেক্ষা না-ক’রে নিজেই বেছে-বেছে নামালেন কয়েকখানা ইংরেজি বই, তারপর ঘাড় ফিরিয়ে বললেন, ‘ঋষ দত্তর কবিতা পড়বে নাকি?’

মিজের অজ্ঞান্তেই একটু কুঁচকে গেলো স্বাতীর কপাল। ঐ এক পেয়ে বসেছেন! সত্যেনবাবুর মুখে একটু যা চেপেছিলো, তাতে ঋষ দত্তর কবিতা সম্বন্ধে খুব-একটা খিদে চেতিয়ে ওঠেনি তার; তাই কোনো জবাব দিলো না।

‘প্রথমেই ভালো লাগবে না হয়তো,’ সত্যেনবাবু মুখ দেখে মনের কথাটা বুঝে নিলেন, ‘তাই ব’লে যদি ছেড়ে দাও তাহ’লে কিন্তু ঠকবে। ছাখো প’ড়ে!’

স্বাতী উঠে দাঁড়িয়ে বই ক-খানা হাতে নিলো।—‘আমি তাহ’লে বাই?’

‘খুব ভালো লাগলো আজ বিকেলবেলাটা’, স্বাতীর সঙ্গে হাঁটতে-হাঁটতে সত্যেনবাবু বললেন। স্বাতী ভেবেছিলো তিনি রাস্তা পর্যন্ত আসবেন, কিন্তু দরজার কাছেই থামলেন, একটু দাঁড়িয়ে থেকেই চ’লে গেলেন ভিতরে।—খুব ভালো লাগলো বিকেলবেলাটা, স্বাতীর মনের মধ্যে বাজতে লাগলো। কেন? বোধহয় ঋষ দত্তর জন্ম?

রান্নাঘরের দিক দিয়ে বাড়ি ঢুকলো স্বাতী, ঢুকেই 'দাদার সঙ্গে দেখা। খাবার টেবিলে ব'সে চা খাচ্ছে বিজন, আর সেই সঙ্গে প্রকাণ্ড একটা অমলেট।

—‘দাদা ! তুই এ-সময়ে বাড়িতে ?’

‘কেন, থাকতে নেই একদিনও ?’

টেবিলের উপর বইয়ের বোঝা নামিয়ে স্বাতী বসলো দাদার মুখোমুখি, হাত দিয়ে কপালের চুল সরিয়ে বললো, ‘সে-কথা আমরাই জিগেস করতে পারি তোকে।’

চামচে দিয়ে অমলেট কেটে নিয়ে মুখে দিলো বিজন, আর বাঁ হাতে কামড়ে ছিঁড়ে নিলে খানিকটা কাঁচা রুটি। চিবোতে-চিবোতে ফোলা-ফোলা গালে একটু হেসে বললো, ‘বাড়ির কী খবর-টবর বল।’

‘তুই আজকাল কী করছিস বল তো সত্যি ক’রে!’ স্বাতী ভুরু কঁচকে তাকালো দাদার দিকে।

‘একেবারে সত্যি কথাটাই শুনবি?’ বিজন গলা ভিজিয়ে নিলো চায়ের পেয়ালায়।—‘তোর প্রোফেসর কেমন আছেন ?’

‘প্রোফেসর ?’ তখনকার মতো স্বাতী যেন ভুলেই গিয়েছিলো। যে সত্যেন রায় তার প্রোফেসর।

‘ঐ যে—বাবা যাকে আমার টেবলফ্যানটা পাঠিয়ে দিলেন।’

‘তোর ঘরে তো সীলিং ফ্যানই আছে আজকাল।’

‘তবু—পাখাটা আমার জন্মই এসেছিলো, অশ্ব কাউকে দেবার আগে আমাকে জিগেস অন্তত করা উচিত ছিলো একবার।’

একটা কড়া জবাব এসেছিলো স্বাতীর মুখে, কিন্তু সেটা বলতে গেলেই ঝগড়া হবে, আর ঝগড়া হ’লে দাদার আর কী—বেরিয়ে

গেলেই নিশ্চিন্ত—তারই মন-খারাপ হ'য়ে থাকবে দু-দিন ধ'রে। তাই একটু চুপ ক'রে থেকে স্বাতী অন্য কথা পাড়লো, 'তোর ধ্রুব দত্তর সঙ্গে দেখা হ'লো এইমাত্র।'

'লেখক ধ্রুব দত্ত? ওর নামও আর মুখে আনিস না আমার কাছে।'

'সে কী!' স্বাতীর চোখ কপালে। 'এই না তুই ধ্রুব দত্ত বলতে পাগল!'

'তা পাগল প্রায় হয়েছিলাম ওর পাল্লায় প'ড়ে!' বিজ্ঞন হ্যা-হ্যা ক'রে হাসলো। আমাকে বললো থিয়েটারের পাশ দেবে—বাড়ি যেতে বললো—তা যেদিনই বাড়ি যাই সেদিনই বাড়ি নেই! বাড়িতে কখনো না-ই যদি থাকবে, তাহ'লে বাড়ি একটা রাখা কেন বাপু!—অভদ্র!'

ধ্রুব দত্তর টেবিলে-তোলা পা দুটোর কথা মনে ক'রে দাদার শেষ মস্তব্যে সায় দিতে লোভ হ'লো স্বাতীর, কিন্তু পাছে ওতে দাদার বড্ড আশকারা হয়, তাই একটু হেসে বললো, 'ধ্রুব দত্তর চেয়ে তোর বুদ্ধি একটু বেশি, দাদা; বাড়িতে কাউকে আসতেই বলিস না কখনো।'

বিজ্ঞন কথা না-ব'লে মুখ নিচু ক'রে রুটি-অমলেট শেষ করলো। ট্রেন-বদলের আগে লোকেরা যেমন থিদের মুখে রিফ্রেশমেন্ট-রুমে খেয়ে নেয়, সেই রকম ক'রে খেলো সে, দ্রুতবেগে, আদ্বৈত চিবিয়ে, কোনোদিকে না-তাকিয়ে। শূন্য প্লেটটা ঠেলে দিয়ে চায়ের পেয়ালা কাছে এনে মুখ মুছলো রুমালে, তারপর স্বাতীর কথার জবাব দিলো: 'আমার সঙ্গে নাকি ধ্রুব দত্তর তুলনা! আমি হলাম

দু-বার ম্যাট্রিক-ফেল-করা ভ্যাগাবণ্ড, আর উনি একজন বিখ্যাত মানুষ ; বিবাহিত ভদ্রলোক, ছেলে-পুলে চারটা-পাঁচটা ; গুঁর কথার একটা ওজন থাকা চাই তো !—বাজে, বাজে সব !

‘সত্যেন রায় তো বলেন উনি কবিতা লেখেন খুব ভালো ।’

‘তা যত খুশি লিখতে পারেন, তাতে আমার কিছু না ।’

‘তোরই বা পাশ চাইতে যাবার কী হয়েছিলো !’

‘বাঃ, উনিই তো উৎসাহ ক’রে—যাক, যাক, তুই তোর প্রোফেসর আর সাহিত্যিকদের নিয়ে থাক, স্বাতী ; আমি ও-সবের মধ্যে নেই ! বিছের পিপে তো সব—কিন্তু টাকার মুখ ছাখে কখনো ! ও-রকম বিছো দিয়ে লাভ কী, বল, আজকালকার দিনে !’

পিঠ খাড়া ক’রে ব’সে টেবিলের উপর দু-কনুই রাখলো স্বাতী । আঙুলের মধ্যে আঙুল চালিয়ে বললো, ‘তোর থিয়েটার আবার কবে ?’

‘জানিস না বুঝি ?’ ঠোঁটে জিভ বুলিয়ে বিজন একবার চোরা হাসি হাসলো । ‘ছেড়ে দিয়েছি ও-সব ।’

এত বড়ো একটা খবরে একটুও চঞ্চল না-হ’য়ে দু-হাতের জড়ানো আঙুলের মাঝখানটায় থুতনি রেখে স্বাতী বললো, ‘এখন তাহ’লে ? ফিল্ম ?’

‘ফিল্মে তো ঢুকতে পারি ইচ্ছে করলেই, কিন্তু—’

‘আর কিন্তু কেন ?’

নিচু-করা চোখে বোনের দিকে তাকিয়ে বিজন বললো, ‘হেসে নে, হেসে নে, বেশিদিন হাসবি না ।’

‘তা বেশ তো, ফিল্মেই ঢুকে পড়,’ স্বাতী হাসির রেখা মুছে ফেললো মুখ থেকে।

‘নাঃ, আমি বিজনেস করবো।

‘কী করবি?

‘বিজনেস।’ গস্তীর, সশ্রদ্ধভাবে বিজন উচ্চারণ করলো কথটা।

‘বিজন্স বিজনেস!’ স্বাতী আর পারলো না, হাত ছড়িয়ে দিয়ে হেসে উঠলো খিলখিল করে।

বিজনও হাসলো সঙ্গে-সঙ্গে, একেবারেই অপ্রত্যাশিত সেটা।—
‘সব ঠিক ক’রে ফেলেছি। বি-জন নাম হবে কোম্পানির—
ইংরিজি B. John, বুঝলি না?—কেমন ভেবেছি, বল তো?’

‘আর কদর ভেবেছিস?’

‘দেখবি!—শোন, স্বাতী,’ হঠাৎ বোনের দিকে গলা বাড়িয়ে বিজন নিচু গলায় বললো, ‘বাবাকে বল না আমাকে হাজার দু-তিন টাকা দিতে। তাহ’লেই লেগে যেতে পারি এক্সুনি।

‘তোরই বলা উচিত না?’

‘নিশ্চয়ই! কিন্তু উচিতটা কি সব সময় হয় রে? সংসারে বাবাদের যে-রকম হওয়া উচিত—’

‘দাদা!’ স্বাতীর কণ্ঠে যুদ্ধ-ঘোষণা।

‘থাক, থাক,’ বিজন বীরদর্পে উঠে পড়লো চেয়ার ছেড়ে।
‘তোর বক্তৃতা শোনবার সময় নেই আমার। তোকে বলতে হবে না—
বা করবার আমিই করবো।’ দরজার ধার থেকে মুখ ফিরিয়ে
আবার বললো, ‘কিন্তু দুঃখের বিষয়, তোদের বাবা তাঁর একমাত্র

পুত্রকে মানুষের মধ্যেই গণ্য করেন না। তা তোরা না দিস, যে ক'রে হোক জোগাড় ক'রে নেবো। টাকা আমার চাই!' শেষের কথাটা চীৎকার ক'রে বেগে বেরিয়ে গেলো বিজন, দেয়ালে ঝোলানো ক্যালেন্ডারটা ছলে উঠলো ধাক্কা লেগে।

একে-একে ক্যালেন্ডার থেকে খ'সে পড়লো জুলাই, অগস্ট, সেপ্টেম্বরের পাতা, বেরিয়ে পড়লো লাল তারিখ ভরা অক্টোবর। ছুটি!—কিন্তু তাতে আলাদা ক'রে আনন্দ করবার কী আছে? আনন্দে ভ'রে গেছে স্বাতীর দিন-রাত্রি, তার যুগ্মের স্বপ্ন, প্রতিটি জেগে-থাকা মুহূর্ত; নতুন একটা জগৎ পেয়েছে সে, সাহিত্যের জগৎ, দেশ, দৃশ্য, মানুষ; কত হাসির হাওয়া, কান্নার কাঁপন; কত মধুর, নিষ্ঠুর, ভীষণ, সুন্দর বর্ণনা—লজ্জা করে, ভয় করে, বিস্মী লাগে—কিন্তু শেষ পর্যন্ত আনন্দ, শুধু আনন্দ। জীবনে এত আছে? কী ভাগ্য সত্যেন রায়ের সঙ্গে দেখা হয়েছিলো, নয়তো কোথায় পেতো এ-সব, এ-আনন্দ জানতো কী ক'রে?

এত আনন্দ কি একা-একা সহ্য হয়? আর-একজন না-হ'লে চলে? একদিন ছোড়দি এসে তার টেবিলের বইগুলি নেড়ে-চেড়ে দেখছিলো, সুযোগ পেয়ে স্বাতী জিগেস করলো, 'ছোড়দি, তুমি গোগোল পড়েছো?'

'গোগোল!' শাস্ত্রী হেসে উঠলো মজার নাম শুনে। 'গোগোল

কেন—গোল-গোল হ'লেই পারতো !' মলাট খুলে বললো, 'কে রে এই সত্যেন রায় ? অনেক বই এনেছিস !'

'চেনো না তুমি ? আমাদের কলেজেই তো প্রোফেসর !'

'সত্যেন রায় ?' শাস্তী ভুরু বাঁকালো । 'কী জানি—আমাদের সময় তো ছিলো না, নতুন বোধহয় । অনেক বই বুঝি তাঁর ?'

'অনেক । আর কী ভালো-ভালো সব বই ! ছোড়দি—তুমি যদি এটা প'ড়ে ছাখো, এই ওভরকোটের গল্পটা—উঃ !'

পাতা উন্টিয়ে লম্বা-লম্বা ব্যঞ্জনবহুল নাম দেখেই শাস্তী বই বন্ধ করলো ।

'নেবে, ছোড়দি ?' মিনতি করলো স্বাতী । 'কী-যে অদ্ভুত—'

শাস্তী মাথা নাড়লো । '—বাংলা বই নেই ভদ্রলোকের ?'

'কত চাও ! কবিতার বই সমস্ত—'

'কবিতা আবার কে পড়ে ! গল্পের বই নেই ? নভেল ? তোমার হারীতদা আবার বাংলা বই পড়েন না, আর ইংরিজি যা পড়েন—'

'তা কিনে নিলেই পারো বাংলা বই ।'

'হ্যাঁঃ—বই কিনে পরসাদ নষ্ট করি আরকি !' দামি শাড়ি ঝলমলিয়ে শাস্তী চ'লে গেলো ঘর থেকে ।

এর পর স্বাতী একদিন চেষ্টা করলো হারীতদাকে । সেদিন সে শেষ করেছে অস্কার ওআইন্সডের উপন্যাস । লক্ষ টাকা দামের মণিমুক্তোর মতো কথাগুলি সাজানো, যেন রঙের ঝিলিক লাগে চোখে, যেন এক-একটি কথাকে বইয়ের পাতা থেকে তুলে এনে হাতে ধরা যায় । তীব্র একটা নেশায় আচ্ছন্ন হ'য়ে ছিলো সে :

খুব নিচু গলায়, যেন অত্যন্ত গোপন কিছু বলছে, এইরকম সুরে বললো, ‘হারীতদা, আপনি পিকচর অব ডরিআন গ্রে পড়েছেন?’

‘ওআইল্ড!’ হা-হা ক’রে হেসে উঠলো হারীত। ‘এস্কেপিষ্টের বাদশা! রোমান্সিসিজম-এর পচা মাল! ওআইল্ড পড়ছো! এদিকে সর্বনাশ যে ঘনিয়ে এলো!’

স্বাতী অবাক হ’লো, আঘাত পেলো, তাকিয়ে রইলো। তবে কি এ-সব ভালো লাগা উচিত না? কিন্তু ভালো লাগার আবার উচিত-অনুচিত আছে নাকি? কী জানি!

অগত্যা দাদার পিছনেই ঘোরাঘুরি করলো স্বাতী। বিজ্ঞন মাঝে-মাঝে দুপুরবেলাটা বাড়িতে কাটায়, খেয়ে-দেয়ে লম্বা . শুম দিয়ে বেরিয়ে যায় বাবা আপিশ থেকে ফেরবার ঠিক আগেই।— ‘বই পড়বি, দাদা, গল্পের বই?’

‘কী-বই রে?’

‘খুব, খু—ব ভালো বই, ছাখ!’ সেই ডরিআন গ্রে’র গল্পটাই দাদার হাতে দিলো স্বাতী। নিজেকে বড়ো স্বার্থপর লাগে এক-এক সময়—আহা, দাদাও পড়ুক।

বইটার দিকে তাকিয়ে বিজ্ঞন বললো, ‘খাক—পরে পড়বো।’ সিগারেট ধরিয়ে শুয়ে পড়লো বিছানায়, বালিশের তলা থেকে বের করলো একটা রঙচঙে বই, মলাটে কালো মুখোশ-পরা দুশমনের দিকে পিস্তল উচিয়ে আছে বুক-খোলা জামায় শ্বেতাজিনী।

‘এ-সব বাজে বই পড়িস কেন, দাদা?’

‘বাজে! হুঁ:!’ ঠোট গোল ক’রে সিগারেটের ধোঁয়া বের করলো বিজ্ঞন। ‘জানিস না তো, স্পোকন ইংলিশ শিখছি।

ওঃ, চোস্তু ! কথায়-কথায় ড্যাম !’ একটু পরে আবার বললো,
‘বিজনেস করতে হ’লে ইংরেজিটা বলতে পারা চাই—বুঝলি না ?’

স্বাতী বুঝলো, আস্তে উঠে গেলো তার ভালো-লাগার ভার
একলা বহন ক’রে ।

দোলের দিনে ছোটো ছেলে যেমন আর-কাউকে বাগাতে
না-পেরে ঘরে এসে মা-র পিঠেই রঙের শিল্পি খালি করে, স্বাতীও
সেইরকম বাবাকেই ধ’রে পড়লো একদিন ।

—‘জানো বাবা, সত্যেনবাবু যে-সব বই পড়তে দেন না
আমাকে—কী-যে ভালো-ভালো বই !’

‘হবেই ! যেমন মানুষ, তেমন তো পছন্দ !’

‘তুমি তো বলো আমি দিন-রাত কেবল বই পড়ি, কিন্তু তুমি
আরস্ত করলেও আর ছাড়তে পারবে না !’

‘তাহ’লে আমার তো আরস্ত না-করাই ভালো—আপিশ-টাপিশ
আছে তো আবার ।’

স্বাতী হেসে বললো, ‘আচ্ছা, আমি তোমাকে গল্পগুলো বলবো ।
শুনবে, বাবা ?’

‘বেশ !’ রাজেনবাবু তৎক্ষণাৎ রাজি ।

‘এখন শুনবে ?’

‘এখন ?’ রাত্তিরে খেয়ে-দেয়েই তো ভালো ।—আচ্ছা স্বাতী, সত্যেন
তো এত বই দেয় তোমাকে, তোমারও তো ওকে কিছু দেয়া উচিত !’

‘ও মা, আমি আবার কী দেবো !’

‘নেমস্তন্ন ক’রে খাওয়াতে পারো মাঝে-মাঝে, ভালো রান্না-টান্না
হ’লে পাঠিয়েও দিতে পারো—’

‘আমি ও-সব পারবো-টাবো না।’

‘পারবো না বললেই তো আর হ’লো না। এখন বড়ো হয়েছো—
সবই করতে হবে।’

স্বাতী মুখ তুলে শুধু মাথা নাড়লো উত্তরে।

‘আচ্ছা, পূজোর সময় আমিই ব’লে আসবো একদিন। শ্বেতাও
এসে পড়বে তদ্দিনে।’ খুশির আভা লাগলো রাজেনবাবুর মুখে।

‘বড়দি সত্যি আসবে?’

‘লিখেছে তো’, রাজেনবাবুর মুখ খুশিতে জ্বলজ্বলে হ’লো।

কিন্তু ছুটি হবার সঙ্গে-সঙ্গে সত্যেনবাবু চ’লে গেলেন কোথায়-
যেন বাইরে, আর পূজোর ক’টা দিন দেশের বাড়িতে কাটিয়ে
দশমীর দু-দিন পরে শ্বেতা এসে পৌঁছলো স্বামী, চাবটি ছেলে-
মেয়ে, একটি চাকর আর বিস্তর মালপত্র নিয়ে। এসেই হোল্ডলে
বাঁধা মস্ত বিছানা নিজেই টেনে-টুনে খুলে ফেললো, বের ক’বে দিলো
এক বাগ্গিল পূজোর কাপড়, আর বিস্কুটের টিনে-টিনে ভরা ক্ষীরের আর
নাবকোলের রকমারি খাবার। এক প্লেট ভরতি ক’বে সাজিয়ে সাতীর
সামনে ধ’রে বললো, ‘খা।’

‘ও মা! এত!’

‘এত কী রে? আমার ওবা তো এ-রকম চার খালা—বাননাঃ,
বিছানার মধ্যে যা ক’রে লুকিয়ে এনেছি, রান্ধসরা টেব পেলো
কি আর রন্ধে ছিলো, পথেই সাবাড় ক’রে দিতো!’ আরো দু-প্লেট
সাজাতে-সাজাতে বললো, ‘আয় বিজু। বাবা?’

রাজেনবাবু হেসে বললেন, ‘তুই হচ্ছিস কী বে দিন-দিন?
এই তো বাড়িতে পা দিলি!’

‘নষ্ট হয়নি তো আবার?’ উষ্মেগ ফুটলো শ্বেতার কণ্ঠে, একটা তুলে নাকের কাছে ধ’রে ছু-তিনবার নিশ্বাস নিয়ে নিশ্চিন্ত হ’লো।—‘না, ঠিক আছে।—কী?’ নিজের বাচ্চাদের সে তাড়া করসো এবার। ‘এখানে ঘুর-ঘুর কেন? আচ্ছা, নে একটা-একটা—আর কিন্তু না—ভাগ! স্বাতী খাচ্ছিস না?’

‘চা হোক।’

‘আচ্ছা আচ্ছা, চায়ের সঙ্গে আবার খাবি, এখন এইটে—’ বেছে-বেছে একটা মৎস্যাকৃতি মিষ্টি তুলে শ্বেতা গুঁজে দিলো স্বাতীর মুখে।

‘আঃ, বড়দি!’

‘কেমন, ভালো না?’

সমস্ত মুখে এলাচগন্ধী নরম নারকোলের ছড়িয়ে-পড়া অনুভব করতে-করতে স্বাতী হেসে ফেললো।

‘এই স্বীরেরটা—বিজু, তুই আর—এই যে,’ স্বামীকে দেখতে পেয়ে শ্বেতা আঁচল তুলে দিলো মাথায়—‘তুমিও একটা খাবে নাকি?’

‘তোর পাল্লায় পড়লে কি আর রন্ধে আছে?’ রাজেনবাবু হাসলেন।

‘আর বলেন কেন?’ গালের চর্বির ভাঁজে-ভাঁজে হাসি ফুটিয়ে প্রমথেশ বললো, ‘ব্লাড-প্রেসার বেড়ে যাচ্ছে, তার উপর আপনার মেয়ে—’

‘আহা—’ স্বামীর আর বাবার মাঝামাঝি তাকিয়ে শ্বেতা বললো, ‘ইচ্ছে না-থাকলে কেউ যেন জোর ক’রে খাওয়াতে পারে!’

রাজেনবাবু বললেন, ‘সকলে তো খেলো—তুই?’

শ্বেতা যেন শিউরে উঠে বললো, ‘রক্ষে করো! এ-সব খেতে-খেতে প’চে গেছে মুখ! আমার জন্ম ডিম-সন্দেশ এনো—আর শোনপাপড়ি—আর কলে-ঠাণ্ডা দই।’

‘বেশ!’ রাজেনবাবু উঠে পড়লেন।

‘বাবা, চা—’

‘চা আর খাবো না এখন।’ আর দেরি না-ক’রে রাজেনবাবু চললেন ট্রামে ক’রে জগুবাবুর বাজারে। একটু পরেই শাশ্বতী আর হারীত এসে পৌঁছলো; নতুন ক’রে রোল উঠলো আনন্দের।

চা হ’তে-হ’তে শ্বেতা এলো হাত-মুখ ধুয়ে পরিষ্কার একটি শ্যাড়ি প’রে, কপালে জ্বলজ্বলে সিঁচুর, আঁচলে চাবির গোছা। যদিও পাঁচটি সন্তানের মা, একটু ভাঙেনি তার শরীর, একটু মোটা হয়নি, জঁষৎ স্নান রঙের মুখখানা যেন লাভণ্য দিয়ে বানানো। স্বাতী দেখে মুগ্ধ।

বসন্তের সকালে পাখি যেমন নেচে-নেচে বেড়ায়, চায়ের টেবিলে শ্বেতার ভাবটা যেন তেমনি। একবার শাশ্বতীকে জড়িয়ে ধরে, একবার হাত রাখে বিজুর টেড়ি-কাটা মাথায়, একবার কোনো-একটা সেকলে চিরকেলে ঠাট্টা করে হারীতকে। জনে-জনে চায়ের পেয়াল। এগিয়ে দিতে-দিতে স্বাতীর কাছে এসে হঠাৎ একটু ধেমে বললো, ‘স্বাতী! তুই বড়ো সুন্দর হয়েছিস রে!’

‘আর তুমি!’ লাজুক হেসে স্বাতী জবাব দিলো, ‘তুমি-যে দিন-দিন আরো সুন্দর হচ্ছে!’

‘শোনো কথা!’ স্বাতীর প্রকাণ্ড খোঁপাটার উপর দিয়ে শ্বেতার

হাত ঘুরে এলো একবার—‘এ-রকম চুলই তো আজকাল দেখি না কোনো মেয়ের!’

নিজের ছোটোখাটো খোঁপাটা আস্তে একটু চাপড়ে শাশ্বতী বললো, ‘জানো বড়দি, লম্বা চুল আজকাল আর ফ্যাশনেবল নয়।’

‘নাকি রে? তাহ’লে আমার আর দুঃখ কী। আমাবও ছিলো তো মন্দ না, কিন্তু যেতে-যেতে এখন—এই ছাখ! শেষালের ল্যাজ।’

তার কথা শুনে, তাব হাসি দেখে, সকলেই হেসে উঠলো একসঙ্গে।

‘মেয়েদের চুল আর ক-দিন!’ হঠাৎ গম্ভীর গলায় ব’লে উঠলো বিজ্ঞন, ‘যদিই না বিয়ে হয়। বিয়ের পরে একটি-দুটি ছেলেপুলে হ’লেই—ব্যস!’ কথাটা সে শুনেছিলো অনেকদিন আগে গ্রুব দত্তর মুখে, বাড়ির এতগুলি লোকের সামনে এমন লাগসই জায়গায় বলতে পেরে কী-যে খুশি লাগলো।

গ্রুব দত্ত যখন বলেছিলেন, শ্রোতাবা অনেকেই হেসেছিলো, কিন্তু বিজ্ঞনের শ্রোতাবা একটু-যেন গম্ভীর হ’য়ে গেলো, শুধু প্রমথেশ ব’লে উঠলো, ‘ঠিক! ঠিক বলেছো, বিজু! একেবারে খাঁটি কথা!’

শাশ্বতী ন’ড়ে-চ’ড়ে বললো, ‘ছেলেমানুষের মুখে বুড়ো কথা কী বিজী!’

‘আর কতকাল ওকে ছেলেমানুষ ক’রে রাখবি তোরা। মস্ত বাবু হ’লো না?’ খেতা একটু হাসলো ভাইয়ের দিকে। ‘বিজু, আর চা?’

বয়স্ক মোটা গলায় বিজন জবাব দিলো, ‘না, আর না। তোমরা বোসো, বড়দি।’ আর কারো দিকে না-তাকিয়ে চেয়ার ঠেলে উঠে পড়লো তাড়াতাড়ি। তথাকথিত গুরুজনদের মধ্যে ব’সে থাকা আর সম্ভবও ছিলো না তার পক্ষে : সিগারেটের জন্য আইচাই কবছিলো প্রাণ।

‘হারীত, তোমাকে আর?’

‘দিন আর-একটু—’ হারীত তার পেয়ালাটি ঠেলে দিলো শ্বেতার দিকে।

স্বাতী বললো, ‘তুমি এবার বোসো তো বড়দি। খাও!’

‘এই বসি’, হারীতের পেয়ালা দ্বিতীয়বার ভ’রে দিয়ে শ্বেতা বসলো বিজুর পরিত্যক্ত চেয়ারে, শাশ্বতীব আর হারীতের মাঝখানে। ‘দে তো শাশ্বতী, আমাকে একটু চা দে। চিনি বেশি কিন্তু।’

‘ক-চামচে?’ খুব পরিচ্ছন্ন নিপুণ, নিখুঁত ভঙ্গিতে চিনির বাটিতে চামচে ডুবিয়ে শাশ্বতী চোখ তুললো।

‘তিন।’ একটু হেসে শ্বেতা জুড়ে দিলো, ‘চারেও আপত্তি নেই। —এ কী রে?’ হঠাৎ শাশ্বতীর চামচে-ধরা ডান হাতের কজ্জিটা ছু-আঙুলে চেপে ধরলো শ্বেতা। ‘শাঁখা কই?’

শাশ্বতী জবাব দিলো না, নিচু মুখে চা ঢেলে দিয়ে ব’সে পড়লো।

‘বিয়ের শাঁখা ভেঙে গেছে বুঝি? তা পরতে হয় তো আবার!’

ঠোঁটের কোণে তীক্ষ্ণ একটু হাসি ফুটিয়ে হারীত বললো, ‘ও-সব দাসীত্বের চিহ্ন ধারণ ক’রে আর কী হবে।’

‘দাসীত্ব? আহা রে—’ শ্বেতা কনুই দিয়ে ঠেলা দিলো শাশ্বতীকে।

‘কী রে? দাসীত্ব নাকি?’

কিন্তু শান্তী হাসলো না, মুখ তুললো না। এই শাঁখা নিয়ে একটা দুঃখের খোঁচা আছে তার মনে। শাঁখার বিরুদ্ধে হারীতের জেহাদ বিয়ের প্রথম থেকেই। ‘অসভ্য’, ‘বর্বর’, ‘মিডিআভল’, এ-সব বিশেষণ শেষ ক’রে হারীত বললো, ‘ঐ শাঁখাসিঁদুর-পরা মূর্তি নিয়ে বেরোতে লজ্জা করে আমার!’ শান্তীও রাগ ক’রে জবাব দিলো, ‘বেশ তো! বেরিয়ে না!’ ‘কী? একেবারে সতীলক্ষ্মী হ’য়ে অন্তঃপুরে লুকোবে?’ ‘আমি যা করি না—তোমার তাতে কী!’ ‘নিশ্চয়ই আমার—কেননা তুমি আমার স্ত্রী। আর এ-যুগে আমরা তো শুধু স্ত্রী চাই না, সঙ্গিনীও চাই।’ ‘সঙ্গিনীর অভাব কী তোমার!’

এই শেষ মন্তব্যটার একটু ইতিহাস ছিলো। ক-দিন আগে একটা পার্টিতে গিয়েছিলো তারা, কোনো-এক দুঃখী দেশের সাহায্যে চাঁদা তোলা হচ্ছিলো—শান্তীর ঠিক মনে নেই সেটা চিন না স্পেন না চেকোস্লোভাকিয়া—সেখানে একটি ঠোঁটে-রং-মাখা পাজামা-পরা পাঞ্জাবি মেয়ের সঙ্গে হারীত একটু বেশিক্ষণই কথা বলেছিলো। বাড়ি ফেরার পথে শান্তী একটু গস্তীর হ’য়ে ছিলো সেদিন, কিন্তু হারীত স্পেন, চিন কিংবা চেকোস্লোভাকিয়ার দুর্দশার বর্ণনায় এত মগ্ন ছিলো যে স্ত্রীর মুখ দেখে কিছুই তার মনে হয়নি তখন। কিন্তু যেই শান্তী ও-কথা বললো, অমনি ঐ পাঞ্জাবি মেয়েটির কথাই মনে পড়লো তার। সে খুব শ্রদ্ধা করে এমন একজন মানুষের বোন। একটু তাকিয়ে থেকে স্ত্রীকে বললো: ‘তুমি দেখছি একেবারেই অশিক্ষিত!’

এইরকম কথা-কাটাকাটি হ’তে-হ’তে বিয়ের ছ-মাস পরে একদিন

শান্তীর হাত চেপে ধরে মটমট করে দুটো শাঁখা ভেঙে দিলো হারীত। রাত্তিরে শুয়ে-শুয়ে খুব কাঁদলো শান্তী—দাম্পত্য জীবনে এই প্রথম কান্না—কিন্তু শাঁখা পরার কথা আর মনেও আনলো না, আর আন্তে-আন্তে তার মনে হ'তে লাগলো যে এ-ই ভালো হ'লো, হারীতের বন্ধুদের স্ত্রীরা কেউই শাঁখা পরে না, একটু বেখাপ্লাই লাগে নিজেকে।

শান্তীর কাছে কোনো জবাব না-পেয়ে শ্বেতা ফিরলো হাবীতের দিকে।—‘তা দাসীত্ব যদি হয় সে তো তোমারই দোষ বাপু, শাঁখার উপর রাগ কেন?’

মুহূর্তের জন্য একটু-যেন অস্বস্তি বোধ করলো হারীত, তারপর বললো, ‘ও-সব চিহ্ন দূর হ'লে দাসীত্বও যাবে।’

‘কেন, চিহ্ন ছাড়া দাসীত্ব থাকতে পারে না?’

‘এটা কিন্তু তোমার দিদি ঠিক বলেছেন, হারীত। এই ধরো না আমরা—আমরা তো এঁদের দাসত্বই করি, কিন্তু—চিহ্ন-টিহ্ন কিছু তো নেই!’ বলতে-বলতে প্রমথেশের গালে চব্বির ভাঁজে-ভাঁজে যেন হাসির ছোটো-ছোটো ঢল নামলো। সেদিকে তাকিয়ে হারীত মনে-মনে বললো, ‘হাফ-উইট!’

কিন্তু মনের কথা যেহেতু কানে শোনা যায় না, তাই প্রমথেশ আবারও একটা রসিকতার চেষ্টা করলো, ‘বিয়েব পরে পুরুষেরও যাতে একটা চিহ্ন থাকে, তুমি বরং তা-ই নিয়ে একটা আন্দোলন আরম্ভ করতে পারো, হারীত।’

‘তা অনেক পুরুষের থাকে বইকি। হিরের আংটি, সিক্কের পাঞ্জাবি, সোনার বোতাম, আর হাতে একটা চকচকে নতুন ছাতা!’

হারীত ঘোঁৎ ক'রে হেসে উঠলো, কী-রকম শুকনো নিরানন্দ হাসি। 'কারো-কারো কয়েক মাস, কারো-কারো আজীবন।'

ছাতাটা বাদ দিয়ে বর্ণনাটা মিলে গিয়েছিলো প্রমথেশের সঙ্গে, কিন্তু প্রমথেশ সেটা বুঝলোই না; মাথা নেড়ে-নেড়ে তারিফ ক'রে বলতে লাগলো, 'ঠিক! ঠিক বলেছো ভাই! ঠিক! ঠিক!'

'যা বলেছো, হারীত!' শ্বেতা হেসে উঠে একটা চাপড় বসিয়ে দিলো হারীতের পিঠে—হারীত ভেবে পেলো না এত আনন্দ কিসের—'একটা কথার মতো কথা বলেছো! ওঁর সেই বিয়ের আংটি আর বোতাম উনি কিছুতেই ছাড়বেন না তো! ছাখো তো,' শ্বেতা স্বামীর দিকে ফিরলো, 'কী চমৎকার দেখাচ্ছে হারীতকে হাত-কাটা চেন-টানা গেঞ্জি-শার্টে—ভাবিসনে, শাস্ত্রী, ঐ চেন ধ'রেই টেনে নিয়ে বেড়াতে পারবি!' শ্বেতা গড়িয়ে পড়লো শাস্ত্রীর কাঁধে।

মুখে একটা উচু দরের হাসির ভাব রেখে হারীত উঠে দাঁড়ালো ভাঁজ-করা খবর-কাগজটা রাজদণ্ডের মতো হাতে ধ'রে।—'ঘুরে আসি একটু।'

'আরে বোসো, বোসো; আরো অনেক কথা আছে তোমার সঙ্গে', বললো শ্বেতা।

'পরে হবে। একটা-দুটোর আগে তো খাওয়া হবে না। কাজ সেরে আসি।'

'পুজোর মধ্যেও কাজ?' প্রমথেশ চমৎকৃত।

'ছুটি-তো আপিশের, আমার ছুটি নেই।' দাঁতের কাঁকে পাইপ চেপে ধ'রে লম্বা-লম্বা পা ফেলে বেরিয়ে গেলো কর্মবীর।

গোল-গোল চোখে দরজার দিকে তাকিয়ে প্রমথেশ মস্তব্য করলো,
‘হারীত আমাদের তুখোড় ছেলে!’

‘তুইও যেমন!’ শাস্ত্রীর মাথায় একটা টোকা দিয়ে শ্বেতা বললো, ‘পুরুষমানুষের কত সময় কত খেয়ালই হয়, তা নিয়ে আবার ভাবিস! আজই চলিস তোকে শাঁখা কিনে দেবো কালিঘাটে।’

স্বাতী দেখলো, হারীতদা চ’লে যাবার সঙ্গে-সঙ্গে ছোড়দির সমস্ত ভাবটাই বদলে গেলো যেন। সহজ হ’লো সে, মুখে পরিষ্কার ফুটে উঠলো আরাম। শুধু আজই নয়—হঠাৎ স্বাতীর মনে হ’লো—সব সময়ই এ-রকম হয় ছোড়দির; হারীতদা যতক্ষণ কাছে থাকেন, তার চলা, বলা, হাসি, সমস্তই যেন আধো-আধো, বাধো-বাধো; আর তাকে এ-বাড়িতে রেখে যেই হারীতদা কিছুক্ষণের জন্যও অন্ম কোথাও গেলেন, অমনি সে অন্ম মানুষ। এ-রকম মনে হওয়া অন্মায়, হয়তো এটা আমারই ভুল; কিন্তু যতই সে তাকাতে লাগলো ছোড়দির দিকে, যতই শুনতে লাগলো বড়দির সঙ্গে তার বকরবকর, স্বাতী ততই অবাক হ’লো এ-কথা ভেবে যে এতদিনের মধ্যে আজই প্রথম তার এটা মনে হ’লো। সত্যি, ছোড়দির হয়েছে কী? মোটাসোটা হয়েছে, শাড়ি-গয়না প’রে দেখায়ও জমকালো; কিন্তু—কিন্তু মুখে লাভণ্য কই, চোখের তারা আর নাচে না কেন; তাজা একটা ফুল যেন রোদদুর লেগে শুকিয়ে গেলো। হয় নাকি এ-রকম? এ-রকমও হয় নাকি? ছোড়দির মুখের পাশেই বড়দির ছলছলে মুখের দিকে তাকিয়ে কী-রকম একটা কষ্ট হ’লো স্বাতীর মনের মধ্যে।

বাবা বাজারস্থানু কিনে নিয়ে এলেন, কোমরে আঁচল জাড়িয়ে-

বড়দি ঢুকলো রান্নাঘরে। কতবার ডাকলেন রাজেনবাবু, কিন্তু শোনে কে !
 জীশ—কী চমৎকার তেলওলা আড়মাছটা—এ আমি নিজের হাতে
 না-রোঁধে পারবোই না ! আর মাথাটা দিয়ে মুড়িঘণ্ট—ও মা,
 বাঁধাকপি ! আশ্বিন মাসেই বাঁধাকপি ! আর কাঁকড়া কী বড়ো-
 বড়ো ! সত্যি, কলকাতার শহর ! এ-রকম হ'লে তবে-না রোঁধে
 সুখ !

‘মেয়েটা যে কী !’ বিড়বিড় করলেন রাজেনবাবু।

‘আহা—!’ প্রমথেশ ব’লে উঠলো, ‘যে যেটা ভালোবাসে তাকে
 সেটা করতে দেয়াই তো ভালো !’

‘আসল কথা,’ স্বাতী হাসলো, ‘বড়দির রান্না ছাড়া রোচে না
 আরকি আপনার মুখে।’

‘ঠিক বললে না ! শালীদের রান্না আরো বেশি রুচবে,
 কিন্তু তারা তো আর—’ হা-হা হাসি দিয়ে কথা শেষ করলো
 প্রমথেশ।

স্বাতী আন্তে-আন্তে রান্নাঘরের দরজাঘঁষে এসে দাঁড়ালো। গনগন
 ক’বে জ্বলছে দুটো উনুন, ছাঁকছাঁক করছে কড়াই, বুড়বুড় করছে
 ডেকচি। কাছে এসেই গন্ধে হেঁচে ফেললো স্বাতী।

‘স্বাতী ! কী রে ?’

‘কী আবার। এমনি।’

‘খাবি কিছু ? মাহ ভেজে দেবো ? না একটা আলুসেদ্ধ ?’

‘ও মা ! এইমাত্র তো অতগুলো মিষ্টি খেলাম ! এক্ষুনি আবার
 খেতে পারে নাকি মানুষ !’

‘আমার সব ক-টা আলুসেদ্ধর যম ! যত রান্নাই হোক, আলুসেদ্ধ

‘চাই-ই!’ বলতে-বলতে ডালের টগবগে ডেকচিটা হাত দিয়ে ঘুঁটে একবারেই তিনটে আলু তুলে আনলো শ্বেতা, এক আঙুলে একটু ছুঁয়ে-ছুঁয়ে পরীক্ষা করলো, তারপর হাতটা নাচিয়ে-নাচিয়ে দুটোকে ফেরৎ পাঠিয়ে দিলো জ্বলন্ত জলে; আর অন্যটিকে নিভুলভাবে ফেললো একটা বাটির গর্তে, বাঁ হাতে ঠাণ্ডা জল ঢেলে দিয়ে আঙুলে সইয়ে-সইয়ে খোশা ছাড়িয়ে ফেললো নিমেষে, তারপর স্নগোল, হলদে, ধোঁয়া-ওঠা, স্নগন্ধি একটি আলু চায়ের প্লেটে নুন-গোলমরিচ স্নন্ধু সাজিয়ে সামনে রেখে বললো : ‘এই নে।’

সমস্ত কাণ্ডটি শেষ হ’তে বোধহয় মিনিটখানেকের বেশি লাগলো না। দেখে-দেখে স্বাতীর মনে প’ড়ে গেলো জাপানিদের টেনিস খেলার কথা—ছেলেবেলায় দেখেছিলো একবার অরুণদার সঙ্গে সাউথ ক্লাবে।

‘বোস না, ব’সে খা’, শ্বেতা ঠেলে দিলো ছোটো একটা জলচোঁকি। ‘কই, রামের মা, বাঁধাকপি কোটা হ’লো তোমার?’

স্বাতী ব’সে-ব’সে কামড়ে-কামড়ে আলুটা খেতে লাগলো, আর তার মনে হ’লো যে আলুসন্ধর মতো স্নখাত্ত পৃথিবীতে আর নেই। কিন্তু আলুটা যতই ছোটো হ’য়ে এলো, ততই খাওয়ার স্নখ কমিয়ে দিতে লাগলো রান্নাঘরের গরম। কাঁকড়ায় মশলা মাখাতে-মাখাতে শ্বেতা একবার তাকিয়ে বললো, ‘যা এবার এখান থেকে। পালো!’

আলুটা শেষ ক’রে স্বাতী উঠলো। চুপ ক’রে একটু দাঁড়িয়ে থেকে বললো, ‘বড়দি, কী ক’রে পারে উন্মূনের ধারে এতক্ষণ ব’সে থাকতে?’

আঁচলে একবার মুখ মুছে শ্বেতা একটু হাসলো বোনের দিকে তাকিয়ে।—‘তুইও পারবি।’

পারবে? সেও পারবে? সকালের বাকি সময়টুকু কেমন ঘুরে-ঘুরে উন্মনা হ’য়ে কাটালো স্বাতী।

দুপুরে খাওয়া হ’তে-হ’তে দুটো বাজলো, আর তারপবে হুশ ক’রে বিকেল হ’য়ে সন্ধ্যা নামলো একেবারে। দিন কি এতই ছোটো হ’য়ে গেলো হঠাৎ?

চা খেয়েই হারীত বললো, ‘আমরা চলি এবাব।’

‘ও মা, এখনই?’ সঙ্গে-সঙ্গে শ্বেতার প্রতিবাদ। ‘রাত্তিরে খেয়ে-দেয়ে—’

‘একবেলাতেই দু-বেলার মতো হ’য়ে গেছে! একটু বেশিও। শাস্বতী, তৈবি হ’য়ে নাও।’

‘এত তাড়া কিসেব?’

‘আমাব এক বন্ধু আসবেন সাড়ে-সাতটায়’, হারীত তার হাত-ঘড়ির দিকে তাকালো।

‘বন্ধু-বান্ধব তো রোজই আছে তোমার’, শ্বেতা নরম সুরে বললো, ‘একদিন না-হয়—’

‘তা হয় না। অ্যাপয়ন্টমেন্ট করেছি।’

‘তাহ’লে তো যেতেই হয়, সত্যি—’ প্রমথেশ মাথা নাড়লো।

‘তা—শাস্বতী থাক না,’ শেষ চেষ্টা শ্বেতার।

‘বেশ, বেশ!’ সঙ্গে-সঙ্গে প্রমথেশ উৎসাহিত। ‘শাস্বতী থাক, খেয়ে-দেয়ে যাবে, রাত্তিরে; কেমন? বিজু পৌঁছিয়ে দিয়ে আসবে’খন— আর বিজু না যায়, আমি তো আছি হে—ভাবনা কী?’

‘বন্ধুটি সস্ত্রীক আসবেন, শাস্ত্রীর তাই যাওয়া দরকার,’ বলতে-বলতে হারীতের ঠোঁটের কোণ বেঁকলো একটু। ‘তা ও যেতে না চায়, থাক। রাত্তিরটাই থাক না এখানে।’

একটু গা-মোড়ামুড়ি দিয়ে শাস্ত্রী কণীষ্বরে বললো, ‘না ষড়্দি, আমি চ’লেই যাই।’

একবার শাস্ত্রীর, একবার হারীতের মুখ-চোখের দিকে পলক ফেলে শ্বেতা বললো, ‘আচ্ছা, আচ্ছা, তা-ই ভালো। সত্যি তো, বাড়িতে লোকজন আসবে, গৃহকর্ত্রী না-থাকলে চলে! আবার আসিস। রোজই আসিস,—কেমন? আয় তোর চুলটা বেঁধে দিই’, ব’লে হাত রাখলো শাস্ত্রীর মাথায়।

চুল বেঁধে শাড়ি পরতে-পরতে দেরি হ’য়ে গেলো একটু; সাড়ে-সাতটার আগে পৌঁছবার জন্ম ট্যাক্সি নিতে হ’লো হারীতকে, আর খামকা এই খরচটা হ’লো ব’লে মন-মেজাজ আরো বিগড়ে গেলো তার। শাস্ত্রী ধারু ঘেঁষে ব’সে ছিলো মুখ ফিরিয়ে, খানিকটা চুপচাপ চলবার পর হঠাৎ হারীত বললো, ‘কী, কঁাদছো নাকি?’

শাস্ত্রী কথাও বললো না, মুখও ফেরালো না।

‘এতই যদি তোমার বাপের বাড়ির টান, তাহ’লে বিয়ে না-করাই তোমার উচিত ছিলো!’

এবারেও কোনো জবাব পেলো না হারীত।

‘Fool!’ এই জোরালো ইংরেজি মনোসিলেবল একবার উচ্চারণ ক’রেই হারীত যেন ট্যাক্সি-ভাড়াটা উশুল ক’রে নিলো।

শাস্ত্রী কঁদছিলেন না ; সোনার দিনটির পরে কালো-হ'য়ে-
 আসা সন্ধ্যাটার কথা ভাবছিলো শুধু। এখন গিয়ে ড্রয়িংরুম
 আলো করতে হবে, হাই চেপে-চেপে হাসতে হবে ; আর ভয়ে-
 ভয়ে থাকতে হবে, পাছে ভুল জায়গায় হেসে ফেলে। যিনি
 আসছেন, ইকনমিক্সে তাঁর মতো পরিকাব মাথা দেশে আর দ্বিতীয়
 নেই—মানে, হারীতের তা-ই মত। বন্ধুদের প্রশংসায় সর্বদাই
 পঞ্চমুখ সে। আর সত্যিও, কত খবর রাখে তারা, কত জানে,
 কত পড়ে, আর কী-কথাটাই বলতে পারে এক-এক জন ! সে-সব
 কথা কিছুই বোঝে না শাস্ত্রী, এমনকি তাদের ঠাট্টা-তামাশায়
 পর্যন্ত তারা নির্দিষ্ট কয়েকজন ছাড়া অন্য কারো হাসি পায় না।
 আরো মুশকিল এই যে দলে কয়েকজন, অবাঙালিও আছে, তাবা
 কেউ এলে কথাবার্তা ইংরেজিতেই চলে, আর শাস্ত্রী যদিও
 সসম্মানে বি. এ. পাশ, তবু ইংরেজিতে কথা বলতে খুবই অসুবিধে
 হয় তার, দুটো-চারটে বাঁধা বুলিব পরেই হাঁপ ধরে। ভদ্রলোকেরা
 সস্ত্রীক এলেও একরকম—মেয়েদের আলাদা হ'য়ে গল্প করা
 নিয়মহিঁশেবে নিষিদ্ধ হ'লেও নিশ্বাস তো ফেলা যায় মাঝে-
 মাঝে—কিন্তু কত দিন এমন হয় যে প্যান্ট-পরা-পরা পুরুষদের
 মধ্যে সে একটামাত্র মেয়ে—উঠে এলে স্বামীর মান যায়, আর
 ব'সে থাকতে তার নিজের প্রাণ। সে ইংরেজি বলতে পারে না, ফার্শিষ্ট
 রাক্ষসরা কোথায় কী-কী মন্দ কাজ করেছে আর করছে, তার লিপিটি

মুখস্থই হ'লো না মোটে ; তারই দোষ এ-সব, লজ্জা করে মনে-মনে, চেষ্টা করে প্রাণপণ ; কিন্তু পরীক্ষার পড়া-তৈরির মতো এই পরিশ্রম ভালো লাগে নাকি বারো মাস ? হারীত আবার আড্ডা ছাড়া টিকতে পারে না ; হয় তাদের কাছে কেউ আসছে, নয় তারা কোথাও যাচ্ছে, প্রত্যেকটি সন্ধ্যা এ-রকম ; এই দু-বছরের মধ্যে, হোক রুষ্টি, হোক অসুখ, এমন-একটা সন্ধ্যা মনে করতে পারে না শাস্ত্রী, যে-সন্ধ্যা তারা দু-জনে নিরিবিলি কাটিয়েছে। প্রথম-প্রথম অভিমান হ'তো তার, রাগ হ'তো, কষ্ট হ'তো...সে-সব পাল্লা পার হ'য়ে এসে এতদিনে ইচ্ছেটাই ম'রে গেছে তার, এখন শুধু মনে হয় কেউ আসুক, অলু-কেউ, কোনো মেয়ে, এমন-কোনো মেয়ে যার সঙ্গে আর-একজন মেয়ে মন খুলে দুটো কথা বলতে পারে। স্বাতীটার দৌড় তো এখনো নভেল পর্যন্তই, ওর বিয়ে হ'লে বেশ হয়—কিন্তু বিয়ের পরে আবার কী-রকম হবে কে জানে।

আজ বড়দির কাছে একটা জীবন পেয়েছিলো সে। পরীক্ষার, নিষ্প্রাণ, বিমর্ষ সিঁড়ি দিয়ে তেতলার ছোট ফ্ল্যাটে উঠতে-উঠতে দু-বার তার নিশ্বাস পড়লো।

পরের দিন সকালে হারীত বললো, 'যাবে নাকি ও-বাড়িতে ?' শাস্ত্রী উদাসভাবে অলুদিকে তাকিয়ে রইলো।

'কী-মুশকিল !' 'কী-টাকে 'খী-র মতো উচ্চারণ ক'রে ব'লে উঠলো হারীত। 'আমিও তো কিছু আশা করতে পারি তোমার কাছে। আফট্রল, তুমি আমার স্ত্রী তো !—নাও, ওঠো।'

'তোমাকে যেতে হবে না—আমি একাই পারবো।'

‘তোমার বড়দি অবশ্য আমাকে যেতে বলেননি, কিন্তু—যাই একটু।’ শাশ্বতী অবাক হ’লো হারীতকে ধুতি-পাজ্জাবি পরতে দেখে।

দিনের যে-কোনো সময়ে রোজই আসে শাশ্বতী, আর রাত দশট্রর আগে যে-কোনো সময়ে হারীত এসে তাকে নিয়ে যায়। বাড়ির দিন-রাত্রির চেহারা বদলে গেলো : স্বাতীর মনে হ’লো তার স্নেহের ছেলেবেলাই বুঝি ফিরে এলো আবার—এমনকি দাদা পর্যন্ত অনেক বেশিক্ষণ বাড়ি থাকে। জামাইবাবুর সঙ্গে ঘন-ঘন গোপন পরামর্শ তার, এক-একবার কথা শেষ ক’রেই বেরিয়ে গিয়ে সে নিয়ে আসে কোনো নাটকের কি সিনেমার এক গোছা টিকিট; দুই ট্যাক্সি বোঝাই হ’য়ে বাড়িসুদ্ধ হৈ-হৈ ক’রে শ্যামবাজারে থিয়েটারে যাওয়া—; কী কাণ্ড, আস্ত একটা রো ভ’রে ফেলেছে তারাই! আর সিনেমা? বাংলা আর হিন্দি তো বাকি রইলো না একটাও, হারীতের অনারে একদিন মেট্রোতেও যাওয়া হ’লো, আর তারপর অবশ্য কলকাতার তখন-তাজ্জবতম লাইটহাউসও বাদ গেলো না। এর পরে যেদিন আলগোছে আবার একটা নাটকের নাম করলো বিজু, হারীত শুনে ফেলে চট ক’রে বললো, ‘বিজ্ঞন, জামাইবাবুকে একবারে ফতুর না-ক’রে ছাড়বে না?’

‘আহা—!’ ঐটুকুতেই, আর মুখ-চোখের ভঙ্গিতেই মনের ভাব ব্যক্ত করলো প্রমথেশ।

‘এ-ক’দিনে শুধু আমোদ-প্রমোদে যা খরচ করলেন’, হারীত হিশেব করলো, ‘তাতে অনেকে এক মাস সংসার চালায়। অনেকে মানে সেই ভাগ্যবান শতকরা চার কি পাঁচজন, যাদের অত বেশি উপার্জন।’

‘তা—তা—’ আমতা-আমতা ক’রে প্রমথেশ হঠাৎ একটা মুক্তি খুঁজে পেলো, ‘নাটক-সিনেমা যারা করে, তাদেরও তো সংসার চলা চাই।’

‘সে-তো ঠিকই!’ হারীত বাঁকা ঠোটে হাসলো। ‘বড়োলোক তার সুখের জন্ম প্রচুর বাজে খরচ ক’রে ব’লেই-না গরিবরা ছু-বেলা দু-মুঠো খেতে পায়।’

‘সুখের জন্ম হ’লে আর বাজে খরচ কেন?’ প্রমথেশের কথাটা শোনালো যেন মাস্টার মশাইর কাছে সুবোধ ছাত্রের প্রশ্ন। ‘টাকা তো সুখের জন্মই—না?’

‘সুখ ভালো, কিন্তু তার চেয়েও ভালো একটু রাশ টেম্বে চলা।’ গভীর প্রত্যয়ের সঙ্গে হারীত বললো কথাটা, আর ব’লেই এক বলক তাকালো স্ত্রীর দিকে;—কিন্তু শাস্ত্রী বিজনের সঙ্গে ব’সে নিচুমুখে দেখছে পারিবারিক ফোটোগ্রাফের অ্যালবাম, কথাটা তার কানে পৌঁছলো না, অন্তত পৌঁছলো ব’লে বোঝা গেলো না। একটু রাগ হ’লো হারীতের;—কেননা শাস্ত্রী যেন ঠিক শিক্ষাটা নিতে পারছে না, না পলিটিক্সে না ডমেষ্টিক ইকনমিতে; এই-তো সেদিন তার কাছে এই অদ্ভুত প্রস্তাব করেছিলো যে ও-বাড়ির সবাইকে নিয়ে তারা যদি একদিন কোন্সে সিনেমা-টিনেমায়—কথা অবশ্য শেষ করতে পারেনি, হারীত আন্ধেকেই কেটে দিয়েছিলো ‘পাগল!’ ব’লে, কিন্তু শাস্ত্রী প্রশ্ন করতেও ছাড়েনি, ‘পাগল কেন?’ ‘আমার কি অত টাকা আছে?’ ‘কত আর লাগে’, তবু তর্ক করেছিলো স্ত্রী, ‘আর এত যাচ্ছি জামাইবাবুর সঙ্গে—’ ‘তাহ’লে আমি বলবো

না-যাওয়াই তোমার উচিত ছিলো—নিজের অবস্থা তো জানো।’
‘কেন, অবস্থা এমন মন্দ কী আমাদের?’ ‘তোমার ইচ্ছেমতো চললেই
মন্দ হবে।’ এর উত্তরে শাস্ত্রীর আব কথা ফোটেনি।

আহত হয়েছিলো শাস্ত্রী, কিন্তু উপায় কী, নিয়মটা
ঠিক-ঠিক মেনে নিলেই এ-সব মন-জ্বলুনি আব হয় না। মাইনেব
সিকি ভাগ নিভুল নিয়মে জমিয়ে, যাচ্ছে হারীত, মাসেব
শেষে টানাটানি হ’লে দশটা টাকা বরং ধাব করে, কিন্তু
ব্যাঙ্কে হাত দেয না; পাছে হঠাৎ খামকা কিছু খরচ হ’য়ে যায়,
সে-ভয়ে চেকবই-ই আনে না বাড়িতে। প্রমথেশেব খবচেব হাত
দেখে তার ভিবিমি লাগবাব দশা।

‘একটু রাশ টেনে...না?’ কথাটা যেন মনে লাগলো প্রমথেশের।
আমিও তো ভাবি তা-ই, কিন্তু হ’য়ে ওঠে না হে। ছাখো তো—
ছেলেপুলে—এত বড়ো সংসার—’

‘দুর্দিন আসছে, ঘোর দুর্দিন!’ হারীতের মুখ-চোখেব চেহারা
এমন হ’লো যে দেখে প্রায় ভয় করে।

‘কেন?’ উৎকণ্ঠিত হ’য়ে জানতে চাইলো প্রমথেশ।

কেন? জিগেস করছে কেন! উঃ, এমন মানুষও আছে
এখনো!—আর আছে ব’লেই তো দেশের এ-দুর্দশা! সংক্ষেপে
উত্তর দিলো হারীত : ‘যুদ্ধ।’

‘যুদ্ধ তো কত হাজার মাইল দূবে—তাতে আমাদের কী?’

হারীত দাঁতে দাঁত চেপে বললো : ‘সেটা আমার মুখে
না-শুনে বোমাব আওয়াজেই শুনবেন শিগগির।’

‘জ্যা!’ প্রমথেশের চোখ কপালে উঠলো। ‘বোমা!’

অত দূর থেকে বোমা ফেলবে হিটলার ! তা হবে—হিটু আমাদের সব পারে ! কী-পিটুনিটাই পেটাচ্ছে আমাদের কর্তাদের—ঐ্যা !’ খুশিতে প্রমথেশের পান-খাওয়া রং-ধরা দাঁত প্রত্যেকটি বেরিয়ে পড়লো ।

ফাশিস্ট ! পুরো ফাশিস্ট ! হারীত ঝাঁকে লাফিয়ে উঠলো চেয়ার ছেড়ে । কিন্তু প্রমথেশ কিছুই বুঝলো না, হাসতে-হাসতেই আবার বললো : ‘তা কথাটা তুমি ঠিক বলেছো, হারীত । দিনকাল ভালো না ।’

‘আপনাদের কী !’ কী-রকম একটা প্রতিহিংসার রঙে হারীতের মুখ লাল হ’য়ে উঠলো । ‘জমিদার মানুষ !’

‘আর জমিদারি !’ প্রমথেশ নিশ্বাস ছাড়লো । ‘ও এখন গেলেই বাঁচি । কিন্তু কথাটা কী—অভ্যেস ফেরানো তো সোজা না, আর আছে যদি, খরচ-টরচ ক’রেই যাই—ভালো লাগে তাতে তো সন্দেহ নেই ।’

না, তাতে আর সন্দেহ কী । শুধু কি নাটক-সিনেমা, বাজার নিয়ে শ্বশুরের সঙ্গে রীতিমতো একটা প্রতিযোগিতা লাগিয়ে দিয়েছে প্রমথেশ । রাজেনবাবু বাঁধাকপি এনেছেন, প্রমথেশ আনলো বড়োবাজার থেকে এক বুড়ি ফুলকপি—এইটুকু-টুকু, ঢাকা-ঢাকা দাম । মুরগি আনলেন রাজেনবাবু, পরের দিনই প্রমথেশের আনা চাই হগ-সায়েরের বাজারের সব-সেরা মটন, সঙ্গে টাটকা সবুজ মটরশুঁটি আর আপেলের মতো বড়ো-বড়ো টুকটুকে লাল টম্যাটো । রাজেনবাবু কি ঢাকাই অমৃতি এনেছেন ? তাহ’লে আর

কথা কী—প্রমথেশ ছুটলো শেয়ালদার কাছে কোন-এক খাশ-
ঢাকাই ময়রার কাছে পাঁচ সের প্রাণহরার ফরমাশ নিয়ে। কিন্তু
কালীপুজোর দিন একেবারে বাজি মাং ক’রে দিলো সে, যখন
বেল- বারোটীর সময় ঘামতে-ঘামতে হাঁপাতে-হাঁপাতে বাড়ি
ফিরলো, আর তার চাকর এনে রান্নাঘরের সামনে নামালো
পায়ে-দড়ি-বাঁধা মস্ত একটা চিং-হওয়া কচ্ছপ।

দেখে স্বাতীর চক্ষুস্থির। ছুটে কাছে গিয়ে, কিন্তু বেশি কাছে
না-গিয়ে, বললো, ‘ও মা! এটা কী?’

‘কচ্ছপ’, ঘাড় মুছতে-মুছতে প্রমথেশ বললো। ‘কচ্ছপ ছাখোনি
কোনোদিন?’

‘কচ্ছপ কেন? কী হবে?’

‘কী হবে?’ প্রমথেশ হাসলো একটু, ‘খাবে।’

‘খাবো!’ স্বাতী তাজ্জব বনলো।

‘খাওনি বুঝি কোনোদিন? কী ক’রেই বা খাবে—কলকাতায়
সব পাওয়া যায়, কিন্তু এ-জিনিশ না! মাঝে-মাঝে কাছিম
ওঠে, জা-ই নিয়েই ছলছুল! আরে কাছিমের মাংস তো বাতের
ওষুধ, ও আবার মানুষে খায় নাকি! এ একেবারে আসল কচ্ছপ—
কালী-কচ্ছপ—আমরা বলি কাউঠা, নাম শোনেনি কলকাতাব
বাবুরা! মুরগি-মটন যা-ই বলো, এ-রকম মাংস আর হয় না।’
কচ্ছপের বিবরণ শেষ ক’রে এঞ্জিনের মতো হাঁপাতে লাগলো
মস্ত মোটা প্রমথেশ।

‘পেলে কোথায়?’ জিগেস করলেন রাজেনবাবু।

বিজয়ীর হাসি খেলে গেলো প্রমথেশের চোখে-মুখে।—

‘তা একটু চেফ্টা না-করলে কি হয় এ-সব ! আমার এক প্রজা আছে বৈঠকখানার বাজারে, তার শ্বশুরবাড়ি কুমিল্লায় নবিনগরে, তাকে পাঠিয়ে—’

‘অ্যা ! কুমিল্লায় লোক পাঠিয়েছো এ-জন্য ?’

‘ভালো তো ! তারও শ্বশুরবাড়ি বেড়ানো হ’লো, আমাদেরও কলকাতায় ব’সে কার্তিক মাসের নবিনগরি কাউঠা খাওয়া—মন্দ কী !’

‘পারোও তুমি, প্রমথেশ !’ রাজেনবাবু মুখে হাত চেপে হাসতে লাগলেন ।

শ্বশুরের দিকে মিটিমিটি একটু তাকিয়ে প্রমথেশ বললো : ‘আমারও অনেকদিন খাওয়া হয় না, আর আপনিও ভালোবাসেন—’

‘বেশ—বেশ করেছে—’ কচ্ছপের পর্যবেক্ষণ শেষ ক’রে খেতা বললো এতক্ষণে । ‘খুব ভালো—খুব তেল হবে ! অনুকূল, মারতে পারবি তো রে ?’

প্রমথেশের খাশ চাকর অনুকূল হাতে হাত ঘ’ষে জবাব দিলো, ‘খুব পারবো, মা, ঠিক পারবো, আপনি ভাববেন না ।’

‘ইশ্শ্শ্শ্শ্ !’ স্বাতী শব্দ ক’রে উঠলো, ‘ওকে মেরে খাবো আমরা ! কী বিল্লী !’

‘আর-সব মাছ-মাংস বুঝি না-মেরেই খাও ?’ প্রমথেশ হাসলো ।

‘আহা’, খেতা তাড়াতাড়ি বললো, ‘তাই ব’লে চোখের উপর দেখতে-তো খারাপ লাগে ! আর যা ক’রে মারতে হয় এদের—’ কচ্ছপের শাদা-কালো অসহায় বুকটায় স্নেহে একটু হাত বুলোলো খেতা, অনুকূলের দিকে তাকিয়ে বললো, ‘বাইরে থেকে মেরে আনবি, ‘বুঝলি ?’

হুকুম পেলে অনুকূল তক্ষুনি কাজে লেগে যায়, কিন্তু হাবীতেব
আবার আপিশ খুলে গেছে, তাই অপেক্ষা করতে হ'লো পবেব
রবিবার পর্যন্ত। প্রমথেশ নিজে দাঁড়িয়ে কচ্ছপ-বধেব তদাবক
কবর্তে লাগলো; গ্রাব শ্বেতা বান্না কবলো বেশ-একটু সমাবাহ
ক'রেই। কিন্তু খেতে ব'সে স্পেশাল নিমন্ত্রিতটি হাত গুটিয়ে নিলো।

‘খাও !’

‘না।’

‘আবে খাও, খাও !’ প্রমথেশ ওকানতি কবলো। ‘কাছিম না—
কচ্ছপ, কাউঠা। আসল কাউঠা ! খেয়েই ছাখো।’

‘নাও, খাও !’ বাটিব গায়ে হাতেব উল্টো পিঠ ঠেকিয়ে তাপ
অনুভব করল শ্বেতা ; একটু ঠেলে দিয়ে বাটিটা ঠেকিয়ে দিলো
হারীতেব থালায়।

‘আঃ, চমৎকাব ! কী তেল ! কী ডিম ! আব বান্নাও খুব
ভালো হয়েছে !’ প্রমথেশ উচ্ছ্বসিত। ,

‘একটু খেয়ে দেখলে পাবো’, বাজেনবাবুব মুহূ মিনতি।

ঝকঝকে কাঁসার বাটিতে তেল-ঝোলে টুকটুকে লাল পদার্থটাব
দিকে তাকিয়ে হাবীত আবাব সুদূত স্তম্ভক একটি ‘না’ উচ্চারণ
করলো।

‘একটু—একটু মুখে দিয়ে ছাখো ! যদি ভালো না লাগে
আর খেয়ো না।—একটু !’ শ্বেতা উপুড় হ'য়ে পড়লো
পাতের উপর, পাবলে আঙুল দিয়ে তুলে মুখে গুঁজে
দেয়। দু-তিন মিনিট ধ'রে একটা ঝুলোঝুলি চললো
রীতিমতো।

‘খেলে না তো কিছুতেই!’ শ্বেতা ফেল হ’য়ে কেঁদে ফেললো প্রায়।

‘খুব-তো তোমার মনের জোর হে! এত ক’রে বললাম সবাই—’ তার ‘কাউঠা’র এই অভাবনীয় অবমাননায় একটু আঘাতই লাগলো প্রমথেশের মনে।

‘সব রকম জানোয়ার কি খাওয়া যায়!’ বাঁ হাতে প্লেট ধ’রে টম্যাটোর চাটনি একটুখানি ঢেলে নিলো হারীত।

‘সে-তো ঠিকই!’ প্রমথেশ মাথা নেড়ে তক্ষুনি সায় দিলো। ‘আচ্ছা, বিলেতে নাকি ব্যাং-ট্যাং খায়? সত্যি?’

‘সে আলাদা এক রকমের এডিবল ফ্রগ,’ উত্তর দিলো বিলেত-ফেরৎ।

‘এটাও তো বেশ এডিবল মনে হচ্ছে আমার,’ একটু মাংস, একটু ডিম আর খানিকটা চর্বি একসঙ্গে মুখে দিলো প্রমথেশ। এ-গাল থেকে ও-গালে বদলি ক’রে বললো, ‘বুঝলে হারীত, মাংস আমি প্রায় কিছুই বাকি’ রাখিনি, শুধু ঐ ব্যাংটা চেখে দেখা হ’লো না, এই একটা আপশোষ র’য়ে গেলো হে। ভালো? তুমি খেয়েছো?’

সে-কথার জবাব না-দিয়ে হারীত বললো, ‘আপনার কিন্তু মাছ-মাংস বেশি খাওয়া ঠিক না।’

‘মাছ-মাংস বাদ দিলে আর রইলো কী?’

তা ব্লাড-প্রেসার বাড়লে খাওয়া কমানো ছাড়া আর উপায় কী?’

‘আরে ও-সব ডাক্তারদের বুজরুকি। ওদের কথামতো চলতে হ’লে না-খেয়ে মরতে হয়। তার চেয়ে খেয়ে মরাই ভালো।’ বাটির বাকি মাংসটুকু প্রমথেশ টেঁছে-পুছে ঢেলে নিলো। ‘তোমার

হ'য়ে গেলো, হারীত ? সত্যি, তোমার সঙ্গে ব'সে খেতে লজ্জাই করে আমাদের। শাশ্বতী, মাংস খেলে ? স্বাতী, কেমন লাগলো ?

‘খুব ভালো।’ সোৎসাহে জবাব দিলো স্বাতী। হারীতদা যখন কিছুতেই মাংস খেলেন না, তখন বড়দির জন্ম কষ্টই লাগছিলো তার, জামাইবাবুর জন্মও—তঁার জন্মই বেশি। বেশ মানুষ—যদিও অবিকল কার্তিকের মতো গোঁফ আর মাঝখান দিয়ে সিঁথি-করা ঘন কৌকড়া চুল, আর যদিও জামা খুলে হাঁটুর কাছে কাপড় তুলে বসেন, আর খাবার সময় বড্ড শব্দ ক'রে চিবোন—তবু বেশ, কেমন আপন লাগে, কেমন মমতা হয়। খাবার পবে স্বাতী জামাইবাবুর কাছেই বসলো, তাঁর ডিবে থেকে পান খেলো, কবে একবার দশ বছর আগে তিনি গাবো পাহাড়ে শিকাবে গিয়েছিলেন, তার গল্প শুনলো যতক্ষণ-না তিনি নাক ডাকাতে লাগলেন। তাবপর উঠে এলো বসবার ঘরে, যেখানে মেঝেতে পাটি পেতে বড়দি শুয়েছেন তাঁর কোলেরটিকে নিয়ে, আব বাবা ইজি-চেয়াবে বিমুচ্ছেন।

সে ঘরে ঢুকতেই বড়দি বললেন, ‘স্বাতী, তোব চিঠি।’ বালিশের তলা থেকে একটি ঘন-নীল খাম বের ক'রে হাতে দিলেন তার। স্বাতী দেখলো খামের উপর সুন্দর হাতের লেখায় জ্বলজ্বল করছে তার নাম। এ-লেখা সে কি চেনে ? কে লিখলো ? খাম খুলে স্বাতী আগে দেখে নিলো চিঠির তলায় নামটা : সত্যেন রায়। একটু লাল হ'য়ে উঠলো মুখ, আর সেটা বুঝতে পেরে কাগজটা মুখের সামনে মেলে চিঠি পড়তে লাগলো। পড়া হ'লো না ; শুধু উপর-উপর একবার দেখে নিয়ে বললো, ‘বাবা, সত্যেনবাবু চিঠি লিখেছেন।’

ঘুম-ঘুম গলায় রাজেনবাবু জবাব দিলেন, ‘কী লিখেছে?’

‘এই-যে ছাখো—’ স্বাতী চিঠি-ধরা হাত বাড়িয়ে দিলো, কিন্তু রাজেনবাবু বললেন, ‘কী? ভালো আছে তো?’

‘হ্যাঁ—তোমার কথাও লিখেছেন—’

‘কে রে সত্যেনবাবু?’ জিগেস করলো খেতা।

‘আমার এক প্রোফেসর।’

‘প্রোফেসর! প্রোফেসররা চিঠি লেখে তোকে! আর চিঠিও লম্বা! তাদের সমান-সমানই হয়েছিস বুঝি বিদ্যায়?’ বালিশে কনুই চেপে, হাতের উপর মাথা রেখে, বাচ্চাকে বুকের দুধ দিতে দিতে-দিতে, স্নেহে সগর্বে বোনের দিকে তাকালো খেতা।

‘বড়দির কথা!’ স্বাতী একটু এঁকে-বেঁকে সেখান থেকে পালালো। এসে বসলো বাড়ির ভিতরদিকের বারান্দার সিঁড়িতে। চুপচাপ; রান্নাঘরের বিকেলের পাট শুরু হয়নি এখনো; ঠাণ্ডা-ঠাণ্ডা হাওয়া দিচ্ছে কার্তিক মাসের বেলা-চারটের। কপালের চুল সরিয়ে চোখ নিচু করলো কাগজে।

‘স্বাতী,

খুব ঘুরলাম। দশমীতে নৌকো চড়লাম কাশীর গঙ্গায়, পূর্ণিমায় তাজমহল, দিল্লিতে দেয়ালি;—আর ফাঁকে-ফাঁকে ফতেপুর সিক্রিতে একবেলা, জয়পুরে দু-দিন, লক্ষ্ণৌ, এলাহাবাদ, পাটনা—সব শেষ ক’রে ফিরতি পথে এসেছি শান্তিনিকেতনে। কাগজে দেখলাম রবীন্দ্র-নাথের খবর—সোজা চ’লে এলাম—না-এসে পারলাম না। কঠিন পীড়া; দেখা হবার আশা নেই। সোনার তরী

ভেসে চলেছে আলোৰ নদী বেয়ে অন্ধকাৰেৰ দিকে ।—
কিন্তু সেটাই হয়তো আৰো বডো আলোৰ সমুদ্ৰ ।

কবি যদিও দেহযন্ত্ৰণায় বন্দী, তবু তেমনি সুন্দৰ
শবৎকালেৰ শান্তিনিকেতন । একটু নিষ্ঠুৰ লাগে, না ?
কিন্তু এই-তো ঠিক, এব গানই তো কবি গেযেছেন জীবন
ভ'বে । শুধু ৰবীন্দ্ৰনাথ নন, সব কবি, পৃথিবীৰ সব কবি ।
পৃথিবী সুন্দৰ, জীবন ভালো, এ ছাড়া আৰ-কী কথা
আছে, বুলো তো ?

নানা দেশ যুবে, নানা দৃশ্য দেখে এখানে এসে কী-বকম
লাগছে, জানো ? যেন জমকালো নেমন্তন্ন খেয়ে নিজৰ
ছোট ঘৰটিতে ফিবে শুয়ে পড়েছি । শান্তিনিকেতনে
এলেই বাড়ি-বাড়ি লাগে আমাৰ—এখানে আমি স্কুলে
পড়েছি, মাস্টাৰিও ক'বে গেছি তিন মাস—এখন ছুটিৰ
সময় কেউ নেই ব'লে তুমি কি ভাবছো অভ্যর্থনায়
ক্ৰটি হয়েছে কোনো ? না ! আকাশ নীল, কাশৰন
শাদা, সাবাদিন বোদুব, আৰ সন্ধেবেলা একটু-উকি চাঁদ,
আৰ চাঁদেৰ পৰে হাজাৰ তাৰা হাজিৰ ; যত ৰাত বাড়ে, তত
তাৰেৰ আলো ছড়িয়ে পড়ে অতি সূক্ষ্ম ধুলোৰ মতো ।
এ-সব আশ্চৰ্য দৃশ্য দেখবাৰ জন্তু বাত কাটাতে হয় না বেলেৰ
স্টেশনে, দিন কাটাতে হয় না টঙ্কায ; শুধু একটুখানি
চুপ ক'বে থাকতে হয় । সেই চুপ ক'বে থাকোঁটা নিজৰ
মধ্যে বানিয়ে নিতে পাৰলে আৰ ভাবনা কী—কিন্তু ক-জন
পারে তা ? বাইবেটা চুপ না-হ'লে নিজৰা চুপ হ'তে
পাৰি না আমবা, তাই মাঝে-মাঝে আমাদেৰ আসতেই
হয় এইৰকম কোথাও, যেখানে চাৰদিক খোলা, চাৰদিক
চুপ ।—আশ্চৰ্য চুপ । এত শব্দহীন যে প্রজাপতি
ওড়ার শব্দ শুনতে পাবো মনে হয় ।—তাই ব'লে কি

সবই চুপ ? না তো ! গাছের তলায় স্টেজ খাটিয়ে
এইমাত্র হো-হো ক'রে লাফিয়ে পড়লো একদল বাচ্চা
তীরন্দাজ, চেষ্টায়ে উঠলো ডালপালা, গাছের বুঁটি ধ'রে
ঝাঁকুনি দিয়ে দৌড়ে পালিয়ে গেলো উত্তুরে হাওয়া,
শীতের চিঠি এসে পৌঁছলো ।

ঐ ছাখো, নিজের ভালো লাগার মধ্যেই ডুবে আছি ;
এই ভালো লাগা শিখেছি যঁর কাছে, তাঁর রোগশয্যা
আমার দিন তো মলিন হ'লো না একটুও । মানুষ ভারি
স্বার্থপর—কী বলো ? ব'সে থেকে-থেকে এক-এক সময়
ঝিমুনি আসে ; তখন মনে করবার চেষ্টা করি যে
এ-ই সব নয় : কলকাতা আছে, কাজ আছে, যুদ্ধের
খবর আছে, টেস্ট পবীক্ষার খাতা দেখা আছে । ইঠাৎ
একটু খারাপও লাগে মনটা : পৃথিবীর কাছে আমার যা
পাওনা, আমি তার বেশি আদায় ক'রে নিচ্ছি না তো ?
এই-যে পাকা ফলের মতো এক-একটি দিন সূর্যের
সোনার গাছ থেকে ক'রে-ক'রে পড়ছে, এ কি আমার
জন্ম ? আমি তো কবি নই, আমি তো ফিরিয়ে দিতে
পারি না !—কিন্তু সে-কথাই বা কেন ? আমার-যে
ভালো লাগে, তাব কি কোনো মূল্য নেই ? বলতে পারি না
ব'লে আমার ভালোবাসা কি মিথ্যা ?

তুমি কেমন আছো, কী করছো ? নিশ্চয়ই খুব ভালো
আছো, নিশ্চয়ই খুব আনন্দের কাটালে ছুটিটা ? গিয়ে সব
শুনবো । তার আগে একটা চিঠি লিখতে পারো ইচ্ছে
করলে—এখানে আছি আরো ক'টা দিন—আর কী, ছুটি-তো
হ'য়ে এলো ।

তোমার বাবাকে আমার কথা বোলো ।

সত্যেন রায়'

পড়া শেষ ক'রে চিঠিখানার দিকে তাকিয়ে রইলো স্বাতী । একটি বড়ো কাগজের এপিঠ-ওপিঠ লেখা : শেষেব দিকে অক্ষরগুলোর ঘেঁষাঘেঁষি, কাগজ যেই ফুরুলো, অমনি চিঠিও শেষ—আহা—আর-একটা পাতা যেন আর লেখা যেতো না ! কাগজটা উল্টিয়ে আবাব পড়তে লাগলো আন্তে-আন্তে ; মনটা যেন কেমন হ'য়ে গেলো তার । এতদিনের মধ্যে একবারও তো তার মনে পড়েনি সত্যেন রায়ের কথা ; যাবার আগে যে-বই ক'খানা উনি রেখে গিয়েছিলেন তাও তেমনই প'ড়ে আছে—বড়দি আসার আনন্দে আব-সবই ভুলে গিয়েছিলো । তা উনিও তো মন্দ আনন্দে নেই ; খুব-তো দিল্লি-হিল্লি কবলেন, তাবপর শান্তিনিকেতনে এসে চাঁদ-তারার দৃশ্য দেখছেন । ওখানে কিনা লোকজন কেউ নেই, কিছু করবার নেই, তাই নেহাৎই খানিকটা সময় কাটাবার জন্য চিঠি লিখলেন একখানা ! রাগ হ'লো স্বাতীর, হিংসে হ'লো সত্যেন রায়কে ; কেমন ইচ্ছেমতো যেখানে-সেখানে ঘুরে বেড়াচ্ছেন—কী স্বাধীন, কী সুখী ! আর নিজের কথা সাত কাহন লিখে শেষটার শুকনো একটু ভালো আছো তো ! আছিই তো, খুব ভালো আছি, খুবই আনন্দে আছি ; সকলের আনন্দ তো আর একরকম নয় পৃথিবীতে । একরকম নয়, কিন্তু—আর এটাই স্বাতীর খারাপ লাগলো সবচেয়ে—সত্যেন রায়ের চিঠিতে সে যেন এ-কথাই পড়লো যে সে যা নিয়ে মেতে আছে—এই সব খাওয়া-দাওয়া, সিনেমা-থিয়েটার, হাসিগল্প, এগুলি ভালোই—কিন্তু ছেলেমানুষি ভালো । কেন, ছেলেমানুষি কেন ?—আর সে কি এখনো ছেলেমানুষ ?

নীল কাগজটি কোলের উপর ফেলে স্বাতী ভাবতে লাগলো : আমি কি এখনো ছেলেমানুষ ? তাকিয়ে দেখলো, দুটো কাক বসেছে

রাস্তার গাছের ডালে—ভারি সুন্দর তো ! সবুজের মধ্যে কালো, আর
কাঁকে-কাঁকে রোদের হলদে—মানিয়েছে ! এখানেও তো আকাশ নীল,
গাছ সবুজ, রোদের রং সোনার মতো—তাহ'লে আর অন্য কোথাও
যাওয়া কেন ? অন্য কোথাও ! অন্য কোথাও মানে তো অন্য দেশ
নয়, অন্য-এক—কী ? কী, তা জানে না, শুধু মনে হয় যে খেয়ে, সেজে,
বেড়িয়ে, ফুটি ক'রে সবচেয়ে বেশি যা ভালো লাগতে পারে, তার চেয়েও
অনেক বেশি ভালো লাগা আছে সেখানে, সে-ভালো-লাগার যেন
শেষ নেই—কিন্তু সে ছেলেমানুষ, সে তার কী জানে ?—জানে না ?
যখন গান শোনে, যখন আশ্চর্য কোনো বই পড়ে, যখন হঠাৎ তাকিয়ে
জ্বাখে সবুজের কাঁকে সোনা, আর সবুজের মধ্যে কালো ?

‘কী করছিস রে, স্বাতী ?’

তাকিয়ে দেখলো, ছোড়দি। এইমাত্র উঠে এলো ঘুম থেকে,
মুখ ফোলা-ফোলা, ঢিলে-ঢোলা কাপড়, পিঠে লোটানো এলোমেলো
চুল স্বগন্ধ দিচ্ছে। পাশে ব'সে প'ড়ে শাস্তী বললো, ‘চিঠি নাকি ?
কার ?’

স্বাতী জবাব দিলো, ‘আমার।’

‘লিখেছে কে ?’

‘তোমাকে বলেছিলাম-না সত্যেন রায়ের কথা—’ স্বাতী চিঠিটা
খামে ভরতে লাগলো।

‘সেই-যে প্রোফেসর ? সে লিখেছে ? দেখি !’ স্বাতীর কোল থেকে
খপ ক'রে খামটা তুলে নিলো শাস্তী। ‘স্বাতী, এক কাজ কর না,
একটু তেঁতুলের আচার নিয়ে আয় বড়দির ঘর থেকে।...ব'সে
আছিস কেন ? যা !’

স্বাতী উঠলো, জোগান দিলো ছোড়দিব ঘুম-ভাঙা জিভ-নাড়ার ।
ডান হাতের আঙুলে পুরু ক'বে আচাব লাগিয়ে যথোচিত শব্দ ক'বে-
ক'রে খেতে-খেতে বাঁ হাতে চিঠিটা হাঁটুর উপর চেপে ধরলো শাশ্বতী ।
স্বাতী উদ্বিগ্ন চোখে তাকিয়ে থাকলো ছোড়দিব হাতের দিকে : এই
বুঝি এক ফোঁটা আচাব পড়লো চিঠির গায়ে ।

চিঠি ফেরৎ দিয়ে শাশ্বতী বললো, 'এ-সব ভাবেব কথা তোকে
লিখেছে কেন ?'

'তবে আর কাকে লিখবেন', গম্ভীবভাবে জবাব দিলো স্বাতী ।

'কেন রে ?' শাশ্বতী হাসলো । 'আব কেউ নেই ওঁব চিঠি
লেখাব ?'

'আছে হয়তো—কিন্তু এ-সব ভাবেব কথা ভালো লাগবে কি
আর কারো ?' স্বাতী হাসলো ।

'ওবে বাবা !—খুব ভালো আচাবটা, না বে ? বডদি পাবেও !
তুই খাচ্ছিস না ?'

'না ছোড়দি ; বড চিটচিটে হ'য়ে যায আঙুল ।'

'যা বোকা !' স্বাতী'ব এই বোকামি শাশ্বতী যেন হাসিমুখেই মেনে
নিলো ; বিস্মী সাহায্যেই সবটুকু আচাব তুলে দিলো ক'য়ক মিনিটে ।

সন্দের পরে, আবছা অন্ধকাবে, সেই বারান্দাতেই পাটি পেতে
ব'সে খেতা গুনগুন ক'রে কথা বলছিলো বাবাব সঙ্গে, আব স্বাতী
ব'সে ছিলো চুপ ক'রে দেয়ালে মাথা ঠেকিয়ে । শাশ্বতী চ'লে গেছে,
প্রমথেশ বেরিয়েছে আতা তাতা ছোটনকে নিয়ে টাকায় আটখানা ছবি
তোলাতে ; অনেক হৈ-চৈ, অনেক ফুতির পর হঠাৎ কেমন-একটা
ঘুম-ঘুম ঠাণ্ডা নেমেছে বাড়িতে, যেন কারুরই কিছু আর করবার নেই ।

আর সত্যিও তা-ই ; ও-বেলা এত রান্না হয়েছিলো যে এ-বেলা উন্মুখ
ধরাতে হ'লো শুধু দুটো ভাত ফোটাবার জন্য ; বড়দির নেহাৎ-
বাচ্চাটি, যে রোজ এই সময়টাকে টেঁচিরে সরগরম রাখে, সে নিজের
নিজেরই ঘুমিয়ে পড়েছে হঠাৎ ; ফাঁক পেয়ে রামেব মা এখনই বিছানা
ক'রে রাখছে ঘরে-ঘরে, যেন ঘরে-ঘরে হাতে ধ'রে এগিয়ে আনছে
রান্ধিরটাকে । সন্ধেবেলাটা যেন মন-কেমন-করা—এমনিতেই স্বাতীর
মনে হয়—যেন মন-খারাপ-করা ; যখন আলো নিবে যায়, আবার
অন্ধকারও ফোটে না, সেই ছাইরঙের ছায়া-ঝরা সময়টায় কে যেন
কাকে ছেড়ে চ'লে যায় চিবকালের মতো—একলা থাকলেই কান্না
পায় স্বাতীর, তবু ভাগ্যিশ ইলেকট্রিক আলো আছে, আকাশ-ভরা
ছায়ার কান্নাকে ঘর থেকে ঝেঁটিয়ে বের ক'রে দেয় আলাদিনের আশ্চর্য
প্রদীপ ।

কিন্তু বারান্দায় আলো জ্বালা হয়নি, পরদার ফাঁক দিয়ে ঘরের
আলো একটি-দুটি লাইন টেনে দিয়েছে বাবার পায়ের কাছে, আর
স্বাতী যদিকে মুখ ক'রে বসেছে, আকাশের ঠিক সেখানটায়, ঠিক
তার চোখের সামনে দপদপ করছে মস্ত সবুজ একলা একটা তারা—
এই সন্ধ্যাতারা ?—পৃথিবীর এত লোকের মধ্যে যেন তারই দিকে
তাকিয়ে আছে আকাশের পল্লক-না-পড়া-চোখ । মানুষের চোখ যখন
জলে ভ'রে-ভ'রে ওঠে, এ-তারা যেন সেই রকম, এত পরিষ্কার যে জল
দিয়েই বানানো মনে হয়, ঠিক যেন আকাশের গায়ে লেগে নেই, একটু
স'রে এসেছে, একুনি গ'লে প'ড়ে যাবে, যেমন চোখের জল উপচে পড়ে
মানুষের চোখ থেকে মুখে ।...হঠাৎ, সে বুঝলো না, কেমন ক'রে,
কী হ'লো জানলো না, খুব সহজে, একটুও কষ্ট না-দিয়ে দু-কোঁটা জল

পড়লো স্বাতীর চোখ থেকে—কী-রকম চুপচাপ, আর বাপসা কুয়াশা, কেমন-একটা ঠাণ্ডা রং-ছাড়া মন-মরা সন্ধ্যা, ঠিক যেন শীত—তা শীত তো এলো, আর শীত এলো ব'লে মন-খারাপ করবার কী আছে, কান্দবার হয়েছে কী? নিজেরই হাসি পেলো স্বাতীর—ভাগ্যিশ অন্ধকার, কেউ দেখতে পায়নি—আর আকাশের ঐ তারাটা কী মজার দেখাচ্ছে চোখের জলের ভিতর দিয়ে! আঁচলে মুছে চোখ ফিরিয়ে আনলো স্বাতী, কান পাতলো কথাবার্তায়।

বাবা বলছেন : ‘তোরা তাহ’লে শুকুরবারেই যাবি?’

‘হ্যাঁ বাবা—কোর্ট খুলে গেছে ঠুঁব—আর অনেক দিন তো থাকা হ’লো।’

বড়দি চ’লে যাবে? এই শুকুরবারেই?...বাঃ, যাবে না? যেতে তো হবেই। হবেই? হ্যাঁ, হবেই তো।...কেমন লাগে না-জানি। প্রথম ছেড়ে যেতে কেমন লাগে? আর তারপরে? আরো তারপবে?...কী-অদ্ভুত মেয়েদের এই দুই জীবন, তারা জন্ম নেয় ছেড়ে যাবার জন্ত, আর ঐ ছেড়ে যাওয়াটাই তাদের সব পাওয়া।...বড়দির নিশ্চয়ই খুব খারাপ লাগছে যেতে, আরো খারাপ লাগছে বাবার—কিন্তু তাই ব’লে বড়দি তো বললেন না, ‘আচ্ছা থাক, আরো ক-দিন থেকে যাই।’

বড়দি বললেন, ‘পেনশনের আর কত দেরি তোমার?’

‘দেরি আর কোথায়। একটা বছর কোনোরকমে কাটাতে পারলেই হ’য়ে যায়।’

‘কত কাল চাকরি করলে—অ্যাঁ!...আচ্ছা, কী-রকম একটা গলিতে আমরা ছিলুম না একবাব?’

‘মনে আছে তোর শাখারিপাড়ার কথা? তখন তো তুই এক ফৌটা!’

‘আমার যেন আবছা-আবছা মনে পড়ে তুমি আঁপিশে যেতে, আর রোজ আমি তোমার সঙ্গে যাবার জন্য কাঁদতুম। একদিন প’ড়ে গিয়েছিলুম সিঁড়ি দিয়ে, না?’

‘বাবাঃ! খুব-তো মনে আছে তোর!’

একটু চুপ ক’রে থেকে বড়দি বললেন, ‘জীবন ভ’রে কম তো কবলে না; এবারে পেনশন নিয়ে কিন্তু একেবারে ছুটি।’

‘নাকি?’

‘নাকি মানে? আর তোমাকে কিছু করতে দেবো না আমরা। প্রথমেই আমার কাছে গিয়ে থাকবে কয়েক মাস।’

‘বে—শ!’

‘শুধু বললে হবে না সত্যি গিয়ে থাকতে হবে। এর মধ্যে বিজুকে কোনো কাজে-কর্মে ঢুকিয়ে দাও একটু চেষ্টা ক’রে।’

‘দেখি।’

‘পড়াশুনো ওর হ’লো না ব’লে আর-যে কিছু হবে না তা কি বলা যায়?’ বাবাকে উৎসাহ দিলেন বড়দি।

‘হ’লেই ভালো।’ বেশি উৎসাহ কিন্তু লাগলো না বাবার গলায়।

‘আর-একটা কথা তোমাকে বলি, বাবা’, বোনের দিকে এক পলক তাকিয়ে মুখ টিপে একটু হাসলেন বড়দি। ‘স্বাতীও আব দেরি কোবো না।’

‘কিসেব?’ বাবা যেন চকিত হলেন।

‘ওব এবাব বিয়ে হওয়াই তা ভালো।’

বাবা জবাব দিলেন না। ছায়া পড়লো তাঁর মুখে, স্বাতী অন্ধকারেও দেখতে পেলো।

‘কী রে? স্বাতী?’ বড়দি মুখ ফেরালেন তার দিকে। ‘ঠিক না?’

স্বাতী-গৌট কামড়ে উঠে দাঁড়ালো। বড়দি ঠাট্টা করলেন, ‘আরে বোস, বোস। অমন এলোকেশে উদাস চোখে চ’লে যেতে হবে না। এখন কি আর সে-দিন আছে নাকি যে—’ কিন্তু স্বাতী শেষ পর্যন্ত শোনবার জন্ম দাঁড়ালো না, ঘরে চ’লে গেলো।

কাঁপা-কাঁপা পরদার দিকে তাকিয়ে শ্বেতা বললো, ‘এ-মেয়ে তোমার সুন্দরী হয়েছে—’

‘আমাব সব মেয়েই সুন্দরী,’ রাজেনবাবু অস্পষ্ট একটু হাসলেন।

‘কী-যে বলো তুমি, ওর মতো নাকি আমরা কেউ!’ শ্বেতা খুশিতে ছলছল ক’রে উঠলো, তারপর গম্ভীর হ’য়ে বললো, ‘সত্যি, আব দেবি না। পেনশনের আগেই এটা করা চাই। তারপর আব ভাবনা কী তোমার—একেবারে ঝাড়া হাত-পা।’

‘সে তো ঠিকই,’ রাজেনবাবু ক্ষীণস্বরে বললেন।

বাবার মুখের দিকে তাকিয়ে মনের মধ্যে একটা কষ্ট হ’লো শ্বেতার। তবু, তাই, আবার বললো, ‘আর, ওদের বিয়ে তো আমাদের মতো না। আর,’ বাবার মনে ফুঁটি আনবার চেষ্টা কবলো শ্বেতা, ‘যদি কলকাতাতেই থাকে, তবে আর কথা কী!’

কিন্তু রাজেনবাবু চুপ ক’রেই বইলেন, আব শ্বেতাও যেন আর কথা খুঁজে পেলো না। ইঠাৎ কী-বকম একটা চুপচাপ নামলো, রাত যেন গভীর, যেন অন্ধকারে মাঠের মধ্যে একটা ছোট স্টেশনে গাড়ি এসে দাঁড়ালো, আর সেই অন্ধকাবে কে যেন কোথায় চ’লে যাচ্ছে বাড়ি-ঘর ছেড়ে।

ঘরে এসে স্বাতী তার পড়ার টেবিলে বসলো। ঠিক চোখের

সামনে প'ড়ে আছে সত্যেনবাবুর চিঠিখানা, হাতে নিয়ে পড়লো আরো একবার। উত্তর দেয়া উচিত ? কিন্তু উত্তর দেবার আর কী আছে ? 'একটা চিঠি লিখতে পারো ইচ্ছে করলে।' তার মানে বেশি গরজ নেই। তা ওঁর গরজ না থাক, আমার তো ভদ্রতা আছে। আচ্ছা, একটা লেখা যাক তাহ'লে। এখনই ভালো, চুপচাপ আছে বাড়িটা, কাল নিশ্চয়ই আর সময় হবে না। স্বাতী কাগজ কলম নিয়ে তৈরি হ'লো। কিন্তু পাঠ লিখবে কী ? আত্মীয় নয়, আবার তার সমবয়সী কোনো মেয়েও নয়, এমন-কোনো মানুষকে সে আর চিঠি লিখেছে কবে। কী লিখবে ? 'শ্রীচরণেষু'—যাঃ—উনি কি বুড়ো নাকি যে শ্রীচরণেষু ? বা রে, বুড়ো না-হ'লে বুঝি আর শ্রীচরণেষু হয় না ? বিজ্ঞা আছে না ? আর আমার প্রোফেসর তো—বয়সেও আমার বড়ো—আর—যাকগে, অত আর ভেবে কী হবে—শ্রীচরণেষু দিয়েই লিখে ফেলি

‘শ্রীচরণেষু.

আপনার চিঠি খুব ভালো লাগলো। কত আপনি বেড়ালেন, কত দেখালেন, আর তারপর কী-সুন্দর শান্তিনিকেতন। কিন্তু চিঠিটা ভালো ও-সবের জন্ম না, নিজে-নিজেই ভালো।

আপনি শীতের কথা লিখেছেন না—এখানেও ঠিক আজ সন্ধ্যা থেকেই শীত-শীত ভাব। খুব সম্ভব ক-দিন ধ'রেই হচ্ছে এ-রকম, কিন্তু আজকের আগে মনে হয়নি। শীতটা বেশ, কিন্তু প্রথম যখন আসে, একটু মন-খারাপ লাগে। না ?

মন-খারাপ মানুষের কখন লাগে আর কেন লাগে তার কি কোনো নিয়ম আছে ? কিছু মধ্য কিছু না—সব ঠিক

আছে—সব ভালো—হঠাৎ শ্রীযুক্ত মন-খারাপ এসে হাজির হলেন—আব কথা ক'! যেন জীবনে আর নড়বেন না এখান থেকে। তা লোক কিন্তু উনি তত খারাপ নন—মানে, মন-খারাপ হওয়াটাই যে খারাপ, তা কিন্তু ঠিক না—আমার তো বেশ ভালোই লাগে এক-এক সময়।

ভালো লাগে, কিন্তু মন-খারাপ হওয়ার ভালো-লাগাটাকে অন্তের কাছে বলা যায় না, ভালো লাগার ভালো-লাগাটাই বলা যায়। না, তাও না—ভালো-লাগার ভালো-লাগাটা বলতেই হয় না, সেটা এমনিই ছড়িয়ে পড়ে; আর মন-খারাপের ভালো লাগাটাই বলতে হয়—মানে, বলতে চায় মানুষ, কিন্তু বলতে পারে না, আব পাবে না ব'লেই কি গান বানায়, কবিতা লেখে? কতদিন কত মন-খারাপই হয়েছে ববোদ্ভনাথের যাতে ঐ-রকম সব গান বানিয়েছেন। তা-ই না? জিগেস কববেন দেখা হ'লে?

আমি কেমন আছি? ভালো আছি। কী করছি? কিছুই করছি না। মানে, যা করছি তাকে কিছু ক'ব বলে না। আর যাকে কিছু করা বলে, আমি কি তা পারি নাকি?

স্বাতী'

পরের দিন চিঠি ডাকে পাঠাবার সঙ্গে-সঙ্গেই আবার উত্তরের আশা জাগলো স্বাতীর মনে। আর কি লিখবেন?—আসবারই তো সময় হ'লো। কিন্তু তা-ই যদি, তাহ'লে আমারই বা লেখবার কী হয়েছিলো? কোনো দরকারের জন্ম তো আর চিঠি না, কোনো খবর তো দেবার নেই—তবে? কেন? কিসের জন্ম?

তার পরের দিন সকালে চা খেতে-খেতে স্বাতীর মনে হ'লো—

এতক্ষণে আমার চিঠি পৌঁচেছে! কথাটা যেই মনে হ'লো, যেই সে মনের চোখে দেখলো সত্যেনবাবু খাম খুলে তার চিঠি পড়ছেন, অগনি তার এমন লজ্জা করলো যে মুখ নিচু ক'বে পেয়ালার চায়ের দিকেই তাকিয়ে থাকলো অনেকক্ষণ, পাছে বড়দি জিগেস করেন কী হয়েছে রে। আর তার পরের দিন তার মনে হ'লো—আজ কি উত্তর আসবে চিঠির?

উত্তর এলো না, নিজেরই এলেন সত্যেন বাবু। তখন এগারোটা বেলা। রান্না চুকিয়ে বড়দি তাঁর মেজো ছটিকে স্নানের গাড়া দিচ্ছেন-আয়নার সামনে দাঁড়িয়ে তারা ধেই-ধেই লাফাচ্ছে আব গলা ছেড়ে চ্যাচাচ্ছে—সেটাই নাকি নাচ আব গান!—বড়দিকে সাহায্য করবার জন্য স্বাণী তাদের ধবতে গেছে, তারা ছুটছে, আর স্বাণীও ছুটছে পিছনে—ছুটতে-ছুটতে বসবার ঘরে এসে জ্বাখে, দরজার ধারে হাসিমুখে দাঁড়িয়েছেন সত্যেন বাবু।

স্বাণী থমকে গেলো, অমনো মানুষ দেখে বাচ্চা ছুটিও থমকালো, আব সত্যেন বাবু বললেন, ‘কা. ভালো তো?’

কা-কাঁ করতে লাগলো স্বাণীর মুখ, কানে যেন ভালো শুনছে না-গলা পর্যন্ত নেমে এলো মুখের জলুনি। ছুটে পালিয়ে যেতো পারলে, এদিকে পা-ও নড়ে না।

ছাত্রীর এ-রকম উশকোখুশকো উদ্ভ্রান্ত চহারা সত্যেনবাবু আগে কখনো দেখেননি। মুখ টুকটুকে লাল, ঠোটে ফোঁটা-ফোঁটা ঘাম, ছোটো-ছোটো চুল কপালে লোটাচ্ছে। একটু তাকিয়ে থেকে আবাব বললেন, ‘কেমন আছো? ভালো?’

স্বাণী এবার মনস্থির করলো, পিঠির উপর দিয়ে আঁচলটা

ঘুমিয়ে এনে সোজা হ'য়ে মুখ তুলে দাঁড়ালো। চেষ্টা ক'রে বললো, 'কবে এলেন আপনি ?'

'কাল রাত্তিরে।'

শুনে আর কথা বলতে ইচ্ছে করলো না স্বাতীর। সারা রাত ঘুমিয়ে তারপর সারা সকাল গড়িমসি ক'রে পরিপাটি বাবুটি সেজে এতক্ষণে সময় হ'লো !

'তাতা—ছোটন—'ছেলে-মেয়েকে নাম ধ'রে ডাকতে-ডাকতে শ্বেতা এলো ও-ঘরে। 'এই যে—বাবা, হয়রান ক'রে দিলি তোরা আমাকে—' বলতে-বলতে হঠাৎ একটু অপ্রস্তুত হ'য়ে ধেমে গেলো।

'ইনি আমার বড়দি,' স্বাতীকে এবার কথা বলতেই হ'লো, 'আর ইনি—ইনি সত্যেনবাবু, আমাদের কলেজের প্রোফেসর।'

প্রোফেসর মাথা নিচু ক'রে নমস্কার জানালেন ; একটু বেশিই নিচু করলেন মাথাটা। স্বাতীর গা জ্ব'লে গেলো।

'তুই তো বেশ, স্বাতী', মাথার কাপড় টেনে দিয়ে শ্বেতা আবছা হাসলো, 'বসতেও বলিসনি এঁকে।'

'না, না, আমি আর বসবো না—বেরোচ্ছিলাম, ভাবলাম একবার—আর আপনাদেরও স্নান-খাওয়ার সময় এখন,' শ্বেতার দিকে তাকিয়েই 'সত্যেনবাবু বললেন।

ও, বেরোচ্ছেন ! তাই ট্রামের পথে একবার ! দেড় মাস পরে কলকাতায় ফিরে প্রথমই আড্ডা দিতে হবে সারা শহর ঘুরে, তবে তো ! টেবিলে-পা-তোলা ঐ গ্রুব দস্তদের সঙ্গে দেখা না-হ'লে ভালো লাগবে কেন, আর-তো নেই কথা বলবার যোগ্য মানুষ !

‘তুই কী রে?’ ঘরে এসে শ্বেতা বললো, ‘ভদ্রলোক এমনি-এমনি চ’লে গেলেন—কিছু বললি না!’

‘অমনি-অমনি মানে?’ একটু ঝাঁঝ স্বাতীর গলায়।

‘আহা—পুজোর পরে এলেন—একটু মিষ্টি-টিষ্টি—’

‘হ্যাঃ!’ স্বাতী মাথা ঝাঁকালো, ‘ব’য়ে গেছে ঔঁর এখন তোমার মিষ্টি খেতে! দিব্যি ভাত-টাত খেয়ে আড্ডা দিতে বেরোচ্ছেন!’

শ্বেতা হেসে ফেললো বোনের কথায়, কথা বলার ভঙ্গিতে। একটু পরে বললো, ‘তোরা প্রোফেসর তো ছেলেমানুষ রে!’

‘তুমি তবে কী ভেবেছিলে?’

‘ইনিই চিঠি লিখেছিলেন তোকে?’

‘হ্যা—’ কেমন-একটু ছটফট ক’রে স্বাতী চ’লে গেলো নাইতে। স্নান ক’রে ছটফট ভাবটা কমলো না; উনুনে আঁচ ধরবার আগে যেমন ধোঁয়া হয়, তেমনি একটা অবস্থার মধ্যে কেটে গেলো দিন। আমি একটা মানুষ, আমার আবার চিঠি, আর সে-চিঠির কথা আবার মুখে বলতে হবে! উনি লিখেছিলেন, ঔঁর তখন ভাব উথলেছিলো—ছোড়দি ঠিকই বলছিলো—ও-সব ভাবের চিঠি আমাকে কেন—তা সত্যি-তো আর আমাকে না, যে-কোনো একজনকে পাঠালেই হ’তো, মাসিকপত্রে ছাপিয়ে দিলেই বা দোষ কী—ওতে চিঠির কী আছে? আমিও বোকা—আবার জবাব লিখতে গিয়েছিলুম—না-হয় লিখেইছিলুম—ডাকে না-দিলেই হ’তো। ...না কি পাননি? তা-ই যেন হয়, হে ঈশ্বর, তা-ই যেন হয়। কিন্তু কী ক’রে জানবো পেয়েছেন কি পাননি?

সন্কেবেলা শ্বেতা বললো, ‘বাবা, কাল আমি খাওয়াবো তোমাদের।’

‘এই এক মাস ভ’রেই তো খাওয়াচ্ছিস,’ হাসতে গিয়ে কেমন করুণ হ’লো রাজেনবাবুর মুখ। ‘রান্নাব কামাই তো একদিনও দিলি না রে!’

‘একদিনও যখন হয়নি, তখন আব একদিনই বা হয় কেন,’ প্রমথেশ হা-হা ক’বে হেসে উঠলো। ‘আর কালই তো শেষ।’

‘তা তোমাদের ফেআরওএল পার্টি তো আমারই দেয়া উচিত,’ রাজেনবাবু লাজুকভাবে তাকালেন জামাইয়ের দিকে।

‘না, না, আরে—আপনাব মেয়েব যখন শখ হয়েছে—’ প্রমথেশ মুখে-মুখে ভোজ্য-তালিকা তৈরি কবতে লেগে গেলো, পারলে তফুনি বাজারে ছোটো।

‘সত্যি, প্রমথেশের উৎসাহ।’ রাজেনবাবু হাসলেন। ‘খেতা থাকতে-থাকতে তোর প্রোফেসর ফিরলো না, স্বাতী, তাহ’লে তাকে বলতে পারতিস—’

‘সে তো এসেছিলো আজ!’ ব’লে উঠল খেতা।

‘না, বাবা. না!’ স্বাতী দু-হাত তুলে আপত্তি জানালো।

‘কেন রে? আমি তো কবে থেকেই ভাবছিলুম—চমৎকাব মানুষ—’ খেতার দিকে তাকিয়ে রাজেনবাবু কথা শেষ করলেন, ‘আর একা-একা থাকে—’

‘একা কেন?’ খেতার প্রশ্ন।

‘কেন, তা তো জানি না, তবে একাই তো দেখি’, উত্তর দিলেন রাজেনবাবু।

‘বিয়ে করেনি?’ খেতা যেন অবাক। ‘পাশ করেছে, চাকরি পেয়েছে, বিয়ে করেনি!’

রাজেনবাবু শব্দ ক'রে হেসে উঠলেন তার কথা শুনে।
প্রমথেশ চোখ বড়ো ক'রে বললো, 'আপনার মেয়ের কথা আর
বলবো কী...কেউ বিয়ে করেনি শুনলে উনি আর টিকতে পারেন না—
ঘটকালিতেও বেশ হাতযশ হয়েছে এর মধ্যে।'

'হবেই!' রাজেনবাবু চোরা হাসি হাসলেন একটু. 'নিজে
সুখী হ'লে অন্যকেও—'

'বাবার কথা!' শ্বেতা মুখ ফিরিয়ে নিলো।

'স্বাভী, চল,' পরের দিন সকালে রাজেনবাবু উদ্‌যোগী হলেন।

'চল তোর প্রোফেসরকে ব'লে আসি।'

'আমি যাবো না!'

'আহা, চল না—'

'কেন, একা যেতে পারে না তুমি?'

'তুইও চল।'

'না! ওঁকে বলবারই বা কী হয়েছে আমি তো জানি না।'

একটু চুপ ক'রে থেকে রাজেনবাবু বললেন, 'স্বাভী, তোর
হয়েছে কী?'

সঙ্গে-সঙ্গে মেয়ের মাথা নিচু হ'লো। জবাব দিলো না।

'এত বিরক্ত কেন?'

এবারেও কথা বললো না স্বাভী।

'থাক তবে, আমিই যাই, জামা প'বে রাজেনবাবু আস্তে-
আস্তে বেরিয়ে গেলেন, আর রাস্তায় এসেই দেখলেন স্বাভী তাঁব
পাশে।

'এই শাড়িটা প'রেই—'

‘তাতে কী?’ স্বাতী হাসলো। ‘বেশ ভালো তো শাড়িটা।’

‘আমার উপর খুব তো তস্বি, আর নিজে এ-বকম থাকিস কেন?’

‘ও মা! কী-রকম আবার থাকি।’

‘সকালে উঠে চুলটাও বুঝি ঝাঁচড়াতে হয় না?’

‘ও ঠিক আছে,’ স্বাতী হাত দিয়ে কপালের চুল উন্টিয়ে দিলো।

ইজি-চম্বারে আধো শুয়ে খব্ব-কাগজ পড়ছিলেন সত্যেনবাবু ভঙ্গিটা এমন আরামের, এমন এলানো অলস যে দেখামাত্র আবার চিড়বিড় ক’রে উঠলো স্বাতীর মাথাব মধ্যে। আর তাদের দেখামাত্র সত্যেনবাবু উঠলেন, উঠে দাঁড়িয়ে রইলেন প্রায় হাত-জোড়া-করা বিনীত ভঙ্গিতে, তাতে চিড়বিড়ানি কমলো না, উন্টে বেড়েই গেলো।

‘একটা কথা বলতে এলাম আপনাকে—’ বাজেনবাবু কোনো ভূমিকা করলেন না—‘আজ রাতে আমাদের ওখানে একবার—সানে, একেবারে খেয়ে-দেয়ে আসবেন আরকি।’

বাবা-যে কী! কোনো কথা যদি গুছিয়ে বলতে পারেন!

‘নিশ্চয়ই—নিশ্চয়ই—নিশ্চয়ই—’ তিনবাব ‘নিশ্চয়ই’ বলার পব ইঠাৎ প্রোফেসরের মুখে অন্য কথা জোগালো—‘তা—উপলক্ষ্যটা কী?’

‘কিছু না—এমনি।’

‘কিছুই না?’ কিছু-একটা শোনবার আশায় মুখের দিকে তাকালেন সত্যেনবাবু।

‘না, উপলক্ষ্য কিছু না,’ রাজেনবাবু কিন্তু একেবারেই নিরাশ করলেন।

‘তা—তা—’ হঠাৎ ধেম, স্বাতীর দিকে তাকিয়ে একেবারে
অন্যরকম সুরে সত্যেনবাবু বললেন, ‘ঠিক কথা ! তোমার চিঠি—’

চিপ ক’রে উঠলো বুকের মধ্যে ।

‘—কাল সন্ধ্যাবেলা পেলুম । ওরা পাঠিয়ে দিয়েছিলো-ঠিকানা
কেটে—ভাগ্যিশ—’

ভাগ্যিশ ? জৈশ !

‘আপনার মেয়ে লেখে বেশ,’ প্রোফেসর ফিরলেন বাপের দিকে ।

বেশ ! পরীক্ষার খাতা নাকি যে বেশ ? স্বাতীর ইচ্ছে
হ’লো, ঐ অলক্ষ্মী চিঠিটাকে কুচি-কুচি ক’রে ছিঁড়ে ফেলে একুনি
গুঁর চোখের সামনেই । চিঠি কি ফেরৎ চাওয়া যায় ?

মাঝখান থেকে এই হ’লো যে রাত্তিরের ফুঁটিটাই মাটি হ’লো
স্বাতীর । সে শুয়ে থাকলো, এ-ঘর ও-ঘর ঘুরে বেড়ালো, একবার
বসলো ছোড়দির কাছে, তক্ষুনি আবার উঠে গিয়ে গল্প জুড়লো
আতা তাতার সঙ্গে, কিছুতে যেন মন নেই । সত্যেন রায় যখন
এলেন, রাজেনবাবু তাঁকে অভ্যর্থনা ক’রে বসালেন, তারপর ভিতরে
এসে স্বাতীকে খুঁজে বের ক’রে বললেন :

‘সত্যেন এসেছে রে—’

‘এসেছে তো আমি কী করবো ।’

‘বাঃ!’ বেচারী রাজেনবাবুর এর বেশি কথা জোগালো না ।

‘একা ব’সে আছেন ভদ্রলোক—’ প্রমথেশ ব্যস্ত হ’লো,

‘তাহ’লে তো—আচ্ছা, আমি বরং আলাপ করি গিয়ে—’

‘জামাইবাবু, একটা পাঞ্জাবি—’ স্বাতী চাপা গলায় চোঁচিয়ে
উঠলো ।

‘আরে এতেই হবে—’ হাসতে গিয়ে গেল্লির তলায় নেচে উঠলো
প্রমথেশের স্নুগোল ভুঁড়িটি।

‘না, ককখনো না!’ চড়া গলা চাপতে গিয়ে স্বাতীর গলা
কাঁদো-কাঁদো শোনাল।

‘কোথায় আবার এখন জামা-টামা—’

‘থাক তাহ’লে।’ কাবো দিকে না-তাকিয়ে, চুমদাম পা ফেলে
স্বাতী সোজা চ’লে এলো বসবার ঘরে।

শান্ত, নিশ্চিন্ত, পরিচ্ছন্ন, সত্যেন রায় ব’সে আছেন জানলার
ধারে চেয়ারে। তাকে দেখে একটু হেসে বললেন, ‘কী, স্বাতী, এখনো
কি তোমার মন-খারাপ?’

স্বাতী মাথা নিচু ক’রে চুপ।

‘তোমার প্রশ্নটা আমি রবীন্দ্রনাথের কাছে পেশ করতে পারিনি,
কিন্তু এর উত্তর তিনি হয়তো গানেই দিয়েছেন—দেখো-তো খুঁজে,
পাও কিনা,’ ব’লে সত্যেন রায় বাড়িয়ে দিলেন ব্রাউনকাগজে
জড়ানো একটা প্যাকেট।

‘কী?’

‘“গীতবিতান”। রবীন্দ্রনাথের গান তো শুধু কান দিয়ে
শোনবার নয়, মন দিয়েও পড়বার।’

স্বাতী দাঁড়িয়ে-দাঁড়িয়েই মোড়ক ছাড়িয়ে বের করলো দু-খণ্ড
‘গীতবিতান’। ভিতরে লেখা, ‘স্বাতীকে—সত্যেন রায়।’—‘কেন
আনলেন?’ যেন জবাবদিহি চাচ্ছে, এইরকম শোনালো প্রশ্নটা।

‘কেন আবার। তুমি পড়বে ব’লে।’ একটু পাবে সত্যেন রায়
আবার বললেন, ‘তোমার জন্মদিনের উপহারও মনে করতে পারো।’

‘ও মা ! জন্মদিন কিসের ?’ স্বাতী হেসে ফেললো ।

‘না বুঝি ? তা হ’তেও তো পারতো ।’

‘কী আশ্চর্য ! আপনি তা-ই ভেবেছেন ?’

‘তা না-ই বা হ’লো জন্মদিন । নতুন বই পেতে যে-কোনো দিনই ভালো লাগে । আর এমন বই !’

এক্কেবারে সোনার বোতামওলা সিল্কেব পাঞ্জাবি প’রেই প্রমথেশ এলো ঘরে, আর সঙ্গে-সঙ্গে বাইরে থেকে এলো হারীত, ফিকে-নীল শার্টের উপর টকটকে নেকটাই । স্বাতী পরিচয় করিয়ে দিলো ; সত্যেন রায়ের নমস্কারের উত্তরে প্রমথেশ বিগলিত হাসলো, আর হারীত সোজা একটি হাত তুললো কপালের কাছে, যেন খাপুথেকে উঠলো তলোয়ার । ব’সে বললো ‘কদ্দূর ?’

প্রমথেশ হাঁটু দোলাতে-দোলাতে বললো, ‘আরে এই তো এলে, আর এসেই—’

‘কী করি, কাজ !’ উচু দরের একটু হাসি ফুটলো হারীতের ঠাঁটে । ‘খাওয়াতে আধ খাওয়ানোতে এত সময় যায় বাঙালির যে কাজ করবে কখন !’ হারীত তাকালো সত্যেন রায়ের দিকে, ঠিক বোঝা গেলো না, সমর্থনের আশায়, না ভালোমানুষ চহরার শিক্ষকটিকে শিক্ষিত করতে ।

‘চিনেদের শুনেছি আরো বেশি,’ সত্যেন বায় বললো ।

‘সে-জন্মই তো এই অবস্থা চিনেব । জাপান ছিঁড়ে-ছিঁড়ে খাচ্ছে ! তা মার খেয়ে বুদ্ধি খুলেছে এতদিনে, যুদ্ধ করতেও শিখেছে ।’

‘বুদ্ধি মানেই যুদ্ধ করা ?’ জানতে চাইলো কীণবুদ্ধি প্রমথেশ ।

হারীত একটু ন’ড়ে-চ’ড়ে বসলো । নাঃ, বোকাদের সঙ্গে কথা

ব'লে কিছু হয় না—শুধু সময় পণ্ড, শুধু মেজাজ নষ্ট ! এদিকে শশুরবাড়ি—না-এসেও পারা যায় না—মুশকিল !

‘চিনেরা যখন ছ-ঘণ্টা ধ'রে রাঁধতো আর দু-ঘণ্টা ধ'রে খেতো,’ সত্যেন মৃদুস্বরে বললো, ‘তখন কিন্তু কবিতা লিখতো খুব ভালো ।’

‘কবিতা !’ সঙ্গে-সঙ্গে হারীত ঘোড়ার মতো টগবগ ক'রে উঠলো । ‘পায়ে পা তুলে ব'সে একটু-একটু ক'রে চিনে কবিতা চাখতে মন্দ লাগে না, কিন্তু চিনকে, চিনের কোটি-কোটি মানুষকে কি তা বাঁচাতে পারলো ?’

‘সকলকে বাঁচাতে পারেনি ব'লেই তো মনে হয়,’ সত্যেন সাব্ব দিলো কথায় । ‘চামড়া-কোট-পরা চিনে যুবক মেঝেতে লাথি ঠোকে তাদের পুরোনো ল্যাঙ্কস্কেপকে লক্ষ্য ক'বে, এবার শান্তিনিকেতনে শুনলুম নন্দলালের কাছে ।’

‘ঠিক করে ! কী হবে আর ও সব দিয়ে । এই তো—’ হারীত হাত বাড়িয়ে থপ ক'রে ধরলো টেবিলে রাখা ‘গীতবিতানে’র একটি খণ্ড—স্বাতীর মনে হ'লো যেন একটা বেড়াল লাফিয়ে পড়লো ইঁদুরের ঘাড়—‘রবীন্দ্রনাথকে দিয়েই বা কী হবে আর ।’

‘সে কী ! স্বাতীর মুখ দিয়ে বেরিয়ে গেলো, ‘রবীন্দ্রনাথ আবার কী-দোষ করলেন ?’

‘এই দোষ,’ তৈরি জবাব হারীতের মুখে, ‘যে তাঁব লেখা প'ড়ে কেউ ষোদ্ধা হ'তে পারে না । নিজেই নিজের ভুল বুঝেছেন এতদিনে—এই-তো লিখেছেন সেদিন—’ একই সুরে, গড়গড়ে গছ ক'রে, কমা-টমা সব উড়িয়ে দিয়ে আউড়িয়ে গেলো, ‘“শান্তির বাণী শোনাইবে

ব্যর্থ পরিহাস, বিদায়ের আগে ডাক দিয়ে যাই দানবের সাথে যারা।
সংগ্রামের তরে প্রস্তুত হতেছে ঘরে-ঘরে।”’

থেতে-থেতে দাঁতে কাঁকর পড়লে যেমন হয়, সেই রকম একটা
শিউরানি সহ্য ক’রে নিয়ে সত্যেন বললো, ‘বোধ হয় “শান্তির লালিত
বাণী” আর বোধ হয় ‘বিদায় নেবার আগে তাই’—’

‘ও একই কথা, একই কথা।—আসল কথাটা এই যে ও-সব
শান্তি-ফান্তি দিয়ে এখন আর কিছু হবে না—এখন যুদ্ধ চাই, যুদ্ধ!’
ব’লে হারীত বীরদর্পে পাইপ ঠুকলো চেয়ারের হাতলে।

হারীতের কথা শুনতে-শুনতে হাঁ হ’য়ে গিয়েছিলো প্রমথেশের
‘মুখ, হুশ ক’রে একটা নিশ্বাস ছেড়ে ব’লে উঠলো, ‘তা যুদ্ধ তো
হচ্ছেই!’

‘যুদ্ধের এখনই কী! ওৎ পেতে আছে না বনবিড়ালি জাপান!—’
হারীত আরো কিছু বলতো, কিন্তু হঠাৎ প্রমথেশ স্বাধীনভাবে একটা
মন্তব্য ক’রে ফেললো, ‘ওদিকে রাশিয়াও তো—ফিনলণ্ড নাকি
লণ্ডনও—সত্যি?’

‘আত্মরক্ষার জন্য ও-রকম করতেই হয়’, ভীষণ গম্ভীর হ’য়ে গেলো
হারীত। ‘আপনার বাড়িতে ডাকাতি পড়লে আপনি কী করেন?’

প্রমথেশ ভেবেই পেলো না ফিনলণ্ড কবে ডাকাতি করতে গিয়েছিলো
রাশিয়ায়। কী জানি—সে খবরও বেশি রাখে না, বোঝেও না
কিছু—আর এসব যুদ্ধ-টুদ্ধ কেনই বা করে মানুষ, মিলে-মিশে সুখে
থাকলেই তো পারে। মনের কথাটা মুখেই ব’লে ফেললো, ‘যা-ই
বলো বাপু, যুদ্ধটা বড়ো বিত্তী! মানুষই তো মানুষকে মারে—ঈ্যা!’

ঐ ‘ঈ্যা’টা হারীতের কানে শোনালো ‘ভ্যা’র মতো। ভেড়ার

পাল সব ! প্রোফেসরটিকেও তো দিব্যি ভেড়ু-ভেড়ু লাগছে—দেখা যাক । সত্যেনের দিকে ফিরে তর্ক তুললো : ‘আপনি কী বলেন ? আর্ট যদি এখন হাতিয়ার না হয়, তবে আর সে আছে কী করতে ?’

‘কিসের ?’ ভীকু প্রশ্ন সত্যেন রায়ের ।

‘কিসের আবার ! শিকল ভাঙার হাতিয়ার ।’

‘কিসের শিকল ?’

‘ক্ষুধার, দুঃখের, দাসত্বের শিকল !’ এতটা বোঝাতে হ’লো ব’লে হারীত একটু অবজ্ঞার হাসিতে ঠোঁট বাঁকালো ।

‘ক্ষুধা, দুঃখ, দাসত্ব—মানে ?’

‘মানে ?’—হারীত আশা করেনি প্রশ্নটা, কিন্তু ওস্তাদ খেলোয়াড়ের মতো লুফে নিয়ে তক্ষুনি আবার ফেরৎ পাঠালো—‘এর মানে কি ঠিক কথায় বোঝানো যাবে ? যদি কেউ আপনাকে হাত-পা বেঁধে অন্ধকারে ফেলে রাখে, আর দিনের পর দিন খেতে না-দেয়, হয়তো তাহ’লে আস্তে-আস্তে বুঝবেন ?’ হারীত চেষ্টা করলো খোশমেজাজি ধরনে হাসতে—তাতে আরো ধার হ’তো ঠাট্টায়—কিন্তু তা ঠিক হ’লো না, ঘোঁৎ করে খেঁকিয়ে উঠলো তার হাসিটা ।

আর সেই রাগি আওয়াজের সামনে যেন ঘাবড়ে গিয়ে আমতা-আমতা করলো সত্যেন, ‘ও, খাওয়া-পরার কথা । আমি ভাবছিলাম আপনি আর্টের কথা বলছেন ।’

‘জ্যা, খাওয়া-পরার কথা !’ হারীত গর্জন করলো এবার । তা-ই চায় মানুষ—খাওয়া-পরা চায়, চায় কাজ, বিশ্রাম, আশ্রয়, স্ত্রী । আর ও’সব পায় না যারা, তারা দেখছি ভারি বেআদব হ’য়ে উঠেছে আজকাল, বড়োই চ্যাচামেচি করছে পৃথিবী ভ’রে—ঋষিদের

ধ্যানভঙ্গ হয় আরকি !’ কথাটা শেষ ক’রে হারীত জ্বলজ্বলে চোখে তাকালো, যেন বলতে চায়, ‘এইবার ?’

কিন্তু মাস্টারটি আর জবাব দিলো না। থাকলে তো দেবে ! হারীত চট ক’রে একবার দেখে নিলো প্রমথেশের আর স্বাতীর মুখ, দু-জনকেই একটু নিস্তেজ লাগলো। তাই’লে কাজ হয়েছে তার কথায় ! একটু পরে যখন খাবার ডাক এলো, সে সকলের আগে উঠে দাঁড়িয়ে বেশ মোলায়েমভাবেই বললো, ‘চলুন, সত্যেনবাবু।’ অন্ধকার থেকে আলোর পথে এদের একটুখানিও এগিয়ে আনতে পেরে মনটা বেশ খুশি লাগলো তার, তাছাড়া কথাবার্তা ব’লে খিদেটিও পেয়েছে চনচনে।

হারীত-শাস্ত্রী চ’লে গেলো খাওয়ার পরেই, সত্যেন একটু বসলো। যাবার সময় বাব-বার বিদায় নিলো শ্বেতার কাছে।— ‘কালই চ’লে যাচ্ছেন আপনারা ?’

‘যাচ্ছি তো।’

‘আমিও ফিরে এলুম আর আপনাবাও চললেন !’

‘তবু-তো দেখা হ’লো—কত ভালো লাগলো।’

একটু চুপ ক’রে থেকে, খুব নরম সুরে সত্যেন বললো, ‘আর বুঝি থাকা যায় না কিছুতেই ?’

শ্বেতা হেসে বললো, ‘আবার আসবো।’

‘আসবেন তো ?’ সত্যেন যেন চোখ ফেরাতে পারলো না শ্বেতার মুখ থেকে।

‘বড়ো ভালো তো ছেলেটি,’ সত্যেন চ’লে যাবার পর শ্বেতা বললো গর বাবাকে।

‘তোমার হাতে একবার যে খেয়েছে, খেতা,’ রাজেনবাবু হাসলেন,
‘সে কি আর ভুলতে পারে তোকে।’

‘ছেলেটির কেউ নেই বুঝি?’

স্বাতীর যেন ভালো লাগলো না কথাটা; বাঁকা সুরে বললো,

‘আ—হা, একজন বড়োসড়ো পুরুষমানুষ—তার আবার কে থাকবে!’

‘তবে-যে বলেছিলি মা-বাবা ভাই-বোন মেই?’

‘তার মানেই বুঝি কেউ নেই-হ’লো?’

‘আহা—’ স্বাতীর শেষ কথাটা লক্ষ্য করলো না খেতা—‘এখানে তবু
একটা বাড়ির স্বাদ পেলো! পুরুষমানুষ—কত যুদ্ধ সারাদিন—কিন্তু
সারাদিনের পর একটা বাড়ি তো চাই।’

হঠাৎ খেতাকে দুই হাতে জড়িয়ে ধ’রে স্বাতী বললো, ‘বড়দি,
তুমি যেয়ো না।’

খেতা হাত রাখলো বোনের মাথায়।

‘না—যেয়ো না—সত্যি—’ গলা বুজে এলো, কাঁপতে লাগলো
দিদির কাঁধে মুখ লুকিয়ে।

‘সে কী! কাঁদছিস নাকি?...এই! বোকা মেয়ে!’ ঠেলা
দিলো বোনের মাথায়, তার ঝাপসা চোখের দিকে তাকিয়ে বললো,
‘আচ্ছা বোকা তো! কাঁদবার হয়েছে কী...চল, শুবি চল।’ উঠে
দাঁড়াতে-দাঁড়াতে স্বাতীকেও কোমরে ধ’রে টেনে তুলে আবার বললো,
‘তোমার আর কী—কাঁদলেই হ’লো—এদিকে আমার-যে তাতে কষ্ট
হয়, সে-কথা, ভাবিস? খাম একুনি, নয়তো আমিও কিন্তু কেঁদে
ফেলবো।’ এমন মজার মুখভঙ্গি ক’রে বললো যে স্বাতী ভিজ
চোখে হেসে ফেললো।

সে-রাত্রে সে বড়দির কাছে শুলো, ফিশাফিশে গলায় একটু-একটু গল্প করতে-করতে ঘুমিয়ে পড়লো—এমন আরামে কতকাল যেন ঘুমোয়নি। উঠতে বেলা হ'লো পরের দিন—বড়দি এর মধ্যেই বাঁধাইদা নিয়ে ব্যস্ত। স্বাতীও লেগে গেলো কাজে, খুঁজে-খুঁজে জড়ো করলো সারা বাড়িতে ছড়ানো-ছিটোনো বাচ্চাদের জামা-জুতো, শাড়ি ভাঁজ করতে লাগলো মেঝেতে হাঁটু ভেঙে ব'সে। শ্বেতা যা এনেছিলো তার চাইতে নিয়ে যাচ্ছে অনেক বেশি—কাপড়চোপড় কত কেনা হ'লো, বুদ্ধি ক'রে বাচ্চাদের শীতের জামাও কিনে ফেলেছে প্রমথেশ—এখন ধরানোই মুশকিল। বড়ো স্যুটকেসটি এমন আকর্ষণ হ'লো যে তালা কিছুতেই বন্ধ হয় না; দু-বোনে দুটুকি থেকে চাপ দিয়ে-দিয়ে নামিয়ে আনে এক-একবার, কিন্তু যেই আটকাতে যায়, অমনি হিটকে উঠে যায় কট ক'রে—আর একসঙ্গে হেসে ওঠে দু-জনে; শেষটায় স্বাতী চেপে বসলো স্যুটকেসের উপর, তারপর দু-জনে একসঙ্গে ব'সে নিচু হ'য়ে চেষ্টা করলো দু-দিকে—কিন্তু ডালাটা বড়ো অবাধ্য, আর যত অবাধ্যতা করে, তত বেড়ে যায় শ্বেতা-স্বাতীর ফুটি। এরই মধ্যে রাজেনবাবু এলেন বড়ো একটা পীসবোর্ডের বাস্র হাতে ক'রে, শ্বেতার সামনে নামিয়ে একটু দূরে আলগোছে বসলেন খাটের উপর।

মেঝেতে হাঁটু তুলে ব'সে, হাঁটুতে থুতনি ঠেকিয়ে শ্বেতা আস্তে-আস্তে বের করলো আলতা, সিঁদুর, পাউডর, সেন্ট, মাখার তেল, চুলের কঁটা, চুলের ফিতে, সাবান, হেজলিন স্নো—আর এক বাস্র ডিম-সন্দেশ। কিছু বললো না, একটু দেখলো তাকিয়ে,

তারপর একটি-একটি ক'রে, প্রত্যেকটির গায়ে যেন হাত বুলিয়ে-
বুলিয়ে আবার তুলে রাখলো সেই কাগজের বাস্কে, দোকানেরই
সুতো দিয়ে বেঁধে ফেলে এতক্ষণে বাবার দিকে চোখ তুললো।
রাজেনবাবু উঠে চ'লে গেলেন অস্থ ঘরে।

এর পরে দিনটা কেমন এলোমেলো হ'য়ে গেলো। বাবা
আপিশে গেলেন, আর আপিশ থেকে ফিরলেন—মাঝখানকার
সময়টা যেন বোঝাই গেলো না, দিনের গাড়ি ছশ ক'রে চ'লে
গেলো রওনা থেকে পৌঁছনোয়। শান্ত্তী এলো, আবার হাসাহাসি
গল্প খানিকক্ষণ, আজ যেন হাসিটা কিছু বেশি—ফাঁকে-ফাঁকে এরই
মধ্যে কত কাজের কথা মনে পড়লো শেতার, অনুকূল কতবার
ছুটলো দোকানে, ঐ দম-বন্ধ-বন্ধ স্যুটকেস খোলা হ'লো দু-তিন
বার, বিছানা বাঁধবার সময় বিজু এগিয়ে এলো আস্তিন গুটিয়ে,
প্রমথেশ দিবানিদ্রার আশা ছেড়ে দিয়ে কেবলই পান-জরদা
খেতে লাগলো। হঠাৎ এক সময় দেখা গেলো বাঁধাইদা সব
শেষ, খাবার-ভরতি-ভরতি দুটো টিফিন-কেরিআর কাঠের ণাপে-বসানো
কুঁজোর পাশে দাঁড়িয়ে, বাচ্চারা ফিটফাট ঘুরে বেড়াচ্ছে নতুন
জুতোয় খটখট শব্দ ক'রে। রাজেনবাবু শেতার কাছে এসে
বললেন, 'এখন আবার পান সাজতে বসেছিস ? ওঠ, সময় হ'লো।'

'স্বাত্তী, বাবার ডিবেটা--'

'অত পান দিয়ে আমার কী হবে,' রাজেনবাবু বললেন।
'প্রমথেশের জন্ম বেশি ক'রে নে, পথে-ঘাটে—'

'ওঁরটা নিয়েছি।'

শেতা উঠে গা ধুয়ে প'রে নিলো খয়েরি রঙের খদ্দের

শাড়ি—গাড়িতে ময়লা হবে না—সিঁদুরের টিপ পরিয়ে দিলো শাশ্বতীকে, নিজেও পরলো, তারপর এসে বসলো বারান্দার সিঁড়িতে।

শাশ্বতী বললো, ‘কী-একটা স্মাণ্ডেল পরেছো বড়দি—সেদিন না বাবা তোমাকে নতুন এনে দিলেন?’

‘হ্যাঁ—ঐ লাল টুকটুকে নতুন স্মাণ্ডেল নষ্ট করি আরকি পথে-ঘাটে প’রে! এটা খারাপ কী—বেশ তো।’

‘শ্বেতা,’ রাজেনবাবু মিটিমিটি হাসলেন, ‘এখনো তোর ইচ্ছে করে নাকি রে নতুন জুতো নিয়ে বিছানায় শুয়ে থাকতে?’

‘ইচ্ছে করলেই পারি নাকি বড়ো মেয়েটার যন্ত্রণায়! আমার জুতোগুলো প’রে-প’রে ছারখার ক’রে দেয় না!’

প্রমথেশ গলা-খাঁকারি দিলো, ‘তাহ’লে—বিজু ভাই, একটা ট্যাক্সি—না, দুটো—শাশ্বতীও যাবে স্টেশনে, তুমি ফেরবার সময় পৌছিয়ে দিতে পারবে না ওকে?’

‘নিশ্চয়!’ বিজু চটপট বেরিয়ে গেলো।

‘হারীত এলো না রে?’ শ্বেতা জিগেস করলো।

‘কথা-তো ছিলো—’ ক্ষীণ উচ্চারণ করলো শাশ্বতী।

‘সময় পায় না—কত কাজ করে কত দিকে, আর কী কথা বলে, বাঃ!’ প্রমথেশ তারিফ ক’রে মাথা নাড়লো। ‘আমাদের মতো তো নয় যে শুয়ে-ব’সে আইটাই!’

‘বাবা, সত্যেন তো এলো না আজ একবারও?’

‘সে আসে আর কোথায়—কচিং এক-আধদিন—’

‘নাকি? কাছেই থাকে না? তা—যা লাজুক—আমার ওখানে একবার আসে তো বেশ হয়। ওকে বলিস, স্বাতী। কেমন?’

শাস্তী বললো, ‘স্বাতী, তুই যাবি না?’

স্বাতী চুপ ক’রে ব’সে ছিলো গালে হাত রেখে, যেন চমকে উঠে বললো, ‘কোথায়?’

‘স্টেশনে যাবি না আমাদের সঙ্গে?’

স্বাতী মাথা নাড়লো।

‘কেন, চল না।’

‘না—’

বিজু এসে মোটা গলায় বললো, ‘ট্যাক্সি এসেছে।’ সঙ্গে-সঙ্গে হঠাৎ স্তব্ধ হ’য়ে গেলো সব ক-টি মানুষ, আর ঠিক যেন সুই মুহূর্তটিতে পৃথিবীতে সন্ধ্যা নামলো। যেদিন সত্যেন রায়ের চিঠি পেয়েছিলো, আর ব’সে-ব’সে দেখেছিলো জ্বলজ্বলে জল-ভরা সন্ধ্যাতারা, ঠিক সেইরকম লাগলো স্বাতীর, আবার সেই বুক-ভাঙা সন্ধ্যা, ছাইরঙা, ছায়াভরা, কুয়াশায় ঝাপসা, আকাশ আর পৃথিবী ভ’রে সেই অসহ্য বিদায়। নিঃশব্দে মাল তুললো দু-জন চাকর, নিঃশব্দে রাজেনবাবু একবার দেখে এলেন সব ঠিকমতো উঠলো কিনা, একবার ঘুরে এলেন ঘরগুলি, দরকারি কিছু প’ড়ে রইলো না তো?—ছায়া ছড়ালো, ঘনালো, আর ছায়ার মতোই স্বাতী দেখলো বড়দি প্রণাম করলেন বাবাকে, প্রণাম করার পবিত্রমে জামাইবাবু হাঁপাতে লাগলেন ছড়িতে ভর দিয়ে, তারপর বড়দি এসে হাত রাখলেন তার পিঠে, গাল রাখলেন গালে; আস্তে হেঁটে-হেঁটে সবাই এলো রাস্তার ধারে, ট্যাক্সিতে ঢুকতে গিয়ে জামাইবাবু স’রে এলেন, মুখ ফিরিয়ে হঠাৎ বললেন, ‘স্বাতী, তাহ’লে যাই?...এত আনন্দ শিগগির করিনি, আবার

কবে...যাই, কেমন ?'—ব'লে হাসলেন, বড্ড বোকার মতো সেই হাসিটা ।

একটু পরে সেই শূন্য, স্তব্ধ, ম'রে-যাওয়া বাড়িটার মধ্যে রাজেনবাবু এসে স্বাতীর কাছে বসলেন ।...‘স্বাতী, কাঁদিস কেন ?’

উপুড় হ'য়ে, বালিশটাকে কামড়ে ধ'রে, স্বাতী ফুলে-ফুলে উঠতে লাগলো ।

‘আর কাঁদে না । লক্ষ্মী, সোনা, আমার স্বাতী-সোনা, আর কাঁদে না ।’

কিন্তু কান্না তো থামে না স্বাতীব । কী ক'রে থামবে ? কে চ'লে গেলো এই বাড়ি ছেড়ে ? বড়দি ? না, না, আমি, আমি—স্বাতী গলা ফাটিয়ে চীৎকার করলো মনে-মনে—এ-তো আমি ; রোজ সন্ধ্যাবেলা সমস্ত আকাশ কাঁদিয়ে যে চ'লে যায়, সে-তো আমি ; আবছা অন্ধকাবে শূন্য মাঠে ছোট্ট ইন্স্টেশনে বেলগাড়ি যাকে নামিয়ে দিয়ে যায়, সেও তো আমি ! বাবা, আমি যাবো না ; বাবা, আমি যাবো না !—কিন্তু এ-কথা শোনেই-বা কে, আর তেমন ক'রে বলতেই-বা আর পারে না কেন ? আব পাবে না ব'লেই তো আরো কান্না পায় ।

‘স্বাতী...স্বাতী...স্বাতী রে...’

স্বাতী চোখ খুললো না, মুখ তুললো না । বাবা তাকিয়ে-তাকিয়ে দেখতে লাগলেন মেয়ের বালিশ-জড়ানো স্ত্রুগোল শাদা হাতের দিকে, কালোচুল-ছড়ানো কঁপে-কঁপে-ওঠা পিঠের দিকে । ...তাহ'লে ওর এমন দুঃখও আছে যা আমি বুঝি না, তাহ'লে ওর এমন কান্নাও হয়েছে যা আমি ধামাতে পারি না । চুপ ক'রে

পাশে বসলেন ; আর ডাকলেন না, নড়লেন না, ছুঁলেন না ; ব'সে-
 ব'সে কত কথা মনে পড়লো, কত কথা মনে হ'লো ।
 কোনোখানে কোনো শব্দ নেই, চুপচাপ বুক-ফাটা বাড়িটার মধ্যে
 ঠেলে-ঠেলে উঠতে লাগলো স্বাতীর বুকের ভিতর থেকে কান্নার
 হাওয়া, আর জানলা দিয়ে ঝিরিঝিরি কৌকড়া হাওয়া মাঝে-মাঝে
 গায়ে তুলে গেলো প্রথম-শীতের শিউরানি ।

শীত প'ড়ে এলো পৃথিবী ভ'রে মন-খারাপ ছড়িয়ে। কী মন-মরা রং-ঝরা সন্ধ্যা, আর বিকেলটা ছোটো একটুখানি, যেন রোগা, সরু, ভীরা, কোনোরকমে একবার ঝিলিক দিয়েই অন্ধকারে মিলিয়ে যায়। এই-তো সেদিনও কত রং ছিলো বিকেলে—বেগনি আর বাদামি আর সবুজ, হলদে আর সবুজ আর সোনালি, এক-একদিন সন্কেবেলাটাকে মনে হ'তো গোলাপি সমুদ্র, টুকরো মেঘগুলি সোনালি গাছ, আর সমুদ্রের তলে সোনালি ঘাস, সোনালি গাছ—দেখতে-দেখতে সব মিলিয়ে গেলো। সন্ধ্যার সিঁদুর-রং হ'লো হুঁদুর-রং, আকাশটা যেন বিধবার কপাল।

ঝিরঝির, শিরশির ক'রে শীত এলো, স্বাতী দেখলো একা ব'সে-ব'সে। রোজ একটু-একটু ক'রে কাছে এলো, আর যত কাছে এলো তত যেন ভালো হ'লো, ভালোবাসলো; ঠাণ্ডা হাওয়ায় একটু-একটু ক'রে ঝ'রে পড়লো মন-খারাপ, গাছের গা থেকে একটি-একটি ক'রে পাতার মতো; ঠাণ্ডা জল শাস্তি আনলো, আর সকালবেলা স্নানের পর নরম নীল রোদ্দুরের দিনটি যেন পৃথিবীর হাতে ধরা এক আশ্চর্য উপহার। আশ্চর্য লাগলো স্বাতীর—আশ্চর্য এইজন্য যে শীতও সুন্দর, আকাশ এত শান্ত আর দিন এত নরম তো আর-কখনো হয় না—তবে কি যা-কিছু হয় তা-ই ভালো, আর যা-কিছু আছে তা-ই সুন্দর? কত সুন্দর, তা কি লোকে জানে? কই, তাদের মুখ দেখে তা মনে হয় না তো।

রাস্তায় বেরোলে, কি একটা ট্রামে উঠলে, কী-রকম সব মুখ চোখে পড়ে ? হোমরা মুখ, গোমরা মুখ ; ছোকরারা ফুঁতিতে ফাজিল, কেউ চোখা-চোখা, কেউ বোকা-বোকা ; কিন্তু কোনো মুখেই এ-কথা লেখা নেই যে—কী ? একটু থমকালো স্বাতীর মন, সন্ধের পরে আলো-জ্বলা টেবিলে লজিকের বইয়ের পাতায় আঙুলের চাপ পড়লো একবার, তারপর মনের চোখে সে দেখলো সত্যেন বায়ের মুখ—মুখশ্রী । প্রথম যখন দেখেছিলো মনে হয়নি মানুষটা সুন্দর, মনে হওয়াটাও—যদি তখন এ নিয়ে ভাবতো—সম্ভব মনে হ'তো না, কিন্তু ই্যা, সুন্দরই তো । যা সুন্দর, তা সুন্দর লাগে ওঁব চোখে—আব তাই ওঁর চোখেব তাকানো—

হাতের চাপ পড়লো কাঁধে, স্বাতী ফিবে তাকালো চমক-লাগা বড়ো চোখে । শাস্ত্রী হেসে বললো, 'বা-বাঃ ! অমন আত্মহাবা হ'য়ে ভাবছিলি কী ?'

স্বাতী উঠে দাঁড়ালো ।—'কখন এলে ?'

'এক্ষুনি এলাম, আবাব এক্ষুনিই যাবো !'

ছোড়দির সাজগোজের দিকে এক ঝলক তাকিয়ে স্বাতী বললো, 'নেমন্তন্ন বুঝি কোথাও ?'

'পিবোজপুরের রাজবাড়িতে ।'—একটু থেমে—'অনেক লোকজন, খাওয়াব দেরি আছে ; তাই ভাবলাম একবার ঘুরে যাই । কাছেই তো ।' শাস্ত্রী ন'ড়ে-চ'ড়ে শাড়ির জেল্লা তুললো ইলেকট্রিক আলোয় । তাবপর স্বাতী কিছু বললো না দেখে আবাব বললো, 'ঐ-যে সাদান' এভিনিউতে বিরাট গোলাপি রঙের বাড়িটা ।'

ছোড়দিকে নিরাশ করতে খারাপ লাগলো স্বাতীর, মুখে-চোখে ভাণ করলো যেন সে জানে সাদান' অভিনিউতে পিরোজপুরের রাজবাড়ি কোনটা। জিগেস করলো, 'হারীতদা এলেন না?'

'না—যা আড্ডা জমেছে! রাজার ছেলে বন্ধু কিনা—হারীতের', মাত্র একটুখানি চেষ্টা ক'রে খুব সহজেই নামটা উচ্চারণ ক'রে ফেললো শাস্ত্রী। 'বিলেতে আলাপ ওঁদের। পাঁচ বছর বিলেতে কাটিয়ে আমেরিকা চিন জাপান ঘুরে এই সেদিন ফিরেছেন মকরন্দ মুখ্যে। তোকে বলবো কী—' শাস্ত্রীর মুখের ভাঁজে-ভাঁজে খুশি ফুটলো, 'অন্ত বড়োলোক, অথচ কী ভদ্র!'

কথাটা নিয়ে একটু-যেন ভেবে স্বাতী বললো, 'বড়োলোকরা ভদ্রলোক বুঝি হয় না?'

কথাটা গ্রাহ্য না-ক'রে, কিংবা লক্ষ্য না-ক'রে, শাস্ত্রী একটা বড়ো খবর দিলো, 'জানিস, জাপান নিশ্চয়ই যুদ্ধে নামবে!'

'নাকি?'

'তাহ'লে আর আর রক্ষে নেই আমাদের—' গলা নামিয়ে, প্রায় কানে-কানে শাস্ত্রী বললো, 'ভী-ষ—ণ বদ জাপানিরা!'

স্বাতী আবার বললো, 'নাকি?'

'কিছুই-তো জানতে পারি না আমরা, চিনদেশে যা কাণ্ড—' পিরোজপুরের রাজপুত্রের মুখে এইমাত্র যা শুনে এসেছে, সেগুলি গরম-গরম উগরে তুললো শাস্ত্রী, আর স্বাতী শুনলো যেন হারীতদাই কথা বলছেন, কথার উচ্চারণ পর্যন্ত সে-রকম হ'য়ে যাচ্ছে। তাকিয়ে-তাকিয়ে দেখতে লাগলো ছোড়দিকে; কত মোটা হয়েছে, ফুটফুটে ফর্সা, টুকটুকে লাল, সুন্দরী বলবে সবাই, কিন্তু সুন্দর?

‘কী রে?’ জাপানি জন্তুর বর্ণনার মধ্যে হঠাৎ শাশ্বতী সচেতন হ’লো। ‘কী দেখছিস? নেকলেসটা?’ খুশি হ’য়ে, অথচ একটু লজ্জার ভঙ্গিতে নিজের গলার দিকে চোখ নামালো ঘাড়ে স্পষ্ট দুটো রেখা ফুটিয়ে। ‘কেন, এটা প’রে এসেছি তো আগে—আমার শ্বশুর দিয়েছিলেন বিয়ের সময়—’মোহরের মতো গোল-গোল চাকতি-বসানো লাল সোনার ফাঁসটিকে শাশ্বতী মোটা-মোটা আঙুল দিয়ে ছুঁলো একবার—‘সুন্দর না?’

স্বাতী ক্ষীণস্বরে বললো, ‘ছোড়দি, সুন্দর কাকে বলে?’

‘নাঃ!’ শাশ্বতী হা-হা ক’রে হেসে উঠলো যেমন ক’রে পুরুষরা হাসে। ‘তুই বড্ড ভাবুক হ’য়ে উঠছিস দিন-দিন। তা তোর বয়সে ও-রকম একটু হ’য়ে থাকে কোনো-কোনো মেয়ের—আবার সেরেও যায়—,’চোখে একটুখানি হাসি চিকচিক ক’রে উঠলো, বিগলিত মেয়েলি হাসি এবার, ‘সময়মতো।’

বাবার সঙ্গে মিনিট দশেক গল্প ক’রেই শাশ্বতী উঠলো। রাজেনবাবু মেয়েকে এগিয়ে দিলেন প্রায় রাজবাড়ির গেট পর্যন্ত, স্বাতীও গেলো সঙ্গে। ফেরবার পথে বললো, ‘বাবা, লেকের ধারে একটু বসবে?’

‘বেশ!’

কৃষ্ণপঙ্কজের রাত, তার উপর ঠাণ্ডাও পড়েছে একটু; লেকের ধারে লোক কম, কিন্তু যতটা কম হ’তে পারতো তার চেয়ে বেশি। একেবারে খালি বেঞ্চি একটাও নেই। একটু ঘোরাঘুরি ক’রে স্বাতী বললো, ‘এসো বাবা, ঘাসেই বসি।’ ক-দিন একেবারেই ঘর থেকে বেরোয়নি, আজ দৈবাৎ রাস্তায় পা দিয়ে খোলা হাওয়ায় আকাশের তলায় ভালো লাগছিলো তার।

জুতো থেকে পা বের ক'রে ভিজ়ে ঘাসের গায়ে একবার ঠেকিয়ে রাজেনবাবু বললেন, 'না রে—'

এমন সময় জলের ধারের বেঞ্চি থেকে একজন উঠে দাঁড়িয়ে বললো, 'আপনারা এখানে বসুন।'

'আপনি—!' স্বাতী ব'লে উঠলো একটু জোরেই।

'বোসো, স্বাতী।' সত্যেন রায় এমন সুরেই কথা বললেন, যেন এটা তাঁর বাড়ির বসবার ঘর আর স্বাতী নিমন্ত্রিত।

স্বাতী বসলো ধারে, আর রাজেনবাবু তার পাশে বসতে-বসতে বললেন, 'তিনজনেই তো বসা যায় এখানে।'

'আমিও বসছি,' বেঞ্চির আর-এক ধার দখল করলেন সত্যেন রায়।

হাঁটুতে কনুই আর হাতে থুতনি রেখে সামনের দিকে মুখ বাড়িয়ে স্বাতী বললো, 'আপনি-যে লেকে?'

'কেন, আসতে নেই?'

'লেকে তো সবাই আসে।'

'তাতে কী?'

'সবাই যায় ব'লেই আপনার যেতে ইচ্ছে করে না বলছিলেন?'

'কবে বলেছিলাম?'

স্বাতী ঠিক বুঝতে পারলো না এ-রকম কোনো কথা সত্যেন রায় কি সত্যিই বলেছিলেন, না কি সে-ই নিজের মনে ভেবে নিলো এইমাত্র। আর এই একটু চুপ-খাকার ফাঁকে, 'তা এসেছিলাম ব'লেই তো তোমার সঙ্গে দেখা হ'লো', ব'লে পিঠ টান ক'রে বেঞ্চিতে হেলান দিলেন তিনি।

আহা! দেখা করতে চাইলে আবার—দু-মিনিট দূরে তো

থাকেন ! অনেক কথা টগবগ ক'রে উঠলো স্বাতীর মনের মধ্যে কিন্তু কোনো কথাই কি বলা যায় ছাই ! শুধু বাজে কথা ব'লেই জীবন কাটাতে হয়। স্বাতী হাত সরালো না খুতনি থেকে, কনুই আরো শক্ত করলো হাঁটুর উপর, টনটনে পিঠে তাকিয়ে রইলো তারার আলোয় ঝিলিমিলি জলের দিকে, এক-এক জায়গায় ইলেকট্রিকের আলো যেন কালো জলের ছাল ছাড়িয়ে নিচ্ছে, অথচ জল যেন চলে না, আর সেইজন্য সমস্তটা কেমন মরা-মরা। এতখানি জল, জলের মধ্যে ঘন গাছের দ্বীপ, আবার দূরে একটা সাঁকো ; তবু সবটাই যেন সাজানো, বানানো, যেন সত্যি নয়—বাঃ, বানানো জিনিশ তো বানানোই হবে ! যা-কিছু বানানো তা-ই বুঝি এ-রকম, আর যা নিজে-নিজে হয় তা-ই সুন্দর ? কিন্তু কবিতাও তো বানানো, তবু বানানো যে লাগে না ?

সোজা হ'য়ে ব'সে বাবার পিঠের উপর দিয়ে প্রোফেসরের দিকে তাকিয়ে স্বাতী বললো, 'আপনি কোনো লোক দেখেছেন ?'

'এই-তো দেখছি।'

'না—সত্যি-লোক, হ্রদ ?'

'তাও দেখেছি।'

'কেমন ?'

'কেমন ?' সত্যেন রায় মুখ তুললেন সামনের দিকে, মনে হ'লো বেশ বিস্মৃত একটা বর্ণনা দেবেন, কথা ভাবছেন মনে-মনে, কিন্তু মিনিট দুই স্ব'রে মন আর কান এক ক'রে ফেলেও আর-কিছু শুনতে না-পেয়ে স্বাতীর যখন তেমনি অপ্রস্তুত লাগছে, যেমন লাগে গুরুজনের সভায় বালকের হঠাৎ গম্ভীরভাবে এমন-কিছু ব'লে ফেলে যেটা

একটু পরেই সে বুঝতে পারে বোকামি ব'লে, তখন; যেন অনেক ভাবনার পরে, সত্যেন রায় আস্তে বললেন, 'পৃথিবীতে সবই সুন্দর।'

স্বাতী আবার হেলান দিলো বেঞ্চিতে, কথাটা যেন শুনলোই না, মুখ ফিরিয়ে নিয়ে চেষ্ঠা করলো দূরের দ্বীপটাকে প্রকাণ্ড, পাহাড় আর ঝোপ-ঝোপ গাছগুলোর ঘোরকালোকে ভীষণ জঙ্গল ব'লে কল্পনা করতে, আর হঠাৎ একটা মোটরগাড়ির হেডলাইট আলো ফেললো ঠিক তার মুখের উপর, চোখে হাত চাপা দিলো সে, কিন্তু দরকার ছিলো না, আলো দূরে স'রে গেছে তক্ষুনি।

চুপচাপের মধ্যে জোর আওয়াজে হেঁচে উঠলেন রাজেনবাবু। হাতের উন্টো পিঠ ঠোঁটে বুলিয়ে বললেন, 'ষাবি নাকি এখন? বেশ ঠাণ্ডা।'

'হ্যাঁ বাবা, চলো।' স্বাতী উঠলো, জলের দিকে পিঠ ফিরিয়ে দাঁড়ালো, আর তার পিছনের জল আর আকাশ থেকে সত্যেন রায়ের চোখ আস্তে-আস্তে স'রে এলো তার মুখের উপর।

ঠাণ্ডা হাওয়ায় একটু-যেন কেঁপে উঠে স্বাতী হঠাৎ বললো, 'আচ্ছা, সুন্দর কাকে বলে?'

একটু চুপ ক'রে থেকে, একটু হাসির স্বরে, আর খুব মুছ স্বরে প্রোফেসর জবাব দিলেন, 'সে-কথা এখন ভাবতে হবে না তোমাকে, এখন পরীক্ষা সামনে।' তারপর উঠে দাঁড়ালেন রাজেনবাবু দিকে ফিরে।—'লেকের ধারের রাস্তায় কেন-যে গাড়ি চলতে দেয়।'

বাড়ি ফেরার পথে আর একটি কথা বললো না স্বাতী : হঠাৎ ক্লান্ত লাগলো তার ; ক্লান্ত, ফাঁকা-ফাঁকা, কাঁপা-কাঁপা।

বেশ-তো ; তাহ'লে ইন্টারমিডিএট পরীক্ষার জন্মই তৈরি হওয়া
 থাক। জামুয়ারি থেকে কলেজ ছুট হ'লো, সারাদিন বাড়ি
 ব'সে পড়াশুনো ছাড়া করবারও কিছু নেই। কিন্তু পরীক্ষার পড়া
 কতটুকুই বা। বাকি সময় অল্প নানারকম বই পড়ে ; ছপুর্নে
 খেতে-খেতে ভাবে, খাওয়ার পর রোদদুরে পিঠ দিয়ে বসবে
 আরস্ত-করা কোন বইটি নিয়ে, বইয়েব তো অভাব নেই সত্যেন
 রায় থাকতে। পড়তে-পড়তে রোদ স'রে আসে তার পিঠ থেকে
 মাথায়, রোদের বাঁকে-বাঁকে বেতের চেয়ারটি ঘুরিয়ে নেয় ; তারপর
 ঘর থেকে রোদ যখন চ'লে যায়, অথচ ঘরভরা তাতটুকু থাকে, তখন
 ছাপার অক্ষরগুলো একটার গায়ে আব-একটা লাফালাফি করে
 তার চোখের সামনে, একটুখানি ঘুমিয়েও পড়ে হয়তো—কিন্তু তক্ষুনি
 টান ক'রে চোখ মেলে কল্লনাব জগৎ ছেড়ে বাইরের দিকে তাকায়,
 সামনের ছোটো রাস্তাটি ফাঁকা, বা নেই পাড়ায়, কর্পোরেশনের
 বাচ্চা-গাছটার সঙ্গে শীতবিকেলের সোনারোদের একা-একা খেলা।

এইরকম সময়ে বিজু একদিন এসে বললো, 'স্বাতী, কী করছিস ?'
 দাদাকে দেখে স্বাতী খুশি হ'লো, হেসে বললো, 'কী আর করবো।'
 'তুই দেখি নভেল প'ড়েই দিন কাটাস। পরীক্ষার পড়া ?'
 'তাও পড়ি।'

'নিজের মনে কী পড়িস না-পড়িস তুই ছাড়া কেউ জানে না।'
 'আমি ছাড়া আবার কে জানবে—আর জানবার দরকারই বা
 কী।'

'আহা—এমনি-এমনি পড়াই এক কথা, আর পরীক্ষার জন্ম
 পড়াই আর,' দু-বার ফেল করার অভিজ্ঞতা নিয়ে বিজন বললো।

‘ঠিক হচ্ছে কিনা সেটা জানা তো চাই। আর তোর তো সুবিধেই আছে মস্ত।’

‘কী?’

‘সত্যেনবাবুকে বলতে পারিস মাঝে-মাঝে এসে—’

‘ও মা!’ স্বাতী বাধা দিলো কথায়। ‘এর জন্য নাকি আবার—’

‘কেন? উনি প্রোফেসর, ওঁর কাজই তো পাশ করানো।

চাই কী হয়তো কোশ্চেনও ব’লে দিতে পারেন।’

‘সে কী! পরীক্ষার কোশ্চেন নাকি কেউ কাউকে বলে!’

‘বলে না!’ বিজন হাঃ ক’রে হাসলো একটু। ‘দিন-রাত বলে! ম্যাট্রিকে তো দু-বারই আমি “এসে”টা জেনে গিয়েছিলুম—’

‘তাতে সুবিধে হয়েছিলো কিছু?’

বিজু গম্ভীর হ’য়ে বললো, ‘তা বলতে হ’লে নিজে তো জানা চাই। সত্যেন রায় বাচ্চা-মাস্টার—উনি আর কোথেকে জানবেন!’

‘বেশ রং তোর শার্টটার,’ স্বাতী কথা বদলালো।

‘ভালো?’ বিজন চোখ নামিয়ে দেখলো একবার, তারপর হেলাফেলার মতো ভাব ক’রে বললো, ‘করালাম কয়েকটা নতুন। কাজ বাগাতে হ’লে কাপড়চোপড়ের চটকটা চাই সকলের আগে।’

ফিকে-ছাই রঙের পাংলুন আর শাদা-কালো জুতোর দিকে তাকিয়ে স্বাতী জানতে চাইলো, ‘চটক হ’লেই কাজ বাগানো যায়?’

‘দেখবি, দেখবি’, বিজন একমুখ ধোঁয়া ছাড়লো সিগারেটের। ঘরের মধ্যে ঘুরতে-ঘুরতে বোনের সামনে দাঁড়িয়ে হঠাৎ বললো, ‘শোন—সত্যেন রায়কে বলবি আমাকে দুটো চিঠি ড্রাফট ক’রে দিতে? বুঝলি না, ইংরিজিটা তো আমার তেমন—’

‘চাকরির অ্যাপ্লিকেশন ?’

‘আরে না, না, চাকরির অ্যাপ্লিকেশন হবে কেন ? বিজনেস-লেটার । গবর্মেণ্টে লিখতে হবে কিনা, তাই একটু ভালো ক’রে—বলবি সত্যেন রায়কে ?’

‘আমি কিছু বলতে-টলতে পারবো না ।’

এ-উত্তরটাই বিজন আশা করেছিলো, আর এতে চটবে না এটাও আগেই স্থির করা ছিলো তার । তক্ষুনি বললো, ‘আচ্ছা থাক, থাক, ও আমি চালিয়ে নিতে পারবো । আর বিদ্বান উনি হ’তে পারেন খুব—কিন্তু কমার্শল করেসপনডেন্সের কী জানেন ?—কমিশন বানান কী রে ?’

স্বাতী মুখে আঁচল চেপে হেসে উঠলো ।

‘হাসবার কী আছে ?’ পাণ্ডুনের পকেটে হাত ঢুকিয়ে বিজন মুকটাকে চেতিয়ে দিলো একটু । ‘ভীষণ নটখটে ওটা । কত মুখস্ত করেছিলুম কমিশন অমিশন, তবু লিখতে গেলেই শর্ষে ফুল । একটা এম, দুটো এস, না রে ? না একটা এস, দুটো এম ?’

তা বানানের জন্য কি আর কাজের লোকের কাজ ঠেকে থাকে । ক-দিন পরেই দেখা গেলো, জমকালো একটি লেটার-বক্স শোভা পাচ্ছে বাড়ির দরজায়, তার গায়ে গোট-গোট শাদা অক্ষরে লেখা : B. JOHN & Co.

দেখে রাজেনবাবু হকচকালেন । তবে কি তাঁর বাড়ি ভাড়া নিয়ে নিলো অন্য কেউ, আর তিনিই জানলেন না ? ঘরে এসে স্বাতীকে বললেন, ‘ব্যাপার কী রে ?’

‘কী ?’

‘লেটর-বক্সটা কাদের ?’

‘কাদের আবার। আমাদেরই ! দাদা লাগিয়েছে সেদিন।’

‘কী কোম্পানি লেখা দেখলাম যে ?’

‘ও মা ! বুঝলে না তুমি ! B. JOHN—মানে, বিজন।’

‘ও-হোঃ-হো !’ হেসে উঠলেন রাজেনবাবু। এমন গলা ছেড়ে, আর এতক্ষণ ধরে হাসলেন অনেকদিন পর।

‘তা বুদ্ধিটা মন্দ বের করেনি,’ স্বাতী দাদার পক্ষ নিলো।

‘ই্যাঃ, খুব বুদ্ধি ! আবার কোম্পানিও !’ রাজেনবাবু হাসির ধাক্কায় মাথা হেলিয়ে দিলেন পিছন দিকে।

স্বাতী বললো, ‘দাদা কিছু-একটা করছে ঠিকই—কী-রকম সুন্দর চিঠির কাগজ ছাপিয়েছে সবুজে আর কালোতে—আর বিল-টিল কত-কী—’

‘ওঃ ! তাহ’লে আর কী !’

স্বাতী চোখ দিয়ে হাসলো বাবার সঙ্গে, কিন্তু মুখে বললো, ‘অত ঠাট্টারই বা কী হয়েছে—জানো, মাঝে-মাঝে চিঠিপত্রও আসে বি-জন কোম্পানির নামে, থাকি রঙের খামে, একটা এসেছিলো ও. এইচ. এম. এস ছাপানো—জানো ?’

‘ভালো !’

স্বাতী একটু ভাবলো, তারপর আবার বললো, ‘নিশ্চয়ই দাদা কিছু করছে এবার—টাকাও পাচ্ছে খুব।’

‘বলেছে বুঝি তোকে ?’

‘বলতে হবে কেন—দেখে বোঝা যায় না ? কত নতুন কাপড়-

চোপড় করাচ্ছে, আর দাড়ি কামাবার ব্রেড যে কত কিনছে তোমাকে বলবো কী, বাবা !’

‘কী বললি ? ব্রেড কিনছে !’

‘ক—স্ত ! একটা বিস্কুটের টিন ভরতি !’

হাসি মিলিয়ে গিয়ে এবার রেখা পড়লো কপালে। শেষটায় কি উন্মাদ হ’য়ে গেলো ছেলেটা ? না স্বাতীরই ভুল ?—‘তুই দেখেছিস ?’ রাজেনবাবু জিগেস করলেন।

‘লুকিয়েই রাখে স্যুটকেসে কাপড়ের তলায়—সেদিন বের ক’রে গুনছিলো, আমি হঠাৎ গিয়ে পড়েছি তখন ওর ঘরে। দেখে বললুম, “অত ব্রেড দিয়ে কী হবে রে ?” বললো, “জমাচ্ছি। ক-দিন পরে তো আর পাওয়া যাবে না।” ব’লে হাসতে লাগলো খুব। সত্যি নাকি, বাবা, ব্রেড আর পাওয়া যাবে না একেবারেই ? দাড়ি রাখতে হবে সবাইকে ? মা গো, কী কুচ্ছিং !’

গভীর হ’লো কপালের রেখা, ফ্যাকাশে হ’লো মুখের রং। মিনিটখানেক চুপ ক’রে থেকে আপন মনেই বললেন, ‘টাকা পায় কোথায় ?’

‘বাঃ !’ স্বাতী বাবার ছুশ্চিন্তা দূর করলো, ‘আমি বললুম না তোমাকে, ও টাকা পাচ্ছে খুব। আমাকে বললো, “এখানে কত টাকার ব্রেড বল তো ?” আমি অনেক ভেবে, অনেক বাড়িয়ে-টাড়িয়ে বললুম, “পঁচিশ ?” হো-হো ক’রে হেসে উঠলো গুনে। “হু-শো টাকার ব্রেড কিনেছি। আরো কিনবো।” অনেক টাকা না-থাকলে কি হু-শো টাকার ব্রেড কিনতে পারে কেউ ! তা ভালোই করলো দাদা—যখন আর পাওয়া যাবে না, আমাদের চেনাশোনা

সকলকে দিতে পারবো তো—’ বলতে-বলতে স্বাতীর চোখের সামনে ফুটলো সত্যেন রায়ের পরিস্কার-কামানো গালের নীলচে আভা—‘ও বাবা, আমার কথা শুনছো না তুমি!—’ বাবার মুখে ঠেলা দিলো স্বাতী।

‘হ্যাঁঃ! মস্ত এক ভাবনা ঘুচলো।’ রাজেনবাবু হাসলেন মেয়ের দিকে তাকিয়ে।

বিজুর সঙ্গে কথা বলবার সুযোগ খুঁজতে লাগলেন মনে-মনে। বাপ যখন বাড়ি থাকেন, ছেলে তখন প্রায়ই থাকে না, সুযোগ ঘটতে তাই দেরি হ’লো। আর দেরি হ’লো ব’লে রাজেনবাবুর উদ্বেগ যেমন বাড়লো, তেমনি আবার কোথায়-যেন এবটু আরামও পেলেন—কিছু বলতে গেলেই তো রুখে উঠবে, চ্যাঁচাবে, আর স্বাতী যদি কিছু-একটা ব’লে ফেলে তবে-তো আর রক্ষে নেই—পদ্মা-পার ক’রে ছাড়বে মেয়েটাকে। অথচ না-ব’লেই বা কী করি, কার টাকা নিয়ে কী-পাগলামি করছে, সেটা আমাকে জানতে-তো হবেই।

দেখা হ’য়ে গেলো পরের রবিবার বিকেলবেলা। ‘ছাখ তো আমার নতুন স্যুটটা কেমন—’ বলতে-বলতে ঘরে এসে বিজন দেখলো স্বাতী ঋতর চেয়ারটিতে ব’সে নেই, বাবা চশমা এঁটে কী-যেন হিশেব লিখছেন সেখানে। থমকে দাঁড়ালো।

পলকের জন্য রাজেনবাবুর মনে হ’লো—এখন থাক। কিন্তু তক্ষুনি আবার জোর করলেন মনে, হাতের পেন্সিলটা নামিয়ে, খুকখুক কেশে, একটু লাল হ’য়ে বললেন, ‘বিজু, তোর সঙ্গে একটা কথা—’

‘আমার সঙ্গে ?’ গটগট ক’রে বিজু এগিয়ে এলো, এই সপ্রতিভ স্বচ্ছন্দ ভাবটার পিছনে কতখানি চেষ্টা আছে তা বুঝতেই দিলো না।

ঝকঝকে নাবিক-নীল স্মার্ট-পরা ফ্যাশনেবল যুবকটির দিকে নিশ্চিন্ত-বুড়ো-চোখ মেলে একটু তাকালেন রাজেনবাবু। তারপর মিনমিন ক’রে বললেন, ‘কথাটা হচ্ছে—মানে—কী করছিস-টরছিস আজকাল—’

‘ওঃ!’ বিজুন অক্ষুট অধৈর্যের আওয়াজ করলো, ছানো-ত্যানো পঞ্চাশ কথা এখন! তার চেয়ে একবারেই সব ব’লে দেয়া ভালো—মানে, যতটা বলা যায়। মুখে একটু হাসি এনে বেশ স্পষ্ট ক’রে বললো, ‘বিজনেস-এর খুব একটা সুবিধে পেয়েছি, বাবা—বিজ্ঞান কোম্পানি নিশ্চয়ই দাঁড়িয়ে যাবে, তুমি দেখো।’

‘আর-কাকে নিয়ে কোম্পানি ?’

‘আর-তো কেউ না—আমি একাই। পার্টনার হ’তে অনেকেই চাচ্ছে অবশ্য, বোলচাল দিচ্ছে খুব, কিন্তু আমি ওতে ভুলি না! আমি একাই পারবো, একাই করবো।’

‘কী পারবি ? কী করবি ?’

বিজুন মুচকি হাসলো।—‘তুমি কি ভুলে যাচ্ছো, বাবা, যে পৃথিবীতে একটা যুদ্ধ চলেছে ?’

রাজেনবাবু একটু অবাক হলেন। এ-রকম ক’রেও বলতে শিখেছে বিজু ? তা হবে—কত কাল তো ওর সঙ্গে মুখোমুখি কথা বলি না—আর নেহাৎ ছেলেমানুষ তো নেই আর।—‘তা—তা,’ আমতা-আমতা করলেন তিনি, ‘যুদ্ধ ব’লেই তো আরো ভাবনা। হুর্দিন।’

‘হুদিন না সুদিন দেখা যাক ।’ তারপর বাপের চোখের চকিত প্রশ্নের উত্তরে বললো, ‘এ নিয়ে খামকা তুমি ভেবো না, বাবা, ঠিক আছে সব ।’

‘টাকা পেলি কোথায় ?’

‘টাকা কিছু পেলাম ব’লেই তো—’

‘কোথায় পেলি ?’

‘আমাকে দিয়েছে একজন ।’

‘কে ?’

ছু-বার চোখের পলক ফেলে বিজন উত্তর দিলো, ‘নাম বলতে পারবো না ।’

মুখ-কান গরম হ’য়ে উঠলো রাজেনবাবুর । একটু চুপ ক’রে থেকে বললেন, ‘কত টাকা দিয়েছে ?’

বিজন এ-প্রশ্নের কোনো উত্তর দিলো না ।

বড়ো-বড়ো নিশ্বাস নিতে লাগলেন রাজেনবাবু, থক ক’রে কেশে উঠলেন একবার । তারপর খুব নিচু গলায় বললেন, ‘এ-সব ছাড় । টাকাটা ফিরিয়ে দে । চাকরি কর ।’

‘চাকরি আমি করবো না, বাবা । আর টাকাটা ফিরিয়ে দেবার কথা ওঠে না । আমাকে ধার দেয়নি—দিয়েই দিয়েছে ।’

শুনে রাজেনবাবু হাঁপরের মতো হাঁপাতে লাগলেন । ঘরে এলো স্বাতি, ধূপ ক’রে খাটের উপরে ব’সে প’ড়ে বললো, ‘ক-টা গেঞ্জি নিয়ে এলুম, বাবা, তোমার জন্য । সব তো ছিঁড়ে গেছে ।’

বোনের সওদায় দুটি অভিজ্ঞ আঙুল ন্যস্ত ক’রে বিজু একটু নিচু গলায় বললো, ‘বাজে ।’

‘আমারও তা-ই মনে হচ্ছিলো’, স্বাতী তাড়াতাড়ি বললো।
‘এই মনোহর স্টোর্স দোকানটাই বাজে, কিন্তু পাড়ায় তো নেই
আর। তুই শহরে নানা জায়গায় যাস, নিয়ে এলেই পারিস।’

‘আনবো,’ বাবার দিকে আর না-তাকিয়ে বিজন বেরিয়ে
গেলো একটু-যেন তাড়াহুড়ো ক’বেই।

স্বাতী বললো, ‘স্বাটটায় বেশ মানিয়েছে দাদাকে, না
বাবা?’

রাজেনবাবু চুপ।

‘গেঞ্জিগুলো কি খুবই খারাপ?’ স্বাতী যেন আপন মনেই
বললো। ‘তবে না-হয় ফিরিয়ে দিয়ে আসি।’

‘কিসের!’ প্রতিবাদটা, স্বাতীর মনে হ’লো, বাবার পক্ষে
বড়োই প্রবল। ‘খুব ভালো! খুব সুন্দর! এত ভালো গেঞ্জি
আমি পরেছি নাকি কোনোদিন!’

‘না বাবা,’ স্বাতী হাসলো। ‘তুমি বড্ড খুশি-করা কথা
বলো! রাগ ধরে!—তা’, একটু থেমে, একটু ভেবে আবার
বললো, ‘কথাটা এমন মিথ্যেই বা কী। নিজে কিনলে সবচেয়ে
শস্তাটার উপর আর উঠতে নাকি তুমি!’

‘নিজে তো ক’রে-কমে ভাসিয়ে দিচ্ছেন,’ রাজেনবাবু গজর-
গজর করলেন, ‘আর অন্যেরটা বাজে!’

‘ও মা! এর জন্য দাদার উপর রাগ করছো তুমি!’ স্বাতীর
ঠোঁটের ফাঁকে দাঁতের সারি চিকচিক ক’রে উঠলো।

‘যুদ্ধে বড়োলোক হবেন!’ তীব্র একটা নড়াচড়া হ’লো
রাজেনবাবুর শরীরে। ‘যত—!’

তাহ'লে রাগের অন্য কারণ আছে? বাবার কুঁচকোনে কপালের দিকে তাকিয়ে স্বাতী বললো, 'কী হয়েছে, বাবা?'

'যুদ্ধে বড়োলোক হবেন তোর দাদা!' রাজেনবাবু আর মনের ধোঁয়া চাপতে পারলেন না। 'দেখছিস না প্যাণ্ট-কোট প'রে গটমট।'

'তাতে কী। বড়োলোক হওয়া তো ভালো।'

'যুদ্ধে বড়োলোক হয় কারা? যারা ঠকায়!' বলতে-বলতে চেয়ার ছেড়ে উঠে দাঁড়ালেন—স্বাতী অবাক হ'লো বাবার উদ্বেজনা দেখে—'দেখেছি না আগের বারের যুদ্ধে! চোরে-জোচ্চোরে মিলে সোজা লুঠ করেছে গবর্মেণ্টের তহবিল।'

'হারীতদা তো বলেন সব বড়োলোকই চোর কিংবা ডাকাত,' স্বাতী বাবাকে জানালো। 'হয় সে নিজে, নয় তার বাপ-ঠাকুরদা কেউ—' আর বলতে-বলতে তার মনে পড়লো ছোড়দির মুখে শোনা মকরন্দ মুখুয্যের কথা—হারীতদার বন্ধু? তা মুখে তো লোকে কতই বলে, তাব'লে সত্যি-সত্যি—

'ছেলেটা চোর হবে, চোর!' দম বন্ধ হ'য়ে গলা আটকালো রাজেনবাবুর।

ঘন-নীল স্মার্ট-পরা চুল-গুঁটানো দাদাকে স্বাতী কিছুতেই চোর ব'লে ভাবতে পারলো না। চোর! সে-তো নোংরা, বিচ্ছিরি—কোমরে দড়ি বেঁধে পুলিশ নিয়ে যায় রাস্তা দিয়ে, আর ছোটো ছেলেরা হাত-তালি দেয় পিছনে। তা ছাড়া আবার চোর হয় নাকি? সত্যি, বাবার বড্ড বেশি-বেশি সবটা নিয়ে। কিছু মধ্য কিছু না—ফশ ক'রে ব'লে বসলেন চোর! চোর না আরো কিছু।

‘টাকা পেলো কোথায়?’ রাজেনবাবু বিড়বিড় করলেন।

‘কিসের টাকা, বাবা?’

‘ঐ গেঞ্জি একটা দে তো।’ গেঞ্জির কথায় স্বাতী খুশি হ’লো, কিন্তু তাব উপর পাঞ্জাবি পরতে দেখে বললো, ‘রেক্‌ছে নাকি বাবা?’

‘হ্যাঁ, ঘুরে আসি একটু।’ আর কথা না-ব’লে রাজেনবাবু বেরিয়ে পড়লেন।

এলেন ভবানীপুর, ভবানীপুর থেকে বালিগঞ্জ। পরেব তিন-চার দিনে সারলেন অন্য সব পাড়া—কোথায় বেহালা, কোথায় মৌলালি, আর কোথায় মানিকতলা—হাঙ্গামা কি সোজা! আত্মীয় বলা যায়, বন্ধু মনে কবা যায় এমন একজনকেও বাদ দিলেন না। বিজু কি কোনো টাকা নিয়েছে তোমাব কাছ থেকে? বিজুকে আপনি কোনো টাকা দিয়েছেন? না! না তো! বিজু কেন টাকা নেবে? কেন, হয়েছে কী?

চেনাশোনা কেউ বাদ পড়লো কিনা ভাবতে গিয়ে রাজেনবাবু চমকে উঠলেন। আরে! বিজুব দিদিবা! নিজের মেয়েদের কথাই তাঁর মনে পড়া উচিত ছিলো সকলেব আগে—তা তো নয়, এদিকে রাজ্যি তল্লাশ ক’রে হয়রান! ওকে আব কে টাকা দেবে যদি-না তার দিদিবা কেউ দেয়? দিদিদেব মধ্যে কে? শাস্ত্রতীকে প্রথমেই সরিয়ে দিলেন মন থেকে—কেননা হারীতের মুঠো একটু আঁটো, আর শাস্ত্রতীর সাখি নেই লুকিয়ে দেয়। আর-তিনজনের মধ্যে কোনজন? মহাশ্বেতা? সরস্বতী? একজন রেঙ্গুনে, একজন দিল্লিতে—এত দূর থেকে শুধু চিঠিপত্রে এ-রকম একটা ঘ’টে

গেলো, আর আমি কিছুই জানলাম না?...না, এ খেতারই কাণ্ড! এই-যে সেদিন এসেছিলো; এর মধ্যেই বিজু মন গলিয়েছে বড়দির—আর মন তো ওর গ'লেই আছে, ওকে জল করতে কতক্ষণ!...তা-ই। নিশ্চয়ই খেতা। রাজেনবাবু নিশ্বাস ছেড়ে বাঁচলেন যেন;—যাক, তবু-যে বাইরের কারো কাছে নেয়নি, কি অচেনা কাউকে ঠকাতে যায়নি। খেতাকে চিঠি লিখলেই জানা যাবে, আর জানতে পারলেই ফিরিয়ে দিয়ে নিশ্চিত হবেন।

তিন মেয়েকেই চিঠি লিখলেন রাজেনবাবু। উত্তর এলো সকলের আগে সরস্বতীর।...‘বাবা, তোমার চিঠি পেয়ে অবাক হলাম। তোমাকে না-জানিয়ে বিজুকে আমি টাকা দেবো ব্যবসার নামে নষ্ট করার জন্য, তুমি কি আমাকে এইরকম ভাবো? আমি তো তোমাকে কবে থেকেই বলছি, ওকে শাসন করো, নয়তো বুড়ো বয়সে নাকাল হ'তে হবে তোমাকেই। দেখলে তো এখন! এখনো যদি—’ এর পরে অনেকখানি আক্ষেপ আর উপদেশ। মহাশেতা কত কালের মধ্যে আসে না, ভাইয়ের উপর তার বিশ্বাস তাই বেশি, আর ব্যবসায় তার ভক্তি তো থাকবেই; সে অল্প কথায় জানালো যে টাকা সে দেয়নি, দেবার কথাও হয়নি কোনো; কিন্তু এ নিয়ে এত দুশ্চিন্তারই বা কী আছে, ব্যবসা করা তো ভালোই, বিজু-যে পারবেই না সেটা প্রথম থেকেই ধ'রে নিয়ে লাভ কী—হয়তো পারবে। খেতার চিঠি এলো সবশেষে, যদিও তার রাস্তাই সব-কাছেই। ‘চিঠির উত্তর দিতে দেরি হ'লো, ছেলেপুলের তাড়নায় পাঁচটা মিনিট সময় পাই না,

বাবা। বিজুকে আমি তো টাকা দিইনি—আমার কি আলাদা টাকা আছে নাকি?—দিলে তোমার জামাই-ই দেবেন—তা ওঁকে জিগেস করাতে উনি বললেন, “পাগল নাকি!” কথায়-কথায় আরো বললেন যে এবার বিজু ওঁকে প্রায়ই বলতো ব্যবসা করার কথা, ওর মন যখন ঝুঁকেছে ওদিকে, দেখা যাক না। তোমার বাবাকে লিখে দাও—উনি বললেন—এ নিয়ে মিছিমিছি অস্থির হ’য়ে উনি যেন শরীর খারাপ না করেন। আমিও তা-ই ভালো মনে করি, বাবা। তোমার এত ভাববার কী আছে বলো তো আমরা থাকতে?’

মহাশ্বেতার আশ্বাস, সরস্বতীর উপদেশ, শ্বেতার সাস্থনা, কিছুই কোনো কাজে লাগলো না; মাঝে একটু উপশম হয়েছিলো ব’লেই হৃদয়স্থায় দ্বিগুণ কালো হ’লো মন। তবে কোথায় পেলো? আর টাকাও তো নেহাৎ অল্পস্বল্প হবে না—যা সাজপোশাকের ঘটা—আর ছ-শো টাকার ব্লেন্ড। কে সেই পণ্ডিত, যে বিজুকে বিশ্বাস ক’রে টাকা দিলো? আবার বলে ফেরৎ দিতে হবে না! আর-কিছু না; টাকাটা নিয়ে ও যা ইচ্ছে তা-ই করুক; ওড়াক, পোড়াক, হারাক—যার টাকা, তাকে ফেরৎ দিতে পারলেই বাঁচি। কোনো বিধবাকে কতুর করেনি তো? তেমন কি কেউ আছে আত্মীয়ের মধ্যে, জানা-শোনার মধ্যে? কই, না! ভেবে-ভেবে দিশে পান না, আরো ভাবেন। দিনে-রাত্রে কাঁটার মতো বিঁধে রইলো কথাটা, পান-ছিঝানো অবসরটুকু ফুটো হ’য়ে গেলো, চিড় ধরলো রাস্তিরের গভীর সুমে।

‘বিজু,’ আবার একদিন সুযোগ পেয়ে তিনি বললেন, ‘শুধু

এইটে বল যে কার টাকা আর কত টাকা। আর তোকে কিছু বলবো না আমি।’

‘কেন বলো তো এ নিয়ে এত ভাবছো?’ বিজু হাসিমুখে বললো।

সত্যি, কেন? খেতাও তা-ই লিখেছে, আর মহাখেতাও। সত্যি তো, আমার কী? নিজের উপরেই রাগ হ’লো রাজেনবাবুর, নিজেকে যখন বলতে শুনলেন, ‘বল না আমি তাকে ফিরিয়ে দিই টাকাটা।’

‘বলেছি তো, ফেরৎ দিতে হবে না।’

‘না হোক, তবু আমি দেবো।’

‘ফেরৎ দিতে হ’লে আমিই দেবো,’ বিজু গম্ভীর।

‘বল না, বল,’ প্রায় হাতে ধ’রে মিনতি করলেন বাবা। ‘যদি ম’রে যাই, এই একটা অশাস্তি—’

‘কী বাজে—!’ বিজু অক্ষুটে উচ্চারণ করলো। তারপর মাথা উঁচু ক’রে সোজা বাপের দিকে তাকিয়ে বললো, ‘আচ্ছা আমি তোমাকে কথা দিচ্ছি যে তার টাকা আমি ফিরিয়ে দেবো— অনেকগুণ দেবো। হ’লো তো?’

উঃ! উনি আমাকে কথা দিচ্ছেন! কী কথা দেবার মানুষটা। রাজেনবাবুর বুকের মধ্যে কেমন যন্ত্রণা হ’লো ছেলের ভাবভঙ্গি দেখে। চোখ নামিয়ে নিলেন, যেন তিনিই অপরাধী।

ছেলে তার হাত-সাকাইয়ের হাতে-খড়ি কার উপর করলো, সেটা জানবার আশা ছেড়ে দিতে হ’লো। তা ছাড়া আর উপায়ই বা কী।...রাজেনবাবুর সমস্ত ছুটোছুটি, লেখালেখি, গিড়াপিড়িকে

টিটকিরি দিয়ে বাড়ির দরজায় বুক ফুলিয়ে রইলো বি-জন কোম্পানির লেটর-বক্সটা, একেবারে বেকারও না, চিঠিপত্র সত্যি পড়ে মাঝে-মাঝে।

স্বাতীর ইন্টারমিডিএট পরীক্ষা যতদিনে শেষ হ'লো, ততদিনে দেখা গেলো বিজুর কাছে লোকজনও আসছে, কেউ-কেউ আবার গাড়িতে। তারা বিজুকে বলে মিস্টর মিট্র, জনে-জনে সিগারেটের টিন তাদের হাতে, দরজা-বন্ধ ঘরে নিচু গলায় তাদের পরামর্শ। রাজেনবাবুকে দেখলে তারা যেন দেখতেই পায় না, আর স্বাতীর সামনে পড়লে অসাধারণ সৌজন্য দেখিয়ে স'রে দাঁড়ায় টান-টান বুক। ক্লাইভ স্ট্রিটের সিন্ধি-বাঘের পিছন-পিছন এবা ঘুরে বেড়ায়, প্রসাদ পায় গণ্ডার-ভাণ্ডারের, আর মাঝে-মাঝে স্বাধীনভাবে ছোটো শিকার মারে :—এক পলকেই ঠিক চিনলেন রাজেনবাবু।

একদিন স্বাতীকে ব'লেই ফেললেন মুখ ফুটে : 'বিজু আর যা করে করে—ও-সব বাজে লোকদের বাড়িতে আনে কেন। বলিস তো ওকে।'

'বললেই যেন শুনবে।'

'ব্যবসা করতে হয় তো আপিশ-পাড়ায় বসুক,' রাজেনবাবু চোখের চামড়া কঁচকোলেন, 'বাড়িতে আবার কোম্পানি লটকায় কে?'

স্বাতী তখন আর-কিছু বললো না, কিন্তু বিকেলে বাবা আপিশ

থেকে ফেরামাত্র ছুটে এসে ছ-হাতে গলা জড়িয়ে ব'লে উঠলো,
'বা-বা—!'

'কী রে? কী?'

'আজ যা অবাক ক'রে দেবো তোমাকে!'

বাবা দম নিয়ে বললেন, 'পরীক্ষার রেজন্ট বুঝি বেরিয়েছে?'

'সে কী! এখনই!'

'আর তো কিছু ভেবে পাচ্ছি না,' আপিশের পোশাকেই খাটে
লম্বা হলেন রাজেনবাবু।

'এই নাও—!' স্বাতী ছুটে গেলো টেবিলের ধারে, হিষ্টি অব
ইণ্ডিয়া খুলেই 'আবে—কী হ'লো?' ব'লে টেনে আনলো তার
তলা থেকে ভানুসিংহের পত্রাবলী, আর তার ভিতর থেকে তক্ষুনি
বেবোলো পাংলা নীলচে-সবুজ একশো টাকার নোটখানা। বাবার
কাছে এসে হাত বাড়িয়ে বললো, 'নাও!'

'কী রে?'

'নাও না! জাখো না!'

মেয়ের খুশি-উপচে-পড়া মুখেব দিকে একটু তাকিয়ে থাকলেন
বাবা, তারপর তার হাতেব দিকে তাকালেন।—'টাকা? পেলি
কোথায়?'

'দাদা দিয়েছে তোমাকে,' ব'লে স্বাতী নোটটা বাবার হাতের
মধ্যে গুঁজে দিলো। 'কেমন? তুমি তো ভাবছিলে দাদার সবই
বাজে! এখন?'

নোটটা হাতে ধ'রে রাজেনবাবু উঠে বসলেন। আন্তে-আন্তে
বললেন, 'কেন? আমাকে দিয়েছে কেন?'

‘বাঃ, তোমাকে দেবে না তো কাকে দেবে ? মুখোমুখি তো লজ্জা করে, তাই আমার হাতে দিয়ে বললো, “বাবাকে এটা দিস, কেমন ?” ও তোমাকে খুব ভালোবাসে, বাবা।’

‘ভালোবাসার টাকাই বুঝি প্রমাণ ?’

‘নাঃ—তুমি যে কী—সত্যি।’ স্বাতী ভাষা পেলো না মনের ভাব বলবার।

রাজেনবাবু একটু চুপ ক’রে থেকে বললেন, ‘ওর টাকা দিয়ে আমার কোনো দরকার নেই। ওকেই দিয়ে দিস—এই নে।’

কিন্তু স্বাতী হাত বাড়ালো না; অবাক হ’য়ে বললো, ‘তুমি নেবে না ? ফিরিয়ে দেবে ?’

‘যার কাছে টাকা নিয়েছে তাকেই ফেরৎ দিতে বলিস,’ বলতে-বলতে রাজেনবাবু খাট ছেড়ে উঠে টেবিলের উপর নোটটি রেখে দিলেন বই চাপা দিয়ে।

‘টাকা আবার কার কাছে নিয়েছে ?’ কথাটা শোনালো প্রশ্নেব মতো না, প্রতিবাদের মতো।

‘তা যদি জানতাম তবে তো—’ হঠাৎ থেমে গিয়ে বললেন, ‘বলিস ওকে এ-কথা। যার টাকা নিয়েছে তাকে যেন ফিরিয়ে দেয়।’

স্বাতী সারা দিন ধ’রে আশা ক’রে ছিলো। কত খুশি হবেন বাবা; দাদা-যে সত্যি অপদার্থ না, সত্যি-যে কাজে-কমে’মন গেছে এবার—ভেবেছিলো বাবা বলবেন, ‘বিজু তাহ’লে একজন হ’য়ে উঠলো।’—আর তার এই মন-বানানো রঙিন ছবির গায়ে কালি ঢেলে দিয়ে বাবা কিনা টাকাটা ফিরিয়ে দিলেন। কেমন লাগবে দাদার ? কত উৎসাহ ক’রে দিয়ে গেছে।

‘দাদার সঙ্গে তুমি এ-রকম করো কেন, বাবা ?’ স্বাতী না-বলে পারলো না।

‘কী করি ?’

‘কী আবার—এই-তো—টাকাটা নিলে না—আমি যদি দিতাম আর তুমি যদি এ-রকম না-নিতে, জীবনে কি আর তোমার সঙ্গে কথা বলতাম !’

‘তা বিজু যদি বলে বাবাব সঙ্গে আর কথা বলবো না, তাহ’লে খুব তফাৎ হবে তোর মনে হয় ?’

‘না বাবা, না !’ কোন ‘না’-টাকে সে ‘হ্যাঁ’ করতে চায়, তা নিজেই ভালো বুঝলো না, শুধু ভিতর থেকে একটা প্রতিবাদ উঠতে লাগলো।

‘তা ছাড়া,’ রাজেনবাবু সাস্তনার সুবে বললেন, ‘আমার তো টাকার দরকার নেই কোনো—যদিই আছে, আমারটা আমি চালাতেই পারবো !’

‘শুধু দরকারের জন্তই বুঝি টাকা ?’

‘থাম তো পাকা বুড়ি !’ বাবা উড়িয়ে দিলেন মেয়ের কথা।

কী আর করা, একশো টাকার নোটটা ফিরিয়েই দিতে হ’লো দাদাকে। স্বাতী কথাটা বললো ভয়ে-ভয়ে, অনেক ঘুরিয়ে-ফিরিয়ে মোলায়েম ক’রে, কিন্তু কী আশ্চর্য !—একটুও মর্মাহত মনে হ’লো না দাদাকে, হুঃখিতও না, দিব্য হাসিমুখে চামড়া-বাঁধানো পকেট-বইয়ে নোটটি ভ’রে নিয়ে বললো, ‘থাক, ভালোই হ’লো !...তোর চাই কিছু টাকা ?’

‘ও মা ? আমি টাকা দিয়ে কী করবো !’ স্বাতী হেসে উঠলো।

‘ভালো ! ভালো ! যদি টাকার দরকার না হয় তদিনই ভালো,’ ব’লে ফুটিসে গুনগুন করতে-করতে প্রস্থান করলো বিজন।

স্বাতী অক্ষুটে বললো, ‘দাদাটা কী বে!’—সত্যি-তো, বাবার আর দোষ কী, দাদাটাই বাজে, ছেলেবেলা থেকেই তা-ই, এখনো সারলো না। কী-বকম চলে, আর কী-যে বলে ..সত্যি ! ব’সে-ব’সে যত ভাবলো, ততই বাগলো মনে-মনে, কিন্তু পরেব দিন রাগ জল হ’য়ে গেলো তাব, অনুশোচনায় ভিজ়ে গেলো মন, যখন বিজন এসে তার টেবিলে রাখলো আটটি-দশটি চকোলেটের পাতা।

‘নেসলে!’ স্বাতী চেষ্টায়ে উঠলো খুশিতে। ‘ঈশ—এই লাল পাতাগুলি আজকাল আর চোখেই দেখি না ! পেলি কোথায়?’

‘আছে ! আছে !’ বিজন মুখ টিপে হাসলো। ‘কী চাই তোব বল না !’

স্বাতী আর কথা বললো না; একটা পাতা খুলে প্রথমে একটুখানি ভেঙে মুখে দিলো, তারপর সমস্ত মুখে অনেকদিনেব ভুলে-যাওয়া সুখেব ছড়িয়ে-পড়া অনুভব করতে-করতে একটি পাতা শেষ ক’রেই ফেললো আস্তে-আস্তে। হঠাৎ বললো, ‘দাদা, খা !’

‘নাঃ, আমার ও-সব ভালো লাগে না।’

‘আমারও আর তত না,’ স্বাতী তাড়াতাড়ি বললো। ‘সত্যি, ছেলেবেলায় কী ভালোইবাসতুম চকোলেট ! তুই একটুও খাবি না, দাদা?’

‘তুই আর একটা খা।’

‘মা গো ! একটা খেয়েই টিশটিশ !’ ব’লে স্বাতী আর-একটি পাতার কাগজ ছাড়ালো ছু-আঙুলে ।

বোনের জন্ম এটা-ওটা উপহার বিজন মাঝে-মাঝেই আনতে লাগলো । ডিমের ছাঁদের নীল বাস্কে প্যারিসের সেন্ট, সোনালি বাস্কে চিকরি-চিকরি কাগজে ঢাকা বিলেতি সাবান—স্বাতী ভেবেছিলো এ-সব আর পাওয়াই যায় না, আর দাদা কিনা বলে কত চাস!—কাণ্ড ! আর, কোনোদিন তো হাতে ক’রে কিছু আনেনি আমার জন্ম—কারো জন্মই আনেনি—সেই টাকাটা তো নেননি বাবা, মুখে না-বলুক, মনে কি আর না-লেগেছে !—তাই আমাকে এ-সব দিয়েই...স্বাতীর হৃদয় দ্রব হ’লো কথাটা ভেবে ।...তারপর, পরীক্ষার খবর যখন জানা গেলো, ঐ একটা পাশের ছুতোয় দাদা এনে দিলো টিয়ে-রঙের শাড়ি, আর হাতে ছু-খানা দশ টাকার নোট দিয়ে বললো, ‘খুব-তো পাশ করলি—এবার একটু খরচ কর স্বাধীনভাবে ।’

স্বাতী একটু লাল হ’য়ে বললো, ‘পাশ করেছি তো কী হয়েছে, পাশ আবার কে না করে !’

‘কেন, আমি !’ বিজন খোশমেজাজে হাসলো—‘শাড়িটা কেমন রে ?’

‘খু—ব সুন্দর ! সুন্দর রং ।’

‘আমি তো শাড়ি-টাড়ির কিছু বুঝি না—মজুমদার পছন্দ ক’রে দিয়েছে ।’

‘সে আবার কে ?’

‘আমার কাছে আসে মাঝ-মাঝে—সেই লম্বামতো—’

স্বাতী কিছু বললো না।

‘মজুমদার বললো তোকে খুব মানাবে রংটায়।’

‘সে কী! আমাকে দেখলো কবে?’

‘কেন, তুই কি অমূৰ্য্যস্—অমূৰ্য্যপ্—ঐ হ’লো আরকি—তুই কি তা-ই?’

স্বাতীর ভালো লাগলো না কথাটা। মজুমদারকে চিনলো মনে-মনে—আগে কখনো ছাখেনি ও-রকম পালিশ-করা জুতো। ‘এ-সব বাজে লোকদের ডাকিস কেন বাড়িতে? বাবাও পছন্দ করেন না, জানিস?’ কথাটা উঠে এলো ঠোটে, কিন্তু বলতে গিয়ে থেমে গেলো। থাক—শখ ক’রে এই একটা জিনিশ আনলো—একুনি আবার—এখন থাক—আর-একদিন কথা উঠলো ছাড়বে না।

কুড়ি টাকায় স্বাতী ছ-খানা কাঁচি ধুতি কিনে আনলো বাবার জন্য। কিছু বাঁচলো—তা দিয়ে আর-কিছু ভেবে না-পেয়ে নতুন। রবীন্দ্র-রচনাবলী কিনলো পাড়ার দোকানে। বিকেলে শাড়ি, ধুতি, বই একসঙ্গে বাবার সামনে রাখলো।

‘জাখো, বাবা!’ তারপর বাবা কিছু বলবার আগেই ব্যাপারটা বুঝিয়ে দিলো।—‘ধুতি ছটো তুমি পরবে কিন্তু!’

‘মস্ত বহর—হোঁচট খাবো রে!’

‘আগেই জানি তুমি এ-কথা বলবে! কিন্তু কী করবে—ছেলো যখন দিয়েছে পরতেই হবে!’

‘বইটা বুঝি সত্যেনের জন্য?’

এ-প্রশ্নটা স্বাতীর একেবারেই ধারণার বাইরে : যেন ধাক্কা খেয়ে ব'লে উঠলো, 'কেন ?'

'তা-ই উচিত না ?'

'হ্যাঃ—!' কপালে-পড়া এক গোছা চুল আঙুলে জড়াতে-জড়াতে স্বাতী বললো, 'এ-বই কিনতে এখনো ওঁর বাকি আছে কিনা !'

'তাতে তোমার কিছু না ; তোমার ভাগ তুমি দেবে। সে-তো কত বই দিয়েছে তোমাকে। পাশ-টাশ করলে, এখন—'

'আ-হা !' যেন আবো কিছু বলতে গিয়ে স্বাতী হঠাৎ থেমে গেলো।

রাজেনবাবু জিগেস কবলেন, 'স দেখা হয় না আমাব সঙ্গে।'

'আমার সঙ্গেই যেন হয় !'

'আসে না মাঝে-মাঝে ?'

'ক—ই !' হাসির মতো সুবে স্বাতী বললো। 'পরীক্ষা হ'য়ে যাওয়ার পর দু-দিন এসেছিলেন—না, তিন দিন।'

'এবার ওকে একদিন খেতে-টেতে বল।'

'ঐ তুমি এক জানো, বাবা ! কেবল খাওয়া ! ওঁর অত সময় নেই নেমন্তন্ন খাবার—ভালোও বাসেন না ও-সব !'

'খেতার খাওয়ার দিন তা তো মনে হ'লো না।—তুই এখন শেখ এ-সব—লোককে খাওয়ানো, যত্ন-টত্ন করা—'

'আমি ও-সব পারি না !'

‘পারবি, পারবি!’ রাজেনবাবুর চোখের স্নেহ মেয়েকে স্পর্শ করলো।

বড়দিও বলেছিলেন ঠিক এই কথাই। পারবো, আমিও পারবো? বড়দির মতো, মা-র মতো...? মা-র কথা যেন আস্তে-আস্তে আবছা হ’য়ে আসছে মনে, বাবারও কি তা-ই? বাবা কখনো বলেন না মা-র কথা, কিন্তু সেই না-বলাই সবচেয়ে বেশি বলা নয় তো? এটাই কি সত্য যে মা-র কথা বাবা কখনো বলেন না, না কি যে-কথাই বলেন সে-কথাই মা-র কথা? ‘ওকে একদিন খেতে-টেতে বসে’ মা থাকলে এ-কথা বলতেও তো হ’তো না। ছেলে, মা-র চরিত্র ফিঁক এলো মনে; কত দিকের কত আত্মীয়, বাবার বন্ধু, মুখ্য সহকারী, কত রান্না খাওয়া হাসি গল্প আনন্দ—বড়দি বইয়েছিলো ঠিক সেই ছেলেবেলাব হাওয়া। বড়দি চ’লে গেলো—বাবা আবার যে একা সেই একা—মা-ব মববাব পবে লোকজনের আসা-যাওয়া অনেক ক’মে গছে বাড়িতে—এখন দেখে মনে হয় বাবার আত্মীয় নেই, বন্ধু নেই, কেউ নেই; তিনি সকালে উঠে বাজার করবেন, আপিশ করবেন সাবাদিন, তারপর সন্কেবেলায় হয় কিছু কিনতে-টিনতে ছুটবেন আবার, নয়তো ব’সে থাকবেন আলো নিবিয়ে চুপ ক’রে—এ ছাড়া আর-কিছু নেই তাঁর জীবনে।—কেন, আমি আছি!...আমি? প্রশ্নের তীক্ষ্ণ চিহ্নটা বুকে বিঁধলো স্বাতীর, যেন দম নিতে পাবলো না মুহূর্তের জন্ত। এই সেদিন পর্যন্ত ছোড়দিও তো ছিলো। আর এখন? বড়দি চ’লে যাবার পর ক-দিন এসেছে ছোড়দি?

স্বাতী উঠে এলো বাবার কাছ থেকে। হঠাৎ তার মনে হ’লো

যে বাবা তার সমস্ত ইচ্ছার অফুরন্ত পূরণ ক'রে চলেন, সে তো বাবার ইচ্ছেমতো কিছুই করে না। বাবার ইচ্ছা সত্যেন রায়ের খোঁজ-খবর নেন মাঝে-মাঝে—মা থাকলে সবই হ'তো—কিন্তু মা থাকলে যা হ'তো, এখন কি তা কিছুতেই হবে?...তা আমিও তো ওঁকে আসতে বলি না, এলেও বেশিক্ষণ বসতে বলি না—বাঃ, আমি কেন বলবো—আমি ছাড়া আর বলবেই বা কে—আমার চেনাতেই তো বাবা ওঁকে চেনেন, বাবার তো উনি কিছু না। সত্যি-তো—আমাকে উনি যে-রকম—যে রকম—মানে, আমার সঙ্গে ভদ্রতা যে-রকম করেন, আমি তো তার তুলনায়—যাঃ, ও-রকম হিশেব ক'রে কেউ বুঝি কিছু করে ?

স্বাতী চুপ ক'রে ব'সে ভাবলো একটু। মনে হ'লো, এখনই একবার যায় সত্যেন রায়ের কাছে, ঐ রচনাবলীটা দিয়ে আসে। কথাটা মনে হ'তেই একটা সুখের ছলছলানি ব'য়ে গেলো তার বুকের মধ্যে। দিতে যত ভালো লাগে নিতে কি তত?...কিন্তু রাত হ'য়ে গেছে—রাত কোথায়, ভালো ক'বে তো সন্কেও হয়নি এখনো—গিয়ে হয়তো পাবে না, কি হয়তো দেখবে আড্ডা দিচ্ছেন বন্ধুদের নিয়ে—কিন্তু যদি থাকেন, যদি, ধবো, একলাই ব'সে থাকেন ঘরের মধ্যে—?

আবার খোঁচা লাগলো প্রশ্নের। এত প্রশ্ন কখনো ছিলো না স্বাতীর মনে, এত কাঁটা ছিলো না মনে-মনে ভাবায়। অবাধ ছিলো সে, কে কেড়ে নিলো তার স্বাধীনতা ; সহজ ছিলো, কে তাকে নিয়ে এলো এই আঁকাবাঁকায়। এপ্রিলের রেশমি সন্ধ্যা মখমলের রাত হ'লো আন্তে-আন্তে, আর

স্বাতীর মনও সেই অনুপাতেই ভারি হ'য়ে উঠলো।

এর দু-এক দিন পরে সত্যেন রায়ই এলেন। স্বাতী ঘবে এসে দাঁড়াতেই বললেন, 'কেমন আছো, স্বাতী?' এর মধ্যে যে-ক'দিনই দেখা হয়েছে, প্রথম কথাই এই: কেমন আছো, স্বাতী? আর স্বাতীও ঠিক-ঠিক জবাব দিয়েছে, 'ভালো আছি,' কিন্তু আজ আর না-ব'লে পারলো না, 'রোজই এ-কথা জিগেস করেন কেন?'

'রোজ? রোজ দেখা হয় নাকি তোমার সঙ্গে?'

স্বাতী জবাব দিলো, 'আপনার ইচ্ছা।'

'তাছাড়া,' এক সেকেণ্ড চুপ ক'রে থেকে স্বাতীব কথাটাকে টপকে পার হলেন সত্যেন বায়: 'আমি সত্যি জানতে চাই তুমি কেমন আছো।'

'তা বুঝি এক কথায় বলা যায়?'

'অনেক কথাতেই বলা।'

'অত কথা শোনবার সময় হবে না আপনার।'

'এতই কথা?'

স্বাতী জবাব দিলো না।

'শুনি না!'

স্বাতী একটু পরে বললো, 'এবার যাচ্ছেন না কোথাও ছুটিতে?'

'যাচ্ছি।'

'যাচ্ছেন!' ব'লেই লজ্জা পেলো স্বাতী, কেননা তার নিজের কানেই ধরা পড়লো যে সে উন্টো উত্তরটা আশা করেছিলো।

'কেন, যেতে নেই?'

একটু-যেন ঠাট্টার সুর সত্যেন রায়ের কথায়, যেন ছুটিতে বাইরে যাওয়ার পরামর্শ চাচ্ছেন স্বাতীর কাছে, আর স্বাতী যদি ‘না’ বলে তাহ’লেই তিনি আর নড়েন না। মনে-মনে স্বাতীর কেমন মাথা নিচু হ’লো, গলা বুজে এলো, কিন্তু সেই সঙ্গে তার আঠারো বছর তাকে ঠেলে এগিয়ে দিলো সাহসের সীমান্তে, যেন ঠাট্টার উত্তরে ঠাট্টা ক’রেই ব’লে ফেললো, ‘ছুটি হ’লেই বাইবে বুঝি যেতেই হবে?’

‘যেতে হবে না এমন-কোনো কারণ কি আমার আছে?’ সত্যেন রায়ও প্রশ্নের উত্তরে প্রশ্ন করলেন, কিন্তু প্রশ্নটা স্বাতীকে নিশ্চয়ই নয়, যেন নিজেকেই, যেন জানলার পরদা-ফাঁকে দেখা চিলতে-রোদটুকুর কাছে জেনে নিচ্ছেন নিজের অদৃষ্ট। তক্ষুনি চোখ স’রে এলো, চোখ পড়লো স্বাতীর চোখে, যেন একটা দম-আটকানো মিনিটকে হেসে উড়িয়ে দিয়ে খুব ভালোমানুষের মতো বললেন, ‘তুমিও তো কোথাও ঘুরে এলে পারো একবার।’

‘আমি আর কোথায় যাবো,’ স্বাতীও স্বস্তির নিশ্বাস ছাড়লো।

‘কেন, তোমার বড়দির কাছে,’ সঙ্গে-সঙ্গে জবাব দিলেন সত্যেন রায়।

‘বড়দি আপনাকে একবার যেতে বলেছিলেন।’

‘তোমাকে বলেননি?’

‘আমাকেই তো ব’লে গিয়েছেন আপনাকে বলতে।’

‘তোমাকে যেতে বলেননি?’

‘আমাকে আবার আলাদা ক’রে বলতে হবে নাকি?’ স্বাতী হাসলো।

‘তাহ’লে—’

‘বাবার তো ছুটি নেই, তাই—’

‘নিতো পারেন না ছুটি ?’

‘কী জানি ।’

‘তোমার বড়দি তো আসতে পারেন আবার ?’

‘তাঁরও আসা কি সোজা ! আপনার মতো স্বাধীন তো নয় সবাই ।’

‘স্বাধীন মানে ?’

‘স্বাধীন মানে স্বাধীন ।’

‘স্বাধীন হওয়া খুব ভালো বুঝি ?’ মনে-মনে নিজের স্বাধীনতা উপভোগ ক’রে সত্যেন বললো ।

‘আমি কী ক’রে বলবো !’

সত্যেন রায় আবার তাকালেন জানলাফাঁকের চিলতেরোদের দিকে, আর সেদিকে চোখ রেখেই উঠে পড়লেন ।

খাপছাড়া লাগলো, বড্ড হঠাৎ মনে হ’লো উঠে-পড়াটা । ‘যাচ্ছেন ?’ ‘এখনই যাবেন ?’ ‘একটু বসুন না ।’—কোনটা বললে ভালো হয়, কী-রকম ক’রে বললে ভালো শোনায়, না কি কিছু না-বলাই ভালো—এই ছুঁড়াবনার হাত থেকে স্বাতীকে উদ্ধার করলেন আপিশ-ফেরৎ রাজেনবাবু ভারি পায়ে ঘরে ঢুকে । সত্যেনকে দেখে তাঁর ক্লান্ত মুখে হাসি ফুটলো —‘এই যে, কতক্ষণ ?’

স্বাতী বললো, ‘উনি এইমাত্রই এলেন, আর এইমাত্রই চ’লে যাচ্ছেন ।’

‘কেন ? একটু বোসো—আমি আসছি ।’

‘একটু বসছেন তাহ’লে ?’ বাবা ভিতরে যাবার পর স্বাতী

বললো। এত সহজে রাজি হওয়াটা ভালো লাগলো না তার; একটু পরে আবার বললো, ‘আজ আপনার তেমন তাড়া নেই মনে হচ্ছে?’

‘কিসের তাড়া?’

‘বলুন তো কিসের?’

‘আমি কি তাড়াছড়ো করি সব সময়?’

‘সব সময়ের কথা জানি না।’

‘তবে?’

‘আমি যতটুকু দেখি, তা-ই তো দেখি। যা-ই হোক, অন্তত বাবার কথাটা-যে রাখলেন—’

‘কথা রাখতে খুব ভালো লাগে আমার।’

‘সকলের কথাই?’

‘কারো-কারো কথা।’

‘কার-কাব?’

‘তোমার বাবার কথা তো নিশ্চয়ই।’

স্বাভী একটু চুপ করে থাকলো; তারপর :

‘তাহ’লে মুখের কথাই আপনার কাছে কথা?’

‘ঠিক মুখের কথাই নয়।’

‘কিন্তু মুখ ফুটে না-বললেও তো হয় না।’

‘সেটাই তো ভালো।’

‘সেটাই সাধারণ।’

‘তুমি বুঝি সাধারণ ভালোবাসো না?’

‘আপনি কি বাসেন?’

‘সাধারণ হ’তে বেশ ভালো লাগে।’

স্বাতী আবার একটু ভাবলো।—‘আমার মনে হয়—’

একটু অপেক্ষা ক’বে সত্যেন রায় বললেন, ‘কী মনে হয় তোমার?’

স্বাতী অল্প দিকে তাকিয়ে বললো, ‘আমি চা নিয়ে আসি, বাবা?’

ধুতি-গেঞ্জি-পবা বাজেনবাবুকে দেখে সত্যেনের মুখের ভাবটা যেন সহজ হ’লো, যেন আবো আবাম ক’বে বসলো চেয়াবে।

বাজেনবাবু বললেন, ‘কেমন আছো? ভালো?’

সত্যেন জবাব দিলো মুছ হেসে।

‘কোনো—কোনো অসুবিধে হচ্ছে না তো?’

‘অসুবিধে? কেন?’

‘খোঁজখবর নিতে পারিনি অনেকদিন—তা—ভালো আছো বেশ?’

‘ভালো আছি।’

ছ-জন দূব-বয়সী লাজুক মানুষের কথাবার্তা এখানেই ঠেকে গেলো। এব পবে ছ-জনে ব’সে বইলো ছ-দিকে তাকিয়ে, যতক্ষণ-না চা এলো, আব চা শেষ ক’বেই বাজেনবাবু পালালেন। প্রায় সন্ধে ততক্ষণে, কিন্তু রাত নামতে দেরি তখনো, বৈশাখের সবচেয়ে সুখের সময়টি শহর ভ’বে ছড়িয়ে পড়ছে।

সত্যেন রায় বললেন, ‘বলো, স্বাতী, কী মনে হয় তোমার?’

চায়ের বাসনগুলি ট্রেব উপর সাজিয়ে সোজা হ’য়ে দাঁড়ালো স্বাতী। তাব পিছনের নীল রঙের পবদায় আব ঘরের আবছা আলোয় তাকে অসাধারণ ফর্সা লাগলো সত্যেনের চোখে, অনেকটা লম্বাও, আব বয়সের চেয়ে বড়ো।

‘কী, বলো।’

‘কী?’

‘কী মনে হয় তোমার, বলো।’

‘কী আবার মনে হয়।’

‘কী বলতে-বলতে থেমে গেলে তখন—’

‘নাকি?’

স্বাতী দেখলো, সত্যেন রায় মুখে হাত বুলোলেন একবার, রুমাল বের করলেন পকেট থেকে, কিন্তু রুমালের কোনো ব্যবহার না-ক’রে আবার ফিরিয়ে রাখলেন। তারপর আস্তে-আস্তে উঠলেন, দু-পা কাছে এসে আস্তে বললেন, ‘স্বাতী, চলি।’

স্বাতী সঙ্গে-সঙ্গে এলো দরজা পর্যন্ত, দাঁড়িয়ে-দাঁড়িয়ে দেখলো সত্যেন রায় সিঁড়ি তিনটে নামলেন, ছোট্ট জমিটুকু আস্তে পার হলেন, ঘুরে দাঁড়িয়ে নিচু ফটকটায় হড়কো লাগালেন, তারপর হাঁটতে লাগলেন তাড়াতাড়ি, মিলিয়ে গেলেন মোড় নিয়ে। আর সেই সন্ধ্যার ছায়া আনন্দ হ’য়ে নামলো স্বাতীর মনে, বৈশাখের সমস্ত হাওয়া আনন্দ হ’য়ে তার বুকের মধ্যে ব’য়ে গেলো।

চিঠি এলো ক-দিন পরে সিলেট থেকে। ছোটো চিঠি : ‘উঠেছি এক বছর বাড়িতে...সুন্দর শহর, কিন্তু এ শুধু খিদে-জাগানো শুক্কো, ভোজ আরস্ত হবে যখন রওনা হবে শিলং।...’ পড়তে-পড়তেই জবাব জন্মালো মনে, কিন্তু লিখবে কী ক’রে, চিঠি আর চিঠির স্বামী উন্টে-পাণ্টে ঠিকানা মিললো না কোথাও। কৌশল ক’রে উঠলো রাগ, কিন্তু তক্ষুনি তাকে পোষ মানালো—

রাগ কার উপর?—মানে, রাগ জানাতে না-পারলে রাগ ক'রে লাভ? আবার যখন চিঠি এলো তিন দিন পরে, খাম দেখেই স্বাতী বললো, না—লিখবো না!—কিন্তু মুখ গস্তীর ক'রে, এমনকি খামটা ছ-তিন মিনিট না-খুলে ফেলে রেখেও, নিজেকে বিশ্বাস করাতে পারলো না যে চিঠি না-পেলেও ক্রমাগত লিখতেই থাকবেন সত্যেন রায়; আর খাম খুলে, পড়বার আগেই, শুধু কৌকড়া কালো হাতের লেখায় ভরা চুড়ু কাগজটা চোখে দেখেই তার এত ভালো লাগলো যে প্রথম বাবে সব কথা পড়াই হ'লো না, শুধু এটুকু বুঝলো যে শিলং পৌঁছেছেন, আর সিলেট থেকে শিলঙের রাস্তায় দৃশ্য দেখতে-দেখতে দম বন্ধ হয়।...চিঠি রেখে দিয়ে ঘুরিয়ে প'রে নিলো শাড়ি, খামকা খানিকটা ঘুরে এলো বাইরে, রাস্তায় দেখা কলেজ-বন্ধু চিত্রার সঙ্গে, তত বোকা আর লাগলো না—বেশ ভালোই তো!—ফিরে এসে আবার পড়লো, বিকেলে আরো একবার, আর যতক্ষণ পড়লো না, ততক্ষণ চিঠির কথাই ভাবলো, আবার যখনই নিজের কাছে তা ধরা পড়লো তখনই ধমক দিলো নিজেকে, অশ্রু-কোনো ভাবনাকে ধাওয়া করলো—বড়দি, হারীতদা, ক-দিন পরে বি. এ. ক্লাশে ভরতি হওয়া—কিন্তু মন পেছিয়ে পড়লো একটু পরেই, ফিরে এলো ঠিক সেখানেই, আর তারপর যেন হাসি পেলো এই খেলায়, মেনে নিলো মনের বায়না, যেমন প্রথমে বিরক্ত হ'লেও খানিক পরে আমাদের ভালোই লাগে ছুঁছুঁ কোনো মিষ্টি ছেলের. আবদার!...রাত জেগে-জেগে জবাব লিখলো, আবার চিঠি,

আবার জবাব ; লম্বা জলজলে গ্রীষ্মের গুনগুন-দিনগুলির অনেকখানি ভ'রে গেলো চিঠি পাওয়ায় আর চিঠি লেখায় আর চিঠি ভাবায় ।

সেদিন ছপুরে ঘুমিয়ে পড়েছিলো, জেগে উঠে ঘড়িতে চারটে ; তবু ছপুর, আস্ত ছপুর, মস্ত দিন রাজার মতো জুড়ে আছে, উজোড় ক'রে দিয়েও ফুরোয় না । একা বাড়িতে এ-ঘর ও-ঘর ঘুরলো একটু, জানলা-বন্ধ বসবার ঘরটায় তাত যেন হাতে ছোঁয়া যায়—স্বাতী পাখা খুলতে গিয়ে স'রে এলো, খুলে দিলো সামনের দরজা, সঙ্গে-সঙ্গে হৈ-হৈ হাওয়া পরদা উড়িয়ে ঝলসে দিলো চোখ-মুখ—ভালো লাগলো, ভালো লাগলো ঝাঁ-ঝাঁ রোদ, ঝাপসা ধুলো, কাঁকরের চরকি ; ভাজা-ভাজা সিঁড়ির আগুন-গরমে পা কুঁকড়ে গেলো, তবু চেপে ধরলো ইচ্ছে ক'রে, জোর ক'রে—পা থেকে মেরুদণ্ডে, মেরুদণ্ড থেকে মগজে তাপের পিন ফুটলো ঝিমঝিম—সেটাও ভালো লাগলো । বাইরের দিকে একটু তাকিয়ে থেকে পা সরালো, ফিরলো ঘরের দিকে, ফিরতেই চোখ ঠেকলো বি-জন কোম্পানির চিঠি-বাক্সটায়, চোখে পড়লো কাচের খোপে চিঠি, রোদ-রঙের শাদা একটি খাম স্বাতীর নাম দেখিয়ে শুয়ে আছে নিশ্চিন্তে ।

দাদার আজকাল নতুন এক ফ্যাশন হয়েছে : চিঠি-বাক্সে তালা, স্টকেসে তালা, এমনকি বেরিয়ে যায় ঘরে তালা দিয়ে চাবি পকেটে নিয়ে ।...উপায় ? কিচ্ছু উপায় নেই, চূপ ক'রে ব'সে থাকতে হবে যতক্ষণ-না দাদা দয়া ক'রে বাড়ি ফেরে, হোক সন্ধ্যাবেলায় কি রাত-ছপুরে কি কাল সকালে । শাদার উপর

কালোতে আঁকা খামটিকে অনেকক্ষণ ধরে দেখলো স্বাতী, একবার এদিক থেকে, একবার ওদিক থেকে—কিন্তু মিছিমিছি রোদে পুড়ে কী হবে, চিঠি কি পাখি যে উড়ে আসবে, আর পাখি হ'লেও কি ঐ খাঁচা থেকে বেরোতে পারতো?...ঘরে এসে জানলাগুলি খুলে দিলো, বসলো চুপ করে, ব'সে-ব'সে শুনলো দূরে রাস্তায় জল দেবার শব্দ, দূর থেকে আস্তে-আস্তে কাছে, আর তারপর—কতক্ষণ পর সে ঠিক বুঝলো না—দাদাকে ঘরে ঢুকতে দেখে, সব দিনের চাইতে অনেক আগে বাড়ি ফিরতে দেখে সে একটুও অবাক হ'লো না, বরং তার মনে হ'লো সে-ই দাদাকে ধরে এনেছে তার ইচ্ছার অসীম-লম্বা দড়ি দিয়ে টেনে।

‘কী রে? উশকোখুশকো হ'য়ে ব'সে আছিস এখানে?’

স্বাতী বললো, ‘চিঠির বাস্তের চাবিটা দে।’

বিজ্ঞান চাবি দিলো না, বাস্ত খুলে চিঠি নিয়ে এলো। স্বাতীর হাতে দেবার আগে একটু তাকিয়ে বললো, ‘কে লিখেছে রে?’ যেন প্রশ্ন করার কারণ দেখিয়ে আবার বললো, ‘বেশ ভারি।’

চিঠি হাতে নিয়ে স্বাতী বললো, ‘সত্যেন রায় লিখেছেন।’

‘ও! তোর সেই বাচ্চা-প্রোফেসর! চাকরি গেছে বুঝি?’

‘মানে?’

‘তবে-যে কলকাতার বাইরে?’

‘গ্রীষ্মের ছুটি না এখন? শিলা গেছেন বেড়াতে,’ স্বাতীকে বোঝাতে হ'লো।

‘ও, ছুটি!’ বিজ্ঞান ঠোট বাঁকালো। ‘ও-সব ছুটি-ফুটির কথা। মনেই থাকে না আমাদের।—তা এই কলেজের মাস্টাররা আছে

মন্দ না—মাইনেতে ছকা হ'লেও ছুটিতে টেকা, যদিও এত ছুটি কী ক'রে কাটায় আমি সত্যি বলতে ভাবতেই পারি না !'

‘কী ক'রেই বা পাববি,’ দাদাকে যেন সান্ত্বনা দিয়ে স্বাতী চ'লে এলো তার ঘরে ।

খানিক পবে বিজনও এলো । —‘হ'লো চিঠি পড়া ?’ বোনের সঙ্গে আলাপ জুড়লো ঠোটে একটু হাসি টেনে ।

চিঠিটা খামে ভ'বে বেখে স্বাতী বললো, ‘বাড়িব চিঠিও তোরা কোম্পানিব বাক্সে দিয়ে যায়—চাবিটা আমাব কাছে রাখিস ।’

‘পিয়নকে ব'লে দিলেই হয় ।’

‘তা ব'লে দেবো, তবু চাবিটা আমাব কাছেই থাকা ভালো,’ স্বাতী চোখ তুললো দাদাব দিকে । বিজন পাংলুনের পকেট থেকে চাবিব বিং বেব কবলো, উচু ক'বে চোখের সামনে ধ'বে ঘুবিয়ে-ঘুবিয়ে দেখলো একটু, ছু-আঙুলে টিপে-টিপে একটা ছোট চাবি খুলে নিয়ে, ‘ডুপ্লিকেটটা রাখ তবে,’ ব'লে এমন-ভাবে স্বাতীব হাতে দিলো যেন বোনের মন জোগাতে গিয়ে নিজের একটি মহামূল্য সম্পত্তি হাতছাড়া করলো । তা'বপব, এদিক-ওদিক তাকিয়ে, যেন বেছে-বেছে ভেবে-চিন্তেই বসলো কুশন-আঁটা বেতের চেয়াবটিতে ; পিঠ এলিয়ে, সিগারেট ধরিয়ে, আয়েসি ধরনে বললো, ‘মজুমদারকে একদিন চায়ে বলবো ভাবছি ।’

স্বাতী কথা বললো না ।

সিগাবেটের মাথার ছোট্টো ছাইটুকুতে চোখ রেখে বিজন আবার বললো, ‘বিজনেসে যদি দাঁড়িয়ে যাই তো মজুমদারেরই জ্ঞা । ওকে মাঝে-মাঝে খাওয়ানো-টাওয়ানো উচিত ।’

‘বেশ তো; হোটেলের নেমন্তুল কর।’

‘হোটেল? ওঃ, হোটেল প’চে গেছে!—আর তাছাড়া,’ বিজন একটু থামলো, যেন ভাবলো, ‘তাছাড়া বাড়িতে বললে খুশি হয়।’

‘কে খুশি হয়?’

‘কে আবার! আমার কথা কি শুনতে পাচ্ছিস না তুই?’

‘তা—বাবাকে বলিস—বাবা যদি মত কবেন—’

‘হেঃ! এর জন্য আবার বাবাকে বলতে হবে?’

‘উচিত তো।’

‘উচিত কেন? আমার একজন বন্ধুকে খাওয়াতে পারি না ইচ্ছে করলে?’

‘বন্ধু!’ স্বাতী হেসে ফেললো।

‘হাসলি যে?’

‘ঐ চল্লিশ বছরের ঢেঁকিটা তোব বন্ধু!’

‘চল্লিশ?’ এবার হাসলো বিজন। ‘চল্লিশ কী রে—এই—তিরিশ-বত্রিশ হবে। চমৎকার মানুষ—আর পয়সাও করেছে খুব।’

‘সেজ্ঞাই চমৎকার?’

‘তা যা-ই বলিস,’ বিজন কবুল করলো, ‘পয়সা করতে হ’লে মাথা চাই, আঠা চাই কাজে। কিছু ছিলো না মজুমদারের, নিজের পায়ে নিজে দাঁড়িয়েছে—এক্কেবারে সেলফ-মেইড ম্যান! বিয়ে করেনি, বাড়ির সঙ্গে সম্পর্ক নেই, দিনরাত কাজ—কাজ—আর কাজ!’ বন্ধুগোরবে প্রদীপ্ত হ’লো বিজন।

‘বাঃ! তাহ’লে ইনিই তোর আদর্শপুরুষ এখন?’

‘মন্দ আদর্শটা?’

‘তুই-ই জানিস।’

‘আমার জন্ম কেন-যে মজুমদার এত করে তা ভেবেই পাই না,’
বিজন যেন আপন মনেই কথাটা বললো। ‘ওর কাছে কত লোক এসে
ধন্য দেয় রোজ, কিন্তু আমাকে বলতেও হয়নি কিছু, শুধু দেখেই—’

‘—দেখেই লোক চিনেছে!’ দাদার কথা শেষ করলো স্বাতী।

‘তা-ই বোধ হয়!’ বিজন আড়মোড়া ভেঙে উদাসভাবে
উঠে দাঁড়ালো। বোনের দিকে তাকিয়ে ভুরু কুঁচকে বললো, ‘তুই
এত শ্যাবি থাকিস কেন রে?’

‘আজ বড্ড ইংরিজি বলছিস, দাদা!’

‘এ আর কী—যা ইংরেজি বলে বিজনেস-সার্কল-এ—“Blast
your bile!” “Oh my left foot!”—গুনেছিস কখনো? ঘরে
ব’সে-ব’সে বই গিললে কি আর—তা এ-রকম বিচ্ছিরি থাকিস কেন
বল তো? ভালো শাড়ি-টাড়ি নেই?’

‘ওমা!’ স্বাতী তার আঁচলের বাড়তি অংশটা ছু-হাতে টান ক’রে
সামনে ধরলো। ‘এ-শাড়িটা নাকি মন্দ! কী-সুন্দর ধনেখালির
শাড়ি—একটু ময়লা হয়েছে—তা একটু-ময়লাই তো প’রে আরাম।’

‘রটন! যা-সব বস্বে প্রিন্ট উঠেছে আজকাল—!’ আরো-কী
বলতে গিয়ে হঠাৎ-যেন থেমে গেলো বিজন, পাংলুনের পকেটে হাত
দিয়ে চাবি আর খুচরোয় রিনঝিন আওয়াজ ক’রে বললো, ‘তাহ’লে
শনিবার বলবো মজুমদারকে—খাবার-টাবার কিছু তৈরি রাখিস।’

‘আমি পারবো না!’

‘কেন? পারবি না কেন?’

‘কেন আবার কী—পারবো না জেনে রাখ।’

বিজ্ঞান চোখ সরু ক'রে একটু তাকিয়ে রইলো বোনের দিকে, যেন মনস্থির করতে পারছে না, এর পর কী বলবে। তার চোখেব চকচকানির দিকে তাকিয়ে স্বাতীর মনে লাফিয়ে উঠলো বাবার কথাটা, ফশ ক'বে ব'লে ফেললো, 'তোব ব্যবসার দলবল বাড়িতে আনিস কেন ?'

'ও, এই কথা !' এতক্ষণের চেপে-রাখা রাগ এবাব ফেটে পড়লো।—'এই কথা !'

'বাবা পছন্দ করেন না, জানিস ? ও-সব বাজে লোক—'

'বাজে !' বিজ্ঞান এক লাফে এগিয়ে এলো কাছে, স্বাতীব মুখের সামনে হাতের মুঠি নেড়ে-নেড়ে বলতে লাগলো, 'এত আত্মসম্পর্ক তোর ! এত অসভ্য হয়েছিস তুই ! তা বাপ যে-রকম, মেয়ে তো সেইরকমই হবে—!'

'ছেলে সে-রকম হ'লে তো বাঁচা যেতো,' বিজ্ঞানের তোড়ের মধ্যেই ব'লে উঠলো স্বাতী।

'হ্যাঁ—পুরুষরা সব ভেড়া বনলে তোদের খুব সুবিধে—না ?'

'যত খুশি তুই চ্যাচাতে পারিস, কিন্তু তোর ও-সব আড্ডা চলবে না বাড়িতে !'

'চলবে না ? কার কথায় চলবে না, শুনি ?'

'যার বাড়ি তার কথায়।'

'বাড়ি কি তোমার ?'

'তোমারও নয়।'

'নিশ্চয়ই আমার।'

'ঈশ !'

‘শোন, স্বাতী—তোর সঙ্গে আর তর্ক করবো না—শুনে রাখ—এ-বাড়ি আমার, এখানে আমি যা ইচ্ছে তা-ই করবো, পছন্দ না হয় আমাকে বলুক না এসে রাজেন মিত্তির, তোর কাছে গুজগুজ করে কেন?’

‘করে এইজন্ম যে তুই একটা ষাঁড়, আর তোর সঙ্গে কোনো ভদ্রলোক কথা বলতে পারে না।’

‘ভদ্রমহিলা তো খুব পারে!’

‘পারতেই হয়! আমি যদি বাবার দিক না দেখি, তাহ’লে তুই তো বাড়ি থেকে তাড়াবি বাবাকে!’

‘চুপ!’ বিজন সতিাই ষাঁড়ের মতো চ্যাচালো এবার, ‘আর-একটি কথা বলবি তো তোকে তাড়াবো বাড়ি থেকে—এই এমনি ক’রে—ঘাড়ে ধ’রে!’ হাতের আঙুলগুলিকে সাপের ফণার মতো ছড়িয়ে স্বাতীর ঘাড়ের কাছে নিয়ে এলো—‘এমনি ক’রে—বুঝলি? ঘাড়ে ধ’রে রাস্তায় বের ক’রে দেবো—হাঁ ক’রে তাকিয়ে দেখবে রাজেন মিত্তির! আমার বন্ধুদেব নিয়ে এত তাঁব জ্বলুনি, আর হস্তদন্ত হ’য়ে পঞ্চাশবার নেমন্তন্ন করতে ছোটেন তোরা ঐ মিনমিনে মেয়েলি মিবকুটে সত্যেন বায়কে!’

ছাইয়ের মতো হ’লো স্বাতীর মুখ, তারপর গনগনে কয়লার উল্লুনের মতো হ’লো। কথা বলতে গিয়ে বেধে গেলো গলায়, বড়ো-বড়ো চোখে তাকিয়ে দেখলো, দাদার মুখটা বদরাগি বেড়ালের মতো হ’য়ে গেছে, আর, একটু পরে বিজন যখন আবার কথা বললো, তখন তার গলার আওয়াজটাও শোনালো ফ্যাশফেশে, ছেঁড়া-ছেঁড়া, বেড়াল-মতো :

‘বাবা একটা হাবা—কিন্তু আমি—তোমার অসভ্যতা টিট ক’রে ছাড়বো আমি!’ বিজনের লিকলিকে আঙুলটা স্বাতীর নাকের একেবারে কাছে এসে কেঁপে-কেঁপে স’রে গেলো, স্বাতীও পিছনে সরলো একটু, আরো একটু, কিন্তু চোখ সবালো না দাদার মুখ থেকে, আর বিজন দাঁতে দাঁত ঘ’ষে বলতে লাগলো, ‘টিট ক’রে ছাড়বো!—শুধু তোকে না—ঐ—পুঁচকে প্রোফেসরটাকেও! চিঠি লেখার আর লোক পান না!—রাস্কেল! আমুক এবার, মেরে তাড়াবো এই পাড়া থেকে!’

সরতে-সরতে স্বাতী দাঁড়িয়েছিলো তার পড়ার টেবিলে ঠেঁশ দিয়ে, চোখের কোণ দুটি লাল, চোখের তলায় একটি শিরা উচু, একটু-খোলা ঠোঁটে আর একটু-ফোলা নাকে নিশ্বাস নিচ্ছে জোরে-জোরে;—বিজনের কথা শেষ হবার পরেও চুপ ক’বেই থাকলো, কিন্তু বিজন আবাব যেই মুখ খুললো আবো কিছু বলবে ব’লে, তক্ষুনি লম্বা শাদা হাতে জেড় মারলো ঠিক তার মুখের উপর শক্ত একটা মোটা বই। শব্দ হ’লো বেশ জোবেই, আব বইটা যখন পাতা-খোলা কাৎ হ’য়ে মেঝের উপর প’ড়ে গেলো, তখন স্বাতী বললো, ‘বেবো।’

বিজন ডান হাতটি একবার গোল ক’বে ঘুরিয়ে আনলো মুখের উপর, চুল উন্টিয়ে দিলো বাঁ হাতে, বইটার দিকে একটু তাকিয়ে থেকে জুতো-পবা পায়ের এক লাথিতে পাঠিয়ে দিলো একেবারে ঘরের বাইরে, তাবপর বুক টান ক’বে উচু মাথায় বেবিয়ে গেলো নিজে। যাবার সময় ব’লে গেলো, ‘তোবও একদিন ঐ-দশা হবে।’

কী-দশা হবে? ঐ বইয়ের মতো? কিন্তু ও-বই তো বিশ্বজয়ী। ঘর ছাড়িয়ে, বারান্দা পেরিয়ে, উঠানের সিঁড়ির দ্বিতীয় ধাপে আটকে গেছে কীটসের কবিতা; মলাটের দুই ডানা ছড়িয়ে, মুখ খুবড়ে, শিকার-করা পাখির মতো; বিকেলের বাঁকা রোদ্দুরে চিকচিক করছে কবির নাম, সোনালি অক্ষর, সোনালি স্বাক্ষর। স্বাতী তুলে নিলো তাকে, কোলে তুলে আঁচলে মুছলো, মলাট খুলে একবার দেখলো যেখানটায় সত্যেন রায়ের নাম লেখা, তারপর কান-ছমড়োনো পাতা ক-টিতে আঙুলের চাপ দিতে-দিতে ভাবলো যে কখনোই, কোনো কারণেই এতখানি রাগা উচিত না, যাতে কোনো বই ছুঁড়তে গিয়ে লেখকের নাম চোখে প'ড়ে হাত থেমে না যায়।...দাদাটা একটা চাঁড়াল। তবু ভাগ্যিশ বাবা বাড়ি ছিলেন না, জানবেনও না কিছু!

পাছে বাবা এক্ষুনি এসে পড়েন, এসে তাকে দেখেই জিগেস করেন, 'কী রে? কী হয়েছে?' আর সেও ঝাঁকের মুখে সব ব'লে ফালে, স্বাতী তাড়াতাড়ি হোয়ালে নিয়ে বাথরুমে ঢুকলো, স্নানের জলে ধুয়ে ফেলবার চেষ্টা করলো সব ঝাল, ঝাঁজ, জ্বালা; নিজেকে দোষ দিলো বার-বার, দাদার পক্ষ নিয়ে অনেক কথা বললো মনে-মনে। সে-সব কথার বাঁধুনি এত সুন্দর, যুক্তি এত নিখুঁত যে মাত্র কয়েক মিনিটের মধ্যে তার নিজেরই বিশ্বাস জন্মালো তাতে; সে দেখতে পেলো যে দাদার উপর একটা অগ্নায় আছে

এই বাড়ির, অবহেলার অন্তায় ; ছেলেবেলা থেকে সকলের অবহেলার চিমটি খেয়ে-খেয়ে দাদা এইরকম খ্যাপা-মতো হ'য়ে গেছে ; এখন উঠে-প'ড়ে লেগেছে টাকায় টেক্কা দিতে—বেচারি ! স্বাতী দেখলো—সাপের মতো লিকলিকে আঙুল আর দেখলো না, বেড়াল-মতো দাঁতে-নখে ছিঁড়ে-খাওয়া রগ-ফাটা রাগ আর দেখলো না—দেখলো, দাদা হাত পেতেছে তার কাছে ; বাড়িতে আর-কারো কাছে, বোধহয় বাইরেও কারো কাছে, যে-পাত্তা সে পায় না, তারই জন্ত হাত পেতেছে বাড়ির সেই একমাত্র মানুষের কাছে, যে তার বয়সে আর সম্পর্কে ছোটো । গায়ে প'ড়ে যেমন ঝগড়া করে, গায়ে প'ড়ে কথাও বলে ও-ই আবার ; নানা ছুতোয় এই কথাই যেন বলতে চায় ঘুরিয়ে-ফিরিয়ে—আমাকে মানো, দাদা ব'লে না হোক, মানুষ ব'লে মানো, বয়স্ক ব'লে, ভদ্রলোক ব'লে, পুরুষ ব'লে মানো ।

স্বাতীর অনুশোচনা হ'লো । সত্ত্বিতো, দাদার উপর তাবও তাম্বিল্যেব শেষ নেই, যখন-তখন যাচ্ছেতাই বলে, কোনো কথায় আমলেই আনে না ওকে । হয়তো—সে যদি ওব সঙ্গে আড়ে চলতে পারতো ; যদি, ধরো, সে বড়দির মতো হ'তো, ঐ-রকম ঠাণ্ডানরম ঝিরিঝিরি, তাহ'লে দাদা হয়তো ভালোই হ'তো—মানে সুখী হ'তো, আর বাবাও সুখী হতেন তাতে, বাড়িতে এই অশান্তিটাই থাকতো না । দাদার সুখী হওয়ার—মানে, ভালো হওয়ার দায়িত্ব ছিলো তারই উপর—হয়তো এখনো আছে, হয়তো সময় আছে এখনো । কথাটা ভেবে, নিজেকে হঠাৎ এ-রকম একটা বড়ো পার্টে জ্বলজ্বলে দেখে স্বাতী অবাক হ'লো, মনে-মনে একটু

রোমাঞ্চিতও ; বাথরুম থেকে বেরোবার আগেই, কৌঁটা-কৌঁটা জল গায়ের উপর চিকচিকে থাকতে-থাকতেই প্রতিজ্ঞা করলো যে এবার, জীবনে এই প্রথম বার দাদার কাছে সে হার মানবে ! প্রতিজ্ঞা করলো, কিন্তু স্নান ক'রে বেরিয়ে, পাট-ভাঙা ফিকেনীল শাড়ি প'রে, পাউডর-কৌঁটো খুলে নিশ্বাস নিতে-নিতে, তবু যেন ঝগড়ার ছুঁইয়া তার নাক থেকে গেলো না, বচসার বিশ্বাস মুখে লেগে রইলো।...কিন্তু এই ভালো-না-লাগাকে আমল দিলে চলবে না, নিজে কষ্ট ক'রেও দাদাকে ভালো করতে হবে—মুখে পাউডর দিতে-দিতে স্বাতী তার বড়ো পার্টের জুতা তৈরি হ'লো।

বারান্দায় পাটি পেতে ব'সে বিকেলের চা খেতে-খেতে স্বাতী বাবার কাছে কথাটা পাড়লো।

বাবা বললেন, 'বেশ।'

স্বাতী হেসে বললো, 'কাউকে খাওয়ানো হবে, এর চাইতে সুখের কথা তোমার কাছে আর-কী ! আমি কিন্তু ভাবছিলাম এ-সব ব্যবসার বন্ধুদের—' কথা শেষ না-ক'রে বাবার মুখের দিকে তাকালো।

'তা হোক—বিজ্ঞর যখন ঠাচ্ছে হয়েছে—'

বাবা এত সহজে কথাটা বললেন যে স্বাতীর মনে হ'লো বাবার পক্ষ নিয়ে দাদার সঙ্গে তার লড়াইটা বড্ড বেশি হ'য়ে যায়নি তো ? চোখ নামিয়ে বললো, 'দাদাকে আমি বলেছিলাম, বাবা।'

'কী ?'

'এই-যে- বাড়িতে ও-সব বাজে লোকের যাওয়া-আসা পছন্দ

করো না তুমি—’

‘আমার পছন্দ-অপছন্দে ভারি-তো এসে যায় বিজনচন্দ্রের।’

‘না বাবা,’ স্বাতী গম্ভীর হ’লো, ‘আমি ও-কথা বলতে দাদা কেমন কিস্ত-কিস্ত হ’য়ে গেলো; মাথা চুলকে বললো, “তাহ’লে থাক।” আমি তখন বললাম, “আচ্ছা, বাবাকে জিগেস ক’বে দেখি—” ’

‘ব্যাপার কী?’ রাজেনবাবু হাসলেন। ‘হঠাৎ সুপুত্র! কী চায়?’

বাবার কথাব সুরে আবাব স্বাতীর খটকা লাগলো। তবে কি সে ভুল বুঝেছে, ভুল ভেবেছে? দাদাকে শাসন কবতে গিয়ে যেমন বেশি-বেশি কবেছিলো তখন, তার এখনকার ভালোমানুষিটাও তেমনি ছেলেমানুষি? কিন্তু এখন তো আব পেছোনো যাবে না, দাদাব কাছে ভালো হ’তেই হবে, দাদা তাতে ভালো হোক আব না-ই হোক।

পবেব দিন সকাল ন-টা পর্যন্ত দাদাকে দেখতে না-পেয়ে স্বাতীই অগত্যা পা বাড়ালো তার ঘবেব দিকে। দবজাব কাছে আসতেই শুনলো ভিত্তব থেকে ঠুকঠুক শব্দ, আব ভিতবে তাকিয়ে দেখলো, দাদা টাইপ কবছে ব’সে-ব’সে, আব সেই টাইপ কবাব সাংঘাতিক চেষ্টায় তার চোখ গোল হয়েছে, চোঁট বোঁকে আছে, আব তিনটে মোটা-মোটা লাইন স্পষ্ট ফুটেছে কপালে। স্বাতীর হাসি পেলো, কিন্তু না—হাসবে না তো!—মুখে মন-খাবাপেব হালকা ছায়া এনে ডাকলো, ‘দাদা।’

বিজন চোখ তুললো লাল-কালো ফিতে পর্যন্ত, তক্ষুনি নামালো চাবিতে।

স্বাতী আবার ডাকলো, আরো নরম ক’রে, ‘দাদা শোন !’

এবার চোখ না-তুলে বিজন মোটা গলায় জবাব দিলো, ‘কী ?’

স্বাতী এগিয়ে এলো ঘরের মধ্যে, একটু দাঁড়িয়ে থেকে আনাড়ি আঙুলের অসহায় আঁকুপাঁকু লক্ষ্য করলো, তারপর পাখির মতো গলায় ব’লে উঠলো, ‘কী সুন্দর ছোট্ট টাইপরাইটর !’

বিজন হাত সরিয়ে তার নতুন সম্পত্তির দিকে তাকালো—
ঈষৎ গর্বিতভাবেই ।

‘কিনলি ?’

‘হ্যাঁ ।’

‘তা নিজেই টাইপ করিস—কত সময় নষ্ট হয় !’

বিজনের চোখ কোনাকুনি একবার ঝলসালো বোনের উপর ।—
‘ছু-দিনেই অভোস হ’য়ে যাবে,’ ব’লেই ডুকু কুঁচকে ঝকঝকে কালো-শাদার সারির মধ্যে ‘S’ অক্ষরটা খুঁজতে লাগলো ।

‘তা নিশ্চয়ই হবে,’ স্বাতী আশ্বস্ত-আশ্বস্ত বললো, ‘কিন্তু এ-সবের জ্ঞান তো কেরানি থাকে মানুষের ।’

এ-কথায় বিজন খুশি না-হ’য়ে পারলো না, মানে, খুশি না-দেখিয়ে পারলো না, কেননা খুশি হয়েছিলো সে আগেই, হ’য়ে ছিলো আগে থেকেই ; স্বাতীও কমা-চাওয়া-চাওয়া মন-মরা চেহারার চাইতে বেশি খুশি তাকে করতে পারে, এমন-কিছুই পৃথিবীতে ছিলো না আজ সকালে । চেয়ারের পিঠে হেলান দিয়ে আলগোছে বললো, ‘আমারও থাকবে ।’

স্বাতী একটু চুপ ক’রে থেকে বললো, ‘আমিও পারি মাঝে-মাঝে তোর চিঠিপত্র টাইপ ক’রে দিতে ।...দেখে এক্ষুনি ইচ্ছে

করছে বে।’

‘কববি?’ বিজন খুবই চেষ্টা কবলো মনেব গ’লে-যাওয়া ভাবটা মুখ না-ফোটাতে, কিন্তু বৃথা!

এক পা এগিয়ে, এক পা পেছিয়ে স্বাতী বললো, ‘না—থাক—ভুল হবে।’

‘ভুল তো আমাবও হয়!’—বিজন আব পাবলো না, হেসে ফেললো—‘এই ছাখ না, “এস”টাকে খুঁজতে-খুঁজতে চোখেব ডিম বেবিয়ে এলো!’

স্বাতী হাসিতে যোগ না-দিয়ে বললো, ‘অভ্যেস হ’য়ে যাবে।’

এই প্রথম স্বাতীৰ মুখে বিজন তাব নিজেব মুখেব কোনো কথাব পুনৰুক্তি শুনলো, যাতে ঠাট্টা কি অবিশ্বাস নেই, উডিয়ে দেয়া কি এড়িয়ে যাওয়াও না। এক ঠেলায় চেযাব সবিয়ে সে উঠে দাঁডালো, এতক্ষণে পুৰোপুৰি, মুখোমুখি চোখ বোনেব মুখে ফেলে বললো, ‘এখনই একটু ক’বে ছাখ না।’

‘নাঃ! ছুপুববেলা যদি বেখে বাস আমাব কাছে, একটু-একটু প্র্যাকটিস ক’বে বাখবো—’ হঠাৎ থেমে, টাইপবাইটবেব গোল-কবা ধাবটিতে আঙুল বেখে বললো, ‘কবে কিনলি বে? বলিসনি তো কিছু।’

‘এ আব বলবো কী।’ গালেব মধ্যে জিভটাকে একবাব ঘুৰিয়ে এনে বললো, ‘আমি কিনিনি। অন্ত-একজনেব।’

‘নতুন তো!’

‘নতুনই তো। যে কিনেছে সে-ই আমাকে দিয়েছে ব্যবহাব করতে।’

‘সে-ই দিয়েছে ? লোক ভালো, বলতে হয় ।’ সেই ঠাট্টার সুর আবার যেন লাগলো স্বাতীৰ গলায়, কিন্তু এত ক্ষীণ যে বিজন তা বুঝলো না—না কি বুঝলো ?—আব তাই মুখের হাসি মুছে ফেলে গম্ভীর হ’লো হঠাৎ, সোজা হ’য়ে দাঁড়িয়ে বললো, ‘ই্যা, লোক সে খুবই ভালো ।’

দাদাব ভঙ্গিৰ বদলটা স্বাতী যেন লক্ষ্যই কবলো না, সহজভাবে বললো, ‘তার নিজের লাগে না ?’

‘তাব ?...তার আপিশেই কত মেশিন চলছে সারাদিন !’

স্বাতী ভেবে দেখলো, মজুমদাবেব নামটা দাদাব মুখ দিয়ে বেব কবাই ভালো । তাই একটু হেসে বললো, ‘তোব বন্ধুভাগ্য খুব, দাদা ।’

‘তা কোনো-একটা ভাগ্য থাকা চাই তো !’ বিজন এমনভাবে কথাটা বললো যেন প্রতিপক্ষের কোনো-একটা আক্রমণের আভাস পেয়েই সে অস্ত্র-শস্ত্র নিয়ে প্রস্তুত ; কিন্তু তখনই যেন স্থির কবলো যে আক্রমণই আত্মবক্ষাব শ্রেষ্ঠ উপায় । চড়া গলায়, কড়া আওয়াজে বললো, ‘অনেক ভাগ্যে মজুমদাবেব মতো বন্ধু হয়, আমি এ-কথা বলবোই ।’

মনে-মনে নিশ্বাস ছাড়লো স্বাতী, একটু দেরি কবলো, দাদা যদি আবো কিছু বলে, তাকে আবো কম বলতে হবে । আব হ’লোও তা-ই ; একটু পরে বিজনই আবার বললো, ‘আব এই মজুমদাবকে তোবা কিনা অপমান কবিস !’

‘ও মা !’ এবার কথা বলার চমৎকার সুযোগ পেলো স্বাতী, ‘অপমান আবার কে করলো, আর কখনই বা কবলো !’

‘অপমান না!’ ফেঁশ ক’রে নিখাস ফেললো বিজন।

‘তুই এক কাজ কর, দাদা,’ স্বাতী মোলায়েম গলায় বললো,

‘তোর বন্ধুকে বল একদিন চা খেতে।’

‘নাঃ!’

‘না কেন? বাবাকে বলেছিলাম—তঁার কোনো আপত্তি নেই।
আর বাবার আপত্তি না-থাকলে আর আমার কী।’

‘তার মানে,’ বিজন ঠোঁটের ফাঁকে একটা সিগারেট রেখে, যেন তারই সাহায্য নিয়ে কথাটা শেষ করলো, ‘তোর আপত্তি আছে এখনো?’

‘থাকলে তোর কিছু এসে যায় না তো?’

মুখে-মুখে জবাব দিতে গিয়ে হঠাৎ থেমে গেলো বিজন;
সিগারেট ধরিয়ে, ঠোঁটের ফাঁক থেকে আঙুলের ফাঁকে এনে বললো,
‘কিন্তু আপত্তি কেন?’

‘তোর বাড়িতে তোর বন্ধুকে তুই নেমন্তন্ন করবি, আমার তাতে
আপত্তি হবে কেন? আমি বললাম তো—এখন তোর যা ইচ্ছে কর।’

‘আচ্ছা, তা-ই করবো,’ ব’লে বিজন সিগারেট নামিয়ে রাখলো।
অ্যাশট্রেতে, ঠোঁটে ঠোঁট চেপে আবার টাইপ করতে ব’সে গেলো।
স্বাতী দাঁড়িয়ে রইলো আরো মিনিটখানেক, আর সেই এক মিনিট
বিজনের কেটে গেলো ‘s’-এর পরে ‘e’ খুঁজতে-খুঁজতেই।

কিন্তু সন্ধ্যাবেলা নিজেই এসে স্বাতীকে খবর দিলো,
‘মজুমদারকে বললাম—শনিবার সুবিধে হ’লো না, শুক্রবারে।’

‘বেশ তো।’

‘তা তুই—তুই একটু ভদ্রতা অমৃত করিস।’

‘আমি কি ভদ্রতা জানি তোর মনে হয় ?’

‘না-জানলেও শিখতে হবে—বাড়িতে তুই ছাড়া কেউ নেই যখন !’ কথাটা ভালো লাগলো স্বাতীর, আর সেইজন্মই মুখে কিছু বললো না ।

‘শুক্লবার হ’লো পরশু—মনে রাখিস তাহ’লে,’ বিজন হাত-নেড়ে বিদায় নিলো ।

শুক্লবারে ভদ্রতার পার্টে স্বাতী ফেল তো হ’লোই না, ভালোই উৎরোলো । চা ঢেলে দিলো, স্পষ্ট বুঝতে দিলো যে নিমন্ত্রিতেরা আবো-একটু চিঁড়েভাজা, আবো-একটা শিঙাড়া খেলে তার সুখের আব সীমা থাকবে না ; নিজেও খেলো, কিন্তু তার খাওয়াটা যেন বোঝাই গেলো না ; কথা-যে বেশি বললো তা নয়, কিন্তু যখনই কথাবার্তা মিইয়ে এসেছে, আস্তে ফুঁ দিয়ে জীইয়ে তুলেছে আবার ; কী কথায়, কী চোখে-মুখে, নড়াচড়ায় একবাবও যেন বোঝা গেলো না যে সে বয়সে এত ছোটো আব অভিজ্ঞতায় এত কাঁচা—কিন্তু কাঁচাই বা কেন, এত সে পড়েছে, সেটাও একটা অভিজ্ঞতা তো ?

বিজন আশাই কবতে পাবেনি তাব শুক্লবারের এতখানি জৌলুশ । স্বাতীকে বিশ্বাস কী—নিশ্চিত হবাব জন্ম সে ব’লে এসেছিলো ছোড়দি-হারীতদাকেও ; ভেবেছিলো, হয়তো আশাই করেছিলো যে হারীতদা আসতে পারবেন না ; কিন্তু অনেকদিনের পাওনা এবং অনেকদিনের না-পাওয়া একটা ইনক্রীমেণ্টের খবরে তার মন-মেজাজ একটু বিশেষ খোশ ছিলো সেদিন, তাছাড়া শহরে তেমন উত্তেজক সভা-টভাও ছিলো না ; তাই

শ্যালকের প্রথম পার্টিতে স্বশুরবাড়িতেই সে এলো।...তা পার্টি এমন মন্দই বা কী; তিনজন ভদ্রলোক আর দু-জন মহিলায় বেশ ভবা-ভরাই দেখাচ্ছিলো, আর বন্ধুমহলের তুলনায় এখানকার কথাবার্তা যদিও ফ্যাকাশে, তবু নতুন একজন মানুষ পেয়ে তাকে দলে ভরতির চেষ্টা তো করা যাবে।

হারীত প্রথম গুলি ছুঁড়লো তাব পুরোনো টার্গেটেই: ‘স্বাভী, এ কী কবেছো! এত খাবে কে?’

স্বাভী বললো, ‘আমরা।’

‘কিন্তু এটা তো ঠিক হ’লো না—চায়ের সঙ্গে চিংড়ি-কটলেট!’

‘চায়ের সঙ্গে কটলেট খায় না বুঝি?’ স্বাভী লজ্জা পেলো।

‘আমাব কিন্তু বেশ ভালোই লাগে।’

প্রবীর মজুমদার হেসে উঠলো এ-কথায়।

‘এই এক খাওয়ার ব্যাপার নিয়ে কত সময় আব কত খাটুনি যে নষ্ট হয় আমাদের দেশে—’ হারীত বিশেষভাবে মজুমদারকেই বিধলো চোখ দিয়ে—‘আর খাবার যা নষ্ট হয় তার তো কথাই নেই!’

‘সত্যি!’ মজুমদার সোৎসাহে বললো, ‘আর, সবই বাড়ির তৈরি! কখন-যে এত-সব করেছেন!’ ব’লে তাকালো স্বাভীর দিকে।

আবার লজ্জা পেলো স্বাভী। সে অবশ্য কিছুই করেনি: বাজার ক’রে দিয়েছেন বাবা, বানিয়েছে সারা দুপুর ব’সে-ব’সে মা-র আমলের পুরোনো চাকর হরি, সাজিয়েও এনে দিয়েছে আলাদা-আলাদা থালায়—সে শুধু সেজে-গুজে এসে হাতে-হাতে তুলে

দিয়েছে—আর নাম কিনা তারই হ'লো! অথচ ও-রকম একটা ধরা-বাঁধা ভদ্র বুলির উত্তরে এ-কথা কি বলা যায়—‘না, দেখুন, আমি কিন্তু কিছু করিনি!’ অথচ ও ছাড়া আর কী বলা যায় তাও ভেবে পেলো না স্বাতী, একটু লাল হ'য়ে মাথা নিচু করলো তাই, আর দেখতে তাকে ঠিক সেইরকমই হ'লো, যে-রকম হ'তো প্রশংসাটা তার পাওনা ব'লে মেনে নিলে।

শাস্বতী বাঁকা হেসে বললো, ‘কোনটা তুই করেছিস বল তো, স্বাতী; সেইটে খাই।’

‘আমাকে যদি জিগেস করেন, মিসেস নন্দী,’ মজুমদার এবারেও কথা ভুল বুঝলো, ‘আমি ঐ কটলেটটাই রেকমেণ্ড করবো। কলকাতায় প্রন-কটলেট খেতে হ'লে চাং-আনেই যেতে হয়, এ কিন্তু তাকেও হারিয়েছে!’

স্বাতী মুখ তুললো এবার, আর তুলতেই ছোড়দির সঙ্গে চোখোচোখি হ'লো। হেসে ফেলে বললো, ‘আমি কিন্তু করিনি।’

‘ঐ হ'লো!’ মজুমদার ব্যস্ত হ'লো কটলেটের গুণ কার্যত প্রমাণ করতে।

বিজু বললো, ‘কলকাতার কোথায় কী ভালো খাবার পাওয়া যায়, সে-বিষয়ে কিন্তু মিস্টর মজুমদার একজন বিশারদ।’

‘নাকি?’ ঈষৎ শ্লেষ ফুটলো হারীতের ভুরু তোলায়।

‘কোনটা পুঁটিরামের সন্দেশ আর কোনটা জলযোগের, তা ইনি চোখ বুজে চেখেই ব'লে দিতে পারেন। আর তাছাড়া—’

‘আঃ, মিস্টর মিট্র!’ মজুমদার বাঁ হাত তুলে নিজের গুণপনার বিজ্ঞাপনে বাধা দিলো, তারপর সকলের দিকে তাকিয়ে বললো,

‘বুঝেছেন না—বাড়িতে ব’সে বাঁধা সময়ে খাওয়া আমার কপালে তো
লেখেনি—সারাদিন সাত রাজ্য ঘুড়ে বেড়াচ্ছি, তাই বাধ্য
হ’য়েই—’ কথা শেষ না-ক’রে মজুমদার হাসলো ঝকঝকে বড়ো-বড়ো
দাঁত বের ক’রে।

‘এ’ব কাবখানা দমদমে, আপিশ ক্যানিং স্ট্রিটে,’ বিজন স্মৃযোগ
পেলো বন্ধুর পরিচয় বিশদ কবাব, ‘আব কাজ ছড়ানো ব্যাবাকপুব
থেকে ডায়মণ্ড হার্বর।’

‘তাব মানে—আপনি একজন ক্যাপিট্যালিস্ট!’ হাবীত
নাকের বাঁশি কুঁচকোলো।

‘হইনি এখনো, হবাব চেষ্ঠায় আছি।’

অভিজ্ঞতা থেকে শাস্ত্রী বুঝলো যে হাবীতেব যুদ্ধেব বিউগিল
বেজে গেছে, তাই তাড়াতাড়ি কথা ঘোবাবাব চেষ্ঠা কবলো: ‘কিসেব
কারখানা আপনাব?’

‘বাজে-বাজে জিনিশ সব!’ মজুমদার অমায়িক হাসলো। ‘পাট,
নারকোলের ছিবড়ে—’

সত্যি নিরাশ হ’লো শাস্ত্রী। ভদ্রলোকেব কারখানায় শাড়ি-
টাড়ি তৈরি হ’লে বেশ হ’তো, দেখতে যাওয়া যেতো একদিন।
আড়চোখে ছোড়দির দিকে তাকিয়ে স্বাতী বললো, ‘বাজে আর
এমন-কী। নারকোলের ছিবড়ে দিয়ে কত-কিছু তো তৈরি হয়।
পা-পোষ—’

‘পা-পোষ!’ বিজন হোঃ ক’রে হেসে উঠলো।

‘ঠিক কথা! ঠিক বলেছেন আপনি!’ মজুমদার গম্ভীরভাবে স্বাতীর
দিকে তাকালো। ‘আপনারা পা মুছবেন ব’লেই তো আমরা খাটছি-

সারাদিন।’ তারপর, একই রকম সুরে হারীতের দিকে ফিরে বললো, ‘আপনার কী মনে হয়? যুদ্ধটা বেশ জ’মে উঠেছে, না কি ফেঁশে যাবে হঠাৎ?’

‘Wage-slave-driver!’ হারীত মনে-মনে আঙড়ালো; তারপর লোকটাকে বাগে পাবার জন্য বাঁকা চোখে পাল্টা প্রশ্ন করলো, ‘আপনার কী মনে হয়?’

‘কী জানি—যে-রকম চটপট কাৎ হ’য়ে পড়ছে সব—প্যারিসও গেলো—এখন হিটলার ইংলণ্ডটিকে জলযোগ ক’রে ফেললেই মা গোলযোগ মিটে যায়।’

লোকটার হাসিমাখা বোকামিতে হারীতের পিঙ্কি জ্বলে গেলো; ধৈর্য ধ’রে বললো, ‘তাহ’লেই মিটে যায়?’

‘আর লড়বে কে?’

‘কেন, রাশিয়া? হারীত সিংহনাদ ছাড়লো।

‘রাশিয়া?’ মজুমদার আরো কিছু বলতো বোধহয়, কিন্তু হারীতের আর তর সইলো না, ঝপ ক’রে কোপ বসালো, ‘রাশিয়াই তো পৃথিবীর আশা।’

এ-কথা শুনে মজুমদার স্পষ্ট চমকালো, চায়ের পেয়ালা মুখে তুলতে গিয়ে থেমে গেলো, আর তার মস্ত, লালচে, ঠোঁট-মোটা মুখের দিকে তাকিয়ে হারীত বুঝলো যে আজকের দিনে পৃথিবী ভ’রে প্রত্যেক বুদ্ধিমান মানুষ যা বিশ্বাস করে, সে-কথাটাই জীবনে এই প্রথম শুনলো বাংলাদেশের এই গবুচন্দ্র হবু-ক্যাপিট্যালিস্ট। ‘রাশিয়াই তো পৃথিবীর আশা!’ কথাটা আবার আঙড়াতে খুবই ভালো লাগলো তার।

‘ভাগ্যিষ্ঠ আপনার মুখে শুনলুম কথাটা, নয়তো আর-সবার মতো আমিও ভাবতুম যে আদ্যেক পৃথিবী যদিইনে ছারখার হ’লো, তদ্দিন স্টালিন-সাহেব দিব্যি গোঁফে তা দিলেন ব’সে-ব’সে!’ ব’লে চায়ে চুমুক দিলো মজুমদার।

‘হোক ছারখার’, হারীত মুখ লাল ক’রে বললো। ‘রাশিয়া যদি বাঁচে, তবে পৃথিবী বাঁচবে।’

‘ও, বুঝলাম! পৃথিবী মানেই রাশিয়া, আর সেইজন্তই রাশিয়া পৃথিবীর আশা?’

লাল রং কালো হ’লো হারীতের মুখে। ইচ্ছে হ’লো, ঐ মাংসপিণ্ডটাকে সাফ ছু-কথা শুনিয়ে দিয়ে এক্ষুনি উঠে পড়ে—কিন্তু তক্ষুনি মনে পড়লো দলের পাণ্ডাদের উপদেশ: ধৈর্য চাই, মেজাজ যেন খারাপ না হয় কখনো; শেখাতে হবে, বোঝাতে হবে, বশ করতে হবে মানুষকে, জায়গা বুঝে সূক্ষ্ম একটু চাটুকারিতাও চাই—দেখেওছে এক-একজনকে, ঘণ্টার পর ঘণ্টা তাঁরা তর্ক করেন জ্ঞাত-বুজোআ, পাতি-বুজোআ, পচা-বুজোআব সঙ্গে, যদি তাদের কোনো-একজনকে টানতে পারলে কিছুমাত্র সুবিধে হয় দলের—আর তাই হারীত মুখ ফিরিয়ে চূপ ক’রে থাকলো, আর অন্তমনস্কভাবে একটু-একটু ক’রে খেয়ে ফেললো সেই চিংড়ি-কটলেটেরই সমস্তটা, চায়ের সঙ্গে যার আমদানি দেখে প্রথমে সে শিউরেছিলো। তার চেহারা দেখে মজুমদার অপ্রস্তুত, শাস্ত্রতীর মাথা নিচু, শুধু বিজ্ঞান বুক চেতিয়ে চকচকে চোখে তাকিয়ে রইলো—এমন-যে বিদ্বান আর বাক্যবাগীশ তার হারীতদা, তার সঙ্গেও সমানে-সমানে কথা চালাতে পারে তার বন্ধু, সে কি ফ্যালনা!

সেই চুপচাপের মধ্যে ছলছল ক'রে উঠলো স্বাতীর গলা :
'রাশিয়া আমি খুব ভালোবাসি। লোকেরা কেমন সারাদিন ধ'রে
চা খায় আর তর্ক করে, আর স্টেশন-মাস্টাররা সব সময় ঘুমোয়,
আর মেয়েরা রাত জেগে-জেগে—'

'পাও কোথায় এ-সব খবর?' হারীত নাকের ভিতর দিয়ে
আওয়াজ ক'রে উঠলো।

'কেন, টুর্গেনিভের—'

'টুর্গেনিভ!' স্বাতীর ভিত্ত-ভিত্ত কথা কচ ক'রে কেটে দিলো
হারীত। 'বাবুগিরি ক'রে বিদেশেই তো জীবন কাটিয়েছে—
রাশিয়ার সে কী জানে? কী করেছে সে তার ছুখী দেশের জন্ত ?
আর তাই-তো রাশিয়ায় এখন টুর্গেনিভ কেউ পড়ে না!'

'পড়ে না!—'আহা, অমন বই, অমন ভালো বই পড়ে না!—
রাশিয়ার লোকেদের জন্ত বড়ো কষ্ট হ'লো স্বাতীর; বললো, ব'লে
ফেললো— 'তবে তো রাশিয়ার লোকেরা এখনো খুব ছুখী!'

হারীত বলবার জন্ত এমন টগবগ করছিলো যে স্বাতীর কথা
তার কানেই গেলো না, শুধু ঐ 'ছুখী' কথাটা শুনতে পেয়ে
তক্ষুনি গ'র্জে উঠলো, 'না, রাশিয়ার লোকেরা এখন আর ছুখী না।
এখন আর সেখানে স্টেশন-মাস্টাররা ঘুমোয় না, মেয়েরা
রাত জেগে-জেগে দীর্ঘশ্বাস ফেলে না, এখন সেখানে—' একটানা
পাঁচ মিনিট ধ'রে হারীত বর্ণনা করলো ভূস্বর্গ রাশিয়ার, বলতে-বলতে
মোটাসোটা মাংসালো মজুমদারকে ঘাড় কাৎ ক'রে নেতিয়ে পড়তে
দেখে বুঝলো যে তার কথায় কাজ হচ্ছে; আর তার কথা শেষ
হবার সঙ্গে-সঙ্গে শাস্ত্রী ব'লে উঠলো, 'সত্যি, আশ্চর্য দেশ!'

‘আশ্চর্য!’ মজুমদারের প্রতিধ্বনি।

হারীতের কথা, সত্যি বলতে, শেষ হয়নি, শুধু দম নিতে থমেছিলো একটু, কিন্তু চারদিকে তাকিয়ে সকলের মুখেই এমন-একটা হার-মানা ভক্তির ভাব দেখতে পেলো যে খুশি হ’য়ে ‘লে ফেললো, ‘স্বাতী, আর-একটু চা।’

চা শেষ হ’লো, বাসন সরানো হ’লো; মজুমদার তার সিগারেটের টিন হারীতের সামনে ধ’রে সন্ধির প্রস্তাব করলো, আশ্বন—’

‘থ্যাক্টিউ, আমি পাইপ—’ ব’লেই হারীতের চোখে পড়লো টিনটা স্টেট এক্সপ্রেসের। উদারভাবে একটু হেসে বললো, ‘আচ্ছা, নই একটা।’

এর পরে মজুমদার টিন ধরলো বিজনের সামনে।

বিজন মুচকি হেসে চোর-চোর তাকালো হারীতের দিকে, শাস্বতীর দিকেও। ‘অনুমতিটা দিয়ে দিন না আপনারা,’ মজুমদার চোখ টিপলো, ‘মিছিমিছি আর—’

‘নিশ্চয়ই! নিশ্চয়ই!’ পাঁচ মিনিটে বাশিয়াকে জিতিয়ে দিয়ে হারীতের মেজাজ এখন আগের চেয়েও খোশ, দরাজ হেসে বললো, ‘আরে বিজন, তুমি আবার এ-সব—’

বাড়িতে ব’সে, বড়োবয়সির সামনে, প্রকাশে, সসম্মানে এই প্রথম সিগারেট ধরালো বিজন, আর তাতে এতই গৌরব লাগলো যে ভালো ক’রে টানতেই পারলো না। শাস্বতী মনে-মনে বললো, ‘কী অসভ্যতা! ঐটুকু ছেলে—!’ কিন্তু মুখে কিছু বললো না, পাছে হারীতের আবাস মেজাজ বিগড়ায়।

দেশলাই ধরিয়ে হারীতের মুখের কাছে এনে মজুমদার বললো, ‘কিছু মনে করবেন না, মিস্টর নন্দী; বোকার মতো তর্ক করেছে আপনার সঙ্গে।’

হারীত হা-হা ক’রে হেসে উঠলো, তারপর কেশে উঠলো সিগারেট ধরাতে গিয়ে। হাত নেড়ে চোখের সামনে থেকে ধোঁয়া সরিয়ে বললো, ‘না, না, কিছু না—’

‘আপনাদের মতো মানুষের কাছে কত শেখবার আছে আমাদের! কিন্তু সময় কই!’

‘একদিন আসুন না আমাদের কোনো মিটিঙে।’

‘মিটিং!’ মজুমদার হাত জোড় কবলো, ‘মিটিং জিনিশটাকে বড়ো ডরাই।’

‘সে-রকম না—এই কয়েকজন বন্ধু-বান্ধব মিলে—’

‘পণ্ডিতের মেলায় আমি মূর্থ গিয়ে কী করবো, বলুন তো?’

মজুমদারের কথাটা নিশ্চিন্তে মেনে নিয়ে হারীত বললো, ‘গান শুনতে তো আসতে পাবেন।’

‘গান? কী-গান?’

‘গণ-সংগীত।’

‘রণ-সংগীত?’

‘ঠিকই বলেছেন—গণ-সংগীতই রণ-সংগীত হবে একদিন। চাষীদের মুখের গান—ও, সে-যে কী!’

‘কী-রকম বলুন তো?’ মজুমদার জানতে চাইলো।

‘শুনলেই বুঝবেন—এক ভদ্রলোক শিখে এসেছেন নানা জেলায় ঘুরে—চমৎকার গলা—’

‘আঃ!’ আধো চোখ বুজে মজুমদার যেন মনে আনলো কোনো মনে-পড়ার সুখ—‘শশাঙ্ক দাশের মতো গলা আর শুনলাম না!’

‘কোন শশাঙ্ক দাশ বুঝলে তো, ছোড়দি?’ বিজ্ঞান ন’ড়ে-চ’ড়ে উঠলো।

‘যার গাড়ির নম্বর মুখস্থ ছিলো তোর—সে-ই তো?’ শাস্বতী ভাইকে ঠাট্টা করলো, কিন্তু নিজেও সচকিত হ’লো মনে-মনে। কী ভালোই লেগেছিলো ভদ্রলোকের গান—সেই ‘প্রতিশোধ’ ফিল্মে—সেই একবারই বাবা নিয়ে গিয়েছিলেন সিনেমায়—অমন যেন আর লাগলো না। আর তারই ক-দিন পরে স্বাতীর জন্মদিনে হারীতের সঙ্গে প্রথম দেখা!...

একটু অন্তমনস্ক হ’য়ে গিয়েছিলো শাস্বতী, আবার যখন কথা কানে গেলো, শুনলো মজুমদার বলছে : ‘দুর্ভাগ্য আমাদের, দুর্ভাগ্য এই দেশের যে শশাঙ্ক দাশকে ফিল্মের গান গাইতে হয় টাকার জগৎ!’

‘আজকাল তো ফিল্মও শুনি না ওঁব গান?’ শাস্বতী এমনভাবে কথাটা বললো যে দুর্ভাগ্য সম্বন্ধে মজুমদারের সঙ্গে তাকে একমত মনে হ’লো না।

‘বসেতে আছে এখন—ফিল্ম ছাড়া যদি উপায়ই নেই, তবে টাকা যেখানে বেশি সেখানেই ভালো!—কিন্তু আমি চেষ্টা করছি ওঁকে কলকাতায় ফিরিয়ে আনতে।’

‘আপনি ওঁকে চেনেন?’ শাস্বতী শিহরিত।

‘চিনি? আমার ওল্ড ফ্রেন্ড শশাঙ্ক!’

‘ওল্ড ফ্রেন্ড’ কথাটা শুনে হাসি পেলো স্বাতীর—মানে, হেসেই

ফেললো, আর সেই হাসির যে-কোনো একটা কারণ দেখাবার জন্য তাড়াতাড়ি বললো, ‘ছোড়দি কিন্তু খুব ফিল্মের ভক্ত।’

‘আমিও!’ সঙ্গে-সঙ্গে বললো মজুমদার। ‘ফিল্ম ভালো না তা তো না, তবে শশাঙ্ক যা দিতে পারে, ফিল্ম তা নিতে পারে না।’

‘তা ভালো-ভালো লোকেরা না-এলে,’ বিজনের বিচক্ষণ মন্তব্য, ‘ফিল্মই বা ভালো হবে কী করে।’

‘তাও সত্যি—’

‘বিশ্বের কোন ফিল্মে উনি গেয়েছেন?’ জিগেস করলো শাস্ত্রী।

ফিল্মের কথাই চললো এর পর। বললো মজুমদারই মোটামুটি, বিজন মাঝে-মাঝে মতামত না-দিয়ে ছাড়লো না, আর মুখে মুখে একটু হাসি রেখে হারীত সহিষ্ণুতার একটা রেকর্ড রাখলো প্রায় দশ মিনিট ধ’রে, তারপর তুঁ মারলো রুশ ফিল্মের কথা উচিয়ে, আইজেনস্টাইনের নিশেন ওড়ালো দু-একবার, কিন্তু কথা গড়িয়ে-গড়িয়ে আবার ফিরে এলো দিশি ছবির সমতলেই; কথায়-কথায় জানা গেলো যে মজুমদার অনেক অভিনেতাকেই চেনে—শুনে শাস্ত্রী মুগ্ধ, অভিনেত্রীদের কাউকে চেনে কিনা জানতে ভীষণ ইচ্ছে করলো, কিন্তু থেমে গেলে জিগেস করতে গিয়ে—না, সেটা—সেটা ঠিক হবে না। হয়েছে কী, শাস্ত্রীর ইচ্ছে যত, ফিল্ম দেখতে পায় না তার আদ্বৈতও; মাসে দুটোর বেশিতে হারীত নিয়ে যায় না, সে-দুটোই আবার ইংরেজি, শ্বশুরবাড়ির জা-ননদের দলে ভিড়তে না-পারলে বাংলা ছবি দেখা হ’য়েই ওঠে না তার, মজুমদারের কথা শুনে-শুনে সে তাই রুদ্ধ ইচ্ছা মেটাতে লাগলো যতটা সম্ভব।

আরো খানিকক্ষণ চুপ ক'রে থাকার পর হারীতের আর সহ হ'লো না, কজি-ঘড়িতে তাকিয়ে বললো, 'আমি উঠি এবার।'

'আমাকেও যেতে হবে!' কথা থামিয়ে একেবারে উঠেই দাঁড়ালো মজুমদার।

'আমি—আমি থাকি একটু,' ঈষৎ স্নানভাবে শাস্বতী বললো।

'হ্যাঁ, নিশ্চয়ই—আমি তো বাড়িও যাচ্ছি না এখন—'

'কোনদিকে যাবেন? শহরের দিকে হ'লে আমার সঙ্গেই—'

'চলুন।'

'মিস্টার মিট্র, কাল 'তাহ'লে সকাল ন'টায় দেখা হচ্ছে আপনার সঙ্গে?'

'নিশ্চয়ই।'

'অনেক ধন্যবাদ; মিসেস নন্দী, অনেক ধন্যবাদ; মিস মিত্র, অনেক ধন্যবাদ,' মজুমদার জনে-জনে বিদায় নিতে লাগলো।

'আশা করি আবার দেখা হবে আপনাদের সঙ্গে।'

বিজন আবার 'নিশ্চয়ই' বললো।

'হ্যাঁ, একটা কথা—' মজুমদারের হঠাৎ-যেন মনে পড়লো, 'পল মুনির নতুন ফিল্ম আসছে মেট্রোতে, যাবেন আপনারা কালকের পবেব শনিবাব? মানে—' কথাটা স্পষ্ট করলো তক্ষুনি—'আমি খুবই সুখী হবো আপনারা যদি আমার নিমন্ত্রণ গ্রহণ করেন।'

'তা—গেলে হয়,' সকলের আগে জবাব দিলো হারীত। সে নিজেই ভাবছিলো এটাতে যাবে—ভালই হ'লো—এঁর সঙ্গে দেখা হ'য়ে গিয়ে ক-টাকা বাঁচলো, তার একটা হিশেব

চটপট খেলে গেলো তার মনে।

‘আপনি যাবেন তো ?’ মজুমদার দাঁড়ালো স্বাতীর সামনে।
‘দেখি—’

‘দেখি কেন ?’ স্বাতীর দিকে মাথা নোয়ালো মজুমদার।

স্বাতী উঠে দাঁড়িয়েছিলো বিদায় দিতে, কাছাকাছি দাঁড়িয়ে ভালো ক’রে তাকালো একবার। মাঝখান দিয়ে সিঁথি-করা চুল দু-দিকে ঢেউ-তোলা ; ছোটো-ছোটো চোখ দূরে-দূরে বসানো, মস্ত মুখ, মোটা লাল ঠোঁট, চিকচিকে সিল্কের পাঞ্জাবি প্রায় হাঁটুতে ঠেকেছে, কুঁচোনো ধুতির জরি-পাড় লুটিয়ে পড়েছে শ্যাওলা-বাঙা লপেটায়। হঠাৎ-যেন উশ্টো দিকে ধাক্কা খেলো স্বাতী, একটা বিশ্রী-লাগাব কাঁপুনি উঠলো মনের মধ্যে ; তাব এতক্ষণকার ভদ্রতা, ভবাতা, দাদার মনরক্ষার চেষ্টা, সব ভেসে গিয়ে আবাব নাক-মুখ ভ’বে গেলো সেই বিশ্রী, বিশ্বাদ, বদগন্ধে।

‘এত দিন আপনাকে দেখেছি,’ মজুমদারকে সে বলতে শুনলো, ‘কিন্তু দেখা পাইনি। আজ যদি দয়া ক’রে দেখাই দিলেন, তাহ’লে আরো-একটু দয়া কি করতে পারেন না ?’

শাস্ত্রী মনে-মনে হাসলো কথাটা শুনে, আর ভাবলো যে সব মেয়েরই দিন আসে জীবনে, কিন্তু সে-দিন আর ক-দিন ! ঈশ্বর যদি মেয়েদেব আস্ত এক-একটি বোকা ক’রে না-বানাতেন, তাহ’লে তারা ভুলতো না কোনো কথাতেই, আবাব ভুলতো না কোনো কথাই ; চুপ ক’রে সব শুনতো, আর উত্তর করে নিতো মাশুল।...স্বাতীর পাশে এসে বললো,

‘কী, স্বাতী বুকি যেতে চাচ্ছে না ? ঐ ওব স্বভাব !...তা যাৰি না’
কেন, আমরা সবাই যাবো, আব তুই যাৰি না তা কি হয় ?’

আব মজুমদাব যখন হাবীতকে পাশে বসিয়ে গাড়ি বওনা
কবলো, তখন ভিতবে এসে স্বাতীকে প্ৰথম কথা বললো,
‘কী বে ? ঐ মজুমদাবেব অবস্থা তো কাহিল !’

‘দেখছি তো,’ স্বাতী হাসলো উত্তৰে । ‘ছোডদি, সাবধান !’

‘আমাব আব সাবধানেব কী—’

‘বাঃ ! সাবধান হবাব তো তোমাবই আছে !’

‘অসভ্য !’ শাস্ত্ৰতী এক কিল বসালো স্বাতীৰ পিঠে—একটু
লালও হ’লো ।

একটু লাল হ’লো স্বাতী, লাল হ’লো ব’লে বাগ হ’লো নিজেব
উপব, আব সেই বাগেব বঙে আবো লাল হ’লো—তবু ভাগিয়শ
ছায়া, আবছায়া, অন্ধকাব । নল-ডোবানো গ্লাশ হাতে নিয়ে
মজুমদাবেকে সামনে দাঁড়ানো দেখে একটু চমকেছিলো সে, কেননা
তেষ্টা তাব সত্যি পেয়েছিলো, অথচ বলেনি, যেহেতু সিনেমায়
এসে তেষ্টা পায় শুধু বাচ্চাদেব আব অনভ্যস্ত মেয়েদেব । ও-দুয়েবই
একদলে কি ইনি মনে-মনে ঠাওবালেন তাকে, নযতো কীক’বে
জানলেন ..?

‘নিন !’ মজুমদাব নিচু মাথায় হাত বাড়িয়ে দিলো ।

‘আর কেউ ?’ ছোডদির দিকে তাকাতে গিয়ে স্বাতী দেখলো,
ছোডদি এক চেয়াব স’বে গিয়েছে, গল্প কবছে দাদাব সঙ্গে ।

‘সকলেরই আছে—আপনি নিন।’

তখন স্বাতীর চোখে পড়লো মজুমদারের পিছনে দাঁড়ানো পাগড়ি-বাঁধার হাতে-ধরা ট্রে।—‘ছি! কী ক’রে সে ভাবতে পারলো তার একার জন্ত, তারই তেষ্ঠার কথা বুঝে নিয়ে—ছি! কিন্তু এই লজ্জাটা জানতে দেয়া তো আরো লজ্জা; তাই সাহস ক’রে চোখ সরিয়ে আনলো জগৎ-বিখ্যাত ঘড়ির বিজ্ঞাপন থেকে; একটু চড়া গলায়, ইংরিজি শব্দ ব্যবহার না-করার কৃতিত্বে একটু সচেতন-ভাবেই বললো, ‘ঠাণ্ডা পানীয়?’

‘আপনার ভালো লাগে না?’

‘পানীয়ের মধ্যে সবচেয়ে ভালো জল’, যদিও একটু সাজানো ধরনে, তবু তার সত্যিকার মতটাই বললো স্বাতী, আর মজুমদারের মুখে হাসি লক্ষ্য ক’রে আবার বললো, ‘আর সিনেমার মধ্যে সবচেয়ে ভালো মেট্রো, কেননা একমাত্র এখানেই খাবার জলের ব্যবস্থা আছে।’

‘এখন আর নেই। কাগজের গ্লাস এমন চুরি হ’তে লাগলো—’

‘চুরি কেন?’ শাশ্বতীব কানে গেলো কথাটা। ‘ও তো আর কিনতে হ’তো না—’

‘সেইজন্তাই তো!’ কথা লুফে নিলো হারীত। ‘বিনিপয়সায় কিছু পাওয়া গেলে কি আর কথা আছে এ-দেশে! মাখনের দাম নেয় না ব’লে বাঙালি ছেলেরা চেটেপুটে সবটুকু মাখন খেয়ে নেয় লগুনের রেস্টোরাঁয়!’ হারীত হেসে উঠলো পিছনে মাথা হেলিয়ে।

‘তা জল যখন নেইই, আপাতত এইটে—’

এতক্ষণে সহজ হ’তে পেরে স্বাতী ঠাণ্ডা গ্লাসটি হাতে নিলো,

আব মজুমদাব এগিয়ে গেলো শাশ্বতীৰ দিকে।—‘না, দেখুন, আমি না!’ শাশ্বতী কাঁচুমাচু।

‘তাহ’লে অন্ত-কিছু—’

‘না, কিছু না, দেখুন—’ শাশ্বতীৰ আবাব ঐ ঠাণ্ডাই-ঘনুটা অপছন্দ; এমনিতেই এত ঠাণ্ডা যে তাৰ উপৰ আব-কোনো ঠাণ্ডাৰ কথা ভাবতেই যেন শীত-শীত কৰে।

‘কেন, খাও না!’ বিজনের পিঠ পেৰিয়ে হাবীত গলা বাড়ালো জীৱ-দিকে।

শাশ্বতীৰ চোখে মিনতি ফুটলো, কাতব মিনতি; কিন্তু অন্ধকাৰে হাৰীতেৰ বোধহয় তা চোখে পড়লো না, আব পড়লেই বা কী?—‘কেনা হ’য়ে গেছে, তুমি না-খেলে ফেলা যাবে,’ এই চরম যুক্তিৰ মায়া কাটাতে কি পাবতো সে?

‘আপনি, মিষ্টৰ নন্দী?’ মজুমদাব হাত বাড়ালো হাবীতেৰ দিকে।

এমনিতে কোন্ড ডিঙ্কেৰ কথা উঠলেই হাবীত পুকষোচিত ঠাট্টা কৰে; কিন্তু পুকষেৰ পয়সা-খসানো মেয়ে-মজানো এই বস্তুটাব উপৰ আজ তাৰ দয়া হ’লো—কেননা ভদ্ৰতাৰ উত্তৰে ভদ্ৰতা তো কৰতে হবে—গ্লাশ নিয়ে নলে ঠোট ঠেকালো একবাব, জ্বাৰপৰ শাশ্বতীৰ দিকে মুখ তুলে একটু জোৰ দিয়েই বললো, ‘বেশ ভালো তো!’

শাশ্বতী অবাক হ’লো কথা শুনে। স্বামীৰ সঙ্গে রাস্তায় ঘূৰতে-ঘূৰতে কখনো তাৰ হয়তো ইচ্ছে হয়েছে একটা ঠাণ্ডা কিছু খেতে, কিন্তু হাৰীত তক্ষুনি বলেছে, ‘ও-সব আবাবৰ ভজলোকে খায়! যত বাজে—!’ শুনতে-শুনতে শাশ্বতীৰ বিশ্বাস জন্মেছিলো

যে ওগুলো সত্যিই জাতে বড়ো নিচু, সে এখনো একেবারেই অপছন্দ করতে পারছে না ব'লে একটু লজ্জিতও ছিলো মনে-মনে, আর আজ কিনা হারীতের মুখেই তারিফ! হয়তো অসাধারণ কিছু—হয়তো এক-এক গ্রাশ এক-এক টাকা দাম—না-খেলে অত্যাশ্চর্য হয়, সত্যি!—‘আচ্ছা, দিন,’ শাস্তী হাত বাড়ালো।

‘মজুমদার হেসে বললো, ‘ইচ্ছে না-করলে থাক।’

‘নষ্ট ক’রে লাভ কী’, হারীত আড়চোখে তাকালো, ‘দাম তো দিতেই হবে।’

‘দাম দিতে হবে ব’লেই খেতে হবে?’ মজুমদার যেন জানতে চাইলো হারীতের কাছে।

‘টাকা দেখাচ্ছে! বড়োলোকি ফলাচ্ছে!’ হারীত মনে-মনে বললো। মুখে বললো, ‘অপব্যয় ভালোবাসি না।’

স্বামীর মুখ গম্ভীর হ’তে দেখে শাস্তী আর দেরি করলো না; গ্রাশ নিলো, আর ভিতরে-ভিতরে কেঁপে-কেঁপে সেই বরফ-মতো ঠাণ্ডাকে ভিতরেও নিতে লাগলো আস্তে-আস্তে। তার ভাগ্যে ইন্টারভল শেষ হ’লো তফুনি, আর আসল ছবি আরম্ভ হ’তে সব চোখ যখন পরদায় অঁাটা, প্রায় তেমনি-ভবা গ্রাশটিকে নামিয়ে রাখলো চেয়ারের তলায়। ভুলেই গেলো স্বাতীর পাশে স’রে আসতে; অগত্যা মজুমদারকে ব’সে পড়তে হ’লো ছ-বোনের মাঝখানে।

আর ওখানে ব’সে, সিনেমা ছাড়াও আরো কিছু না-দেখে সে পারলো না। ঘাড়টি একবার ডানদিকে, একবার বাঁ দিকে হেলিয়ে, ছ-জনের একজনেরও চোখে না-প’ড়ে, ছ-বোনের রূপের তুলনা করলো সে, চুল-চেরা বিচার করলো। সেকেলেন্দের মতো,

প্রসাধনের অংশ মনে-মনে বাদ দিলো না ; সে, আধুনিক মানুষ, সে জানে যে পৃথিবীর চোখ যাকে দেখবে সে এই সাজগোজ-করা মানুষই ; অতএব সেটাই আসল, সেটাই সব। তবু প্রসাধন পেরিয়েও দেখতে পেলো তার বিচক্ষণ চোখ ; দিদিকে-যে বেশি ফর্সা দেখাচ্ছে তার কারণ এই অন্ধকার আর পাউডরের উঁচু জাত ; কনুইয়ের উপর থেকে যে-অংশটুকু ব্লাউজের হাতা ঢেকে দেয়নি, সেটুকু লক্ষ্য ক'রে সত্য আবিষ্কার করতে তার দেরি হ'লো না। দিদির মুখখানা গোলগাল, নাকটি বড্ড সোজা, হাঁ বড্ড ছোটো ; মজুমদারের জজিয়তি ছোটোটির পক্ষে রায় দিতে-দিতে থমকালো—ছোটো হওয়াটাই ছোটোটির সুবিধে, এখন পর্যন্তও তা-ই, এখন পর্যন্ত সে-বয়স সে ছাড়ায়নি, যখন দু-চার বছরের তফাতেও চামড়া একটু চিকচিক করে বেশি।...কিন্তু বিয়ের পবে, স্বামীর ঘরের অবিরাম বিশ্রামে আর অফুরন্ত আরামে কয়েক বছর কাটাবার পর ঐ ডিম-ছাঁদের মুখ আর একটু-বাঁকা চোখ অত সহজে কি আর প্রাইজ পাবে ? দিদির মতো মোটার দিকে ঝোঁকে যদি ? থুংনিতে যদি ভাঁজ পড়ে ?...শাস্ত্রতীর মধ্যে মজুমদার দেখতে চেষ্টা করলো ভবিষ্যতের স্বাতীকে ; আজকের টাটকা তাজা বয়সটা কোন-কোন খুঁত লুকিয়ে রেখেছে, তার ফর্দ বানালো সাবধানে ; কিন্তু সমস্ত হিশেব শেষ ক'রে আরো একবার যেই তাকালো, তক্ষুনি চিনতে পারলো মুখের সেই গুণকে, আর-কোনো বর্ণনা না-পেয়ে যার আমরা নাম দিয়েছি নুন, মানে লাবণ্য ; সমস্ত হিশেব যেন ফেল পড়লো তার, মনের মধ্যে নিশ্চিত জানলো যে এই নুনের গুণ ঝ'রে যাবে না বছরের পর বছরের আছাড়েও।

মজুমদার প্রায় মনস্থির ক'রে ফেললো ।...জীবনে এখন তার সেই অবস্থা, যখন একজন স্ত্রী দরকার । দরকার মানে দেহের নয়, মনেরও নয়, সংসারের ঘরকন্নাবও না । স্ত্রীকে দিয়ে ও-সব দরকার তারাই মেটায়, যারা বেচারাজাতীয় জীব, কিংবা গরিব । পৃথিবীর অধিকাংশ পুরুষ-যে একবারে একটিমাত্র স্ত্রীকে নিয়ে জীবন কাটাতে রাজি, তার কারণ তো এ-ই যে স্ত্রী সবচেয়ে শস্তা, তার উপর নির্ভরশীল । কিন্তু সে তো শস্তা খোঁজে না, হাঙ্গামাও ডরায় না ; তবে ? আর-কিছু না ; এখন একজন স্ত্রী হ'লে মানায় বেশ, দেখায় ভালো, আর এ-কথা তো মানতেই হয় যে ছ-একটা সুবিধে-এমন আছে যা আজকালকার সভ্য সমাজে স্ত্রীর কাছেই শুধু পাওয়া সম্ভব । দেয়ালের সঙ্গে মানিয়ে কেমন ছবি, আবার ছবির সঙ্গে মানিয়ে ফ্রেম, তেমনি টাকার সঙ্গে মানিয়ে রীতিমতো স্ত্রী চাই একটি ; না-হ'লে যেন ঠিক হয় না, একটু ফাঁকা ঠেকে । টাকা খাটে ব্যবসায়, নড়ে-চড়ে ব্যাঙ্কে, আটকে থাকে মাটির টুকরোয় ; তার মতো ব্যস্ত মানুষ কত আর ওড়াতে পারে ; স্ত্রী হ'লে টাকার একটা কাজ হয় বেশ, ঝকঝকে শো-কেসটি সাজানো যায় ইচ্ছেমতো, দেখানো যায় সকলকে । টাকা-যে তার খুব হয়েছে তা নয়—আরে না !—কিন্তু হবার বাধাও আর নেই ; আর এর পরে যা-ই হোক আর না-ই হোক, প্রথম পনেরো বছরের পরিশ্রমেই সাধারণ ভদ্ররকম একটা ব্যবস্থা তো করতে পেরেছে, অন্তত গরিব হবার ভয় আর নেই তার—! কথাটা নিজের মনেও নিশ্চিত্তে বলতে পেরে তার গায়ে যেন কাঁটা দিলো ; একবার ঘাড় ফেরালো পিছনে—যেন সত্যি সে ভাবছে যে পিছনে

তাকালেই দারিদ্র্যের বিকট বীভৎস মূর্তিটার ছায়া দেখবে এখনো—
কিন্তু তার বদলে আবছা চোখে পড়লো সারি-সারি এমন-সব
মানুষ, কলকাতার কত লক্ষ লোকের মধ্যে সবচেয়ে ভালো যারা
থায়-পবে, অতএব যারা সবচেয়ে সুখী। খুব বেঁচে গেছে সে, ওঃ!
কী-ভয়ই সে পেয়েছে, কী ভয়ে-ভয়েই সে কাটিয়েছে...
এই সেদিন পর্যন্ত! দারিদ্র্য তাকে দাঁত দেখিয়েছে রোজ দু-বেলা
ভাত-পাহাড়ের ফাঁকে-ফাঁকে পাংলা ডালের গঙ্গাজলে, ছোটো-
হ'য়ে-হ'য়ে দম-আটকানো ছিটের কোটে, ঘিনঘিনে স্যাংসেতে
কলতলার পচা-পচা আঁশটে দুর্গন্ধে। ছেলেবেলার সেই সিধু
মিস্ত্রির গলি হঠাৎ মনে পড়লো তার; সাত শরিকেব জুগ
একটামাত্র; ভোব হ'তেই লম্বা লাইনে দাঁড়িয়ে গেছে
আপিশের বাবুরা—স্বীলোকরা সেবে নেয় রাত থাকতেই—
বাবা একদিন কী-মাবই মেবেছিলেন হাফ-প্যাণ্ট নষ্ট হয়েছিলো
ব'লে।...সিনেমার ছবিতে জমকালো ভোজ, আশে-পাশে
কলকাতার সবচেয়ে সুখীরা—একবার চোখ ঘুরিয়ে এনে যেন
নিশ্চিত জেনে নিলো যে সেই কুশ্রীতাব কয়েদ থেকে সে
পালাতে পেবেছে বাকি জন্মের মতো।

পাবলো কেমন ক'বে, নিজেবই অবাক লাগে মাঝে-মাঝে।
এ-রকম কথা ছিলো? সে, জন মরিসন কোম্পানির
গোড়াউন-ক্লার্কের চার ছেলের বড়ো ছেলে! পেট ফাটিয়ে
ভাত-ডাল খেয়ে-খেয়ে ম্যাট্রিকুলেশন পাশ করবে ঘ'ষে-ঘ'ষে,
তারপর যে-কোনো কাজে, যে-কোনো মাইনেতে, যে-কোনো রকমে
একবার 'বেরোতে' পারলে আর কথা কী, এর বেশি আর কী

আছে জীবনে—মালকৌচার উপর ওপেন-ব্রেস্ট কোট লটকিয়ে বুক ফুলিয়ে ট্রাম ধরবে ন-টার সময়! হওয়া উচিত ছিলো তা-ই, এ ছাড়া অন্য-কিছু ভাবতে পারাই তার উচিত ছিলো না।... কিন্তু দৈব প্রেরণা ছিলো তার, বুকে স্বর্গীয় আগুন; অতৃপ্তি ছিলো, ভীষণ অতৃপ্তি; ঘৃণা ছিলো সেই জীবনের উপর, যে-জীবন তার জন্মদোষে পাওয়া; মাসের প্রথম রবিবারে যখন একসের আলুর সঙ্গে মিশিয়ে দেড় সের পাঁঠার মাংস রান্না হ'তো, আর ভাইয়েরা চ্যাচামেচি নাচানাচি করতো সকাল থেকে, তেজপাতাটি চেটে না-নিয়ে পাত থেকে ফেলতো না, তার তখন ঘেন্না করতো, ঘেন্নায় যেন ভাত ঠেকে যেতো গলায়। টাকা, টাকা চাই—তখনই মনে-মনে আউড়েছে—সকলের আগে টাকা, সকলের উপরে টাকা, যেমন ক'রে হোক টাকা, যেহেতু টাকা! হ'লেই সব হয়, আর টাকা না-হ'লে কিছুই হয় না। এ-প্রতিজ্ঞা সে রাখতে পেরেছে, লোকে বলবে এটা আশ্চর্য; কিন্তু সে জানে তার মনে-যে এ-প্রতিজ্ঞা বাসা বেঁধেছিলো, সত্যি আশ্চর্য সেইটেই। এত বড়ো আশা সে কি কখনো করতে পারতো দৈবের বিশেষ দয়া তার উপর না-থাকলে?

...আর এখন, এখন চাই একটি স্ত্রী। টাকার জন্য অনেক ভেবেছে, অনেক খেটেছে; এ-ব্যাপারেও খাটতে হবে, ভাবতে হবে; ততটা না হোক, তেমনি। কেননা বেঁচে থাকতে হ'লে যেমন টাকা, বিয়ে করতে হ'লে তেমনি দরকার যে স্ত্রী হবে সুন্দরী। সস্ত্রীক কোথাও যাবে যখন, সেটা বেশ দেখার মতো হওয়া চাই তো! এর অবশ্য চটক নেই তেমন,

চমক লাগে না চোখে—কিন্তু ও-সব তো সাজগোজের ব্যাপার ;
 রূপেব যে-অংশটা কিছুতেই কিনতে পাওয়া যায় না, সেই
 মুখখানা—মুহূর্তেব জন্ম প্রায় বিগলিত হ'লো মজুমদার—মুখখানা
 সত্যিই ভালো। ঠিকমতো মেক-অপ কবলে, কথু চুল ফাঁপিয়ে
 দিলে, সকলেরই চোখে পড়ছে অথচ কাউকেই ঠিক চোখে
 দেখছে না, এই ভাবটি ফোটাতে শিখলে এও হবে সেই
 দেমাকওয়ালিদেবই মতো, মজুমদার যাদেব দেখতে পায়
 বেস্টোঁর'য় বেসকোসে', যাদেব সে তাবিফ কবে মনে-মনে,
 মনে-প্রাণে, কিন্তু আজ পর্যন্ত যাদেব চোখে পড়তে পারেনি
 ব'লে বাধ্য হয়েছে বিয়েব হিশেব থেকে তাদের বাদ দিতে।
 অগত্যা চোখ রেখেছে নিচুতেই, মাঝাবিগোছেব বাঙালি ঘরে,
 আর সেই মাঝাবিঘবেব পক্ষে এটি অবশ্য উচু দবের, এতই
 উচু যে বলনে-চলনে পাকা হ'লে এ-ই পাববে সেই সবচেয়ে
 উচুতে তাকে চড়িয়ে দিতে ; এই হাত ছু-খানাই ঠেলে নিয়ে
 যাবে তাব সৌভাগ্যের গাড়িকে এমনকি লেডি গান্জুলির
 ড্রয়িংরুম, রানি রুক্মিণীর জল-পাটি পর্যন্ত।...আর বিজনও
 কাজে লাগবে মন্দ না ; ভাইগুলো জাত-ক্যাংলা, ছু-আনার
 মায়া কাটাতে পাবেনি, কেবানি ক'রে বেখেছে এক-একটাকে,
 কেরানিই থাকবে সারা জীবন ; বাবাকে করেছে ক্যাশিঅর
 —বাবা যা ভালোই পারবেন, তার জন্ম আর বাইরের লোককে
 মাইনে গোনা কেন ?—কিন্তু এ-সব ছাড়া আবো একজনকে
 সে খুঁজছিলো মনে-মনে, যাকে একটু বললেই বাকিটা বুঝতে
 পারে, আর একটু পেলেই যে বড্ড খুশি হয় না। বিজনের, আর

যা-ই হোক, নাকটা উচু ; টাকা দেখলে খাবি খায় না, বড়ো-বড়ো অঙ্ক বেশ সহজেই মুখে আনতে পারে।...চেয়ারে একটু ন'ড়ে সিগারেট বের করলো, ঘাড় বাড়িয়ে নিচু গলায় বললো, 'আপনার কি অসুবিধে হবে ধোঁয়ায় ?'

স্বাতীর মন ছিলো ছবিতে, শুনতে পেলো না।

মজুমদার একটু গলা চড়িয়ে দ্বিতীয় বারে পৌঁছিয়ে দিলো তার অনুরোধ।

'না, না, অসুবিধে কী—' পলকের জন্ম তাকিয়েই স্বাতী আবার ছবি দেখতে লাগলো। দূরদিকের হাতলে কনুই রেখে, হাতের উল্টো পিঠ গালে ঠেকিয়ে।

এতক্ষণে ভালো লাগছিলো স্বাতীব। এসেছে সে অনিচ্ছায়, এসেও অস্বস্তিতে কাটিয়েছে ইন্টারভল পর্যন্ত। মন তার স্থিরই ছিলো, কিন্তু সকালবেলা হঠাৎ এলো ছোড়দি, এসে প্রথম কথা বললো, 'তৈরি হ'য়ে থাকিস, আমরা তুলে নেবো তোকে।'

'মানে ?'

'আ-হা !' স্বাতীর গম্ভীর ভাবটা গায়েই মাখলো না শাস্বতী।

'আমি তো ব'লে দিয়েছি দাদাকে যে যাবো না।'

'ওঃ ! কী আমাব ব'লে-দেনেওয়ালি !'

'দাদা বুঝি গিয়েছিলো আবার তোমার কাছে ?'

'গিয়েছিলো এই কথা বলতে যে প্রবীর মজুমদার সিনেমার পরে চিনে রেস্টোরঁয় নেমন্তন্ন করেছে আমাদের।'

বেশ উৎসাহ ফুটলো শাস্বতীর গলায়। কিন্তু স্বাতী আবারও বললো, 'আমি যাবো না।'

‘কী বোকার মতো কথা ! ভদ্রলোক সব ব্যবস্থা করেছেন—
আমরা রাজি হয়েছি—এখন না-যাওয়াটা মারাত্মক অভদ্রতা হবে ।’

‘তোমরা রাজি হয়েছো—আমি না !’

‘তাহ’লে যাবি না ?’ মনে-মনে রাগলো শাশ্বতী ।

‘না ।’

‘কেন ?’

স্বাতী জবাব দিলো না ।

‘কিছু হয়েছে ?’

‘না ।—কী হবে ।’

‘ঝগড়া করেছে বিজু ?’

‘না তো !’

‘তোকে কেমন বিষন্ন দেখছি ?’

‘নাকি ?’

‘বল না ব্যাপারটা কী !’

‘কিছু না !’ স্বাতী মুহূ হাসলো ।

শাশ্বতী আর রাগ চাপতে পারলো না, ঝাঁঝিয়ে উঠে বললো,
‘আমরা সবাই যেতে পারি আর তুমি পারো না, না ? মস্ত
ইম্পোর্ট্যান্ট লোক হয়েছে একজন !’

‘হয়েছি বোধহয়, নয়তো এত ক’বে বলছো কেন ?’ দান্তিক
জবাব দিলো স্বাতী ।

‘বলছি এইজন্য যে তোকে ফেলে যেতে খারাপ লাগছে
আমার—না, তার জন্যও না—তোর ভালো লাগবে ব’লেই
বলছি !’ ব’লে শাশ্বতী দুমদাম পা ফেলে বেরিয়ে গেলো ।

স্বাতীর আশা হ'লো যে ছোড়দি রাগ ক'রে ও-কথা আর পাড়বেই না, কিন্তু হ'লো উল্টো। তার গলা শোনা গেলো বাবার কাছে, আর, একটু পরেই ফিরে এলো বাবাকে নিয়ে।—‘বলো, বাবা, বলো ওকে !’ জ্বলজ্বল করলো শাশ্বতীর চোখ।

রাজেনবাবুর মনে পড়লো এই ছ-বোনের ছেলেবেলার ঝগড়া, চাঁচামেচি, মারামাৰি ; ভাগ্য এদের, এখনো তা ফুরোয়নি, আর আমাবও ভাগ্য, এখনো দেখছি। হেসে বললেন, ‘কী রে ? হয়েছে কী ?’

স্বাতী মুখ খোলবার আগেই শাশ্বতী গলা চড়ালো, ‘ওকে তুমি এমন অমিশুক বানিয়েছো, বাবা—কিন্তু ভদ্র সমাজে চলতে-ফিরতে হবে তো একদিন !’

‘আমি বানিয়েছি বুঝি ?’

‘তা ছাড়া আর কী ! কোথাও যেতে দেবে না বাড়ির বাইরে—’

‘বাবা কেন যেতে দেবেন না !’ স্বাতী ব'লে উঠলো, ‘আমারই ইচ্ছে কবে না কোথাও যেতে !’

‘ঐ তো ! নিজের ইচ্ছেটাকেই চরম ব'লে ভাবতে শিখেছে !’

‘আচ্ছা, আচ্ছা,’ রাজেনবাবু শালিশি করলেন। ‘আজ ছোড়দিব ইচ্ছা চবম হোক।—তা আমাব বুঝি নেমস্তন্ন না ?’—শাশ্বতী স্বাধীনভাবে একটু খরচ কবছে এতদিনে, মনে-মনে তিনি খুশি।

‘বাবা—’ কী বলতে গিয়ে স্বাতী থেমে গেলো, আর তার থেমে-যাওয়াটাকে চাপা দিয়ে শাশ্বতী তাড়াতাড়ি ব'লে উঠলো, ‘বলিনি বুঝি তোমাকে ? বিজুর সেই বন্ধু নেমস্তন্ন করেছে আমাদের !’

‘বিজুর বন্ধু?’

‘মজুমদার—সেদিন খাওয়ালো যাকে।’

‘ও।’

‘যদিও বিজুর বন্ধু,’ শাশ্বতী হাসলো, ‘ভদ্রলোক বেশ ভালোই।...আমরা যাচ্ছি, স্বাতীও চলুক না, বাবা।’ কথাটা শোনালো যেন স্বাতী যেতে চাচ্ছে না বাবার অমত হবার ভয়ে, আর তাব হ’য়ে বাবার মত করাতে এসেছে ছোড়দি।

স্বাতী তক্ষুনি বললো, ‘না বাবা, আমি যাবো না।’

এ-কথাতেও বাজেনবাবু শুনলেন স্বাতীর যাবাব ইচ্ছা। সত্যি তো ওব আবো বেকনো উচিত, বেড়ানো উচিত; কত বকম ফুটি কবে আজকাল এ-বয়সেব মেয়েবা। একটু জোর দিয়ে বললেন, ‘যাবি না কেন, নিশ্চয়ই যাবি। গেলে ভালো লাগবে।’

কেমন-যেন নিকপায় হ’য়ে স্বাতীকে দলে ভিড়তে হ’লো, নিজেকে অসহায় লাগলো মজুমদাবেব গাড়িতে ব’সে। মনেব মধ্যে গুমবে ফিরলো এই সন্দেহ যে বাইরে বোঝা না-গেলেও মনে-মনে তার দিকেই মজুমদাব মন দিচ্ছে বেশি, তাব জন্তাই আজকেব এই আয়োজন, আবাব সঙ্গে-সঙ্গে নিজেকে ধমক দিলো—দেমাকে টাপুটুপু না-হ’লে এ-রকম কি ভাবতে পারে কেউ? স্বাতী চেষ্টা করলো সহজ হ’তে, অগ্নদেব ফুটির স্ববে সুর মেলাতে, দাদা-ছোড়দির হাসাহাসিতে যোগ দিতে; কিন্তু গাড়ি চালাতে-চালাতে মজুমদার হারীতদাকে কী বলছে সেইটে শুনতেই তার কানের যেন আগ্রহ, তার

চোখ বার-বার ঠেকে যাচ্ছে ফিকে-নীল কলারের উপরে মজুমদারের টাটকা-ছাঁটা ঘাড়ে : খানিক পরে রাগই হ'লো। নিজের উপর ঐ ভদ্রলোকের কথা অত ভাবছে ব'লে ; সিনেমায় এসেও তার অস্বস্তি গেলো না, আর ঐ কোন্ড ড্রিঙ্ক নেবার সময় তো প্রায় ধরা প'ড়েই গিয়েছিলো, প্রায় ঢাকনা খুলেই দিয়েছিলো তার দেমাকের, তার বোকামির ! সে ভাবছে যে মজুমদার তার কথাই ভাবছে, মজুমদার এ-কথা ভাবলো তো !...নিজেকে ধ'রে মারতে ইচ্ছা করলো তার ।

কিন্তু আসল ফিল্মটি আরম্ভ হবার দু-তিন মিনিটের মধ্যেই এ-সব তার মন থেকে মুছে গেলো । হয়তো ছবিটি সাধারণের উপরে ব'লে, কিংবা সে কালে-ভদ্রে সিনেমা ছাখে ব'লে, কিংবা হয়তো তার নভেল-পড়া মনে বানানো ঘটনার সাজানো সুষমা প্রবল নাড়া দেয় ব'লে, প্রায় সঙ্গে-সঙ্গেই তাকে টেনে নিলো দ্রুত, জীবন্ত, উজ্জল ছবিগুলি । যা দেখছে তা তো ভালোই, যেখানে ব'সে দেখছে তাও ভালো লাগলো—মেট্রোব দোতলায় আগে আব অসেনি সে—এতক্ষণে বুঝলো চেয়ারটা কত আরামেব, পিঠে কত নবম, হাঁটু রাখাব জায়গা কত বেশি ; কার্পেট-মোড়া গলি, সোনালি সীলিং, দেয়ালে ছবি—লোকে ছবি দেখবে অন্ধকারে ব'সে তো, তবে আব ও-সব কেন—কিন্তু ও-সবের জন্ত, স্বাতীকে মানতেই হ'লো, ছবিটা ভালো লাগে আরো ; তখনকার মতো অল্প-সব কথা ভুলিয়ে দিতে চারদিককার এই সুন্দর ষড়যন্ত্র মুগ্ধ করলো স্বাতীকে । শরীরের আরামে ডুবে গেলো সে, মনের বিজ্ঞামে—কেননা সিনেমা ভাববার

সময় দেয় না—তার পক্ষে নতুন এই বিলাসিতার চেতনায় পাশের চেয়ারের মজুমদার চ'লে গেলো হাজার মাইল দূরে ; তাকে ভুলতে পেরে স্বাতীর সুখ সম্পূর্ণ হ'লো। আর সেই সুখের তাপ জুড়িয়ে গেলো না ছবি শেষ হবার সঙ্গে-সঙ্গেই, সিনেমা দেখায় অভ্যস্ত অভিজ্ঞদের মতো বাইরে এসেই তার ফাঁকা-ফাঁকা লাগলো না ; আবার জমকালো সিঁড়ির জমকালো ভিড়ের মধ্যে হাঁটি-হাঁটি পা-পা ক'রে নামতে-নামতে এ-কথা ভাবতেও তার ভালোই লাগলো যে এখন বাড়ি না-ফিরে আবার যাবে অশ্রু-এক নতুন জায়গায়।

চাং-আন রেস্টোর'য় স্বাতী যেন অশ্রু মানুষ। স্বচ্ছন্দে কথা বললো ; আনন্দে হাসলো ; একটু-যেন উত্তেজনাই ধরা পড়লো তার ঝলকানো চোখে আর রং-লাগা গালে। এই সে প্রথম চোখে দেখলো কলকাতার চিনে পাড়া : সরু, প্যাচালো, কম-আলোর গলি—গলির মোড়ে আর ঘরের দরজায় গুলিয়ে যায়, চ্যাপ্টা মুখের ট্যারচা চোখের চিনেদের মাছ-পাতুরি ঘেঁষাঘেষি ; পুরুষ, মেয়ে, ছেলেপুলেও, ভাত খাচ্ছে কাঠি দিয়ে, তাস খেলছে একমনে, বাচ্চা কোলে মা দাঁড়িয়েছে রাস্তায়—ঘর থেকে পা বাড়ালেই তো রাস্তা, একটা সিঁড়িও পেরোতে হয় না—তাই সমস্ত গলিটা, মানে, সবগুলি গলির সমস্তটাই মনে হয় ওদের বাড়ি-ঘর, গাড়িটাকে বড্ড বেটপ লাগে, একটু অভদ্র। বার দশেক মোড় নেবার পর—স্বাতী অবাক হ'লো যে মজুমদার

একবারও পথ ভুল করলো না—ফটকওলা যে-দোতলার সামনে গাড়ি দাঁড়ালো, সমস্ত পাড়ার মধ্যে সেটিই সবচেয়ে ভালো বাড়ি, আর এতই বাড়ির মতো দেখতে যে স্বাতী প্রথমে বোঝেইনি যে এটাই চাং-আন। বাইরে ঝলমলে আলো নেই, নাম লেখা নেই; আর ভিতরেও চুপচাপ, একটি টেবিলে দু-জন বুড়োমতো সাহেব ব'সে আছে সামনে গেলাশ নিয়ে, কিন্তু তাদের দিকে তাকাবারও সময় পেলো না, তারা উপরওলা!—ভাবছিলো দুই জানলার ফাঁকে ঐ কোণের টেবিলটায় বসলে হয়, কিন্তু না—তাদের জন্তু চার নম্বর কেবিন; তা মন্দ কী; এখানেও জানলা আছে, কালো অন্ধকার ঝুলে আছে মখমলের পরদার মতো, আবার একটু পরেই অন্ধকার ছাড়িয়ে আকাশ চিনতে পারলো তিনটি তারার মিটমিটে চোখে।...আর, এক চামচে সূপ মুখে দিতেই ধারালো একটি খিদে যেন চেতিয়ে উঠলো তার মধ্যে—শুধু খাবার খিদে নয়, কথা বলার, হাসির, বন্ধুতার খিদে, বইয়ের বাইরে জীবন্ত মানুষের যে-জগৎ সেই জগতের জন্তু খিদে। সে-ই কথা আরম্ভ করলো এই ব'লে:

‘ফিল্মটা কেমন লাগলো, ছোড়দি?’

‘ভালো।’ শাস্বতী কথায় যা বললো তার আওয়াজ তা বললো না। সব ফিল্মই তার প্রায় একই রকম লাগে মোটামুটি; তখন-তখন সবই ভালো লাগে, পরে আর কিছুই মনে করতে পারে না।

‘ফিল্মটা খুবই ভালো—হ’তে পারতো—শেষটা যদি—’

‘হলিউডের বুদ্ধি!’ হারীত দাঁত দেখিয়ে হাসলো মজুমদারের

দিকে, কেননা উপস্থিত ক-জনের মধ্যে মজুমদারই যা-হোক কথা বলার যোগ্য—‘শেষ পর্যন্ত বড়োলোকও হ’লো ছেলেটা—হাঃ!’

‘আমাকে এ-বিষয়ে কিছু বলবেন না,’ মজুমদার আরো চণ্ডা ক’রে হাসলো, কিন্তু শব্দ না-ক’রে। ‘আমি ভালো ক’রে দেখিইনি। সিনেমায় গিয়ে সিনেমাই যদি দেখলাম তবে আর যাওয়া কেন?’

এই পুরুষালি রসিকতায় হারীত হেসে উঠলো অম্বরকম সুরে, আর স্বাতী মানে বুঝতে না-পেরে অবাক হ’লো।—‘কেন, ছাখেননি কেন!’

‘আন্ধেকটা একেবারেই দেখিনি।’ মজুমদার সত্য কথা বললো।

‘কিন্তু কেন?’ স্বাতী প্রশ্ন ছাড়লো না।

মুখ গম্ভীর ক’রে মজুমদার জবাব দিলো, ‘ভাবছিলাম।’

‘এতটাই যখন বলতে পারলেন তখন কী ভাবছিলেন সেটাও ব’লে ফেলুন।’ হারীত দয়া করলো, মজুমদারকে, দোস্তালির সুর লাগালো কথায়।

‘আপনাদের নিয়ে এই সন্ধ্যাটা-যে কাটাতে পারছি, আমার সেই সৌভাগ্যের কথা ভাবছিলাম,’ কথাটা শেষ করতে-করতে মজুমদার স্বাতীর মুখে একটু, একটুখানি চোখ রেখেই সরিয়ে নিচ্ছিলো, কিন্তু স্বাতীর চোখ আটকে ফেললো তাকে।

‘ফিল্মের মস্ত অসুবিধে আমার এই মনে হয়,’ স্বাতী বললো, ‘যে মানুষ কী ভাবছে সেটা বলা যায় না।’

স্বাতীর চোখ আশায় ফাঁপিয়েছিলো মজুমদারকে, কথা শুনে চুপশোলো। তবু চেষ্টা করলো সেই কথার স্মৃতি ধ’রেই তার

ইচ্ছায় পৌঁছতে : ‘মানুষ কী ভাবছে তা জানতে আপনার ইচ্ছে করে বুঝি খুব?’

‘ও কিছু না!’ হাবীত মত দিলো তক্ষুনি। ‘বুর্জোয়া কলচরের বিষফোঁড়া! আমি-তো ফিকশন পড়তেই পারি না গোয়েন্দা-গল্প ছাড়া!’

‘সত্যি!’ এতক্ষণে বিজন একটা প্রমাণ দিলো যে কথাবার্তা তার কানে যাচ্ছে। ‘যা এক-একখানা ডিটেকটিভ নভেল—ওঃ!’ ব’লেই চোখ নামালো মিঠে-টক পর্কের থালায়, তাই হারীতের চোখের অবজ্ঞার হলকা তাকে ছুঁয়েও ছুঁলো না। মজুমদার মুখের ভাবে হারীতের কথায় সায় দিলো, আর স্বাতীকে লক্ষ্য ক’রে কথাটা জীইয়ে রাখলো, ‘আপনার কী-রকম বই ভালো লাগে?’

‘যে-বই সত্যি কথা বলে সে-বই ভালো লাগে আমার।’

‘বানানো গল্প আবার সত্যি হয় নাকি?’ শাখতী হাসলো।

‘হয় তো!’ বিজু খবর দিলো। ‘ট্রাস্টরি ম্যাগাজিন ছাখোনি?’

‘ঠিক তা নয়—আমি বলছিলাম কী—’ স্বাতীর একটু লজ্জা করলো প্রথমে, কিন্তু বলতে-বলতে বেশ স্বচ্ছন্দেই ব’লে ফেললো, ‘বলছিলাম যে মানুষ তো ভাবে মনে-মনে, আর যা ভাবে তা মুখে বলে না; মনের কথা জানা যায় শুধু গল্প পড়লে, আর গল্প পড়ার মজাই তো ঐ!’

কেমন-একটা চমক লাগলো কথাটায়। ‘যা ভাবে তা বলে না বুঝি কেউ?’ ব’লে মজুমদার যতটা হাসলো ততটা হাসির কথা ওটা নয়, আর হারীত থেমে গেলো মাংসের টুকরো কাঁটায় ফুঁড়তে গিয়ে; একটু তাকিয়ে থেকে, স্বাতীর দিকে

কাঁটা উচিয়ে বললো, ‘স্বাতী, তোমার বুদ্ধি আছে, কথা বলতেও শিখেছো, কিন্তু মবিড হ’য়ে যাচ্ছে। তোমার এখন উচিত—’ বলতে যাচ্ছিলো তোমাব এখন উচিত বিয়ে করা, কেননা সেই মুহূর্তে স্বাতীকে তার ভালো লাগছিলো বেশ, আর তার পাশে বড্ড ফ্যাকাশে লাগছিলো নিজেব জীকে ; কিন্তু একজন অল্প-চেনা মানুষের সামনে এই নরম মনের জানান দিতে চাইলো না, ঠিক সময়ে ব্রেক ক’ষে দিলো।

হারীতদাব গলাব আব তাকানোর উষ্ণতা স্বাতী অনুভব করলো মনে-মনে, উপভোগ করলো নিঃশব্দে।

শাশ্বতী বললো, ‘কী-উচিত জেনে নিলি না, স্বাতী?’

‘কী উচিত? হারীতদাব মনঃপূত হ’তে হ’লে তোমার মতো হওয়া উচিত।’ স্বাতীর এ-কথায় মজুমদার আর হারীত হেসে উঠলো একসঙ্গে, বিজুও হাসলো—শাশ্বতীও—কিন্তু শাশ্বতীর হাসিটা কেমন জোর-করা, সুর-ছাড়া।

‘এই-তো দেখুন,’ ছোড়দিকে লক্ষ্য ক’বলো না স্বাতী, আলাদা ক’রে মজুমদারের দিকেই তাকালো এবাব, ‘হারীতদা কেমন বলতে-বলতে থেমে গেলেন। মনের কথা কি মুখে বলে কেউ?’

আগের বাব শাশ্বতীর যেমন, এবারে তেমনি জোব-করা হাসি মজুমদাবেব আর হাবীতেব, থেমেও গেলো তক্ষুনি, ছু-জনেই একটু-যেন আড়ষ্ট। এ-মুখ থেকে ও-মুখে তাকিয়ে স্বাতীর আরো সাহসী লাগলো নিজেকে, আরো স্বাধীন ; আবার বললো, ‘ফিল্মেব ঐ ছেলেটা মুখে ঘেন্না করছে বড়োলোকদের, কিন্তু মনের কথা ঠিক উন্টো।’

‘ঠিক,’ উৎসাহে প্রায় চৈঁচিয়ে উঠলো মজুমদার। একে তো কথা-বদলের আরাম, তার উপর এমন মনের মতো কথা! পাছে অত্যন্ত বেশি উৎসাহ ধরা পড়ে, গম্ভীর হওয়ার চেষ্টা ক’রে বললো, ‘এত-যে রোখা-চোখা কথা চারদিকে, সে-তো বড়োলোকদের সবাই হিংসে করে ব’লেই!’

‘বড়োলোক হবার এই একটা সুবিধে-তো আছেই যে সবাই হিংসে করছে ভেবে সুখী হওয়া যায়।’

মজুমদারের মুখ অণু ধরনের গম্ভীর হ’লো, আর হারীত গলা ছেড়ে হেসে বললো: ‘তা বড়োলোকদের তোয়াজ করার চাইতে হিংসে করা ঢের ভালো। আমি-তো বলি মহৎ গুণ সেটা।’

‘হিংসেটাই তো সবচেয়ে বড়ো তোয়াজ।’

চেয়ারের পিঠে হেলান দিয়ে মজুমদার হেসে উঠলো হো-হো ক’রে, আর হারীতেব চোখ তার দিকে তাকিয়ে হিংস্র হ’য়ে উঠলো প্রায়; কিন্তু সেই চোখই স্বাতীর মুখে স’রে নরম হ’লো; একটু তাকিয়ে থেকে ছেলেমানুষের এই বেয়াদবি ক্ষমা করলো সে।

স্বাতী দেখলো যে কথাবার্তার সেই কত।। দেখলো, সে যা বলে তা-ই বেঁধে, নয় হাসায়; সাজগোজ-করা প্রকাণ্ড মজুমদার, বিদ্বান ঠোট-বাঁকা হারীতদা; তার কথা উড়িয়ে দেয় না একজনও, বরং আরো শুনতেই চায়; আব দাদা আর ছোড়দি মুছেই গেছে; একা সে-ই কথা বলছে বয়স্ক ছ-জন পুরুষের সঙ্গে, সমকক্ষের মতো—শুধু সমকক্ষ? নিজের সম্বন্ধে

স্বাতীর ধারণা বদলে গেলো, কেননা এর আগে এমন সমানে-সমানে কখনো কথা বলেনি হারীতদার সঙ্গে, সামনেও না; নিজেকে এতদিন যেখানে বসিয়েছিলো তার অনেক, অনেক উঁচুতে উঠে গেলো এক লাফে; আরো কথা এলো মনে, মুখে, আগে জানতোও না এত কথা সে জানে; সাত রাজ্যের বই প'ড়ে-প'ড়ে যত কথা তার মনের তলায় এলোমেলো পঁচিয়ে প'ড়ে ছিলো, সব যেন দাঁড়িয়ে গেলো সার বেঁধে, পর-পর বেরিয়ে আসতে লাগলো এমন ঠিক-ঠিক সময়ে যে স্বাতী নিজে-তো অবাক হ'লোই, এও বুঝলো যে অগ্নেরাও অবাক হচ্ছে। যত বুঝলো যে আজ তার জিতের হাত, তত সে বললো, আর যত বললো তত জিতলো সে। যে-এক ঘণ্টা ধ'রে খাওয়া হ'লো, তার, আর অগ্নদের মধ্যে অন্তত দু-জনের মনে হ'লো যেন পাঁচ মিনিট।

হারীত বসেছিলো টেবিলের মাথায়, তাই বিল ধরা হ'লো তার সামনেই। তাকিয়ে বললো, 'আজ আপনার অনেক খরচ হ'লে, মিস্টার মজুমদার।' মন থেকেই বললো কথাটা; নিজে যে খরচ ভালোবাসে না, অগ্নের খরচও তার খারাপ লাগে, তার ভোগে নিজের ভাগ থাকলেও।

বাঁ হাতে এক তাড়া নতুন নোট বের করলো মজুমদার; ডান হাতে গুনে ক-খানা দিলো; বোয় বেরিয়ে যাবার আগেই বললো; 'রোজ পঞ্চাশটা টাকা তো এমনি-এমনিই গ'লে যায়।' হারীত তাকাতে চাইলো ঠাট্টার চোখে, কিন্তু একটু হকচকানিও ফুটলো। রাজার ছেলে মকরন্দ, সেও তো কোনো

পাটি দিতে হ'লে শস্তা খোঁজে? কিন্তু তার-ষে বাপ বেঁচে
এখনো; বরাদ্দ মালোয়ারায় চালাতে হয়; আর এ-লোকটার
টাকা তার নিজের, নিজের রোজগার, জবাবদিহি নেই কান্নো
কাছে। তাই ব'লে বাজে খরচই রোজ পঞ্চাশ টাকা? কিসের!
অত পারে নাকি কেউ? কেন পারবে না? একটু বদ হ'লেই
পারে। লোকটা হয় বদ নয় মিথ্যুক, এ-কথা ভেবে হারীত
তার আত্মসম্মান ফিরে পেলো; মজুমদারকে বাঁকা
চোখে বিঁধে ভারি গলায় আন্তে-আন্তে বললো: 'প্রচুর,
প্রভূত, অফুরন্ত টাকা থাকার মতো সুখ জীবনে আর-কিছু
নেই—কী বলেন?'

মজুমদার বুঝলো না হাবীত যা ভাবছে তা-ই বলছে, তাই
লজ্জা পেলো।

'নেই-ই তো!' ফশ ক'রে ব'লে উঠলো বিজন। 'সকলেরই
সে-জন্ম চেষ্টা করা উচিত।'

'কিন্তু সকলের তা হ'তে পাবে না, অতএব কারোরই হওয়া
উচিত না!' ঘোষণা করলো হারীত।

'টাকার বেলায় না-হয় আইন করলেন,' উঠে-দাঁড়ানো স্বাতীর
দিকে তাকিয়ে একটা উত্তর জোগালো মজুমদারের, 'কিন্তু
মেয়েদের রূপ, পুরুষের বুদ্ধি, এ-সবের কী হবে?'

'মেয়েদের শুধু রূপ আর পুরুষের শুধু বুদ্ধি?' স্বাতী চোখ
তুললো, ভুরু বাঁকালো।

মুগ্ধ হ'লো মজুমদার। কী সুন্দর মানাবে হিরের কণ্ঠি। তার
চোখের প্রশংসা ঝ'রে পড়লো স্বাতীর গলায়, গলার

তলায়, কথা বলতে ভুলে গেলো ; আর তার হ'য়ে জবাব দিলো শাখতী, তার, মানে মজুমদারের মনের কথাই বললো, শুধু ভিন্ন সুরে :

‘তোমার মতো মেয়ে তো কমই জন্মায় যার যেমন রূপ তেমনি বুদ্ধি!’

অনেক্ষণ ধ'রে চেপে-রাখা একটা নিশ্বাস কথাটার সঙ্গে ছাড়া পেলো। মজুমদার তা লক্ষ্য করলো, আর তক্ষুনি দোষ দিলো নিজেকে ; দু-জন মহিলা যেখানে উপস্থিত সেখানে একজনকে লক্ষ্য না-করার কারণ যদি এ-ও হয় যে অগ্রজনের রূপও যত বুদ্ধিও তত, তবু বেয়াকুবির তো মাপ নেই, আর যে-কোনো অবস্থায় মাথা ঠিক রাখতে পারাকেই বলে বুদ্ধি। নিজের বুদ্ধি সম্বন্ধে ধারণা নেমে গেলো তাব ; মিস্টার নন্দী যদি মিসেস নন্দীকে লক্ষ্য না কবেন সেটাকে ভদ্রতা ব'লে চালানো যায়, কিন্তু আমার ব্যবহার আগাগোড়াই অগ্ররকম হবার কথা, লক্ষ্য সামনে রেখে উপায়ের দিকে মন দিলে তবে তো লক্ষ্যভেদ ! কী ক'রে আমি ভুললাম যে ইনি আমাব পক্ষ নিয়েছেন নিজে থেকেই, প্রথম থেকেই, আর কাজেব সময় ইনিই দাঁড়াবেন আমার প্রধান সহায়, বিজনেব চেয়েও বড়ো সহায়—কেননা এটাই-তো স্বাভাবিক যে বিয়ে-হওয়া মেয়ের কথাতেই বিপত্নীক বড়ো বাপ কান দেবেন—কিন্তু আমি যদি এ-রকম ভুল করি, তাহ'লে আর কী ক'রে কী হ'বে !

মজুমদার সংশোধনের চেষ্টা করলো তক্ষুনি। বেরোবার

দরজার ধারে, প্রায় দরজা আগলে, দাঁড়িয়ে বললো : ‘আপনার কাছে আমার একটি ক্ষমা চাইবার আছে, মিসেস নন্দী।’

‘কিসের জন্ত বলুন তো ?’

‘আপনি নিশ্চয়ই এখন বাড়ি ফিরতে ব্যস্ত—’

‘কেন ?’

‘বাড়ি থাকলেই ফিরতে ব্যস্ত হয় মানুষে—’ মজুমদার একচোখ তাকালো হারীতের দিকে, একবার নিশ্বাস ফেললো যেন দম্পতীর আনন্দকে ঈর্ষা ক’রে ; তারপর কথা শেষ করলো—‘কিন্তু আর-একটু সময় যদি দেন আমাকে, একটুখানি সময়, একটু কফি খেয়ে নেবো ফিরতি পথে—চিনেদের খাবার-টাবার ভালো, কিন্তু কফির জন্তে কাউফমান। হিটলার ইহুদি খেদিয়ে আমাদের এই একটা সুবিধে ক’রে দিয়েছে যে সত্যিকার কফি আমরা চিনতে পেরেছি এতদিনে।’ মজুমদারের সমস্তটা বক্তৃতা শাস্বতীকেই লক্ষ্য করলো, শাস্বতীকেই কত্ৰী বানালো তার গলার আওয়াজ ; সে দেখতে পেলো তার কথায় কাজ হচ্ছে, আর তক্ষুনি হারীতের দিকে চোখ ফিরিয়ে বললো, ‘মাপ করবেন, মিস্টর নন্দী ; হিটলারের কথাটা হয়তো ভুল বলেছি, কিন্তু কফির বিষয়ে বলিনি, আশা করি তা প্রমাণ করতে পারবো।’

তখনকার মতো শহুরে সভ্য না-হ’য়ে হারীত পারলো না।
—‘আপনার আতিথেয়তার —’

‘প্রতিদান দেবেন ? নিশ্চয়—যেদিন আদেশ করবেন সেদিনই আমি হাজির হ’তে রাজি।’

হারীত সে-কথা বলতে চায়নি, কোনো-একটা ভদ্রতার বাঁধা বুলি আওড়াতে যাচ্ছিলো, কিন্তু এর পরে মজুমদারের কথাই মেনে নেবার ভাব দেখিয়ে বলতেই হ'লো : 'সে-তো খুব সুখের কথা, কিন্তু আপনি যা ব্যস্ত, কোথায় ধরবো আপনাকে ?'

'আমাকে ? কেন, আমাকে ধরার জন্য ভাবনা কী—বিজনের কাছে আমাকে যেতেই হয় মাঝে-মাঝে—যেতেই হবে, ওখানেই-তো সবচেয়ে ভালো, কী বলো ভাই বিজন ?' ব'লে দেলোয়ারি ধরনে বিজনের কাঁধে হাত রাখলো মজুমদার। 'মিস্টার মিট্র'র মহিমা থেকে হঠাৎ এই ঘরোয়া ঘনিষ্ঠতায় বদলি হওয়াটা তার পক্ষে সুখের হ'লো কিনা ঠাওরাতে না-পেরে বিজন হেঁ-হেঁ ক'রে হাসতে লাগলো।

'তাহ'লে আর দেরি না, কেননা,' তার প্রস্তাব পেশ ক'রে, পাশ করিয়ে মজুমদার স'রে দাঁড়ালো টান হ'য়ে, কাটা দরজার একটি পাট হাতে ধ'রে, 'ফ্রাউ কাউফমান খদ্দের যত ভালোবাসেন, তার চেয়েও খারাপ বাসেন রাত জাগতে।'

কফিতেই শেষ হ'লো না ; আবার লেকে ছু-চার চক্ররও , অতিথিদের যার-যার দরজায় নামিয়ে দিয়ে মজুমদার একা হ'লো এগারোটা রাত্তিরে। আর যে-মুহূর্তে একা হ'লো, তার টগবগে ঝকঝকে ভাবটা খ'সে পড়লো মুখ থেকে, নাকের পাশের রেখা মোটা হ'লো, নিচের ঠোঁট উপরেরটিকে ঢেকে দিলো, খুৎনি ঝুলে গলার চামড়া ঢিলে হ'লো, ঝেরিয়ে এলো ক্লান্ত একজন মানুষ, কড়ো ক্লান্ত, প্রায় বুড়ো। সোজা সে এলো গীতালির বাড়িতে—হ্যাঁ, ফিল্মেরই গীতালি। তার জন্য ব'সে থেকে-থেকে

মেয়েটি ঘুমিয়ে পড়েছিলো প্রায়, চোখ রগড়ে বললো, ‘এত দেরি?’ কোনো আগ্রহ ফুটলো না কথাটায়, কোঁতুলও না, যেন এ-ই বলতে চাইলো যে এত যেদিন দেরি হয় সেদিন আর না-এলেই তো পারো।

মজুমদার জবাব দিলো না; জুতো-টুতো শুদ্ধ এলিয়ে পড়লো তার নিজের পছন্দ ক’রে কেনা কাউচটিতে।

‘খাবে নাকি?’

‘না।’

মেয়েটি পরদা-ঢাকা দরজার দিকে তাকিয়ে ডাকলো, ‘লক্ষ্মী!’—আর সেই ডাকে তার গলার আওয়াজ প্রাণ পেলো—‘লক্ষ্মী, আমার খাবার দে।’

খাবার এলো, গীতালি একটুও দেরি করলো না।

তার খাওয়া, আর-কিছু করবার নেই ব’লে, মজুমদার দেখলো তাকিয়ে-তাকিয়ে। গাল দুটো ফুলছে আর ডুবছে, কণ্ঠমণি কাঁপছে, মুখের ভিতরটা দেখা যাচ্ছে মাঝে-মাঝে, জিভ বার-বার চেটে নিচ্ছে ঠোঁট। একটি কথা বলছে না, একবার চোখ তুলছে না; হাতে ছিঁড়ছে, দাঁতে চিবোচ্ছে, গলায় গিলছে: খাওয়ার একটা যন্ত্র হ’য়ে উঠেছে তার শরীর। ‘আমার জন্ম ব’সে ছিলো এতক্ষণ, খিদে পেয়েছে—বেচারি!’ এ-কথা মনে হ’তে পারতো মজুমদারের, কিন্তু হ’লো না; নিজের পেট ভরা ব’লে, আর মেয়েটির কাছে ছ-মাস ধ’রে আসছে ব’লে সে দেখলো শুধু কুশ্রীতা, অসহ্য কুশ্রীতা; শুধু ঐ মেয়েটির নয়, সমস্ত স্ত্রীজাতির কুশ্রীতা; হঠাৎ বুঝলো,

সারাদিনের ক্লান্তির চেয়েও বড়ো ক্লান্তি সারাদিনের পরে
কোনো-একটি দ্বীলোকের কাছে আসা ; আর সেই ক্লান্তিকে
কিনা ডাকতে হচ্ছে জীবনের মতো, সাবা জীবনের মতো,
আর-কোনো কাবণে না, শুদ্ধ জাঁক মেটাতে, তাক লাগাতে !
কী যন্ত্রণা টাকার !

গাড়ির দরজা খোলার একটুখানি আওয়াজে আলো জ্বলে উঠলো ভিতরের ঘরে, বাইরের ঘরে ; আর দরজা খুলে রাজেনবাবু যেই দাঁড়ালেন, ঠিক তক্ষুনি গলির মোড়ে মিলিয়ে গেলো গাড়ির পিছনের জলজলে লাল পাথর-চোখ।

বিজু চ'লে গেলো ভিতরে, স্বাতী ব'সে পড়লো বাইরের ঘরেই, পাখাটা খুলে দিলো বসবার আগে। ঘরটা গরম—আর বড্ড ছোটো না ?

মেয়ের মুখের দিকে একটু তাকিয়ে দেখলেন রাজেনবাবু, তারপর বললেন, ‘যেতে তো চাসনি, বেশ ভালোই লাগলো তো ?’

স্বাতী কথা বললো না। তার চামড়ায় তখনো ব'য়ে যাচ্ছিলো লেকপাড়ের গাড়িচলার বেশিরাতের হাওয়া।

রাজেনবাবু আবার বললেন, ‘শাশ্বতী এলো না ?’

‘কই, না তো ! চ'লে তো গেলো।’

‘ভালোই করেছে। এলেই আরো দেরি হ'তো—এগারোটা বেজে গেছে এমনিতেই—’

‘এত বেজেছে ?’

রাজেনবাবু একটু চুপ ক'রে থেকে বললেন, ‘যা এখন—শুয়ে পড়,’ বলতে-বলতে একটা হাই তুললেন নিজে।

তাই তো, এখন শুয়ে পড়া ছাড়া আর কী করবার আছে ? কিছু নেই, কিছুই নেই। রোজ রাতে একটা নির্দিষ্ট সময়ে

শুয়ে খড়তেই হবে, ঘুমোতেই হবে, প্রতি রাত্রে প্রত্যেক মানুষকে, বিশ্ববিধাতার এই ব্যবস্থার উপর একটু রাগ ক'রেই মাথা ঝেঁকে উঠে দাঁড়ালো স্বাতী, আর দাঁড়িয়েই দেখতে পেলো বাবাকে। শুধু-যে বাড়ি ফেরার পর এই প্রথম দেখতে পেলো, তা নয়; যেন অনেকদিন পর চোখে দেখলো; যেন অনেকদিনের মধ্যেও বাবা এমন ক'রে তার চোখে পড়েননি। শাদা, ছাইরঙা আর কালোয় মেশানো অল্প চুল মাথায়, চোখের কোলে ছোটো-ছোটো আর নাকের পাশে মোটা-মোটা রেখা, গলার চামড়া ঢিলে, খোলা গায়ে থলথলে একটু ভুঁড়ি—কৌচাটা উন্টিয়ে কোমরে গৌজা ব'লে সত্যিকার চাইতে বড়ো দেখাচ্ছে—ধুতি পরার কালো দাগের একটু আভাস দেখা যাচ্ছে কোমরে। একজন বুড়োমানুষকে দেখলো স্বাতী, বুড়ো, ক্লান্ত, সঙ্গীহীন, আপাতত ঘুম-পাওয়া। চমক লাগলো, অবাক হ'লো, যেন বিশ্বাস হ'লো না; কেননা এর আগে কোনোদিন স্বাতীব চোখ বাবাকে বুড়ো ছাখেনি।

কেমন লাগে বুড়ো হ'তে? কেমন লাগে বুড়ো হ'য়েও বেঁচে থাকতে? অথ্য যত বুড়ো, আধ-বুড়ো মানুষ—রাস্তায় বেরোলেই যাদের দেখা যায়—তাদের কি মানুষেব মধ্যে গণ্য করে স্বাতী, কি তার বয়সের অথ্য কেউ? না—নিজের ঘরে আসতে-আসতে কথাটা ভেবে দেখলো মনে-মনে—মানুষের মধ্যেই গণ্য করে না তাদের; মনে হয় ওরা আছে কেন; না-থাকলে কী এসে যায়; মনে হয় পৃথিবীটা তাদেরই, তাদেরই জন্ত, যারা বয়সে তার সমান কিংবা কাছাকাছি; তার কাছাকাছি

বয়সের সকলেরই তা-ই মনে হয়। অন্য সব বিষয়ে যত ঘোরতর অমিলই থাক মতের আর মনের, এই একটি বিষয়ে তারা সকলেই একমত, একমন, যাদের বয়স পনেরো-ষোলো থেকে আরম্ভ করে চব্বিশ-পঁচিশ ;—এমন একমন যে এ-বিষয়ে তারা কথা বলে না কখনো, এ ওর চোখে তাকিয়েই বুঝে নেয় ; তাদের সমস্ত হাসি, ঠাট্টা, ফুর্তি, আড্ডা আর সমস্ত ঝগড়াঝাটি, কান্নাকাটির মস্ত মোটা বইটার প্রথম পাতাতেই এই কথা ছাপানো আছে নিচে-লাইন-টানা মোটা-মোটা অক্ষরে। পঁচিশের পরেই একটু ঝাপসা—হারীতদাকেই মনে হয় আলাদা জাত, আর ঐ প্রকাণ্ড মজুমদারকে তো নিশ্চয়ই—তবু, সত্যি বলতে, হারীতদার সাতাশে, এমনকি মজুমদারের বত্রিশেও আজ কি তার ভিঁমি লাগলো ?

ঘরে এসে আলো জ্বাললো, শাড়ি না-ছেড়েই ব'সে পড়লো চেয়ারে, ভাবতে চেষ্টা করলো কত বছর বয়সে মানুষ বুড়ো হয়, কিংবা কত বছর পর্যন্ত হয় না। চল্লিশ ? চল্লিশ সে কাকে চেনে ? ঠিক ! বড়োজামাইবাবু ! কত বয়স ? তা চল্লিশ-টল্লিশ হবে নিশ্চয়ই, কিন্তু বুড়ো ? বাবার মতো ?...হঠাৎ কেমন-একটা কষ্ট হ'লো, বাবাকে মনে-মনেও বুড়ো ভাবলো ব'লে। পৃথিবীর সেই-সব বুড়ো, প্রায়-বুড়ো মানুষ, পৃথিবীর যারা কেউ না, যারা বেঁচে আছে শুধু ট্রায়ামের ভিড় বাড়াতে, বাবাও কি তাদেরই একজন ? তার বাবা !

বুড়ো, ক্লান্ত, সঙ্গীহীন, ঘুম-পাওয়া, ঘুমোতে-না-পারা। বাবা ওঠেন খুব ভোরে—শীতে গ্রীষ্মে সূর্য ওঠার আগে—ঘুমিয়েও

পড়েন দশটার মধ্যে অঘোরে। আজ ঘুমোতে পারেননি—তার জন্তাই। টেবিলের টাইমপীসে—বাবা এটা এনে দিয়েছিলেন ম্যাট্রিক-পাশের পরে—এগারোটা বেজে দশ : প্রায় ছ-ঘণ্টা পর বাড়ি ফিবলো। এতক্ষণ বাড়ির বাইরে কবে থেকেছে ? শিগগির তো মনে পড়ে না। কলেজেও এতক্ষণ কাটে না—আর কলেজ তো দিনেব বেলা, সকলেবই কাজ থাকে তখন, কিন্তু রাত্তিরে ? জামাইবাবুব সঙ্গে দল বেঁধে গিয়েছে সবাই শ্রামবাজাবে থিয়েটবে—সবাই, বাবা ছাড়া—কেন ? যাঃ, বাবা আবাব থিয়েটবে যাবেন কী—আব তাই বড়দিও প্রায়ই যাননি, যত উৎসাহে অগ্বেবা গিয়েছে, তত উৎসাহেই বড়দি বাড়ি থেকেছেন, কেননা ‘নিবিবিলিতে ছুটো কথা বলা যাবে বাবাব সঙ্গে।’ আব সে ? বাঃ, সে কি যেতে চেয়েছিলো নাকি আজ, বাবাই তো বললেন, আব ছোড়দি এমন জোব কবলো—। কিন্তু যেতে চায়নি, তা কি বাবাব জন্ত ? না, নিজেব কাছে জবাব দেবাব আগে একটু থামলো স্বাতী, যেতে চায়নি প্রবীরচন্দ্র মজুমদারবেব জন্ত। মজুমদারবেব জন্ত যেতে না-চাইবাব কাবণ ? ভালো লাগে না লোকটাকে—লাগে না ? খুব খাবাপ কাটলো এই ছ-ঘণ্টা সময় ?

স্বাতী নিজেকে দেখতে পেলো মেট্রো সিনেমাব মখমল-কুশনে, কার্পেটমোড়া ঝলমলে সিঁড়িতে, চাং-আন-এর জমাট কামবায়, লেকপাড়েব হাওয়াগাড়িতে। আব ততক্ষণ বাবা ? একলা বাড়িতে আলো-না-জ্বালা বারান্দার পাটিতে, একটা-ছুটো পান, চুপচাপ বাড়িতে চুপচাপ—বই পড়ারও

অভ্যাস নেই বাবার—কী ভাবেন ?—তারপর কোনোরকমে ন-টা বাজিয়ে একলা ব'সে খেয়ে নিয়ে আবার ছোটো পান, আর তারপর শুয়ে পড়লেই ঘুম, কিন্তু তাও আজ হ'লো না ; একা, অন্ধকারে চুপচাপ জেগে থাকলেন তার জন্ম, দশটা, সাড়ে-দশটা, এগারোটা পর্যন্ত ; হয়তো দেরি দেখে ছশ্চিন্তাও হ'লো, কিন্তু সে-কথা বলবার কেউ নেই ; তাকেও কিছু বলবেন না, কোনো কথা বলবার কেউ নেই ; তার সঙ্গে, সত্যি বলতে, কতটুকুই-বা কথা আছে বাবার, আর তারই বা কী-কথা বাবার সঙ্গে !—বড়দি, তার পনেরো বছরের বড়ো ; বাবার কাছে বসলে ঘর-সংসারের কথা তাঁর ফুরোয় না, কিন্তু তার মনের মধ্যে যত কথার আকুলিবিকুলি ছটফটানি, তার কতটুকু বলা যায় বাবাকে ? এই-তো এখন : সিনেমা দেখে, চিনে রেস্টোর'য় খেয়ে, কাউফমানের কফি পান ক'রে, লেক-চক্রর দিয়ে, তারপর কি ইচ্ছে করে বাড়ি এসেই শুয়ে পড়তে, ঘুমোতে ; ইচ্ছে কি করে না বাড়ি এসেও খানিকক্ষণ কথা বলতে, গল্প করতে, হাসতে, কথা বলতে-বলতে ঘুমিয়ে পড়তে, ঘুম-ঘুম গলায় কথা বলতে ? ..কিন্তু বাবা ঘুমোতে পারলে বাঁচেন, দাদাও এতক্ষণে বিছানায় ; শুধু সে—তার যেন ঘুম নেই, সুখ নেই, তৃপ্তি নেই ।

কেন ?

ঘরের চারদিকে তাকালো স্বাতী । ঠিক-ঠিক গোছানো, ফিটফাট । বেতের চেয়ার, নিচু মোড়া, নিচু আলনায় কুঁচোনো শাড়ি পেঁচিয়ে রাখা ; ছোটো শেলফে বই ; মশারি-ফেলা তৈরি বিছানা ; টেবিলে রেকাবি-ঢাকা জল-ভরা গ্লাস ; ঠিক

যেখানকারটি যেখানে, ঠিক যেমনটি চাই। আর-একটু ভালো ক'রে তাকালো : ধোবাবাড়ির টাটকা পরদা জানালায়, টেবিলের ছড়ানো বইগুলি গায়ে-গায়ে দাঁড় করানো, দেয়ালে মা-র ঝাপসা-হ'য়ে-আসা ছবিটা একটু কম ঝাপসা। নতুন কিছু নয়, রোজই এ-রকম ; সে যেমন খুশি থাকে, চলে, ছড়ায়, আর রামের মা ছু-বেলা গুছোয়, আর বাবা ব'লে দেন। বেশ-তো আছে সে, খুব আরামে, একলা একটা ঘরে তার দিদিবা কেউ থাকেনি, তার কলেজ-বন্ধুবা বোধহয় থাকে না, ভাবতে গেলে সাবা দেশে ক-জন মানুষের কপালে জোটে একলা একটা ঘর, তাব কপালেও জুটেছে নেহাংই দৈবাং, নেহাংই সে বাবাব সবছোটো মেয়ে ব'লে। তা কাবণ যা-ই হোক, আছে তো ভালো, নিবিবিলা, স্বাধীন, আপনমনে ; তবে কেন ঘুম নেই, সুখ নেই, কী-যেন নেই, কী ?

কী ?

স্বাতী' হাত বাড়ালো জলের গ্লাশে, আব গ্লাশটা হাতে তুলতেই চোখে পড়লো একটা—চিঠি। না-খেয়েই নামিয়ে বাখলো গ্লাশ, তুলে নিলো শক্ত শাদা খামটা—কিন্তু তক্ষুনি খুললো না। একটু তাকালো খামের উপর নামের দিকে, তাবই নাম, কুচকুচে কালিতে ঢেউ-বঁাকা অক্ষরে লেখা, কখন এসেছে, কখন থেকে অপেক্ষা করছে তাব জন্ম ; যদি সে এসেই শুয়ে পড়তো তাহ'লে আজ হয়তো চোখেই পড়তো না। কী অন্ডায় !—কিন্তু কার অন্ডায় ? এতক্ষণ কোথায় ছিলো সত্যেন রায় ? আজকের বিকেল থেকে আরম্ভ ক'রে এই মুহূর্তের

আগের মুহূর্ত পর্যন্ত একবারও তার মনে পড়েনি সত্যেন রায়কে, যেমন বাড়ি ফেরার আগের মুহূর্ত পর্যন্ত একবারও মনে পড়েনি বাবাকে। বাড়িতে পা দিয়েই বাবাকে যেমন অন্তরকম লেগেছিলো, তেমনি এই চিঠিটা—

স্বাতীর নিশ্বাস ভারি হ'লো, কপালের চুল সরিয়ে আস্তে খুললো খাম, ভিতরে ভাঁজ-করা কড়কড়ে শাদা কাগজটা আস্তে খুললো চোখের সামনে। ঢেউ ব'য়ে গেলো তার মনের উপর দিয়ে, কালো-কালো অক্ষরের কথা-বলা ঢেউ ; হাওয়া ব'য়ে গেলো তার মনের উপর দিয়ে, পাহাড়ি হাওয়া, ঠাণ্ডা হাওয়া, শান্তির, অশান্তির হাওয়া। মনে পড়লো, আর সেই একটি মুহূর্তেই যেন মনে-মনে পড়লো, অন্য সব চিঠি ; যত চিঠি সে পেয়েছে, যত চিঠি সে লিখেছে, সেই শান্তিনিকেতনের প্রথম চিঠি থেকে ; ফিরে এলো তারা, উড়ে এলো এক ঝাঁক পাখির মতো, কেউ-কেউ শাদা, অন্তরা হালকা-নীল, কিন্তু শাদারা আর নীলেরা উড়ে চলেছে একই দিকে, দূর দূরের দিকে, তারপর আর বোঝা যায় না কে শাদা কে নীল।

চিঠি পড়া শেষ ক'রে স্বাতী হাতে নিলো গ্লাস, একটু-একটু ক'রে খেয়ে নিলো সমস্তটা জল। নামলো জল স্রোতের মতো তার ভিতরে, নামলো তার মনে পাহাড়ি ঝরনা, ঠাণ্ডা, কত দূর থেকে ঠাণ্ডা, যত নামছে তত অশান্ত, নামছে শাদা আর নীল ছুটি রেখায় ঝরনা, নামছে অশান্তি দূর দূরের সমুদ্রের দিকে, তারপর আর বোঝা যায় না কোনটা শাদা আর কোনটা নীল।

চিঠিখানায় একটি হাত রেখে স্বাতী মাথা হেলিয়ে চোখ বুজলো।

‘স্বাতী!’

ডাক শুনে এমন চমকালো যে চেয়ার থেকে প’ড়ে-
যাচ্ছিলো প্রায়। সামলে উঠে দাঁড়াতে-দাঁড়াতে প্রথম কথা,
মনে হ’লো কোনো-একটা বই-টাই দিয়ে চিঠিটা চাপা দেয়।
কিন্তু না—লুকোবে কেন, লুকোবার কী আছে। একটু তাকিয়ে,
একটু হেসে বললো, ‘তুমি ঘুমোওনি, বাবা?’

‘তুই এখনো ঘুমোসনি যে?’

‘ঘুম পায়নি।’

‘ঘুম পায়নি ব’লেই ব’সে-ব’সেই ঘুমিয়ে পড়েছিলি?’

‘ঘুমোচ্ছিলাম না,’ স্বাতী বললো, ‘ভাবচ্ছিলাম।’

‘ও আমার’ রাতজাগুনি ভাবুনি রে!’ রাজেনবাবু গলা ছেড়েই
হাসলেন মেয়ের গস্তীর কথা শুনে আব আরো গস্তীর মুখ
দেখে। ‘শুয়ে পড় এক্ষুনি, আব এক মিনিট দেরি না!’

‘হ্যাঁ বাবা, শুই।’

মেয়ের মুখে একটা কিন্তু-কিন্তু ভাব দেখে বাবা বললেন,
‘কিছু চাই? রামের মাকে ডেকে দেবো?’

‘না—না—তুমি শুয়ে পড়ো, বাবা—আমি এক্ষুনি—’ বলতে-
বলতে স্বাতী টেবিলে প’ড়ে-থাকা চিঠিটা ছু-আঙুলে নাড়লো
একটু, তারপর আস্তে-আস্তে খামে ঢুকিয়ে রাখলো, যাতে
বাবার চোখে পড়ে।

রাজেনবাবু এক পলক তাকিয়ে বললেন,—‘কী লিখেছে সত্যেন?’

‘কী ক’রে বুঝলে, কার চিঠি?’

‘অত স্নন্দর হাতের লেখা আমাদের জানাশোনার মধ্যে আর কার?’

স্বাতী বললো, 'লেখেনও খুব সুন্দর। তামুপাহাড়ের কথা এমন ক'রে লিখেছেন—একটু পড়বো, বাবা, শুনবে ?'

‘হুঁহু! খালি ছুতো ক'রে-ক'রে জেগে থাকার চেষ্ঠা ! আর কথা না—ঘুম !’

রাজেনবাবু ফিরে এলেন নিজের ঘরে, শুয়ে পড়লেন অন্ধকারে । আর, একটু পরে দু-ঘরের মাঝখানকার পরদা-ঢাকা দরজটাও অন্ধকারে মিশে গেলো ; আর, আরো একটু পরে রাজেনবাবুর কানে ভেসে এলো নরম, খুব নরম গলার গুনগুনানি ; প্রথমে বড্ড লাজুক, একটু কাঁপা, ভিত্ত, গুনগুন ; একটু চড়া, আরো, কিন্তু গুনগুন ; তারপর আবার নামলো, য়হু, মোছা-মোছা, গুনগুন ; আহা—পাগল-করা বেহাগ—গানটা ছেড়ে দিলো স্বাতী, রাখলে-তো ভালোই হ'তো—ভালো ক'রে শিখলোই না, সেই যতীন দাস রোডে থাকতে একটু-একটু ; আজকাল আর হাঁ-ও করে না বুঝি—কতকাল পরে গানকে আজ মনে পড়লো ওর, কতকাল পরে মনের মধ্যে গানকে ফিরে পেলেন রাজেনবাবু । কান পেতে শুনলেন, মন ভ'রে শুনলেন—ছুটো-একটা কথাও কানে এলো, বোধ হয় রবিবাবুর কোনো—তাই এত মিষ্টি !—তক্ষুনি কথা ডুবে গেলো, শুধু গুনগুন ; আহা—থামে না যেন, থামলো না, সেই রাতে, চুপচাপ অন্ধকারে, ঘুম-জড়ানো বিছানায় শুয়ে-শুয়ে রাজেনবাবু আস্তে-আস্তে ভেসে গেলেন সেই দুঃখে যে-দুঃখ তিনি কখনো পাননি, আর সেই সুখে যে-সুখ শুধু কল্পনা ; সমস্ত জীবনের ক্লাস্তি মুছে গেলো, সমস্ত পৃথিবী শান্তিতে ছেয়ে গেলো ; আর তবু, রাজেনবাবু ঘুমিয়ে পড়ার পরেও আরো

চললো গুনগুন, নরম, আরো নরম, আবছা-মোছা গলায়, একটু থেঁম-থেঁমে, গুনগুন মনের গুনগুন-কথা, ব্যাকুলতা, ভয়, প্রার্থনা, প্রশ্ন।

সেই-যে ছেলেবেলায় একবার ছোড়দি তার হাতে বই পাঠিয়েছিলো শুভ্রকে, আর সেই বই খুলেই নীল খামের ঝিলিক দেখে কেমন-একরকম হেসেছিলো শুভ্র, তারপর থেকে চিঠির নীল রং দেখলেই একটা-যেন ত্রাস হ'তো স্বাতীর। মানে, এ-কথা ভাবতেই ত্রাস হ'তো পাছে কোনোদিন তাকেও কেউ লেখে ও-রকম। কিন্তু সত্যেন রায়েব ঘরে গিয়ে দেখেছিলো টেবিলে ঘন-নীল প্যাড়ের ফাঁকে ফাউণ্টেনপেন গৌজা, আর সেই কাগজেই প্রথম চিঠি এলো শান্তিনিকেতন থেকে। ভয় ভাঙলো, এমনকি, ভালো লাগলো, খুব ভালো লাগলো ঐ ঘন-নীল বেগনিমতো রংটা। ক-দিন পরে সে-ও কিনে এনেছিলো নীল রঙের কাগজ-খাম; অত ভালো রং পাড়ার দোকানে মিললো না, অমন খশখশে কাপড়-মতো কাগজও না; সবচেয়ে ভালো যা পেলো, তা-ই এনেছিলো, আর তারপর ব'সে-ব'সে ভেবেছিলো কাকে চিঠি লেখা যায় তার এই নতুন-নীল কাগজে।

কিন্তু চিঠি লেখার কোনো লোক নেই স্বাতীর। বাবার হ'য়ে মাঝে-মাঝে মৈমনসিং-এ বড়দিকে, রেঙ্গুনে মেজদিকে আর দিল্লিতে সেজদিকে চিঠি লিখতে হয় তার : তাতা হামের পর কেমন আছে, ইরু এবার কোন ক্লাশে উঠলো, দীপুর একটা

ছবি পাঠিয়ে, আমি ভালো আছি, বাবা ভালো আছেন, তোমরা কেমন ; ছোটো-ছোটো খবর-চিঠি, মোটামুটি একই খবর, একই রকম, টুকরো-টুকরো শুকনো হাড়—একে কি আর চিঠি বলে ? ওরই মধ্যে একটু রক্তমাংস লাগিয়ে ফেলে সে ; বড়দিকে জানায়, ‘এক-একদিন সকালবেলা আমার এমন ইচ্ছে করে আলুসেদ্ধ খেতে—কিন্তু আলুসেদ্ধ হ’লেই তো হ’লো না—’ লিখতে-লিখতে একটা পাতাই ভ’রে যায় ; মেজদিকে জিগেস করে, ‘মেমিও গিয়েছিলে বেড়াতে, সে-কথা কেন কিছুই লেখোনি ?—কী-সুন্দর নাম মেমিও—আচ্ছা, তোমরা স্টিমারে ক’রে ভ্রামো গিয়েছে। কখনো—সেদিন একটা বইয়ে পড়ছিলাম—’ মনে-মনে ভ্রামোতে চ’লে যায় ; ভ্রামো, মেমিও, ম্যাগালে’ ; ‘ম’ আওয়ার্জটাই মিষ্টি ; সমস্ত বর্মটা যেন মস্ত একটা ভ্রমর—আর সেজদিকে খবর দেয় যে সেদিন পুরোনো একটা ট্রাঙ্ক থেকে ‘তোমার নাম লেখা একখানা বই বেরোলো হঠাৎ—কী-বই বলো তো ?—তোমার আর কী ক’রে মনে থাকবে—সত্যেন্দ্র দত্তের “বেলাশেষের গান”—সেজদি, তুমি কবিতা পড়তে তখন ?—বইখানা কিন্তু আমার হ’য়ে গেলো—আর তোমার হাতের লেখা কিন্তু একরকমই আছে—শেষের ক-টা পাতা নেই, কাগজও হলদে হ’য়ে গেছে—আরো বেশি ভালো লাগলো সেইজন্য—’ এমনি চললো ড্যাশ দিয়ে-দিয়ে খানিকক্ষণ । কিন্তু অনেক দেরি ক’রে-ক’রে এ-সব চিঠির জবাব যেই আসে, তক্ষুনি স্বাতী বুঝতে পারে তার ভুল । মেজদির সর্বদাই এত শরীর খারাপ যে চিঠিপত্র কয়েক লাইনের বেশি এগোয় না ;

সেজদির প্রত্যেক চিঠিতেই দারুণ তাড়াহুড়োর লক্ষণ ; ভুল কথা, কথা কেণে যাওয়া, এক কথা দু-বার, শেষ ক'রে একবার পড়ারও সময় নেই ; আর বড়দি তো নিজের হাতে চিঠি লেখা ছেড়েই দিয়েছেন, নয়তো আর মেয়ে বড়ো হয় কেন মায়েদের। তিন দিদি বাইরে, তবু চিঠি লেখার কেউ নেই ; অথচ লেখার ইচ্ছে ভীষণ ;—লোকে যাকে হুঃখ বলে, এ-হুঃখ কি তার কোনোটার চেয়ে কম ?

একবার চেষ্টা করেছিলো কলেজের অনুপমার সঙ্গে চিঠি, জমাতে, অনুপমা যেবার বেড়াতে গিয়েছিলো তার কাকার কাছে বরিশালে। চিরাচরিত নিয়ম উন্টিয়ে স্বাতীই লিখেছিলো আগে। জবাবও এসেছিলো চটপট, উৎসাহ পেয়ে দুই নম্বর চিঠিতে অনেক কথাই বিনিয়েছিলো ; কিন্তু অনুপমার দুই নম্বর আর এলোই না। কলেজ খুলতে স্বাতী যখন জিগেস করলো, ‘আমার চিঠির জবাব দিসনি যে?’ অনুপমা দিব্যি হেসে বললো, ‘কী আবার লিখবো, আর সময়ই-বা কেথায়?’—বলে কী ? সম্বন্ধ নেই ? সময় তবে আছে কিসের জন্য ? কথা নেই লেখার ? মনের মধ্যে দিনবাত তবে তা-তা-থৈ কিসেব ?

‘ছোড়দি, আমাকে চিঠি লিখবে তুমি?’ ভয়ে-ভয়ে, আড়চোখে, আধোগলায় শাশ্বতীব কাছেই প্রস্তাব কবেছিলো একদিন।

‘চিঠি?’ প্রশ্নচিহ্নটা স্মৃতিস্ক হ’লো শাশ্বতীর গলায়।

‘আমি লিখবো আর তুমি জবাব দেবে।’

‘সে কী বে!’ শাশ্বতী হাসলো।

‘হাসছো কেন?’ স্বাতী দেখাতে চাইলো দমেনি
শাশ্বতী জবাব দিলো না, চোখের দিকে তাকিয়ে আরো হাসলো।
‘চিঠি লিখতে ভালো লাগে না তোমার?’

‘তোমার বয়সে লাগতো, কিন্তু—’ কথা শেষ না-ক’রে শাশ্বতী
ঘর থেকে বেরিয়ে গেলো ছুই কানের মুক্তোতুল ঝিলমিলিয়ে।

এর পর একদিন ছুপুরবেলা ব’সে-ব’সে স্বাতী নিজেই
নিজেকে লম্বা লিপি চিত্রালো, আর তারপর নিজেই ছ-জন সেক্কে
আরো লম্বা জবাব বুনলো পরের দিন; আর তারপর অবশ্য
ছুটোই ছিঁড়ে ফেলে দিলো, কেননা এ-খেলা আর ভালো
লাগলো না, আর গোর্কীর সেই টেরেসা গল্প মনে প’ড়ে
আরো বেশি খারাপ লাগলো।

অতএব নীল কাগজের প্যাডটি খুব বেশি রোগা হ’য়ে যায়নি
এই ছ-মাসে। কিংবা পাঁচ মাসে যেটুকু রোগা হয়েছিলো,
আবার প্রায় ততটাই হ’লো তার পরের এক মাসে, সত্যেন
রায় শিলং যাবার পরে। স্বাতী আশা করেনি চিঠি—কিংবা
করেছিলো; আশা মানুষ কী না করে?—কিন্তু সত্যি ভাবেনি—
কিন্তু চিঠির ধরনটা এমন যেন এ আগে থেকেই জানা, যেন
এ-বাড়ি থেকেই গেছেন আর পাহাড়-বেড়ানোব চিঠি পাঠানোর
আর লোক নেই স্বাতী ছাড়া। স্বাতীব চিঠি পাবার আর
চিঠি লেখার কল্পনা এতদিনে একটা শরীর পেলো: বিনাকাজের
লম্বা ছুটি, লম্বা মে মাস, ভরা গ্রীষ্মের বড়ো-বড়ো দিনগুলির
অনেকখানি নীল-শাদা লেখার ঝাঁকে উড়িয়ে দিতে-দিতে জলজলে
জল এসে দরজায় দাঁড়ালো।

কিন্তু ইচ্ছা কেন শক্ত হ'য়ে গেলো চিঠি লেখা ? যে-কোনো সময়ে অন থেকে কলমে আর কলম থেকে কাগজে বরবার ক'রে যার কথা ক'রে পড়ে, সে কেন আজ কলম হাতে নিয়ে চূপ ? ভরেছিলো চার পৃষ্ঠায় এক কাহন, কিন্তু শেষ ক'রে পড়লো যখন সমস্তটা—ছী-ছি, কী বাজে, ছেলেমানুষি, কী লিখেছে এ-সব !—একটানে লম্বা ক'রে দিলো মাঝখান দিয়ে, কুচি-কুচি ছড়িয়ে দিলো টেবিলতলায় ; আবার আরম্ভ করলো নতুন ক'রে, কিন্তু দশ মিনিটের মধ্যে ভালো ক'রে আরম্ভই করতে পারলো না। কথা নেই ব'লে মুশকিল নয় ; মুশকিল এই যে এত কথা আছে যে তার মধ্যে কোনটা লিখবে আর কোনটা লিখবে না সেই হ'লো মুশকিল। যেটা মনে আসে সেটাই মনে হয়—বাজে ! অথচ এইরকমই সব পাঠিয়েছে আগে—এই সেদিনও—কেন পাঠিয়েছে ? কেন ? একটা সহজ, অত্যন্ত সহজ, কিন্তু অদ্ভুত, অত্যন্ত অদ্ভুত প্রশ্ন দেখতে-দেখতে স্বাতীর মনে গজিয়ে উঠলো, ভেলকিওলার গাছের মতো ছোট্ট চারা থেকে মস্ত বাঁকা-বাঁকা ডালপালা পর্যন্ত : কেন সত্যেন রায় চিঠি লেখেন তাকে, আর সে-ই বা কেন পাওয়া মাত্র জবাব দেয়, কতটুকই বা চেনা, আর চেনাই বা কী-রকম ; চিঠির কোনো কথাই ওঠে না সত্যি বলতে, অথচ এই সহজ কথাটা এতদিনে একবারও মনে হয়নি, কেন হয়নি ?

দিনটা, সিনেমা-সজ্জার পরের সেই রবিবারটা কুথাই কাটলো স্বাতীর, জবাব লেখা হ'লোই না।

পরের দিন দুপুরবেলা সে যখন প্রায় শেষ ক'রে এনেছে চিঠি, যেন একটা ডার নামাতে পেরে মনটা বেশ ভালো লাগছে, রামের মা এসে খবর দিলো বাইরের ঘরে একজন ভদ্রলোক এসেছেন।

ধক ক'রে উঠলো বুকের মধ্যে। সত্যেন বায়? ফিরে এলেন হঠাৎ? কিন্তু চিঠিতে তো—থাক তাহ'লে চিঠি। উঠে দাঁড়িয়ে, অঁচলে একবার মুখ মুছে জিগেস করলো, 'বসতে বলেছো?'

'বসেছেন।'

'পাখা খুলে দিয়েছো?'

'না তো!—'

বাগ হ'লো বামের মা-র উপর—এতদিনেও বোঝানো গেলো না যে কেউ এলেই পাখাটা—রাগ বাড়লো বসবার ঘরের দরজা দিয়ে ঢুকেই। কী বোকা রামের মা, সত্যি! ব'লে দিলেই হ'তো দাদাবাবু বাড়ি নেই!

কুঁচোনো কৌচা মেঝেতে লুটিয়ে মজুমদার উঠে দাঁড়ালো; ঝিরঝিরি গিলের ঝিরঝিবানি তুলে দু-হাত জোড় করলো, চোখে চিকচিকোলো, ঠোঁটে হাসলো, একটু পরে বসলো, তারপর বললো:

'বিজন বোধহয় বাড়ি নেই?'

'না। এ-সময়ে তো থাকে না কখনো।'

'আমিও তাই ভেবেছিলুম,' ব'লে মজুমদার আরো-একটু আরাম ক'রে হেলান দিলো চেয়ারে।

‘কোনো কথা ছিলো ? এলে কিছু বলতে হবে ?’

‘না, বলতে হবে না কিছু। আর, দিনের মধ্যে দেখা হবেই একবার।’

একটু চুপ ক’রে থেকে স্বাতী বললো, ‘আজ আপনার আপিশ নেই বুঝি ?’

‘আপিশ ? আপিশ আমার সঙ্গে-সঙ্গেই ঘোরে। যারা চাকরি করে তারা বেশ আছে, দশটা-পাঁচটা কাজ, বাকি সময় নিশ্চিন্ত ; কিন্তু আমার এমন-একটা অবস্থা হচ্ছে দিন-দিন, এমন জড়িয়ে যাচ্ছি পঞ্চাশ ব্যাপারে—সবাই যেন আমাকে খুঁজে-খুঁজে বের করছে, ইচ্ছে করলেও আর রেহাই নেই—এ-রকম কদিন চলবে, আর কোথায় এর শেষ হবে—’ হঠাৎ থেমে, একটু হেসে বললো, ‘কিন্তু আপনাকে এ-সব কথা বলছি কেন ?’

স্বাতী কথা বললো না, যেন মেনেই নিলো মজুমদারের শেষ কথাটা।

একটু পরে মজুমদার নিজেই নিজের প্রশ্নের জবাব দিলো, ‘তা বললামই না-হয়—শুনতে আপনার ভালো লাগছে না, কিন্তু বলতে তো আমার ভালো লাগছে।’

তার প্রায়-শেষ-করা, শেষ-না-করা চিঠির কথা ভেবে স্বাতী এবারেও কিছু বলতে পারলো না।

মজুমদার বললো, ‘আপনি কি বিরক্ত হয়েছেন আমি এ-রকম অসময়ে হঠাৎ এসেছি ব’লে ?’

‘না—না—কী আশ্চর্য—আমি কেন—’

‘কেমন অশ্রমনস্ক দেখছি আপনাকে ?’

‘কই।’

‘কী করছিলেন ?’

‘কী আর—’

‘ঘুমোচ্ছিলেন ?’

‘ঘুমোবো কেন ?’—ইনি আমাকে হুপুর-ঘুমোনি ভাবলেন !

‘আমি বুঝেছি আপনার অবস্থাটা,’ মজুমদার গম্ভীরমুখে বললো। ‘আমি উঠলে বাঁচেন, কিন্তু ভদ্রতা ক’রে ব’সেও থাকতে হচ্ছে—তা-ই না ?’

স্বাতী লজ্জা পেলো। এই তার দোষ, আর এই তার মস্ত অসুবিধে যে মনের ভাব লুকোতে সে জানে না, তাব’লে এ-রকম ক’রে বলাটাও সত্যি—! সে চোখ তুললো, চোখ নামালো, আবছা হাসলো, কিছু বলতে গেলো, আর এই অপ্রস্তুত অপ্রতিভতা থেকে মজুমদারই তাকে উদ্ধার করলো মুখে ভালোমানুষি হাসি আর কথায় ভালোমানুষি ঠাট্টাস্বর টেনে : ‘কিন্তু ভয় নেই আপনার—আমি এক্ষুনি উঠবো—সারাদিন তো চরকিঘোরা আছেই—বেশ লাগছে এই ঘরটিতে একটু বসতে।’

একটু ছলছলে হ’লো স্বাতীর মন। মনে পড়লো এমনি এক হুপুরবেলার কথা, যেদিন সত্যেন রায় এসেছিলেন ক-মিনিটের জন্ত ‘নবজাতক’ বইখানা দিতে। কী-কষ্ট, সত্যি, পুরুষদের।—না, কষ্ট কী, কেমন স্বাধীন, যখন যা ইচ্ছে তা-ই করতে পারে, এই-তো কেমন বেড়াচ্ছেন শিলং পাহাড়ে—চিঠিটা পারবে তো আজ-ডাকে পাঠাতে ?...মনকে ফিরিয়ে আনলো

চিঠি 'থেকে, সহজ হ'য়ে বললো, 'বাঃ! আপনি বসুন না যতক্ষণ ইচ্ছে।'

'ইচ্ছে!'—যদিও ছুটির দিনেও সে দুপুরবেলা বাড়ি থাকে না—
ভাবতেই হাঁপ ধরে—তবু স্থান-কাল-পাত্রী বুঝে কথা সাজালো :
'কার না ইচ্ছে করে, বলুন, জানলা-ভেজানো ঘবে পাখাব
তলায় ব'সে দুপুরবেলাটা গল্প ক'রে কাটাতে!' কিন্তু, একটু
আগে পুরুষের যে-সুবিধের কথা স্বাতী ভাবছিলো, তাব ঠিক
উপ্টোটা এবার শুনলো সে, 'যা ইচ্ছে করে তা-ই কি আর কবা
যায়! তাহ'লে আর কাজ ব'লে বস্তুটা জন্মাবে কেন জগতে?'

'তা কাজে তো আপনার অনিচ্ছা নেই।'—কিছু-একটা
বলতে পেরে স্বাতী যেন হাঁপ ছাড়লো।

কথাটা শুনে স্পষ্ট খুশি হ'লো মজুমদার, কেননা তার
ভাষায় সবচেয়ে বড়ো প্রশংসাই এইটে। যারা তার চাকবি
করে, আর যারা কোনোরকম সুবিধের জন্ত তার কাছে হাত
পাতে, তাদের সকলের কাছে যে-কথাটি সে জাঁকিয়ে বলে,
সে-কথাই এখানে একটু নরম ক'রে বললো, 'কিন্তু সে-অনিচ্ছা
অন্যদের এত বেশি যে আমাকে মিছিমিছি চারগুণ খাটতে হয়।
বেকারের এত কান্নাকাটি তো শোনে, কিন্তু আমি-তো দেখি
পৃথিবী ভ'রে কাজ আছে বিস্তর, কিন্তু কাজের লোক নেই।'

বেকারদের বিষয়টা স্বাতীর কাছে একেবারেই ঝাপসা, তাই
সে চেষ্টা করলো কিছু না-ব'লে মুখে-চোখে সমর্থন জানাতে,
কেননা সেটাই ভদ্রতা।

তাতেই উৎসাহিত হ'য়ে মজুমদার আরো বললো, 'এই-তো।

একুনি ছুটেই হবে বারো মাইল দূরে ফ্যাঙ্কিরিতে, ছ-বেলা নিজে না-দেখলে চলে না, ছোটোখাটো ব্যাপারও আটকে যায়—যদিও মাইনে দিয়ে লোক পুষছি অনেকগুলো।’

ভাষাটা ভালো লাগলো না স্বাতীর, মনের মধ্যে কামড় দিলো নিজের দাদার কথা। একটু হঠাৎ ক’রেই বললো, ‘আচ্ছা, একটা কথা। দাদা সত্যি-সত্যি কী করেছে আপনি কি জানেন?’

‘কেন, আপনারা জানেন না?’

‘আমাদের কাছে কিছু বলে-টলে না।’

তক্ষুনি মজুমদারের মুখে নামলো আপিশ-বস্-এর গান্ধীর্ষ, নিচু গলায় থেমে-থেমে বললো, ‘বিজন ভালোই করেছে।... ভালোই করবে।... ওর পার্টস আছে—মনে হয়।’

‘পার্টস?’ প্রশ্ন ফুটলো স্বাতীর চোখে।

‘কাজের লোক,’ সংক্ষেপে রায় দিলেন কাজের কর্তা।

যে-দাদাকে ছেলেবেলা থেকে বাড়িসুদ্ধ সবাই জেনেছে অকর্মণ্যের চবম নমুনা ব’লে, তার সম্বন্ধে এমন কথা তারই মুখ থেকে যে কিনা সারা রাজ্যে কাজের লোক দেখতে পায় না! স্বাতী যেন বুঝতে পারলো না বিশ্বাস করবে কি কববে না। তাব এব পরের কথাটাও, তাই, প্রশ্নের সুরেই বেরোলো, ‘তাহ’লে ভালোই?’

‘মনে তো হয়, হওয়া তো উচিত,’ বস্-গান্ধীর মজুমদার বিচক্ষণ জবাব দিলো। তারপরেই সহজ করলো ভঙ্গি—‘বড্ড ছশ্চিন্তা বুঝি ওকে নিয়ে আপনার বাবার?’

দাদা এঁকে কী বলেছে আর কতখানি বলেছে, মজুমদারের

মুখের চেহারা থেকে তা বুঝে নেবার চেষ্টা করতে-করতে স্বাতী বললো, ‘হুগুয়া কি অস্থায়?’

‘নিশ্চয়ই না—আর ম্যাট্রিকটাও যখন পাশ করতে পারেনি! —কিন্তু আমিও তো,’ মজুমদার বড়ো-বড়ো দাঁত দেখিয়ে হাসলো, ‘মাত্রই ম্যাট্রিক-পাশ।’

তার দাদা আর-একজন প্রবীর মজুমদার হ’লে তার কেমন লাগবে, স্বাতী মনে-মনে তা চিন্তা করলো।

‘স্কুল-কলেজের পাশ-ফেল আর জীবন-যুদ্ধের পাশ-ফেল এক জিনিশ নয়,’ মজুমদার তার অভিজ্ঞতার অংশ দিলো স্বাতীকে, আর সেই সঙ্গে আশ্বাসও: ‘আপনার বাবাকে বলবেন ছুশ্চিন্তার কিছু নেই। আমি ওকে সব-কনট্রাক্ট দিতেই থাকবো নিয়মিত—আর অমনি ক’রে-ক’রে নিজেই দাঁড়িয়ে যাবে একদিন—এখন যুদ্ধটা কয়েক বছর টিকলেই হয়।’

মজুমদার তাহ’লে কনট্রাক্টর? আর দাদাও সেই কাজে ঢুকেছে? মনটা খারাপ হ’য়ে গেলো স্বাতীর। আন্তে-আন্তে বললো, ‘কিন্তু বাড়ি বানাবার কাজে দাদা কী করবে?’

মজুমদারের মোটা গালের ভাঁজে-ভাঁজে হাসি ছড়ালো, আবার মনে-মনে উপভোগও করলো মেয়েটির এই প্রায় পাড়ারগেয়ে অজ্ঞতা। প্রায় স্নেহে স্বরে বললো, ‘বাড়ি বানাবার কনট্রাক্ট নয়, যুদ্ধের সাপ্লাইয়ের কনট্রাক্ট।’ মুখের দিকে তাকিয়ে বুঝলো যে স্বাতী বুঝলো না কথাটা, কিন্তু আর বোঝাবার চেষ্টা না-ক’রে বললো, ‘বিজনের সঙ্গে আমার দেখা হয়েছিলো নিশ্চয়ই কোনো শুভকক্ষে।’

‘কেন ?’ সরল প্রশ্ন স্বাতীর ।

‘সেইজন্মই তো আপনা—’ মুখে এসেছিলো ‘আপনার’, কিন্তু ঠিক সময়ে কথাটা বদলে নিলো, ‘আপনাদের: সঙ্গে তো আর আলাপ হ’তো না তা না-হ’লে।—আপনার ছোড়দি চমৎকার মানুষ। হারীতবাবুও। কবে আবার আসবেন ওঁরা এখানে ?’

‘ঠিক কী—’

‘আগে একটা খবর পেলে চেষ্টা করতে পারি হাজির হ’তে—অবশ্য আপনাদের যদি আপত্তি না থাকে।’

স্বাতী চেষ্টা করলো এমন ক’রে হাসতে, যাতে বোঝা যায় আপত্তির কোনো কথাই ওঠে না।

হঠাৎ কজ্জিঘড়িতে তাকিয়ে লাফিয়ে উঠলো মজুমদার, চলতে-চলতে বিদায় নিলো, একবারও পিছনে না-তাকিয়ে উঠে বসলো গাড়িতে।—কিন্তু হঠাৎ নয়, আগে থেকেই আড়চোখে ঘড়ি দেখছিলো, আর ঠিক সময়মতোই উঠেছে। যে-জন্ম এসেছিলো তা হয়েছে তার; সোমবারের দামি সময় থেকে খানিকটা খাবলে নিয়ে যে-জন্ম সে এসেছিলো হালকা-হাওয়ায় খামকা-চলার উজ্জান বেয়ে ক্যানিং স্ট্রিট থেকে টালিগঞ্জ, তা হয়েছে, ভালোমতোই হয়েছে, বেশ খুশি লাগছে নিজের উপর। সে এসেছিলো তার মনোনীতাকে—একা পেতে ততটা নয়—তাতে আর তেমন লাভ কী?—আর সেটা-তো একটু বেশি পরিমাণেই সহ্য করতে হবে পরে—যতটা বাড়িতে, অসময়ে, অতর্কিতে দেখতে, যতটা সম্ভব অপ্রস্তুত অবস্থায়। কিন্তু বাস্তব তার আশাকে ছাড়িয়ে গেছে, কেননা সে ভাবতেই পারেনি

যে সত্যি দেখতে পাবে এমন ক'রেই, এতটাই আসাজা, আমাজা, যেমন-তেমন। একবার একটি নাচিয়ে মেয়ের সঙ্গে আলাপের একটু সূত্রপাত হয়েছিলো তার, পার্টি আলো ক'রে আছে ফুটফুটে পরিটি ; কিন্তু সেই মেয়েকেই একদিন সকালবেলা বাড়িতে দেখে প্রায় চিনতেই পাবেনি, মনে হয়েছিলো অণ্ড মানুষ ; শুধু-যে গায়েব বং কালো তা নয়, নাক-চোখ পর্যন্ত আলাদা যেন। আবার, আবার-একটু উচু ঘবেব এমন মহিলাও সে দেখেছে, ঘাঁদেব বাইবেব চেহারা আর বাড়িব চেহারা প্রায় একই রকম ; সত্যি তাঁরা দেখতে কেমন—যদি সত্যি ব'লে কিছু থাকে—তা বোধহয় ঈশ্বর ছাড়া—যদি ঈশ্বর ব'লে কিছু থাকে—কেউ জানে না। মজুমদার অবশ্য আগেই জেনেছিলো যে বিজনের বোন এই দু-দলেব কোনো দলেই পড়ে না, কিন্তু এটা জানতো না, এটা সে ধারণাও কবতে পাবেনি যে আজকালকার কোনো ভদ্রমহিলা একজন ভদ্রলোকেব সঙ্গে দেখা করবার আগে চুলে একবার চিকনিও চালায় না, মুখে একবার পাউডরও বুলায় না, যেমন ছিলো তেমনি বেবিযে আসে কুঁচকোনা আধ-ময়লা শাড়িতে। কথার ফাঁকে-ফাঁকে ভালো ক'বে তাকিয়ে দেখছিলো : ছোটো-ছোটো কৌকড়া চুল পাখার হাওয়ায় উড়ে-উড়ে পড়ছে কপালে ; মুখখানা একটু লালচে-কালো, ঘামলে যে-বকম হয়—ভিতবেব ঘবে পাখা নেই নাকি ?—আঙুলে কালির দাগ—লিখছিলো ?—ফাউন্টেনপেন নেই ?—শাড়িটা নেহাৎ বেচারাগোছের, আর ব্লাউজটা—অঁচল-ঢাকা হ'লেও কড়া চোখে ধরা পড়লো—ব্লাউজটা শস্তা পপলিনের,

তাও ফিট করেনি ঠিক, বোধহয় স্বহস্তেই প্রস্তুত। সাধারণ, একেবারেই সাধারণ ; এ-রকম দু-চার লক্ষ পাওয়া যাবে এই মুহূর্তে এক কলকাতাতেই...তা-ই কি ? কপালে-ওড়া কোঁকড়া ছোটো চুল, মুখ, চোখ, হাসি—অনিচ্ছার ঐ আবছা একটু হাসি—আর খালি, শাদা, পাংলা পা ছুটি বেশ-তো মানিয়েছিলো মেঝের উপর, ঐ বাজে মেঝেতেই ও-রকম, আর শাদা-আর-ছাইরঙা মার্বেল-মেঝে হ'লে ?...বড্ড ঘরোয়া আজকালকার হিশেবে, এক-এক সময় ছেলেমানুষ, কোনো খবর রাখে না পৃথিবীর, বাইরের ব্যাপার কিছুই বোঝে না ;—তা—ভালোই তো । মজুমদারের এতক্ষণে সন্দেহ হ'লো যে আবছা আলোর ঐ ঘরটিতে এই ঘোরত্বপূর্ণ সময়টুকু তাব ভালোই কেটেছে, ভালো লেগেছে তার, যেমন ভালো লাগছে এই আগুন-তাতা ছপুব-গাড়ি থেকে জল-সবুজ কোঁকড়া পুকুরটাকে পার্কস্ট্রিটের মোড়ে । এই ভালো লাগাটা ভালো লাগলো না মজুমদারের, নিজের সত্বকে তার ধারণার সঙ্গে মেলে না এটা, একটু-যেন শ্রদ্ধা ক'মে গেলো নিজের উপর । তবু, কমলা আলো সবুজ হবার সঙ্গে-সঙ্গে মেয়ো বোড ধ'রে ড্যালহুসি স্কোয়ারের দিকে এগোতে-এগোতে আবার তার চোখের সামনে ভেসে উঠলো মেঝেতে পাতা পাংলা শাদা পা ছুটি ; আর ঠিক তখনই সেই পা ছুটি ঢুকলো স্ত্রাণ্ডেলে, বেবোলো রাস্তায়, চললো তাড়াতাড়ি, পেরোলো গলি, থামলো গলি-মোড়ের চিঠিবাঙ্কের সামনে । লাজুক কথা অন্ধকারে লুকোলো, আকাশে উড়লো ছোট্ট লাজুক হালকা-নীল পাখি ।

সে-চিঠি যখন পৌঁছলো, সত্যেন রায় ব্যস্ত ছিলেন হিলভিউ হোটেলের আফটারনুন টী-র প্রতি যথাসাধ্য স্মৃতিচারের চেষ্টায়।... চেষ্টায় ? তবে কি পাহাড়-পাড়ার নামডাক মিথ্যে, না কি সত্যেন রায়েরই স্বাস্থ্য তেমন ভালো যাচ্ছে না ? না ; সে-বছরের সেই গ্রীষ্মে, বর্ষা নামার আগের মাসটিতে, পৃথিবীর মধ্যেই স্বাস্থ্যকরতার একটা প্রাইজ নিতে পারতো শিলং ; আর সত্যেন রায়, যৌবনের চূড়ায়, শান্ত, সমতল, উচ্চাশাহীন জীবনের স্বাধীনতায়, শিলঙের গুণপনাকে এমন ক'রেই আত্মসাৎ করতে পেরেছিলেন, যেমন বোধহয় আর-একজনও পারেনি সে-বছরের হাজার দেড়েক গ্রীষ্মপ্রবাসীর মধ্যে। জীবনে কখনো এর চেয়ে ভালো ছিলেন না তিনি ; এতই ভালো, যে হিলভিউ হোটেলের আফটারনুন টী-টাও প্রায় পুরো পাওনাই আদায় ক'রে নিচ্ছিলো তাঁর কাছে। আর নেবেই-বা না কেন ; টী যখন, চা নিশ্চয়ই আছে ; আর তৈরি পেয়ালার বদলে টী-পটের স্মৃতিখোঁটাও তিনি জুটিয়েছিলেন—অবশ্য বিনামূল্যে নয়—আর যদিও রান্নাঘর থেকে তাঁর ঘরে পৌঁছতে-পৌঁছতে টী-পটমুন্ধু তাপ হারাতো, আর—যদিও দেশটাই চায়ের, কিংবা সেইজন্তাই— চা-পাতাটাও ঠিক পয়লানস্বরূপ নয়—তবু চা তো, আর নাম যখন বিকেল-চা, শুধু চা-ই নয় ; সঙ্গে লুচি, আলুভাজা আর ফল-টল ;—লুচি অবশ্য চামড়ামতো, আলুভাজা স্নাতার মতো, আর ফল মানে হচ্ছে শনিপুজোর শিল্লির মতো কুচি-কুচি কলা আর শশা, কি বড়ো জোর চাক-চাক টক-টক বুনো আপেল। তা যা-ই হোক, এ নিয়ে খুব বেশি নালিশ ছিলো না সত্যেন

রায়ের ; নালিশের বাধা ছিল তাঁর স্বভাবে, আর প্রতিকার ছিলো যত্নের সক্রিয়তায় : ঐ টী-পটটার জন্তই তিনি কৃতজ্ঞ, আরো কৃতজ্ঞ একলা একটা ঘর পেয়েছেন ব'লে ; ঘর মানে অবশ্য—তা এর বেশি লাগবেই বা কিসে, আর প্রায় সারাদিন তো বাইরে-বাইরেই—; উঠতে হয় কাঠের সিঁড়ি বেয়ে, একমাত্র জানলাটিকে বন্ধ করলে ফাঁপর আর খুলে রাখলে বরফ, হোটেলের আসল বাড়ি থেকে আলাদা ব'লে ইলেকট্রিক আলোও নেই, কিন্তু এর কোনোটাই তেমন অসুবিধে লাগে না তার এখনকার বাসিন্দার, সুবিধেই বরং, আর অসুবিধেও যদি লাগতো, যে-কোনো অসুবিধেই কি সুবিধে নয় তিন-চারজন জবড়জড়ের সঙ্গে এক ঘরে রাত কাটানোর তুলনায় ? বেশ প্রীত চিত্তেই অনতিতপ্ত চায়ে চুমুক দিচ্ছিলেন সত্যেন রায় ; তাঁর এখনকার অবস্থাটাকেই কল্পনা ক'রে নিচ্ছিলেন কুঙ্গল হোটেলের উচ্চুড়-চা ব'লে (হাঁটতে-হাঁটতে চোখে পড়েছিলো একদিন) ;—আর সত্যি-তো, কুঙ্গল হোটেল হ'লেও সুখ কি আর বেশি হ'তো এর চেয়ে ? একা আছি, আরামে আছি, মন খেলাবার ভালো-ভালো ভাবনার অভাব নেই : আর-কী চাই ?

আর-কিছু চাই না ; কিন্তু আরো কিছু হ'লে আরো বেশি সুখী-যে হওয়া যায়, সেটা প্রমাণ হ'লো একটু পরেই । খাসিয়া চাকর চিঠি এনে তাঁর সামনে রাখলো, রেখেই চ'লে গেলো ; আর ওটুকু সময়ের মধ্যেই একটুমাত্র তাকিয়ে স্পষ্ট জানালো যে বার-বার কাধসিঁড়ি বেয়ে-বেয়ে এই খচরো

অথচ বিশেষ কাজগুলোর সঙ্গে সমান মাপেই যেন বখশিশ
ওঠে বাবু হাতে এখান থেকে চ'লে যাবার সময়।

চাঁটকা-গরম তোস-কুটি বলো, ভাঁজ-না-ভাঙা খবর-কাণ্ড
বলো, নতুন-কেনা পাতা-না-কাটা বই বলো, চায়ের সঙ্গে
চিঠির মতো কিছু না। হোক সকালে, হোক বিকেলে, হোক
যে-কোনোরকম চা আর যে-কোনো লোকের চিঠি—বই-দোকানের
বিল হ'লেও আপত্তি নেই—শুধু পোস্টকার্ড না-হ'লেই হ'লো।
আর যদি হয় এমন কারো চিঠি, যাকে—ভালো লাগে ;
এমন-কোনো চিঠি, যা—ভাবতেই ভালো লাগে, চা-পেয়ালা
নামিয়ে চিঠিটা হাতে নিলেন সত্যেন রায়, একবার উন্টিয়ে
দেখলেন, আর-একবার আলোর দিকে তুলে দেখলেন, যেন
নেড়ে-চেড়েই ভিতরটাকে চেখে নেবেন একটু, তাবপর খাম খুলে
এক নিশ্বাসে প'ড়ে নিয়ে চিঠিটা হাতে রেখেই আর-এক হাতে
পেয়ালা তুলে একটু লম্বা মাপেই চুমুক দিলেন চায়ে, আব
সঙ্গে-সঙ্গেই মুখ-চোখ বিকৃত হ'লো—ছি! একদম জল!—জল-চায়ের
টোকটাকে খুক ক'রে গিলে ফেলে মন থেকে চা-চিন্তা সরিয়ে
দিলেন তখনকার মতো ; আবার আন্তে-আন্তে থেমে-থেমে।
পড়লেন চিঠি ; চিঠিশেষের নামের উপর চোখ রাখলেন একটুক্ষণ
স্বাতী—স্বাতী মিত্র। নামটি ঝংকার দিলো প্রোফেসরের
মনের মধ্যে, সেই হলদে-লাল সূর্যাস্তে প্রথম যেমন গুনেছিলেন।
সুন্দর নাম। ছোটো-ছোট দুটি কথা, সমান ওজনের, নরম একটু
অসুপ্রাস ; সবসুদ্ধ হালকা, আবার সেই সঙ্গে গম্ভীরও ; লিখলে
ভালো দেখায়, বললে ভালো শোনায়।...তাই-তো, তবে কি আমি

এই নাম নিয়ে এতই ভেবেছি ?—এই বিষয়টাকে যত রকম ক’রে ভাবা যায়, কিছুই-তো বাকি রাখিনি মনে হচ্ছে !...কিন্তু—হঠাৎ যেন একটা ঝাঁকুনি লাগলো শরীরে—অবাক লাগলো যে এত ভেবেও এই আসল কথাটাই এখনো ভাবেননি যে এ-নামটা কাঁচা, অস্থায়ী, বলতে গেলে মিথ্যে। ঐ ছন্দে-বসানো ছিপছিপে ‘মিত্র’কে সরিয়ে দিয়ে অন্য-কেউ কায়েমি হবে একদিন ;—একদিন কেন, শিগগিরই—খুব-যে তার দেরি নেই সেটা নিশ্চিতই।

এই নাম-বদলের ব্যাপারটা সত্যেন রায় ঠিক পছন্দ করলেন না। চিঠিটা খামে, আর খামটা পকেটে ঢুকিয়ে একটু ক্ষিপ্তভাবেই উঠে পড়লেন, চায়ের বাসনগুলো সরিয়ে রাখলেন তক্তাপোশের তলায়, সেই তলা থেকেই টেনে আনলেন স্মার্টকেস, তালা খুলে বের করলেন একটা পরিষ্কার রুমাল, বন্ধ ক’রে আবার ঠেলে দিলেন ভিতরে, উঠে দাঁড়িয়ে চেয়ারের পিঠ থেকে তুলে কালো রঙের আলোয়ানটি গায়ে জড়ালেন, হঠাৎ একটু থেমে মনিব্যাগের ভিতরটাতেও উকি দিয়ে নিলেন একবার। এই কাজগুলির প্রত্যেকটিতেই প্রকাশ পেলো তাঁর পরিচ্ছন্নতার অভ্যাস, জীবনযাপনের ধীর লয়ের সমতা ; কিন্তু কাঠের সিঁড়ি দিয়ে নামতে-নামতে তাঁর নিজেরই মনে হ’লো যেন একটু তাড়াছড়ো করছেন, বিরক্ত হ’লে মানুষ যেমন করে, কিংবা যেন কারো সঙ্গে দেখা হবে—কিন্তু কারো সঙ্গেই তো না।

বেশি দূর হাঁটলেন না ; প্রথম যে-জায়গাটা মনে হ’লো সহনীয়রকম নিরিবিলি, সেখানেই পাইনতলায় ব’সে পড়লেন।

সুন্দর—যে-কোনো জায়গাই সুন্দর এখানে—কিন্তু এই প্রথম, বোধহয় জীবনেই প্রথম—প্রকৃতির লীলাখেলা তেমন-যেন রুচলো না। পার্বত্য দৃশ্য ছাড়াও অন্তর্যবকম লীলাখেলা আছে প্রকৃতির : সেইটে কেড়ে নিলো মন। সেদিন ব’সে-ব’সে জীবনের কোনো তত্ত্ব ভাবলেন না, জীবনটাকেই ভাবলেন, নিজের জীবন—যেটা, তাঁরই বিবেচনায়, নিতান্তই অযোগ্য বিষয়, কেননা নিজের কথা বড় বেশি ভাবে তাবাই, যাদের মন অন্য কোথাও পৌঁছতে পারে না, অর্থাৎ যাবা বোকা, মূর্থ, কিংবা অসুখী।

প্রথম দুই শ্রেণীর কোনো-একটিব অন্তর্গত ব’লে নিজেকে ভাবতে চাইলো না সত্যেন, মন দিলো তৃতীয়টিতে।

কিন্তু নিজেকে অসুখী ব’লে কখনোই তো সে ভাবেনি এ-পর্যন্ত। বরং উন্টো : জীবনের প্রথম পঁচিশ বছর এ-ধাবণাই তাকে উপহার দিয়েছে যে ভাগ্যেব বিশেষ-একটু পক্ষপাত আছে তার উপর। মা যখন মরেছিলেন—জীবনের এই পরিচ্ছেদটায় ছাত্রীর সঙ্গে বেশ মিল আছে তাব—তখন সে এতটা বড়ো যাতে মা না-থাকলেও বেঁচে থাকতে খুব বেশি অসুবিধে হয় না, আব এতটা ছোটো যাতে আঘাতটা আস্তেই লাগে। বাবা আর বিয়ে কবলেন না, উল্লেখযোগ্য অশ্রু-কিছুও করলেন না জীবন ভ’বে। কম খবচে, কম রোজগারে এখানে-ওখানে ঘুরে বেড়ালেন ছেলেকে নিয়ে, তারপর শাস্তি-নিকেতনে দিলেন, আর ছেলে যখন ম্যাট্রিকুলেশনে স্কলারশিপ পেয়ে কলকাতায় পড়তে এলো, তখন থেকে বাসা নিলেন

ধলেশ্বরীর ধারে দেশের বাড়িতে; প্রচুর পরিশ্রম ক'রে গ্রামে এক লাইব্রেরি বসালেন; তারপর সেই লাইব্রেরিতে রোজ দু-খানা খবর-কাগজ প'ড়ে আর যে-কোনো ইচ্ছুক কিংবা অনিচ্ছুক শ্রোতার কাছে বিবিধ রাষ্ট্রিক, সামাজিক, আন্তর্জাতিক সমস্য়ার উত্তম বিশ্লেষণ ক'রে দিন কাটাতে লাগলেন মোটের উপর মন্দ কী। সবচেয়ে ইচ্ছুক, সবচেয়ে সোত্তর শ্রোতা অবশ্য তাঁর ছেলেই; আর আন্তে-আন্তে নিতান্তই শ্রোতার পর্যায়ে সে আর রইলো না, নিজেরও দু-একটা কথা বলবার হ'লো; বাবা, তাই, একটু ব্যগ্রভাবেই তাকাতে লাগলেন ছেলের ছুটি-হওয়া বাড়ি-আসার দিকে। খুব ইচ্ছা করেছিলেন ছেলে হবে ইতিহাসের পণ্ডিত, কিন্তু সত্যেন পছন্দ করলো ইংরেজি সাহিত্য, তবু তাঁর ইচ্ছাটাকেও সম্মান জানালো তার অনার্সের একশো টাকার প্রাইজ থেকে কয়েকটি বাছা-বাছা মোগল ইতিহাসের বই বাবাকে পাঠিয়ে—যেহেতু মোগল আমলটাতেই তাঁর আগ্রহ বেশি। এই-যে প্রথম সে বাড়িতে কিছু পাঠালো তাও নয়: আই. এ. পড়তে-পড়তেই সে ট্যুশনি ধরেছে, স্কলারশিপ তো আগাগোড়াই আছে; এমন দিনের নাগাল পেতে, তাই, খুব দেরি তার হ'লো না, যখন কলকাতায় নিজের খরচ নিজে চালিয়ে বাবাকে ছোটোখাটো মনিঅর্ডরও সে পাঠাতে পারলো। সংক্ষেপে থাকতে শিখেছিলো বাবাকে কাছে; কলকাতায় ছাত্রজীবনে যে-সব অভ্যাস সংগ্রহ ক'রে অনেকেই উপস্থিত সুখের অনুপাতে ভবিষ্যতের দুঃখ জমায়, তার একটাও টানতে পারলো না তাকে, সিগারেট পর্যন্ত

ধরলো না ; আর সেইজন্য সহপাঠী আর সমবয়সী অনেকেরই তুলনায় গরিব হ'য়েও অর্থাভাবের সঙ্গে তার পরিচয় ঘটলো অনেকেরই তুলনায় নামমাত্র। একমাত্র বাজে খরচ ছিলো বই কেনা—বাজে নয় অবশ্য, খুব বেশিরকমই কাজের—কিন্তু কোনো-একটা বই নিজে কিনতে না-পারলেও খুব দুঃখ নেই, কলেজের লাইব্রেরিতে, কিংবা অন্য কোথাও পাওয়া যাবেই—আর জীবনের অধিকাংশ বই তো ধার ক'রেই পড়তে হয় মানুষকে। না, টাকা কষ্ট সে পায়নি ; এমন একটা দিনের কথাও, সত্যি বলতে, সে মনে করতে পারে না, যেদিন টাকা নেই ব'লে এমন-কোনো অনুবিধে ভোগ করেছে যেটা সহ্য করা তার পক্ষে সহজ হয়নি।

বাবা মারা গেলেন এম. এ. পরীক্ষার ক-মাস আগে। একটু হঠাৎই। তবু পৌছতে পেরেছিলো ঠিক সময়ে, মানে, শেষ সময়ের একটুখানি আগে। বড্ড ফাঁকা লেগেছিলো প্রথমটায়, আর, একটু অন্তায়ও ;—কী-ই বা বয়স বাবার—এই-তো সেদিন চল্লিশ পেরেদেলেন। আর, বলতে গেলে, এই দু-জনই তো আমরা ছিলাম।—কিন্তু বেঁচে থাকার আপাতচিরস্থায়ী বন্দোবস্ত থেকে বাবাদেরই তো ছুটি হয় আগে, মানে, সেটাই উচিত, আর উচিতটাই ভালো। আমার এখন যে-রকম লাগছে, এর চাইতে অনেক, অনেকগুণ খারাপ লাগতো বাবার, যদি আজ আমি ম'রে যেতাম আর তিনি থাকতেন। যদি, ধরো, স্বত্বার কোনো দূত এসে আমাকে বলতো, 'এক্ষুনি চলো আমার সঙ্গে, নয় তোমার বাবাকে ধ'রে নিয়ে যাবো'—আমি তাহ'লে কী

বলতাম? বলতাম কি, ‘আমি যাচ্ছি, বাবাকে ছেড়ে দাও? —না সেটা বোকামি হ’তো বিজ্ঞী, নির্ভুর হ’তো বড্ড। অবশ্য আরো দশ, কুড়ি, তিরিশ বছরও বেঁচে থাকতে পারতেন—কিন্তু তারই বা অর্থ হ’তো কী, কী ছিলো তাঁর জীবনে? কী ছিলো তাঁর জীবন!...বাবার জীবনে খুব একটা উজ্জলতা সত্যেন দেখতে পায়নি কখনোই, কেননা নিজের মনে মা-র জন্তু কোনো অভাববোধ যদিও সে বহুকাল ভুলে গেছে, তবু সব সময় বাবার জন্তু কষ্ট পেয়েছে মা নেই ব’লে। মনে-মনে এটা সে পরিষ্কার বুঝেছিলো যে মাতৃহীন যুবকের প্রায় কোনো দুঃখই নেই, প্রায় সব দুঃখই আছে বিপত্নীক প্রৌঢ়ের।

এ-সব চিন্তা দিয়ে চোখের জলকে ঠেকিয়ে রাখলো সত্যেন, তা থেকে একটু তেতো-মতো সাস্থনাও নিংড়ে বের করলো। আর তার পরের দিনগুলিতে তার মুখ ভ’রে খোঁচা-খোঁচা দাড়ির মতোই আরো অনেক চিন্তা গজিয়ে উঠলো মনের মধ্যে; অদূরবর্তী পরীক্ষাটা তাকে শক্তি দিলো; মন-খারাপের সময় কই, এম.এ.টা ভালো না-হ’লে কিছুই হ’লো না। কেননা নিজের সম্বন্ধে দুটি, আর দুটিমাত্র, স্পষ্ট সিদ্ধান্তে সে অনেক আগেই পৌঁচেছিলো: প্রথমত, জীবিকার জন্তু প্রোফেসরি ছাড়া আর-কিছুই তার করবার নেই; আর দ্বিতীয়ত, থাকবারও তার আর-কোনো জায়গা নেই কলকাতা ছাড়া। ছাত্রজীবনের ক-বছরেই সে বুঝেছিলো যে কলকাতায় প্রতিযোগিতা তীব্র, শক্তিশালীরা নির্বিবেক, আর কতৃপক্ষ সাধারণতই স্বজনবৎসল; রোগা ডিগ্রি নিয়ে কলেজঘাটে ভিড়তে পারে শুধু তারাই, জন্মট্য

যাদের জোরালো। কিন্তু তার পরিচয় যেহেতু মাত্র তার নিজের নামটুকুতেই শেষ, আর আরম্ভও সেইখানেই, সেইজন্য সেটুকুতে কোনোৱক্ষম খুঁত থাকলে তার চলবেই না। আরো ভাবতে-ভাবতে আরো দেখতে পেলো যে বাবা থাকতে তার জীবনের যে-গড়ন ছিলো এখনো তা-ই আছে, আর বাবা থাকলে তার জীবনের যে-গতি হ'তো, এখনো তা-ই হবে; বাবা না-থেকে বলবার মতো কোনো বদল তো ঘটালেন না। মা-ছাড়া বাড়িতে, উদাসীন বাবার সংসর্গে আবাল্য সে স্বাবলম্বী; আর অন্য অর্থেও স্বাবলম্বী হ'তে পেরেছিলো প্রায় সতেরোর পর থেকেই; তার জীবনটা, বলতে গেলে, এখন পর্যন্ত কেটেছে বিবিধ হস্টেলে আর বাবার এই বাড়িতে ভাগাভাগি ক'রে— আর এ-বাড়িও তো অন্য একরকম হস্টেলই—; তার জীবনটা যে-রকম চলছিলো, চলবে, চলতে পারে, তার কোনোই নড়চড় হ'লো না; শুধু এটুকু তফাৎ হ'লো যে বছরে তিনবার ক'রে এই গ্রামে আর আসতে হবে না তাকে। আর এটা অবশ্য সুবিধে ব'লেই লাগলো তার মনে, মস্ত সুবিধে, কেননা সত্যেন পল্লীপ্রেমিক নয়, দেশপ্রেমিকও না; সে নিশ্চিত জানলো যে এই বাড়িতে, গ্রামে আর-কোনোদিন সে ফিরবে না, আর জানতে পেরে যেন গুমোট-ভাঙা হাওয়া দিলো মনে। এতদিন সে শুধু স্বাবলম্বী ছিলো; এতদিনে স্বাধীন হ'লো। বেড়াতে পারবে, টাকায় যতটা কুলোয় যেখানে ইচ্ছে যেতে পারবে প্রত্যেক ছুটিতে, আর-কোনো বাধা নেই, ভাবনা নেই। শেষের কথাটা ভাবতে দীর্ঘশ্বাস পড়লো; কিন্তু শ্রদ্ধা চুকিয়ে,

সেই যোগল ইতিহাসের বই ক-খানা, আর অল্প যা খান পাঁচ-সাত বই ছিলো বাবার, সব তার হোল্ডলে চুকিয়ে, বাবার বিয়েতে-পাওয়া এখন ফুটোওলা শালখানা স্যুটকেসের সব-তলায় বিছিয়ে, গোছগাছ শেষ ক'রে সে যখন তার মাথাটার মতোই ঝাড়া একটা তক্তাপোশে চূপ ক'রে বসলো, তখন দীর্ঘশ্বাস ফিরে এলো না।

জ্ঞাতিসম্পর্কের জ্যাঠামশাই এসে বললেন, 'কী হে, আজই যাচ্ছে?'

'আজই যাচ্ছি।'

'সত্যি—কী-একটা কাণ্ডই হ'লো—নরেন যে এ-রকম হঠাৎ—তা—' গলা নামিয়ে, যদিও এই সতর্কতা সেখানে একেবারেই অনর্থক—'তা কিছু রেখে-টেকে গেছে তো?'

'আমাকেই রেখে গেছেন,' জবাব দিলো সত্যেন।

'সে-তো দেখতেই পাচ্ছি,' কথায় হার মানলেন না জ্যাঠামশাই। 'কিন্তু তোমার জন্ম রেখে গেলো কী?'

সত্যেনের মুখে এলো, 'সমস্ত পৃথিবীটা।'—কিন্তু সামলে নিলো, পাছে ওঁর কানে ফাজলেমি শোনায়; আর-কোনো জবাবও মনে এলো না; অভ্যেসমতো চূলে হাত বুলোতে গিয়ে ঝাড়া মাথার খশখশে ছোঁওয়ার অপ্রস্তুত হ'য়ে ব'লে ফেললো, 'আমার তো দরকার নেই কোনো।'

'শোনো কথা!—দরকারের জন্মই কি সব, আর দরকারের তুমি কতটুকু জানো হে এখনো!—তা তোমার এই বাড়ি, আর জমিজমা—' সত্যেনের ঠোঁট-বাঁকানো অবজ্ঞা লক্ষ্য ক'রে

আরো বেশি অবজ্ঞা জানিয়ে হাসলেন একটু—‘এমন মন্দই-বা কী, শো-তিনেক টাকা আয় হবে বছরে—এ-সবেও কি কোনো দরকার নেই তোমার?’

‘আমি-তো সত্যি ভেবে পাই না,’ সত্যেন একটু ভেবেই বললো, ‘এ-সব আমার কোন কাজে লাগবে।’

‘তাহ’লে এক কাজ করো,’ জ্যাঠামশাই গম্ভীর হলেন। ‘বেচে দাও—আমিই কিনে নিতে পারি বলো তো।’

‘কিনে আবার নেবেন কী—’ সত্যেন একটু চপলভাবেই হেসে উঠলো—‘আপনার কোনো কাজে লাগে তো লাগবে।’

জ্যাঠামশাই ভুল বুঝলেন কথাটা, মনে-মনে ভাবলেন ছেলেটার বিষয়বুদ্ধি-যে একেবারেই নেই তা কিন্তু নয়। তাতে অখুশি হলেন না, বেশ-একটু নরম সুরেই বললেন, ‘বুঝেছো তো—মেয়েটা বিধবা হ’য়ে এলো—অতগুলো কাচ্চাবাচ্চা—তাই ভাবছিলাম ওর মাথার উপর একটা চাল অন্তত—’

‘নিশ্চয়ই—নিশ্চয়ই—এখানে যদি ওঁর সুবিধে হয়—’

‘অসুবিধে তো তোমার—আসবে-টাসবে তো মাঝে-মাঝে?’

মোলায়েম হাসিমুখে সত্যেন জানালো, ‘আমি আর আসবো না।’

‘না, না, আসবে না কেন, আসবে বইকি—আরে আমরা তো আছি—আর তুমি হ’লে এ-গ্রামের গৌরব। অবশ্য ভেবো না যে বড়ো-বড়ো স্কলার আর হয়নি এখানে—’ তমালপুরের মৃত ও জীবিত কীর্তিমান রায়চৌধুরীদের উপাধি ও বৃত্তির বিবরণ সোৎসাহে আবৃত্তি করলেন তমালপুরের অগ্রতম অনতিকৃতী

রায়চৌধুরী : সত্যেন শুনলো যে তার জ্ঞাতিবর্গের মধ্যে আছেন কিংবা ছিলেন দু-জন প্রিন্সিপাল (একজন তাঁদের গটিনজেনের ডক্টর), একজন ডেপুটি-পোস্টমাস্টার-জেনরেল, একজন এম্বিকিউটিভ এঞ্জিনিঅর, লাহোরের ডেইলি নিউজ-এর এডিটর একজন, ভাইসরয়ের বাগানবাড়ির হার্টিকলচারিস্ট একজন, আর ডেপুটি-ম্যাজিস্ট্রেট একগুণা ;—কোনোটাই যেন নতুন লাগলো না, যেন আগেও শুনেছে বারকয়েক, তবু মুখে-চোখে সচেষ্টি মনোযোগ জীইয়ে রাখলো।—‘তোমার কাছেও তমালপুর অনেক আশা করে হে !’ ব’লে জ্যাঠামশাই কথা শেষ করলেন।

‘আমাকে না-হ’লেও বোধহয় তমালপুরের চলবে,’ সত্যেন মনে-মনে বললো, ‘আর আমিও বোধহয় তাতেই ভালো থাকবো।’

শিলাঙের হালকা হাওয়ার বিকেল-ছায়ায় ব’সে-ব’সে চার বছর আগেকার সেই দিনটিকে যেন জ্যাস্ত ক’রে অনুভব করলো সত্যেন ; হেঁটে-হেঁটে স্টিমার ঘাটে আসার সময় ঘাড়ের উপর গরম রোদ্দুর আর স্টিমারের সিঁড়ি দিয়ে ওঠার সময় একটা ভিজ্জে-ভিজ্জে ধোঁয়ার গন্ধ। ভালো লাগছিলো তার ; মাত্র ক-দিন আগে যে-ছেলের বাপ মরেছে তার পক্ষে হয়তো একটু অশ্রায়রকমই ভালো। সত্যি স্বাধীন লাগছিলো তমালপুর ছাড়বার সংক্ষে-সংক্ষে, সত্যি সুখী লাগছিলো তমালপুরে আর ফিরতে হবে না ব’লে। জায়গাটা কোনোদিনই সে পছন্দ করেনি ; এমনকি, বাবা-যে পছন্দ করেছিলেন সেটাও পছন্দ করতে পারেনি। ওখানকার সকলেরই—তার বাবারও—মনের

সেই ভাষাটতে খোঁচা খেয়েছে ছেলেরেবলা থেকেই, মনে-মনে
 যার মাঝে সে দিয়েছিলো তমালপুরাশ্রয়বোধ কিংবা রায়চৌধুরীচেতনা।
 প্রতিবাদ জানিয়েছে কলেজে ভরতি হবার সঙ্গে-সঙ্গে নামের
 'চৌধুরী'টাকে তালাক দিয়ে, ওখানে গিয়ে যথাসম্ভব ক্রম
 মেলামেশা ক'রে; আর প্রতিশোধ নিয়েছে কেউ 'দেশ' কোথায়
 জিগেস করলে আপস জবাব দিয়ে। দেশ! দেশ মানে কী?
 সে-যে ওখানকার, ওটা-যে তার 'দেশ', এ-তো তার মনের
 হাজার মাইলের মধ্যে নেই; ওখানে বিল্লী লাগে তার, ওটা
 তার প্রতিকূল, বাবাকে ছাড়া একটুও আপন লাগেনি
 আর-একজনকেও। পৃথিবীতে এত ভালো-ভালো জায়গা থাকতে
 ঐ দম-আটকানো তমালপুটাই তার 'দেশ'! কী আশ্চর্য
 কথা!...কান পেতে স্টিমারের ঝকঝক শুনলো একটু, শুনলো
 দূরত্বের আশা; চোখ তুলে তাকালো জলভরা দূরত্বের দিকে,
 দেখলো দিগন্তের আশ্বাস।

বাবা মরবার পরেই খানিকটা অসুখী লাগতে পারতো,
 কিন্তু তাও যখন তেমন লাগলো না, সত্যেন প্রায় ধ'রেই নিলো
 যে অসুখী অবস্থার সঙ্গে চেনাশোনা তার হবেই না। আর তার
 জীবনও তার এ-ধারণা খোবাক জোগালো; যেমন সে ভেবে
 নিয়েছিলো ঠিক-ঠিক তা-ই হ'লো পর-পর; তার এম. এ. পবীক্ষায়
 পূর্ব-ইতিহাসের বাঞ্ছিত পুনরাবৃত্তিই ঘটলো, চাকরি জোটাতেও
 হিমশিম হ'লো না; দেশ-বেড়ানোর শখ মেটাতে লাগলো,
 বিশেষ-বিশেষ বই পড়ার বাধ্যতার দায়টাকে জীবনের মতো
 ছুকিয়ে দিয়ে সাহিত্যের স্বরাজ পেলো; শুধু একটু কষ্ট হয়েছিলো

হস্টেল ছেড়ে সাধারণ মেস-এ উঠতে, কিন্তু তাও তো শেষ পর্যন্ত তাকে বাঁচিয়ে দিলো টালিগঞ্জের গলির মধ্যে একতলার ঘর দুটো। নিশ্চয়ই মানতে হয় যে ভাগ্য তাকে মেকনজরে লেখেছে : সে যা চেয়েছে, সত্যি-সত্যি যা চেয়েছে তা সবই পেয়েছে এ-পর্যন্ত ; আর যা সে পায়নি তা সত্যি-সত্যি সে চায়ওনি।

বিশ্ববিদ্যালয়ের ইংরেজি বিভাগের যিনি শিরোধার্য, তাঁর কাছে গিয়েছিলো চাকরির সুপারিশ আনতে। কলেজের নাম শুনে ঈষৎ নাক কঁচকে তিনি বললেন, ‘ওখানে কেন ?—বি. ই. এস.-এর চেষ্টা করো, পেয়ে যাবে।’

‘আপাতত—’

‘হ্যাঁ, নিশ্চয়ই ; কিন্তু এখন থেকেই উঠে-প’ড়ে লেগে যাও—শিগগির একটা খালিও হচ্ছে কেপ্তনগরে। ডি. পি. আই.র কাছে একটা পাস’নাল চিঠি দেবো তোমাকে ?’

কৃতজ্ঞতায় মুখে পড়লো সত্যেন। ঢোঁক গিলে, রুমালে মুখ মুছে, কোনোরকমে আওয়াজ বের করলো, ‘আমি—কলকাতাতেই থাকতে চাই।’

‘আহা—এখন যাও-তো, সময়মতো ধরাধরি ক’রে প্রেসি-ডেন্সিতে চ’লে আসতে কতক্ষণ ! আর নয়তো—’ যুবকের লজ্জা-লাল মুখের উপর একবার চোখ ফেললেন প্রৌঢ়, ‘একটা রিসার্চ-ফেলোশিপ নাও আমার কাছে—টাকা ঐ কলেজের চাইতে কম হবে না—বেশিই সম্ভব—’ একটু থামলেন, শ্রোতার মুখে ইচ্ছার ঝিলিমিলি দেখে নিয়ে আরো—একটু গম্ভীর গলায় বললেন—‘এইটিস্ সেধুরির

শেষ দিকটাকে ধরো—ঐ পীরিঅডট। নিয়ে বেশি কিছু ওঅর্ক বিলেতেও হয়নি—খানিকটা তৈরি ক’রে পি.আর.এস.-এর জন্ত দাও—তদ্দিনে লেকচারশিপ হ’য়ে যাবে—তারপর ঘোষ ফেলোশিপ নিয়ে লণ্ডনের পি.এইচ.ডি., আর তারপর—’ বিশ্ববিদ্যার প্রধান পুরুষ নিজের অতীতের ম্যাপটাকেই মেলে ধরলেন চাকরি-চাওয়া ছোকরা-নবিশের ভবিষ্যতের সামনে—‘তারপর আর কী!’ তারপর-যে আর-কিছুই ভাববার থাকে না, সেইটে বোঝাবার জন্ত হেলান দিলেন ইংরেজি-চেয়ারের চামড়া-পিঠে ; সহৃদয়, সদয় একটু চোখ টিপে আবার বললেন, ‘কিছু ভেবো না, আমি ঠিক চালিয়ে নিয়ে যাবো তোমাকে—ক্র্যাব-এর উপর কিছু নোট আছে আমার—’ কথা শেষ করলেন না, আর তাতেই বুঝিয়ে দিলেন নোটগুলির মূল্য, আর শিষ্যের প্রতি তাঁর গুরুদাক্ষিণ্যের গুরুত্ব।

আশাতীত পাবার পর যেমন হয়, ঠিক তেমনি নীরব, নতমুখ, অভিভূত দেখলেন প্রার্থীকে, আর তাঁর এই তৃতীয় দৃষ্টিপাতে—যদিও সত্যেন দেখলো না—প্রায় পুত্রস্নেহ প্রকাশ পেলো। নিজের গুরুত্ব প্রায় ভুলে গিয়ে প্রায় মিত্রবৎ প্রশ্ন করলেন, ‘ক্র্যাবে তোমার কেমন লাগে?’

ক্র্যাব! ইংরেজিতে এত-এত কবি থাকতে জর্জ ক্র্যাব! সত্যেনের বলতে ইচ্ছে করলো, ‘ক্র্যাব কে?’—প্রোফেসরের চোখে চোখ রেখে, শাস্ত্র মুখে, গম্ভীর গলায় বলতে ইচ্ছে করলো কথাটা, ভীষণ ইচ্ছে করলো, মনের মধ্যে একটা ত্রাস উঠলো যে আর-একটুক্কণ ব’সে থাকলে সত্যিই না-ব’লে আর পারবে না, তাই উঠে পড়লো হঠাৎ, বোকার মতো হাসলো,

বেচারার মতো হাতে হাত ঘষলো, বান্দার মতো পিছে হাঁটলো, আর অধ্যাপক তৃপ্ত হলেন তার সর্বশরীরে কৃত্তার্থতার সর্বলক্ষণ লক্ষ্য ক'রে।

...সত্যি-তো, অবস্থা তাকে দয়া করেছে দরাজ হাতে। সবচেয়ে সুবিধে এইটে পেয়েছে যে সাংসারিক অর্থে সে একেবারেই একা। যেহেতু কলকাতায় এসেই সে বুঝেছিলো যে তার পড়াশুনোর খরচ বাবার পক্ষে একটু বেশি হ'য়ে পড়ছে, আর সেইজন্ম প্রথম সুযোগেই দশটাকা-বারোটাকা মজুরিতে ছেলে-পড়ানোর বৌনি করেছিলো, তাই বাবার আনুষঙ্গিক অশ্রু-কিছু, যেমন, মা, ভাই, বোন, আর বিবিধ আত্মীয় এ-সব তার মনের উপর আশ্রয়ের ছায়া ফেলতে পারেনি ;—ঠিক উন্টো ; তার কাছে পারিবারিক সম্বন্ধ মানেই বন্ধন, ভার, স্বাচ্ছন্দ্যনাশ, কেননা এটা-তো অবধারিত যে কাছাকাছি অশ্রু-কোনো মানুষ থাকলে সে কিংবা তারা নিশ্চয়ই নির্ভর করতো তারই উপর। যদি, ধরো, তার ছোটো ভাইবোন থাকতো কয়েকজন, তাহ'লে...? তাহ'লে-তো তাকে ঐ করতে হ'তো, বি. ই. এস-এর সিঁড়ি ভেঙে-ভেঙে ঘুরতে হ'তো কেষ্টনগর রাজসাহী চট্টগ্রাম ; নয়তো জর্জ ক্র্যাবকে নিয়ে 'রিসর্চ' ক'রে ইউনিভার্সিটির রূপা কুড়োতে হ'তো।...করতেই হ'তো এ-সব, হয়তো আরো অনেক-কিছু, যা ক্র্যাব কিংবা কেষ্টনগরের চেয়েও মারাত্মক। কোথায় থাকতো তার স্বাধীন জীবন, কোথায় থাকতো সাহিত্যস্বরাজ ! তার সঙ্গে বি.এতে সেকণ্ড হয়েছিলো অসিত ঘোষ, এম. এ. বাদ দিয়ে আই. সি. এস. দিলো,

হ'লো, এখন কোথায়-যেন অ্যাসিস্টেন্ট ম্যাজিস্ট্রেট ; এম.এতে
সেকণ্ড হয়েছিলো প্রাণতোষ বাগচী, সে কৃষ্ণনগরকে কৃষ্ণনগর
মনে করলো না, সেদিন বদলি হ'লো ঢাকায় ; আর অল্পের
জন্ত ফস্ট ক্লাসের ফাঁড়া কাটালো যে-ধীরাজ গুপ্ত, সে চ'লে
গেছে দিল্লিতে রেডিওর প্রপাগাণ্ডার পাণ্ডা হ'য়ে। পুরোনো
সহপাঠীদের কারো-কারো সঙ্গে এখনো তার দেখা হয় মাঝে-মাঝে ;
তার প্রত্যেকেই তাকে বলে, 'করছো কী হে—এ-একটা রদ্দি
কলেজেই পচবে নাকি ?' উত্তরে সত্যেন শুধু বলে, 'বেশ
আছি।' কথাটা ভাণ নয়, স্তোক নয় ; সত্যি সে যা বিশ্বাস
করে তা-ই সে বলে। কত ভালো আছে, কত সুখে আছে,
তা কি এরা বোঝে না ? কলকাতায় আছে, অল্প কাজ,
লম্বা ছুটি, নিজের ছাড়া আর-কারো ভাব নেই, বলতে
গেলে কোনো ভারই নেই, কেননা তাব নিজের খুব অল্পেই
চ'লে যায়। কলেজে পায় একশো-কুড়ি টাকা, একটি
(একটিই মাত্র) টাশনি করে সেই সঙ্গে ; সবসুদ্ধ যা পায়
তাতে ভেসে যায় তাব, বই কেনা, দেশ দেখা, সবসুদ্ধ ; এর
বেশি আয় হ'লে তা নিয়ে কী করবে তা প্রায় ভেবে
পাওয়াই মুশকিল। আর, আয় বাড়াবার কথাও অবশ্য
গুঠে না ; যদি-না সে রাজি হয় অবসর বেচতে, স্বাধীনতা
বিকোতে ; আর তার কাছে যা আসল, সবচেয়ে বা মূল্যবান,
তা-ই যদি না থাকলো, তাহ'লে অশ্রু কোনো-কিছুই কোনো
কাজে লাগবে না তো।...এ-তো হিলভিউ হোটেলেই আর-
একজন আছেন কলকাতার প্রোফেসর, প্রবীণ, পরার্থপর,

কেননা শিলঙের এই সোনার মতো সকালবেলার প্রত্যেকটিকে তিনি জ্বাই করেছেন বি.এ. পরীক্ষার খাতায় লাল পেন্সিলের খোঁচা দিয়ে-দিয়ে।...ভাগ্য তার, ম্যাট্রিকুলেশনের পরীক্ষক তাকে করেনি এখনো; দরখাস্ত দিয়ে যাচ্ছে নিয়মমাফিক—নয়তো কলেজে ভালো দেখায় না—আর দিয়েই মনে-মনে বলছে, ‘না-যেন হয়!’—আর যেহেতু আবেদনপত্রে নাম-সই ছাড়া এ-পর্যন্ত এ-বিষয়ে আর-কিছুই সে করেনি, তাই তার এই অমুক্ত প্রার্থনা নিভুলভাবে মঞ্জুর হ’য়ে যাচ্ছে নিয়মিত। যেটা না-হ’লে অগ্নদের বাঁচা শক্ত, সেটা না-হ’লেই সে বাঁচে.. না, আশে-পাশে এমন একজনকেও সে দেখতে পায় না, যার সঙ্গে জায়গা বদলাবার ইচ্ছা মুহূর্তের জন্তুও তার হ’তে পারে।

এক হিশেবে একটু হয়তো স্বার্থপরতা, অথ হিশেবে নিশ্চয়ই স্বার্থবোধের সাংঘাতিক অভাব—মানে সাংসারিক মূঢ়তা—ছুটোই দেখতে পেলো সত্যেন তার মনের এই ভঙ্গিতে। কিন্তু তা-ই বা কেন? ভাই, বোন, অগ্না অগ্নী, যারা আদৌ ছিলো না কিংবা নামে মাত্র ছিলো, তারা নেই ব’লে যদি তার ফাঁকা না লাগে, বরং হালকা লাগে, সেটা কি স্বার্থপরতা? পাঁচটা-সাতটা ভাই-বোন কি পাতিয়ে নিতে হবে, যাতে সে অধমতম গরিব হ’তে পারে? আর মূঢ়তা—কিসের? যদি কোনো বিপদে পড়ে?—যেমন? শক্ত কোনো অসুখ হ’তে পারে, চাকরি যেতে পারে হঠাৎ, আরো কত কিছু হ’তে পারে—হয় তো অনেকের। কিন্তু—সত্যেন যতই ভাবলো—কিছুতেই নিজের কোনো বিপদে-পড়া অবস্থা কল্পনা করতে পারলো না; কিংবা—

যতদূর ভাবতে পারলো—কোনো বিপদই বিপদ লাগলো না তার কাছে। ভয় কী—পাইন-হাওয়ার ঝিরঝিরানি তার কানে-কানে বললো, ভয় কী। পাতাব ফাঁকে-ফাঁকে আকাশের নীল চোখও 'তা-ই বললো। কিছুতেই ভাবতে পারলো না যে তার এই একলা-অবস্থা মানেই অসহায় অবস্থা। ভালো আছে, বেশ আছে, খুব ভালো—এ ছাড়া কিছুই ভাবতে পারলো না। একা ব'লেই ভালো। সেটাই—এইমাত্রই তার মনে হ'লো কথাটা—তার 'সবচেয়ে মূল্যবান,' তার জীবনের 'আসল,' আব এটাকেই সে নানা দিক থেকে আঁকড়ে থাকে অবসব, স্বাচ্ছন্দ্য কি স্বাধীনতাব নাম দিয়ে। কলকাতাব এই ন-বছবে অনেক-অনেক লোকেব সঙ্গেই তাব আলাপ হয়েছে—তাকে পছন্দ কবেছে অনেকেই, সে-ও উপভোগ কবেছে অনেকেব সঙ্গ, কেউ-কেউ কখনো-কখনো খুব কাছেও এসেছে, বন্ধু হ'য়ে উঠেছে—প্রায়। প্রায়; ঠিক বন্ধু কেউ হয়নি, একজনও না, ঠিক জায়গায় ঠেকিয়ে দিয়েছে—কিংবা নিজেই ঠেকে গেছে ;—কিন্তু সেটাই সে চেয়েছে, এর বেশি হ'লে কী-যেন সে হাবাতো, নিজেবই খানিকটা খোঁওয়া যেতো যেন।

...পকেটের মধ্যে চিঠিটার উপর একবার হাত বাখলো সত্যেন। কার চিঠি? কে? ছাত্রী? ছাত্রীর সঙ্গে শিক্ষকের এ কী-রকম পত্রবিনিময়? বন্ধু? পঁচিশ বছরের পুরুষেব সঙ্গে আঠারো বছরেব মেয়ের বন্ধুতা? এ-বন্ধুতার পরিণাম সে কি প্রত্যক্ষ করেনি গল্পে উপস্থাসে হাজার বার? বিদ্বান, সুসংস্কৃত, বাকুনিপুণ—এমনকি সত্যিকার জ্ঞানী কিংবা গুণীও দু-একজন—যত

পুরুষের সঙ্গে সে মিশেছে, তাদের একজনকেও ঠিক বন্ধু বানাতে পারলো না—পারলো না মানে চাইলো না—আর বন্ধু হ'লো কিনা এই কাঁচা, হালকা, কাঁপা-কাঁপা, প্রায় চোখ-না-তোলা, কণা-না-বলা একটুখানি মেয়ে!—শুধু মেয়ে ব'লেই?

বাড়ি তার স্ত্রীলোকবর্জিত—কিংবা বাড়ি ব'লেই কিছু নেই—তাব'লে দেখাশোনা-যে একেবারেই হয়নি তাও নয়। সহপাঠিনী ছিলেন কয়েকজন, বাছা-বাছা সহপাঠীর মা, বোন, বৌদি; ছাত্রাবস্থার শেষের দিকে কোনো-কোনো অধ্যাপকের স্ত্রী; এমনকি ডিগ্রির জোরে জ্বলজ্বালন্ত যুবতীকেও বি.এ. পরীক্ষায় তরিয়ে দিতে পেরেছে নিজের বিপজ্জনক বয়সটা সত্ত্বেও। কিন্তু বিপদ সে কিছু ঘটায়নি, সে-রকম কোনো সম্ভাবনার প্রথমতম উঁকিঝুঁকিও দেখতে পায়নি নিজের মনে। ইচ্ছে করলেই ভাব জমাতে পারতো কোনো-কোনো তরুণীর সঙ্গে, চেষ্টা করলে (হয়তো খুব কঠোর চেষ্টাও না) এগোতে পারতো আরো;—কেন করেনি? যৌবনের মধুর ভীষণ জৈব ষড়যন্ত্র থেকে সে কি মুক্ত? তা কি হ'তে পারে! কখনো কি আকৃষ্ট হয়নি, লুক্ক হয়নি, ইচ্ছুক হয়নি? তাও হয়েছিলো একবার। কিন্তু আরো প্রবল ছিলো তার নিজের নির্জনতার টান। তাই হারেনি।

তাহ'লে স্বাতী মিত্র আলাদা হ'লো কিসে? অগ্নদের থেকে অগ্নরকম হ'লো কেমন ক'রে?

স্পষ্ট মনে পড়লো কোলরিজ-পড়ানো কলেজ-ক্লাশের সেই সকালবেলা, প্রথম যেদিন চোখ রেখেছিলো তার মুখে।

সেদিন ভালো লেগেছিলো—সেটা না-লেগেই পারে না—
অনেকগুলি বিরুদ্ধ, পাশপ্রতিজ্ঞ কাঁকামুখের মধ্যে হঠাৎ এক-
জায়গায়, প্রাণের অনুকম্পন অনুভব ক'রে। তারপর...হ্যাঁ,
কলেজেরই। লাইব্রেরিতে...আশ্চর্য এই আবিষ্কার সেদিন
করেছিলো যে সাহিত্যের স্বাদ যাদের দিতে গিয়ে প্রতিদিন
সে গভীর আত্মিক যন্ত্রণা ভোগ করে, তাদের মধ্যে এমন
একজন অন্তত আছে যার কবিতার খিদে পেয়েছে। আরো
আশ্চর্য এই কারণে—কেননা সত্যেন দেখেছে অল্প যে-ক'জন
কবিতা পড়ে তারা সকলেই পুরুষ, মেয়েরা গল্পটেলেরই মক্কেল—
যে সে একজন মেয়ে। মেয়েটিকে একটুখানি মনে রাখার মতো
মনে হ'লো সেদিন; কেননা তাব নিজের উপর যাদের
আগ্রহ, তাদের উপর তার আগ্রহ বরং কম, কিন্তু তাব যে-সব
বিষয়ে আগ্রহ, অল্প কারো সে-সবে আগ্রহ দেখলে সেই
মানুষের দিকে আগ্রহ তার দৌড়ে ছোটে।

কিন্তু তাতে কী? সাহিত্য ভালোবাসে এমন মানুষ সে-তো
এই প্রথম দেখলো না; তার মেলামেশার সমস্ত জগৎটাতেই
একটু-না-একটু সাহিত্যের হাওয়া বয়। কী, তবে, নিজেকে প্রশ্ন
করলো সত্যেন, কী তোমাকে টেনে আনলো স্বাভাবিক মিত্রের
এতটাই কাছে যে আজ তা নিয়ে এত ভাবনাই ভাবতে
হচ্ছে? তার রূপ? তার বয়স? তার ভীরা, নরম, উষ্ণ,
বিস্মিত নারীত্ব? না কি তার উৎসাহ, উৎসুকতা, আনুগত্য,
তার মনের মস্ত চমৎকার আচর্ষা খেত, যেখানে তুমি মনের
সুখে চালাচ্ছো পৃথিবীর বড়ো-বড়ো লেখকদের লাঙল? আর-তো

কারো মন-তৈরির ভার এমন ক'রে পাওনি।—আর এমন মন, যা তৈরি হবার যোগ্য, আর যার তৈরি হবারই সময়। আর তা-ই থেকেই কি কোনো-একদিন এ-কথা ভাবতেও শুরু করেছে যে এমন আর ছাখোনি, এমন মানুষ, এমন মেয়ে...? সত্যেনের চোখ বুজে এলো, ছ-আঙুলে কপালের চামড়া টেনে ধরলো একবার।

দৈবক্রমে প্রতিবেশীও হ'য়ে পড়লো। আরো দেখা হ'লো, আরো ভালো লাগলো; প্রথম-দেখাতেই ভালো লাগলো তার বাবাকে; আর যদিও সে নিজেকে এটুকু অন্তত অক্ষত রাখতে পেরেছে যে দেখাশোনাটা ঘন-ঘন হ'তে দেয়নি, তবু সমস্ত বাড়িটাকেই যেন সঙ্গী ক'রে নিয়েছিলো তার চলাফেরার। বাড়ি!—কথাটার অর্থ বুঝেছিলো বড়দির নিমন্ত্রণের দিন; আর সেইদিনই জেনেছিলো পারিবারিক জীবনের আনন্দ। শুধু-যে বড়দি তাকে মুগ্ধ করলো তা নয়, শুধু-যে রাজেনবাবুর প্রতি একটা অক্ষুট, অস্পষ্ট, লজ্জা-পাবার-মতো ভালোবাসা অনুভব করলো তাও নয়; সমস্তটা মিলিয়ে একটা সুষমা স্পর্শ করলো তাকে, সব যেন ছন্দে বাঁধা, সংগত, কোনো-এক হ'য়ে-ওঠা সম্পূর্ণতার গ'ড়ে-তোলা! অংশ, এমনকি হারীতবাবুকেও বেসুরো ঠেকলো না শেষ পর্যন্ত;—আর, সবচেয়ে বড়ো কথা, নিজেকে একবারও বাইরের লোক মনে হ'লো না সেই আত্মীয়মণ্ডলে। কলকাতার শহরে কোনো-কোনো বাড়িতে সে নিমন্ত্রিত হয়েছে কয়েকবার; অনাদর পায়নি কোথাও, সৌজন্য পেয়েছে সর্বত্র; এমন আরাম, এমন একান্ত আরাম পায়নি আর-কখনো কোনোখানেই।—পরের দিন সকাল

থেকেই আবার যাবার ইচ্ছা প্রবলভাবে চেতিয়ে উঠলো মনের মধ্যে, আর সেইজন্যই কিছুতেই গেলো না।

সেটা ভালোই করেছিলো, কিন্তু ভুল, মস্ত ভুল, ঘটিয়ে রেখেছিলো আগেই। কেন সেই চিঠি লিখেছিলো শান্তিনিকেতন থেকে? কী সেই ইচ্ছা, চিন্তা, জল্পনা বা কল্পনা, যা তাকে তখনকার মতো দখল ক'বে সেই প্রথম চিঠি লিখিয়েছিলো?... তারপর এবারেও আবার! আর এই চিঠি লেখা—এটা তার একটা ব্যসন ছাড়া আর-কী? সাহিত্য ভালোবাসে, কিন্তু নিজে লিখতে পারে না, তাই ছুধের সাধ ঘোলে মেটায় মাঝে-মাঝে একে-ওকে লম্বা চিঠি লিখে। কিন্তু সেবাবে শান্তিনিকেতনে ব'সে আর-কারো কথাই কি মনে পড়লো না অল্প-চেনা ছিপছিপে ছাত্রীটিকে ছাড়া? ঐ বাধো-বাধো আধো-বলার মেয়েটির কাছেই কি ভাবোচ্ছ্বাসটি পাঠাতে হ'লো? আর এবার—লিখবে, যেন জানা কথাই, যেন না-লেখার কথাই ওঠে না।

ভুল করেছে। ভুল করেছে?

পকেটে-রাখা চিঠিটার অন্তঃসার মনে-মনে আউড়িয়ে গেলো আরো একবার। আর-তো ভিত্তু-ভিত্তু নয়, আধো-বাধো নয়: বেড়েছে, জোর বেড়েছে, সাহস পেয়েছে; দ্বিধা ভুলে যাচ্ছে, বাধা ঠেলে দিচ্ছে;—কেউ যেখানে আসেনি, সেখানেই শেষ পর্যন্ত পৌঁছবে নাকি এই মেয়ে, পার হবে নাকি সীমান্ত?... হঠাৎ এক লাফে উঠে দাঁড়ালো সত্যেন, প্রায় আওয়াজ ক'রে ব'লে উঠলো—না, আর না। এ-চিঠির জবাব দেবে না, আর লিখবে না কোনোদিন; শুধু দেখাশোনার ফলে যা হ'তে

পারতো না, সেই অভাব্য, অবিশ্বাস্য, অসম্ভবকেই সে কি
ডেকে আনবে চিঠির পর চিঠিতে!...সত্যেনের ত্রাস লাগলো,
শীত করলো হাওয়ায়, পা ফেললো দ্রুত।

রাত্রে ঘুমোবার আগে লণ্ঠনের আলোয় আবার চিঠি পড়লো।
অনেকক্ষণ ঘুম হ'লো না, কিন্তু ঘুম ভাঙলো খুব ভোরেই।
চায়ের আগেই বেরিয়ে প'ড়ে কয়েক মাইল হেঁটে এলো ;
আর হোটেলের ফিরে চা খেয়েই চিঠির উত্তর লিখতে ব'সে
গেলো।...কী-সুন্দর দিনটি আজ !

শিলঙে সুন্দর, কিন্তু কলকাতায় সবচেয়ে বিশ্রীগরম গ্রীষ্মদিনের একটি। আকাশে নীল নেই; পাংলা, খুব পাংলা একটা ধোঁয়ারং ছড়ানো, হঠাৎ কখনো মেঘের মতো ছায়া-ফেলা; কিন্তু মেঘ নয়— মেঘের উল্টো—কেননা বৃষ্টির আশাকেই সে দূরে সরায়, আর হাওয়া বন্ধ ক’রে দিয়ে পৃথিবীর হাঁপ ধরায়। বাইরের দিকে তাকালে রোদ্দুরটা কড়া লাগে না—বরং মিনমিনেই; প্রথম গ্রীষ্মের মুড়মুড়ে ফিটফাট টাটকা-গাজা তাত—যা, মনে হয়, হাতে তুলে বাস্ত্বে ভরা যায়—তার বদলে একটা পিছল, প্যাঁচালো, নাছোড়, ধূর্ত তাপ—স্নানের জলে ধোয়া যায় না, আবার উড়িয়েও তাকে নিতে পারে না ইলেকট্রিকের হাওয়া। তাকে ফাঁকি দেবার একটি মাত্র উপায় আছে, কাজ : এমন কাজ, যা সমস্ত মনটাকে আঁকড়ে থাকে। কিন্তু তেমন কাজ স্বাতীর কি আছে?...স্নান করেছে সকালেই, ব’সে আছে তার বেতের চেয়ারটিকে পাখার তলায় টেনে এনে, পড়ছে রবীন্দ্রনাথের ‘ছেলেবেলা’—কামড়ে-ধরা বই—তবু মন তার স’রে যাচ্ছে মাঝে-মাঝে, মনে হচ্ছে পাখাটায় যেন জোর নেই আজ, মনে হচ্ছে শুধু বই প’ড়ে আর সময় কাটে কত।

বিজন ডাকলো ঘরে এসে তার নাম ধ’রে। স্বাতী তাকালো একবার, চোখে আগ্রহ ফুটলো না।

‘এই—মজুমদার এসেছে,’ ব্যস্ত বিজন মস্ত খবর দিলো।

স্বাতীর মুখ শক্ত হ’লো একটু, অল্প-একটু। ভাইয়ের দিকে না-তাকিয়ে বললো, ‘উনি বুঝি ছপুরবেলা ছাড়া কারে

বাড়ি আসবার সময় পান না ?’

‘ছপুর কী রে ? মোটে-তো দশটা !’

—দশটা ? এখনো এতগুলি ঘণ্টা প’ড়ে আছে দিনের ?
কী-লম্বা দিন !

বোনের এই চুপ-করাটুকুর সুযোগ নিলো বিজন, তাড়াতাড়ি জুড়লো, ‘বিশেষ একটা দরকারেই এসেছে।’ বিশেষ জোর লাগালো ‘বিশেষ’ কথাটায়।

কিন্তু স্বাতী যেন শুনতেই পেলো না, কিংবা শুধু শেষ শব্দটা শুনলো। বই থেকে চোখ তুলে, কিন্তু এবারেও বিজনের দিকে না-তাকিয়ে, আস্তে-আস্তে বললো, ‘এসেছেন তো আমি কী করবো ?’—ব’লেই মনে পড়লো, ঠিক এই কথাটাই আগে একদিন বলেছিলো, সত্যেন রায় যখন এসেছিলেন।—একই কথা কতই আলাদা ক’রে বলি আমরা !

‘কী করবি ?’ বিজন চটপট জবাব দিলো, ‘বাড়িতে বন্ধুবান্ধব এলে সবাই যা করে তা-ই করবি।’

‘আমার কোনো বন্ধু এলে নিশ্চয়ই।’

বিজন একটু থামলো। স্বাতী বুঝলো যে মুখে প্রথম যে-কথা এসেছিলো সেটা বদলে নিলো সে। হেসে বললো, ‘আচ্ছা আচ্ছা, আমার বন্ধুর সঙ্গেই না-হয় দয়া ক’রে একটু দেখা করলি।’

‘এখন ব্যস্ত আছি,’ স্বাতী চোখ নামালো ‘ছেলেবেলা’য়। বিজনকে চটাতে চাইলো, পারলো না। হঠাৎ তার স্বভাবের আদিম সরলতায় ফিরে গেলো বিজন ; জানতে চাইলো, ‘ব্যস্ত কেন ? পড়ছিল তো।’

স্বাতীকে বলতে হ'লো, 'সেইজন্মই ব্যস্ত।'

গভীরভাবে, কিন্তু ঠোটের দূর-কোণে একটু হাসিও রেখে বিজন বললো, 'তাই-তো! তুই-যে এত বড়ো একজন ব্যস্ত মানুষ, মজুমদার তো আর জানে না। আর জানবেই বা কী ক'রে—সেদিন ছপুরবেলা ব'সে এক ঘণ্টা গল্প করলি।'

স্বাতী বই নামালো কোলে, বসলো সোজা হ'য়ে, এতক্ষণ পরে বিজনের চোখে চোখ রাখলো। বললো, 'ভুল করেছিলাম।'

'আশ্চর্য!' তক্ষুনি জবাব দিলো বিজন, 'তুইও ভুল করিস!'

স্বাতী কথা বললো না।

বিজন একটু দাঁড়ালো।—'অন্তত দরকারি কথাটা শুনে আয়।'

'আমার সঙ্গে দরকার?'

'তোর সঙ্গেও।'

'তাহ'লে-তো তুই শুনলেই চলতে পারে,' স্বাতী প্রশ্নের মতো আরম্ভ করলো, কিন্তু শেষ করলো সিদ্ধান্তের সুরে, 'মানে, তোর মুখে আমার শুনলে।'

'তা পারে, কিন্তু তুই একবার চেহারাটাও দেখাবি না?' বিজন একবার জিভটাকে ঘুরিয়ে আনলো গালের মধ্যে, মুচকি হেসে রঙের টেক্সা ছাড়লো, 'মজুমদার আবার একা আসেনি, তাব ভাগনিও এসেছে সঙ্গে।'

'ভাগনি?'

'হ্যাঁ, ভাগনি।' বিজয়ী ভঙ্গি এবার বিজনের।

'ভদ্রলোকের আবার ভাগনিও আছে?'

'খাকতে নেই?' বিজন হাসলো। 'তাহ'লে তুই একবার—'

বিজ্ঞান কথা শেষ করলো না ; দৌত্য সমাধা ক'রে বেরিয়ে গেলো ।

তাহ'লে না-গেলেই নয় ? স্বাতী দেরি করলো না । অনিচ্ছার কাজের তাড়াতাড়িই ভালো ; যত শিগগির আরম্ভ, তত শিগগিরই শেষ । ভেবেছিলো, অস্থ-একজন মেয়ের প্রতি তার মেয়েলি কর্তব্য সেরে একটু পরেই ফিরতে পারবে । কিন্তু ভুল ভেবেছিলো ; উমিলা ঘোষ সহজে উঠলো না ।

স্বাতী ঘরে গিয়ে দাঁড়ানো মাত্র, আলাপ করিয়ে দেবার সবুরটুকুও না-ক'রে, মেয়েটি সম্ভাষণ জানালো, 'আমুন--অনেকক্ষণ ব'সে আছি আমরা । এই-যে—এখানে বসুন--' বেতের সোফায় নিজের পাশের জায়গাটি দেখিয়ে দিলো ।

একটু দূরে বসতে যাচ্ছিলো স্বাতী, কিন্তু এ-আদেশ অমান্য করতে পারলো না । মুখ ঘুরিয়ে, ছ'কোণ-কাচের ঝকঝকে চশমার ভিতর থেকে স্বাতীকে বেশ মন দিয়ে একটু দেখে নিয়ে নবাগতা আবার বললো, 'আপনার কথা এত শুনেছি যে আলাপ করতে না-এসে পারলুম না ।'

'আমার কথা কোথায় শুনলেন ?' অস্থ-কেউ হ'লে—হয়তো দিনকয়েক আগে হ'লেও—স্বাতী হেসে বলতো কথাটা, একটু খুশি-খুশি ঠাট্টা ধরনে ; কিন্তু এখন কথাটা উচ্চারণ করলো ঠিক সেই সুরে, যে-সুরে রেলস্টেশনে লোকে জিগেস করে, 'নৈহাটির গাড়ি আবার কখন ?'

'কেন ? আমার কাছে ! আর আপনার দাদার কাছেও—' দু-জনের দিকে ছিমছাম দুটি হাসি ঝলসালো স্বাতীর অমুরাগিনী । প্রথমোক্তকে লক্ষ্য ক'রে স্বাতী বললো, 'আপনাদের

আলোচনার এর চেয়ে ভালো বিষয় কি নেই আজকাল ?’

‘কিসেব চেয়ে ভালো ?’ মজুমদার হাসলো। আর এই প্রশ্নের তাৎপর্য স্বাতীৰ অনুমানের অস্পষ্টতায় ছেড়ে দিয়ে আরো চওড়া হেসে আবার বললো, ‘মিলুব কথা ! যা বলতে ওর ভালো লাগে, তা-ই ও বলে।—আমাব ভাগনি, উর্মিলা।’

স্বাতী সৌজন্তসম্মত নমস্কারেব ভঙ্গি আনলো মাথায়, কিন্তু উদ্দিষ্টা তা লক্ষ্য না-ক’বে মামাব কথার জবাব দিলো : ‘যা ভালো লাগে তা-ই বলি আমি ? না, যাকে বলছি তাব যা ভালো লাগবে, তা-ই বলতে চেষ্টা কবি।—কেমন, তা-ই ভালো না ?’

উর্মিলা সন্ত-আলাপিতাব দিকে তাকালো অনুমোদনের জন্ত, কিন্তু স্বাতী একটু হেসে বললো, ‘এখানে কিন্তু হিশেবে আপনাব ভুল হয়েছে।’

‘ভুল কেন ? আপনাকে নিয়ে অন্তোবা কথা বলছে, এ-কথা শুনতে আপনাব ভালো লাগে না ?’

‘একেবাবেই না,’ স্বাতী গম্ভীর হ’লো।

‘সে কী ! ফেমাস হ’তে ভালো লাগে না আপনাব ?’

‘ফেমাস।’ স্বাতী, যেন এই প্রথম শুনলো, আলগোছে আওড়ালো কথাটা।

কিন্তু উর্মিলা স্পষ্ট জবাব চাইলো, ‘লাগে না ?’

‘যা আমি হইনি, যা আমি হবো না, তা হ’তে কেমন লাগবে ঠিক বুঝতে পাবছি না।’

উর্মিলা সশব্দে হেসে উঠে কথাটাকে বসিকতা বনিয়ে দিলো। ‘চেয়ারের মধ্য পিঠটাকে একটু ঢিল দিয়ে সবুজ জুতো-পরা পা

ছোটো বাড়িয়ে দিলো মেঝেতে, একটা হাত ঝুলিয়ে দিলো চেয়ারের বাইরে, আর সেই হাতে তার জুতোর রঙেরই ব্যাগটাকে দোলাতে-দোলাতে বললো, ‘যদি ধ’রেই নেন যে হবেন না তাহ’লে আর কী ক’রে হবেন ? ও-তো আর-কিছু না ; লোকে যাকে নিয়ে কথা বলে, সে-ই ফেমাস। ভালো বললে ভালো, মন্দ বললেও ভালো। কিন্তু কথা বলবে—না-ব’লে পারবে না। আর সেটা চেষ্টা করলেই হয়।’

‘চেষ্টা করলেই ?’

‘ঠাট্টা করছেন আমাকে ? কিন্তু আমি ঠিক ক’রে নিয়েছি যে ফেমাস হবো—হবোই—এখন থেকেই চেষ্টা করছি সে-জগৎ—হবো যখন, দেখবেন।’

‘আমি-তো নগণ্যই থেকে যাবো ; তাই দেখবো না, শুনবো।’

‘কেন, ফেমাস লোকদের চোখে দেখতেও কি আপনার আপত্তি ?’

‘দেখতে চাইলেই কি দেখা যায় তাঁদের ?’

‘চেষ্টা করলেই যায়।’

‘চেষ্টা করার চেষ্টাই আমার আসে না।’

চড়া গলায়, পিছনে মাথা হেলিয়ে, উর্মিলা আবার হেসে উঠলো, ব্যাগটা প’ড়ে গেলো হাত থেকে। ন’ড়ে-চ’ড়ে বসলো পায়ের উপর পা তুলে, ব্যাগটাকে স্থির করলো হাঁটুর উপর ; যেন হাসিঠাট্টার শেষে এবার ‘আসল’ কথা পাড়ছে, এমনি একটা গাম্ভীর্য মুখে এনে বললো, ‘যদি আমি বলি, একজন ফেমাস মানুষের সঙ্গে আপনার দেখা করাবার জগ্গই আমরা আজ এসেছি, তাহ’লে কি আপনি সুখী হন না ?’

এর উত্তরে স্বাতী বললো, ‘আমি এমনিতেই সুখী।’

উর্মিলার ছয়-কোণাচে চশমা-আঁটা দৃষ্টি প্রায় কঠোর হ’লো স্বাতীর মুখের উপর। পাছে আবারও ঐ ‘ফেমাস’ কথাটা কানে শুনতে হয়, সেই ভয়ে এর পবের কথাটাও স্বাতীই ব’লে ফেললো, ‘তাছাড়া বিখ্যাতদেব বেশি ভালোও লাগে না আমার।’—বলবার সময় ভাবেনি, কিন্তু ব’লেই মনে পড়লো ধ্রুব দত্তকে।

‘কাকে দেখেছেন?’ উর্মিলা জেরা করলো।

‘দেখিনি ঠিক কাউকেই, তবে মনে হয়—’

‘আপনার মনে-হওয়াটাকে যাচাই ক’বে দেখুন না একবার। কাল আশ্বিন সন্কেবেলা আমাদের ওখানে শশাঙ্ক দাশের গান শুনতে।—শশাঙ্ক দাশের গান!’ আবার সাড়ম্ববে ঘোষণা কবলো উর্মিলা।—‘আপনাকে নিমন্ত্রণ করতেই এসেছি আমরা।’ উর্মিলা ধ’রেই নিলো যে নিমন্ত্রণ করা মানেই অশ্রু পঙ্কের গ্রহণ করা; কথা শেষ ক’রে চোখা তাকালো পুরুষ দু-জনের দিকে; হাসলো, যেন নিজের উপর খুশি হ’য়ে; আর সারা মুখে হাসি ছড়িয়ে হাঁটু নাড়তে লাগলো ব’সে-ব’সে।

সে-দু’জন একটিও কথা বলেনি এতক্ষণ। স্বাতী দু-একবার তাকিয়েছিলো তাদের দিকে—তারা চাখেনি—আর স্বাতী দেখেছিলো তারা দু’জনেই উর্মিলাকে দেখছে, আর চোখোচোখি করছে পরস্পরে। উর্মিলাকে উৎসাহ দিচ্ছে তাদের চোখ, বাহবা দিচ্ছে; দু-জনে যেন পরামর্শ ক’রে পুরো রঙ্গমঞ্চটা ছেড়ে দিয়েছে তাকে; —রঙ্গমঞ্চ কথাটাই এখানে ঠিক, একটা অভিনয় তাকে দেখানো হ’লো—ভালো অভিনয়—ভালোই—; কিন্তু ওখানেই যেন

শেষ নয়, তাকে একটা পার্টও দিতে চাচ্ছে, নামাতে চাচ্ছে রঙ্গমঞ্চেই। ভাগনির শেষ হবার পরে ঠিক সময়ে আরম্ভ করলো মজুমদার, স্বাতীকে লক্ষ্য ক'রে বললো, 'শশাঙ্ক হঠাৎ এসেছে কলকাতায়, আমি খবর পেয়েই পাকড়েছি।'

ততক্ষণে স্বাতী তার মনের মাকড়শা-বোনা কম-আলোর কোণ খুঁজে-খুঁজে শশাঙ্ক দাশকে উদ্ধার করেছে; তাই বলতে পারলো, 'সেই ফিল্মের গাইয়ে?'

'হ্যাঁ—ফিল্মের গাইয়ে ব'লেই শশাঙ্ককে লোকে চেনে আজ!—স্বাতী যেন আশা করেনি মজুমদারের মুখে এই কথা, কথার এই সুর—ঈষৎ চমকালো—কিন্তু বক্তা সেটা লক্ষ্য না-ক'রে আগের কথার জের টানলো—'পরশু ও ফিরে যাবে—ভয়ানক ব্যস্ত—কিন্তু আমি-তো ছাড়বার পাত্র নই!' শেষ কথাটায় মজুমদার নিজে হাসলো বড়ো-বড়ো দাঁত দেখিয়ে, কিন্তু স্বাতীর মনে হ'লো না সেটা হাসির কথা।

'কলকাতায় কেউ-তো জানেই না উনি এসেছেন,' জোগান দিলো বিজন। 'তাহ'লে কি আর রক্ষে ছিলো—ছেঁকে ধরতো না চারদিক থেকে!'

'মাত্র দু-একজনই জানে,' বিজনের ভাষার ভুল শোধরালো স্বাতী, 'তাই অল্পেই রক্ষে পেলেন।'

'তা নয়—' স্বাতী ঠিক বুঝলো না মজুমদার তার কোন কথার প্রতিবাদ করলো—'হাজার লোকের মধ্যেও আমি ঠিক ধ'রে আনতাম শশাঙ্ককে।—তা আসবেন কাল—বেশি লোক বলিনি—বেশি বলবার মতো বাড়িও নয় আমার—আপনারা, আর অল্প

ক-জন বন্ধুবান্ধব—’ বলতে-বলতে মজুমদার উঠে দাঁড়ালো—‘হ্যাঁ—
আপনার বাবাকেও যদি বলেন—আমার আর সময় নেই—চলি—
বিজ্ঞান, তুমি মিলুকে পৌঁছিয়ে দিয়ে ভাই—’ শেষ কথাটা দরজার
ধার থেকে ছুঁড়ে দিয়ে আচম্বিতে, অকস্মাৎ, অপ্রত্যাশিত প্রস্থান
করলো মজুমদার।

‘আমাকে কারো পৌঁছিয়ে দেবার দরকার নেই,’ উর্মিলা আরম্ভ
করেছিলো মামাকে লক্ষ্য ক’বেই, কিন্তু মামা তার কথা শোনার
জন্ত দাঁড়ালেন না, অগত্যা বিজ্ঞকেই তাক করলো চশমা-চোখ—
‘তবে আপনি যদি ইচ্ছা করেন আমার সঙ্গে যেতে পারেন।’

ভাগনিকে রেখে, তাকে পৌঁছিয়ে দেবার ভার দাদাকে দিয়ে,
মজুমদারের হঠাৎ চ’লে যাওয়ায় স্বাতী একটু অবাক হ’লো, কেননা
ব্যবহারের যে-সব ধারণা তার মনে বদ্ধমূল, তার সঙ্গে এটা
মেলে না। যেন বিষয়টা বুঝে নেবার জন্ত বললো, ‘নিজেদের
গাড়ি থাকার একটা সুবিধে এই যে পৌঁছিয়ে দিতে লোক
লাগে না।’

‘গাড়ি না-হ’লেই লাগে নাকি?’ উর্মিলার প্রতিবাদ উঠলো,
তখনই। ‘আপনি ভেবেছেন কী আমাকে?’

‘তবু—আপনার মামা গাড়িটা পাঠিয়ে দেবেন নিশ্চয়ই?’

‘কেন? গাড়ি পাঠাবেন কেন? ট্রাম-বাস আছে কী করতে?’

‘ও! কাছেই বুঝি?’ স্বাতী অস্থির দিকে আলোর সন্ধান করলো।

আমরা কোথায় থাকি আপনি জানেন না?’ উর্মিলা যেন
অবাক হ’লো, আর তার অবাক হওয়ায় অবাক হ’লো স্বাতী,
নিশ্চয়ই মেনে নিলো নিজের অজ্ঞতা।

‘আমরা থাকি বেনেপুকুরে,’ উর্মিলা আলো কেললো।

‘সেটা কোথায়?’

‘ও মা, বেনেপুকুর জানেন না?’ খিলখিল ক’রে হেসে উঠলো উর্মিলা।’

স্বাতী লজ্জা পেলো।—‘বিকল্পিত বুঝি জায়গাটা?’

‘না, না, সে-রকম কিছু নয়, পাড়াটা—বাজেই;—তা ঠিক সুবিধেমতো পাওয়া গেলো না আর-কোথাও। অনেক ঘর চাই, গারাজ চাই, গ্যাস চাই, আবার ক্ল্যাট হ’লেও চলবে না—’ উর্মিলা প্রয়োজনের অতিরিক্ত অনেক খবর উগরে দিলো—‘এত সব হ’য়ে ওঠা ভাড়া-বাড়িতে তো শক্ত?’

এই একেবারেই সত্য কথাটায় উর্মিলা প্রশ্নের সুর লাগালো, আর এমনভাবে তাকালো যেন সে ভাবছে স্বাতী এ নিয়ে তর্ক করবে; স্বাতীকে তাই সায় দিতে হ’লো, ‘নিজের বাড়িতেও সহজ না।’

‘ঠিক বলেছেন—অনেকের পক্ষে তা-ই—তবে মামা যখন বাড়ি বানাবেন—’ এ-বিষয়ে এর বেশি বলা উর্মিলারও বোধহয় বাহুল্য লাগলো, ফিরে এলো আগের কথায়—‘তা এটাও মন্দ না—বড়ো-বড়ো ঘর — চওড়া-চওড়া বারান্দা — আপনার ভালোই লাগবে।’ উর্মিলা একবার চোখ ঘুরিয়ে আনলো স্বাতীদেব বসবার ঘরের চারটি কাছাকাছি দেয়ালে।

‘আর কী-কী আমার ভালো লাগবে বলুন তো—শুনি আপনার মুখে।’

কিন্তু স্বাতীর এই আঘাত জলের উপর পড়লো। জলের মতো

সহজে উর্মিলা জবাব দিলো, ‘তা-তো জানি না, তবে গান যে ভালো লাগবে, এটা নিশ্চিতই।’

‘কিন্তু আমি তো এখনো বলিনি যে কাল যাবো।’

‘ও আবার বলবেন কী—যাবেন তো!’ উর্মিলা মুখে বললো এ-কথা, আর চোখে বললো, ‘শশাঙ্ক দাশের গান শোনার সুযোগ কেউ কি পেয়েও হারায়!’

স্বাতী কিছু বললো না।

‘আপনি কি ভাবছেন যে যাবেন না?—ঈশ!’ হেসে, তাকিয়ে, ভুরু বাঁকিয়ে স্বাতীর একটি হাত ধ’বে উর্মিলা বললো, ‘তোমাকে বড্ড ভালো লেগেছে আমাব! সত্যি!’—তারপরেই অন্য হাতে বাঁধা ছোট্ট সোনার ঘড়ি দিকে কোণ-চোখে তাকিয়ে, মুখ ঘুরিয়ে, প্রায় একই রকম মধুব সুরে বললো, ‘আমার সঙ্গে বেরোবেন নাকি বিজনদা, আমি কিন্তু আর বেশিক্ষণ বসবো না।’

বিজন এতক্ষণ মুগ্ধ হ’য়ে দেখছিলো—বোধহয় দু-জনকেই—কথা শোনারাত্র তড়াক ক’রে উঠলো। ‘তার চেয়েও কমক্ষণে আমার হ’য়ে যাবে,’ ব’লে দ্রুত বেরিয়ে গেলো দ্রুত স্নানাহার সারতে।

সেই কম-ক্ষণই স্বাতীব পক্ষে অনেকক্ষণ হ’লো। কেননা, বিজন চ’লে যাওয়ামাত্র উর্মিলা ঘুবে বসলো হাঁটুতে প্রায় হাঁটু ঠেকিয়ে, একেবারে দু-চোখভরা ঢলঢলে তাকিয়ে বললো, ‘এসো ভাই, এখন একটু মন খুলে কথা বলি দু-জনে।’

এর পরেও আরো মন খুলবেন ইনি? স্বাতী একটু স’রে বসলো; ‘তুমি’টাকে যেন লক্ষ্যই করলো না; একটু বেশিই

‘ভদ্রভাবে বললো, ‘আপনাকে কিছু পানীয়—’

কথাটা উচ্চারণ ক’রেই স্বাতী প্রায় জিভ কামড়ালো ; কেমন ক’রে সে আগেই না-বুঝে পারলো যে ওটা শুনে তার সঙ্গিনীর খিলখিলে-কলকলে হাসি আবার উথলোবে ! কিন্তু স্বাতী সবচেয়ে বেশি যা ভাবতে পারতো, তার চেয়েও বেশি হ’লো : হাসির অর্থই জলে প’ড়ে গেলো উর্মিলা ; অনেক ঢোঁক হাসি গিলতে-গিলতে একটি-একটি কথার বুদ্ধুদ তুললো কোনোরকমে : ‘—পানীয় ? না ভাই—পানীয়-টানীয়—কিছু—চাই না আমার।’

স্বাতী অদম্যভাবে আবার বললো, ‘কিছু না ?’

‘না। প্-পানীয় !—উঃ !’ ডুবতে-ডুবতে বেঁচে গিয়ে উর্মিলা এবার দুর্বলভাবে হাসির হেঁচকি তুলতে লাগলো ।

‘দাদা বোধহয় খেতে গেলো — আমি একবার —’ স্বাতী দৃষ্টিপাত করলো ভিতরের দিকে ।

‘কেন, চাকর নেই ?’ তক্ষুনি উর্মিলা উঠে এলো শুকনো ডাঙার কেজো ঘাটে ।

‘সে-জ্ঞান না—’ স্বাতী জরুরিভাবে উঠে দাঁড়ালো ।

‘আরে বোসো, বোসো,’ উর্মিলা হাতে ধ’রে সাধলো, বাদ সাধলো । ‘দাদার অত যত্ন না-করলেও চলবে। বোসো, একটু গল্প করি।’

স্বাতী বিবর্ণভাবে ব’সে পড়লো । ভিতরে যাবার দরজাটায় রইলো তার চোখ, চোখের তৃষ্ণা ।

‘তুমি বোধহয় আই. এ. পাশ করলে এবার ?’ উর্মিলা আরম্ভ করলো মন-খোলা গল্প ।

স্বাতী মৌনভাবে বুঝিয়ে দিলো যে অনুমানটা মিথ্যে না।

‘এখন কী করবে?’

‘পড়বো।’

‘পড়াশুনো তো শেষ হবে একদিন।’

‘হোক তো।’

‘তোমার শিগগিরই শেষ হবে,’ উর্মিলা প্রায় দৈবজ্ঞের মতো বললো।

‘পড়াশুনোর কি শেষ আছে জীবনে?’ প্রায় আর্ষভাবে উত্তর দিলো স্বাতী।

‘তুমি তাহ’লে তোমার জীবনটা নিয়ে বেশি কিছু ভাবোনি?’

‘আপনি ভেবেছেন, মনে হচ্ছে?’ স্বাতী বলতে চেয়েছিলো, ‘আমার জীবন নিয়ে আপনি ভেবেছেন,’ কিন্তু উর্মিলা উথলে উঠে বললো, ‘নিশ্চয়ই! আমার জীবন নিয়ে আমি যদি না ভাবি—কিন্তু ঐ “আপনি”টা আর কেন ভাই, মোটে ভালো শোনায় না, আর বয়সে বেশি বড়োও না আমি তোমার—এবার বি.এ. দিলাম—আর এর পরেই মুশকিল! পরীক্ষার আগে থেকেই মা চিঠি লিখছেন মামাকে—মা তো দেশে থাকেন, আর আমার তো বাবা নেই—কিসের জ্ঞা বুঝতেই পারো, আর মামারও তা-ই মত—মনে-মনে উনি বেশ সেকলেই আছেন এখনো, আর আমাদের মতো মডন’ হবেনই বা কী ক’রে—মামাও কথাবার্তা এমন বলেন যেন বিয়ে ছাড়া মেয়েদের আর গতি নেই! আমি বলি, না—কক্খনো না—বিয়ে-বিয়ে ক’রে চ্যাচামেচি কি এখনো শুনতে হবে, এই উনিশ-শো একচল্লিশেও!—অবশ্য তোমার মতো মেয়ের

কথা আলাদা, তোমাকে দেখেই বোঝা যায় তুমি বিয়ে করারই টাইপ—জাখো না, কলকতায় আছে তো জন্ম থেকেই? অঞ্চ শহরটাই চেনো না এখনো, একলা চলাফেরাও ভাবতে পারো না—তাই বিয়েটাই তোমার পক্ষে ঠিক—কিন্তু সকলে তো আর লক্ষ্মী মেয়ে নয় তোমার মতো, ইচ্ছা-অনিচ্ছাও অনেকের অন্তরকম। আমাকে যদি জিগেস করো, বিয়েতে আমার মত নেই কেন? আমি কি কোনোদিনই বিয়ে করবো না?—মামা ও-কথা জিগেস করেন আমাকে—আমি বলবো, না, তা নয়, কোনো-একদিন করবো হয়তো, যেদিন ইচ্ছে হবে করবো, আর সেদিনই করবো—কিন্তু তার একদিনও আগে না।—এখন? এখন সে-কথা ভাবতেও পাবি না; এখন আমি জীবনটাকে দেখতে চাই, চাখতে চাই, সবচেয়ে বেশি চাই ক্রীডম, পুরুষরা যেটা মনোপলি ক’বে রেখেছে এতকাল। তাছাড়া আমার একটা প্ল্যানও ঠিক ক’বা আছে—তখন-যে বলছিলাম ফেমাস হ’বো তারই প্ল্যান—আমি পলিটিক্স ক’বো—পলিটিক্স ছাড়া আর-কিছুতেই নাম নেই আজকাল, আর-কিছুর দরকারও নেই বোধহয়। মোটামুটি একটা প্রোগ্রামও ভেবে রেখেছি—নেহাংই মেয়ে হ’য়ে জন্মেছি যখন, মেয়েদের নিয়েই প্রথম হৈ-চৈটা তুলতে হবে;—বাপের সম্পত্তির ভাগ দিতে হবে মেয়েদের, আর হিন্দু বিয়েতে ডিভোর্সের ব্যবস্থা চাই—উঃ, কী-অসহ্য অত্যাচার মেয়েদের উপর হিন্দু আইনে—পুরুষ যে-ক’টা ইচ্ছে বিয়ে করতে পারে, আর মেয়েরা নাকি কিছুতেই একবারের বেশি না!—সব ঠিক ক’রে ফেলেছি, বুঝতে পারছি না। এখনো শুধু এইটুকু যে কোন পার্টিতে যাবো—প্রোগ্রেসিভ

ডেমক্রেটি, না স্ক্যাডিকল লিবরল, না অ্যাডভান্স গার্ড । সবচেয়ে জোরালোটাতেই যাওয়া উচিত নিশ্চয়ই, কিন্তু প্রত্যেকেই বলে আমরাই সবচেয়ে জোরালো—আবার ভুল পার্টির জগ্ন-না জেলেই যেতে হয় কোনো সময়।—ঐ একটা শুধু অশুবিধে আমাদের দেশে পলিটিক্স করার।’

হাত নেড়ে, পা নেড়ে, হাঁটু নেড়ে, হাঁটু ছড়িয়ে, চোখ ঘুরিয়ে, সমস্ত শরীরে কম্প তুলে, সমস্ত কথায় রঙ্গ ঢেলে, প্রত্যেকটি চীৎকারচিহ্ন কণ্ঠস্বরে পরিষ্কৃত ক’রে স্বাতীর নতুন বন্ধু এই বিচিত্র বক্তৃতাটি তাম্বক শোনালো। মাঝে-মাঝে একটু-একটু থামলো, যেন অগ্ন্যজনেরও কিছু বলবার কথা, যেন, এমনকি, সত্যই অগ্ন্যজন কিছু বলেছে;—আর স্বাতী অবশ্য কিছুই বললো না, বলতে চাইলো না, পারলো না, চাইলেও পারতো না, পারলেও চাইতো না ; শুনলোও না সব, প্রায় কিছুই শুনলো না ; শুধু তাকিয়ে থাকলো স্থির, কিন্তু খানিক পরে আর দেখলোও না, শুধু তার কানের মধ্যে ঘনঘোর গোলমালের গোলাগুলি চলতে লাগলো।

উর্মিলার মনের কথা এখানেই হয়তো শেষ হয়নি, হয়তো মন খুলতে আরম্ভ করেছিলো মাত্র। কিন্তু গভীরতর উন্মোচনের আর সময় হ’লো না, বিজন ফিরে এলো। সময় বাঁচাবার জগ্ন স্নানটা বাদ দিয়েছিলো সে ; হোক गरम—স্নানে गरम কমে এটা কুসংস্কার ছাড়া আর কী, রাস্তায় বেরোলে একই, আর একশো ডিগ্রির উপরে তাতা রাস্তাটাই তখন তার কাছে কলকাতার সুখস্থান। ঘরে পা দিয়েই বললো, ‘চলুন।’

উর্মিলা এমন চিরস্থায়ীভাবে চেয়ারটায় বসে ছিলো যে তাকে উঠতে দেখে স্বাতী অবাক হ'লো।

‘আচ্ছা, আজ চলি ভাই, অনেক গল্প করলাম—’ হঠাৎ, যেন নিজের ভাষার ভুল বুঝতে পেরে জুড়ে দিলো—‘তুমি-তো কথাই বললে না, আমাকে বোধহয় পছন্দ হ'লো না তোমার—কী বলো ?—আমার কিন্তু তোমাকে খুব পছন্দ হয়েছে—’ উদার উচ্ছল, বৎসলভাবে স্বাতীর পছন্দকারিণী হাত রাখলো তার কাঁধে। তারপর ব্যাগ খুলে, স্বাতীর ঠিক মুখোমুখি দাঁড়িয়ে, প্রসাধনের ভাঙচুর মেরামত ক'রে নিলো, ভুরু কুঁচকে নিজেকে দেখলো। আয়নায়, নিজেকেই উপহার দিলো মিষ্টি একটি হাসি, তারপর ঘুরে দাঁড়িয়ে বিজনকে বললো, ‘চলুন।’

বিজন বললো, ‘একটা ট্যাক্সি আনানো যাক।’

‘ট্যাক্সি কেন ?’ বিজনের প্রস্তাবটা হাত ঘুরিয়ে উড়িয়ে দিলো উর্মিলা, ‘বাস্-এ ট্র্যামে সাত রাজ্য ঘুরে বেড়াই আমি !’

‘আপনার জন্ম বলিনি,’ ক্ষিপ্ত উত্তর দিলো বিজন, ‘নিজের জন্মই বলেছিলাম।’ সম্ভবত নিজে বুঝলো না কথাটা কত গভীর।

কিন্তু উর্মিলা বুঝলো।—‘ঐ-তো দোষ বিজনদার !’ বলতে-বলতে কুলকুল ক'রে হেসে উঠলো। ‘বাজে খরচের রাজা ! দাদাটিকে একটু শাসন করো ভাই—বড্ড ব'য়ে যাচ্ছে !’

‘ওকে আপনি নাম ধ'রে ডাকলেই পারেন,’ স্বাতী হঠাৎ নিজেকে বলতে শুনলো। ‘ও আপনার ছোটোই হবে।’

‘না ভাই, এটা কিন্তু ভালো বললে না ; এতই কি বুড়ো দেখায় আমাকে ?’

তিথিডোর

কিন্তু এ-কথার উত্তরে সৌজন্মের ন্যূনতম প্রত্যাশাও স্বাতী মেটাতে পারলো না ; আর-কিছু বলবারই শক্তি পেলো না ।

‘তা এ-কথা ঠিক,’ অকাতর উর্মিলা আবার বললো, ‘যে অমুকদা অমুকদির দিন আর নেই ;—সকলেই এখন সমান, সকলেই সকলকেই নাম ধ’রে ডাকবে—তা না-হ’লে আর হ’লো কী !’ কথাটা শেষ করলো বিজনের দিকে জলজলে তাকিয়ে, আর এই আশ্চর্য স্বর্ণযুগ—তার আরো আশ্চর্য প্রমাণ—বিজনের মুখে স্বর্ণসুখ উদ্ভাসিত করলো ।

নিজের ঘরে, একলা বাড়িতে, স্তব্ধ ছপুরে স্বাতীর আচ্ছন্ন ভাবটা কেটে গেলো আস্তে-আস্তে ; তার চেতনা, তার চিন্তা ফিরে এলো ; কিন্তু অভ্যস্ত আশ্রয়গুলিতে ঠিক যেন ফিরতে পারলো না । ক্লোরোফর্ম’ থেকে জেগে উঠে এইরকম লাগে মানুষের ? নিজের এই ঘর যেন অচেনা, বইগুলি অর্থহীন, দিনটা জ্বরের মতো শূন্য । খানিক আগে ব’সে-ব’সে ‘ছেলেবেলা’ পড়ছিলো ; এখন আবার সেই চেয়াবটিতেই বসেছে, ‘ছেলেবেলা’ও আছে, কিন্তু বই খোলার নিয়মরক্ষাটুকুও করছে না ;—এর মধ্যে কী-যেন একটা সাংঘাতিক ঘ’টে গেছে, যেন একটা দেয়াল উড়ে গেছে তার ঘরের, কিংবা হঠাৎ তার ডান হাত আর নাড়তে পারছে না ;—এমন একটা সাংঘাতিক কিছু, যা তার জীবনটাকে এক ধাক্কায় অনেক পিছনে ঠেলে দিয়েছে, যেন একেবারে আরম্ভে, আবার প্রথম থেকে নতুন ক’রে সব ভাবতে হবে । মনের তলার পাগলা-ঘোলা ঘুর্ণি থেকে যে-কথাটি প্রথম স্পষ্ট হ’য়ে উপরে ভেসে উঠলো তা এই যে

তার মা নেই। কথাটা ভাবতেই—আর-কোনোদিন এ-রকম লাগেনি—অসহায় লাগলো, ভয়-ভয় করলো। যেন কোনো অদ্ভুত বিদেশে, কোনো ভীষণ ভিড়ের মধ্যে সবাই তাকে ফেলে চ'লে গেছে। বাবাও। বাবা-যে এ-সময়ে আপিশে সেটাও মনে হ'লো তার এখনকার কান্না-পাওয়া হারিয়ে-যাওয়ার অংশ। আর এখন এই লম্বা-লম্বা দমবন্ধ ঘণ্টাগুলি ভ'রে বাবার জন্ম ব'সে থাকা ছাড়া কিছুই তার করবার নেই।

স্বাতী একবার জোরে নিশ্বাস নিলো, মুখ মুছলো আঁচলে—বড্ড ঘাম—কিন্তু ঘামটা যেন ঠাণ্ডা, গরমটা যেন ভিতরে-ভিতরে শীত। খুব চুপ ক'রে, খুব মন দিয়ে ভাবতে চেষ্টা করলো বাবা এলে কী বলবে।...কী বলবে? এখন যদি থাকতেন তাহ'লেই বা কী বলতো? কোন ভাবনাটা তার মনে পরিষ্কার, কোন ভাষাটা তৈরি? সে-তো নিজেই এখনো জানে না তার কী হয়েছে। নিজেই জানে না এই ভয় কেন। আরো ;—সেটা জানতেও তার ভয়।

হঠাৎ তার শরীরটাই দুর্বল লাগলো ; ক্লান্ত, অবসন্ন, ঘুমিয়ে পড়ার মতো।

রামের মা ঘরে এসে বললো, 'দিদিমণি, খাবে নি?'

রামের মা-র চেহারা, গলার আওয়াজ স্বাতীকে যেন সাস্থনা দিলো। চেয়ারের মধ্যে একটুও না-ন'ড়ে বললো, 'তুমি বড্ড তাড়া দাও, রামের মা।'

'এত বেলা হ'য়ে যায়, খাবার জন্ম মন বলে না তোমার?'

একটু চুপ ক'রে থেকে স্বাতী জিগেস করলো, 'রামের মা, তোমার নাম কী?'

‘নাম ? আমার নাম ?’

‘হ্যাঁ, নাম কী তোমার ?’

‘আমার নাম—’ যেন একটু চেষ্টা ক’রে এই তথ্য মনে করতে হ’লো—‘আমার নাম মনোরমা ।’

‘তবে আমরা তোমাকে মনোরমা ডাকি না কেন ?’

‘কী-যে বলো, দিদিমণি !’ এমনভাবে শরীর বেঁকিয়ে হাসলো যেন এটা লজ্জার কথা ।

‘তুমি-তো আর জন্ম থেকেই রামের মা ছিলে না । রাম জন্মালো, তবে-তো হ’লে ।’

এই যুক্তি অনুধাবন করতে পারলো না রাম-জননী ; ফাঁকা মুখে তাকিয়ে রইলো ।

স্বাতী আবার বললো, ‘রামের বাবা কী ব’লে ডাকতো তোমাকে ?’

মুখে অঁচল চেপে হাসি লুকোলো রামের পিতার পুত্রের মাতা ; তার শরীরে এমন একটা ভঙ্গির ঝিলিক দিলো যে স্বাতী হঠাৎ বুঝলো যে তার বয়স অত্যন্তই বেশি না । আধখানা মুখ ফিরিয়ে সে জবাব দিলো, ‘সে আমি বলতে পারবো নি, দিদিমণি ।’

‘বলো না !’ স্বাতী যেন জীইয়ে উঠলো এই প্রাকৃত, পার্থিব, কৌতুকে ।

‘সে বড়ো নাজের কথা । তোমাদের কানে সইবে নি ।’

স্বাতী একটু ভেবে বললো, ‘তবে-তো ভালোই ।’

‘শুনলে ভালো বলতে না, দিদিমণি—’ এত বড়ো একটা স্বাধীন মস্তব্য শুনতে স্বাতী আশা করেনি, একটু বেশি মন দিলো কথা

শোনায়—‘আধেক গুলে মুছে’। যেতে। তা আমাকে যা বলে বলতো—সোয়ামী যখন, বলতেই পারে—কিন্তু মা-বাপ তুলে যখন মুখ ছাড়তো—’ স্বাতী ভেবেছিলো কথাটা শেষ হবে না, কিন্তু তার আশাতীত আরো একটা কথা বললো তার পরিচারিকা— ‘তখন আমিও ছাড়তাম না!’

স্বাতী দ’মে গেলো। ‘লাজের কথা’র সে অণু মানে বুঝেছিলো। এত বছর ধ’রে রোজ যাকে দেখছে, অথচ কিছুই যার জানে না, তার কথা আর-একটু জানবার তার ইচ্ছে হ’লো; জিগেস কবলো ‘তোমার স্বামী মারা গেছে কদিন?’

‘মবেছে কবে?’ প্রশ্নটা যথাযথ জেনে নিলো, তারপর উত্তরও দিলো যথাযথ, ‘সে অনেক কাল হবে। সেবারে খুব আম হয়েছিলো না?—সারা জষ্টি বিষ্টি নেই এক ছিটে—ভোববাতে কলিরা হ’লো, আর মানুষটাকে যেন হিঁচড়ে টেনে নিয়ে গেলো যমে।’

একটু থেমে স্বাতী এব পরের প্রশ্নটি করলো, ‘তোমার কষ্ট হয় না?’

মুখের দিকে তাকিয়ে থেকে বামের মা প্রশ্নটা বোঝবার চেষ্টা করলো। তাবপব তৃতীয়বাব স্বাতীকে তাক লাগিয়ে বললো, ‘না দিদিমণি, মিছে বলবো না, কষ্ট আমাকে তেমন দিতো নি, খেতে পরতে দিতো। ঐ-যা এক দোষ ছিলো—মুখটা আস্তকুঁড়—তা দোষ বিনে কি মানুষ হয়?—আব মাঝধোরটা ছিলো না তো, রোজগারেও কামাই দেয়নি একদিন, একদিনের তবে ব্যামো হয়নি একটা—তা মরণে ডাকলে তার উপর তো কথা নেই!’

চুপ ক’রে থাকলো স্বাতী।

মাথার কাপড়টা—কথা বলতে-বলতে প’ড়ে গিয়েছিলো সেটা—
যথাস্থানে তুলে দিয়ে রামের মা যথারীতি আবার প্রস্তাব করলো,
‘দিদিমণি, এখন খাবে চলো।’

‘চলো—’ স্বাতী উঠলো তক্ষুনি ; আব নিজেকে তাব অনেক
বেশি নিজের মতো লাগলো খাবাব পবে ঘোব ছপুবেব মস্ত ঘন
ঘণ্টাগুলিতে । হঠাৎ যদি কেউ চলতে-চলতে অজ্ঞান হ’য়ে প’ড়ে
যায়, রাস্তায় ভিড়, পাড়ায় হৈ-চৈ, অ্যানুলেলে খবব, তাবপর
ডাক্তাব বলে, ‘কিছু না, এক্ষুনি সেবে যাবে,’—এ যেন সেই বকম
অনেকটা । এখন স্বাতী মনে কবতে পাবলো সব, ভাবতে পাবলো
সমস্তটা । উর্মিলার বকববকবেব বাছা-বাছা অংশগুলিকে টেনে-টেনে
তুলে পর-পব সাজাতে পাবলো—তখন যদিও শুনছে ব’লেই মনে
হয়নি । দাদার মুখ-চোখেব ভঙ্গি মনে পড়লো স্পষ্ট, মজুমদাবেব
সঙ্গে তাব চোখোচোখি, উর্মিলাব দিকে তাব তাকানো, উর্মিলাব
সঙ্গে তাব বেবোনো, আব তাকে, স্বাতীকে, কেমন এড়িয়ে-
এড়িয়ে চলা । এক মজুমদাবেই কিঙ্কিয়া, তাব উপব আবাব
ভাগনি, আব ঐ লম্বা হাবা লেজুড তাব দাদা ।—আবাব, মুহূর্তেব
জন্ত, স্বাতী যেন শিউবে উঠলো ; মনে-মনে বললো, ‘মেয়েদেব যেন
কখনো মা না মবে, আব মা যদি-বা মবে, এমন ভাই যেন কখনো
কোনো মেয়েব না হয় ।’

কিন্তু দাদা—হঠাৎ গর্বেব একটা ঢেউ উঠলো স্বাতীব মনে,
আব সেই সঙ্গে সাহসেব হাওয়া লাগলো—দাদা তার কী করতে
পারে ? দাদা কি একটা মানুষ ? তাকে যন্ত্রণা দিতে পারে এমন
সাধ্য কী দাদার ? এইটেই তার ভুল হয়েছে যে সে আশ্রয়

খুঁজছিলো; মা-র আশ্রয়, বাবার—; কিন্তু কেন? এই ব্যাপারটাকে একটা বিরক্তিকর বইয়ের মতো তাড়াতাড়ি পাতা উন্টিয়ে সে কি শেষ ক’রে দিতে পারে না? নিশ্চয়ই পারে, নিজেই পারে। সে নিজেই তার আশ্রয়—আর আবার কে? সে যদি সোজা হ’য়ে দাঁড়ায়, চোখ তুলে তাকায়, যদি সে শুধু একবার মনস্থির ক’রে নেয়—তাহ’লে কেউ কি তার কিছু করতে পারে!

সঙ্গে-সঙ্গে, আর একসঙ্গে, স্বাতীর মন দুটি সিদ্ধান্তে পৌঁছলো। প্রথম: বাবাকে কিছুই বলবে না এ-সব; দ্বিতীয়: কাল যাবে গান শুনতে। গান শুনতে অবশ্য না, যাবে উর্মিলাকে কয়েকটা কথা বলতে;—অন্য কোথাও, অন্য কোনো সময়ে হ’লে ভালো হ’তো, উপলক্ষ্যটা ঠিক উপযুক্ত না; কিন্তু আবার সুযোগ পাবে কবে, আব যে-কোনো জায়গায়, যে-কোনো সময়ে কথাটা যখন অস্বস্তিকর, তখন একই কথা। আর উর্মিলাকে ঠিকমতো বলতে পারলে, বাবাকে আব বলতে হয় না—এ-বিষয়ে জানবারই দরকার নেই তাঁর—এক দাদাই যা জ্বালাচ্ছে বাবাকে, তার উপর আবো অশান্তি?

ছায়া লম্বা হ’লো রাস্তায়, রোদের রং বদল হ’লো; আব ঠিক যখন বর্ষাব আগেব ছরস্তু দিনগুলির আরো-একটির শেষ হবার খবর ফুরফুর ক’রে হাওয়ায় উড়লো, তখন স্বাতী উঠলো চেয়ার ছেড়ে, জানলা খুলে দিলো। ঘরের, শেলফের সবগুলি বই নামিয়ে নতুন ক’রে গোছাতে বসলো। উর্মিলাকে কাল যা বলবে, তার প্রত্যেকটি কথা এতক্ষণ ধ’রে ভেবে-ভেবে সে ঠিক করেছে, অনেকবার আউড়েছে মনে-মনে, এতক্ষণে

পরীক্ষার পড়ার মতো প্রায় মুখস্থ হ'য়ে গেছে। উর্মিলা বার-বার বাধা দেবে, বার-বার জিভ নাড়বে, চ্যাপ্টানো আমের রসের মতো চুঁইয়ে-চুঁইয়ে গড়াবে তার আঠা-আঠা কথা ;—স্বাতী শুধু একটু দূরে স'রে যাবে, হাত যাতে চিটচিটে না হয়, চোখ দিয়ে বিঁধে রাখবে উর্মিলাকে, বিঁধিয়ে দেবে তার কথাগুলি, সব, সমস্ত, প্রত্যেকটি।

কথাগুলি বেশি না ; কথাগুলি এই :

‘আপনার মামার বয়স হয়েছে, টাকা হয়েছে, এখন তাঁর জীবনের একটি যোগ্য সঙ্গিনীর সন্ধান করছেন আপনারা। তিনি নিজেও করছেন, কিংবা নিজেই করছেন। তিনি ভাবছেন—তাই আপনারাও ভাবছেন—যে এখন সেই সময় এসেছে যখন মনে করা যায় যে সন্ধানের আর প্রয়োজন নেই। কিন্তু না ;—আপনাদের অনুমান ভুল, সম্পূর্ণ ভুল ; আর সেই ভুল অনুমানের অনুসরণ আরো যদি, আপনারা করেন, সেটা শুধু পণ্ডশ্রমই হবে না, অশ্রীতিকরও হবে। অনেকের পক্ষেই অশ্রীতিকর। আমি আজ এসেছি শুধু এই অপচেষ্টা থেকে আপনাদের বিরত করতে। দয়া ক'রে আপনার মামাকে এই কথাটা বলবেন, বুঝিয়ে দেবেন ; দয়া ক'রে একটুও অস্পষ্টতা রাখবেন না। তাঁর সঙ্গিনীর সন্ধান অণুত্র করতে হবে।

‘আপনাদের পারিবারিক বিষয়ে আমার মন্তব্য করা অশোভনতার চরম, কিন্তু এ-ক্ষেত্রে নির্লিপ্ত থাকা আমার পক্ষে আর-যে সম্ভব হ'লো না, আপনারাও—আপনারাই—তার কারণ ; অতএব আশা করি আমার ভব্যতার এই ব্যতিক্রম,

মার্জনা করতে আপনারা অনিচ্ছুক হবেন না।

‘আরো একটা কথা আপনাদের জানানো দরকার। আমার দাদা আর আমি এক বাড়িতে বাস করি, থাকি দু-জনে দুই জগতে। দাদার বন্ধু আমার বন্ধু হ’তে পারে না কখনো। তাই আপনার মামার, কিংবা আপনার, আবার যদি অবসরের এমনই প্রসার কি প্রয়োজনের এমনই বাধ্যতা ঘটে যে আমাদের বাড়িতে আসতেই হয়, তাহ’লে দাদাকে লক্ষ্য ক’রেই আসবেন, দাদাকেই, শুধু দাদাকে।

‘এই কথাগুলি শুনে আপনাদের ভালো লাগলো না, বলতে আমার আরো অনেক খারাপ লাগলো; কিন্তু না-বললে খারাপ হ’তো, তাই বলাই ভালো হ’লো।’

স্বাতীর মন এই ক্ষুদ্র নিবন্ধটি রচনা ক’রে তার ভার নামালো। এখন বলতে পারলেই নিশ্চিত।

୭

ଯଦନିକା କଞ୍ଚସ୍ତାନ

বৃষ্টি পড়ছিলো বাইরে। নিঃশব্দ, প্রায় অদৃশ্য বৃষ্টি। অচেনা, ছায়া-ছায়া, ঝাপসা-আলোর রাস্তায় গাড়ি মোড় নিচ্ছে এক-একবার, আর হেডলাইটের কড়া কৌতূহলের সামনে ধরা প’ড়ে যাচ্ছে লম্বা, বাঁকা সমান্তরাল বৃষ্টিরেখার এক-একটি ঝাঁক। কিন্তু মুহূর্তের জন্য। তারপর আবার আবছা, আবার কিছুই দেখা যাচ্ছে না।

ভিতরেও নিঃশব্দ। গাড়ি চলছে প্রায় দশ মিনিট ধ’রে, আব এই সময়টুকুতে একটা টুকরো-কথাও পড়েনি ভিতরকার কাচ-বন্ধ মখমল-ঘন অন্ধকাবে। নবম, খুব নরম একটা আরামের মতো সেই অন্ধকাব, তাতে সবাই ডুবে আছে যেন; কেউ-যে কিছু বলছে না তাও কেউ জানে না।

একবার একটা মোড় নেবার পর রাজেনবাবু বললেন, ‘খুব বৃষ্টি হচ্ছে।’

কথাটা পড়লো যেন বালিশের উপর কাচের টুকরো; কোনো রেশ তুললো না।

একটু পরে রাজেনবাবুই আবার বললেন, ‘কিন্তু গরম কী—!’

ঐ ‘গরম’ কথাটায় স্বাতী যেন জেগে উঠলো। সত্যি—! কত ইচ্ছার বৃষ্টি, কত আশার আঘাত—; আর তার প্রথম ঝাপটা কিনা বাজে-খরচ হ’য়ে গেলো এই বন্ধগাড়িতে ব’সে। রওনা হবার পরে এই যেন প্রথম বুঝলো সে কোথায় আছে, কোথায়

যাচ্ছে, কোথেকে এলো। একটু নড়লো, হাত বাড়িয়ে কাচ নামালো, আর সঙ্গে-সঙ্গে ধাক্কা লাগলো বর্ষার; কানে ঝমঝম গান, গায়ে ঠাণ্ডাভিজ়ে হাত—না, হাত না, কোনো হাত অত নরম হয় না। স্বাতী ঝুঁকলো বাইরের দিকে, আর বর্ষার আস্ত একটা জগৎ তার দিকে ছুটে এলো; কলকাতার বৃষ্টিরাতের কালো, চিকচিকে আলো-পিছল রাস্তা, গাছগুলির আরো-কালো, ফুটপাতে ছায়ার নাচ, আব মুখে, শবীরে, মনে এই মাটির ঠাণ্ডা, জলের ঝাপটা—আঃ!

‘আঃ!’ ভিতর থেকে শাশ্বতীৰ গলা উঠলো। ‘কবছিস কী—শাড়িটা ভিজ়ে গেলো!’

আবাব কাচ তুলে দিতে-দিতে স্বাতী বললো, ‘বেশ লাগছিলো।’

‘যত অদ্ভুত তোর—!’ কথা শেষ না-ক’বে শাশ্বতী হাত দিয়ে টান করতে লাগলো হাঁটুর কাছে তার ইঁট-বঙেব জর্জেট।

‘একটু নামিয়ে রাখলে কিন্তু মন্দ হয় না।’ বাজেনবাবু চেষ্টা করলেন তাঁর দিকেব কাচটা নামাতে, কিন্তু হাতলটা হয় খুঁজে পেলেন না, নয় ঘোরাতে পাবলেন না।

‘আমি দেবো, বাবা, নামিয়ে?’ স্বাতী ঝুঁকে পড়লো ওদিকে, শাশ্বতীৰ হাঁটুর উপর দিয়ে হাত বাড়ালো, আর শাশ্বতী সরু গলায় চেঁচিয়ে উঠলো, ‘এই!’

‘কী হ’লো?’ বিজন, ড্রাইভবেব পাশে, মুখ ফেরালো।

‘পাড়টা মাড়িয়ে দিলি বোধহয়,’ বললো শাশ্বতী, বলতে-বলতে নিচু হ’য়ে দু-আঙুলে খুঁটে দেখতে লাগলো।

‘এক শাড়ি দিয়ে সমস্তটা গাড়ি ভ’রে রেখেছো। কিছু করা যাবে না।’ কিছু করবার চেষ্টা ছেড়ে দিলো স্বাতী, বসলো আবার ঠিকমতো।

‘হয়েছে কী?’ বিজন জানতে চাইলো।

রাজেনবাবু জবাব দিলেন, ‘কিছু না।’

একটু পরে, যেন কিছু বলবার জগ্গই, যেন শাড়ি নিয়ে একটু-যে বাড়াবাড়ি হ’য়ে গেছে, সেইটে চাপা দেবার জগ্গই শাস্বতী বললো, ‘এটা কোন রাস্তা রে, বিজু?’

‘আমিরালি এভিনিউ,’ শাস্বতী সঙ্গে-সঙ্গে জবাব পেলো। তারপর মুখ না-ফিরিয়ে, চোখ না-ফিবিয়া গড়গড় আউড়িয়ে গেলো কলকাতার ভৌগোলিক, ‘এখনো আমিরালি এভিনিউ, বাঁয়েরটা ব্রাইট স্ট্রিট...এ ডাইনে রইলো স্টোব রোড...এই ওল্ড বালিগঞ্জ রোড আবস্ত হ’লো।’

এর পরে শাস্বতী যে-কথা বললো, আগেরটার সঙ্গে তার কোনোই যোগ নেই। ‘সত্যি ক’রে বল তো, স্বাতী, কেমন লাগলো তোর আজ?’

‘সত্যি ক’রে মানে?’

‘মানে—তোর তো কিছুই ভালো লাগে না—’

‘তা নয়—তুমি বলতে চাচ্ছে যে আসলে আমার ভালো লাগে কিন্তু মুখে বলি, না। কিন্তু না, ও-রকম আমি বলি না কখনো। তাছাড়া ভালোও আমার লাগে—সবই—প্রায় সবই।’

‘নতুন একটা খবর পেলাম আজ,’ শাস্বতী ঠাট্টার চেষ্টা করলো। ‘তাহ’লে ধ’রে নিতে পারি যে আজ তোর ভালোই লেগেছে?’

‘আপাতত খুব বেশি ভালো লাগবে, যদি তুমি আপত্তি না করো
ঐ কাচটা একটু, একটুখানি নামালো।’

এবার সহজেই শাস্ত্রী রাজি হ’লো বোনের মরজিতে, কিন্তু
যতটা সম্ভব বাবার দিকে ঘেঁষে বসলো; আর স্বাতীও কাচ নামালো
সবটা না—মাত্র নাক পর্যন্ত। শাড়ি-টাড়ি বাঁচলো, আর স্বাতীও
বাঁচলো বুকে একটু ঠাণ্ডা হাওয়া আর মুখে একটু জলছিটে
নিতে পেরে।

‘শশাঙ্ক দাশ দেখতে তো বেশ!’ শাস্ত্রী এমনভাবে কথাটা
বললো যেন অনেকগুণ ধ’রেই এইটে ভাবছে।

‘বলিনি আমি তোমাকে!’ দ্রুত ঘাড় ফেরালো বিজন। ‘আগে
যা ছিলো!—এখন একটু মোটা হ’য়ে তত স্মার্ট আর নেই।’

‘অনেক অ্যাক্টরের চেয়েই ভালো,’ শাস্ত্রীর মন্তব্য ঠিক যেন
বিজনকে লক্ষ্য করলো না। ‘ফিল্মে কেন নামেন না জানি না।’

‘চেহারা আর গান হ’লেই তো, হ’লো না,’ বিজ্ঞ, অভিজ্ঞ,
বিশেষজ্ঞভাবে, আর একটুখানি তাচ্ছিল্যেরও সুরে বিজন সমস্যার
সমাধান করলো, ‘অ্যাক্ট করতেও পারা চাই তো!’

‘গান কিন্তু ফিল্মে যা শুনেছি তার চেয়েও ভালো।’ শাস্ত্রী
একটু থামলো, তারপর সোজাসুজিই লক্ষ্যে তাক করলো,
‘না রে, স্বাতী?’

স্বাতী ব’সে ছিলো সামনে এগিয়ে, নামানো কাচের ধারটুকুতে
প্রায় নাক ঠেকিয়ে, তেমনি ব’সেই জবাব দিলো, ‘“কিন্তু” মানে?’

‘তুই আজ বড় মানে জিগেস করছিস, স্বাতী!’ শাস্ত্রী
হাসলো, বিরক্ত হ’লে মানুষ যেমন হাসে। আরো কিছু বলবার

সময় দিলো স্বাতীকে, তারপর একটু চড়া গলায়, একটু বেশি জোর দিয়ে বললো, ‘আমার-তো চমৎকার লাগলো !’

কিন্তু স্বাতী এতেও সাড়া দিলো না।

‘গড়িয়াহাট-রাসবিহারী মোড় !’ বাস্-কণ্ঠের মতো মোটা গলায় ঘোষণা করলো বিজন। ‘তুমি এক্ষুনি পৌঁছে যাবে, ছোড়দি !’

এতক্ষণে বাইরে তাকাতে ইচ্ছে করলো শাস্বতীর। পুরোনো বালিগঞ্জের থমথমে বড়োমানষি অঙ্ককারের পরে ভালো লাগলো আলো, দোকান, এখানে-ওখানে রুষ্টিতে আটকে-থাকা ভিড়। নিজের এলাকায় ফিরে আরাম পেলো, সহজে নিশ্বাস নিলো ; গাড়ি ডাইনে ফেরার পবে রাসবিহারী এভিনিউর এই অংশটুকুর অন্তরঙ্গতা—যাতে আর কারো অংশ নেই এখানে—নিঃশব্দে উপভোগ করলো, তারপর স্বাতীকে আর আলাপে টানবার চেষ্টা না-ক’রে তার অন্ত পাশের মানুষটির দিকে ফিরলো।—‘বাবা, তোমার কেমন লাগলো গান ?’

‘ভালো—’ যেন যথেষ্ট বলা হ’লো না, রাজেনবাবু আবার বললেন, ‘ভালো।’

বাবার কাছে শাস্বতী এর বেশি আশা কবেনি ; তাই দ’মে গেলো না, বরং উৎসাহ চড়িয়ে বললো, ‘কী-সুন্দর গান, সত্যি ! ভাগ্যিশ মজুমদারের সঙ্গে চেনা হয়েছিলো আমাদের, তাই-তো শুনতে পেলাম !’

বিজনের পিঠটাতেই একটা জাঁকালো ভঙ্গি হ’লো, আর অঙ্ককারেও তা বোঝা গেলো।

রাজেনবাবু ভাবলেন ড্রাইভর শুনলো নাকি কথাটা, আর শুনে

খাকলে ভাবছে কী ? কিন্তু শাস্ত্রতীকে অবহিত ক’রে দিতে হ’লে যতটা দরকার, ততটা গলা নামাতে রাজেনবাবু পারেন না—কোনো পুরুষই পারে না বোধহয়—তাই কথাটা ঘোরাবার চেষ্টা করলেন হারীত এলো না কেন জিগেস ক’রে ।

‘ও এ-সব গান ভালোবাসে না !’ দ্রুত, নিশ্চিত্ত জবাব দিলো শাস্ত্রী । যেন নিজের সঙ্গে স্বামীর এই কচিভেদে সে একটুও বিমর্ষ না, বরং খুশি ।

‘আজকাল বুঝি স্বামীকে “ও” বলে মেয়েরা ?’ রাজেনবাবুর মুহূ প্রশ্ন ।

‘স্বামীরাও তা-ই বলে যে !’ অর্ধেক প্রশ্নেব সুর শাস্ত্রীর উক্তিভেদে ।

‘আমাদের সময় স্বামীরাও “উনি” বলতেন ।’

‘ও একটা বললেই হ’লো,’ শাস্ত্রী চাপা দিলো কথাটা, কিন্তু একটু পরে আবার বললো, ‘আজকালকার মেয়েদের আর তুমি কী জানো—আর আমিই বা কী জানি ।’

কথাটা সে বললো উর্মিলার কথা ভেবে । কী-একটা অদ্ভুত খোঁপা করেছিলো, কী-অদ্ভুত সাজ, কী কটকটে রং ঠোঁটের, আর গানের পরে যতক্ষণ তারা ছিলো, ততক্ষণের মধ্যে একবার থামলো না তার চরকি-কথার তুর্কিনাচ ! বাবা নিশ্চয়ই অনুমোদন কববেন না, তাই তাঁর সঙ্গে ওর কথা বলতে চেয়েছিলো সে, কিন্তু তার গভীর মন্তব্যটি রাজেনবাবু কোনোই প্রত্যুক্তি জাগালো না, আর, সময়ও আর হ’লো না, শাস্ত্রী পৌঁছে গেলো ।

বাইরে হাত বাড়িয়ে বিজন বললো, ‘যাক, বৃষ্টিটা ধরেছে ।’

শাস্ত্রী এখন অনেকটা পারে, কিন্তু এতগুলি ফ্ল্যাটের মধ্যে তেতলা পর্যন্ত সিঁড়ি রাক্তিরে একলা তার খারাপ লাগে এখনো ; বিজনকে সঙ্গে নিলো ।

স্বাতী এতক্ষণ চুপ ক'রে ছিলো বাইরে তাকিয়ে, ছোড়দির নামার সময়ও কিছু বলেনি, কিন্তু গাড়িটা একেবারে একটা ল্যাম্পপোস্ট ঘেঁষে দাঁড়িয়েছে ব'লে সে স'রে এলো ভিতরের অন্ধকারে, আর চোখ ফিরিয়েই বাবাকে দেখতে পেয়ে এমন খুশি হ'লো যেন সে আশাই করেনি বাবাকে এখানে দেখতে । আরো একটু কাছে স'রে নিচু গলায় বললো, 'আমি কিন্তু ভাবিনি বাবা, যে তুমি সত্যি-সত্যি ওখানে যাবে ।'

'কেন আমার কি কখনো কোথাও যেতে নেই ?'

'অন্য কোথাও হ'লে—' ড্রাইভরের ঘাড়ে চোখ রেখে স্বাতী চুপ করলো ।

'আমিও—তোব কথা—ঠিক ঐ-রকমই ভেবেছিলাম,' বললেন রাজেনবাবু ।

স্বাতীর মুখ তক্ষুনি ফিবে গেলো বাবার দিকে—আবার তক্ষুনি নিচু হ'লো । বাবা তাহ'লে বোঝেন—কতটা বোঝেন ? তার মনের এ-ছ'দিনেব, এ-ক'দিনের উথালপাথাল বাবা কি জেনেছেন, বুঝেছেন, কিছু না-ব'লে, না-শুনে, শুধু তার মুখ দেখে ?...অস্বস্তি হ'লো স্বাতীর, আর সেই সঙ্গে আশ্বস্তও হ'লো সে : জীবনের যে-জটিলতা তার কাছে একেবারে নতুন, আর সেই জ্ঞান ছরন্ত ভয়-দেখানো, তার চেয়ে, হঠাৎ বুঝলো, তার চেয়েও ব্যাপ্ত তার প্রথম-চেনা পুরোনো সব সরলতা ।

নিজের দিকের কাচটা—এতক্ষণে ঠিক ঠাওরাতে পেরে—
রাজেনবাবু নামিয়ে দিলেন আন্তে-আন্তে। ছোট্ট বন্ধ জায়গাটুকুর
মধ্যে বর্ষারাতের ঝিরিঝিরি দিলো।

‘রুষ্টি হ’য়ে বাঁচালো!’ রাজেনবাবু নিশ্বাস নিলেন।

স্বাতী মুখ তুলে বললো, ‘কতকাল পর আমাদের সঙ্গে তুমি
কোথাও গেলে, বাবা!’

‘শাস্বতী এমন ক’রে বলতে লাগলো—’ রাজেনবাবু তাঁর এই
নিয়ম-ভাঙা ব্যবহারের একটা জবাবদিহির চেষ্টা করলেন।

‘আমি তোমাকে ইচ্ছে ক’রেই বলিনি,’ স্বাতীর এই উদ্ভরটাও
যেন জবাবদিহি।

‘আমি কিন্তু তোর জন্মই এলাম।’

‘আমার জন্ম?—কেন?—’

‘আমার মনে হ’লো—সেটাই ভালো মনে হ’লো।’

এ-কথাটা আগেরটার চেয়েও ধাক্কা দিলো স্বাতীর মনে।
মুহূর্তের জন্ম চিরচেনা বাবার অন্ত-এক ‘চেহারা দেখতে পেলো সে ;
সহজ, জল-সহজ বাবা, কোনোদিন কিছু মধ্য নেই, সব
সময় সবটাতেই রাজি ; সেই বাবাও কি তবে গভীর, জলের মতোই
গভীর, শ্রোতের মতোই বাঁকা ; চোখ-ঠকানো, অজানা ? এবার
তার অস্বস্তিটা বেশি হ’লো, বাবা যেন আড়ি পেতেছেন তার মনে ;
যেন বাবাকে সে তার যত কাছের, আর যে-রকম কাছের মানুষ
ব’লে জানে, তিনি তার চেয়েও তার কাছে, অল্প রকম কাছে, যেন
তার মনে-মনে ভাবনাতেও তার স্বাধীনতা নেই।

বিজন ফিরে এলো, ভিতরে জায়গা হওয়া সঙ্গেও ড্রাইভরের

পাশেই বসলো আবার, স্বাতী স'রে এলো বাবার পাশ থেকে জানলার ধারে।...সত্যি সে চায়নি যে বাবা ওখানে যান। কেননা, প্রথমত, তার মতে, বাবার যথোচিত নিমন্ত্রণ হয়নি; যদি হ'তোও—
 দ্বিতীয়ত—তবু না-যাওয়াটাই বাবাকে ঠিক মানাতো; আর
 তৃতীয়ত—আর এটাই আসল—বাবা কাছাকাছি থাকলে নিজেকে একটু ছেলেমানুষ তো লাগেই। একটুও ছেলেমানুষ হ'তে আজ সন্ধ্যায় সে চায়নি; চেয়েছে সম্পূর্ণ স্বাধীনতা, যাতে কোনো সময়ে কোনো-একটা কৌশলে ক-মিনিটের জন্য উর্মিলাকে সে একা ধরতে পারে...তারপর ফিরতে পারে নিশ্চিত হ'য়ে।
 যে-কথাগুলি মনে-মনে সে তৈরি করেছে তা বলতে হ'লে সত্যিকার চেয়েও বড়ো হ'তে হবে তাকে—যেমন সত্যিকার চেয়ে বড়ো ক'রে ছবি অঁকে মানুষের, কিংবা যেমন সিনেমায় প্রকাণ্ড ক'রে দেখায়।
 আঠারো বছরের ঘরে-থাকা বই-পড়া বাঙালি মেয়ে হ'লে চলবে না, নিজেকে ছাড়াতে হবে, হ'তে হবে বইয়ের কোনো বানানো মেয়ের মতো, যেমন, ধরো, পোর্শিয়া...কিন্তু পোর্শিয়ার বাবা যদি সেখানে ব'সে থাকতেন, তাহ'লে সে পারতো নাকি অ্যান্টনিওকে জিতিয়ে দিতে? বাবার পাশে ব'সে ট্যান্সিতে যেতে-যেতে সারা পথ স্বাতী এ-ই ভাবলো যে যে-কাজে যাচ্ছে সেটা মস্ত, আর সে ছোটো, এমনিতেই ছোটো, আরো ছোটো বাবা সঙ্গে ব'লে। প্রতিকূলতার পুরো হিশেব নিলো মনে-মনে : অচেনা বাড়ি, অচেনা লোকজন, নিমন্ত্রিত হবার অনুবিধে;—
 আর শুধু কি তা-ই? বিষয়টা বিশ্রী, উর্মিলা বিশ্রী;—ঐ বিশ্রীটাকে ঠেকাতে গেলেও তো হাতে ছুঁতে হবে, ঐ কথাগুলি।

মুখে আনলেই একটু নোংবা সে নিজেই কি হ'য়ে যাবে না ? আব, যে তাব কেউ নয়, তাকে মুখের উপর অপ্রিয় কিছু বলা—এ-ও কি কম কথা ? কোনোদিন তো বলেনি, কেন বলতে হচ্ছে .. বলতে হয় ? যে যাব মনে থাকলেই-তো পাবে পৃথিবীতে, তাহ'লেই-তো সুখী হ'তে পাবে সকলেই , কেন একজন অগ্ন্যজনে হুঃখ দিতে গিয়ে হুঃখ পায নিজেই ?

হুঃখ ? কথাটা খট ক'বে বি'ধলো স্বাতীৰ কানে, মনের কোণে । ভালো না কথাটা, ওতে আবো দুর্বল কবে । তাব একটা আবছা-আবছা ধাবণা হ'লো যে সংসাবে এত বকম লোক আছে, আব তাবা এত বকম মংলবে ঘূবে বেডায় যে হুঃখ যদি সবশেষেব বেশিদামেব না হয়, তাহ'লে বেঁচে থাকাই শক্ত । বেঁচে থাকতে হ'লে—মানে, ঠিকমতো, নিজেব ইচ্ছেমতো বেঁচে থাকতে হ'লে এ-কথাই ভাবতে হবে, মেনে নিতে হবে, বিশ্বাস কবতে হবে যে আমাকে কেউ হুঃখ দিতে পাবে না । আমি আমাব নিজেব মনে যত ইচ্ছে মন-থাবাপ কবতে পাৰি , কিন্তু অগ্ন্য কেউ আমাকে একটুও নডাবে . কেন যেখানে আছি সেখান থেকে ? ছেলেবেলা থেকে তাব খুব-চেনা যে-মন-থাবাপ, সেটা, স্বাতী এতদিনে বুঝেছিলো, সেটা হুঃখ না । হুঃখ বাইবে থেকে আসে, আব মন-থাবাপটা নিজেব মধ্যে জন্মায়—আব নিজেব সবই তো আমবা ভালোবাসি ? তাছাড়া, মন-থাবাপেবও সুখ আছে, ওটা যেন সুখেবই ছড়িয়ে-পড়া চেহাৰা ; সুখ জ্বলজ্বলে বং, সূৰ্যাস্তের আকাশেব মতো, এখানে লাল, ওখানে সোনালি, আবো দূবে হলদে, কিন্তু মাঝে-মাঝে ফাঁক, অনেকটাই ফাঁকা ; তারপর

ও-সব যখন মুছে যায় আর সমস্তটা আকাশ জুড়ে কেবল একটা ছায়াবৎ, ছাইবৎ, না-বৎ থাকে, মন-খারাপও সমস্ত মন ভ'রে সেইরকম।...আর হুঃখ ? যাতে গলা শুকোয়, কথা ফোটে না, ভয় করে ? না, হুঃখ না, হুঃখ কিছুতেই না।

একটি হাতের একটুখানি মুছ ভঙ্গিতে স্বাতী যেন জানা, অজানা আর না-জন্মানো সমস্ত হুঃখকে ঠেলে ফেলে দিয়েছিলো চলতি ট্যাক্সি থেকে রাস্তায়। হালকা করেছিলো মন—এ তো কিছুই না, কোনো নিমন্ত্রণে যাবো না বলাব মতো, কি কেউ যদি আমাকে অণু-কেউ ভেবে কথা বলে, তার ভুল শুধবে দেবাব মতো। আবার তার যত্নে বানানো বক্তৃতাটি আউড়ে নিলো মনে-মনে ; বইয়ের শেষ প্রুফ পড়ার সময় লেখকের মতো প্রত্যেকটি কথা শেষবার ভাবলো, এখানে একটা সরালো, ওখানে একটু বসালো, কমা-টমাগুলির কড়া পরীক্ষা নিলো, বাধ্য হ'লো মানতে যে যতটা সে পারে, ততটাই এটা ভালো, এর চেয়ে পারে না—এখন পারে না ;—আব ট্যাক্সি থেকে নামলো হালকা, নিশ্চিত, তৈরি, আর ছাপা হ'য়ে না-বেরোনো পর্যন্ত লেখক যেমন থাকে, তেমনি একটু, একটু উদ্বিগ্ন।

বেরোতে দেরি হয়েছিলো, নির্দিষ্ট সময় পাব ক'বে দিয়েছিলো বাড়িতেই। শাস্ততীর তাড়া, আব বিজুর ছটফটানিতে রাজেন-বাবু জল ছিটিয়েছিলেন এই ব'লে যে গান-বাজনাব ব্যাপারে দেরিটাই নিয়ম। কিন্তু তিনি পুর্বোনো মানুষ—এ-যুগের কথা কী জানেন, আর তার অন্ততম প্রতিনিধি শশাঙ্ক দাশের কথা তো কিছুই না। এখনকার গাইয়ে-বাজিয়ে মহলের 'ভিতরকার'

খবর যারা বাখে—ততটা ভিতবে বিজুও ঢুকতে পাবেনি এখনো—
 তারা সকলেই জানে যে অগ্ন্যাগ্নবা যেমনই হোক শশাঙ্ক দাশ
 কোথাও গাইবে বললে কাঁটায়-কাঁটায় যায়, আব গিয়েই দেরি-
 হওয়াদেব কাবো জন্মই অপেক্ষা না-ক'বে, এমনকি গল্পগুজবও
 এড়িয়ে, পাবলে তক্ষুনি আবস্ত ক'বে দেয় গান। কম কথাব মানুষ
 ব'লে নাম—বদনাম—আছে তাব। ভক্তবা পছন্দ কবে না তাব
 অঁটোমুখ স্বভাব, বলে লোকটা মিশুক হ'লে তাব পশাব
 জমতো আবো, আবাব কেউ বলে ওটা তাব ব্যবসাব চাল, ঐ
 গম্ভীর হাস্যভা ভাবটাব জন্মই তাব বোজগাবে নাকি শূন্য বেড়ে
 যায় ডান দিকে।

আব তাই, স্বাতীবা যখন পৌঁছলো, তখন তানপুৰোয় সুর
 দিয়েছেন শশাঙ্ক। মামা-ভাগনিব অভ্যর্থনা খর্ব হ'লো, ব'সে
 পড়তে হ'লো আসবেব ভিডেব মধ্যে—হ্যাঁ, বীতিমতো ভিড,
 আব ঘবটাও প্রকাণ্ড, যদিও মজুমদাব অগ্ন্যবকম বলেছিলো—
 কিংবা সেইজন্মই বলেছিলো বোধহয়। কিন্তু মজুমদাবেব
 বর্ণনাব সঙ্গে বাস্তবেব বৈষম্য ভালো ক'বে লক্ষ্য কবাব স্বাতীব সময়
 হ'লো না : নতুন জায়গা, চাবদিকে নতুন মুখ, দেয়ালে সোনালি
 ফ্রেমে শস্তা বিলিতি ছাপা ছবি, দবজাধাবে জুতোজঙ্গল, সাবামুখে
 হাসি-চোওয়ানো মজুমদাব, উর্মিলাব বুক-দেখানো পোশাক—
 এই সব স্মৃতিস্ক বস্তব তানপুৰোব গুঞ্জে চাপা পড়লো। 'তোমাদেব
 দেবি হ'লো—আমবা ভাবছিলাম—বাক, ঠিক সময়েই এসেছো—
 এইমাত্রই আবস্ত হ'লো—' তাব পাশে বসা উর্মিলাব এই
 কথাগুলি সে যেন কানেই নিতে পাবলো না, আব এব পবে—'উনি

আজ যা গাইবেন, সব একেবারে নতুন গান, ওঁর নিজের সুর—
নিজের বানানো—’ এই আলোর রেখাটিও মুছে গেলো তানপুরোর
ঝমঝম কুয়াশায়। আর এর পর অবশ্য খানিকক্ষণ—কতক্ষণ?—
আর কিছুই ছিলো না কোনোখানে, গান ছাড়া আর-কিছুই
ছিলো না।

মজুমদার তার জায়গা থেকে মাঝে-মাঝে দেখছিলো স্বাতীকে,
চোখাচোখিরও চেষ্টা করছিলো, কিন্তু স্বাতীর চোখ বোজা, শরীর
স্থির;—একেবারে স্থিরও না, কোমরের উপর থেকে একটু,
একটু ছলছিলো অল্প হাওয়ায় কাঁচা বাঁশের ঝাড়ের মতো—আর
তার একটু-ফাঁক-হওয়া চোঁট ছুটিতে আর যেন ভাষার চেতনা
নেই। আসনপিঁড়ি ত’য়ে বসেছে, হাত দুটি কোলের উপর জড়ো
করা, তুলে-ধরা সম্পূর্ণ মুখটি যে-কোনো ইচ্ছুক চোখের তলায়
খোলা। অদ্ভুত একটা সৌন্দর্য মজুমদার লক্ষ্য করলো সেই মুখে—
অদ্ভুত, আর নতুন, আগে ছাথেনি—কোনো ছবির মতো,
প্রতিমার মতো, ধূপের ধোঁয়ায় আবছা-দেখা প্রতিমার মুখ,
কোনো দূর, উদাসীন, কারো-কোনো-কাজে-না-লাগা সৌন্দর্য,
আর তাতে—মজুমদার অনুভব করলো যদিও অনুভূতিকে ভাষা
দিতে পারলো না—তাতে যে-কৌমাৰ্য আঁকা আছে তা যেন
কোনোদিন নষ্ট হবে না। মজুমদারের ঠিক ভালো লাগলো না,
যেন ধাঁধায় পড়লো, ব্যবসার কোনো হাত-সাফাইতে ঠ’কে যাবার
মতো ভাব হ’লো হঠাৎ।

পুরীতে, ঘিঞ্জি শহরের অলিগলির ভিতর দিয়ে অনেকক্ষণ
ধ’রে হেঁটে-হেঁটে, সমুদ্র ভুলে গিয়ে, কোনো-এক অচেনা পাড়ায়.

হঠাৎ এক অচেনা মোড় নিতেই সামনে যখন সমুদ্র খুলে যায়, তখন যেমন লাগে, তেমনি লেগেছিলো স্বাতীর—মানে ভাববার শক্তি যদি তার থাকতো, তাহ'লে বুঝতো তার এখনকার অবস্থাটা সেইরকম। এসেছিলো পোশিয়া সেজে তর্ক করতে, যুক্তি দিতে, মামলা জেতার ফন্দি নিয়ে ; আর আসামাত্র কোথায় সে পড়লো ? প্রথমে ছেলেবেলার জগতে ;—স্বাধীন, সহজ, অবোধ ছেলেবেলায়—মনে পড়ায় ভ'রে গেলো মন : যতীন দাস রোডের বাড়ি, মা, মেজদি-সেজদির বিয়ে, আর শুভ্র—শুভ্রকেও মনে পড়লো। কিন্তু কিছুতেই কোনো আবেগ আর নেই, দুঃখ না, রাগ না, সুখ না, শুধু স্তব্ধতা ; যা-কিছু এখন আর নেই, আর নেই ব'লে কখনো ফুরোবে না, সে-সবের স্তব্ধতা। তারপব, আরো গভীর, আরো জটিল সুর যখন উঠলো, মনে-পড়ার সেই জাছু-করা জগৎ মিলিয়ে গেলো, তখন, পটে-আঁকা ছবিব শাস্ত সীমানার বদলে এবাব দিগন্ত, শূণ্য, আকাশ, সেই-সব অসম্ভব উঁচু-উঁচু আকাশ, সব সমান্তরাল বেখা যেখানে মেলে, আর যেখানে প্রত্যেকটি ইচ্ছা সেই ইচ্ছারই পূর্ণতা।

এখনো ঝাপসা হ'য়ে আছে স্বাতীর মন। কী-গান, কেমন গান, রাগিণীর নাম কী, কেউ জিগেস কবলে কিছুই বলতে পারবে না। হঠাৎ তাকিয়ে বড্ড কড়া লেগেছিলো আলো, আর সকলেই যেন বড্ড চড়া গলায় কথা বলছে। শশাঙ্ক দাশ চওড়া বুক দিয়ে আরো-একটি গানের পিড়াপিড়ি ঠেকিয়ে দিলেন ; আর তিনি উঠতেই সকলে উঠে দাঁড়ালো সঙ্গে-সঙ্গে—সভা ভাঙলো—কিচির-কিচির কথা, জুতো খোঁজাখুঁজি, দরজায়

ঠেলাঠেলি—স্বাতী তাকালো ছোড়দিব জন্তু, আব তাকিয়েই পাশে দেখলো বাবাকে ।

বাবা কথা বললেন, ‘চল আমবাও—’

‘না, না, আপনাবা এখন যাবেন না,’ স্বাতীৰ ঠিক পিছন থেকে উর্মিলা বাজেনবাবুব কথা কেটে দিলো । তাবপব স্বাতীৰ পাশে এসে বললো, ‘একটু দেবি কবো ভাই—লোকজন চ’লে যাক—এই প্রথম এলে আমাদেব বাড়ি, বসবে তো একটু—ঐ মিসেস ঘোষ যাচ্ছেন—একটু কথা ব’লে আসি, নযতো আবাব—কী-যে মুশকিল এত লোকেব মধ্যে সকলেব সঙ্গে কথা বলা ।’

এত বড়ো মুশকিলেব মধ্যে যতটা সম্ভব উর্মিলা স্বাতীৰ কাছাকাছি থেকে তাকে আপ্যায়ন কবলো, পাহাবা দিলো, আব ভিড ভাঙাব পব উপবে নিয়ে গেলো তাদেব । মস্ত বাবান্দায় বেস্তোৰ’-মতো ছোটো-ছোটো টেবিল ঘিবে চেযাব, খাবাব-সাজানো থালা, চা, কফি, আইসক্রীম, যাব যেটা পছন্দ—বাছা-বাছা ক-জন বন্ধু, আব হযতো বাড়িব লোক, আব অবশ্য এত লোক জড়ো হবাব যিনি কাবণ—উর্মিলা তাকে হাতে ধ’বে-ধ’বে আলাপ কবিযে দিলো সকলেব সঙ্গে, সকলেব আগে শশাঙ্ক দাশেব সঙ্গে—অন্যদেব ভাব নিলো মজুমদার—নিজেব বন্ধু ব’লে, আব অসাধাবণ একজন মেযে ব’লে, তাব পৰিচয় দিলো সকলেব কাছে । কিন্তু উর্মিলাব বৰ্ণনাব কোনো প্রমাণই স্বাতী দিতে পাবলো না—যদি-না কাবো সঙ্গে কোনো কথা না-বলাটাই অসাধাবণ হয়—কথা বললো না ব’লে বুঝলোও না ; কখন বেবোবে এখন থেকে এ ছাড়া আব কথা নেই তাব মনে, কখন মন দিয়ে

শুনতে পাবে যে-গান এখনো তার কানে লেগে আছে। একবার উর্মিলাকে বলতে শুনলো :

‘তুমি খাচ্ছোও না, কথাও বলছো না ; হয়েছে কী ?’

স্বাতী একটু হাসলো, আর তক্ষুনি ছুতো বানালো, ‘মাথা ধরেছে।’ কথাটা শুনতে পেলো মজুমদার।—‘মাথা ধরেছে ? খুব ?’—চেয়ার ছেড়ে উঠে এলো ব্যস্ত হ’য়ে।

‘না, তেমন না—’ আবার হাসতে হ’লো।

‘অ্যাম্পিট্রিন দেবো ?’

উর্মিলা বললো, ‘আমাব ঘরে চলো, অ্যাম্পিট্রিন খেয়ে একটু শুয়ে থাকবে।’

স্বাতীকে চমৎকাব সুর্যোগ দিয়েছিলো উর্মিলা। কিন্তু স্বাতী উঠলো না, বাড়ি যাবার অনুমতি চাইলো।

ভাগ্যিশ বাবা সঙ্গে ছিলেন, তার উপর মেঘ ক’রে ফোঁটা-ফোঁটা বৃষ্টিও শুরু হ’লো, তাই উঠতে পারলো তাড়াতাড়ি। আর, গলি থেকে বড়ো রাস্তায় যেই এলো, অমনি বৃষ্টি বাড়লো স্বাতীর মনের সুরে ঠিক-ঠিক সুর মিলিয়ে। তারও বেশি ; বন্ধ গাড়িতে নিঃশব্দ বৃষ্টি এমন মিশে গেলো তার মনের মধ্যে যে যতক্ষণ-না বাবা বিষয়টা উল্লেখ করেছিলেন, ততক্ষণ বৃষ্টিটাকে বাইরের একটা ঘটনা ব’লে সে যেন বুঝতেই পারেনি। কিন্তু বৃষ্টিই শুধু নয় ; একটু-নামানো কাচের ফাঁক দিয়ে বৃষ্টিটাকে শরীরে নিতে-নিতে আরো বুঝলো, অনেক ; মনে পড়লো এটা মজুমদারের গাড়ি, মনে পড়লো—এতক্ষণে—তাব উদ্দেশ্য, প্রস্তুতি, প্রতিজ্ঞা, আব প্রতিজ্ঞার ব্যর্থতা।

বার-বার ক’রে লেখা, বার-বার গুফ পড়া, সবই হ’লো ; বই

ঘেরোলো না। কিন্তু স্বাতীর মনে হ'লো—লেখকদের সাধারণত
 যা মনে হয় না—মনে হ'লো, তাতে কী? আজকের জন্ম যা সে
 চেয়েছিলো, তা পেয়েছে; বড়ো হয়েছে, যত বড়ো সে ভাবতে
 পারেনি; স্বাধীন হয়েছে—মনের কথা মুখে বলতে পারার মতো
 নিশ্চয়ই, এমনকি, না-বলতে পারারও মতো স্বাধীন। কিছু
 বলতে হওয়াটা একরকম বাধ্যতা, প্রতিবাদ মানেই তো সেটা
 প্রতিবাদের যোগ্য?—কিন্তু প্রতিবাদ কিসের? ভালোই-তো,
 মজুমদার, উর্মিলা, এরা তো ভালোই; তার এই বেড়ে-ওঠার
 চূড়া থেকে এদের ভালো বলার বাধা নেই আর; এখন, এখন
 থেকে, এরা কিছু না, কিছুই না, কিছু এসে যায় না। তার গাড়ি
 হুইসল দিলো, আর এরা রইলো স্টেশনে প'ড়ে—এর মধ্যেই
 কত ছোটো—আর সেই আকাশভরা-গান-জাগানো রেলগাড়িতে
 ব'সে-ব'সে তার কষ্টে-বানানো যত্নে-সাজানো কথাগুলি তুচ্ছ হ'য়ে
 গেলো সেই-সব ফোঁটা-ফোঁটা স্টেশনগুলির মতো, গাড়ি যেখানে
 দাঁড়ায় না, অথচ গাড়ির চ'লে যাওয়ার জন্ম যাদের তৈরি
 থাকতে হয়।—রাত্রে, ঘুমিয়ে পড়ার আগে, কয়েকবারই তার
 মনে পড়লো মজুমদারকে, উর্মিলাকে, বোজা চোখে দেখলো
 তাদের মুখের আশা, ইচ্ছা, উৎসাহ: একটু কষ্ট হ'লো ছ-জনেরই
 জন্ম।

সেই রাত্রে ঘুমোবার আগে আর-একজনেরও মনে পড়ছিলো
 মজুমদারকে, কিন্তু তার ভাবটা করুণা থেকে বহুদূর। শাস্বতীর
 শ্বুর আনন্দে কেটেছিলো সময়টা, ইচ্ছে ছিলো আরো থাকার,

কিন্তু স্বাতী যে-রকম যাই-যাই করতে লাগলো, আর বাবা-তো স্বাতীর কথাতেই ওঠেন বসেন। গানের চেয়েও বোধহয় বেশি আনন্দের হয়েছিলো গানের পরে উপরে গিয়ে বসাটা ; সুন্দর জায়গা, চমৎকার চা, জিভের উপর গ'লে-যাওয়া সন্দেশ, আর তার উপর, সবার উপর, শশাঙ্ক দাশের সঙ্গে এক টেবিলে বসার সম্মান। এই বিশেষ সম্মানটুকু শাশ্বতীকেই দিয়েছিলো মজুমদার ; নিজেও বসেছিলো সেখানে, কথা বলেছিলো এমনভাবে যাতে শাশ্বতীও যোগ দিতে পারে। সে অবশ্য বেশি কিছু বলেনি, শুনতেই ব্যস্ত ছিলো, শশাঙ্কর গম্ভীর সুন্দর মুখের গম্ভীর ভারি গলার অল্প-অল্প কথা, আর মজুমদারের জোরালো হাসির ফুটি। মজুমদারকে আজকেব মতো ভালো আর-কোনো দিন তাব লাগেনি ; আব, সবটা মিলিয়ে মনে তো পড়ে না আরোর ইচ্ছা-জাগানো এমন ভালো লাগা শিগগির কোথাও পেয়েছে। কম-তো পার্টিতে যায়নি হারীতের সঙ্গে, কতবার অগ্রণী সংঘেব নানা ব্যাপারে, নানা রেষ্টোর'য়, বড়ো-বড়ো বাড়িতে, রাজপুত্র মকরন্দর নিমন্ত্রণে ;—জমকালো, যাবার সময় উৎসাহ লাগে, কিন্তু কখনো এমন হয়নি যে যাবার আধঘণ্টা পরেই মন চায়নি চ'লে আসতে, আব তার পরেও অনেকক্ষণ—কতক্ষণ !—কোমর টাটিয়ে ব'সে থাকতে হয়েছে হারীতের কথা আর ফুরোয় না ব'লে। আজকাল তার সাহস হচ্ছে একটু-একটু—কখনো-কখনো যায়ও না, হারীতও জোর করে না তেমন, যদি-না হোমরাগোছের নতুন কেউ আসেন, তাহ'লে অবশ্য স্ত্রীকে হাজির করাই চাই— ; কিন্তু দু-জনের আনন্দের জগৎ—যদিও হারীত ও-সমস্তকে আনন্দ

বলে না, বলে কর্তব্য—আলাদা হওয়ার একটা অসুবিধে হয়েছে এই যে কোনোখানে ভালো লাগার খোরাকি পেলেও বাড়ি এসে কথা ব'লে-ব'লে সেটাকে হজম করা আর হয় না—যেহেতু আর-কোনো লোক নেই বাড়িতে—আর এইরকম সময়ে স্বাতীকে, বাবাকে, বিজুকে—বিয়ের আগের সমস্ত জীবনটাকেই—কোনোখান থেকে ফিরে তাদের যতীন দাস রোডের পাটি-পাতা আড্ডা, স্বাতীর রং-বেরং বর্ণনা, বিজুটার লাফালাফি, চুপচাপ বাবার নিচু-আওয়াজ হাসি—এ-সব তার যেমন অসহ্য মনে পড়ে, আর-কখনো তেমন না। আজ ফিরতি-পথে গাড়িতে ব'সে কোনো কথাই প্রায় হ'লো না—যদিও বলবার আর শোনবার অনেক ছিলো—ওদের সঙ্গে গেলে হ'তো, খানিকটা ব'সে, গল্প-টল্প ক'রে—কিন্তু এমনিতেই ন-টা বেজে গেছে, আর বাড়ি ফিরে স্ত্রীকে দেখতে না-পেলে কি ভালো লাগে কোনো স্বামীর?...কিন্তু এখন, অন্ধকারে শুয়ে-শুয়ে, এ নিয়েও শাস্বতীর মনস্তাপ কম না, কেননা হারীত ফিরলো তার প্রায় একঘণ্টা পরে, আর একলা ফ্ল্যাটে এই একটি ঘণ্টার প্রতিটি মিনিট দাঁত বসিয়ে গেলো তার মনের মধ্যে।

খেতে ব'সে হারীত বললো, 'তোমার কি মনে হয় হিটলার রাশিয়া আক্রমণ করবে?'

'আমি কী ক'রে বলবো?' শাস্বতী আজকাল চেষ্টা করে এ-সব বিষয়ে উৎসাহিত হ'তে, কিন্তু তখন তার কোনো কথাই মনে পড়লো না, হিটলারের গুট অভিসন্ধি জানে না ব'লে লজ্জিত হ'তে হ'লো।

‘আমি আজ বাজি রেখেছি একজনের সঙ্গে : সে বলছিলো আর তিন মাসেই যুদ্ধ শেষ হ’য়ে যাবে—যুদ্ধের নাকি কিছুই বাকি নেই ! সুখেই আছে বোকারা !’

শাশ্বতী বললো, ‘তা সুখে যতক্ষণ থেকে নিতে পারি ততক্ষণই লাভ ।’

হারীত চোখ তুললো স্ত্রীর মুখে, তার বাঁকা ঠোটে যেন ছুরির ফলা ঝিলিক দিলো, কিন্তু হঠাৎ অবিশ্বাস আর মিনতির মাঝামাঝি একটা সুর লাগলো তার গলায়। ‘সত্যি কি তোমাব মনে হয় পৃথিবী জ্বলুক পুড়ুক যা-ই হোক, তোমার তাতে কিছু না ?’

এ-কথার একটা অদ্ভুত উত্তর দিলো শাশ্বতী। ‘আচ্ছা, আমরা তো ও-বাড়িতেই থাকতে পারি ।’

‘কোন—’

‘তোমাদের—আমাদের ভবানীপুরের বাড়িতে ?’

হারীত হাঃ ক’রে হেসে উঠলো।—‘হঠাৎ আমার মা-বাবাদেরই পছন্দ করলে ?’

‘তেমন যদি বিপদের সময়ই আসে তবে-তো সকলের একসঙ্গে থাকাই ভালো। আর—তাতে খরচও বাঁচে ।’

কিন্তু দ্বিতীয় যুক্তিটাতেও হারীত কান পাতলো না।—‘আমিই টিকতে পারি না সেখানে, আর তুমি !’ হাত নেড়ে উড়িয়ে দিলো এই আজগুবি প্রস্তাব।

শাশ্বতী আবার বললো, ‘কেন, আমার তো বেশ ভালোই লাগে—’

‘বেড়াতে যেতে,’ হারীত জ্বর হ’য়ে কথা শেষ করলো।
‘কিন্তু থাকতে হ’লে! দু-দিনেই পাগল হ’য়ে যেতে—মানে,
আমাকে পাগল করতে। আমি জানি না! একজন মেয়েও কি
আছে আজকাল শাশুড়িকে যে বিষের চোখে না-ছাখে! আর
সেটাই-তো ঠিক—শাশুড়িরা এবার ফেরৎ পাচ্ছেন হাতে-
হাতে তাঁদের নিজের টাকাই!’ ইংরেজি বুকনির তর্জমা ক’রে
বিষয়টা প্রাঞ্জল করলো সে, আর বলতে-বলতে চোখ পড়লো
জ্বর থেমে-থাকা হাতের উপর।—‘তুমি কিছুই খাচ্ছে না?’

‘ওখানে খেয়েছি, আর—’ শাশ্বতী এতক্ষণে সুযোগ পেলো,
সুযোগ নিলো—‘কী-সুন্দর গান শুনলাম!’

হারীত বললো, ‘অসময়ে খাওয়ানো আর খাওয়া—এই এক
ছশিকিৎস বদভ্যাস বাঙালির! খাওয়াতে হ’লে ঠিকমতো একটা
করা উচিত—হয় চা নয় ডিনার—লোকে তাহ’লে বুঝতে পারে,
তৈরি হ’য়ে যেতে পারে!’

তবু শাশ্বতী আওড়ালো, ‘খু—ব সুন্দর গান।’ একটু থেমে
জুড়লো, ‘তুমি যদি যেতে—’

‘সিনেমার গান? তার তো রেকর্ড আছে, আর রেডিওতে
এত বাজায় সে-সব যে পথে-ঘাটে অনিবার্যভাবে যা শুনতে হয়,
তার উপর আবার—’ তার বিলেতে শেখা অন্ততম বিচ্ছে
যে-কাঁধনাড়া, হারীত কথা শেষ করলো তাইতে।

‘ঠিক তা নয়—’ শাশ্বতী আরো একবার চেষ্টা করতে গেলো,
কিন্তু হারীত উঠে পড়লো খাওয়া সেরে, রেডিওর সামনে বসলো
শত্রুপক্ষের খবর টুকতে। কিন্তু সেই সময়টিতে মনে হ’লো

যুদ্ধে-জলা ইওরোপ ভ'রে গান-বাজনাই শুধু হচ্ছে ; বিরক্ত হ'য়ে আলো নিবিয়ে গুয়ে পড়লো ।

...শাস্ত্রী একবার তাকালো তাব পাশে শোওয়া অঘোর-
যুমোনো মানুষটির দিকে । পাজামা প'রে শোয় হারীত—
এমনিতেও পরে অনেক সময়—দবজিব তৈরি লংকুথের পাজামা,
অনেকবারের পরে আবারও শাস্ত্রীর অবাক লাগলো যে ওগুলো
আরো ঢোলা কেন বানায় না । এ নিয়ে তর্ক তুলেছে সে,
তর্কে—অবশ্যই হেরেছে ।...তার মন ফিরে গেলো কাটিয়ে-আসা
সন্ধ্যায় ; সেখানে যেন সবই বড়ো মাপের ; খানিকটা ক'রে
বেশি—আর সেই বেশিটাই অভ্যাস । আবামে আছে মানুষটা—
ইচ্ছাটাকে যত ইচ্ছে বাড়তে দেয়, খরচেব একটা ছুতো পেলেই
খুশি—আর ইচ্ছাগুলিও তার বন্ধুদেব মতোই ভালো-ভালো ।...
আর সত্যি-তো, শশাঙ্ক দাশকে বন্ধু বলতে পারে যে, সে-তো
নিজেও কিছু !

তাদের সঙ্গে নামতে-নামতে মাঝসিঁড়িতে একটু দাঁড়িয়ে
মজুমদার বলেছিলো, 'মিসেস নন্দী, আশা কবি আপনাদের কষ্টই
শুধু দিলাম না ?'

'খুব ভালো লাগলো,' এব বেশি জবাব শাস্ত্রীর
জোগালো না ।

'সেটা প্রমাণ হবে আবার যদি আসেন ।'

'আবার গান হবে ?'

'শশাঙ্ককে আর কোথায় পাবো, তবে অগ্র কারো গান যদি
আপনার ভালো লাগে—আর—' শাস্ত্রীর পাশে-পাশে আস্তে

নামতে-নামতে হঠাৎ এক সিঁড়ি এগিয়ে গেলো, ঘুরে দাঁড়ালো মুখোমুখি, ‘কখনো যদি আমার এমন সৌভাগ্য হয় যে বিনা গানে শুধু আমাদের জুগুই এলেন।’

‘বেশ, তা-ই আসবো আমরা,’ শাস্ত্রী হেসে বললো।

‘অত সহজে “হ্যাঁ” বলা মানেই “না”। কিন্তু আমি আশা ছাড়বো না।’

...কথা বলতে না-পারায় হজম-না-হওয়া আনন্দ শাস্ত্রীকে জাগিয়ে রাখলো অনেকক্ষণ। বেশ হ’তো, মজুমদার যদি কোনো আত্মীয় হ’তো তাদের। হ’তে-তো পারতো—হ’তে কি পারে না? পারে না মানে?—এমন হঠাৎ কথাটা মনে লাফিয়ে উঠলো যে তার ধাক্কায় সে প্রায় উঠে বসেছিলো বিছানায়—তা-ই তো চায় প্রবীর মজুমদার, প্রাণপণে চায়, তার জুগুই তো তার সব—এই সব! প্রথমে সেটা ঠাট্টা ছিলো, আবছা ছিলো, কিন্তু এতদিনে—এ-ক’দিনেই স্পষ্ট, সত্য; আর আজ-তো পোস্টারের মতো বড়ো-বড়ো অক্ষরে র’টে গিয়েছে সেটা—সেটাই ছিলো মজুমদারের চোখে-মুখে, নড়াচড়ায়, স্বাতীকে এড়িয়ে-এড়িয়ে চলায়, আর সিঁড়িতে বলা ঐ কয়েকটা কথায়। আশ্চর্য—এতক্ষণ মনে হয়নি!

শাস্ত্রীর ইচ্ছে হ’লো স্বামীকে ডেকে তুলে কথাটা বলে। আরো ইচ্ছে হ’লো। স্বাতীর বিয়ে ভাবতে অন্য একরকম উত্তেজনা লাগলো তার মধ্যে। সমস্ত শরীরে ফিরে এলো হারীতের সঙ্গে তার প্রথম চেনাশোনার দিনগুলি, তারপর বিয়ের পর প্রথম ক-টি মাস। মাত্র ক-টি মাস?...শাস্ত্রী পাশ ফিরলো

স্বামীর দিকে—কিন্তু হারীত আবার উন্টে দিকে ফিরেছে—
তাই দেখতে পেলো শুধু কাটা গেঞ্জিতে অধে'ক পিঠ-ঢাকা।
প্রশান্ত পিঠ। সেই পিঠের দিকেই স'রে এলো, ঘাড়ের উপরকার
মিহি চুলের উপর দিয়ে আস্তে হাত তুললো আর হাত নামালো।...
খাক, ডাকবে না, ডাকলেও জাগবে না, বড়ো গভীর ঘুম—আর
সত্যি!—সারাদিন যা খাটুনি!

ঘুমিয়ে পড়ার আগে শাস্ত্রী শেষ কথা এই ভেবেছিলো যে
এখন কি প্রবীরই প্রস্তাব নিয়ে আসবে, না কি তাদের দিক থেকে
কিছু করা উচিত? সকালে উঠে হারীতের কাছে কথাটা পাড়তে
গেলো দু-তিনবার—যেন মনে হ'লো এ-বিষয়টা তার কথা বলার
একেবারে অযোগ্য লাগবে না—কিন্তু আপিশমুখো এই সময়টা
হারীত এমন ছটফটিয়ে কাটায় যে শাস্ত্রী ঠিক সময় পেলো না,
কি নিজেই তাড়াহড়োর মুখে মুক্তো ছিটোতে চাইলো না,
মোলায়েম সময়ের অপেক্ষা করাই ভালো ভাবলো। কথাটা
উন্টে-পান্টে দেখতে লাগলো নিজের মনে—দেখবার বেশি কিছু
আছে ব'লেও মনে হ'লো না, এ নিশ্চয়ই ঠিক, নির্ঘাৎ!—এমনকি
এও মনে হ'লো এর জ্যাস্ত প্রমাণ নিজে-নিজেই হাজির হবে
শিগগির। কিন্তু কত-যে শিগগির শাস্ত্রীও তা ভাবতে পারেনি।

হারীত বেরোবার প্রায় ঘণ্টাখানেক পরে—শাস্ত্রী তখন
বিজুর জোগানো একতাড়া সিনেমাপত্রিকার পাতা ওল্টাচ্ছে
শুরে-শুরে—তাদের চাকর এসে একজন আগন্তকের খবর দিলো।—
'আপনাকে একটু ডাকছেন তেনি।'

‘কে—?’ স্বামীর বন্ধুদের মধ্যে ঘনিষ্ঠতমর নাম করলো শাস্তী ।

‘না, বৌদি,’ স্বশুরবাড়ির পুরোনো চাকর জবাব দিলো, ‘এনাকে দেখিনি আগে ।’

সঙ্গে-সঙ্গে বাইরের ঘর থেকে—মাত্রই একটি পরদা-ঢাকা দরজার আড়াল পেরিয়ে—স্পষ্ট পৌঁছলো চড়ানো গলা : ‘আমি প্রবীর মজুমদার, একটা কথা বলতে এলাম ।’

—আরে ! শাস্তী উঠলো, ছুটলো । আর তাকে চোখে দেখামাত্র—দাঁড়িয়ে-দাঁড়িয়েই—মজুমদার কথা আরম্ভ করলো : ‘নিশ্চয়ই খুব অসুবিধে করলুম এ-রকম হঠাৎ এসে, হয়তো একটু অভদ্রতাও হ’লো : নিশ্চয়ই—অনুত প্রথমদিন—এমন সময়ই আমার আসা উচিত ছিলো যখন আপনারা দু-জনেই থাকবেন ; কিন্তু একটা কথা আমার বলার আছে—কথাটা আপনাকেই শুধু বলতে চাই ; তাই ইচ্ছে ক’রেই এমন সময়ে এসেছি যখন মিস্টার নন্দী বাড়ি থাকবেন না ।’

হঠাৎ ধ্বক ক’রে উঠলো শাস্তীর বুকের মধ্যে, মুখের রং লাল হ’লো, পায়ের দাঁড়িয়ে থাকাব জোর যেন ক’মে গেলো । তরে কি সে ভুল ভেবেছিলো ? তবে কি—? কিন্তু কোনো কথা, কোনো-একটা কথাও তার দুই ঠোটে তৈরি হ’তে পারার অনেক আগেই মজুমদার আবার বললো : ‘কথাটা আপনার বোনের বিষয়ে, তাই প্রথমে আপনাকেই—’

শাস্তী নিশ্বাস ছাড়লো, সহজ হ’লো, হাসতে গেলো, কিন্তু হাসি চেপে গম্ভীর মুখে বললো, ‘বমুন ।’

মিনিট কুড়ি পরে—কেননা বেশি বলাবলির দরকার হ'লো না—
আগন্তুক যখন উঠলো, মনে-জমানো হাসিটা মুখে খরচ করতে
শাস্ত্রতীব তখন বাধলো না, কিন্তু প্রবীর মজুমদারের মুখ, যা
শাস্ত্রতী হাসি-হাসি ছাড়া ঢাখেইনি, সে-মুখ আঁটো হ'য়ে গেছে
গাঙ্গীরে। ছিলে চড়িয়ে প্রথম তীর ছুঁড়েছে, ঠিক বিঁধেছে ;
কিন্তু এটা প্রথম, আর এটাই সবচেয়ে কাছেব তাক। আরো
দূরে ছুঁড়তে হবে, সেটা সহজ না। প্রথম-বাজি-জেতার আত্মলাদে
আখের না ভেসে যায়। এখন তাই গম্ভীর, তৈরি।

‘যদি অনুমতি কবেন,’ মজুমদার মাথা নোওয়ালো, ‘ও-বেলা
এসে আপনাকে পৌঁছিয়ে দিতে পারি ও-বাড়িতে।’

‘তা বেশ তো—’ কশ ক'বে কথাটা ব'লেই শাস্ত্রতীর মনে
পড়লো যে এই মানুষটি এখনো তার ভগ্নীপতি ঠিক হয়নি, তাব
সঙ্গে একা যাওয়াটা কি ..? তক্ষুনি তাই ছুতো বানালো, ‘কিন্তু
আজ-যে এক জায়গায় যাবাব কথা আমাদের।’

‘তাহ'লে...?’

শাস্ত্রতী ভাববার ভাগ করলো।—‘আচ্ছা, আমি নিজেই সময়
ক'রে যাযো একবার।’

‘আজই?’

‘আজ—না হয় কাল।’

‘তাহ'লে কাল আমি আসবো একবার?’

‘এখানে?’

‘যেখানে বলবেন। আমার ভাগ্যের গাড়ির আপনিই এখন
এঞ্জিন।’

শাশ্বতী খুশিতে জ্বলজ্বলে হ'লো।—‘আচ্ছা, আসবেন।’

‘কাল?’

‘কাল।’

‘এই সময়ে?’

শাশ্বতী মাথা নাড়তে গিয়ে থামলো।—‘সন্ধ্যাবেলা আসবেন।’

‘তখন...’

‘আমি চেষ্টা করবো যাতে আমার স্বামীও সে-সময়ে থাকেন,’
বিবাহিত ভদ্রমহিলার সমস্ত সম্ভ্রম প্রকাশ পেলো শাশ্বতীর উঠে
দাঁড়ানোয়। ‘কাছকাছি আমরাই যখন আছি, বাবা হয়তো
তাঁর মতটাও নেবেন।’

পলকের জন্য শাশ্বতীর মুখেব উপর চোখ ফেলে মজুমদার
বললো, ‘আপনার কাছে আমি কৃতজ্ঞ।’

শাশ্বতী টালিগঞ্জে গেলো সেদিনই বিকেলে। বাড়ি ফিরে
স্বামীকে দেখে সুখী হ'লো। হারীত এ-সময়টায় হয় বাড়ি
থাকে না, নয় বাড়িতেই তার বন্ধুরা আসে; কিন্তু—এটা একটা
শুভ লক্ষণ ব'লে ধরলো শাশ্বতী—আজ সে একাও, আবার বাড়িতেও,
যে-রকম যোগাযোগ শিগগির ঘটেছে ব'লে মনেই পড়ে না।
টেবিলে কয়েকটা চটি বই ছড়িয়ে ফুলস্ক্যাপ কাগজে ঘষঘষ ক'রে
ইংরেজিতে কী লিখে যাচ্ছিলো হারীত, শাশ্বতী কাছে গিয়ে
বললো: ‘তুমি বাড়িতেই আছো!’

হারীত এই বাহুল্য প্রশ্নের জবাব দিলো না।

‘কেউ আসেনি?’

‘না।’

‘তাহ’লে তো আমাকে আনতে যেতে পারতে।’

‘এতদিনে বাপের বাড়ি যাওয়া-আসাটা অন্তত একাই তোমার পারা উচিত।’

‘পারি যে না তা নয়, কিন্তু আজ যখন তোমার সময় ছিলো—’

স্ত্রীর গলায় যেন অগ্ররকম একটা আওয়াজ পেয়ে হারীত মুখ তুলে তাকালো।—‘কোথায় সময়? দেখছো না—?’ হাওয়ায় হাতটা ঘুবিয়ে আনলো তার প্যান্টফল্ট আর ফুলস্ক্যাপের উপর দিয়ে।

ছোটো ঘর; খাটের মাথা ঘেঁষেই লেখার টেবিল। খাটের ধারে, হারীতের যথাসম্ভব কাছাকাছি ব’সে শাস্বতী তাকালো হারীতের হাতের লেখার অক্ষরগুলির দিকে। ‘ওটা কি খুব জরুরি?’

‘খুব।’

‘একটু সময় ক’রে আমার একটা কথা শুনবে?’

হারীত এবার আরো অগ্ররকম গলা শুনলো। আবার চোখ তুললো, একটু তাকিয়ে থেকে জিগেস করলো, ‘কী হয়েছে?’

‘শোনো—একটা কথা—তোমার লেখা-টেকা রাখো এখন—এটাও জরুরি—ভীষণ—’

‘কী ব্যাপার?’

শাস্বতী একটু দম নিয়ে বললো, ‘মজুমদার স্বাতীকে বিয়ে করতে চায়।’

‘কে?’

‘প্রবীর মজুমদার—ঐ যে—বিজুর—’

‘ও!’ ছোট্ট আওয়াজ করলো হারীত, হালকা বাঁকা একটি হাসি নামলো ঠোঁটে।

শাশ্বতী অপেক্ষা করলো হারীত আরো কিছু বলবে ব’লে, কিন্তু তার চোখ ফুলস্ক্যাপেই নামলো আবার। শাশ্বতী যেন ব্যথা পেয়ে চেষ্টা করে উঠলো, ‘কিছু বললে না?’

‘আমি কী বলবো?’

‘কেন, স্বাভাবিক কি তোমার কেউ নয়? ওর ভালো-মন্দে তোমার কি কিছু না?’

খোলা কলমটিতে টুপি পরিয়ে রেখে হারীত বললো, ‘তা—বিয়ে কবে?’

‘শোনো কথা!—কিছুর মধ্যে কিছু না—নাঃ পুরুষরা যে কী!’

‘তবে-যে বললে—’

‘কী বললাম? একটা দিন কি আমার কথায় মন দিতে পারো না তুমি?’

হারীত চটি-বইগুলি সাজালো, ফুলস্ক্যাপের পাতাগুলি গুছোলো—আর সেই কয়েকটা সেকেণ্ড অসহ্য লাগলো শাশ্বতীর—একপাশে সব সরিয়ে রেখে, চেয়ারে হেলান দিয়ে বললো, ‘বলো।’

‘এ-বিষয়ে তোমার কী-মত সেইটে আমি জানতে চাই।’

হারীত চিন্তা করে বললো, ‘স্বাভাবিক বিয়ে করতে চাওয়া যে-কোনো পুরুষের পক্ষে খুবই-তো স্বাভাবিক মনে হয়। তবে পুরুষটি অবিবাহিত কিংবা বিপত্নীক হওয়াই বাঞ্ছনীয়।’

‘ও—ঃ!’ শাশ্বতী কঁকিয়ে উঠলো। ‘যুদ্ধ আর স্টালিন ছাড়া আর-কিছুই কি তোমার মগজে নেই?’

খোদ মস্কো থেকে টাটকা পৌঁছনো চোরাই কাগজ প'ড়ে স্টালিনের জন্য দুশ্চিন্তা সে-সম্বন্ধায় হারীতের একটু কম ছিলো, তাই লঘুমুখে গুরু নাম ক্ষমা ক'রে বললো, 'আর স্বাতীও—হ্যাঁ, যাকে বলে বিবাহযোগ্য, স্বাতী এখন রীতিমতোই তা-ই বইকি।'

শাস্বতী বুঝলো না এটা হারীতের আগের কথারই রকমফের, তাই সোৎসাহে সায় দিলো, 'তা-ই তো! এখন—ঠিক এখনই স্বাতীর বিয়ে হবার সময়। বাবার বয়স হচ্ছে—আর ক-দিন পরেই পেনশন—বাবারই সবচেয়ে বেশি দুশ্চিন্তার কথা—আমার কী, আমি-তো আর ও-বাড়ির কেউ নই এখন—আর বাবাই কিনা কথাটা কানেই তুললেন না!'

'হুঁ?' একই সঙ্গে স্ত্রীর আর শ্বশুরের প্রতি সমবেদনা ফুটলো হারীতের আওয়াজে।

'—বললেন, "পাগল নাকি!"' দুঃখে শাস্বতীর গলা বুজলো।

'তা-ই-তো!' হারীত কপালে রেখা ফেললো, 'বেচারা মজুমদার!'

'মজুমদার কেন বেচারা হবে—বেচারা আমার বাবা—তঁারই বুদ্ধির দোষ হয়েছে—ভাবছেন তাঁর স্বাতীর মতো মেয়ে সাবা দেশে আব নেই। কিন্তু সত্যি তো তা নয়—সত্যি কি এর চেয়ে সুপাত্র ওর জুটবে কোনোদিন!'

'সে-ভাবনা তোমার বাবাকেই ছেড়ে দাও না;—আর তুমিই এক্ষুনি বললে না ও-বাড়ির কেউ আর নও তুমি?'

'তা-ই তো!' শাস্বতী নিশ্বাস ছাড়লো। 'এখানেও গঙ্গনা, এখানেও কেউ না! মেয়েদের জীবনটাই বাজে!'

হারীত আরেক চোখ দেখে নিলো স্ত্রীকে।—‘অল্লেই যদি এত উত্তেজিত হও—’

‘অল্ল! এতক্ষণ ধ’রে এত বললাম, এত বোঝালাম—আর বাবা ভালো ক’রে উত্তরও দিলেন না—এটা অল্ল হ’লো!’

‘তুমি কেন?’ এতক্ষণের মধ্যে এই প্রথম যেন অবাক হ’লো হারীত।

‘আমি কেন—কী?’ শাস্ত্রী প্রশ্নটা বুঝলো না।

‘তুমি কেন বললে বোঝালে?’

‘আমি ছাড়া আর গরজ কার—আর আছেই বা কে?’

‘কিন্তু মজুমদার নিজেই যখন জবাব নিয়ে গেছে, তারপর আবার—?’

‘মজুমদার নিজেই—? না তো! সে-তো এখনো জানেই না। আমাকে এসে বললো আজ ছুপুরবেলা—আগে তোমাকে বলিনি একবারে সবটাই বলবো ব’লে—আর সময়ই-বা কখন—আমার অবশ্য আগেই—কাল রাত্রেই মনে হয়েছিলো কথাটা—’

‘তোমাকে এসে বললো কেন?’ হারীত বাধা দিলো স্ত্রীর বিবরণে।

‘মা থাকলে মা-কে বলতো, মা যখন নেই—’

‘তুমি স্বাতীর মাতৃস্থানীয়া হ’লে কবে থেকে?’ হারীত নিচু গলায় হাসলো, যেন একটা মজার কথা শুনে। ‘মা না-থাকলে বাবাকেই বলতে হয়—আমি তা-ই বলেছিলাম—আগে অবশ্য তোমাকে। তখন তোমার বাবা যদি অমত করতেন, তুমি তাঁর সঙ্গেই যুক্ত হতে। স্বাতীও তা-ই করবে!—আর আমার তো মনে

হয় সে একাই বেশ চালাতে পারবে নিজের পক্ষের লড়াই।
এর মধ্যে তুমি কোথায় ?’

শাশ্বতীর কথার তোড় হঠাৎ থেমে গেলো। টেবিলের ফিকে
ব্রাউন রংটার দিকে চোখ রেখে চুপ ক’রে থাকলো একটুখন,
তারপর নিচু চোখেই বললো, ‘মজুমদার স্বাতীকে এখনো
বলেনি।’

‘আসামি না-পাকড়েই উকিল ধরেছে!’ হাবীত হা-হা ক’বে
হাসলো, চেয়াবেব মধ্যে কোমর ঢিল দিয়ে টেবিলের তলায়
লম্বা করলো পা দুটো। ‘খুব অদ্ভুত।’

‘অদ্ভুতের কী আছে—’ কিন্তু শাশ্বতীব প্রতিবাদে তেমন
আব জোর লাগলো না, যেন জোর ক’বে একটু হাসলো। ‘সবাই
কি আর তোমার মতো বীর! মানুষটা লাজুক—’

‘আ—হ্!’ ইংরেজ-ধরনে বড়ো হাঁ ক’বে হারীত ইংবেজি
আওয়াজ ছাড়লো, হসন্ত ‘হ’-টা আস্তে মিলিয়ে গেলো নিশ্বাসে।
ইংবেজিতেই বললো,—একটু ক্লান্ত হ’য়ে পড়েছিলো এতক্ষণ ধ’বে
বিশুদ্ধ বাংলা ব’লে—‘এব পরে কী শুনবো আমরা?’

এবার আরো বেশিক্ষণ থেমে থাকলো শাশ্বতী; আরো
মিয়োনো গলায় বললো, ‘না-ব’লে ভালোই করেছিলো।’

হারীতও একটু দেরি করলো আবাব কথা বলার আগে।
হাতের কাছে শোওয়ানো কলমটি আঙুলে নাড়তে-নাড়তে জিগেস
করলো, ‘তোমার কথাটার মানে কি এই যে পাত্রী নিজেই
নারাজ?’

শাশ্বতী জবাব দিলো না; তার নিচু-করা মুখে এমন একটা

ভাব ঘনালো যেন দু-দিন আগে তার কেউ মরেছে, আর সেই ভাবটি লক্ষ্য করতে-করতে হারীতের ভুরু বেঁকলো, কপাল কুঁচকোলো, দু-হাতে ছোট্ট একটি তালি দিয়ে ব'লে উঠলো 'হে-ভল ! তাহ'লে এতক্ষণ আমাকে বকালে কেন ?'

শাস্ত্রী মুখ তুলে বললো, 'কথাটা কি এত সহজেই উড়িয়ে দেবার ? স্বাতী যে ভুল করেছে না তার কি কোনো নিশ্চয়তা আছে ?'

'তা যেমন নেই, উল্টোটাই বা প্রমাণ কী। ভুল হোক, ঠিক হোক, বিয়ে-তো হয় দু-জন মানুষের, আর সে-দুজনেরই একজন যদি না চায় তাহ'লে আর কার সঙ্গে কার বিয়ে হবে ?' তাড়াতাড়ি, এদিক-ওদিক চোখ ফেলতে-ফেলতে হারীত কথাগুলি বললো, যেন না-বললেও চলে কিংবা যেন সে অণু-কিছু ভাবছে ;—আবার সেইসঙ্গেই, সেইজন্মই সহজ কথাকে পেঁচিয়ে বললো ইচ্ছে ক'রে, বেশ যেন মজা।

সামনের শাদা, ফাঁকা, অনেকটা দেয়ালের দিকে তাকিয়ে শাস্ত্রী আপত্তি তুললো, 'স্বাতী বোঝে কী ? ছেলেমানুষ—'

'ছেলেমানুষ ? তুমি যখন বিয়ে করলে তুমি ওর চেয়ে কত বড়ো ?'

'আমি ঠিকই করেছিলাম।'

'স্বাতীও—' হারীত শেষ করলো না কথাটা, তার দরকার আছে ব'লেও ভাবলো না ; হঠাৎ উঠে দাঁড়ালো চেয়ার ছেড়ে, আর তক্ষুনি আবার ব'সে প'ড়ে কাছে টেনে নিলো তার লেখাব কাগজ আর চটি-চটি বই ক-টা।

শাস্ত্রী উঠে দাঁড়ালো।—‘আমি জানতাম তুমি এ-রকমই বলবে।’

তক্ষুনি—যদিও তাব চোখ ফুলস্কাপে লেখা শেষ কথাটির উপর—তক্ষুনি হারীত জবাব দিলো, ‘নিশ্চয়ই! তুমি জানবে না তো—’ হঠাৎ মুখ তুললো, হাসলো, অন্তরকম শূরে বললো, ‘তুমি যখন আমাকে বিয়ে করবে ঠিক করলে তখন তোমার বাবা যদি চাইতেন অণ্ড কারো সঙ্গে—ধরো—ঐ—যে তোমাদের গৌফ-গজানো গাইয়েটি ছিলো, অভ্র না শুভ্র, তার সঙ্গে—’

‘কী বাজে—!’ শাস্ত্রী মুখ ফেরালো, যেন সেখানে আব দাঁড়াবে না, কিন্তু পলক-পরেই ঘুরে দাঁড়িয়ে তর্ক তুললো, ‘কিন্তু স্বাতীর মনের অবস্থা তো আমার যেমন ছিলো তেমন না।’

হারীত পিঠ সোজা করলো, চেয়ারে হেলান দিলো, এলিয়েই দিলো শরীর। একটু বেশি প্রফুল্ল দেখালো তাকে—তার পক্ষে বেশি—মনটা বেশ হালকা যেন, যেন তার বিশ্ব-বাঁচানো কাজ ঠেকিয়েও স্ত্রীর সঙ্গে বিশ্বস্তালাপের জন্য সে তৈরি, কিংবা যেন—অনেকদিন পর—এই দাম্পত্য অন্তরঙ্গতাটুকুই তার মনে ফুটি এনেছে।—‘কিন্তু আমার সঙ্গে দেখা না-হ’লেই তুমি তো আর বজ্রবাহনকে বিয়ে করতে না।—আর তাছাড়া—’ স্ত্রীকে সে কিছু বলতে দিলো না, তার মুখের রাগের রং উপভোগ করতে-করতে বললো, ‘স্বাতীর মনেরই বা কতটুকু খবর আমরা রাখি।’

ঐ ‘আমরা’টা শাস্ত্রীকে কথঞ্চিৎ সাস্থনা দিলো ;—তাহ’লে এটা হারীত স্বীকার করে যে অন্তত এ-বিষয়ে তারা ‘আমরা’! একটু কাছে স’রে এলো, আস্তে-আস্তে আবার ব’সে পড়লো

খাটে। ভালো ক’রে শোনা গেলো না তার গলা, যখন বললো, ‘তোমার কী—তোমার কাছে হাসিঠাট্টা এ-সব ;—কিন্তু আমি-যে কী-যন্ত্রণায় পড়েছি !’

হারীতের ফুঁটি যেন চড়লো এতে, চকচকে চোখে বললো, ‘তুমি এমন ক’রে বলছো যেন তোমাকেই কেউ বিয়ে করতে চায়—আর তুমিও তাকেই—আর তোমার বাবা তাতে বাধা দিচ্ছেন।’

হঠাৎ গলা ছেড়ে শাস্বতী ব’লে উঠলো, ‘আমি তোমার স্ত্রী !’ নিশ্বাস নিতে লাগলো জোরে-জোরে।

‘সে-বিষয়ে কি কোনো সন্দেহ আছে?’ হারীত স্ত্রীর চোখ এড়ালো, কিন্তু লঘুতাটাও বজায় রাখলো গলায়। ‘কিন্তু সত্যি—তুমিই বা এত ব্যস্ত কেন আমি জানি না।’

শাস্বতী থেমে থাকলো, যতক্ষণ-না তার নিশ্বাস স্বাভাবিক হ’লো আবার। তারপর সাধারণ সাংসারিক সুরে বললো, ‘মজুমদার কাল আবার আসবে—কী-যে বলবো তাকে—’

‘কিছু না-ই বা বললে,’ হারীত চট্ ক’রে বাৎলে দিলো, ‘তোমার বাবার কাছেই পাঠিয়ে দিয়ো—চাই কী স্বাতীর সঙ্গেও দেখা হ’য়ে যাবে সেখানে।’

এ-কথার সমস্তটা অর্থ বুঝতে একটু সময় লাগলো শাস্বতীর। একবার ঢোক গিললো, জিভের ডগা বুলিয়ে নিলো নিচের ঠোঁটটিতে। আস্তে বললো, ‘আমার সঙ্গে তুমি যা খুশি করতে পারো, কিন্তু কারো উপরেই কি দয়া নেই তোমার?’

হারীত একটু থমকালো ; স্ত্রীর মুখে এ-রকম কথা শুনে সে

আশাই করেনি। কিন্তু—সেইজন্মই—ওটা সে গ্রাহ্য করলো না, যেন শুনতেই পেলো না, একটু বাঁকা ঠোঁটে মিটিমিটি হেসে বললো, ‘তুমি বোধহয় বড্ড আশা দিয়েছিলে তাকে? বোধহয় ভেবেও ছাখোনি যে শুধু তার ইচ্ছা আর তোমার গরজই এখানে চলবে না?’

শাস্তীর কান্না পেলো, হাত কামড়াতে ইচ্ছে করলো। আর যেহেতু যে-কোনো সময়ে, যে-কোনো অবস্থায় স্বামীর চেয়ে বড়ো বন্ধু বিবাহিত স্ত্রীলোকের হয় না, তাই আবার স্বামীকেই আবেদন জানালো, ‘কাল সন্ধ্যাবেলা তুমি কি বাড়ি থাকতে পারবে?’

‘থাকতেই হবে!’—কেজো সুর লাগলো হারীতের গলায়—
‘আমার কাছে লোক আসবে তখন।’

‘আমি ভাবছিলাম—মজুমদার এলে তুমিও যদি—তোমারই—তো বাড়ি—আর তাছাড়া কথাটা বলাও তো—’

‘আমার কি কোনো দরকার আছে? কথাটা তো ভালো লাগবে না তার, তবু তোমার মুখে শুনলে—আর তুমি অনেকটা মোলায়েম ক’রেও বলতে পারবে। কিন্তু বসতে দেবে কোথায়?’

শাস্তী না-বুঝে ভুরু কুঁচকালো।

‘সকাল-সকাল এসে যায় তো ভালো, নয়তো ওরা সব এসে পড়লে—’

‘এসে পড়লে কী হবে?’

‘আমাদের কথাবার্তার মধ্যে বাইরের লোক থাকতে পারে না তো,’ হারীত গম্ভীরভাবে জানালো।

‘তাব মানে—’ শাস্ত্রী দিশেহাবা চোখে তাকালো—
‘ভদ্রলোককে বসতে দিতে পাববো না ?’

হাবীত জীব উৎকণ্ঠা খুব সহজেই দূব ক’বে দিলো, ‘কেন, খাবাব ঘবে বসতে পাবো তোমবা ।’

খাবাব ঘবে ! ঐ বিনা-পাখাব খুপবিতে । শাস্ত্রীর মনের উপব দিয়ে ভেসে গেলো মেট্রো সিনেমাব দোতলা, চাং-আন রেস্টোরাঁ, কাউফমানের কফি । সেদিন তো হাবীতও ছিলো, আব— যতটুকুই, যতক্ষণেবই হোক—ভালোও তো লেগেছিলো তাব ?

জীব ফ্যাকাশে মুখে চোখ বেখে হাবীত এবাব মলম লাগালো, ‘বসতে আবাম হবে না ওখানে, কিন্তু তোমাদেবও তো নিবিবিলি চাই । আগে যদি আমাকে জানাতে—’

‘তোমাকে জিগেস না-ক’বে এটা কবাই ভুল হয়েছে আমার,’ মানতে হ’লো শাস্ত্রীকে ।

‘তা এক কাজ কবতে পাবো,’ আবো একটু শুশ্রূষা কবলো হাবীত, ‘বিজুকে দিয়ে খবব পাঠিয়ে দাও—অন্য সময়ে— কি অন্তদিন—’

‘আব আসবাবই বা দবকার কী । বিজুই ব’লে দেবে ।’ শাস্ত্রীর ঠোট ছুটি এঁটে গেলো, যেন আব কথা বেবোবে না ।

‘ভগ্নদূত বিজন ।’ জীব মুখ থেকে বঙেব শেষ চিহ্নটুকু মুছে নেবাব কৃতিত্বে হাবীত গলা ছেড়ে হাসলো ।

ভগ্নদূত ? এত সহজেই ? বিজন তাওব বাখালো । কেন ? মজুমদারের দোষ কী ? কুচ্ছিং, না গরির ? না কি মানুষ মন্দ ?

বয়স বেশি ? পাশ করেনি ? ব্যবসা করে ? আরেকজন পাশ-না-করা বেশি বয়সের ব্যবসাদারের সঙ্গে মেয়ে বিয়ে দাওনি তোমরা ? কোন হিশেবে মগমুল্লকের টেকোমাথার কাঠখোঁটা বর্ধনের চাইতে প্রবীর মজুমদার খারাপ হ'লো ? একটা আজীবাজে মানুষ নাকি ?—পাঁচজনকে চেনে কলকাতার শহরে, পাঁচটা খোঁজখবর রাখে, গান বোঝে, ফাইন আর্টস-এ ইন্টারেস্ট আছে । একটা ভদ্রলোক ! এদিকে পয়সা কত ! বালিগঞ্জ তার জমি কেনা আছে, জানো ? আরেকটা গাড়ি কিনছে, জানো ? ইনশিওরেন্সের প্রিমিয়াম কত দেয়, জানো ? কী জানো তোমরা তার কথা—সে কি তোমাদের হারীত-জামাইয়ের মতো কঞ্জুষ, না কি কলকাত্তাই বাবুদের মতো অল্প-পরানী ! কত বড়ো হার্ট !—এই-তো ভাগনিকে এনে রেখেছে, আব চাকরি দিয়ে বাঁচিয়েছে কত গরিব আত্মীয়কে ! আর কী-অবস্থা থেকে উঠেছে—কিছু ছিলো না, নিচ্ছন গরিব—সেই থেকে আজ কোথায় ? এটা কি একটা কম কথা ? কর্মবীর—একদিন স্মর আবেন-টাবেনই হবে হয়তো ! অনেক ভাগ্য তোমার মেয়ের যে তাকে পছন্দ করেছে এই মানুষ ! আর তোমরা তুড়ি মেরে উড়িয়ে দিলে তাকে ? কানেই তুললে না কথাটা ? কেন, এত ডম্ফাই তোমাদেব কিসের ? বেশ-তো, বিয়ে দেবে না বুঝলাম, কিন্তু কারণটা শুনতে পাই না ? আর তো কিছু-না—আমার চেনা, আমার বন্ধু, আমিই তাকে এ-বাড়িতে এনেছি, এই তো তার দোষ ? আমি যা বলবো, ঠিক তার উন্টোটা না-ক'রে তো টি'কতে পারে না রাজেন মিত্র ! এর কথাই যদি অশ্রু কেউ বলতো, অশ্রু যে-কেউ,

তাহ'লে এর সঙ্গেই বিয়ে দিতে না নাচতে-নাচতে ! চিনি না আমি তোমাদের !

সকালে-সন্ধ্যায়—রাজেনবাবু যখন বাড়ি থাকেন—বিজন বারান্দায় দাঁড়িয়ে এক-একবার চীৎকার ক'রে এই বক্তৃতাটি উগরোতে-উগরোতেই ছিটকে বেরিয়ে যায় রাস্তায়, তক্ষুনি ফিরে আসে গোলপোস্টে ধাক্কা-খাওয়া ফুটবলের মতো, আবার গলা লোটায়, দম আটকে যেন খুন হ'য়ে যাবে সেখানেই । ঘেঁষাঘেঁষি পাড়ার পাশাপাশি বাড়িতে পৌঁছয় তার গলা—কথা ; কাছাকাছি জানলাগুলিতে মেয়েরা দাঁড়িয়ে যায়, পুরুষরা কেউ-কেউ রাস্তায় বেরিয়ে আসে, আর বাড়ির যে-ছু'জন এর লক্ষ্য, তারা দুই আলাদা ঘরে নিঃশব্দে ব'সে তখনকার মতো বধির হবার প্রার্থনা জানায় । পুনরুজ্জীবনের গুণে বাগ্মিতার আবো বিকাশ হয় ; আরো তথ্য জোটে, আরো জোরালো যুক্তি : সচিত্র বর্ণনায়, বিচিত্র বিশেষণে আব মর্মস্পর্শী ইঙ্গিতে বিজন এক-একবার প্রায় প্রতিভার পরিচয় দিয়ে ফেলে ।

একবার বিজন বললো, 'এ-ই যদি তোমাদের মনের কথা, আগে মনে ছিলো না ? বিয়ে যদি না-ই দেবে, এগোলে কেন এত দূর !'

স্বাতী ঘর থেকে বেরিয়ে এসে বললো, 'বলছিস কী তুই ?'

এতক্ষণে স্বাতীকে যুদ্ধে নামাতে পেরে বিজনের মুখে হিংস্র হাসির ঢেউ উঠলো !—'ঠিক বলছি ! মনে ছিলো না নেমস্তন্ন নেবার সময়—ঢ'লে-ঢ'লে কথা বলার সময়—ছপুরবেলা একলা বাড়িতে একঘণ্টা গল্প করার সময় !'

‘আস্তে কথা বল !’

‘আস্তে বলবো কেন—আমি কি ভয় করি তোকে, না তোর বাবাকে ?—সকলে জানুক তোর কেলঙ্কারি—’

‘—এই !’ দরজার ধারে দাঁড়িয়ে রাজেনবাবু একটা চীৎকার দিলেন, যতটা চীৎকার তাঁর পক্ষে সম্ভব ।

বিজনের বিক্রম কমলো না । ফুলে-ফুলে বলতে লাগলো, ‘হ্যাঁ—সকলে জানুক ! কেউ কি জানে—বাবাও কি জানে তুই কী-একটা—! তলে-তলে আরেকজনের সঙ্গে—ঐ-যে একটা ছিঁচকে প্রোফেসর—কত চিঠি-লেখালেখি, কত রঙ্গরস—তোর কীর্তি-কাহিনী সব ফাঁশ করবো না আমি—আর তারপর কি ভেবেছিস কাউকে তুই পাকড়াতে পারবি ? হয় তুই মজুমদারকে বিয়ে করবি, নয় কেউ তোকে বিয়ে করবে না—শোন—শুনে রাখ—কেউ না—আর শেষ পর্যন্ত ঐ তাকেই—হ্যাঁ, তবে আমার নাম বিজনচন্দ্র !’ নিজের বুকে থাপ্পড় মারলো সে, শূণ্যে লাফ দিলো একটা, বেরিয়ে গেলো গনগনে একটা কামান-গোলার মতো ।

স্বাতী কাঁপছিলো. দাঁড়িয়ে-দাঁড়িয়ে, রাজেনবাবু তার পিঠে হাত রেখে তাকে ঘরে নিয়ে এলেন । খানিকক্ষণ ছু-জনেই যেন বোবা হ’য়ে রইলো, তারপর যখন বোঝা গেলো যে বিজন আপাতত আর ফিরবে না, তখন রাজেনবাবুর গলা দিয়ে অশ্রুট একটা ‘উঃ’ বেরোলো ।

আওয়াজটা আস্তে-আস্তে হাওয়ায় মিলিয়ে গেলো, কোনো প্রতিধ্বনি জাগালো না ।

আবার শব্দহীনতার জলে ডুবতে-ডুবতে রাজেনবাবু পায়ের

তলায় হঠাৎ মাটি পেলেন। মুখ তুলে নিশ্বাস নিয়ে বললেন,
'এক কাজ করলে হয়—'

স্বাতীও মুখ তুললো কথা শুনে।

'এইরকমই তো যন্ত্রণা করবে তোকে—' রাজেনবাবু বিজনের নামটা ছেড়ে গেলেন—'আমি তো সাবাদিন বাড়ি থাকি না, আর থাকলেও—' তাঁর গলা বুজলো এখানেই।

বাবার জন্ম তীব্র একটা কষ্ট হ'লো স্বাতীব।

'তুই না-হয়—' একটু থামলেন রাজেনবাবু 'না-হয় তোর বড়দির কাছে একবার—কত খুশি হবে -আমিই দু-দিনের ছুটি নিয়ে—নয় তো সরস্বতীর কাছে দিল্লিতে—। যাবি?'

স্বাতী বললো, 'না বাবা, কোথাও যেতে হবে না।'

'গেলে হয়তো ভালোই লাগবে—মনটাও '

স্বাতী আবার বললো, 'না!'

'কিন্তু—' এবার রাজেনবাবু একটা অস্পষ্ট সর্বনামেব সাহায্য নিলেন—'কিন্তু ওরা যদি—কী বিশ্রী—বাড়ির মধ্যে একটা—' তখনকার মতো একটা সম্পূর্ণ বাক্যরচনার শক্তি তাঁর যেন লোপ পেলো।

'দাদার ভয়ে আমি বাড়ি ছেড়ে পালাবো নাকি?' স্বাতী ঠোঁট বাঁকালো, প্রায় হাসলো, আব বাবাব চুপ ক'বে তাকানোর উত্তরে আবার বললো, 'দাদা আমাব কী কববে?'

এব পরে একজনও আব কথা বললো না, একজনও উঠলো না সেখান থেকে। স্বাতী—যদিও সে-ই সাহস দিলো বাবাকে, তবু বাবার কাছেই ব'সে থাকতে তার মন চাইলো, আর রাজেনবাবু

হঠাৎ বুঝলেন—বুকে ধাক্কা দিলো কথাটা—যে এ-ই আরম্ভ হ'লো, আব এই আরম্ভ মানেনই শেষ—শেষ মানে, স্বাতীর নতুন আরম্ভ। সন্ধ্যা তখন, ঘোর নেমেছে ঘরে; হাওয়ায় উড়ছে দেয়ালের ক্যালেণ্ডরের পাতা যেন পরের মাসগুলির জন্ত অস্থির।

হালকা পায়ের শব্দ হ'লো বাইবে। ‘শাস্ত্রী বোধহয়—’ ব'লে বাজেনবাবু উঠে আলো জ্বাললেন।

ঘবে ঢুকে শাস্ত্রী একবার বাবাব, একবার বোনের দিকে তাকালো। দাঁড়িয়ে থাকলো চুপ ক'বে। স্বাতী উঠে বললো, ‘বোসো, ছোড়দি, আমি স্নান ক'রে আসি।’

মাঝে ক-দিন শাস্ত্রী আসেনি। তাব গন্তীর মুখের দিকে তাকিয়ে বাবা বললেন, ‘বোস !’

স্বাতীর ছেড়ে-যাওয়া চেয়ারটা যদিও কাছেই ছিলো, শাস্ত্রী এগিয়ে এসে বসলো খাটের ধারে, আড় হ'য়ে, বাবাব মুখোমুখি জিগেস করলো, ‘কী হয়েছে ?’

বাজেনবাবু উত্তর দিলেন না।

বাবার শুকনো, কুঁচকোনো, মুখের উপর চোখ বেখে শাস্ত্রী প্রশ্নটির পুনরুক্তি না-ক'বে পাবলো না।

বাজেনবাবুকে শেষ পর্যন্ত মুখে আনতে হ'লো, ‘বিজুব যন্ত্রণা—!’

‘বিজু ? বিজুব কথা ছেড়ে দাও !’ কেন যন্ত্রণা, কী-বকম যন্ত্রণা, শাস্ত্রী যেন নিজেই তা বুঝে নিলো।

বুক-ভরা গভীর একটা নিশ্বাস ছাড়লেন বাজেনবাবু।

একটু থেমে শাস্ত্রী বললো, ‘কিন্তু বিজু মন্দ ব'লে তুমিও অন্ধ হোয়ো না, বাবা।’

যেন সামনে কিছু ভয়ের দেখতে পেয়ে রাজেনবাবু হঠাৎ চোখ বুজে ফেললেন।

‘শাস্তী—থাক—এখন আর—’

‘না বাবা, আমি তর্ক করবো না তোমার সঙ্গে। শুধু একটা কথা ব’লে যাবো। তারপর তুমি যা ভালো বোঝো করো।’

রাজেনবাবু অপেক্ষা করলেন, ডাক্তারের ছুঁচের সামনে রোগীর মতো।

‘কথাটা এই,’ শাস্তী ন’ড়ে-চ’ড়ে বসলো। ‘বিজুর কথা ভুলে যাও, স্বাতীকেও এখানে এনো না; মনে করো তুমি একজন মেয়ের বাপ—মেয়ের মা নই—সমস্তটা দায়িত্বই তোমার উপর।’

শাস্তী তাঁকে মনে করিয়ে দিচ্ছে তাঁর দায়িত্বের কথা, এটা নিঃশব্দে মেনে নিলেন রাজেনবাবু।

‘এখন মেয়ের যদি বিয়ের কোনো প্রস্তাব আসে, তুমি সেটা নিয়ে ভাববে-তো অন্তত একবার? তুমি কি ঠিক জানো যে এটা—এই ব্যাপারটা নিয়ে যতটা তোমার ভাবা উচিত ততটাই তুমি ভেবেছো?’

এবারেও রাজেনবাবু কিছু বললেন না, আর শাস্তী যেন উৎসাহ পেয়ে তক্ষুনি আবার বললো, ‘না কি তুমি কিছু না-ভেবেই নেহাৎ হেলাফেলা ক’রে, কি মেয়েকে আরো ক-দিন কাছে রাখতে চাও ব’লে—’

‘তোমার তা-ই মনে হয়?’ রাজেনবাবু হঠাৎ বাধা দিলেন কথায়।

‘রাখতে চাইলে কিছু দোষের না—বিজুটা যে-রকম—আর আমাদের মধ্যে ওকেই-তো তুমি সবচেয়ে—’

‘নাকি ?’

‘তা-ই যদি হয়—বেশ-তো, মজুমদার অপেক্ষা কবাবে—
ছ-মাস—একবছর—এমনকি দু-বছর—’

‘গিয়েছিলো বুঝি তোর কাছে ?’

‘তার পক্ষ নিয়ে আমি কিছু বলছি না—সে আমার কেউ না—
আমি শুধু এটুকু দেখছি যে মেয়ের জন্ম মা-বাপের—সাধারণ যে-সব
আকাজক্ষা থাকে, তার সব না হোক অনেকগুলোই সে মেটাতে
পারে—আর—আর এমনও তো হ’তে পারে যে স্বাতীর মনই বদলে
গেলো পরে ?’

‘বদলাবার ভার তুই নিবি ? না সে নিজেই ?’

শাস্বতী আরো গম্ভীর হ’য়ে বললো, ‘না, সে আর আসবে না
তোমাদের বাড়িতে, কিছু বিবক্ত করবে না, যদি-না, যতদিন-না
তোমরা তাকে ডেকে পাঠাও।’

রাজেনবাবু নিঃশব্দে এই প্রতিশ্রুতি গ্রহণ করলেন।

‘তোমাকে কথাটা জানানো দবকার মনে কবলাম—মজুমদারের
জন্ম না, নিজেদেরই জন্ম। আপাতত স্বাতীর মন উঠছে না ব’লে,
কিংবা নিজে তুমি ও-রকম মানুষ পছন্দ করো না ব’লে উড়িয়ে
দিয়ে না একেবাবে; ভেবে দেখো। আব-কিছু বলবার নেই আমাব।’

শাস্বতী উঠলো, আর তখনই নিজের শেষ কথাটার বিরোধিতা
ক’রে বললো, ‘মা থাকলে একে অপছন্দ করতেন না। তোমার
তিন মেয়ের পাত্র মা-ই তো পছন্দ করেছিলেন ?’

‘আর তার পর থেকে অবশ্য তুই করছিস,’ বললেন রাজেনবাবু ।

‘আমার পছন্দই কি মন্দ?’ হাসির একটু ঝিলিক দিলো শাস্ত্রী, আর সঙ্গে-সঙ্গে রাজেনবাবুও চিকচিকোলেন : ‘আজ কী ? পান্তয়া না জলতরঙ্গ?’

‘আজ যাই, বাবা ।’

‘এখনই?’

‘হ্যাঁ—এখান থেকে আবার ভবানীপুরের বাড়িতে—’

একটু থেমে রাজেনবাবু বললেন, ‘বেশ একা-একাই চলাফেরা করিস আজকাল?’

‘ভালোই লাগে—আর সব সময় সঙ্গে নিয়ে ঘুরবেই বা কে?’

‘হারীত বুঝি ওখানে?’

‘আপিশ থেকেই ফেরেনি—এতক্ষণে ফিরেছে হয়তো—উনি যাবেন তাঁর সময়মতো।—আচ্ছা, যা বললাম ভুলো না।’ হিল-তোলা জুতোর খুটখুট আওয়াজ করতে-করতে শাস্ত্রী চ’লে গেলো। হঠাৎ যেন রাজেনবাবুর মনে হ’লো এই ভদ্রমহিলাটিকে তিনি চেনেন না।

জ্ঞানের পরে স্বাতী এসে বললো, ‘ছোড়দি কোথায়?’

‘তাড়া ছিলো—শশুরবাড়িতে নেমন্তর আবার -আর শশুর-শাশুড়ি খুব-তো ভালোবাসেন ওকে ’ রাজেনবাবু দরকারের চেয়ে খানিকটা বেশিই বললেন।

—চ’লে গেলো! স্বাতীর মুখ ফুটলো না, কিন্তু কথাটা তার সমস্ত মুখে লেখা দেখলেন রাজেনবাবু। আর তখনকার মতো সব কথা যেন ফুরিয়ে গেলো তাঁর সঙ্গে স্বাতীব।

স্বাতী একখানা বই হাতে বসবার ঘরে এলো। বসবার ঘরের একটা প্রভাব আছে মনের উপর; ওখানেই আমরা বাইরের জগৎকে বাড়িতে ডাকি; বাইরের কেউ না-থাকলেও, একা থাকলেও ওখানে নিজেকে অণু অনেকের অংশ মনে হয়, যেটা একান্তই নিজের একলার সেটাকে তত যেন প্রকাণ্ড আর লাগে না। স্বাতী অন্তত সেই আশাতেই ও-ঘরে এলো, তার একলার ভার হালকা হবার আশায়, অন্তত জানলা দিয়ে চার-দিককার পৃথিবীর একটু আভাসের আকাজক্ষায়। কিন্তু আশার চেয়ে বেশি পেলো সে, অনেক বেশি, কেননা সে স্থির হ'য়ে বসবার মাত্র কয়েক মিনিট পরে—জানলা দিয়ে একটুখানি আভাস না, খোলা দরজা দিয়ে বাইরের সমস্তটা পৃথিবী একেবারে সশরীরে হেঁটে চ'লে এলো ঘরের মধ্যে।

‘শুনেছো খবর? শুনেছো?’ হাবীতের চুল উড়ুকু, চোখ চকচকে, আর মুখের রোদে-পোড়া চামড়ার তলায় অণু-একটা লালচে রঙের ছটফটানি।

‘কী? কী-হয়েছে?’ কী-জানি-কী ভেবে ত্রস্তে উঠে দাঁড়ালো স্বাতী।

‘হিটলার রাশিয়া আক্রমণ কবেছে! হিটলার রাশিয়া আক্রমণ করেছে!’ দু-বারই শৃণ্ণে হাত ছুঁড়লো হারীত। ‘শোনোনি এখনো?’ নিরাশ হ'য়ে, নিশ্চিত হ'য়ে, স্বাতী ব'সে পড়লো আবার।

দাঁড়িয়ে-দাঁড়িয়ে ঘরের মধ্যে হাঁটতে-হাঁটতে হারীত ভেরী বাজালো, ‘মরবে! মরবে এবার! দিন হবে কাস্তেতে, চূর্ণ হবে হাতুড়িতে! এতদিন-তো শুধু রিহাসেল--আসল পালা তো

এবার !...আছো কোথায়, স্বাতী, ভাবছো কী—কী-যে হবে দেখতে-দেখতে—লড়তে হবে, সকলকে লড়তে হবে—সমস্ত পৃথিবী ভ'রে সকলকে—তৈরি হও, তৈরি হও সব !'

একটু চুপ ক'রে থেকে স্বাতী বললো, 'আপনি কি আপিশ থেকে ?'

'তা বলতে পারো—' হঠাৎ শরীরটাকে একটা চেয়ামের উপর ছেড়ে দিয়ে হারীত অন্য রকম গলায় বললো, 'খবরটা অবশ্য তোমাব কাছে কিছু না—এখন না—কিন্তু বুঝবে একদিন, বুঝিয়ে ভাড়বে।'

স্বাতী বললো, 'ছোড়দি এই একটা আগে চ'লে গেলো।'

'নাকি ?'

'আপনাদের ভবানীপুত্রের বাড়িতে গেলো এখান থেকে।'

'ভালো।—আমি অবশ্য তোমাব ছোড়দিব জন্ম আসিনি, এসেছিলাম তোমাকেই খবরটা দিতে।'

'আমাকে !' স্বাতী হেসে ফেললো। 'আমাকে এতটা যোগ্য ভাবলেন হঠাৎ ?'

হারীতের মুখের ভাব সহজ হ'লো, ছোট্ট হাসি ফুটলো ঠোঁটে।—'তা আজকাল বেশ যোগ্য হ'য়ে-তো উঠেইছে। বেচারার প্রবীচন্দ্র মজুমদার !' বিশ্ব-কাঁপানো ঘটনা সত্ত্বেও কৌতুকেব ক্ষেত্র এখনো বেশ প্রশস্ত দেখা গেলো হারীতেব মনে।

স্বাতী তার মুখের ভাবটা বেশ সপ্রতিভ রাখার চেষ্টা কবলো।

'বেচারার ! আশা ছাড়েনি এখনো—শাস্ত্রতীর কাছে কী-যেন

ঘ্যানর-ঘ্যানর করছিলো কাল ! বেচারা !’ প্রত্যাখ্যাত পাণিপ্রার্থীকে ঐ আখ্যায় বিদ্ধ ক’রে-ক’বে হারীতের যেন আশ মেটে না ।

স্বাতী অবাক হ’লো খববটা শুনে । ঘ্যানর-ঘ্যানরের সারমর্মটা কী ? জিগেস করলো না, কিন্তু আশা করলো হারীতদা নিজেই বলবেন ।

সে-আশা মিটলো না । হারীত এব পরে বললো, ‘তা বেশ, ভালো ! আবো গোবব হোক তোমার, আরো ক-জনের হৃদয় ভাঙো—তবে-তো ! ফরাশিবা বলে, সেই মেয়েই বিয়ে করার ষোগ্য, আগে যে সাতজনকে অন্তত—’ কথা শেষ কবলো না হারীত, হঠাৎ বোধহয় বিশ্ববার্তা মনে পড়লো আবাব, মুখের পেশী শক্ত হ’লো, একটানে দাঁড় কবালো অনেক-ঘোরা ক্লান্ত শবীরটাকে ।

‘যাচ্ছেন নাকি ?’

‘হ্যাঁ, এখন মকবন্দব ওখানে—’

‘চা—’

‘না—’ হারীত ঘূবে দাঁড়িয়ে বাজেনবাবুকে দেখতে পেলো, আব স্বপ্নবের সম্মানে মুখশ্রীতে অমায়িকতাব চেষ্টা কবলো ।

বাজেনবাবু আবস্ত কবলেন, ‘শাস্বতী তো—’

‘শুনলাম,’ হারীত সময় নষ্ট কবলো না । ‘হ্যাঁ—আজ বুঝি মা-ব কী ব্রত-দ্রুত—ও-সব আবার আছে তো ওঁদের !’ হারীতেব হাসিতে ককণা ফুটলো একসঙ্গে নিজেব মা আর স্ত্রীব বাবার প্রতি ।

‘তুমি ওখানে—’

‘দেখি। এখন যাচ্ছি এক জায়গায়—সেখান থেকে যদি—না,’
 শ্বশুরের অন্ত্রুক্ত অনুরোধের আগাম জবাব দিলো সে—‘এখন আর
 চা না—যাচ্ছিলাম—আচ্ছা যাই।’ কিন্তু পিছন ফিরলো হারীত,
 দ্রুত অদৃশ্য হ’লো দরজার বাইরে।

রাজেনবাবু বসলেন মেয়ের কাছে। একটু হেসে বললেন,
 ‘হারীত তোর ছোড়দির জন্মই এসেছিলো, তাকে না-পেয়ে আর
 বসলো না।’

‘না বাবা,’ স্বাতীও হাসলো বাবার উত্তরে। ‘হারীতদা
 এসেছিলেন আমাকে এই খররটা দিতে যে হিটলার রাশিয়া
 আক্রমণ করেছে।’

‘নাকি?’

‘হ্যাঁ, সেইজন্মই—’

‘যুদ্ধ তবে ছড়ালো!’

বাবার মুখে এ-কথা শুনে স্বাতী থমকালো।—‘সত্যি কি খুব
 খারাপ হবে এর পবে? হারীতদা তো হুন্সুল ক’রে গেলেন!’

‘আমরা ভেবে কী করবো। আর এর চেয়েও বড়ো ভাবনা
 আমাদের আছে এখন।’

বাবার শেষ কথাটা শুনে আবার ভারি হ’লো স্বাতীর
 মন।

মিনিটখানেক রাজেনবাবু কিছু বললেন না। তারপর
 আস্তে-আস্তে আরম্ভ করলেন: ‘স্বাতী, শোন। তোর মা নেই,
 তাই তোকেই বলতে হচ্ছে—আর তুইও বুদ্ধিমতী, নিজের
 ভালো-মন্দ নিজেই-তো বুঝিস।’

স্বাতীর শাদা গালে সরু একটি নীল শিরা একটু স্পষ্ট হ'লো।

‘আর এতদিনে এটাও নিশ্চয়ই বুঝেছিস,’ রাজেনবাবুর গলায় একটু-যেন হালকা সুর লাগলো, ‘যে মানুষের জীবনে—মেয়েদের জীবনে বিশেষ ক’রে—বিয়েটা একটা মস্ত ব্যাপার, জীবনের অনেকটা সুখেবই কারণ।’

ব'লে রাজেনবাবু মেয়ের মুখের দিকে তাকালেন। আর মেয়ে—যদিও তার শরীরের প্রত্যেকটি স্নায়ুতে টান পড়ছিলো তখন—কিছু বুঝতে দিলো না বাবাকে, চোখ এড়িয়ে উত্তর দিলো, ‘হুংখেরও।’

নভেল-পড়া কণ্ঠার কথা শুনে একটু অবাক হলেন রাজেনবাবু।—কিন্তু ও যদি এতটাই বোঝে, তবে-তো আরো ভালো। এই ছরুহ আলাপের পবের ধাপটি মেয়েই যেন জুগিয়ে দিলো বাপের মুখে : ‘হ্যাঁ, হুংখেরও—হ’তে পারে। আর তাই-তো এত চেষ্টা আমাদের, এত চিন্তা। হুংখ তো কেউ চায় না, সুখেব চেষ্টাই করে সকলে।’

স্বাতী একটু চুপ। তারপর :

‘আগে বলা যায় নাকি?’

‘অদৃষ্ট ব'লে একটা কথা আছে তো সেইজগত্‌ই।’ ব'লেই রাজেনবাবু বুঝলেন মেয়ের কথার ঠিক উত্তর এটা হ'লো না, তাই আবার বললেন, ‘সে-তো যায়ই না। দেখতে যেটা তেমন ভালো না, সেটাই হয়তো সুখের দাঁড়িয়ে যায়। ঐ প্রবীর ছেলেটি—তার স্ত্রী হয়তো সুখী হবে খুব।’

গলার উপর স্বাতীর মাথাটি একটু পিছনে সরলো। স্থির

হ'য়ে বললো, 'হয়তো কেন—নিশ্চয়ই!' তারপর হঠাৎ জিগেস করলো, 'ছোড়দি এসে কী ব'লে গেলো তোমাকে?'

'শাস্ত্রতীর ইচ্ছে তো জানিসই,' স্পষ্ট জবাব দিলেন রাজেনবাবু।
'আমি তোর ইচ্ছেটা জানতে চাই, তাই—'

'তা কি তুমি জানো না?' স্বাতী আর পারলো না, দুই হাতে মুখ ঢেকে ফেললো।

স্বাতীর বাঁকা-বাঁকা কুচকুচে-কালো ঘন চুলের উপর রাজেনবাবুর চোখ পড়লো; একটু দেরি ক'রে বললেন, 'আমি-তো তোকে জিগেস করিনি আগে, ধ'রেই নিয়েছি এ-বিষয়ে আমার কথা তোরও কথা। কিন্তু আমার অপছন্দ ব'লেই তুই যদি—'

'তুমি আমাকে তা-ই ভাবো?' স্বাতী মুখ তুলে জ্বলজ্বলে চোখে তাকালো।

'আমার যা ভালো লাগে না,' রাজেনবাবু আস্তে-আস্তে বললেন, 'সেটা তোরও যাতে ভালো না-লাগে, সে-রকম চেষ্টাই-তো তোর পক্ষে স্বাভাবিক? কিন্তু আমাকে বাদ দিয়ে তুই ভেবে ছাখ, তারপর যদি তোর মনে হয়, যদি এতটুকুও—'

'বাবা!'

রাজেনবাবু কণ্ঠের কান্না শুনলেন সেই ডাকে। মেয়ের মুখে শান্ত চোখের দৃষ্টি বুলিয়ে বললেন, আমি তোকে এই শুধু বলতে চাই যে আমার ইচ্ছা-অনিচ্ছার কথা ভাবিসনে। তোর ইচ্ছামতোই সব হবে।'

'তবে আর কী!' রং, রস, রক্ত ফিরে এলো স্বাতীর মুখে।

'তোর ইচ্ছাটা তুই যাতে বুঝতে পারিস—'

‘ইচ্ছা বুঝি বুঝিয়ে দিতে হয় কাউকে ?’

‘তাও হয়,’ রাজেনবাবু হাসলেন। ‘ছোটোছেলে কি বুঝতে পারে তার খিদে পেয়েছে ?’

‘আমি আর ছোটো নেই, বাবা !’ স্বাতী উঠে দাঁড়ালো, লম্বা, সংরত, সুন্দর।

—কিন্তু যত বড়ো তাকে দেখায় সে কি তত বড়ো ?
 এখনো-তো জীবনের কাছে আশ্রয় তার অক্ষুণ্ণ, প্রশ্রয় প্রচুর ;
 এখনো-তো জীবনের অনেকটাই তার খেলা-খেলা, তার দিন-রাত্রি
 শুধু ভালো-লাগা আর না-লাগার শাদা-কালোয় আঁকা। বয়স্ক
 জীবনের ভয়, অনিশ্চয়তা, বাধ্যতা, দায়িত্ব—এ-সবের সে কী
 জানে ? একশো রকমের আশ্চর্য জটিলতার কথা সে পড়েছে,
 কিন্তু নিজের জীবন যখন একটুখানিও জটিল হ’য়ে ওঠার ভয়
 দেখায়, তার ব্যবস্থা কি স্বাধীনভাবে নিজেই করতে পারে ?
 তখন-তো সেই পুরোনো আর প্রথম নিশ্চয়তাই তার নির্ভর ?...
 কিন্তু তাও কি ভাঙলো আজ ? বাবাও কি তাকে ছেড়ে দিলেন
 এই ভীষণ পৃথিবীতে ?...খুব-তো তখন সাহস দেখালো, কিন্তু
 রাত্রে বিছানার মধ্যে কুঁকড়ে রইলো ভয়ে, বুকের ভিতরটা শুকিয়ে
 উঠতে লাগলো। দাদার সঙ্গে হারীতদার কথার কোথায় একটা
 মিল দেখলো সে, আর বাবাও কি ভাবছেন যে সে-ই- ? তবে
 কি তারই দোষ ? প্রথম থেকে সতর্ক হ’লে, সচেষ্টি হ’লে, এত
 ফাঁড়াটা এড়াতে পারতো না কি ? ফাঁড়া কাটলো, কিন্তু কথাটা কি
 এই দাঁড়ালো যে মনে-মনে এটা সে চেয়েইছিলো ? কিন্তু কেউ যদি
 তাকে অগ্রায়ভাবে চিন্তা করে, সে কী করতে পারে ? তাকে কি

আজ প্রমাণ করতে হবে যে সেই অন্ত্রায়ে তার কোনো হাত ছিলো না ? আর সেটা প্রমাণ করার পরেও অপরাধীই থেকে যাবে ? কী বিপদ—কী আপদ এসে জুটলো তার কপালে !

ভালো ঘুম হ'লো না সে-রাত্রে। অনেক বেলায় উঠলো পরের দিন, আর সে ওঠবার খানিক পরেই, যেন ঠিক সময়ের অনেকটা আগেই, বাবা চ'লে গেলেন আপিশে। স্বাতীর মনে হ'লো, বাবা তাকেই এড়ালেন।

স্বাতী চুল খুললো না, স্নান করলো না, বই খুললো না। দাঁড়ানো বইগুলির পুটের উপর দিয়ে চোখ চালিয়ে গেলো, কোনোখানে থামলো না চোখ, কোনো বই তাকে ডাকলো না আজ, আজ প্রথম সে বইয়ের কাছে কোনো জবাব পেলো না। হয়তো অল্প কোথাও জবাব আছে ? ছাপার অক্ষরে না, হাতের লেখায় ? দেরাজ থেকে বেব করলো—চিঠি, একটি নীল আর এক গোছা শাদা খাম ; একটু দেখলো তাকিয়ে, এখানে-ওখানে হাত ছোয়ালো ; তারপর খুলে-খুলে পড়তে লাগলো প্রথম নীল খামটি থেকে শুরু ক'রে। ..কিন্তু এ-ও তো বইয়েরই মতো ! শেষেবটির, শেষের ক-টির উপর সে প্রয়োগ করলো মনের সমস্ত ইচ্ছা আব ইচ্ছার সমস্ত শক্তি ; তন্নতন্ন খুঁজলো লেখার ফাঁকে-ফাঁকে অল্প-কোনো কথা ; প্রাণপণ চেষ্টা করলো কথাগুলিকে ছুমড়ে-মুচড়ে জবাব ছিনোতে, এক ফোঁটা নিশ্চয়তা নিংড়ে বের করতে।—কিছু না ! শুধু সারি-সারি কথা, সাজানো কথা, সুন্দর কথা—কিন্তু এ-সুন্দর দিয়ে কী করবে সে, এর চেয়েও আরো কত সুন্দর কথা তো ছাপানো আছে বইয়ের পাতায়। পাহাড়ে বেড়াচ্ছেন, আনন্দে আছেন,

মাঝে-মাঝে চিঠি লিখে সাহিত্যচর্চা করেন ;—এদিকে ছুটিও আর বেশি নেই, কিন্তু তাতে কী ? একেবারে শেষ সম্ভব দিনটি কাটিয়ে তবে-তো ফিরবেন ।

চিঠিগুলি তুলে রাখতে-রাখতে স্বাতীর মনে হ'লো সে যেন অনেক, অনেকক্ষণ ধ'রে হাঁটছে, অথচ কোথাও যাচ্ছে না, স্বপ্নে যেমন পথ আর ফুরোয় না, সেইরকম । আর হঠাৎ যেমন চমক দিয়ে স্বপ্ন ভাঙে, তেমনি একটা জেগে-ওঠার ধাক্কায় সব তাব কাছে সহজ হ'য়ে গেলো ; স্বপ্নকে স্বপ্ন ব'লে চিনলো ; সোজা দেখতে পেলো চোখের সামনে বাস্তবের পরিষ্কার পথ ।

কাগজ নিলো, কলমের টুপি খুললো । প্রথমবার 'শ্রীচরণেশু' লিখেছিলো, এখন 'শ্রদ্ধাস্পদেষু' লেখে ; আজ কিছুই লিখলো না, শুধু :

‘কবে আসবেন ? ছুটি-তো প্রায় শেষ, আর আসতেই তো হবে । চিঠি আর চাই না । চিঠি আব ভালো লাগে না । এর উত্তরে আসবেন ।’

নিজের নাম লিখে একটু তাকিয়ে থাকলো ।

ছ-মিনিট পরে স্বাতী নিজের হাতে সমর্পণ করলো ডাকবাক্সের বিশ্বস্ত অঙ্ককারে তার জীবন, তার ভবিষ্যৎ, তাব অদৃষ্ট ।

সুখী, সুশ্রী, উজ্জল একটি দিন। গ্রীষ্মের ধোঁয়ামুখে মেঘের ধোঁয়া, মেঘের ধোঁয়ারং কালো, আকাশ-ভরা কালো, আকাশ-ভাঙা বৃষ্টি, তারপর বৃষ্টি প'ড়ে-প'ড়ে তাপ জুড়োলো, মেঘ লুকোলো, আকাশ ফেটে নীল বেরোলো, সত্যি নীল, নরম অথচ জ্বলজ্বল ঘন নীল, যে-নীল—যদিও নীলের জন্তাই তার খ্যাতি,—বাংলার আকাশে দেখা দেয় বছরে আট কি দশ দিনের বেশি না। বাইরে রোদদুরটা নিশ্চয়ই গরম, কিন্তু ঘরে আলো, হলদে-সবুজ-বেগনি মেশানো আভা, যেন গাছপালার ভিজেসবুজ নিজের গায়ে মেখে নিয়েছে এই আলো। ভিজে ভাবটা হাওয়াতেও, ঝিরঝির বইছে ঠাণ্ডা, যখন বইছে না তখনো ঠাণ্ডা, এমনকি ইলেকট্রিক পাখাটাকে, যদিও এখন তুপুর, একটু ছুটি দিলেও চলে। স্বাতীর, অন্তত, থেমে-থাকা পাখাটার দিকে লক্ষ্যই নেই; পরনে ঘাস-বগের শাড়ি, নিচু-করা মাথার মাঝখান দিয়ে আলোর সূতোর মতো সিঁথি, আলোর দিনটির সমস্ত সুখ তার মুখে, দাঁড়িয়ে-দাঁড়িয়ে একটি চিঠি পড়ছে সে, আর তার পিছনে, তার বাঁকানো ঘাড়ের দিকে তাকিয়ে দাঁড়িয়ে আছে তার চেয়ে লম্বা একজন, ঢোলা মালকোঁচা দিয়ে ধুতি পরা, গায়ে শার্ট, পায়ে স্যাণ্ডেল, হাতে দু-খানা বই, আর একটি খাতা। তার দাঁড়িয়ে থাকার ভাবটা এমন যেন সে স্বাতীর মুখের কোনো-একটা কথা শুনবে বলে অপেক্ষা করছে, আর সেই কথার উপরে অনেক-কিছু নির্ভর

করছে তার। একটা চিঠি প'ড়ে উঠতে যেটুকু সময়, তার মতে, লাগতে পারে, সেটুকু দেরি করলো সে, তারপর কথা বললো :

‘কী লিখেছেন মা ?’

‘ভালোই আছে সব,’ মুখ না-তুলেই জবাব দিলো স্বাতী।

‘আমার কথা ?’

‘আমার উপরেই তোর ভার দিয়েছেন বড়দি,’ স্বাতী মুখ ফেরালো, তাকালো, হাসলো।

‘আমি কি এখানেই থাকবো, না হস্টেলে যাবো ?’

‘ওঃ, বড়ো-যে হস্টেলের শখ! সেখানে বাবু সেজে ঘুব বেড়াবেন আর কলেজ ফাঁকি দেবেন রোজ! ও-সব হবে না—কেমন আমি তোমাকে কড়া শাসনে রাখি দ্যাখো না!’

‘মা বলেছিলেন আমি এখানেই থাকবো। কিন্তু বাবা বলেছিলেন—না, না, ওঁদের অসুবিধে হবে।’

‘আর-কী বলেছিলেন তোমাব বাবা ?’

‘বাবা কিন্তু আনতেই চেয়েছিলেন আমাকে—সেই পুজোব সময় সবাই যখন এলো। তখন মা-ই বললেন—না! সামনে পরীক্ষা!—এমন তখন রাগ হয়েছিলো মা-র উপর!’

‘খুব রাগ ?’ স্বাতী ভুরু বাঁকালো।

‘হবে না! ছ-মাস দেরি তখনো পরীক্ষার!—আর ঐ এক মাস আমি কি পড়েছিলাম নাকি! মিছিমিছি আমার আসা হ'লো না!’

‘তা বেশ-তো ; বেড়াতে না-এসে একেবারে থাকতেই এলি।’

‘তাও কি তুমি ভেবেছো সহজে ? মা কি কম প্যানপ্যান

করেছেন—কেন, এখানকার কলেজেই তো—ছেলেমানুষ, একা-একা কলকাতায়—যত হ্যানো-ত্যানো জানেন মা!—আচ্ছা, তুমিই বলো, ওখানকার কলেজকে কি কলেজ বলে, না পুরো ষোলো বছর বয়সকে ছেলেমানুষ বলে ?’

‘বড়দি-যে তোকে ছেড়ে দিলেন শেষ পর্যন্ত, সেটাই তো আশ্চর্য । যা ভালো তিনি বাসেন তোদেব !’

‘নিজেব ছেলেমেয়েকে সব মা-ই ভালোবাসে , ওতে আর নতুন কী আছে ?’

‘বাঃ, এক মাস হয়নি কলকাতায় এসেছিস, এবই মধ্যে বুলি কপচাতে শিখেছিস তো বেশ !’

‘নাঃ, তুমিও আমাকে ছেলেমানুষ ভাবো ।’

‘তাতে আর দুঃখ কী—লম্বা তো হয়েছিস খুব ! চিনতেই পাবিনি প্রথম দিন দেখে—এই ডালিম ? আমাদেব ডালিম ? ঠাশ ক’বে এত বড়ো হ’য়ে গেলো কবে ?’

‘তুমিও অনেক বড়ো হয়েছো, ছোটোমাসি ।’

এ-কথাব উত্তরে স্বাভাবিক কিছু বললো না, কয়েক পা হেঁটে গিয়ে একটি চেয়ারে বসলো । চেয়ারগুলি আগে ছিলো ঘবেব নাকথানে, যেমন থাকা উচিত , এখন আছে একপাশে একটু ঘেষে-ঘেষে, কেননা বসবার ঘবেব অর্ধেকটা এখন ডালিমেব ; সৰ্ব্ব একটা তক্তাপোশ, ছোটো টেবিল—শাখতীব পুরোনো দিনের পড়ার টেবিল, এতদিন যেটা রাজেনবাবুব ঘবে জায়গা জুড়ে প’ড়ে ছিলো—সেই সঙ্গে বেখাপ্পারকম নতুন একটা চেয়ার—মামার উপহার ভাগ্নেকে—টেবিলে বই, গোলটাইমপীস, দেয়ালে দৃশ্য-আঁকা

ক্যালেণ্ডর, কিন্তু ছবির অংশ অনেকটাই ঢাকা প’ড়ে গেছে একই পেরেকে ঝোলানো মালিকের নিজের কেনা চকচকে নতুন চৌকো আয়নাটিতে। এত জিনিশে নিশ্চয়ই একটু অঁটো হয়েছে ঘরটি, কিন্তু এখন—এই আলোর দিনে, এই সুখী, সুশ্রী, সুন্দর দিনটিতে বেশ ভালকা-খোলা ছিপছিপে লাগছিলো ঘরটিকে ; যদিও একতলা, তবু জানলা বেশি ব’লে, আর জানলার পরদাগুলি ছপুরবেলার নিরিবিলিব সুযোগে আব আজকের আশ্চর্য আলো-হাওয়াব খাতিবে স্বাতী সরিয়ে দিয়েছিলো ব’লে, আকাশেব নীল-সোনাব সচ্ছলতা পৌঁছতে পেরেছিলো ঐ ঘরটি পর্যন্ত।

ডালিম বসলো না, এগোলোও না, যেখানে ছিলো সেখানেই দাঁড়িয়ে-দাঁড়িয়ে বললো, ‘আচ্ছা ছোটোমাসি, আমি কি খুব বেশি লম্বা ?’

‘লম্বাই-তো ভালো।’

‘ভালো, কিন্তু বড্ড বেশি হওয়া ভালো কি ? আমি আবাব বোগাও কিনা—কী কবা উচিত আমাব বলো তো ? এক্সেবসাইজ করবো ? কিন্তু এক্সেবসাইজ একবাব ধরলে তারপর ছেড়ে দিলেই নাকি মোটা হ’য়ে যায় ?’

‘বোগাও থাকবি না, মোটাও হবি না—মুশকিল হ’লো তো তোকে নিয়ে।’

‘কেন, রোগা-মোটোর মাঝামাঝি কিছু নেই বুঝি ?’ ডালিম তাব ছোটোমাসির দিকে তাকালো, একটু থেমে থাকলো, তারপর বললো, ‘তুমি ব্যাকব্রাণ করতে বলেছিলে—ঠিক হয়েছে ?’

‘দেখি ?’

ଲକ୍ଷ୍ମୀ ଡାଲିମ ମାଆ ନିଚୁ କବଲୋ । ବାପେର ମତୋହି ଶକ୍ତ
କୌକଡ଼ା ଚୁଲ ତାବ, ହେଲେବେଳାବ ସିଂଥି-ସ୍ମୃତି ନିଶ୍ଚିହ୍ନ କ'ବେ
ଠେଲେ ତୁଲେ ଦିଏେଛେ ଉପବ ଦିକେ ।

ସ୍ବାତୀ ବଲଲୋ, 'ବଢ଼ ତେଲ ଦିସେଛିସ, ଅତ ଦିବି ନା । ଆବ
ଏ ନୀଳ ଷାର୍ଟଟା କି ନିଜେ ପଛନ୍ଦ କ'ବେ କିନଲି ?'

ଡାଲିମ ମୁଖ ତୁଲଲୋ । 'ଭାଲୋ ନା ?'

'ବଂଟା ବେଶ—ପବଦା ହ'ଲେ ମାନାତୋ । ଆବ ତୁହି ବୁଝି
କୌଚାବିବୋଧୀ ?'

ଡାଲିମେବ ମାଆ ଆବାବ ନିଚୁ ହ'ଲୋ । ବିଚ୍ଛିବି—ଏখন ତା-ଟି
ଲାଗଲୋ— ବିଚ୍ଛିବି ମାଲକୌଚାବ ଫୁଲେ-ଓଁଆ ଭାଞ୍ଜେବ ଦିକେ ଏକବାବ
ତାକାଲୋ, ବିଚ୍ଛିବି ନୀଳ ବଞ୍ଡେବ ଷାର୍ଟଟାବ ଦିକେ ଏକବାବ , ତାବପବ
ମାଆ ନିଚୁ ବେଥେଇ ଭୁକ କୁଚକେ ଚୋଖ ତୁଲଲୋ, ସ୍ବାତୀବ ପିଛନ
ଦିକେବ ଦେଧାଲଟା ଦେଖତେ-ଦେଖତେ ବଲଲୋ, 'ଆମି ଯା-ଟି କବି
ଆବ ନା କବି, ଆମି-ତୋ ଆମିଟି ଥେକେ ଯାବୋ ।'

'ତୋବ ବୁଝି ଅନ୍ତ-କେଉଁ ହ'ତେ ଇଚ୍ଛେ କବେ ?' ସ୍ବାତୀ ମୁଖ ଟିପେ
ହାମଲୋ, ନିଜେବ ତେବୋ-ଚୋଦ୍ଦ ବଛବେବ ଝାଲା-ସନ୍ତ୍ରଣାବ କଥା
ମନେ କ'ବେ ।

'ଇଚ୍ଛେତେ ଆବ କି ହସ, ବନୋ ?' ଏବ ପବେ, ସେହି ଦେଧାଲେ
ଚୋଖ ବେଥେଇ, ଡାଲିମ ଆବାବ ବଲଲୋ, 'ଇଚ୍ଛେ କବେଲେଇ କି ଆମି
ସତ୍ୟେନବାବୁ ହ'ତେ ପାବି ?'

ସ୍ବାତୀ ଜୋବେ ହେସେ ଉଠେ ବଲଲୋ, 'ଏତ ଲୋକ ଥାକତେ ଓଁକେଇ
ପଛନ୍ଦ କବଲି ?'

'ବାଃ, ସତ୍ୟେନବାବୁ ଖୁବ ଯୁନ୍ଦବ-ସେ !'

‘সুন্দব ?’ আব-এক দমক হাসলো স্বাতী । ‘এ-কথা পৃথিবীতে
তোৰ আগে কেউ উচ্চাৰণ কবেনি ।’

‘আহা – লোকে-তো ফৰ্শী বং আব মাপজোক-মতো নাক-চোখ
হ’লেই সুন্দব বলে । কিন্তু আমবা বলি, না—লাবণ্যই আসল ।’

‘আমবা মানে কে-কে ?’

ডালিম হেসে ফেললো তাব একটু ফাঁক-ফাঁক দাঁত দেখিয়ে ।
চোখ সবিয়ে, ঠিক স্বাতীৰ মুখেৰ উপৰ এনে বললো, ‘তুমিই বলো
ছোটোমাসি, সত্যেনবাবু সুন্দব না ?’

এ-কথার উত্তৰে ছোটোমাসি ঠাট্টা কবলেন, ‘এ-বকম বৃষ্টি
কোনোদিন কেউ দ্যাখেনি ?’

ডালিম গম্ভীৰভাবে বললো, ‘কাউকে দিয়ে আমি কী কববো ।
আমি আমাব চোখ দিয়েই দেখি ।’

‘ওবেব-বাবা ।’ স্বাতীৰ হাসিতে দিনটিৰ সমস্ত আলো শুব
হ’য়ে বেজে উঠলো । ‘এদিকে ঝুঁকে দেখলেই তো পালিয়ে যাস ।’

‘আমি আব কী কথা বলবো ওঁব সঙ্গে ।’

একটু চুপ ক’বে থেকে স্বাতী হঠাৎ বললো, ‘তোব বোধহয়
অসুবিধে হয় এ-ঘৰে ?’

‘অসুবিধে ? কেন ?’

‘বসবাব ঘৰ তো—কখনো কেউ এলে—’

‘ওঃ, আমি কি আব তেমন ছেলে যে সব সময় শুধু পডবো
ব’সে-ব’সে । আব আসেই বা কে ।—মাঝে-মাঝে সত্যেনবাবু—’
হঠাৎ থামলো ডালিম, তক্ষুনি আবাব বললো, ‘তোমাদের
হয় না তো অসুবিধে ?’

স্বাতী বললো, ‘বড্ড। বাবার তো রাত্তিরে ঘুম হয় না এ-কথা ভেবে যে তুই বুঝি একা ঘরে ভয়-টয় পেলি।’

‘সে কী!’ গৌফের ছায়া-পড়া ঠোট এমন ক’রে বাঁকালো ডালিম যে দেখতে মিষ্টি হ’লো। ‘আমি ভয় পাবো কেন?’

‘আমিও তো তা-ই বলি। কিন্তু বাবা রাত্তিরে উঠে একবার দেখেই যাবেন—কী জানি, বলা তো যায় না, তোকে যদি ভূতেই ধরে কি রান্ধসেই খেয়ে ফ্যালে!’

‘কী-অণ্ডায়!’

‘বাবার ইচ্ছে তুই তাঁর ঘরেই থাকিস। বলেন, “এখানে-তো অনেক জায়গা, আর আমি-তো থাকিই না সারাদিন”—’

‘দাছ বড্ড—’

‘হ্যাঁ, বাবা বড্ড। তা তুই কী বলিস?’

তার টেবিল, তার তক্তাপোশ, তার আয়না, তার ছিমছাম-গুছোনো ছোট্ট রাজত্বটির উপর একবার চোখ ঘুরিয়ে এনে ডালিম বললো, ‘আমি—আমি এখানেই থাকি—কেমন, ছোটো-মাসি?’ তারপর ইচ্ছার সপক্ষে একটা যুক্তিও উদ্ভাবন ক’রে ফেললো, ‘তোমাদেরও সুবিধে—কেউ এলে-টোলে তক্ষুনি খবর দিতে পারি।’

‘মস্ত সুবিধে!’ স্বাতী হাসলো, তারপর কড়া চোখে তাকিয়ে বললো, ‘গল্প ক’রেই কাটাবি দিনটা, না কি কলেজ আছে-টাছে?’

টেবিলের টাইমপীসটার দিকে একবার চোখ ছুঁড়ে ডালিম উত্তর দিলো, ‘এখনো দেরি আছে একটু। তোমাদের বেশ সকালে কলেজ—সারাটা দিন ছুটি পাও।’

‘আমার ভালো লাগে না।’

ডালিম তক্ষুনি বললো, ‘আমারও না! কোন ভোরে উঠতে হয়—। আচ্ছা ছোটোমাসি, সত্যেনবাবু তোমাদের কী পড়ান?’

‘তুই যা একেবারেই পড়িস না, উনি তা-ই পড়ান।’

ডালিম চোখ দিয়ে হাসলো।—‘বাঃ, আমি বুঝি কবিতা পড়ি না? দেখছো না আমাব টেবিলে “সঞ্চয়িতা”?— নিশ্চয়ই খুব ভালো পড়ান উনি? আগে জানলে ওখানেই ভরতি হতাম। কিন্তু বাবা ব’লে দিয়েছিলেন প্রেসিডেন্সি কথো—বাবাও সেখানেই পড়েছিলেন—আব তাঁব কথামতো সায়ান্সও নিয়েছি—কিন্তু একটুও ভালো লাগছে না, ছোটোমাসি।’

ছোটোমাসি ধমক দিলেন, ‘ভাগ, পালা এখন, আব আড্ডা না! দেবি হচ্ছে না কলেজেব!’

ডালিম বই-খাতা হাতে কয়েকটি অনিচ্ছুক পা ফেলে দবজা পযন্ত এলো। আবাব দাঁড়িয়ে বললো, ‘আজ কলেজ হবে কিনা কে জানে।’

‘কেন?’

‘রবীন্দ্রনাথের যে-রকম—’

‘যাঃ! ও-কথা মুখে আনতে নেই।’

‘না, না, কাল সবাই বলছিলো কিনা, আর আজকেও তো কাগজে—আচ্ছা, যাই।’ ডালিম যেন নিজেকে ধাক্কা দিয়ে নামিয়ে দিলো বাস্তায়।

স্বাতী একভাবেই ব’সে থাকলো। আরাম লাগছিলো তাব, শরীরের আরাম, ঝিরঝিরে ছপূরেব আবাম, খেয়ে উঠে একটু গল্প-টল্লেব পর পরিপাকের মন্থণতার আবাম। ব’সে-ব’সে

ঝিমুনি এলো—ঘুমই আসছিলো, সত্যি বলতে—হ
হালকা আওয়াজ শুনে চোখ বুজেই বললো,
গিয়েছিলি কিছু ?’

‘উত্তর না-পেয়ে স্বাতী চোখ খুললো, চোখ খুলেই ছিটকে উঠে
দাঁড়ালো ।

‘—কী ? কী হয়েছে ?’

শুকনো মুখ, উশাকো চুল, চাপা ঠোঁট আর না-কামানো গাল—
এতদিনের মধ্যে কখনো স্বাতী দ্যাখেনি সত্যেন রায়ের এ-রকম
চেহারা। আর কথা যখন বললেন, আওয়াজটাও অস্বাভাবিক শোনালো :

‘শোনানি এখনো ?’

‘কী ?’

সত্যেন চোখ তুললো স্বাতীর মুখে, চোখ নামালো মেঝেতে ।
বললো, ‘রবীন্দ্রনাথ—’ আর বলতে পারলো না ।

সঙ্গে-সঙ্গে স্বাতীর মাথাও নিচু হ’লো, আর হাত দুটি এক
হ’লো বুকের কাছে । খানিক আগে যখন বড়দির চিঠি পড়ছিলো
দাঁড়িয়ে-দাঁড়িয়ে, ভঙ্গিটা সেইরকমই হ’লো অনেকটা ; আর
তার ঘাড়ের, কাঁধের, পিঠের গড়নে—যেখানে তখন সুখের
সুঘমা প্রায় কথা বলছিলো—সেই সব বেখাই দুঃখ আঁকলো
সেখানে, স্তব্ধ আনতি, দুঃখের আরো গভীর সুঘমা ।

দু-জনে দাঁড়িয়ে থাকলো মুখোমুখি । কিন্তু মুখোমুখি না, কেননা
দু-জনেই নিচু মাথা, আর দু-জনেই চুপ । একটু পরে সত্যেন
চোখ তুললো ; স্বাতী তা দেখলো না, কিন্তু সেও চোখ তুললো
তখনই : প্রশ্নহীন শান্ততায় তাদের চোখোচোখি হ’লো ।

সত্যেন্দ্র রায় বললেন, ‘চলো।’

‘কোথায়?’

‘যাবে না একবার? দেখবে না?’

‘নিশ্চয়ই!’ ব’লেই স্বাতীর মনে হ’লো—কিন্তু বাবাকে না-ব’লে?

‘চলো তাহ’লে।’

‘কিন্তু আপনি—এখন কোথেকে?’

‘আমি ওখানেই—এখন আসতাম না—তোমাব জন্ম এলাম। তুমি-তো ছাখোনি কখনো—দেখলে না—তবু যদি শেষ একটু—’

সত্যেন্দ্র রায়ের দাড়ি-গজানো শুকনো মুখের দিকে তাকিয়ে স্বাতী বললো, ‘কিন্তু আপনার স্নান-খাওয়া বোধহয়—’

‘ও-সব এখন না,’ ঈষৎ ভঙ্গি হ’লো সত্যেন্দ্রের কাঁধে, ঈষৎ অসহিষ্ণুতার।

‘আর দেরি না। চলো!’

‘আপনি একটু কিছু খেয়ে নিন। কিছু খাননি সকাল থেকে?’

‘না, না!’ একটু জোরেই ব’লে উঠলো সত্যেন্দ্র। মনে-মনে একটু খারাপ লাগলো তাব—যেন আঘাত লাগলো—আজকের দিনে, এ-রকম সময়ে এ-সব তুচ্ছ খাওয়া-টাওয়া নিয়ে স্বাতীর এই ব্যস্ততায়। সকালে প্রথম পেয়ালা চায়ের পরে এ-পর্যন্ত কিছুই খায়নি, তা সত্যি: কিন্তু এখন তার ক্ষুধাবোধ একটুও ছিলো না, ক্লান্তিও না; আর-কোনো চেতনাই তার ছিলো না দুঃখের চেতনা ছাড়া; মহৎ, মহামূল্য, তুলনাহীন দুঃখ; কল্পনায়

চেনা, সম্ভাবনায় পুরোনো, তবু বাস্তবে আশ্চর্য, আকস্মিকের মতো নতুন, অবিশ্বাস্ত্রের মতো অসহ্য।...সকালে গিয়ে যেই বুকুলো যে আজই শেষ, তখনই স্থির করলো শেষ পর্যন্ত থাকবে;— তারপর কেমন ক'রে কাটলো ঘণ্টার পর ঘণ্টা, ভিড় বাড়লো, জোড়াসাঁকোর বড়ো-বড়ো ঘর আর বারান্দা ভ'রে গেলো, উঠোনে আরো—; টেলিফোনে ব'সে গেঞ্জিগায়ে কে-একজন ঘামতে-ঘামতে খবর জানাচ্ছে চেষ্টায়ে; তাছাড়া চুপ, অত লোকের মধ্যে কারো মুখেই কথা নেই, চেনাশোনারা পরস্পরকে দেখতে পেয়ে কিছু বলছে না, নতুন যারা আসছে তারা কিছু জিগেস না-ক'রেই বুঝে নিচ্ছে। অপেক্ষা, বোবা অপেক্ষা, শুধু অপেক্ষা— কিসের?...একবার, অনেকক্ষণ পর, একটু বসেছিলো সে, ব'সে থাকতে-থাকতে হঠাৎ একটা শব্দ শুনলো—পাশের ঘর থেকে— অনেকক্ষণ চেপে বাখার পব বুকফাটা বাপটা দিয়েই থেমে যাবার মতো, আর সঙ্গে-সঙ্গে অনেকেই তাকালো হাতের, দেয়ালের ঘড়ির দিকে, বারোটা বেজে কত মিনিট কী-যেন ফিশফিশানি উঠলো। খানিক পরে যখন একবার ক'রে ঘরে যাবার অনুমতি দিলো সবাইকে—সেও গেলো। মাথাটি মনে হ'লো আগের চেয়েও বড়ো, প্রকাণ্ড, কিন্তু শরীরটি একটু-যেন ছোটো হ'য়ে গেছে। যদিও তেমনি চওড়া কজির হাড়, তেমনি জোরালো, প্রচণ্ড আঙুল। শেষবার সে চোখ রাখলো তার কতকালের চেনা সেই মুখের, মাথার, কপালের দিকে, মহিমার দিকে; একবার হাত রাখলো হিমঠাণ্ডা পায়ে।...আর সেই মুহূর্তটি যেই মনে পড়লো সত্যেনের, যেই দেখতে পেলো মনের চোখে আবার সেই

প্রকাণ্ড মাথার ক্লান্ত মুখে পড়া, অমনি তার বুক ঠেলে একটা গরম শিরশিরানি উঠলো, মুখ ফিরিয়ে নিলো তাড়াতাড়ি। মুহূর্তের চেষ্ঠায় আত্মস্থ হ'য়ে নিয়ে আবছা একটু হাসির ধরনে বললো, 'আচ্ছা, জল দাও এক গ্লাস।'

'শুধু জল?' স্বাতী তাড়াতাড়ি জল এনে দিলো ডালিমের কুঁজো থেকে।

জল খেয়ে সত্যেন বললো, 'আর দেরি না। চলো।'

তখন স্বাতী বললো, 'কিন্তু—আমি ভাবছি—'

'তোমার বাবার কথা ভাবছো?' সত্যেন ঠিক আন্দাজ করলো—অর্ধেকটা ঠিক—'তিনি এসে পড়বেন এখনই। আপিশ সব ছুটি।'

স্বাতীর মুখ উজ্জ্বল হ'লো। 'তাহ'লে—একটু দেরি করলে হয় না?'

'বাবাকে ব'লে যেতে চাও?' সত্যেন এবার ধরলো পুরো কথাটা, আর আবার একটা ধাক্কা লাগলো তার মনে। আজকের দিনেও নড়চড় হ'তে পারবে না কোনো নিয়মের? দৈনন্দিন বাধ্যতাকে একটু ভোলা যাবে না কোথাও? ভাবতে হবে অগ্ন্য সব দিনের মতোই অগ্ন্য সব কথা? কিন্তু সে-তো আর-কিছু ভাবেনি; ভিড়ের মধ্যে বেঁকে-বেঁকে বেরিয়েই দৌড়ে বাস্ ধ'রে ছুটে এসেছে জোড়াসাঁকো থেকে টালিগঞ্জ, তক্ষুনি আবার টালিগঞ্জ থেকে জোড়াসাঁকো ছুটবে ব'লে।—কিন্তু কেন?

প্রশ্নটা সত্যেনের মনে উঠেই মিলিয়ে গেলো; নিজের সঙ্গে

শওয়াল-জবাবের অবস্থা তার নেই এখন, সময়ও না। বললো,
'তোমার বাবা কিছু বলবেন না, আমি জানি।'

'আমিও জানি।'

'তবে ?'

স্বাতী জবাব দিলো না।

সত্যেন বললো, 'তাহ'লে তুমি বরং থাকো। কিন্তু আমি
আর থাকতে পারছি না।'

স্বাতী তক্ষুনি বললো, 'না, আমিও যাবো।'

ছুটে ভিতরে গেলো, ছ-লাইন চিঠি লিখে রামের মা-র হাতে
দিলো বাবার জন্ত, বদলে নিলো জামা আর জুতো, হাতে নিলো
ব্যাগ, আর সত্যেন রায়ের সঙ্গে রাস্তায় নেমে প্রথমেই লক্ষ্য করলো
যে দিনটি এখনো তেমনি সুখী আর সুশ্রী আর উজ্জ্বল।

কালিঘাটের আগেই ভরতি হ'য়ে গেলো বাস্। তবু আরো
উঠছে ; কলেজের ছেলে, মেয়ে, স্কুলের ছেলে, দোকানদার, বেকার,
আড্ডা-দিয়ে-দিন-কাটানো ছোকরা। দম আটকে আসে, এমন
ভিড়। কিন্তু স্বাতীর লেডিজ সীট নিরাপদ ;—আর সে বসেছে
জানলাধারে, একমনে বাইরের দিকে তাকিয়ে। রাস্তায় বিকেলের
মতো লোক ;—দলে-দলে চলেছে স্কুলছেলেরা, কিন্তু হল্লা নেই ;
বুড়োমতো অনেকে ঘুরে বেড়াচ্ছে, যেন কিছুই করবার নেই ;
যে-দোকানেই রেডিও চলছে তার সামনেই ভিড় ; আর
মোড়ে-মোড়ে ছোটো-ছোটো ভিড় কোনো-একটা বাস্-ট্রামে
উঠতে পারার আশায়। সিনেমার দেয়াল-ছবি কালো কাগজে কাটা

পড়েছে; দরজা বন্ধ। মেয়েবা, খোলা চুলে, বাচ্চা কোলে, দাঁড়িয়ে আছে বাবান্দায়, জানলায়, দেখে নিচ্ছে যতটা সম্ভব রাস্তাটাকে। বাস্তাতেই আজ সকলের চোখ, সকলের মন।

মেঘলা হ'য়ে এলো দিন, চৌরঙ্গিতে আসতে-আসতে বৃষ্টি নামলো। কিন্তু এসপ্লানেডে এসে বাস দাঁড়ালো যখন, আবাব জলজলে বোদ, আব সেই ভিজেনরম আলোয় স্বাতী দেখলো ভিড়ের এক আশ্চর্য আলোড়ন, এসপ্লানেডের পক্ষেও আশ্চর্য। স্ট্রুটপবা আপিশচাকুবে, কালোকোর্তা উকিল, ছাতাহাতে আধবুড়ো বাবুবা, ছিপছিপে ছোকবাকেকবানি, ইংবেজ, চিন, মান্দ্রাজি, পাদ্রি, পার্শি : চৌবঙ্গি, ধবমতলা, কর্জন পার্ক, কর্পোবেশন স্ট্রিট—সব দিক থেকে সব দিকে আসা-যাওয়া করছে সকলে, কিন্তু কোথায় যাচ্ছে ঠিক যেন জানে না, একটু-যেন দিশেহাবা; আপিশ-ছটি হ'লেই সোজা বাড়ি ফিরতে হবে, এই মুখস্থ কথাটা অনেকেই যেন ভুলে গেছে। দেখতে যতই ভিন্নভিন্ন হোক, কলকাতার ভিড় কখনোই লক্ষ্যহীন নয়; প্রত্যেকে জানে কোথায় যাচ্ছে আব কেন যাচ্ছে কিন্তু সেই লক্ষ্য, লক্ষ্যের নিশ্চয়তা আজ হাবিয়ে ফেলেছে সবাই—আব সেইজন্মই আশ্চর্য, অদ্ভুত এই ভিড়।

সোজা দাঁড়িয়ে সোজা তাকিয়ে আছে কেউ, কেউ গিচিগিচি হাঁটছে, কেউ হঠাৎ যেন মনস্থির ক'রে বাবকয়েক পা ফেনেই থেমে যাচ্ছে আবাব, কেউ কাগজ পড়ছে দাঁড়িয়ে-দাঁড়িয়ে, আব তাব ঘাড়ের উপর দিয়ে গলা বাড়িয়েছে আবো ত-তিনজন। এইমাত্র পৌঁছলো কাগজের স্পেশল, হাতে-হাতে উজোড হ'য়ে যাচ্ছে।

সত্যেন, স্বাতীর পিছনে ব'সে, হাত বাড়িয়ে কাগজ কিনলো। একবার তাকিয়েই স্বাতীকে দিলো। 'স্বাতী একবার তাকিয়েই রেখে দিলো কোলের উপর। তার পাশে ব'সে ছিলো যে-বছরপনেরোর মেয়েটি, অনুমতি না-নিয়েই সেটা হাতে নিলো, তার চোখ নড়তে লাগলো উপর থেকে নিচে, আর সেই চোখ থেকে টপটপ ক'রে জল পড়তে লাগলো কালো-কথা-ছাপানো কাগজটার উপর, ছাপাখানার কাঁচা কালি মুছে-মুছে দিয়ে।

জোড়াসাঁকোয় প্রায় খালি হ'য়ে গেলো বাস। সকলে ছুটলো দ্বাবকানাথের গলির দিকে, কিন্তু সত্যেন রাস্তা পেরোতে গিয়ে থমকালো। দেখে গেলো মানুষের জাঙাল—হ'লো কী? কেউ নেই যে?—‘এর মধ্যে নিয়ে গেলো?’ তার মুখ দিয়ে বেরিয়ে পড়লো কথাটা।

‘হ্যাঁ, নিয়ে গেছে—দেখতে চান তো কলেজ স্ট্রিটে—’ বলতে-বলতে চ'লে গেলো একজন।

স্বাতী আগে কখনো আসেনি চিৎপুরে; অবাক হ'য়ে দেখছিলো গলির মতো রাস্তায় ট্রাম-বাস-এব ঠেলাঠেলি; আবার ওরই মধ্যে আরো গলি, প্যাঁচালো, অন্ধকার; উঁচু-উঁচু বাড়ির আকাশ-ঢাকা ঘেঁষাঘেঁষি; ফুটপাতে অদ্ভুত ভিড়, আর অদ্ভুত সব জিনিসের দোকান। প্রায় ভুলেই গিয়েছিলো কেন এসেছে; মনে পড়লো সত্যেনের কথায়: ‘নিয়ে গেছে। চলো কলেজ স্ট্রিট। হাঁটতে পারবে না তাড়াতাড়ি?’

নামমাত্র ফুটপাতে গায়ে-গায়ে ধাক্কা বাঁচিয়ে দ্রুতনিঃশব্দ হাঁটতে লাগলো দু-জনে। ক-মিনিট পরে বেঁকলো বাঁয়ে, ঢুকলো

মুক্তারামবাবু ষ্টিটে। কলকাতার এ-সব পাড়া—স্বাতীর মনে হ'লো—যেন অন্য দেশ, অন্য জগৎ; এর আলো, হাওয়া, এর গন্ধ পর্যন্ত অন্তরকম। এদিক-ওদিক তাকাতে চাইলো, কিন্তু ভালো ক'রে দেখতে পারলো না—এত তাড়াতাড়ি হাঁটছিলেন সত্যেনবাবু।

লম্বা, বাঁকা, অন্ধকার মুক্তারামবাবু ষ্টিট কর্নওআলিস ষ্টিট শেষ হ'লো; আর একটু পরেই দেখা গেলো কলেজ ষ্টিট হ্যারিসন রোডের মোড়।

কলেজ ষ্টিট মার্কেটের ছাতে-ঢাকা ফুটপাতে সত্যেন দাঁড়ালো, একটা জুতাদোকানের সিঁড়িতে উঠলো। আরো অনেকে দাঁড়িয়েছে সেখানে, বেশির ভাগ কলেজের ছাত্র। মুখে-মুখে শোনা গেলো, এক্ষুনি এসে পড়বে।

সত্যেন বললো, 'কষ্ট হ'লো তোমার হাঁটতে ?

'না।'

'মনে হচ্ছে কি, না-এলেই পারতে ?'

'না।'

কথা ফুরোলো ওখানেই, আবার ছ-জনে চুপ। উল্টো দিকে একটা একতলা দোকানঘরের কার্নিশছাড়া বিপজ্জনক ছাতে কয়েকজন দাঁড়িয়ে আছে ক্যামেরা তাক ক'রে; পাশের দোতলার বারান্দায় মেয়েদের, বাচ্চাদের ভিড়; আশে-পাশে একটা জানলা নেই যেখানে তিন-চারটি ক'রে মুখ না বেরিয়ে আছে, আর রাস্তায় কেউ চলছে না, সকলেই দাঁড়িয়ে। সত্যেন আবার অনুভব করলো মনের উপর সেই অপেক্ষার, সেই বোবা অপেক্ষার চাপ।

'আসছে...আসছে...' গুনগুন রব উঠলো ভিড়ের মধ্যে।

স্বাতী মনে-মনে ভাবছিলো লম্বা গম্ভীর আনত আচ্ছন্ন স্তব্ধ মন্থর মিছিল ; কিন্তু মাত্রই কয়েকজন যেন অত্যন্ত তাড়াতাড়ি ক’রে নিয়ে এলো কাঁধে ক’রে—নিয়ে গেলো উত্তর থেকে দক্ষিণে—পিছনে এলোমেলো অল্প লোক—; বিদ্যুতের মতো ঝিলিক দিয়ে মিলিয়ে গেলো স্বাতীর চোখের সামনে দিয়ে—রোদ্দুরে ঝিলিক দিলো লম্বা শাদা চুল আর মস্ত শাদা শান্ত তন্ময় কপাল। ঐটুকু দেখলো স্বাতী, আর দেখতে পেলো না।

সত্যেন দেখলো, স্বাতী দাঁড়িয়ে আছে শক্ত সোজা হ’য়ে, হাত মুঠ ক’রে, ঠোটে ঠোট চাপা ; দেখলো তার কণ্ঠের কাঁপুনি, ঠোঁটের কাঁপুনি, গালের ঘনরং ; দেখলো তার তরল কালো উজ্জল চোখ দুটি আরো উজ্জল হ’লো, ঝকঝকে দুটি আয়না হ’য়ে উঠলো, তারপর ভাঙলো আয়না, আবার তরল হ’লো, উপচোলো, মাথা নিচু হ’লো।

আর তা-ই দেখে সত্যেনেরও নতুন ক’রে গলা আটকালো, চোখ ঝাপসালো, আর সেজন্য লজ্জা করলো নিজের কাছেই। এ-মৃত্যু তো কান্না চায় না ; এই দুঃখ, এই মহান, মহামূল্য দুঃখ, আশি বছরের পরম পরিশ্রমের এই সবশেষের রহ—এ কি চোখের জলে বাজে-খরচ করবার ?

‘চলো এখন,’ সত্যেন কথা বললো।

সে-যে কাঁদছিলো। তা লুকোবার চেষ্টা করলো না স্বাতী, আঁচলে চোখ মুছলো, কাশলো একবার, একটু ভাঙা গলায় বললো, ‘চলুন।’

কিন্তু ট্রাম-বাস আকণ্ঠ। নানা রাস্তা দিয়ে, নানা রাস্তা ঘুরে

সবাই ছুটেছে নিমতলার দিকে। অসহায় দাঁড়িয়ে রইলো দু-জনে, দাঁড়িয়ে থাকতে-থাকতে পা ধ'রে এলো।

স্বাতী বললো, 'হাঁটলে হয় না? একটু এগিয়ে গেলে হয়তো—'

'একটু এগোলে কিছু হবে না। এক যদি এসপ্লানেড পর্যন্ত—'

'এসপ্লানেড কি খুব দূর?' স্বাতী, এ-অঞ্চলের ভূগোল-বিষয়ে অনিশ্চিত, জিগেস করলো।

'তেমন আর দূর কী,' সোৎসাহে বললো সত্যেন। 'চিত্তবজ্রন এভিনিউ দিয়ে—হাঁটবে তাহ'লে?'

'বেশ-তো।'

কলুটোলা পার হ'য়ে চিত্তবজ্রন এভিনিউয়ে পৌঁছতেই আকাশ কালো ক'রে আবার বৃষ্টি নামলো একেবারে হঠাৎ। একটা পোর্টিকোর তলায় আশ্রয় নিলো তারা। ঘোর বৃষ্টি, জীবনামলো ঝমঝম, আর সেই বৃষ্টিতে ভিজে-ভিজে চ'লে গেলো একদল শান্ত নিঃশব্দ গম্ভীর মন্তর চিনে, প্রত্যেকের মাথা নিচু, প্রত্যেকের হাতে ফুল, প্রত্যেকের খালি পা।

যতক্ষণ দেখা গেলো স্বাতী তাকিয়ে-তাকিয়ে দেখলো তাদের। তারপর বললো, 'কী-সুন্দর এরা!'

সত্যেন মাথা নেড়ে সায় দিলো।

'যাচ্ছে কোথায়?'

'নিমতলায়—নিশ্চয়ই।'

নিমতলার নাম শুনেছিলো স্বাতী, তাই বুঝলো।—'আপনি যাবেন না?'

'যেতাম—কিন্তু—'

‘আমি বুঝি যেতে পারি না সেখানে?’

‘তুমি যেতে পারো, কিন্তু আমি নিয়ে যেতে পারি না।’

‘কেন?’

‘ভাবতে পারো না কী-ভিড় হবে।’

স্বাতীর ভালো লাগলো না কথাটা। মনে হ’লো আজকের দিনেও সত্যেনবাবু বড্ড সাবধানী, ধরাবাঁধা, বড্ড নিয়ম-মেনে-চলা। এদিকে রুষ্টি থামে না।

আর-একটি দল এলো, সাহেব, পাদ্রি, দাড়িওলা বুড়ো-বুড়ো, লম্বা শাদা আলখাল্লা পরনে, হাতে ফুল, মুখে শান্তি, চোখে প্রার্থনা। ভিজতে-ভিজতে চ’লে গেলো।

রুষ্টি কমলো, রুষ্টি থামলো, ফোঁটা-ফোঁটা রুষ্টিতে আবার রওনা হ’লো তারা, ফোঁটা-ফোঁটা রুষ্টি হাতে, ঠোঁটে, মাথায়। রোদ ফুটলো; ভিজেকালো রাস্তায় চিকচিকোলো বিকেলবাঁকা হলদে রোদ, ভিজেনরম হাওয়ায় ঝলুমলালো।

সত্যেন বললো, ‘ক্লান্ত লাগে তো বলো, এখানে বাস্-এ ওঠা যেতে পারে, মনে হচ্ছে।’

স্বাতী বললো, ‘বেশ-তো লাগছে হাঁটতে।’ কথাটা ব’লেই অনুতাপ হ’লো, অপরাধী লাগলো; আজকের দিনে, এ-রকম সময়ে কারো কি কিছু ‘বেশ’ লাগতে পারে? না কি লাগলেই কেউ মুখে বলে? ভীকু আড়চোখে স্বাতী তাকালো সত্যেন রায়ের মুখের দিকে, কিন্তু বেশ-লাগার বিসদৃশতা শোকাচ্ছন্ন অধ্যাপক যেন লক্ষ্যই করলেন না, বরং খুশি গলায় বললেন, ‘তাহ’লে আর কথা কী।’

আবার চুপচাপ হাঁটলো ছ-জনে, কিন্তু জোড়াসাঁকোয় বিফল হ'য়ে মুক্তারামবাবু স্ট্রিট দিয়ে যেমন চুপচাপ হেঁটেছিলো ; সে-রকম না ; তখন গতি ছিলো দ্রুত, গলি ছিলো সরু, মন উৎকর্ষ ; আর এখন চোখের সামনে চিত্তরঞ্জন এভিনিউর উদার স্বজুতা—মস্ত চওড়া দিলখোলা রাস্তা, নিরিবিলি, ট্রাম নেই, মোটরগুলো যেন আলগোছে ভেসে যাচ্ছে চুপচাপ ; ছ-ধারে মস্ত উচু-উচু বাড়ি, কিন্তু আরো মস্ত, আরো অনেক উচু এখানে আকাশ, আব রাস্তা এত ছড়ানো যে বাড়িগুলিকে হালকা লাগে—ছ-ধারের বাড়ি যেন ছ-পাড়ার—; আর সমস্ত রাস্তাটির উপর কাঁপছে, ছলছে, জ্বলছে বৃষ্টিধোয়া হলদেসবুজ বিকেলের স্বচ্ছ, সূক্ষ্ম আভার একটি পরদা। আস্তে চলছে তারা, এখন আর তাড়া নেই ; কলেজ স্ট্রিট মার্কেটের জুতোদোকানের বারান্দায় পরমক্ষণ কেটে গেছে ; কানে-কানে টানা মনের ছিলা এখন ঢিলে ; এখন সময় আছে তাকিয়ে দেখার, বিকেলের দিকে, আলোর দিকে, সুন্দর, উজ্জ্বল আকাশের দিকে তাকিয়ে দেখার। অস্পষ্ট একটা সুখ মনের মধ্যে অনুভব করলো স্বাতী ; একটু পরে তার অপরাধবোধও থাকলো না, কিন্তু মনের এই হাওয়াবদলের খবর নিজেই জানলো না যেন, ভাবলো না কিছু, বিশেষ-কিছু ভাবলো না, আস্তে ডুবে গেলো নতুন সুখচেতনায়। আর সত্যেন—কবিতা-পাগল মানুষ, আবাল্য রবীন্দ্রপূজক, সে-ও অনুভব করলো অস্পষ্ট একটা সুখ ; রবীন্দ্ররহিত বাংলাদেশে শোকোচ্ছ্বাসী কলকাতার উপরে যেমন এই মুহূর্তে আকাশের বিকারহীন তোরণে নীলিমার নিশান উড়লো, তেমনি এখন তার মনেও ঐতিহাসিক শোকের গভীর কালো,

কবরটাকে ঢেকে দিলো বর্তমানের, উপস্থিতের, জীবন্ত মুহূর্তের সবুজ—আর এতই সহজে যে সে নিজেই তা বুঝলো না। এই আবছা-চেতন ভালো লাগাটা ছু-জনেই মেনে নিলো নিঃশব্দে—নিজেরটা, আর অগ্ন্যজনেরটাও—; এর আগে তারা কথা বলেনি বলবার কিছু নেই ব’লে, আর এখন বললো না যেহেতু দরকার নেই।

এসপ্লানেডে এসে আবার চাকার চীৎকার, জনতার আবর্ত, ছুটোছুটির ধাক্কা। অনেক থেমে-থেমে রাস্তা পার হ’লো। চৌরঙ্গিতে এসে সত্যেন বললো, ‘চা খাবে?’

‘আপনি তো কিছু খাননি সারাদিন,’ স্বাতীর মনে পড়লো।

‘তোমার দেরি হ’য়ে যাবে যদি মনে করো—’

‘কত আর দেরি হবে।’

‘তার মানে—ভীষণ দেরি হ’য়ে গেছে এমনিতেই?’

এ-কথায় স্বাতীর মনে পড়লো যে বাড়ির কথা, বাড়ি ফেরার কথা, বাবার কথা এতক্ষণের মধ্যে একবারও তার মনে পড়েনি। বাবা কি ভাবছেন? কতক্ষণ বেরিয়েছে? বেজেছে ক-টা? হোয়ইটওএ লেডলর ঘড়ি দেখার চেষ্টা করলো, কিন্তু এমন জায়গায় দাঁড়িয়েছে—যাকগে। বললো, ‘কোনটাতে যাবেন?’

সারি-সারি ছোটো-ছোটো রেস্টোরঁ প্রত্যেকটা বোঝাই। মাঝখানে বড়ো একটা ইংরেজ হোটেল, রাস্তার দিকটা ঘষা কাচে আক্ৰ-করা, রবর-মোড়া সিঁড়ি—সেইটিতে ঢুকে পড়লো স্বাতীকে নিয়ে সত্যেন। রাস্তার আলোভিড়গোলমালের উথালপাথাল থেকে হঠাৎ চ’লে এলো মসৃণ, শব্দহীন, প্রশস্ত, গম্ভীর অন্ধকারে। আবার

একটা নতুন গন্ধ পেলো স্বাতী, কেমন-একটা বিলেতি গন্ধ, শুকনো, হালকা, গরম-করা গন্ধ—অচেনা, কিন্তু ভালো—ভালো !

ফাঁকা-ফাঁকা টেবিলের ধার দিয়ে-দিয়ে একটা কোণটেবিলের দিকে যাচ্ছিলো তারা, হঠাৎ ‘এই যে’ আওয়াজ দিলো একটা টেবিলে একলা বসা একজন।

সত্যেন দাঁড়ালো, হাত তুললো নমস্কারে। কিন্তু উল্লেখযোগ্য কোনো প্রত্যভিবাদন না-ক’রে ভদ্রলোক বললেন, ‘কোথেকে ? নিমতলা ?’

‘না, ও-পর্যন্ত আর—স্বাতী, চিনতে পারছো না এঁকে—’

স্বাতী চিনেছিলো। কালো, অপ্রসন্ন, উশকোখুশকো, ধ্রুব দত্ত ব’সে আছেন চেয়ারের মধ্যে ছড়িয়ে, আঙুলের ফাঁকে সিগারেট, সামনে গেলাশে ফিকেব্রাউন পানীয়, যে-রকম—হঠাৎ ঝলসালো স্বাতীর মনে—যে-রকম সে দেখেছিলো চাং-আন রেস্টুরঁয় বুড়ো-মতো ফিরিজির সামনে। সত্যেনবাবুর নমস্কারের ব্যর্থতা লক্ষ্য ক’রে সে-আর অনুরূপ কোনো চেষ্টা করলো না, শুধু মুখের নম্র ভাব দিয়েই বোঝাতে চাইলো যে এই যশস্বীর পরিচিত হবার সৌভাগ্য একবার তার হয়েছিলো।

কিন্তু সেটুকুরও দরকার ছিলো না, ধ্রুব দত্ত লক্ষ্যই করলেন না তার উপস্থিতি। সত্যেনের দিকে তাকিয়ে বললেন, ‘কেমন দেখলেন হায়-হায় কাণ্ড, হৈ-হৈ ব্যাপার ?’

সত্যেন তখনই কোনো জবাব খুঁজে পেলো না এ-কথার, আর ধ্রুব দত্ত তখনই আবার আরম্ভ করলেন, ‘রবীন্দ্রনাথের জন্ম দুঃখ হচ্ছে আমার। এত চেষ্টা করলেন ইওরোপে মরতে, এতবার

বললেন, লিখলেন সে-কথা, কিন্তু শেষ পর্যন্ত—“আমার এই দেশেতেই জন্ম যেন এই দেশেতেই মরি” !’ তেতো, ছোট্ট হাসলেন ধ্রুব দত্ত, আর সেই মস্ত ফাঁকা রেস্টুরঁয় আবছা আলোর চুপচাপের মধ্যে বড্ড চড়া আর কৰ্কশ শোনালো তাঁর কণ্ঠ। সত্যেন কিছু বলতে যাচ্ছিলো বোধহয়, কিন্তু পলকে বুঝে নিলো যে ইনি কিছু শুনতে চান না, নিজের মনের জমানো কথাগুলো উগরোতে চান শুধু;—সিগারেটে টান দিয়ে, কিন্তু পানীয়টাকে তেমনি ফেলে রেখে, একটু ঠোট বেঁকিয়ে বলতে লাগলেন কবি : ‘আমিও বেরিয়েছিলাম, অনেকক্ষণ ঘুরলাম রাস্তায়-রাস্তায়, তারপর টিঁকতে না-পেরে ঢুকে পড়লাম এখানে। ওঃ, কী-একটা সুযোগ ! যারা “কথা ও কাহিনী” ছাড়া কিছু রবীন্দ্রনাথ পড়েনি, পড়লেও বোঝেনি, বুঝলেও মানেনি, আর যে-সব ধূর্তনির্বোধ-ধ্রুন্ধর তেলতেলে ঠোটে “গুরুদেব” আওড়ায়, অথচ যাদের সমস্ত অস্তিত্বটাই রবীন্দ্রনাথের বিরুদ্ধতা, আর সেইসব অসংখ্য ভুজুগনাচুনিরা, যারা সারা জীবনে কখনো জানবে না, জানতে চাইবে না, রবীন্দ্রনাথ কী, কেন, কেমন, সেই দেশস্বন্ধু সকলের কী-একটা সুযোগ আজ ! দশটা আই. এফ. এ. ফাইনালের সমান, একশোটা কানন-সাইগল একসঙ্গে ! কাগজগুলাদের পৌষ মাস, মিটিংগুলাদের মরশুম, বাবসাদারি বড়োকর্তাদের নাম-ফাঁপানো- ইল্লা ! কী-উংসাহ, কী-ভটোপুট, কী-ফুর্তি ! রবীন্দ্রনাথের বেঁচে থাকা বা না-থাকায় কিছুই যাদের এসে যায় না, এই শোকের হোলিতে চরম মেতেছে তারাই ! হাঃ !’

থেমে-থেমে, প্রত্যেকটি কথা ভেবে-চিন্তে, চড়া, কড়া, কৰ্কশ গলায় পূর্বসূরীর অন্ত্যেষ্টিভাষণ উচ্চারণ করলেন উত্তরসাধক, শেষ

কণ্ঠধ্বনির পরে ঠিক জায়গায় থামলেন, সামনে ঝুঁকে হাত বাড়ালেন, অন্তঃস্থ করলেন কিঞ্চিৎ পানীয়, তারপর চেয়ারে হেলান দিয়ে বুঝিয়ে দিলেন এ-বিষয়ে আর-কিছু তাঁর বলবার নেই।

সত্যেন কথাগুলি শুনছিলো চুপ করে, শুনতে-শুনতে গম্ভীর হ'লো তার মুখ, তারপর বিষণ্ণ, এমনকি একটু ব্যথিত হ'লো। একটু পরে বললো, 'আচ্ছা, তাহ'লে—' হাত তুললো বিদায় জানিয়ে।

'আপনারা—' ধ্রুব দত্ত হঠাৎ তাকালেন স্বাতীর দিকে, যেন এইমাত্র দেখতে পেলেন—'এখানেই বসুন না।' অস্বস্তি হ'লো স্বাতীর, এর আগে সত্যেনবাবুর ঘরে এঁকে দেখে যেমন হয়েছিলো তার চেয়েও বেশি, মুখ ফেরালো তখনই, তবু অনুভব করলো মুখের উপর তীক্ষ্ণ জলজ্বলে চোখ—আর তার ভয় হ'লো যে সত্যেনবাবু-না ও-টেবিলেই ব'সে পড়েন, তাই নিজেই এগিয়ে গেলো কয়েক পা।

'আমরা একটু ওদিকে—' ব'লে সত্যেনও এগোলো। অনেকটা দূরে কোণখোঁষা টেবিলে দু-জনে বসলো যখন, নিপুণভাবে চা ঢেলে, নিঃশব্দে চুমুক দিয়ে, বাঁ হাতে একটি স্মাণ্ডউইচ তুলে স্বাতী বললো—তার পক্ষে একটু বেশিই গরম সুরে বললো, 'কবি হ'তে পারেন, বিখ্যাত হ'তে পারেন, কিন্তু মানুষ ভালো না!'

সত্যেন তখন পর্যন্ত ধ্রুব দত্তের কথাই ভাবছিলো, একটু হেসে বললো, 'ভালোমানুষ? মনের কথা যে মুখে বলতে পারে না, অগ্নায়ের প্রতিবাদ পারে না, যার চক্ষুলজ্জা বেশি, সংসাহস কম, আর সেইজন্য অগ্নেরা যাকে যেমন-তেমন ব্যবহার করে—সেই তো ভালোমানুষ?' বলতে-বলতে নিজের কথাই মনে পড়লো সত্যেনের,

এব দত্তর কথার উত্তরে কিছু তার বলবার ছিলো, বলা উচিতও ছিলো, কিন্তু কিছুই বলতে পারেনি—আর এ-রকম নিত্যই ঘটে তার জীবনে, মনে-মনে অনেক কষ্ট পায় সে-জন্য।

‘না, তা কেন?’ স্বাতী প্রতিবাদ করলো। ‘নিজে কষ্ট পেলেও অন্তরে যে আঘাত করে না, সে-ই ভালোমানুষ।’ ব’লেই মনে পড়লো নিজের বাবাকে—কিংবা বাবাকে ভেবেই কথাটা বললো।

সত্যেন তাকালো স্বাতীর দিকে, একটু তাকিয়ে থাকলো। আবেগের উষ্ণতার রং লেগেছে তার মুখে, এতক্ষণের হাঁটাচলায় ঈষৎ বিশ্রান্ত চুল, চোখে আত্মবিশ্বাসের ঝঙ্কুতা। এতদিনের মধ্যে এই প্রথম এত স্বাধীনভাবে কথা বললো সে; এই সেদিনও একটা বাধো-বাধো ভীকুভাব ছিলো প্রোফেসরের সামনে—; এবার শিলং থেকে এসে অবধি বদল দেখছে সত্যেন—শিক্ষকের প্রাপ্য সমীহ মুছে গেছে মন থেকে—যদিও সপ্তাহে একদিন কলেজের অনার্স-ক্লাশে রীতিমতো দেখা হচ্ছে আজকাল। সত্যেন চেষ্টা করেছে সেটা লক্ষ্য না-করতে—অন্তত স্বীকার না-করতে—কিন্তু এই মুহূর্তে স্বাতীর এই স্বচ্ছন্দ, প্রাণবন্ত প্রতিবাদে সেটা স্পষ্ট, মূর্ত, সংজ্ঞেয় হ’য়ে উঠলো, সংজ্ঞাত হ’লো সত্যেনের মনে;—চোখ সরিয়ে নিলো সে, চোখ নানালো চায়ের পেয়ালায়। আমি—আমিই কি বজায় রেখেছি শিক্ষকের মাত্রা-মাপা সৌজন্য? এই দূরত্বলোপে, এই অন্তবালমোচনে আমিও কি সহকর্মী নই, আমিই কি দায়ী নই, উদ্যোক্তা নই? কী করছি আমি, কোথায় চলেছি? কেন ছুটেছিলাম উর্ধ্বশ্বাসে জোড়াসাঁকো থেকে টালিগঞ্জ, অস্মাত, অভুক্ত, শোকাচ্ছন্ন ছপুরবেলায়? রবীন্দ্রনাথের মৃত্যু!—সে কি

আমার পক্ষে এমন একটা ঘটনা নয়, যা আমাকে তখনকার মতো ভুলিয়ে দেবে অথ সব, সব চেপ্টা, ইচ্ছা, উৎসাহ ? তবু তো—শেষ নিশ্বাস যখন পড়লো, শেষ প্রণাম ক'বে যেই বেরিয়ে এলাম, তক্ষুনি আমার মনে পড়লো—ওকে ; মনে হ'লো আজকের এই মহান অভিজ্ঞতার অংশ ওকে দিতেই হবে, আর সেটা আমারই কর্তব্য আমারই দায়িত্ব।...কিন্তু কেন ? কিন্তু কেন ?...কেমন-একটা লজ্জায়, বিক্ষোভে, আত্মপীড়নে মাথা নুয়ে পড়লো সত্যেনব, আর সেই ভাবটা লুকোবাব জন্য চায়ে চুমুক দিতে লাগলো ঘন-ঘন।

সত্যেনের এই অন্তর্চিন্তনের সমস্তটুকুতে কয়েক সেকণ্ডের বেশি সময় লাগলো না : স্বাধীন, তাই, তাব সঙ্গীর কোনো ভাবান্তর না-বুঝে পরের কথাটি তেমনি স্বচ্ছন্দে বললো : ‘নিজের দেশে বুদ্ধি কিছুই ভালো দেখতে পান না উনি ?’

সত্যেন হঠাৎ বুঝলো যে ধ্রুব দত্ত নিছক সত্য বলছেন, তাঁর শোক অনেক বেশি পবিত্র, তাঁর রবীন্দ্রভক্তি অনেক বেশি নিষ্কাম ; আর কথাগুলি শুনে তার—সত্যেনের—যে খারাপ লাগছিলো তার কারণ তার সাময়িক ভাবালুতা, তাব কারণ তার মনেও আজকের গণোন্মাদের সংক্রমণ। মুখ তুলে বললো, ‘ভালো না-থাকলেও ভালো দেখতে হবে ?’

‘কিন্তু,’ স্বাধীন তর্ক তুললো, ‘দেশের দোষ তিনি যেমন বোঝেন, নিজের দোষও কি তেমনি ?’

‘নিশ্চয়ই !’ মুহূ হাসলো সত্যেন। ‘পর-পর তাঁর চারখানা কবিতার বুই-ই তো তার প্রমাণ। নিজের প্রতিটি দোষ কাটিয়ে

ওঠার, নিজেকে প্রত্যেকবার ছাড়িয়ে যাবার চেষ্টায় কখনো তাঁর ক্লান্তি নেই। আর বোঝো তো,’ প্রায় মাস্টারি সুর লাগলো শেষ কথাটায়, ‘নিজের দোষ নিজে দেখতে পাওয়া কত শক্ত, আর কত কষ্টের!’

‘লেখার কথা জানি না, কিন্তু তাঁর নিজের দোষ যে কত তা কি তিনি বোঝেন?’

‘নিজের দোষ মানে? আর তাঁর কথা তুমি জানোই বা কী?’ এবার প্রায় কঠোর হ’লো সত্যেন।

স্বাতী হঠাৎ জিগেস করলো, ‘উনি যেটা খাচ্ছেন সেটা কী?’

‘উনি ও-সব—ও-সব ব্যবহার করেন বোধহয়,’ সত্যেন গম্ভীর জবাব দিলো।

স্বাতী থামলো একটু। সে যা ভেবেছিলো, কিন্তু ভাবতে চায়নি, তা-ই তাহ’লে সত্যি। কবি ক্রম দত্ত ব’সে-ব’সে তা-ই খাচ্ছেন, সোজা বাংলায় যাকে বলে মদ। মাঝারি ঘরের সব বাঙালি মেয়েরই মতো স্বাতী ছেলেবেলা থেকেই ঐ বস্তুটাকে বিভীষিকা ব’লে জেনেছে;—আর যদিও সম্প্রতি বিদেশী বইয়ে এর একটা অশ্লুরকম ছবিও সে পেয়েছে, তবু—সেটা যেন অশ্লু জগতের, ইংরেজিতেই ভালো শোনায়—বাংলায় কথাটা শুনেই তার গা শিউরে ওঠে। শুনেছে অনেক, শরৎচন্দ্রও পড়েছে, ফিল্মও দেখেছে, কিন্তু অলজ্যান্ত একজন মানুষকে ব’সে-ব’সে মদ খেতে চাক্ষুষ দেখলো বলতে গেলে এই প্রথম। আর সে-মানুষ কে? একজন কবি। আর সময়টা কখন? যখন কয়েক ঘণ্টা আগে কবিতার হ্রৎপিণ্ড বন্ধ হ’য়ে গেছে, আর সমস্ত দেশ আত্মহারা।

‘চমৎকার সময় এ-সবের!’ মনের কথাটা সে মুখে ব’লে ফেললো।

‘আমরাও-তো চা খাচ্ছি ব’সে-ব’সে,’ সত্যেন মৃদুস্বরে বললো, ‘ওতে কী আছে?’

স্বাতীর ভালো লাগলো না সত্যেনবাবু মুখে ধ্রুব দন্তর এই সমর্থন। উনি নিজেও কি ঐ দলে? উনিও কি মাঝে-মাঝে ‘ব্যবহার’ করেন ‘ও-সব’? কবিতা ভালো, কবিতা খুব ভালো; কিন্তু বোকারা যা রটায়, তারও কি কোনো ভিত্তি আছে তাহ’লে;—কবিতা যারা বানায়, কবিতা নিয়ে দিন কাটায়, তারা কি সকলেই একটু—একটু—?

‘তাছাড়া,’ সত্যেন আবার বললো, ‘কাউকে কিছু বলবার থাকলে সামনেই বলতে হয়; আমরা এখন যা করছি তাকেই ইংরেজিতে বলে ব্যাকবাইটিং—আক্ষরিক অর্থেই তা-ই,’ ব’লে তাকালো অনেকগুলি ফাঁকা টেবিল পেরিয়ে ধ্রুব দন্তর পাঞ্জাবি-ঢাকা পিঠের দিকে।

স্বাতী অনুসরণ করলো সত্যেনের দৃষ্টি। সে যেখানে বসেছিলো, সেখান থেকে মুখেরও একটুখানি দেখা যাচ্ছিলো, আর পেঁচিয়ে-ওঠা সিগারেটের ধোঁয়া, আর মাত্র ওটুকু থেকেই স্বাতী বুঝে নিলো যে ভক্তলোকের সমস্ত মন এখন একান্তনিবিষ্ট সামনে-রাখা ঐ গেলাশটার উপর। যেন ধাক্কা খেয়ে স’রে এলো তার চোখ, পড়লো সত্যেনের অগ্রমনস্ক মুখে, দেখলো সে-মুখে সরলতা, সততা, শাস্তি; দেখলো বিশ্বাসের আশ্রয়, নিশ্চয়তার আশ্বাস;—আর, একটু আগে কবিভাবের মানুষদের বিষয়ে যা ভেবেছিলো তার

অল্প অনুশোচনায় মেঘলা হ'লো চোখ, আর সেটা মিথ্যা জেনে চোখের মেঘ কেটে গেলো।

সত্যেন, যেন তার দিকে স্বাতীর চোখের নিবিড়তা বুঝতে পেরেই ফিরে তাকালো, আর স্বাতী চোখে চোখ পড়তেই হেসে ফেললো—আকস্মিক, অবাস্তুর, এমনকি একটু অসংগত হাসি।

সত্যেন ভুরু কুঁচকে বললো, 'কী?'

'কিছু না। আপনার সব কথাই ঠিক, কিন্তু একটা কথা আমি বলবোই—ভদ্রলোকের চোখের তাকানোটা ভালো না,' ব'লে আর-একবার তাকালো এবং দত্তর পিঠের দিকে।

ঠিক সেই মুহূর্তে এবং দত্ত উঠলেন কোনো দিকে না-তাকিয়ে, লম্বা শরীরে একটু কুঁজো হ'য়ে, দ্রুত বেরিয়ে গেলেন কেমন এলোমেলো, অস্থির, লক্ষ্যহীনভাবে। সত্যেন তাকিয়ে থাকলো ঐ চ'লে-যাওয়ার দিকে, তারপর বললো : 'এটা একেবারেই ভুল বললে। ওঁর চোখেই তো ওঁর প্রতিভা।—কিন্তু এ-কথা আর না। অত্যা কিছু বলো।'

কিন্তু স্বাতী তখনো এবং দত্তর অভদ্র চোখের কথাই ভাবছিলো।

সত্যেনই অত্যা কথা পাড়লো।—'ডালিমকে দেখেছিলে তখন?'

'ডালিমকে? কখন?'

'যখন কলেজ স্ট্রিটে দাঁড়িয়ে ছিলাম। একটা বাস্-এ বুলতে-বুলতে যাচ্ছিলো। আমাদের ছাথেনি। বেশ ছেলে ডালিমা'

শেষের কথাটা খামকা শোনালো—মানে, যথেষ্ট শোনালো না স্বাতীর কানে। জিগেস করলো, 'কেন? বেশ কেন?'

সত্যেন একটু দেরি ক’রে জবাব দিলো, ‘কোনো কারণে নয়, এমনি।’

ক্রম দত্ত সেখান থেকে চ’লে যাওয়াতে স্বাতীর স্বাচ্ছন্দ্যবোধ সম্পূর্ণ হয়েছিলো, চেয়াবে হেলান দিয়ে আরামে ব’সে বললো, ‘কাউকে বরবাদ করাব যে-ক’টা উপায় আছে তার মধ্যে একটা হ’লো ঐ “বেশ” কথাটা।’

সত্যেন হেসে বললো, ‘অন্তেব মুখে “বেশ” শুনতেও ভালো লাগে না—না?’

‘তার মানে?’

প্রশ্নের উত্তর না-দিয়ে সত্যেন বললো, ‘আর তোমাব বড়দি—
তিনি কেমন আছেন?’

‘বড়দিব কথা আপনি মাঝে-মাঝেই জিগেস করেন। কেন বলুন তো?’

‘মাঝে-মাঝেই মনে পড়ে ব’লে।’

‘কিন্তু কতটুকুই-বা দেখেছেন আপনি ওঁকে?’

‘সেইজন্মই বোধহয়।’

‘বেশি দেখা হ’লে মনে পড়ে বৃষ্টি কম?’ স্বাতী খুব যুক্তিসংগত প্রশ্ন করলো একটা।

‘যেটা নেই, সেটাই আমাদের মনে পড়ে। যেটা আছে, সেটা-তো আছেই।’

স্বাতী বললো, ‘তাহ’লে-তো “নেই”টাই ভালো।’

‘কেন? মনে পড়াটাই ভালো বৃষ্টি?’

স্বাতী একটু ভাবলো। তার তরুণ জীবনে একটুখানি-যে

স্মৃতির চর পড়েছে, সেই নতুন নরম মাটির গন্ধ নিলো মনে-মনে।
বললো, ‘ভালো না ? খুব ভালো।’

‘আর এটা ?’

‘কোনটা ?’

‘যেটা আছে। হচ্ছে।’

‘কী জানি !’ স্বাতী, ঈষৎ লাল, হাসলো।

‘এই-তো অসুবিধে আমাদের,’ সত্যেন হেলান দিলো চেয়ারে,
‘যে সব সময়ই আমাদের চোর পালালে বুদ্ধি বাড়ে। যেটা
আছে, হচ্ছে, সেটা আমাদের কাছে কিছুই না ; আমাদের সুখের
সময়গুলিকে আমরা বুঝতে পারি, তখন-তখন না, পবে—অনেক
পরে ; আর তাই সব সময় মনে হয় যা হ’য়ে গেছে তার মতো
আর হ’লো না, হবে না। -এটা অবশ্য,’ একটু হেসে জুড়ে দিলো,
‘আমার নিজের কথা না, নতুনও না, কিন্তু পুরোনোকেই নতুন
লাগে যখন সেটা জীবন দিয়ে বুঝি।’

সত্যেন কথা শেষ ক’রে পিঠ সোজা করলো, পেয়ালা হাতে
নিলো, পেয়ালা খালি ক’রে রুমালে ঠোট মুছলো। সারাদিনের
উপবাসভঙ্গের প্রভাবে, চায়ের তাপে, স্বাতীর চোখের উষ্ণতায়
সত্যেনের খুব বেশি জীবন্ত লাগছিলো নিজেকে, ভালো লাগছিলো
ব’সে থাকতে, দেখতে, শুনতে, বলতে। আর তার কথা শুনে
স্বাতী ভাবলো এটাই আমার সুখের সময়ের একটা নয় তো ?
এখন বুঝি না, পরে বুঝবো ? কিন্তু এখনই বুঝতে চাইলো স্বাতী,
চেষ্টা করলো হাতে-হাতে চোর ধরতে—আর তখনই ধিক্কার দিলো
নিজেকে যে সমস্ত দেশের এত বড়ো একটা শোকের সময়কে

নিজের একটি সুখের সময় ব'লে কল্পনা করতেও পেরেছিলো !
কিন্তু সত্যেনবাবুরও মুখে-চোখে দুঃখের কোনো চিহ্ন তো আর
নেই ।

বাসন সরালো, বিল শোধ হ'লো, ব'সে থাকার আর-কোনো
কারণ থাকলো না, তবু সত্যেন দেবি কবলো । এতক্ষণে তাব
চোখে পড়লো যে রেস্টোরঁয় ভিড় বর্ধিষ্ণু, আলো উজ্জ্বলিত, আব
চুকেই যে-ক'জনকে দেখেছিলো তাবা সকলেই প্রস্থিত । চারদিক
ভ্রমণ ক'রে ফিরে এলো তাব চোখ ; খুব সহজে, হালকাসুবে,
যেন আগের কথার সঙ্গে এব কোনো সম্বন্ধ আছে, এমনভাবে
বললো, 'একটু যেন ব্যস্ত হয়েছিলে তখন ?'

'ব্যস্ত ? কখন ? কিসের ?'

'শিল্পে তোমার শেষ চিঠি যেটা পেয়েছিলাম—'

এই প্রথম সে-চিঠির কোনো উল্লেখ কবলো সত্যেন । এব
আগে একবারও করেনি—আব সে-জন্ম স্বাভাবিক কৃতজ্ঞ ছিলো
মনে-মনে । চিঠিটা পাঠিয়েই লজ্জা কবছিলো তার ; আব তাব
ঠিক চারদিন পবে সত্যেনবাবু যখন এলেন, আর এসেই দেখা
করলেন তার সঙ্গে তখন আবো বেশি লজ্জা করছিলো ;—কিন্তু
সত্যেনবাবুর কোনো কথায় কি ব্যবহাবে যখন বোকাই গেলো না
যে সে-চিঠি তিনি পেয়েছিলেন, তখন স্বস্তির নিশ্বাস পড়লো
তার ; এমনকি—যদিও মনেব কোনো গভীর অংশে সে নিশ্চয়ই
জেনেছিলো যে তার চিঠি ভ্রষ্ট হয়নি, ব্যর্থ হয়নি, কেননা ছুটিব
বাকি ক-দিনও উনি কাটিয়ে আসতেন তাহ'লে—তবু নিজের কাছে
এ-রকম একটা ভাণও সে করেছিলো যে সে-চিঠি পৌছয়নি,

বাঁচা গেছে, আপদ চুকেছে ! আর এখন যদিও তার মুখের তপ্ত-লালিমা তার মাথাটাকে হুইয়ে দিচ্ছিলো বুকের কাছে, চোখের পাতা টেনে দিচ্ছিলো চোখের উপর, তবু সেই ছলনাই তাকে আশ্চর্য্যকার শক্তি দিলো, স্পষ্টই প্রশ্ন করলো, ‘কোন চিঠি ?’

‘যেটাতে লিখেছিলে আমাকে—চ’লে আসতে ।’

‘আপনি সেটা পেয়েছিলেন ?’

‘তুমি কি ভেবেছিলে পাইনি ?’ সত্যেন, সরল পুরুষ, শক্তি বাড়িয়ে দিলো ছলনার ।

‘কী জানি !’ স্বাতী আত্মস্থতা ফিরে পেলো, উদাস চোখে তাকালো, একটা নিশ্বাস ছাড়লো গোপনে, খুব গোপনে ।...বড্ড ভয় পেয়েছিলো তখন, দম আটকে আসছিলো ।...যাক । মজুমদার, আর যা-ই হোক, এটুকু ভদ্রতা অন্তত করেছে যে তারপর আর আসে না, দাদার কাছেও না, আর দাদা...দাদা এখন খুব গম্ভীর, এর মধ্যে আটটা-দশটা কথাও বোধহয় বলেনি তাকে...তা, তা-ই ভালো, রাগই লক্ষ্মী । কী-ভীষণ চেহারা নিয়েছিলো তখন, অথচ কত সহজেই মিলিয়ে গেলো । ছোট হাসি ফুটলো স্বাতীর ঠোটে, মুখ নিচু করলো লুকোতে ।

এদিকে সত্যেন ভাবছিলো সেই চিঠিটার কথা, চোখে দেখছিলো কাগজটার নীল রং, নিশ্বাসে পাচ্ছিলো তার ঝাপসামতো গন্ধ, পাঠ নেই, কয়েকটি, মাত্র কয়েকটি কথা, আর তলায় সেই নাম, সুন্দর নাম, পৃথিবীর সবচেয়ে সুন্দর নাম । ফেরার পথে সমস্ত রাত ঐ চিঠির কথাগুলি ট্রেনচাকার তালে-তালে তার মাথায় ঘুরেছে, কেমন-একটা অস্বাভাবিক সুখের স্রোত হ’য়ে চলতিট্রেনের

আবছাষুমের কাঁকে-কাঁকে ব'য়ে গেছে ;—আর সেই শ্রোত, সেই গুট গোপন সুখ, সেই অতিসূক্ষ্ম অস্বাভাবিক কম্পন—যদিও বাইরে কিছু বোঝা যায় না, আর তার দিন-রাত্রি তেমনি নির্দিষ্ট নিয়মেই কাটছে—এখনো তার মনের তলায় থেমে যায়নি। আর এখন, এই মুহূর্তে সেটা যেন উপরদিকে উঠে এলো, কোনো-একটা কথা হ'য়ে ফুটতে চাইলো সত্যেনের মুখে, কিন্তু কথাটা ভাষায় তৈরি হ'তে যে-সময়টুকু লাগলো, সেই কাঁকে স্বাতী ব'লে উঠলো, 'এখন উঠলে হয় না ?'

‘হ্যাঁ, চলো।’

বাইরে প্রায় সন্ধ্যা, আবাব মেঘলা, বৃষ্টি টিপটিপ, ড্রামে ভিড়। স্বাতী বসতে পেলো লেডিজ সীটে, আর সত্যেন দাঁড়ালো যদিও তার ঠিক পিছনেই, তবু কথাবার্তা অসম্ভাবা জেনে—কিংবা ইচ্ছে ক'রে—সে-রকম কোনো চেষ্টা কবলো না একজনও। স্বাতী ব'সে-ব'সে ভাবলো যে দু-মাস আগেও সে যেন ছেলেমানুষ ছিলো, বোকা ছিলো, এখন সে ঠিক-ঠিক নিজে'কে পেয়েছে, খুঁজে পেয়েছে সেই নিজেকে, যার মতো হ'তে সবচেয়ে বেশি তার ইচ্ছা। আর, এক-একবার বাইরের ত্রিয়মাণ সন্ধ্যার দিকে, এক-একবার স্বাতীর আলগা-হওয়া, কাঁটা-বেরিয়ে-পড়া মস্ত খোঁপার দিকে তাকিয়ে-তাকিয়ে সত্যেন ভাবলো যে স্বাতীকে ঐ চিঠি বিষয়ে যে-কথা সে জিগেস করেছিলো, তার কোনো উত্তর পায়নি।

স্বাতী স্তম্ভিত হ'লো বাড়ি ফিরে বাবাকে দেখে। বাবাকে এত অভিভূত করেছেন রবীন্দ্রনাথ! বাবার মুখ কালো, চোঁট শুকনো,

চোখ যেন গর্তে-বসা । তাড়াতাড়ি কাছে গিয়ে বললো, ‘রামের মা চিঠিটা দিয়েছিলো তোমাকে ?’

রাজেনবাবু মাথা নাড়লেন ।

‘দেরি হ’লো আমার—না ?’

এবারেও বাবা যখন কথা বললেন না, কিছু জিগেস করলেন না, কী-রকম একটা সন্দেহ হ’লো স্বাতীর ।—‘বাবা, তুমি—তোমাকে—বাবা, কী হয়েছে ?’

‘একটা টেলিগ্রাম এসেছে ।’

‘টেলিগ্রাম ? কই—দেখি—’ বলতে-বলতেই স্বাতীর চোখে পড়লো বাবার হাতের কাছে প’ড়ে-থাকা ফ্যাকাশে বঙের খামটা । তুলে নিয়ে এক পলক পড়লো, তারপর বাবাব দিকে তাকালো । ‘বাবা কিছু বললেন না ।

স্বাতী জিগেস করলো, “স্ট্রোক” কাকে বলে, বাবা ?’

‘অশুখ—’ স্বাতী যা বুঝেছিলো রাজেনবাবু তার বেশি বললেন না ।

‘খারাপ অশুখ ?’

‘ভালো না—’ মেয়ের দিকে তাকালেন না বাবা ।

‘ডালিম—?’ স্বাতী এদিক-ওদিক তাকালো ।

‘ফেরেনি এখনো ।’

‘ওর তো আজই যাওয়া চাই । কিন্তু গাড়ির কি সময় আছে ?’

‘সময় বদলেছে, ন-টায় আজকাল । ও যদি আটটার মধ্যে না-ফেরে—’

‘আসবে—একুনি আসবে—সকলেই তো আজ—কিন্তু আটটার মধ্যে ঠিক এসেই পড়বে ।’

‘—তাহ’লে আমিই চ’লে যাবো,’ রাজেনবাবু তাঁর কথা শেষ করলেন ।

‘তুমি—তুমি কেন—না, না, যাবে বইকি, তোমাকে দেখলে কত ভালো লাগবে বড়দির—অসুখটা কি খুবই খারাপ ?’

রাজেনবাবু উত্তর দিলেন না ।

‘খারাপ—খুব খারাপ—কত আব খাবাপ—’ ঘরের মধ্যে ছটফট ক’রে হাঁটতে-হাঁটতে স্বাতী বলতে লাগলো—‘মানুষের কি শক্ত অসুখ করে না—করেও, সেরেও যায়—তুমি অত ভাবছো কেন, ওখানকার ডাক্তাররা যদি না পারে এখানে চ’লে আসুক—হ্যাঁ, তা-ই তো ভালো, কলকাতায় কত বড়ো-বড়ো ডাক্তার—সব অসুখ সারাতে পারেন তাঁরা—’ হঠাৎ থেমে গেলো স্বাতীর কথা, ছুরির খোঁচাব মতো মনে পড়লো যে কলকাতাব ডাক্তাররা যদি সব সারাতে পারতো তাহ’লে মা—আর রবীন্দ্রনাথ—; অথচ চুপ ক’রে থাকতেও পারছিলো না—কিছু-না-বলা চুপচাপটা যেন অসহ্য, তাই আবার বললো, ‘কখন এসেছে টেলিগ্রাম ?’

‘এই—ছুটো ।’

‘তুমি কখন ফিরেছো ?’

‘তার একটু আগে ।’

ছুটো ! চার—পাঁচ ঘণ্টা ! এতক্ষণ ব’সে আছেন বাবা এই হুশিস্তার ভার নিয়ে একলা ! আর আমি—

‘ছোড়দিকে খবর দিয়েছো ?’

‘হরিকে পাঠিয়েছিলাম—বাড়ি ছিলো না । আজ তো সবাই—’

‘এখন আবার পাঠাও !’

‘থাক, এখন আর ওকে ব্যস্ত ক’রে কী হবে। এমনিতেই ক্লান্ত হয়ে ফিরবে।’ রাজেনবাবু তাকালেন পুরোনো হলদে-হওয়া দেয়াল-ঘড়ির দিকে।

‘দাদা?’

রাজেনবাবু কথা না-ব’লে হাত ওল্টালেন।

‘দাদা এলেও তা—ছুটোর সময় এসেছে টেলিগ্রাম, না?—তা—তুমি চা খেয়েছো?’ হঠাৎ কথাটা মনে পড়লো স্বাতীর।
‘দিয়েছিলো।’

এ থেকে ঠিক বোঝা গেলো না বাবা খেয়েছিলেন কি খাননি ; কিন্তু ও-বিষয়ে আর-কিছু বলা—কি আবার চা দিতে বলা— অর্থহীন লাগলো, সব কথাই অর্থহীন লাগলো। স্বাতী আর-একবার টেলিগ্রামটা পড়লো, উন্টে-পাণ্টে দেখলো, তারপর যেন বাইরের ঘরে শব্দ পেয়ে ছুটে গেলো ডালিমকে কিংবা দাদাকে আশা ক’রে ;—কিন্তু না—কেউ না।

রাজেনবাবু উঠলেন, হোন্ডিলে ডালিমের বিছানা বাঁধালেন হরিকে দিয়ে, আর শতরঞ্জিতে জড়িয়ে নিলেন সূজনি বালিশ আর নিজের দু-একটা জামা-কাপড়।

স্বাতী তাকিয়ে-তাকিয়ে দেখলো, তারপর বললো, ‘তুমি যাবে, বাবা?’

‘দেখি।’

হ্যাঁ, বাবা, তুমি যাও—আমার জন্ম ভেবো না—আমি থাকতে পারবো।’

‘তুই না-নয় শাস্ত্রতীর ওখানে—’

‘কেন? হরি আছে, রামের মা আছে—কী হবে আমার? আর তুমি-তো চ’লেই আসবে—আর জামাইবাবুও সেরে উঠবেন—’ বলতে-বলতে বাঁধা বিছানা ছোটোর দিকে তাকিয়ে ভীষণ ফাঁকা-ফাঁকা লাগলো স্বাতী, কেনন-একটা দম-বন্ধ-করা শূণ্যতা ছড়িয়ে পড়লো সাবা বাড়িতে।

সব তৈরি ক’বে রাজেনবাবু আবাব বসলেন চুপ ক’বে, আব স্বাতীরও সব কথা ফুবিয়ে গেলো, নিজেকে তাব মনে হ’লো একটা*নিংড়োনো ভিজে গামছাব মতো, আব ঘবেব মধ্যে টিকটিক কবতে লাগলো হলদে বড়ো ঘড়িটা।

ডালিম ফিবলো আটটাব আগেই। জামা-কাপড় কাদায় মাখামাখি, মুখে বিজয়ীব নম্র হাসি। ছাডেনি সে, নিমতলা গিয়েছিলো, ঢুকেছিলো, মানুষেব চাপে ম’বে যেতে-যেতেও হেরে যায়নি, আব ফিবতে-ফিবতে ভেবেছে কী-রকম ক’বে বলবে সব ছোটোমাসিকে আব ছোটোমাসি কী-বকম অবাক হ’তে-হ’তে শুনবে। ‘ছোটোমাসি--’ ডাকতে-ডাকতে সে ঘরে এলো, আব ঢুকেই থমকে দাঁড়ালো দবজাব কাছে। ছোটোমাসি এলিয়ে আছে খাটে, আব দাছুব মুখ যেন কেনন, আব মেঝেতে ছোটো বিছানা বাঁধা।—কেন?

.. ডালিমের তৈরি হ’তে কয়েক মিনিটেব বেশি লাগলো না। কোনোরকমে স্নান—গায়েব কাদাও উঠলো না—আব খাবার সামনে একবার বসলো আবাকি। তাব-যে ভীষণ একটা উদ্বেগ হচ্ছিলো তা নয়, কিন্তু বাবাব অসুখের জ্ঞান এখুনি তাকে যেতে হচ্ছে, হঠাৎ এত বড়ো একটা দায়িত্ব পেয়ে তার আত্মমর্যাদা

বেড়ে গেলো অনেকখানি, আর তারই ফলে চরমে উঠলো তার ক্ষিপ্ততা, আর তাকে দেখতেও হ'লো গম্ভীর, খুব গম্ভীর। বুদ্ধি ক'রে বললো, 'কিছু ফল-টল নিয়ে যাবো শেয়ালদা থেকে?'

এ-কথার উত্তরে রাজেনবাবু বললেন, 'ট্যান্ডি এসেছে। চলো,' ব'লে নিজেই এগোলেন।

'আপনি—আপনি কেন?'

'তোমাকে তুলে দিয়ে আসি—'

'না—না—কিছু লাগবে না—আমি বুঝি—বাঃ!'

ডালিম প্রায় হাত দিয়ে ঠেলে দিলো দাড়কে, তারপরেই নিচু হ'য়ে প্রণাম করলো, আর তার ছোটোমাসির দিকে একবার তাকিয়েই লাফিয়ে উঠে বসলো ট্যান্ডিতে।

এতক্ষণে স্বাতী জিগেস করলো, 'বাবা, তুমি গেলে না?'

'গেলাম না তো। দেখি—কাল—' এতক্ষণে রাজেনবাবু মেয়ের দিকে ভালো ক'রে তাকালেন।

স্বাতীৰ ঘুম ভাঙলো অন্ধকাৰে। কিন্তু তখনই বুঝলো বাত আব নেই। কানে এলো কাকেব কা-কা, বাগ্নাঘৰে হৰিব কয়লা ভাঙাব ঠকাশ-ঠকাশ, বাথকমে জলেব ছলছল। শেষেৰ শব্দটায় বুঝলো বাবা উঠে পড়েছেন। নিজেও দেবি কবলো না।

বেবোতে গিয়ে হোঁচট খেলো। দবজাব ঠিক বাইবে, দুটো ঘৰেৰ মাঝখানকাব ফালি গলিতে, ছড়িয়ে ঘুমুচ্ছে বামেব মা— এ-রকম ক'বে ঘুমোয় নাকি সে, এমন অসহায়, নিঃস্ব ভঙ্গিতে ?

ৰামেৰ মা-কে প্ৰায় টপকে স্বাতী এগোলো, পিছনেব বাবান্দায় দেখা হ'লো বাবাব সঙ্গে—হাত-মুখ ধুয়ে বেবিযে আসছেন বাথকম থেকে। ছাইবঙা আবছায় স্বাতী দেখলো বাবাব মুখ ছাইবঙা। ফ্যাকাশে অন্ধকাৰে বাজেনবাবু দেখলেন স্বাতীৰ মুখ ফ্যাকাশে। কেউ কিছু বললো না।

স্বাতী বাথকমে ঢুকলো; বেবিযে এসে আবাব বামেব মা-কে টপকে—ঘৰে এলো, পবনেব কুঁচকোনো আধময়লা মনমবা বেগনিবঙেব শাড়িটা ছেড়ে একখানা পাটভাঙা মিলেব শাড়ি পডলো—শাদা শাড়ি, বড্ড শাদা, চুনেব মতো, চুনকাম-করা দেয়ালেব মতো শাদা আব মনমবা।

শাড়ি বদল ক'বে স্বাতী আবাব এলো পিছনেব বাবান্দায়। এটাই বাবাব বসবাব ঘৰ, আব এটাই তাদেব খাবাব ঘৰ। লম্বা সক বেঞ্জিনে-মোড়া খাবাব টেবিল,—ডাক্তাবদেব বোগী দেখাৰ

টেবিলের মতো, যেন এক্ষুনি কোনো অপারেশন হবে। লম্বা দিকে ধারের চেয়ারটায় বাবা বসেছেন উঠানের দিকে মুখ ক'রে, স্বাতী বসলো উঠানের দিকে মুখ ক'রে সরুদিকের একলা চেয়ারটায়। কেউ কিছু বললো না।

ঘোর কাটলো, ভোর হ'লো। ছাইরঙা আবছায়ার পর ফ্যাকাশে ছাইরঙা ভোর; ময়লা ধোয়াটে আলো রান্নাঘর থেকে পের্চিয়ে-বেরোনো ধোয়াব মধ্যে মিশলো; রান্নাঘরের দেয়ালটা কালো, উঠানে ধুলো আব কয়লাগুঁড়ো; ময়লা মনমরা, শীত-করা ভোব। স্বাতী আঁচলটা গায়ে জড়িয়ে নিলো—এর মধ্যেই শীতের ভাব! গ্রীষ্ম কেটে গেলো কবে? বর্ষা ফুরোলো কখন?

রামের মা ঘুম থেকে উঠে বেরিয়ে আসছিলো ঘোমটা-খোলা মাথায়; বাবাকে দেখে থমকে দাঁড়ালো, কাপড় টানলো, ঘোমটার তলায় দিদিমণির দিকে একবার তাকিয়ে ফিরে গেলো উল্টো দিকে। দুঃখী মুখ রামের মা-র—স্বাতী পলকে দেখলো—কালো, কুঁকড়োনো, কুঁচকোনো মুখ।

ঘোর কাটলো, রোদ ফুটলো। বাগ্নাঘরের ময়লা ছাদে রোদ পড়লো রোগা, ছোট্ট চৌকো হলদে ময়লা রোদ উঠানে নামলো। হরি এলো রান্নাঘর থেকে চা নিয়ে, চায়ের সঙ্গে রুটি-মাখন। তারও দুঃখী মুখ, শুকনো, সুখ নেই, বিষন্ন। ছেলেবেলা থেকে হরিকে দেখে আসছে স্বাতী; আর প্রথম দেখলো যে তার মুখ দুঃখ দিয়ে আঁকা।

নিঃশব্দে চা খেলো দু-জনে। ঘোমটা-ঢাকা রামের মা নিঃশব্দে

এলো, টেবিলে রাখলো চশমা আর খবর-কাগজ, নিঃশব্দে চ'লে গেলো ।

রাজেনবাবু কাগজের ভাঁজ খুললেন, চশমা-চোখে পড়তে লাগলেন খুব বেশি মন দিয়ে । স্বাতী নিঃশব্দে ব'সে থাকলো ।

ছোট্ট, চৌকো, হলদে রোদ মিলিয়ে গেলো ; রোগা, শাদা, লম্বা রোদ এগিয়ে এলো । স্বাতী নিঃশব্দে উঠলো, নিঃশব্দে চ'লে এলো ঘরে ; রাজেনবাবু নিঃশব্দে কাগজ পড়তে লাগলেন ।

না—কিছু বলবার নেই, কিছু করবারও নেই । যে-কথা এক'দিন ধ'রে সব সময় মনে পড়ছে তার, যে-কথা কাল সারা রাত ঘুমের মধ্যেও এক মুহূর্ত সে ভোলেনি, তা নিয়ে একটি কথাও বলবার নেই, একটি কথাও শোনবার নেই—এমনকি, নতুন কোনো ভাবনাও ভাববার নেই আর । অথচ অশ্রু-কোনো কথাও নেই, অশ্রু-কোনো ভাবনাও নেই ; যে-সব কথা হাজার বার ভাবা হ'য়ে গেছে, ঘুরে-ফিরে সে-সবই ভাবতে হয় আবার ।

এই যেন প্রথম মৃত্যুকে চিনলো স্বাতী । মা মরেছিলেন : কেমন লেগেছিলো ? অসুখ দেখে-দেখে স'য়ে গিয়েছিলো, জ্ঞান হবার সময় থেকেই বুঝেছিলো মা ব্যাপারটা তার পক্ষে তেমন মজবুত নয় । আর ছেলেমানুষও ছিলো ; কষ্ট খুব, ভীষণ কষ্ট, কিন্তু আরামও সঙ্গে-সঙ্গে ; যত কষ্ট তত কান্না, আর যত কেঁদেছে ততই ভুলেছে । তারপর সেই একবার ছুটির পরে কলেজে গিয়েই মায়া সান্ত্বালের মৃত্যুর খবর । সেদিন—এখন ভাবলে বোঝে সে-কথা—সেদিন সবচেয়ে বেশি তার হয়েছিলো মনে-মনে একটা জিতে যাওয়ার

ভাব—অন্য একজন মরলো, তাকে মরতে হ'লো না ; আর সেইজন্য কলেজ থেকে রাস্তায় বেরিয়ে অনেক বেশি ভালো লেগেছিলো— সব ; শুধু-শুধু বেঁচে থাকতেই ভালো লেগেছিলো । আর এই সেদিন রবীন্দ্রনাথের—কিন্তু ও-তো কোনো মৃত্যু নয় । পৃথিবীর রবীন্দ্রনাথেরা মরেন না ; তাঁরা চ'লে যান সময় থেকে সময়ের বাইরে, শরীর ছেড়ে মানুষের মনে, তাঁদের শেষ নেই । কিন্তু অন্তেরা, লোকেরা, সকলেরা ? তারা ম'রে গেলেই মরলো, শরীর থেকে বেবোলেই হারিয়ে গেলো, কিছু থাকলো না ।

আর এই মবাই সকলকে মরতে হবে ।

স্বাতীর মনে পড়লো স্কুলে যখন 'আমরা সাতজন' ব'লে সেই ইংরেজি কবিতাটা পড়েছিলো । মেয়েটি বলছে, 'আমরা সাত ভাইবোন—চাঁদা, সাতজনই তো !' যদিও সাতজনের দু-জনই ম'রে গেছে । ছেলেমানুষ, মৃত্যু কাকে বলে বোঝে না । প'ড়ে হাসি পেয়েছিলো স্বাতীব । আট বছরের মেয়ে—মৃত্যু বোঝে না ! যত দূর স্মৃতি পৌঁছয়, এমন দিনের কথা মনে করতে পারেনি, যখন সে ঐ কবিতার মেয়েটির মতো ছিলো । খুব, খুব ছেলেবেলাতেই—বোধহয় চার কি পাঁচ বছরেই—এই খবরটা সে পেয়েছিলো যে সকলকেই মবতে হয়, এমনকি তাকে—তাকেও মরতে হবে । এই-তো সে খেলছে, হাসছে, খাচ্ছে, ঘুমোচ্ছে, যা ইচ্ছে তা-ই করছে ; কিন্তু সব সময়, সব সময় তাকে পিঠের দিকে তাক ক'রে আছে এক তীরন্দাজ, কানে-কানে ধনুক টেনে, মহাভারতের ছবিতে কিরাতে মতো পা ফাঁক ক'বে দাঁড়িয়ে—যে-কোনো মুহূর্তে ছাড়তে পারে তীর, ছাড়ছে না কেন কেউ জানে না ; কিন্তু শেষ পর্যন্ত ছাড়বেই,

কখন কেউ জানে না, আর ছাড়লেই হ'য়ে গেলো। ঘরে কখনো একা থাকলেই এই তীব্রন্দাজকে মনে পড়তো স্বাতীর, পিছন ফিবে তাকাতো ভয় কবতো, পিঠটা গুড়গুড় কবতো যেন। কিন্তু একলা তাকে তো না, সকলকেই-তো একসঙ্গে তাক ক'বে আছে ঐ এক তীব্রন্দাজ, এক তীব্র, অশ্রুজ্ঞান জানে না ? ভাবে না ? ভয় পায় না ? বড়োদেব মুখের দিকে তাকিয়ে-তাকিয়ে স্বাতী চেপ্টা কবেছে তাঁদেব মনের ভাব বুঝতে—কই, তাঁবা-তো ভয়ে-ভয়ে নেই, দিব্যি!—তাহ'লে তাবুও কি আব ভয় থাকবে না বড়ো হ'লে—কবে বড়ো হবে ?—কত বড়ো হ'লে ও-বকম নিশ্চিন্ত হওয়া যায় ? ছোট স্বাতী আশায়-আশায় থাকলো, কিন্তু কবে-যে সেই শুভক্ষণ এলো আব গেলো, কবে থেকে যে পিঠেব গুড়গুড়ানি সাবলো, মহাভাবতেব কিবাতের মতো সেই তীব্রন্দাজকে ভুললো, তা আব মনে কবতে পারে না এখনকাব স্বাতী। এখন শুধু এইটে মনে পড়ে যে অনেক, অনেকদিন তাকে মনে পড়েনি—সেই ঝাপসা ছেলেবেলাব পর আর না—মা যখন মবলেন তখনো না—একটানা অনেক, অনেক বছর সে এমনভাবেই কাটিয়েছে যেন মৃত্যু নেই।

‘টেলিগ্রাম !’

আওয়াজটায় বুক কেঁপে উঠেছিলো স্বাতীব, যদিও এব জগুই বিকেল থেকে বসেছিলো ছোড়দিব আব বাবার সঙ্গে। একটু দেরি হয়েছিলো উঠতে, বাবা তার আগেই উঠলেন, স্বাতী দেখলো দরজায় একটা দৈত্যের ছায়া, আর একটু পরে রাস্তার অন্ধকারে রাঙ্গসেব একচোখের মতো সাইকেলের আলো। মুহূর্তের জগু বাবার মুখটা যেন ভেঙে-চুরে অশ্রুরকম

হ'য়ে গেলো, তারপর ফিশফিশে আওয়াজে বললেন, 'আমি যাই।'

স্বাতী বললো, 'আমিও যাবো।'

'না।'

'বাবা!'

'না।'

আগের দিনের বাঁধা বিছানা বাঁধাই ছিলো, আর দু-একটা জিনিশ শাস্ত্রী গুছিয়ে দিলো চটপট—আর পাঁচটা মিনিটও দেরি হ'লো না, কোনোরকমে ট্রেন ধরবার সময়টুকুই ছিলো তখন। বাজেনবাবু দুই মেয়েকে নামিয়ে দিলেন শাস্ত্রীর বাড়িতে।... সেই-তো বাবা গেলেন, তবু আগের দিন গেলে—কিন্তু তাতেই-বাকী হ'তো!

তাদের দেখে, তাদের মুখ দেখে হারীত বললো, 'খবর ভালো না?'

শাস্ত্রী জবাব দিলো না।

'তোমার বাবা চ'লে গেলেন আজ?' হারীত তাকালো স্বাতীর দিকে।

স্বাতী আস্তে মাথা নাড়লো।

হারীত কপাল কুঁচকোলো।—'অবস্থা কি খুব খারাপ?'

'শেষ,' কথা বললো শাস্ত্রী।

গুনে হারীত চুপ ক'রে থাকলো মিনিটখানেক, তারপর খুব গম্ভীরমুখে বললো, 'হুঁ।—এত খাওয়া—যদি শেষের দিকেও খাওয়াটা কমাতেন—তাছাড়া তো আর ওষুধ নেই এর—আর

স্ট্রোক একবার হ'য়ে পড়লে মুশকি-ল!' 'মুশকিল' কথাটা একটু আলগা ক'রে উচ্চারণ করলো, যেন এখনো এ থেকে উদ্ধার পাবার আশা আছে।

শাস্তী দীর্ঘশ্বাস ফেললো।

ছোড়দির দীর্ঘশ্বাস, আব হাবীতদাব কথা, ছোটোই খুব খাবাপ লাগলো স্বাতীর। খাবাপ লাগলো ও-বাড়িতে থাকতে—বাড়িতে থাকলেই হ'তো, কিন্তু বাবা কিছুতেই দিলেন না। যে-ক'টা দিন বাবা ফিরলেন না, কী-যে খারাপ তাব কেটেছিলো! একবার ঘুরেও আসতে পারেনি বাড়ি থেকে, কেননা সে-ক'দিনের মতো ছোড়দির ভো কথা ওঠে না বাপের বাড়ি যাবাব, আর দাদা যদিও মাঝে-মাঝে এসেছে, একবারও তাকে নিয়ে যেতে চায়নি—আবাব, যদিও বাবা নেই, বলতে গেলে কেউ নেই, তবু বাড়িতেই যে তার মন প'ড়ে আছে, এ-কথা ছোড়দির কাছে লুকোনোও দরকাব।

অন্য বাড়িতে এই প্রথম থাকলো স্বাতী। ঠিক-ঠিক নিজেব অভ্যাস-মতো সব হয় না অন্য কোথাও, কিন্তু ঐ অসুবিধে আব কতটুকু, আর সেজন্য খারাপ লাগাব মতো মনও তখন ছিলো না তার। কিন্তু, যেহেতু বাড়িটা ছোড়দিব, তাব ছোড়দির, এ-বাড়ির যা-কিছু তাদের বাড়ি থেকে আলাদা, সবই একটু বিশেষ হ'য়ে তার চেখে পড়লো। ছোড়দির সঙ্গেই তার মাখামাখি ছিলো সবচেয়ে বেশি; মেজদির সেজদির বিয়ের পর, আরো বেশি মা মরবার পর—ছোড়দিকে না-হ'লে এক দণ্ড তার চলতো না। আব এখন সেই ছোড়দির সঙ্গে—মাঝে-মাঝে দেখা হ'লে খুব ভালো—কিন্তু সারাদিন একলা কাটাতে হ'লে সে-যে একটু হাঁপিয়ে ওঠে,

এইটে বুঝতে পেরে তার বিবেকে কামড়ালো। ছোড়দির অনেক অভ্যেসই আলাদা, কথাবার্তা আলাদা, অনেকটাই মেলে না তার সঙ্গে। স্বাতী ধ'রে নিলো যে ছোড়দি যা ছিলো তা-ই আছে, সে নিজেই বদলেছে; তাই নিজেকে দোষ দিলো মনে-মনে, আর সে-দোষ ঢাকবার জন্য ছোড়দিকে খুব বেশি ক'রে ভালোবাসতে চেষ্টা করলো। ছুপুরবেলা পাশে শুয়ে-শুয়ে নিবিড় হ'তে চাইলো হেলেনাবেলাব স্মৃতিতে, কিন্তু ঠিক সুবটি যেন লাগলো না, আর নাড়দিও তাকে বেচাই দিলো খানিক পরেই ঘুমিয়ে প'ড়ে। রাত্রে খানাব পবে আবার কিন্তু তখন যদি ছোড়দি একটু বেশিক্ষণ কাটিয়েছে তাব সঙ্গে, হাবীতদা, সে স্পষ্ট বুঝেছে, সেটা পছন্দ করেনি; আবার হাবীতদা যদি কখনো তাব সঙ্গে বেশি কথা বলেছেন তাহ'লেও ছোড়দির মুখভার হয়েছে। অন্য সময় হ'লে বাণীব হয়তো মজা লাগতো; তখন শুধু খাবাপই লাগলো, শুধু মনে হ'লো এখানে তার জায়গা নেই, এখানে সে আছে কেন।

কিন্তু সবচেয়ে খাবাপ লাগলো মৃত্যুর প্রতি ছোড়দি-হারীতদার উদাসীনতায়। ভ-জনের মধ্যে হাবীতদাই অবশ্য ভালো; তিনি প'ড়েই বঝতে দিনেন যে স্বীব দিদিব স্বামাব মৃত্যু তাঁর কাছে কিছুই না, তবে স্বীব মনবন্ধাব জন্য কয়েকটা দিন তিনি একটু চুপচাপ কাটাতে প্রস্তুত। কিন্তু ছোড়দি প্রায় সব সময় একটা শোকের ভাব রাখলো, থেকে-থেকেই বলতে লাগলো জামাইবাবুর, বড়দির কথা, বলতে-বলতে নিশ্বাস ফেললো ঘন-ঘন, চোখের জল মাঝে-মাঝে। এইটে অসহ্য লাগলো স্বাতীর।

কেন? ছোড়দি কি কপট, না স্বাতীর ছুঃখ বেশি? না, ছোড়দির

ছুঃখও খাঁটি, তার ছুঃখও বেশি না। বেশি ছুঃখের কথাই-বা কী, ছোড়দির চেয়ে বেশি তো আর ছাখেনি জামাইবাবুকে। হয়তো ভালো লেগেছিলো বেশি, খুব; কিন্তু সে-মানুষ হারিয়ে গেলো ব'লে তার কি কিছু হারালো? কিছু না। কোনো-এক প্রমথেশ চৌধুরী পৃথিবীতে আর নেই, তাতে ছোড়দিব যতটা এসে যায়, তারও ঠিক ততটাই;--কিছু না। ছোড়দির ছুঃখ বড়দির জ্ঞান, আর সেটাই ঠিক, স্বাভাবিক; কিন্তু স্বাতী বড়দিকে তেমন ভাবলো না, ডালিমদেরও না, জামাইবাবুকেই ভাবলো বার-বার। বার-বার ভাবলো তাঁর লম্বা, ঠাণ্ডা, নিঃসাড় শূন্যে থাকা—মরা! কেমন দেখাচ্ছিলো? সব-সময় হাসি-হাসি সেই মুখে একটুও হাসির ভাব ছিলো কি? না কি যন্ত্রণায় মোচড়ানো মুখ? না কি কিছুই না--শূন্য? কিছু না, শুধু শূন্যতা।

স্বাতী ভাবলো—জামাইবাবুকে না—মৃত্যুকেই ভাবলো স্বাতী। তাহ'লে এই? অদৃশ্য তীরন্দাজ অব্যর্থ তীর নিয়ে ঠিক তৈরি? যেমন ছিলো তার ছেলেবেলায়, তেমনি? তখনো তেমনি, এখনো তেমনি, সব সময় তেমনি। আমবা ভুলে' যাই, আমরা ভুলে' থাকি; সে কখনো ভোলে না। সে আছেই। সে আছে। তাক ক'রে আছে পিঠের দিকে, আমার দিকে, যা-কিছু আমাব আর যা-কিছু আমি সেই সমস্তর দিকে। যত আমার ইচ্ছা, চিন্তা, চেষ্টা, সবার 'পরে সে; যত আমার কন্দি, ঝগড়া, ফুর্তি, সবার 'পরে সে; যত আমার আশা আব যত আমার ভালোবাসা, তার 'পরেও সে। কেমন ক'রে এতদিন ভুলে' ছিলাম!

মৃত্যুকে এতদিন ভুলে' ছিলো ব'লে স্বাতীর অবাক লাগলো,

আরো অবাক লাগলো অন্তদের এখনো ভুলে' থাকতে দেখে, আর চোখের উপর ছোড়দি-হারীতদাকে দেখে। মৃত্যুর সঙ্গে হারীতদার ভদ্রতার সম্পর্ক, আর ছোড়দির করুণার; যে যার সম্পর্কের পাওনাটুকু মিটিয়ে আবার বেঁচে থাকতেই ব্যস্ত; একবার মনে পড়লো না তাদের যে মৃত্যুর আরো পাওনা আছে; মনে পড়লো না যে জন্মের সঙ্গে-সঙ্গে মৃত্যুর কাছে বিক্রি হ'য়ে গেছে তারা নিজেরাই। সেই নিশ্চিত, নিশ্চিন্ত, ভীষণ তীরন্দাজকে কখনো তারা ছাখেনি, এখনো তারা দেখলো না।

ছোড়দি-হারীতদার সঙ্গে মস্ত একটা বিচ্ছেদ অনুভব করলো স্বাতী। শুধু ও-দুজন নয়, সকলের সঙ্গেই বিচ্ছেদ। যারা বেঁচে আছে, যাদের নিয়ে পৃথিবী, স্বাতীর মনে হ'লো তারা তার কেউ না। এমন-কিছু সে জেনেছে যা আর-কেউ জানে না; সেইজন্য সকলের থেকে সে বিচ্ছিন্ন, পৃথিবীর মধ্যে সে একলা। সবাই চলেছে একদিকে, নেচে, লাফিয়ে, ছুটে, ঘুবে, তাড়াতাড়ি, দেরি ক'রে, দলে-দলে চলছে বলির পাঁঠা, কেউ জানে না কোথায় যাচ্ছে, একলা সে জানে। একলা সে জানে যে জীবন্ত মানুষরাই মরন্ত, যারা বেঁচে আছে তারাই দিনে-দিনে মরছে, মৃত্যু নেই শুধু মৃতের। একলা সে জানে যে মৃত্যু ছাড়া সত্য নেই, যতদিন পারি আর যেমন ক'রে পারি মৃত্যুকে আমরা পালিয়ে বেড়াই, আর সেই পালিয়ে বেড়ানোর নামই জীবন। আর এই জীবন—এতে দুঃখই সত্য, দুঃখই নিশ্চিত আর স্থির; যতক্ষণ পারি আর যেমন ক'বে পারি আমরা তাকে এড়াই, ফাঁকি দিয়ে বেড়াই, আর সেই ফাঁকির নামই সুখ, আশা, ইচ্ছা। এও সেই জানে, একলা সে।

গান আবস্ত হবার আগে যেমন বামবাম তানপুবা বাজে, তেমনি একটা ঝিমোনো, গম্ভীর, একটানা সুব স্বাতীৰ মনের মধ্যে বাজতে লাগলো সব সময়, ছুঃখের সুব, সব-জডানো ছুঃখের, গম্ভীর, মন্তব, নিশ্চিত ছুঃখের শ্রোত ব'য়ে চললো একটানা; থামে না, কমে না; বাড়ে না, ছাড়ে না, সব সময় একবকম। বাবা ফিবলেন, বাড়ি ফিবলো,—একই বকম। দিনের পর দিন কাটতে লাগলো;—একই বকম।

যেদিন বাড়ি ফিবলো, সেদিনই সত্যেনবাবু এলেন। তাকেও একটু দূব লাগলো, পর লাগলো, কিন্তু এও মনে হ'লো যে তাব এখনকাব মনের ভাব কেউ যদি বোঝা গেলো শিনিই বুঝবেন। তাকে প্রথম দেখে হাসিমুখে কিছু বলতে যাচ্ছিলেন, কিন্তু আব-একবাব তাকাতেই হাসি গমিলিয়ে গেলো মুখ থেকে, উঠে দাড়িয়ে বললেন, 'কী হয়েছে?'

স্বাতী তখনই কোনো জবাব দিতে পারলো না।

'এখানে ছিলে না তোমবা?—আমি এসেছিলাম দু-দিন—বাড়ি বন্ধ ছিলো—কোথায় গিয়েছিলে? কী? বা হয়েছে?'

স্বাতী আবার একটু দেবি কবনো, মনে-মনে কথাগুলি সাজিয়ে নিয়ে আস্তে-আস্তে বললো, 'তানাব বডোজামাইবাবু—মানে, বড়দিব স্বামী—তিনি—মাবা গেছেন।'

কথাটা শুনে সত্যেনবাবু একবাব মাত্র তাকালেন চকিত, দ্রুত, একটু ভীত দৃষ্টি। তানপবেই ব'সে পড়লেন, ব'সে থাকলেন নিচু মাথায় চুপ ক'বে; কিছু বললেন না, জিগেস করলেন না, কোনো বৃত্তান্ত জানতে চাইলেন না, শুধু ব'সে থাকলেন

চুপ ক'রে খানিকক্ষণ, অনেকক্ষণ ; আব স্বাতীও চুপ ক'বে দাঁড়িয়ে থাকলো, মনে পড়লো এই সেদিনের কথা, যেদিন উনি এসেছিলেন ববীন্দ্রনাথের মৃত্যুর খবর নিয়ে । সেদিন তক্ষুনি কিছু করবার ছিলো, অনেক করবার ছিলো, তাবপব বলবারও ছিলো অনেক ;—আজ কিছু নেই, আজ শুধু চুপ । শহর ভ'বে, দেশ ভ'বে এখনো ববীন্দ্রনাথের হৈ-হৈ, কাগজে সেটাই বড়ো খবর এখনো, কত পত্রিকা, কত বক্তৃতা, ছবি, গান, কথা, কমিটি, সমিতি—এ-বকম চলবে আবো কিছুদিন, আব এবই মধ্যে আবো বড়ো এক খবর এসে পৌঁছলো মাত্র কয়েকজন মানুষের কাছে, সব মানুষ থেকে আলাদা হ'য়ে গেলো সেই ক-জন, আবো কাছাকাছি ত'লো পবস্পারের । যে-কোনো একজনের ম'বে যাওয়াটা বিচ্ছিন্ন না বোঝাই মবছে ; চলতে-চলতে একবার 'আহা' বললেই ফেরালো . কিন্তু যে-ক'জন নাতে দু'খ পায়, তাদের দু'খের মতো দু'খ নেই, মিছেব দু'খ ছাড়া দু'খ নেই —সেটাই শুধু দু'খ অত সব খাব, ঘটনা, কথা বলাব বিষয় । হঠাৎ স্বাতীও মনে পড়লো বেস্তাবয় ব'সে প্রব দত্তব সেই কথাগুলি খুব খাবাপ লেগেছিলো ওখন, খুব বাগ হয়েছিলো, কিন্তু ঠিকই-তো—ঠিক কথাই . না বলেছিলেন । তেখ কি অমন ক'বে শহর ভ'বে ছড়ায়, দু'খ কি পৃথিবী ভ'বে সোব তোনে ? কেমন ক'বে হবে, দু'খ-নো সেটাই, যা মানুষকে একলা ক'বে দেয়, সকলে মিলে, অনেক মিলে দুঃখী হওয়া যায় না তো । আমবা-যে শুধু দু'খকে ডবাই তা নয়, দু'খকেও এড়াই ; তাই, যতক্ষণ পাবি, এমনভাবে চলি ফিবি যেন দুঃখ ব'লে কিছু নেই, যেন ওটা 'কিছুই না ।

যে-কথা শুনে সত্যেনবাবু অমন ক'বে ব'সে পড়লেন, সেটা কি তাঁব কাছে কিছু? তাঁব মুখে চোখ বেখে এ-প্রশ্নেব উত্তর খুঁজলো স্বাতী। কিন্তু কপালে হাত বেখে নিচুমাথায এমন ক'বে বসেছেন যে থতনি ছাড়া কিছু প্রায় দেখাই যাচ্ছে না। সত্যি যেন একটা আঘাত পেয়েছেন এইবকম দেখাচ্ছে ভঙ্গিটা। কিন্তু তাঁব আঘাত পাবাব কী আছে? আব আমিই-বা কেন ভাবছি সে-কথা—তিনি তো বলতে গেলে চেনেনই না ওঁদেব। এটা তাঁব ভদ্রতা হাবীতদাব চেয়ে উচু জাতের ভদ্রতা—সুন্দর সৌজন্য, কিন্তু আমাবও তো ভদ্রতা আছে, আমাবই কথা বলা উচিত, যাতে উনি সহজ হ'তে পাবেন।

স্বাতী ব'সে আলাপ কবলো, 'আপনি এসেছিলেন এব মধ্যে?'

সত্যেনবাবু হাত সবালেন কপাল থেকে, কথা বললেন না।

'কলেজেও যাইনি এ-ক'দিন,' স্বাতী আলাপ চালালো, 'ছোডদিব ওখানে ছিলাম। বাবা তো গেলেন বডদিব কাছে।'

সত্যেনবাবু মুখ তুললেন, কথা বললেন না।

'একেবারে হঠাৎ—আপনাকে তাই আগে জানাতে পারিনি।' ব'লেই অপ্রস্তুত লাগলো স্বাতীর,—সবই ওঁকে জানাতে হবে নাকি? আব খবরটাও যেন ওঁব কাছে জকবি।—তাই তাড়াতাড়ি আবাব বললো, 'আপনি এ-ক'দিন কী কবলেন?'

এতক্ষণে উনি তাকালেন, এতক্ষণে কথা বললেন। 'আমি—আমি আব কী কববো। এখন যাই,' ব'লে একবার একটু তাকালেন স্বাতীর চোখে, তাবপর চ'লে গেলেন।

সেই চোখেব গভীৰ স্তব্ধতাকে স্বাতী অবিশ্বাস কবতে পারলো না। একটু অবাকই হ'লো, একটু ভাবলো মনে-মনে। উনি কি তবে বুঝেছেন আমাব মনেব কথাটা ? উনিও কি দেখেছেন সেই ভীষণ তীবন্দাজকে ? যা শুধু আমিই জানি, আব পৃথিবীৰ আব-কেউ জানে না, তা কি তবে উনিও জানেন ?

বালতি-শ্রুতা হাতে ঘব মুছতে এলো বামেব মা। তাব দিকে তাকিয়ে সত্যেনকেই দেখলো স্বাতী, দেখলো সেদিনেব সেই স্তব্ধ গভীৰ চোখ। তাব মনেব মধ্য খেলে গেলো 'আমি ছুঃখ পেয়েছি, সেটাই তাব ছুঃখ ; আমি বড়দিকে ভালোবাসি, তাই সে বড়দিকে প্ৰায় ন'-দখেই ভালোবাসে।' কথাটা এব আগেও অনেকবাব উকি দিয়েছে তাব মনে--আমল দেয়নি -এখনো আমল দিলো না। কিন্তু নিজেবই অজান্তে সত্যেনেব কথাই ভাবতে লাগলো ব'সে-ব'সে। এই দেড় মাস ধ'বে একটু ঘন-ঘন আসছে , এই দেড় মাসে স্বাতী সবস্তু যত কথা বলেছে, তাব অৰ্ধেকেবই বেশি সত্যেনেব সঙ্গে। বাবা বড় চুপচাপ আজকাল, আব একটু-যেন ব্যস্ত, উদ্বিগ্ন , চশমা-চোখে ব'সে চিঠি লেখেন বড়দিকে, বড়দিব বড়ো দেওবকে , স্বাতী কখনো বাবাকে চাখেনি নিজেব হাতে এত চিঠি লিখতে। এওদিন সে-ই ছিলো বাবাব সেক্রেটাৰি ; কিন্তু এ-সব চিঠিব বিষয়ে সে কিছু জানে না পৰিস্ত, মেজদি-সেজদিব চিঠি এলেও বাবা তাকে দেন না। একদিন জিগেস কৰেছিলো, 'কী লিখছো, বাবা, বড়দিকে ?'

'আসতে লিখলাম এখানে।' '

‘বড়দি আসবেন!’ কথাটা খুশি ন, উচ্ছ্বাসের ন : কথাটা যেন প্রশ্ন, যেন দ্বিধাভরা প্রশ্ন। কেমন ক’রে চোখ রাখবে বড়দির উপর আবার, কেমন ক’রে কথা বলবে ?

‘হ্যাঁ, আসাই ভালো।’ বাবাও এমন ক’বে কথাটা বললেন যেন এব বিরুদ্ধ যুক্তিও আছে। স্বাভাবিক বুলো যে বড়দির পক্ষে এখানে আসা এখন আর সহজ ন। আগেও সহজ ছিলো ন, কিন্তু তখনকার বাধা আর এখনকার বাধা একেবারে উল্টো। তাই বললো, ‘তুমি বললে আসবে ন!’

‘দেখি।’ বাবা আবাব নিখতে নাগলেন, একটু পরে চোখ তুললেন তার দিকে। চশমান পিছনে আবাব কঁদড়োনো বড়ো চোখে স্বাভাবিক কী-যেন দেখলো, তার তাকানো ন, আর দাঁড়ালো ন সেখানে।

বাবার মুখ মিগিয়ে গেলো, সত্যেনকে মনে পড়লো তার। স্বভাবত সবল তার চোখ, মধ্যে গভীরতা-ভাবনা, আস্তে কথা বলে, কিন্তু অস্পষ্ট কখনো ন। তার এমন কথা বলে যে সব সময় উত্তর না-দিলেও চেনে, চুপ ক’বে শুনলেও মনে হয় ছ-পক্ষেবই কথাবার্তা এটা। এখন আর বইয়েন কথা ন, নানা কথা : তিন বছরে সব শুদ্ধ, যে-ক’টা কথা বলেছিলো তারা, এই দেড় মাসে তার বেশি বলা হয়ে গেছে। স্বাভাবিক ভাবে চাহলো সেই কথাগুলি : কিন্তু কী-আশ্চর্য—একটা কথাও মনে আনতে পাবলো ন। কী ? কী বলে সত্যেন ?

হঠাৎ চমকে উঠলো স্বাভাবিক, চমকে বুলো। সত্যেনবাবকে সে মনে-মনে ‘সত্যেন’ ভাবে। একা ঘবে লাল হ’লো, যেন

নিজের দিক থেকেই মুখ ফেরালো ; আর ঠিক তখনই ঘবের মধ্যে ছড়িয়ে পড়লো শবতের শীতল, উজ্জল সন্দর একটি সকাল, যে-সকালটা এতক্ষণ ম'বে ছিলো তার কাছে ।—সত্যেন ! আওয়াজ না-ক'বে, কিন্তু ঠোট নেড়ে, নামটা উচ্চারণ কবলো একবার । কবে থেকে সত্যেন হ'লো ?

একটু শব্দ হ'লো ঘবে, তান্ধিযে দেখলো. ছোড়দি । ছ-বোনে চোখোচোখি কবলো নিশকে, তারপর স্বাতী বললো, 'তুমি খুব সকালেই এসেছো !'

'হ্যা, ঘুম থেকে উঠেই চ'লে এসাম, আব একটু সকাল-সকালই উঠেছিলাম ।' বলতে-বলতে শাস্ত্রতীর মনে পড়লো অত্মদিনের চাইতে সকালে উঠে ভোববেলাটি বেমন ভালো লাগলো, ভালো লাগলো একলা ট্রামে ক'বে এই পথটুকু আসতে । বললো অত্ম কথা, 'ভালো ঘুমোতেও পারিনি বাত্রে, কী-সব আবোলতাবোল স্বপ্ন দেখছিলাম ।'

বোধহয় এক বাত্মির অল্প একটু অনিদ্রার ফলেই, শাস্ত্রতীর গাল একটু বেশি লালচে দেখালো, চোখ একটু বেশি ঝকঝকে ।' কিন্তু স্বাতী চোখে যা দেখলো মখে তা বললো না ।

শাস্ত্রতী আবার বললো, 'সবাপে বড়দি এগেন — ঠিক এইবকমই ছিলো সকালবেলাটা ।' একটু থেমে খামকা ঢেড়লো, 'না বে ?'

কথাটা স্বাতীরও মনে হযেছিলো একমাত্র, কিন্তু সে সায দিলো না, কথা বললো না ।

'কী-ভালোই লেগেছিলো । কী যু'তি জামাইবাবুব, আব বড়দি যেখানে, সেখানেই আনন্দ । আর সেই বড়দি—' টলটল করলো

জলের ফোঁটা শাশ্বতীর চোখে। তার মনে হ'লো, অমন ভালো আর কখনো লাগেনি, অমন সুখী কখনো আর হয়নি জীবনে— যদিও তখন তা বোঝেনি; তখন, ববং, রোজই প্রায় দুঃখই পেয়েছে তাদের পারিবারিক উৎসবে হারীতের যোগ দেবার অনিচ্ছায়, আব ও-ধরনের আনন্দপ্রমোদের প্রতি হারীতের প্রকাশ্য অবজ্ঞায়। তার মন আবো পিছনে সরলো, পৌঁছলো তার বিয়ের সময়ে; প্রথম না-ঘুমোনো রাতটির পরে আলো-ভরা সকাল, আসনপিঁড়ি হ'য়ে খাটে ব'সে জামাইবাবুব হো-হো হাসি, আর বড়দিব সেই ওকে— মাত্র সেদিন থেকেই হাবীত 'ও' হয়েছে তার কাছে—জোর ক'রে খাওয়ানো। মজার দেখাচ্ছিলো ওকে, কত অল্পরকম ছিলো তখন। শাশ্বতী নিশ্বাস ফেললো— বড়দির জন্ত না, নিজেব-জন্তই নিশ্বাস ফেললো এবার। 'মনে পড়ে তোর—' যেন অথ কিছু বলতে-বলতে সামলে নিলো সে— 'মনে পড়ে সেই সবাই মিলে থিয়েটারে যাওয়া ?'

পড়ে না ? সবই মনে পড়ে। 'বড়দি এলেন; এসেই ধ'রে-ধ'রে সকলকে খাওয়াতে লাগলেন ক্ষীর-নারকোলের মিষ্টি, তারপর রান্নাঘরে ব'সে সেই আলুসেদ্ধ—আলুসেদ্ধর ধোয়া-ওঠা একটা গন্ধ—ও-রকম গন্ধ পৃথিবীর আর-কোনো আলুসেদ্ধর হবে না। কিন্তু এ-সবই ভাবা হ'য়ে গেছে হাজার বার।

শাশ্বতী বললো, 'জামাইবাবু কী-রকম হাসতেন !'

হ্যাঁ, হাসতেন। আর যাবার সময় টাঙ্কিতে উঠে অল্পরকম একটু হেসে বলেছিলেন, 'স্বাতী, তাহ'লে যাই...আবার হবে...' কিন্তু এ-সবও হাজার বার ভাবা হ'য়ে গেছে।

যাতে আবারও এ-সব ভাবতে না হয়, স্বাতী বললো, ‘চা খেয়ে এসেছো?’

‘হ্যাঁ—হারীত ওঠেনি তখনো—নিজেই ক’রে নিলাম এক পেয়ালা—’ শাস্ত্রী কথার বদলে-যাওয়া সুব স্বাতীকে প্রায় জানিয়ে দিলো যে স্বামী ওঠার আগে স্বাধীনভাবে ঐ এক পেয়ালা চা বেশ উপভোগ করেছিলো সে। হঠাৎ থেমে গিয়ে বললো, ‘সময় হ’লো নাকি?’

‘এখনই?’ একটু কেঁপে উঠলো স্বাতী।

‘গাড়ি ক-টায় পৌঁছয়?’

‘আটটা—কত মিনিট যেন—’

‘তাহ’লে দেবি আছে এখনো,’ শাস্ত্রী তাকালো হাতের ছোট্ট মোনার ঘড়ির দিকে—ভাব বিয়েতে জামাইবাবুর উপহার। ‘বাবা স্টেশনে গিয়েছেন?’

‘কী-যেন—বোধহয়—’

বাবার গতিবিধি সম্বন্ধে স্বাতী এই ‘বোধহয়’টা একটু বেখাপ্পা শোনালো শাস্ত্রীর কানে। ‘যাই, দেখে আসি।’ তখনই ফিরে এসে বললো, ‘হ্যাঁ, গিয়েছেন।’

এবার বেখাপ্পা লাগলো স্বাতী। বাবা কোথাও বেরিয়ে গেলেন তাকে কিছু না-ব’লে, তাব সঙ্গে দেখা না-ক’রে—এটা তার কাছে নতুন।

‘বিজু?’ শাস্ত্রী জিগেস করলো।

‘ওঠেনি—বোধহয়।’

শাস্ত্রীর মনে হ’লো স্বাতী. অতী কথ্য ভাবছে, যে-কথার

সঙ্গে বড়দির আজ আমার কোনো যোগ নেই। নিজেই গেলো
বিজনের ঘরের দিকে। দরজা বন্ধ। টাকা দিলো; ‘বিজু, বিজু’
ব’লে ডাকলো; জবাব পেলো না। ফিবে এসে বললো, ‘বিজু
এত বেলায় ওঠে?’

স্বাতী বললো, ‘এমন আব বেলা কী। আমরা আজ ভোরে
উঠেছি কিনা, তাই মনে হচ্ছে।’

‘কারণ আছে ব’লেই উঠেছি। বিজুবও ওঠা উচিত।’

স্বাতী চুপ।

‘ওকে ডাকলে হয় না?’

‘তুমি ডাকলে তো শুনলাম।’

‘কিন্তু—ওদের আসবাব সময়ও ঘুমিয়ে থাকে যদি বিজু?’
শাস্বতীর চোখে-মুখে উদ্বেগ ফুটলো।

‘অতক্ষণ কি আব ঘুমোবে।’

‘কী-বিশ্রী! কী ভাববেন বড়দি—ছি! আমার-তো মনে হয়
ধাক্কাধাক্কি ক’রে ওকে ডেকে তোলাই উচিত,’ শাস্বতী ব্যস্ত
হলো।

‘ছাখো চেষ্টা ক’বে।’

‘তোব ভাবটা যেন তোব কিছুই না?’

স্বাতী চুপ।

‘এখনো তোব বাগ পড়েনি বিজুব উপব?’

‘রাগ ছিলো নাকি কোনোদিন?’ স্বাতী পাংলা হাসলো।

শাস্বতীও হাসলো। ‘আমার উপবেও রেগেছিলি খুব?’

মজুমদারের ব্যাপারটি চুকে যাবার পবে এই প্রথম তার

কোনো উল্লেখ হ'লো ছু-বোনের মধ্যে। স্বাতী বললো, 'আমি কি তোমার উপর রাগতে পারি?'

শাস্বতী তাকালো স্বাতীর দিকে, ঘরের দিকে। এই ঘরেই সে থাকতো, ঘুমতো—স্বাতীর সঙ্গে। একটু আবছা ক'রে বললো, 'তখন যা ভালো মনে হয়েছিলো করেছিলাম। মনে রাখিস না।'

এর পরে দু-জনেই চুপ ক'রে রইলো একটুক্ষণ।

'আসবার সময় সত্যেনবাবুকে দেখলাম ট্রাম-স্টপে,' শাস্বতী কথা বদলালো।

'কে সত্যেনবাবু?'

'সত্যেনবাবু—সত্যেন রায়—তোর আজ হয়েছে কী বল তো?'

ছোড়দির সঙ্গে একটু-একটু কথা বলতে-বলতে মনের গভীরে যে-মানুষের কথা সারাক্ষণ সে ভাবছিলো, তার সম্বন্ধে হঠাৎ ও-রকম একটা দৈনন্দিন উল্লেখ শুনে স্বাতী বুঝতেই পারেনি প্রথমটায়। কিন্তু ঠিকই তো : অগ্রদের কাছে সে মাত্রই একজন সত্যেনবাবু, যে-কোনো একজন সত্যেন রায়। ছোড়দির সাধারণ স্মরণটা নকল ক'রে বললো, 'কলেজে যাচ্ছেন বোধহয়।'

'ছুটি হয়নি এখনো?'

'এই হবে।'

'আমি তাকালাম, কিন্তু উনি দেখলেন না—নয়তো কথা বলতাম একটু।' একটু পরে শাস্বতী আবার বললো, 'বেশ লাগে আমার ওঁকে।'

স্বাতী লক্ষ্য করেছে সত্যেনকে আজকাল একটু অস্থ চোখে দেখছে ছোড়দি। কবে থেকে যেন ভাবটা স্পষ্ট বদলেছে।

এখানে এসে দেখতে পেলে কেমন হাসে, এগিয়ে কথা বলে, একটু বেশিই বলে—অন্তত স্বাতীৰ তা-ই মনে হয়। দাদা ছোডদিকে কিছু বলেছে—এ-ই সে ধ'বে নিয়েছিলো মনে-মনে, যেহেতু তাব মনেই হয়নি তাকে আব সত্যেনকে একসঙ্গে দেখতে পাওয়াই সত্যেনকে লক্ষ্য কৰাব যথেষ্ট কাৰণ আজকাল। ছোডদিব মুখ দেখে বোঝাব চেষ্টা কবলো দাদাব কথা সে কতটা বিশ্বাস কৰেছে, তাবপৰ তাব কাঁৰেব দিকে তাকিয়ে বললো, ‘সুন্দৰ ব্লাউজটা।’

কিন্তু শাস্তী আগেব কথাতেই ফিৰে গেলো। ‘একদিন চা খেতে বলবো ভাবি বাডিতে, কিন্তু—’ যেটা ভাবছিলো স্বাতীৰ বিষয়ে সেটা চালিয়ে দিলো স্বাতীৰ বন্ধুদেব নামে—‘হাবীতেব বন্ধুদেব সঙ্গে ঠিক-তো মিলবে না সত্যেনবাবুৰ।’

‘একা ওঁকে বললেই পাবো।’

‘তা পাবি, কিন্তু তোব হাবীতদাকে তো জানিস, নিজেব দলেব দু-তিনটি বন্ধু যেখানে নেই, সেখানে তাঁব কিছুই ভালো লাগে না, আবাব দু-চাবজন না-হ'লে জমেও না ঠিক, আব— আব সত্যেনবাবুৰ কি ভালো লাগবে তুই না-গেলে?’

স্বাতী হেসে ফেললো, হেসে বললো, ‘বেশ-তো, আমাৰে যদি বলো আমিও যাবো।’

‘না, তোকে বলবো না।’ শাস্তী হাসলো, বাঁকা।

খানিকটা এটা মনের কথা শাস্তীৰ। সম্প্রতি এ-বাডিয়ে সে যে-ক'দিন এসেছে—যদিও এক-একদিন এক-এক সময়ে— তার মধ্যে চার-পাঁচদিনই দেখেছে স্বাতীকে ঐ প্রোফেস

ভদ্রলোকটির সঙ্গে ব'সে থাকতে ; সে এলে স্বাতীর যেন একটু ইতি-উতি অবস্থা—একবার এ-ঘর, একবার ও-ঘর—আবার তিনজনে একসঙ্গে বসতেও উশখুশ। এ থেকে যা ভেবে নেবার তা অবশ্য ভেবেইছিলো শাস্ত্রী, যদিও, মজুমদারের ব্যাপারটা তখনো তাব মনে তেতো হ'য়ে লেগেছিলো ব'লে, কাউকে কিছু বলেনি এ-পর্যন্ত, বাবাকেও না, স্বামীকেও না। মনে-মনেই পুথছিলো কথাটা, ভালোই লাগছিলো ; মনে পড়ছিলো নিজের—নিজের—কথা ; আহা, এই একটা সময় জীবনের ! তার ইচ্ছে কবে সত্যোনের সঙ্গে একা কথা বলতে, টিপে-টিপে তার মনের কথা বের করতে—; কিন্তু তাব স্বামীটি-যে সে-রকম না, এ-রকমের মেলামেশা ভালোবাসে না, আবার কম বাসে খরচ করতে। মজুমদার মানুষটা কিন্তু মন্দ ছিলো না, যদি আসা-যাওয়াটা রাখতো অন্তত—যা, ওব পবে তা আর হয় নাকি—সত্যি, স্বাতীকে বিয়ে করতে চেয়েই সুব মাটি ক'রে দিলো মজুমদার।

তখনকার মতো শাস্ত্রী ভুলে' গেলো যে মজুমদারের এই ইচ্ছায় সে-ই জোগান দিয়েছিলো সবচেয়ে বেশি ; আর এ-কথাও তাব মনে হ'লো না যে ঐ মানুষটাকে সে ভাবছে শুধু নিজের ইচ্ছা মেটাবার একটা উপায়হিসেবে, এই অসম্ভব আশা করছে তার কাছে যে যে-মেয়েকে সে চেয়েছিলো কিন্তু পেলো না, তাকেই ফুঁটিসে এগিয়ে দেবে অন্য-একজনের দিকে। অনেক অসংলগ্ন, অমুচিত, পরস্পরবিরোধী ভাবনা কয়েক সেকেণ্ডের মধ্যে শাস্ত্রীর মনের উপর দিয়ে ভেসে গেলো। তিন বছরের চেষ্ঠাতেও স্বামীর দলটির মধ্যে মিশিয়ে দিতে পারলো না নিজেকে,

এখন চেঁচাও ছেড়ে দিয়েছে। বাপেব বাড়িতে বাবা বুড়ো হচ্ছেন, আর স্বাতীটা একটু অল্প রকম মানুষ তো, আর বিয়ে হয়নি ব'লে অসুবিধেও অনেক—শাশুতীর অসুবিধে। আনন্দের জায়গা বলতে এখন তার শ্বশুরবাড়িটাই; জা দেওর ননদ ননদাইতে বেশ ঝমঝম এক-এক সময়, কিন্তু চালচলন তাঁদের একটু সাবেকি, বাইরেব জগতে মেয়েদের আনাগোনা এখনো পাড়ার দোকানে শাড়ি-জামা কেনা আব বাংলা ফিল্ম একটিও বাদ না-দেয়াতেই আবদ্ধ। ওখানে তাব ভালো লাগে, কিন্তু হারীত-যে ও-বাড়ি ছেড়েছে তাতেও সে মনে-মনে খুশি; ঠিক তাব মনেব মতো একটা মেলামেশার জগৎ, যার স্বাদ ঐ অল্প ক-দিনেব জন্ম মজুমদার তাকে দিয়েছিলো, এখনো খুঁজে পাচ্ছে না কোথাও। সত্যেনকে দেখে, সত্যেনের সঙ্গে স্বাতীকে দেখে আবার তার নতুন ক'রে আশা হ'লো।

শাশুতীর ঐ একটু চুপ ক'বে থাকার সুযোগ নিলো স্বাতী।—‘দাদাকে ডেকে দেখবে নাকি আরেকবার?’

এবার তার চেঁচায় কাজ হ'লো, মনের বাস্কে ডালা এঁটে শাশুতী তখনই উঠলো। ‘হ্যাঁ, দেখি।’ যেন একটা মস্ত কাজ নিয়ে যাচ্ছে, যে-কাজ আর-কেউ পারবে না, এমনি চেহারা ক'বে বেরিয়ে গেলো। ফিরে এলো মুখ লাল ক'রে মিনিট দুই পরে।—‘নাঃ! কত ডাকলাম, ধাক্কালাম—পান্তাই নেই! শেষ পর্যন্ত উঃ, আঃ আওয়াজও শুনলাম দু-একবার, একটু দাঁড়ালাম, কিন্তু আবার চুপ!—সত্যি!’ ছোটোদের অবাধ্যতায় গুরুজনের মুখ যেমন গম্ভীর হয়, তেমনি হ'লো শাশুতীর।

স্বাতী ব'সে-ব'সে ও-সব ডাকাডাকি শুনেছিলো, তার ফলও বুঝেছিলো, তাই কিছু বললো না।

‘অত ঘুমোতে পাবে নাকি কোনো মানুষ! ঘুম কি আর না-ভেঙেছে এতক্ষণে—ইচ্ছে ক’বে শুয়ে আছে, ইচ্ছে ক’রে জবাব দিলো না, পাছে কিছু করতে হয়। তুই ঠিকই বলিস, স্বাতী, বিজুটা মানুষ না!’

‘ও-কথা আমি কবে বলেছি?’

স্বাতীৰ আপত্তি শাস্বতী গ্রাহ্য কবলো না, আবাব বললো, ‘এত বড়ো একটা কাণ্ড ঘ’টে গেলো—একটু বিকাব নেই ওব মনে।’

দাদা-যে এটাকে চুপচাপ মেনে নিয়েছে, তাতেই ববং স্বাতী স্বস্তি পেয়েছিলো—যা ওব বোলাকলি স্বভাব! তাই বললো, ‘দী আব কববে। পুরুষমানুষ—’

‘আবে বাখ ও-সব। মনে লাগলে কেউ আবাব চাপতে পারে! বিজুটা মানুষ না, ওব আত্মা নেই, কী-বকম স্বার্থপবেব মতো থাকে দেখিস না—খায়, ঘুমোয়, তা ছাড়া আব সম্পর্ক নেই বাড়ির সঙ্গে!’ বলতে বলতে শাস্বতী বড্ড বেগে গেলো ভাইয়ের উপর, হঠাৎ তাব মনে হলো স্বাতীকে বিয়ে কবতে চাওয়ার ছবুঁকি বিজুই দিয়েছিলো মজুমদাবকে। ‘ও কি জানেও না বড়দি আসবেন?’

‘জানে,’ স্বাতী সংক্ষেপে উওব দিলো।

‘জানে তো জেগে-জেগে শুয়ে আছে কেমন ক’বে—আর এত ডাকলাম! ভদ্রতা ব’লেও তো আছে একটা!’

স্বাতী বললো, ‘সত্যি ঘুমোচ্ছে হয়তো।’

‘কিসেব ! কোনো হাজ্জামাব মध्ये থাকবে না, এই আবকি !’
শাস্ত্ৰী থামলো, দম নিলো । ‘তা এদিকে সব ঠিকঠাক তো ?’

‘ঠিকঠাকেব আব কী !’

‘বাঃ, এত লোক আসবে, তাৰ একটা ব্যবস্থা আছে না ! চল দেখে আসি ।’ আবাব কেজো ধবনে শাস্ত্ৰী উঠলো, ছোট বাড়িটি ঘূৰে এলো বান্নাঘৰ পৰ্যন্ত । বান্নাঘৰে হনি দুধ ফুটিয়ে বেখে, চা-বাসন সাজিয়ে, এখন শিঙাবাঘ পূৰ ভবছে ব’সে-ব’সে—আসামাত্ৰ ভেজে দেবে গবম-গবম, আব বাবান্দায় ব’সে বামেব মা আনারস কাটছে, টুকবোঙলো বাঁটি থেকেই পড়ছে শাদা পাথৰেব খালায়, আব তাৰ বা দিকে একটা বাড়িতে পেঁপে আপেল কমলা-লেবু কত কী । কাজ খুজে না পেয়ে শাস্ত্ৰী আবাব ঘৰেব দিনেই ফিরলো, চলতে-চলতে বললো, ‘কেমন লাগে বে তোৰ ভাবতে ?’

‘কী ভাবতে ?’

‘যে বড়দি আব—তাঁৰ খাওয়া-পুৱা কিছুই-তো আব আমাদেব মতো থাকলো না !’

‘বাজে নিয়ম সব !’

‘আজকাল অনেকেই-তো মানে না ও-সব । কিন্তু বড়দি বোধহয়—। ভাবতেই পাৰি না বে । ঐ শাদা কাপড় !’ শাস্ত্ৰী থামলো, নিশ্বাস ছাড়লো । ‘বী-বপ বড়দিব, আব কা-বপ বয়স !’

বড়দিব সম্বন্ধে এই অত্যন্ত সংগত, স্বাভাবিক সহানুভূতিব কথা শুনে হঠাৎ জামাইবাবুৰ জন্তু ভীষণ একটা কষ্ট হ’লো স্বাৰ্থীৰ । ছোড়দি যেন জামাইবাবুকে প্ৰায় দোষ দিছে ম’বে যাওয়ার জন্তু ।

সর্বনাশ হ'লো বড়দির ; কিন্তু সে-তো শুধু মুখের কথা, কথার কথা ; সত্যি সর্বনাশ হ'লো অগ্নি জনেরই—যে মরলো তারই সর্বস্ব গেলো । স্বাতীর একটা ঝাপসা ধারণা হ'লো যে শোকার্তের জন্তু আমাদের যে-সহানুভূতি জাগে, তাও মৃত মানুষটিকে ভুলে যায় ব'লেই, মৃত্যুকে ভুলে থাকি ব'লেই । মৃত্যু এত ক'রেও পারলো না মানুষকে দিয়ে তাকে মনে রাখাতে ।

ছ-বোনে এলো বাবার ঘরে । সেখানে বাবার বড়ো খাটে আর শাস্ত্রতীর পুরোনো দিনের ছোটো খাটে পরিষ্কার বিছানা তৈরি, বড়োটা স্ফুজনিতে আর ছোটোটা চিকনপাটিতে ঢাকা ; সব ঠিক আছে । বাবা কিছু ভোলেন না, সময়মতো সব করেন, করান, কারো জন্তু ফেলে রাখেন না কিছু ।

রাখলে এখনকার মতো ভালো হ'তো, কেননা ঘড়ির কাঁটা আটটার দিকে যত এগোলো, ততই ক'মে এলো ছ-বোনের কথাবার্তা, আর কেমন-একটা ছটফটানি শুরু হ'লো ছ-জনেরই ভিতরে ভিতরে । একবার এখানে, একবার ওখানে একটু-একটু ক'রে ব'সে শেষ পযন্ত বাইরের ঘরে এলো তারা । সেখানে চেয়ারগুলি তেমনি একদিক ঘেঁষে-ঘেঁষে আছে, অগ্নি দিকে ডালিমের বিছানা তেমনি স্ফুজনি-ঢাকা, টেবিলে বইপত্র গুছোনো । তার গোল টাইমপীসটিতেও রোজ দম দিতে ভোলেনি স্বাতী ।

একটু দূরে-দূরে বসলো ছ-বোনে । শাস্ত্রতী ব'সেই বললো, 'দরজাটা খুলে দে, স্বাতী ।'

স্বাতী উঠে গিয়ে রাস্তার দিকের দরজা খুলে দিয়ে আবার বসলো ।

একটু পরে শাস্ত্রী বললো, ‘পরদাটা স’রে গেলো যে।
টেনে দে। আচ্ছা, তুই থাক—’

শাস্ত্রী নিজেই উঠলো, পরদা টেনে দিয়ে বসলো অন্য একটা
চেয়ারে। একটু পরে বললো, ‘গরম—না?’

স্বাতী উঠে পাখা খুলে দিয়ে আবার বসলো অন্য একটা
চেয়ারে।

একটু পরে শাস্ত্রী বললো, ‘কী-জোব হাওয়া—একটু
কমিয়ে—’ নিজেই উঠে পাখা কমিয়ে আবার বসলো প্রথম যেটায়
বসেছিলো সেই চেয়ারে। ব’সেই চোখ পড়লো ডালিমের টাইম-
পীসটায়। ‘আটটা-কুড়ি!’ শাস্ত্রী যেন আঁতকে উঠলো।

‘কুড়ি!’ স্বাতীবও গলা কেঁপে গেলো, যেন আটটা বেজে কুড়ি
মিনিট হওয়া আব কখনো সে শোনেনি।

পর-পর খানিকক্ষণ দু-জনেই চেষ্টা কবলো গোলমুখো টেবিল-
ঘড়িটার দিকে না-তাকাতে, আব দু-জনেবই চোখ ঐ শাদা-কালো
গোল মুখের উপরেই পড়তে লাগলো বাব-বাব।

শাস্ত্রী বললো, ‘গাড়ি ঠিক ক-টায়?’

‘ঠিক জানি না!’

‘টাইমটেবল নেই?’

স্বাতী মাথা নাড়লো।

‘খবরকাগজ?’

‘দেখছি।’ স্বাতী উঠলো, খবরকাগজটা খুঁজে পেলো খাবার
টেবিলেই, নিয়ে এসে ছোড়দিব হাতে দিয়ে অন্য একটা চেয়ারে
বসলো।

তাড়াতাড়ি, ব্যস্ত হাতে, যেন এর উপর জীবনমরণ নির্ভর করছে, শাস্ত্রী কাগজ ওন্টাতে লাগলো। ‘কই রে?—কোথায়?—কী-কাগজ এটা?—এই-যে—পেয়েছি। নাম কী গাড়ির?’

‘তা তো জানি না।’

‘তাও জানিস না?’ শাস্ত্রী প্রায় খেঁকিয়ে উঠলো। ‘ঢাকা মেল—না, ঢাকা মেল কী ক’বে হবে—মৈমনসিং থেকে তো—মৈমনসিং থেকে কোন গাড়িতে পৌঁছয় জানিস না?’

স্বাতী উত্তর দিলো না।

‘কী-মুশকিল!’ কাগজটা মেঝেতে ছুড়ে ফেললো শাস্ত্রী। স্বাতী নিচু হ’য়ে হাত বাড়িয়ে একটা পাতা তুলে নিলো, হাঁটুর উপর ছড়িয়ে চোখ নামিয়ে বাখলো সেখানে।

শাস্ত্রীও নিচু হ’লো, আর-একটা পাতা তুলে নিলো, কিন্তু সেটা চোখের সামনে না-দ’রে হাতের মধ্যে গোল ক’বে পাকাতে লাগলো আব খুলতে লাগলো, আব কয়েকবার এ-বকম করার পর হঠাৎ তার হাত থেমে গেলো, একটু শান্তভাবে বললো, ‘আমার মনে হচ্ছে ঠিক সময় হয়েছে এতক্ষণে।’

‘নাকি?’ স্বাতী কাঁপলো, তাকালে, উঠলো। সঙ্গে-সঙ্গে শাস্ত্রীও উঠলো। শাস্ত্রী দেখলো স্বাতীর মুখ ক্যাকাশে, চোট শুকনো। স্বাতী দেখলো শাস্ত্রীর মুখ শাদা, ঠোঁট ক্যাকাশে। তারপর, কোনো কথা না-ব’লে জু-জেনেই ব’সে পড়লো আবার: শাস্ত্রী যেটায় ব’সে ছিলো স্বাতী বসলো সেটায়, আর স্বাতী যেটায় ব’সে ছিলো সেটাতে বসতে গিয়েও ফিরলো শাস্ত্রী, স্বাতীর ঠিক পাশের চেয়ারটায় বসলো।

কথা বলার চেষ্ঠাই আর কবলো না তাবা। ছু-জনে ব'সে থাকলো পাশাপাশি; ছু-জনেই তাকিয়ে থাকলো সামনের দিকে, দবজাব দিকে, পবদাব ফাঁকে বাস্তাব দিকে। ছু-জনেই শুকনো শাদা ফ্যাকাশে, আব ছু-জনেই ভিতবে-ভিতবে কাপছে। পাশাপাশি, কাছাকাছি, প্রায় হাতে হাত ছুঁইয়ে, অথচ কেউ কাবো দিকে না-তাকিয়ে, আব একটও না-ন'ড়ে, এমন ক'বে তাবা ব'সে থাকলো যে বাস্তা থেকে কাবো চোখে পড়লে তাব মনে হ'তো যে বিশেষ-কোনো মনোহর ভঙ্গিও ছবি তোলাতে বসেছে ছুই তরুণী।

কিন্তু মেকনব'ডেব ট্যাক্সিটা যখন স্থলিক দিলো জানলায়, ছু-জনে শাস্ত্র উঠলো, আশ্চর্য হাঁটলো—যদিও কেউ কাবো দিকে তাকালো না কয়েক পা মোক্কা পাব হ'য়ে পবদা ঠেলে বেবোলো, দাঁড়ালো বাইবের সিঁড়িতে, পাশাপাশি, কেউ কাবো দিকে না-তাকিয়ে।

প্রথমে লাফিয়ে নামলো আতা তাতা ছুই বোন কত বডো হ'য়ে গেছে!—তাবপব ছোটন, কী ক'বে এটেছে হাফপ্যান্টেব বেল্টটা—তাবপব গাফ্রিটুপি এটে লম্বা, গম্ভীর, দায়িত্বপূর্ণ ডালিম—টুপি কেন? বাং, ছাড়া হয়েছিলো না? আব ভাত ভাত খেয়ে মোটাও হয়েছো। সেবাবে তাকে আনন্দ হুয়নি, আব এবাবে সে-ই নিয়ে এসেছে সকলকে আব একটা ট্যাক্সিতেই সকলকে ব'বে গেলো এবাব।

বাবা নামলেন বাচ্চাটিকে কোলে নিয়ে—এমন-আব বাচ্চা কী এখন, আব কী-কম হাসছে শাদা-শাদা দাঁত দেখিয়ে—কী মিষ্টি! অথ সব কথা ভুলে গেলো স্বাতী, সিঁড়ি থেকে বাস্তাব

নামলো, বাবাব কোল থেকে নিজেব কোলে নিলো, বুকে চেপে ধবলো, গালে চুমু খেলো। আন এই নতুন মানুষটিব মুখেব দিকে একবাব মাত্র চোখ ফেলেই সৰু, ছোটো, কিন্তু বেশ জোবালো গলায় হঠাৎ কেঁদে উঠলো বাচ্চাটি।

‘ছী-ছী, মাসিব কোলে গিয়ে নাকি কাঁদে। মাসি—
ছোটোমাসি’

স্বাতী গলা শুনে চোখ ফেবালো। শাদা-শাদা কাপড়, শাদা সিঁথি, কিন্তু বড়দি। চোখে দেখাব প্রথম মুহূর্তটিকে আবছা লাগলো স্বাতীব।

‘ওকে দে আমাব কাছে,’ বলে শ্বেতা সখী, ছুখী, হাসি-হাসি, ছলছলে, ছলোছলো চোখে স্বাতীব দিকে একটুখানি তাকিয়ে একটুখানি আদৰ ববনো তাব গালে। স্বাতী কেঁপে উঠলো, চোখ নামালো, বয়েক ফোটা চোখেব জল দৌড়ে নামলো পব-পব তাব গান বেয়ে।

বাচ্চাকে নিয়ে সিঁড়ি উঠে শ্বেতা বললো, ‘বী, শাস্ত্রতী ?
বিজু কই ?’

‘বিজু—’ শাস্ত্রতী একটা মিথো বানাবাৰ চেষ্টা ববলো, কিন্তু দবকাব হ’লো না। ঠিক যখন শ্বেতা বাড়িতে ঢুকে, সেই মুহূর্তটিতে ভিতৰ থেকে ছুটে এলো বিন্দু, এইমাত্র ঘুমভাঙা, এনোমেলো চুল, কাপড়টা এড়ি মতো ব’বে কোনোবকমে জড়ানো, গায়ে একটা বোতাম-খোদ, বসে-চল-দেখানো ডোবাকাটা বঙিন বিলেতি বাত-জামা। বড়দিকে দেখেই একটু থমকে দাঁড়ালো সে, আৰ সঙ্গে-সঙ্গে তাব মুখেব বিস্ময়, বদ, বাঁকাচোবা একটা চেহাৰ।

হ'লো, হঠাৎ ঘোড়ার মতো লাফিয়ে এসে জড়িয়ে ধবলো বাচ্চাসুদু
বড়দিকে ; হাউহাউ ক'রে লুটিয়ে কেঁদে পড়লো ।—‘ও—ও বড়দি !
ও—ও জামাইবাবু ! জামাইবাবু—উ !’

বিজুব ধাক্কায় বাচ্চাটি প্রায় প'ড়ে যাচ্ছিলো কোল থেকে,
শ্বেতা কোনোবকমে সামলে নিলো, চেপ্টা ক'বে স'বে দাঁড়ালো,
আব বিজু যেন আশ্রয় হাবিয়ে এলিয়ে প'ড়ে গেলো শ্বেতাব
পায়েব কাছে মেঝেতে । ওঠাব চেপ্টা কবলো না, মুখ ঢাকলো না,
কান্নাব বেগে অবিস্বাস্য সব ভঙ্গি হ'তে লাগলো তাব মুখের,
আর ভাঙা, চড়া, সাংঘাতিক খাওয়াজে এক-একটা খাবি-খাওয়া
কথা বোবোতে লাগলো তাব গলা দিয়ে . ‘জামাইবাবুব মতো—
আর কে ! কে আমাকে টাকা দিযেছিলো—কাব টাকা নিয়ে আমি
আজ—ও—ও জামাইবাব ওঃ-হো-হো !’ ছু-ঠাট উচু ক'বে,
ছু-হাত পিছনে ছড়িয়ে, ছু-হাতে মেরো আকড়ে, বঙিন ডোবাকাটা
বোতাম-খোলা জামাব ফাকে বুনে ব কালো-কালো চুল দেখিয়ে—
ব'সে-ব'সে বিকটভাবে কাঁদতে লাগলো বিজন ।

ট্যান্ড্রি বিদেয় হয়নি তখনো, প্রকাণ্ড শিখ ট্যান্ড্রিওলা
দাড়িগোঁফেব ঝোপ নিয়ে দাঁড়িয়ে আছে, বাজেনবাবুও বাস্তায়,
হবি মাল তুলতে-তুলতে থেমে গেছে, স্বাতী আব ডালিম
উঠতে-উঠতে থমকে গেছে সিঁড়িতে, বাস্তাতেও দাঁড়িয়ে গেছে
ছু-একজন । দবজাটা হাঁ-কবা, পবদাটা সবানো, সকলেই দেখছে,
শুনছে ; আশেপাশেব বাড়ি ক-টিতেও পৌঁচছে বিজনের এই
আন্তরিক, অকৃত্রিম, মর্মস্পর্শী শোকোচ্ছ্বাস ।

ঘরে শাস্ত্রতী দাঁড়িয়ে থাকলো মূর্তিব মতো , আতা তাতা

ছোকন গোল-গোল চোখে তাকিয়ে থাকলো অবাক ; শ্বেতা চেষ্টা করলো এক হাতে ভাইকে আরেক হাতে বাচ্চাকে সামলাতে । আর বাইরে ডালিম ঘন-ঘন তাকাতে লাগলো ছোটোমাসির দিকে ; কিন্তু ছোটোমাসি মুখ তুললেন না, নড়লেনও না, আর সেও তাই আর-কিছু ভেবে না-পেয়ে সিঁড়িতেই দাঁড়িয়ে থাকলো রাস্তার দিকে পিছন দিয়ে, আর দু-জনের মাঝখানে সাবধানে পথ ক'রে শেষ মালটা ঘরে তুললো হরি । রাজেনবাবু ভাড়া মেটালেন, গাড়ির ভিতবটা দেখলেন, আর ট্যাক্সির সঙ্গে-সঙ্গে প্রকাণ্ড শিখ চ'লে যেতেই গলিটা হাঁফ ছাড়লো । বাজেনবাবু ঘরে গেলেন না, সিঁড়িতে উঠলেন না, বিজুকে চোখে দেখেও দেখলেন না, কানে শুনেও শুনলেন না । বিজুব কথা কিছুই ভাবছিলেন না তিনি, আর-কিছুই ভাবছিলেন না । ঘুম ভেঙে প্রথম যে-কথা আজ মনে পড়েছে, আব তাব পনেও বাব-বাব, সে-কথাই ভাবছিলেন আবার । ভাবছিলেন সেই দিনটির কথা, শ্বেতা যেদিন জন্মালো । এই প্রথম । বেলঘাটার গবির বাড়িতে সেই আতুড়ঘর, দরজায় দাঁড়িয়ে সেই প্রথম দেখা : দাইয়ের কোলে এইটুকু একটা ছোট লাল শরীর ; আব খাটের উপর এলানো চুল, চোখবোজা শাদা মুখ, লেপেব বাইরে শাদা একটি হাত । সেই শাদা দেখে 'শ্বেতা' কথাটা মনে এলো । সেই শ্বেতা ।

আবার পুজোব ছুটি, আবার কলকাতায় বাইরে যাওয়ার ধুম। রেল-টিকিট এবার যেন অগ্নিবাহন চেষ্টাও শস্তা; রাস্তায় বেরোলেই চোখে পড়ে পিছনে মাল-বাঁধা ট্যাঙ্ক।

শাস্ত্রীবাঁধা স্বস্তুরবাঁধিব দল দেওঘর গেছে, স্বস্তুরবাঁধি আছে সেখানে। হাবীত শাস্ত্রীবাঁধা যাবার কথা ছিলো হাবীতের ছুটি হ'লেই, কিন্তু আপিসের শেষ দিনটিতে বাঁধি ফিরে হাবীত জানালো তার যাওয়া হ'লো না।

শাস্ত্রী বললো, 'কী হ'লো?'

'এখানেই থাকতে হচ্ছে আমাকে।'

'কেন?'

'অগ্রণী সংঘের নাম বদলে প্রতিরোধ-সংঘ হ'লো, কিন্তু তাতেই তো হ'লো না, নতুন ক'বে গড়তে হবে সমস্তটা। কথা হচ্ছে কষে থেকেই, কাজ কিছু হয়নি। কিন্তু এখন আর দেরি না। এই ছুটিতেই—বামে থেকে ঠাণ্ডা আসছেন এইজন্ম। এদিকে মকরন্দ চ'লে যাচ্ছে বিপ্লবকর্ম।'

'তাহ'লে তুমি কেন যেতে পাবো না?'

'সেইজন্মই। মকরন্দ বড় খেটেছে ক-মাস, ডাক্তার বলেছে বিশ্রাম নিতে। ওকে যেতেই হবে।'

'মকরন্দ মুখুয্যের তিন-ডবল তো তুমি খাটো।'

'তর্ক কোরো না।' হাবীত কথা বলছিলো ঘরের মধ্যে ঘুরতে-

স্মুরতে : প্রথমে কোট খুলে হ্যান্ডব্যাগেরে এঁটে ব্র্যাকেটে লটকালো, তারপর আলনার ধারে এসে জুতো ছাড়লো, টাইটাকে ঝুলিয়ে দিলো আলনার গলায়, তারপর টেবিলের ধারে এসে দেখলো কোনো চিঠিপত্র আছে কিনা। তার চেয়ারটায় শাস্ত্রী বসে ছিলো হাতলে হাত রেখে। জিগেস করলো, ‘বসবে ?’

‘না না, তুমি বোসো। আমি - ’ হারীত আবার চললো বাথরুমের দিকে—‘আনার যাওয়া হ’লো না তা তো দেখেছো। তুমি যাও।’ শেষের কথাটা বললো বাথরুমের দরজা থেকে মুখ ফিরিয়ে। কিন্তু হারীতের কথা শোনার জন্য ঘরের মধ্যে নানা জায়গায় শাস্ত্রী তার চোখকে আর পরিশ্রম করালো না।

চা খেতে-খেতে হারীত আবার কথা তুললো : ‘আগে জানলে ওদের সঙ্গেই তোমাকে পাঠিয়ে দিতাম।’ কিন্তু ঠাণ্ডানির টেলিগ্রাম আজই মাত্র এলো।’

শাস্ত্রী বললো, ‘এখান থেকে দেওয়ার আমি একাও যেতে পারি।’

‘নিশ্চয়ই!’ হারীত খুশি হ’লো। ‘দিনের গাড়িতে যাবে, এখান থেকে আমি তুলে দেবো, ওখানে ওরা স্টেশনে থাকবে। বদল-টদল নেই—মুশকিল আর কী!’ কবে যেতে চাও? কাল?’

‘আমি যাবো না।’

‘যাবে না? কেন?’

‘না, যাবো না।’

হারীত পর-পর তিনটে-চারটে বেগুনি খেয়ে ফেললো। কেন-যে এ-সব মান-অভিমানগুলো এখনো যাচ্ছে না দেশ থেকে!

হারীত একদম পছন্দ করে না এ-সব ; শুধু-যে পছন্দ করে না তা নয়, এর সামনে পড়লে অসহায় লাগে নিজেকে । কী করতে হবে, বলতে হবে বোঝে না, যেন বোকা ব'নে যায়, আর তাইতে ভিতরে-ভিতরে এমন রাগতে থাকে যে ব্যাপারটা শেষ পর্যন্ত বিস্তী হ'য়ে ওঠে তার জন্মই । রাগের চড়তি মুখটাকে মনে-মনে চেপে ধ'রে নরম সুরে বললো, 'যাবে না কেন ? ভালো লাগবে তোমার, আর শরীরও সারবে ।'

'আমার কি অসুখ নাকি যে সারবে ?'

'না, না—এই-তো একঘেষে জীবন, আর খাঁচার মতো ফ্ল্যাট—মাঝে-মাঝে বাইরে একটু ঘুবে এলে তবু—'

'আমার একঘেষে লাগে না ।'

হারীত বিলেতি ধরনে হাতের পাতা উন্টিয়ে বুঝিয়ে দিলো এ-সব বাজে কথার সময় তার নেই । ইংরেজিতে বললো, 'যা তোমার খুশি ।' তারপর বাংলায় বললো, 'আমি শুধু এই বলতে চেয়েছিলাম যে আমার জন্ম তোমাকে আটকে থাকতে হবে না । তুমি স্বাধীন ; নিজের ইচ্ছেমতো চলবে ।'

'যদি বলি তুমি যাবে না ব'লেই আমার যাবার ইচ্ছে নেই ?'

হারীত নিচু হ'য়ে চা 'খাচ্ছিলো, এক টানে মুখ তুললো স্ত্রীর দিকে । বাঁকা হেসে জবাব দিলো, 'তাহ'লে আমি বলবো তোমার অসুখ করেছে, আর সে-অসুখ সারাবার জন্মই তোমার যাওয়া উচিত ।

এবার শাস্ততীও হাসলো একটু বাঁকা ক'রে । 'আমি গেলেই তুমি যেন খুশি হও ?'

‘ওঃ!’ ঐ একটিমাত্র জোরালো আওয়াজ ক’রেই হারীত তার মনের ভাব ব্যক্ত করলো।

আবার জুতো-টুতো প’রে হারীত পাঁচ মিনিটের মধ্যে বীরদর্পে বেরিয়ে গেলো। কোথাও যাবার কথা ছিলো না সেদিন; বাড়িতেও কোনো কাজ ছিলো না; অনেকদিনের মধ্যে এই একটা সন্ধ্যা ফাঁকা ছিলো তার; আর সত্যি বলতে, মনে-মনে সে এ-ই ভেবেছিলো যে সন্দের পর শাস্ত্রতীকে নিয়ে বেরোবে দরকারি কয়েকটা জিনিশ কিনতে—নিউ মার্কেটেই আসবে, শাস্ত্রতী আবার ভালোবাসে নিউ মার্কেটে বেড়াতে। সব ঠিক হ’য়েও দেওঘরে যাওয়া হ’লো না, এটা শাস্ত্রতীর খারাপ লাগবে ব’লেই তার খারাপ লাগছিলো; তবে শাস্ত্রতীর আশাভঙ্গ হবে না, তার যাবার ব্যবস্থা ক’রে দেবে, এমনকি, ছুটো দিন ছিনিয়ে তাকে দেওঘরে রেখেও আসবে—এও সে ভেবেছিলো মনে-মনে। কিন্তু যে-রকম ভেবেছিলো সে-রকম কিছুই হ’লো না: উন্টোটাই হ’লো। তার দোষ? শাস্ত্রতীর দোষ? হারীত একা-একাই নিউ মার্কেটে এলো; নিজের জুতা ছুটো গেঞ্জি, ক্যালিকো মিলের আধ-ডজন রুমাল, আর শাস্ত্রতীর জুতা ছুটো রঙিন কাঁচুলি আর একটা খোঁপার জাল কিনলো—এ-সব আবার বালিগঞ্জে পাওয়া যায় না—আর ফাঁকে-ফাঁকে এ-কথাটা ভাবলো একটু। না, কারোরই দোষ না, এ-ই নিয়ম। এ-রকম হয়েছে অনেকবার এর আগে; এ-রকমই হবে এর পরে অনেক বার, আরো অনেক বার। যা ভাবা যায়, যার জুতা মন তৈরি থাকে, ঠিক তার উন্টোটাই হবার। পর-পর সাজানো আছে সব: গুম

হ'য়ে থাকা, থমথমে হাওয়া, তারপর রাত্রে, কোনো-এক রাত্রে সব ভুলে যাওয়া, সব ফিরে পাওয়া। কিন্তু সে আর কতক্ষণ, ক-মিনিট? তারপর ক্লান্ত হ'য়ে ঘুম, আর ঘুমের পরে দিন। আর পরের দিনই যদি আবার কিছু ঘটে, তুচ্ছতম কিছু, তাহ'লে আবার তা-ই, ভাবনার উল্টো, ইচ্ছার উল্টো, মুখ-ভার, মন-ভার, অস্বাস্থ্যকর স্যাংসেঁতে হাওয়া, তারপর আবার রাত্রি। কী ক্লাস্তিকর দাম্পত্য!

সে-রাত্রেও তা-ই হ'লো। আব তারপর শাস্বতী খুব ছোট্ট গলায় বললো, 'আমি চ'লে গেলে তুমি খুশি হও?'

'কী-সব বাজে!'

'আমি থাকলে তুমি খুশি হও? আমি চ'লে গেলে তোমার কষ্ট হবে আমার জন্ম?'

হারীত বিছানার মধ্যে নড়লো একটু। কী-সব প্রশ্ন—মাথায় একটু মগজ থাকলে কী হয়?

'বলো না!'

'বাজে কথাই আমি জবাব দিই না!' হাবীত এমনভাবে কথাটা বললো যেন উত্তরটা স্বতঃসিদ্ধ, তাই না-বললেও চলে।

কিন্তু শাস্বতী তাতে তৃপ্ত হ'লো না। 'না, বলো। আমি চ'লে গেলে কষ্ট হবে তোমার?'

অন্ধকারে শাস্বতীব চোখ স্পষ্ট দেখতে পেলো হারীত। নিজের চোখ বুজে ফেললো; ভাবলো, মিথ্যে না-বলিয়ে কিছুতেই ছাড়বে না? আর মিথ্যেটা শুনলেই কি খুশি হবে? এড়িয়ে বললো, 'কর্তব্যের কাছে কষ্টকে আমি গণ্য করি না।'

‘কোনটা তোমার কর্তব্য?’

‘ছুটিতে কলকাতায় থাকা।’

‘আর আমার কর্তব্য দেওঘর যাওয়া?’

‘না, তোমার কর্তব্য এই,’ ব’লে হারীত স’রে এসে স্ত্রীর বালিশে মাথা রাখলো। কর্তব্যকে অবহেলা করতে পারলো না শাস্ত্রী। প্রায় এক মিনিট পরে নিশ্বাস ছাড়লো, লম্বা নিশ্বাস, সুখের। আর হারীতও ছোট, গোপন একটা নিশ্বাস ছাড়লো একেবারে স্পষ্ট মিথ্যেটা বলতে হ’লো না ব’লে। তার জিৎটাকে পাকা করার জন্য ওখানেই শুয়ে থাকলো।

গুনগুন নরম আওয়াজে শাস্ত্রী বললো, ‘জ্বাখো, আমাদের যাওয়া হ’লো না, ভালোই হ’লো।’

‘ভালো কেন?’

‘এই সেদিন বড়দিব এ-রকম—আর এর মধ্যেই আমরা ফুঁতি ক’রে বেড়াতে যাবো—মনটা কেমন লাগছিলো আমার।’ জীবনের উষ্ণতা, পরম উষ্ণতার তলানিটুকু চাখতে-চাখতে হঠাৎ বড়দিব জন্য একটা বুক-ভাঙা কষ্ট হ’লো শাস্ত্রীর, তার এখনকার এই সুখটাকে যেন অপরাধের মতো লাগলো। সুখের সঙ্গে ছুঁখ মিলে সুখের স্বাদ বাড়লো : স্বামীর সঙ্গে নিজেকে একেবারে এক মনে হ’লো, যেমন আগে কখনো হয়নি। মুখ-চাপা আবছা গলায় বললো, ‘সত্যি, স্বামী না-থাকলে মেয়েদের কিছুই থাকে না।’

সেই পুরোনো কথা! হিন্দুধর্মের ভূত! কিন্তু তার যুক্তি, তর্ক, আপত্তির তৈরি ফোজটাকে হারীত হুকুম ছাড়লো না;

ঘুম জড়ান্নছিলো চোখে ; তাছাড়া সেই মুহূর্তটিতে তারও অলস লাগছিলো, তারও ; অলস আর সুখী ।

ছোট্ট নিশ্বাসের সঙ্গে শাস্তীর কথা বেরোলো—‘বড়দির দেওরদের কথা-তো শুনেছো ?’

কই-যেন একবার শুনেছিলো, ঘুমের সিঁড়িতে হোঁচট খেলো হারীত । ‘হ্যাঁ—এ-রকমই তো—’ বলতে-বলতে হারীত নেমে এলো জাগার সমতলে । ‘হিন্দু বিধবাকে কে না ঠকিয়েছে মনু-মান্নাতার আমল থেকে আজ পর্যন্ত !’ ভূতের ল্যাজে শুড়শুড়ি দেবার সুখটাকেও শেষ পর্যন্ত হাতছাড়া করলো না ।

‘আর এই ভাইদের জন্ম জামাইবাবু শুনেছি—বৈমাত্রেয় তো, বয়সে অনেক ছোটো, বলতে গেলে বড়দির কাছেই মানুষ তারা ।’

‘সেই তো !’ হারীত কথা বলার জন্ম স’রে এলো নিজের বালিশে । ‘আমাদের জয়ন্ট ক্যামিলি মানেই তো এই ! সকলের জন্ম সব করো, নিজের স্ত্রীপুত্র ভাসিয়ে দাও ! তবু কি চোখ খোলে আমাদের ? প্রমথেশবাবু বোধহয় রেখেও যাননি বেশি কিছু ?’

‘সে-রকমই তো শুনলাম,’ শাস্তী সরু গলায় কবুল করলো, যেন তারই দোষ এটা ।

হারীত একটু গড়ালো, তারপর বালিশের তলায় হাত ছুটো চুকিয়ে উপুড় হ’লো । এটা তার ঘুমের আগের সবচেয়ে আরামের শোওয়া । শাস্তীর দিকে মুখ ফিরিয়ে বললো, ‘এত অপব্যয় !’

হারীতের কথায় অনেকটা সহানুভূতিও ছিলো, কিন্তু শাস্তীর

একটু ব্যথা লাগলো। জামাইবাবুর অপব্যয়ের ফলে সেও তো সুখী হয়েছিলো। কত, আর এই সুখী হওয়া, সুখী করাটাই কি পৃথিবীতে সবচেয়ে বাজে? বাবার কাছে যা শুনেছিলো তা-ই শোনাতে চাইলো স্বামীকে; খুব নিচু গলায়, যে-সুরে কোনো ভদ্রলোকের কোনো গোপন বদভ্যাসের উল্লেখ করে আরেকজন ভদ্রলোক, সে-রকম লাজুক সুরে বললো, ‘শুধু অপব্যয় না। অনেক দিয়েও দিতেন।’

‘দিয়ে দিতেন!’

‘এই সাহায্য করতেন আরকি অনেককে। অনেক ছঃস্থ পরিবার, গরিব ছাত্র—যে এসে যখন চাইতো—’

‘সেটা তো আরো অপব্যয়!’ হারীত অশ্রুট হাসলো। ‘এত অভাব সংসারে—কতটুকু তার মেটাতে পারে একজন মানুষ? কিছুই হয় না, লাভের মধ্যে সে-ও গরিব হ’য়ে পড়ে। এর একমাত্র উপায় হচ্ছে এমন ব্যবস্থা যাতে গরিব কেউ থাকবেই না। অবশ্য বড়োলোকও না!’ কথাটা শেষ ক’রে হারীত ভাবলো যে ব্যাঙ্কে যেটা সে মাসে-মাসে জমাচ্ছে, সেটাকে আদ্যেক ক’রে আর-একটা ইনশিওরেন্স-পলিসি নিলে হয়। হঠাৎ ম’রে গেলে কিন্তু ইনশিওরেন্সই দারুণ লাভ।

এর পর শাস্ত্রতী আর কথা বললো না; চুড়ির রুনঠুন আওয়াজ ক’রে পাশ ফিরলো। হারীতও চোখ বুজলো, ভাবতে আরম্ভ করলো—প্রতিরোধ সংঘের ব্যাপারে কী-কী করবে। কিন্তু একটু পরে আবার শুনলো চুড়ির আওয়াজ। শাস্ত্রতীর গলা এলো, ‘স্বমূলে?’

‘না,’ হারীত চোখ বুজেই জবাব দিলো।

একটু ন’ড়ে-চ’ড়ে শাস্বতী বললো, ‘বিজুকেও দু-হাজার টাকা দিয়েছিলেন জামাইবাবু।’

‘বিজনকে?’ হারীত চোখ খুলে তাকালো। ‘কেন?’

‘বিজু চেয়েছিলো আরকি। এতদিন কেউ জানতো না; বিজু নিজেই ব’লে ফেললো সেদিন।’

ঘুম ছুটে গেলো হারীতেব, অনুশোচনার কামড় পড়লো মনে। এত সোজা! তাহ’লে সেও তো পারতো পার্টির জন্য মোটারকম একটা চাঁদা বাগাতে; পার্টির ঠিক নাম না-ক’রে একটু ঘুরিয়ে বললেই নিশ্চয়ই দিতেন; ঈশ্—এমন একটা স্বেযোগ পেয়েও হারালো! ঐ বিজন—তাকে এক কথায় দু-হাজার! আর তার কিনা একবার মনেও হ’লো না কথাটা! লোকটাকে ফ্যাশিস্ট ঠাউরে গর্জালো শুধু! সত্যি—ঠাণ্ডানির মতো ঠাণ্ডা মাথা হ’লে তবে-তো কাজ হয়!

বিছানায় উঠে ব’সে হারীত বললো, ‘বিজন করছে কা টাকা দিয়ে?’

‘ও-তো বলে ব্যবসা করছে।’

‘কিসের?’ হারীত এ-প্রসঙ্গ ছাড়তে পারলো না।

‘আমি ঠিক জানি না। কী-সব যুদ্ধের—’

‘যুদ্ধের? ভালো।’

‘ভালো? এ নিয়ে তো বাবার আর-এক অশান্তি—’

‘কেন?’

‘ও-সব নাকি চুরি-জোচ্চোরির হরির লুঠ?’

হারীত দরাজ হাসলো। অন্ধকারে শাস্ত্রী দেখতে পেলো তার শাদা দাঁতের সারি। জিগেস করলো, ‘তা নয়?’

‘বাবাদের ও-রকম মনে হ’লেও ছেলেরা কি আর ব’সে থাকবে। আর যুদ্ধের কাজে সাহায্য করা এখন প্রত্যেকেরই কর্তব্য। রাশিয়াকে বাঁচাতে হবে, যেমন ক’রে হোক।’

বিজু কিছু-একটা ক’বে হিটলারকে হটিয়ে দিচ্ছে, এটা কল্পনা করা শাস্ত্রীর পক্ষে শক্ত হ’লো। চেষ্টা ছেড়ে দিয়ে বললো, ‘তুমি ব’সে আছো কেন? শোও না।’

‘হ্যাঁ, শুই।’ শুতে-শুতে বললো, ‘বিজু বেশ কাজের ছেলে দেখছি।’

‘সে কি আর এমনি-এমনি—ওকে চালাচ্ছে প্রবীর মজুমদার।’

‘কে? ও—সেই মজুমদার। তাহ’লে তো স্বাতীর সঙ্গে তার বিয়ে হ’লে ভালোই হ’তো। হ’লো না কেন?’

কথা শুনে শাস্ত্রী স্তম্ভিত হ’লো। একটু পরে বললো, ‘বিয়ে-তো ছ-জনেব; তাব’ মধ্যে একজনেব অমত থাকলে কী ক’বে হয়।’

হাবীতের মনে পড়লো এ-রকম একটা কথা কবে যেন সে-ই বলেছিলো শাস্ত্রীকে। তাড়াতাড়ি বললো, ‘তাও তো বটে। স্বাতী আবার বেজায় বোমাটিক। কবিতা-টবিতা পড়ে। ভালো না।’

‘ভালো না কেন?’

প্রশ্নের উত্তর দিলো না হারীত। একটু এপাশ-ওপাশ ক’রে স্থির হ’লো বিছানায়, ঘুম-জড়ানো গলায় জিগেস করলো, ‘মজুমদারের আর সাড়া-শব্দ নেই?’

‘নাঃ !’

‘আর স্বাতী কী বলে ?’

‘কী আবার বলবে।’ শাস্বতী পা গুটিয়ে শুলো ঘুমের জগ্ন তৈরি হ’য়ে। ‘কাল একবার যাবে ?’

‘উ ?’

‘ও-বাড়িতে কাল—’

‘হুঁ।’

‘যাবে ?’

‘হ্যাঁ। চুপ করো এখন—বড্ড—’ কথা শেষ না-ক’রেই হারীত ঘুমিয়ে পড়লো।

শাস্বতী, একা, জেগে রইলো চোখ বুজে। রাত্রে শুয়ে-শুয়ে এতগুলি কথা স্বামীর সঙ্গে বললো অনেকদিন পর। বোধহয় সেইজন্মই, আর স্বামীর সঙ্গে একটা নতুন, নিবিড় ঐক্যবোধেব ফলে চোখে যেন একটুও আঁঠা ছিলো না তাব। এতক্ষণ যাদেব নিয়ে কথা বলেছে তাদের কথা আবো ভাবলো, পর-পর ভেসে উঠলো তাদের মুখ বোজা চোখের অন্ধকাবে। বড়দি, জামাইবাবু, বাবা, বিজু, মজুমদার, স্বাতী। আব তাবপব, যদিও তাকে নিয়ে কোনো কথা হয়নি, তবু সত্যেন বায়কেও মনে পড়লো শাস্বতীর, ঘুমোবার আগে সত্যেন বায়কেও সে ভাবলো একটু।

রাত্রে শেষ যে-কথা বলেছিলো, বলতে চেয়েছিলো, পরদিন সকালে সে-কথাই আবার বললো, ‘একবার যাবে নাকি ও-বাড়িতে ?’

‘এখন ?’ তক্ষুনি পৌছনো একটা চিঠি পড়তে-পড়তে হারীত

জবাব দিলো। ‘এখন আমাকে ছুটতে হচ্ছে ‘শ্রামবাজার।’ চিঠিটা খামে ভ’রে বললো, ‘তুমি যাও।’

‘আমি তো যাবোই। রোজই যাচ্ছি।’

‘আমিও যাবো,’ হারীত ঝাপসা হাসলো। ‘কাল—নিশ্চয়ই!’

‘বড়দি আসার পর সেই একদিনের পরে তো আর যাওনি। এখন ছুটি হ’লো, গেলে পারো মাঝে-মাঝে।’

‘যাবো।’

‘বড়দি, মনে হচ্ছে, এখানেই থেকে যাবেন,’ ব’লে শাস্তী হারীতের দিকে তাকালো, কিন্তু মুখে দেখতে পেলো না, কারণ হারীত তখন নিচু হ’য়ে টেবিলের দেরাজে কী খুঁজছে। নিচু হ’য়েই জবাব দিলো, ‘তাহ’লে আর তাড়া কী।’

কথাটা হারীত বুঝলো না দেখে শাস্তী একটু দেরি করলো। দেরাজ থেকে কয়েকটা কাগজ বেব ক’বে যখন সে সোজা হ’য়ে দাঁড়ালো, তখন আবার বললো, ‘বাবা বোধহয় বড়দিকে তাঁর কাছেই রাখবেন।’

‘বরাবর?’

‘তা-ই তো মনে হয়। আর তা-ই তো ভালো— কী বলো?’

একটু হেসে হারীত যেন বোঝাতে চাইলো এ-বিষয়ে স্ত্রীর সঙ্গে তার মতভেদ নেই। হারীত শুনতে চাচ্ছে না, অথবা কথা ভাবছে, তা বুঝেও শাস্তী কথা না-ব’লে পারলো না; নিজেই নিজের প্রশ্নের জবাব দিলো, ‘ভালো বইকি! দেওরদের দয়ার চাইতে হাজারগুণে ভালো। কিন্তু বাবার আর ছুটি হ’লো না! কোথায় এখন পেনশন নিয়ে জিরোবেন, এর মধ্যে কী হ’য়ে গেলো!’

‘শিগগিরই পেনশন ?’

‘বাঃ, তোমাকে বললাম না সেদিন—’

‘ও, ই্যা। হ’য়েই গেছে, না ?’

‘তা বলতে পারো। লম্বা ছুটি চলছে এখন, তারপরেই—’

‘তাহ’লে তো—’ হারীতের কপালে রেখা পড়তে-পড়তে মিলিয়ে গেলো, তখনই আলোর দিকটা দেখতে পেলো সে। ‘তা পেনশন তো আছে—ব’সে-ব’সে আদ্যেক মাইনে কম কথা না, আমাদের সব চাকরিতে তো কিছুই নেই—কী-যে হবে বুড়োবয়সে!— আর তোমার বড়দিও ওখান থেকে কিছু তো পাবেন ?’

‘কিন্তু দায়িত্ব বাবারই তো, প্রকাণ্ড দায়িত্ব। তা-ই তো আমি বলি বাবাকে, “তুমি ভেবো না ; আমরা তো আছি।”’

‘আমরা’ মানে এখানে কে-কে, আর ‘আছি’ অর্থই বা কী। সেটা একটু চিন্তা ক’রে হাবীত সাবধানী জবাব দিলো, ‘এ-সব নিয়ে বেশি ভাবাই ভুল, কিছু করবার নেই যখন।’

‘তা কেন ?’ শাস্ত্রী তখনই থললো। ‘আমরা যে কাছেই আছি, সুখে দুঃখে সবটাতেই আছি এ-ই তো অনেক। আর বড়দির দিকটাও ভেবে দ্যাখো !’ চোদ্দ বছর বয়সে বিয়ে হয়েছিলো : সেই বাড়ি, সেই সব, তাঁরই সব,— আজ হঠাৎ এক কথায় ছেড়ে চ’লে আসা কি সোজা কথা।’

স্ত্রীৰ মুখে ‘আছি’র ব্যাখ্যা শুনে হারীত আশ্বস্ত হয়েছিলো, অমায়িকভাবে বললো, ‘সে তো সত্যি। আর তাই তো ওখানে যেতে কেমন অপ্রস্তুত লাগে আমাব। *ও-সব সাম্বনা-টাম্বনা আমার আসে না, জানো তো।’

‘সাস্থনা !’ শাস্ত্রী গম্ভীর হ’য়েই কথা বলছিলো, এবাব আরো গম্ভীর হ’লো। ‘এর কি কোনো সাস্থনা আছে, আব কাকেই বা সাস্থনা ? দবকাব হ’লে তোমাকেই সাস্থনা দিতে পাবেন বড়দি। বড়দি আশ্চর্য।’

হাবীত আলগোছে একটু বসেছিলো চেয়াবটায়, হঠাৎ উঠে দাঁড়ালো। অনেক হয়েছে গার্হস্থ্য জীবন—এখন পৃথিবী তাকে ডাকে। তাডাতাড়ি বললো, ‘আচ্ছা— চলি।’

শাস্ত্রী বললো, ‘আমিও যাই।’

নড়াচড়াব হাওয়া দিলো ঘবেব মধ্যে। ছ-জনে ছ-কোণে, পবম্পবেব দিকে পিঠ বিবিয়ে কাপড পবলে।। শাস্ত্রীব পিছনে দাঁড়িয়ে আলমাবিব লম্বা আমনাথ চুন আচড়ে নিলো হাবীত। হাবীতেব মনিব্যাগ থেকে শাস্ত্রী বিছু খচবো নিলো তাব হলদে হাতব্যাগে।

ট্রামন্টেপে দাঁড়িয়ে শাস্ত্রী জিগেস কবলো, ‘তোমাব কিবতে ক-টা হবে ?’

‘ঠিক নেই। অনেক ঘোবাঘুবি আছে।’

‘আমি বাবোটাব মধ্যে কিববো।’

‘বেশ।’

ট্রাম খানি ছিলো, পাশাপাশি বসতে পেলো ছ-জনে। হারীত ভাবলো—যা ভাবতে গিয়ে কাল বাত্রে বাধা পেয়েছিলো, ঠাণ্ডানি পৌছবাব আগে কতটা গুছিয়ে বাখতে পাববে চাবদিক, আব শাস্ত্রী ভাবলো—সেই বড়দিব কথাই ভাবলো। তাবও ভয় ছিলো হাবীতেব মতোই, কিন্তু হাবীত তো সে-দৃশ্য ঢাখেনি, বিজুব সেই হাত-পা-ছোড়া চাচামেচিব দৃশ্য। একঘব স্তম্ভিত

মানুষের মধ্যে বড়দিই টেনে তুললেন বিজুকে, হাতে ধ'রে ঘরে নিয়ে গেলেন, কথা ব'লে-ব'লে ঠাণ্ডা করলেন—যেন এটা বিজুরই ব্যাপার! ঠিক আগের মতোই—না, ঠিক না—শান্ত, মানুষটা যেন শান্ত হ'য়ে গেছে মনের মধ্যে, তা ছাড়া আগের মতোই। কাছে গেলেই ভালো লাগে—তেমনি—কিন্তু তাঁর কেমন লাগছে কে জানে। আগে ভাবতাম বড়দি খুব সুখী মানুষ, ভরপুর সুখী, আর সেই সুখই চলতে-ফিরতে উপচে পড়ে সবখানে। কিন্তু এখন? নিজে যে সুখী না, সে কি পারে অন্যকে সুখী করতে? না কি নিজের সুখী হবার কথাই নেই এতে? না কি সুখ বলতে যেটাকে ভাবছি—কে জানে! এই-যে এসে পড়লাম।

হারীতের কাছে চোখে বিদায় নিয়ে শাস্ত্রী নামলো, দাঁড়িয়ে-দাঁড়িয়ে দেখলো হারীতের ট্রাম বেঁকে গেলো ডান দিকে। প্রতিরোধ সংঘের খুঁটিনাটিতে ডুবে ছিলো হাবীত, কিন্তু একটু পরে যখন বুড়োমতো একজন লোক পোটলা-হাতে তার পাশে বসলো, তখন তার শাস্ত্রীকে মনে পড়লো। মনে হ'লো, এইরকম একটা ট্রামেই সে শাস্ত্রীর সঙ্গে চলেছে—কিংবা ট্রেনের কামরায়—লম্বা পথ, স্টেশন কম, মাঝে-মাঝেই এমন হয় যে কামরাটায় আব-কেউ থাকে না, তখন বাধ্য হ'য়েই কাছাকাছি হ'তে হয় দু-জনকে। কিন্তু হারীতের এ-সব ভাবনার শাস্ত্রী কিছু জানলো না; নিশ্চিন্তে রাস্তা পার হ'য়ে টালিগঞ্জের ট্রামেব জন্তু দাঁড়ালো।

দরজা দিয়ে ঢুকেই দেখতে পেলো সত্যেনকে। সত্যেন লাজুক হেসে উঠে দাঁড়ালো।

‘বসুন, বসুন। আপনি—কতক্ষণ?’

‘এই তো।’

‘একা যে?’ শাস্বতী এদিক-এদিক তাকালো। ‘ওরা জানে না?’

‘জানি না।’

উত্তরটা মজাব লাগলো শাস্বতীর। একটু হেসে ‘আচ্ছা আমি—’ ব’লে পা বাড়ালো সে। তার ঘুরে দাঁড়ানোর ভঙ্গিটা, সত্যেন দেখলো, কোথায় যেন একটুখানি স্বাতীৰ মতো। তাড়াতাড়ি বললো—ব’লে ফেললো, ‘বসুন না এখানে।’

‘বসবো? আচ্ছা—’ একটু দ্বিধা শাস্বতীর গলায়, সেই সঙ্গে খুশিও। ‘আপনি বসুন।’

এ-সব মৌজ্ঞ্যবিনিময়ের পব তু-জনেই কসলো, আর তারপব সত্যেন মৌজ্ঞ্যসূচক প্রশ্ন কবলো : ‘হাবীতবাব ভালো আছেন?’

‘হ্যাঁ।—আমাদের ওখানে আসুন না একদিন,’ ফশ ক’রে ব’লে ফেললো শাস্বতী। আব সঙ্গে-সঙ্গে সত্যেন সাড়া দিলো, ‘নিশ্চয়ই! কবে বসুন।’

এতটা উৎসাহ শাস্বতী আশা কবেনি, মনে-মনে একটু ফাঁপরে পড়লো। এদিকে হাবীতেব আবাব ঠাণ্ডানি, আব তাকে না-জানিয়ে ভদ্রলোককে আসতে ব’লে কি বিপদে পড়বে আবাব? কয়েক সেকেণ্ড পবে বললো, ‘আপনি কবে ফ্রী আছেন?’

‘ফ্রী? আমি রোজই ফ্রী। আপনি কি ভাবছেন আমি মস্ত একজন এনগেজমেন্টওয়াল? ’

‘আমিও না। আমার মতে একদিনে একটাই যথেষ্ট।’

সত্যেন হঠাৎ একটু লাল হ'লো। শাস্বতী আড়চোখে সেটা লক্ষ্য ক'রে আবার বললো, 'সেই একটা অবস্থা খুব মনের মতো হওয়া চাই।'

'আমার কোনো-কোনোদিন একটাও থাকে না।'

'সেই আপনার ফাঁকা তারিখের একটাই বলুন আমাকে,' শাস্বতী চমৎকার সুযোগ নিলো।

শাস্বতীর হাসি-হাসি মুখের দিকে তাকিয়ে সত্যেনেব যেন বোকা লাগলো নিজেকে, আব সেটাও মনে-মনে ভালো লাগলো। কিন্তু বাইরে ছোটো ভাবই লুকোবার জন্য গম্ভীর হ'য়ে বললো, 'এর পরে সবই ফাঁকা তারিখ। আমি চ'লে যাচ্ছি।'

'কোথায়—?' শাস্বতী যেন চমকালো একটু।

'প্রথমে বাঁচি—'

'ও, তা-ই বলুন। আমি ভাবলাম—কবে যাচ্ছেন?'

আগের কথাটাব গুরুত্ব বজায় রাখতে হ'লে এখন খুব কাছের একটা নির্দিষ্ট তারিখ জানাতে হয়, কিন্তু সত্যেনের মুখে কথা জুটলো শুধু একটা অস্পষ্ট 'শিগগিবই'। এবার সত্যি তার মন-খারাপ হ'য়ে গেলো। ছ-টা দিন কেটে গেলো কলেজ-ছুটির পরে। এবার সে তাক কবেছে ছোটোনগপুৰ; বাচি, তোপচাঁচি, হাজারিবাগ, সেখান থেকে বাস্-এ ক'বে গিরিডি—পবেশনাথ পাহাড়ে উঠবে, পাহাড়চুড়োর ডাক-বাংলোয় রাত কাটাবে, সবশেষে মহেশমণ্ডায় ক-দিন বিশ্রাম--সেখানে চেনা একজনের বাড়ি আছে-- চমৎকার সাজিয়েছিলো সব মনে-মনে। এত শুনেছে ও-অঞ্চলটার কথা, আর এত ভালো লেগেছিলো সেবার

দিল্লি থেকে ফেরার পথে সেই পাহাড়ি দেশের ভিতর দিয়ে ঘণ্টা দুই ছুপুর। ট্রেন বোঝাই হ'য়ে সবাই চ'লে গেলো কলকাতা ছেড়ে ; আর এখন এই দুর্গাপূজার ক-দিন তো শুধু ঢাকঢোলের ডামাডোল—ছি, এ-সময়টায় কোনো ভদ্রলোক থাকে কলকাতায় ?—থাকে না ? এ-বাড়ির সবাই তো আছে, থাকে।—‘আপনারা যাচ্ছেন না কোথাও ?’ বলবার একটা কথা খুঁজে পেলো সত্যেন ।

‘আমরা ? না। আমাদের যাওয়া কি মোজা।’

আমার তো মোজা, সত্যেন ভাবলো, আমার তো কোনো বাধা নেই। কিন্তু যাচ্ছি না কেন ? ছ-টা দিন কেটে গেলো ছুটিব ! এই পূজোভিড়ের বিচ্ছিবি কলকাতা—ওদিকে টোল-পড়া সবজ পৃথিবী। বোজ ভাবছি আজ যাবো, রোজ ভাবছি কাল। ভাবছি কেন ?

‘ছোড়দি ! কখন ?’

‘এই এলাম। আমাদের যাওয়া হ'লো না বে দেওঘর।’

‘হ'লো না তো ? আমি আগেই ভেবেছিলাম ’

‘আমাবও বেশি ইচ্ছে ছিলো না এবাব,’ হারীতের অন্তপস্থিতিতে শাস্ত্রী স্বচ্ছন্দে স্বীকার কবলো। ‘বিশ্রামের দবকার তোর হারীতদারই, কিন্তু তিনি নড়বেন না।’

‘অগ্রণী সংঘ বুঝি ?’

‘অগ্রণী না রে, প্রতিরোধ।’

‘প্রতিরোধ !’ স্বাতী হেসে উঠলো, আর শাস্ত্রীও নির্ভয়ে হাসলো এই সঙ্গে।

ছ-বোনের এই কথাবার্তার সময়টুকুতে সত্যেন প্রথমে স্বাতীর, তারপর শাস্বতীর মুখের দিকে তাকালো, কিন্তু একজনের চোখও যখন তার দিকে ফিরলো না, তখন সে উদাসভাবে অন্যদিকে তাকিয়ে থাকলো। অন্তত চেষ্টা করলো ভাবটা যাতে উদাস দেখায়। স্বাতীকে আজ বড্ড সুখী মনে হ'লো সত্যেনের, ছোড়দিকে দেখে বড্ড খুশি ; এত খুশি হবার কী আছে ভেবে পেলো না সে। তার মনে তো সুখ নেই, তার মন তো অবিরত অস্বস্তিতে কাঁটা হ'য়ে আছে। ছ-বোনের মিলিত হাসির শব্দটাও যেন কাঁটার মতো তাকে বিঁধলো। সে কেন—সে কোথায় ? এই সকালবেলায় এখানে এসে ব'সে আছে কেন ? আর কিছু কি তার করবার নেই ? কেমন ক'বে সময় কেটে যাচ্ছে ! ইএটসের অ্যান্ডলজিটা কিনেছে সেদিন—পাতাও ওন্টায়নি—মম-এর গল্পের বইটারও না—সেটা অবশ্য পথে পড়বে ব'লেই কিনেছে। সত্যেন নিজেকে দেখতে পেলো চলতিট্রেনের জানলা-কোণে ছোটোগল্পের বই হাতে, আর মাঝপথের ডাক-বাংলোর ভোরবেলায় বারান্দায় ব'সে কবিতার বই—আঃ !—সে যাবে—নিশ্চয়ই—কাল—হ্যাঁ, কালই—

‘চলো, ভিতরে চলো,’ স্বাতী বললো শাস্বতীকে।

‘আপনি—’ শাস্বতী সত্যেনকে লক্ষ্য করলো।

স্বাতী বললো, ‘উনি একটু বসবেন,’ তারপর সত্যেনের দিকে—
এই প্রথম—তাকিয়ে আবার বললো, ‘একটু বসুন।’

‘আমি—’ সত্যেন কী-যেন বলতে চাইলো, কিন্তু পরের কথাটা তার মুখ দিয়ে বেরোবার আগেই বোনেরা চ'লে গেলো ভিতরে।

একটু পরে স্বাতী ফিরে এসে সত্যেনের মুখোমুখি চেয়ারটায় বসলো। দু-জনে দু-জনের দিকে তাকিয়েই একসঙ্গে চোখ নামিয়ে নিলো। আবার যখন চোখোচোখি হ'লো, স্বাতী স্থিরচোখে আবছা গলায় বললো, 'কী?'

সত্যেন দেখতে লাগলো তার একটু-লাল-হওয়া মুখ, ভিজে-ভিজে চিকচিকে চোখ, আর ভিজে-ভিজে ঠোট দুটির একটু-বাঁকানো ভঙ্গি। রোজ ছাথে এ-রকম, তবু কত যেন দেখার বাকি।

'আজ যে সকালেই?'

এবারেও সত্যেন কথা বললো না। ভাবলো, এই ছোড়দির সঙ্গে কথা বলছিলো, আর এই এখন—কত আলাদা এ-ছুটো। কোনটা বেশি ভালো? ছুটোই ছুটোর চেয়ে ভালো।

স্বাতী বললো, 'খুব গল্প জমেছিলো আপনাদের।'

'আমাদের?' ব'লেই কথাটার মানে বুঝলো। 'হ্যাঁ—কিন্তু তোমাকে দেখেই তোমার ছোড়দি আমাকে একদম ভুলে গেলেন।'

'আমি ভাবলাম ছোড়দির গলা না? কিন্তু কার সঙ্গে?' এই নির্জলা মিথ্যেটা স্বাতী অক্লেশে উচ্চারণ করলো। জানলা দিয়ে রাস্তাতেই দেখেছিলো সত্যেনকে—দাদাও ছিলো সেখানে, আর দাদাই মিটিমিটি হাসছিলো আর বেশি-বেশি কথা বলছিলো তার সঙ্গে। কথা কিছু না—এই আরকি। দাদাটা এমন—!

'সত্যি—ছোড়দির গলা!' সত্যেন হাসলো, 'আর চোখে দেখলে তো কথাই নেই।

‘তাই তো দেখলাম,’ স্বাতী না-হেসে জবাব দিলো।

বাইরে থেকে ডালিম এলো ঘরে। ‘ছোটোমাসি—’ সত্যেনকে দেখে থমকালো।

‘এনেছিস ?’

ডালিম গলা নামিয়ে বললো, ‘বিলিতি পেলাম না—
লালিমলি।’

‘দেখি।’

লম্বা ডালিম একটু আড় হ’য়ে দাঁড়ালো—যাতে সত্যেনবাবুর দিকে ঠিক পিছন ফেরানো না হয়, অথচ তিনি দেখতেও না পান। এতদিনে তাব মাথায় আঁটো কালো টুপিব মতো নতুন চুল গজিয়েছে। মৈমনসিং থেকে নতুন ক’রে যে-শ্যামলিমা নিয়ে এসেছিলো কলকাতাব কলের জলে তা ধুয়ে গেছে আবার। মুখেব ভাবটা আগের চেয়েও গম্ভীর, কিন্তু গালের এখানে-ওখানে হঠাৎ এক-একটা পাংলা কৌকড়া চুল নিভুল জানিয়ে দেয় তার অতি তরুণ বয়সটাকে। তার আধখানা মুখের দিকে তাকিয়ে সত্যেনের মনে পড়লো তারও একদিন ও-বয়স ছিলো, কিন্তু ও-রকম কোনো মাসি ছিলো না।

স্বাতী ডালিমের হাত থেকে জিনিশটা নিলো, উপরের কাগজটা সরিয়ে নেড়ে-চেড়ে দেখলো একটু।

উদ্বিগ্ন চাপা গলায় ডালিম জিগেস করলো, ‘ঠিক আছে ?’

‘হ্যাঁ।’

‘রং মিলবে তো ?’

‘মনে তো হয়।’

ঐ রং মেলাবার জন্য কত দোকান সে ঘুরেছে, ভবানীপুরেও না-পেয়ে ধরমতলায় চ'লে যেতে হয়েছিলো, এ-সব আর বলা হ'লো না ; তার পরিশ্রমের আপাতত ঐটুকু মাত্র পুরস্কার নিয়ে, সত্যেনবাবুর দিকে একটা দ্রুত কটাক্ষ নিক্ষেপ ক'রে, নিজেই একটু লাল হ'য়ে তাড়াতাড়ি চ'লে গেলো ভিতরে।

স্বাতীর কোলের উপর ছড়ানো শাদা আর ব্রাউন উলের দিকে তাকিয়ে সত্যেন বললো, 'তুমি—বোনো নাকি ?'

'আমি কি আর বুনি—তবে ডালিম ধরেছে তার একটা জম্পর চাই।' ব্রাউন উলটাকে তীক্ষ্ণ চোখে নিরীক্ষণ করলো স্বাতী। নিচু মুখেই আবার বললো, 'ভালোই হ'লো আমার, ডালিমের তাড়ায় বড়দির কাছে শেখা হচ্ছে।'

'মা-র চেয়ে মাসির হাতই বুঝি ওর পছন্দ ?'

'বড়দির বানানো একটা আছে ওর—তবে সাংঘাতিক লম্বা হ'য়ে গেছে কিনা হঠাৎ। আমি ভাবছি সেইটে খুলে ফেলে—আচ্ছা,' হাতের ছোটো উল ছ-হাতে রেখে স্বাতী মুখ তুললো, 'আপনার কোন বংটা পছন্দ ?'

'আমি ঠিক—' মেয়েদের এ-সব বোনা-টোনার ব্যাপারে তার মনের আদিম গভীর অবজ্ঞার চোখে সত্যেন তাকালো, কিন্তু তাকিয়েই দেখতে পেলো, স্পষ্ট বুঝলো যে মানবজীবনে এই উল বোনা ব্যাপারটিরও গুরুত্ব কম না।

'আমার যেটা পছন্দ ডালিমের কি আর সেটা হবে।'

'হবে না ! ডালিমের আদর্শই তো—সত্যেনবাবু।'

স্বাতী নামটা উচ্চারণ করলো একটু নিচু গলায়, একটু অস্পষ্ট

ক'রে আর স্বাতীর মুখে নামটা শুনে সত্যেনের প্রায় বিশ্বাসই হ'লো না যে ঐ সত্যেনবাবু আর-কেউ না, সে নিজেই। একটু পরে বললো, 'তা তো জানতাম না।'

'বাঃ, ওর প্রাণপণ চেষ্টাই-তো--কী-রকম কোঁচা ঝুলিয়েছে আর পাঞ্জাবি পরেছে দেখলেন না? একটুও মানায়নি কিন্তু।'

'আদর্শমতো চললে উলের জামা কিন্তু পরাই হয় না ওর।'

স্বাতী কপট সরলভাবে বললো, 'কেন? আপনি ও-সব পরেন না?'

'আমি!' কপটতা বুঝেও, কিংবা সেইজগুই, সত্যেনের আত্মসম্মান আহত হ'লো।

'পরুন না একটা। বড়দিকে বলবো বুনে দিতে? এত সুন্দর বোনেন বড়দি—' ব'লে স্বাতী হাত দিয়ে কপাল থেকে চুল সরালো।

ধ্বক ক'রে উঠলো সত্যেনের বৃকের মধ্যে। কতবার দেখেছে হাতের ঐ ভঙ্গি, আর যতবারই দেখেছে—! কিন্তু ভালো যত লাগলো খারাপও তত লাগলো তার; স্বাতীর স্বাধীনতায়, অবাধ সাহসে সে যেন মরমে ম'রে গেলো। আরো, আরো প্রবল, আগের চেয়ে আরো অনেক তীব্র হ'য়ে তার মনে ফিরে এলো চলতি ট্রেন, মস্ত রাত, অচেনা সবুজ ভোরবেলায় কবিতার বই! কবে যাবে? কাল—কাল কেন?—আল—আজই যাবে।

সত্যেনের নিচু-হওয়া মুখের দিকে একটু ঝুঁকে তাকিয়ে স্বাতী আবার বললো, 'পরবেন? তাহ'লে আজই বলি বড়দিকে।'

সত্যেন মুখ তুলে বললো, 'না।'

সত্যেনের ভাবের বদলটা তখনো না-বোঝার ভাগ করলো স্বাতী। তেমনি সহজ সুরে বললো, ‘আচ্ছা, বোনা তো হোক। যদি আপনার ভালো না লাগে, তখন না হয়—’

‘শোনো,’ সত্যেনের গম্ভীর গলা স্বাতীর কথায় বাধা দিলো। ‘আজ-যে সকালেই এসেছি তার কারণ আছে। এসেছি এইজন্য যে পরে আর সময় হবে না। আমি আজই চ’লে যাচ্ছি।’

স্বাতী একটু চুপ ক’রে থাকলো, তারপর বললো, ‘ও।’

‘রাঁচি এক্সপ্রেসে যাচ্ছি,’ অকারণে জানালো সত্যেন। ‘প্রথমে রাঁচি যাবো—তারপর—’

‘সে-সব আপনার লম্বা-লম্বা চিঠিতেই জানতে পারবো আশা করি।’

সত্যেন বললো, ‘আমার চিঠি তোমার ভালো লাগে না, জানি।’

‘লাগে না? এত সুন্দর বর্ণনা আপনার!’

‘সত্যি, চিঠি লিখতে আমি পারি না।’

স্বাতী মুখ নামিয়ে উলের বল ছোটোকে কাগজে জড়াতে লাগলো।

একটা অদ্ভুত মুগ্ধতা নিয়ে সত্যেন নখর বল ছোটোর দিকে তাকিয়ে থাকলো। কিন্তু একটু পরেই জড়ানো শেষ হ’লো, শাদা গার ব্রাউন রং আর দেখা গেলো না। একটু অপেক্ষা করলো ‘সত্যি যাচ্ছেন?’ কথাটা শোনার জন্য, কিন্তু ডালিমের কেনা প্যাকেটটি হাতে ক’রে স্বাতী উঠে দাঁড়ালো।

সত্যেনও উঠে দাঁড়ালো সঙ্গে-সঙ্গে।

স্বাতী বললো, ‘যাচ্ছেন?’

‘হ্যাঁ—তা—বড়দির সঙ্গে কি দেখা হ’তে পারে একবার?’

‘বলুন।’

আর পরের মুহূর্তেই সত্যেন দেখলো সে একা ব’সে আছে ঘরের মধ্যে। ব’সে-ব’সে চেষ্টা করলো আজ রাত্রে রেলভ্রমণের কথা ভাবতে—ভোরবেলা মুরিতে চা—ক-ঘণ্টা পরে রাঁচি—খুব উৎসাহ নিয়ে ভাববার চেষ্টা করলো। আর যেই পরদার এ-পাশে শ্বেতাব আভাস দেখলো—শ্বেতা ভালো ক’রে ঘরে আসবার আগেই—দ্রুত উঠে দাঁড়িয়ে বললো, ‘বাইবে চ’লে যাচ্ছি আজ, তাই ভাবলাম একবার দেখা ক’রে যাই আপনার সঙ্গে।’

‘আজ?’ পিছন থেকে প্রশ্ন করলো শাস্বতী।

সত্যেনের মনে পড়লো একটু আগেই এঁর কাছে সে অগ্নরকম বলেছিলো। তাড়াতাড়ি বললো, ‘হ্যাঁ, আজই যাই। ছুটির দিনগুলো নষ্ট হচ্ছে মিছিমিছি—’ কথাটা উপস্থিত ব্যক্তিদের পক্ষে সম্মানের নয় তা বুঝতে পেরে তখনই আবার জুড়লো, ‘ফিরে এসে—যদি তখনো আপনার অনুমতি থাকে—একদিন যাবো আপনার ওখানে।’

হারীতের এই অনিশ্চিত ব্যস্ততার মধ্যে সত্যেনকে নিমন্ত্রণ করার প্রশ্ন যে আর উঠলো না, শাস্বতী মনে-মনে তাতে স্তুতি পেলো, কিন্তু মুখে বললো, ‘আমার অনুমতির জ্ঞান আপনার ব্যস্ততা তো দেখতেই পাচ্ছি। পাছে সত্যি যেতে হয়, সে-ভয়ে আজই কলকাতা ছাড়ছেন!’

শ্বেতা বললো, ‘বোসো ।’

‘বেশিক্ষণ বসবো না ।’

‘একটু বোসো ।’

সকলে বসবাব পৰ শ্বেতা বললো, ‘দেশে যাচ্ছো বুঝি ?’

ঈষৎ হেসে সত্যেন তার প্রিয় জবাব দিলো : ‘দেশ ব’লে আমার কিছু নেই ।

শ্বেতাও হাসলো কথা শুনে । ‘দেশ কি আর আলাদা কিছু ? যাব যেখানে স্বজন, সেখানেই তার দেশ ।’

‘স্বজন মানে আত্মীয় ?’

করুণা ফুটলো শ্বেতার চোখে, দেখতে কোতুকের মতো ।

‘তুমি বুঝি আত্মীয় ভালোবাসো না ?’

‘কারা-কারা আমায় আত্মীয় তা প্রায় মনেই নেই,’ একটু বাহাদুরির সুব লাগলো সত্যেনের কথায় ।

‘তারাও খোঁজ-খবর নেন না তোমার ?’

নীল পবদাটাব দিকে এটুকু সময়ের মধ্যে তৃতীয়বার তাকালো সত্যেন । মুহূর্তমাত্র দেরি ক’রে একটু নিস্তেজ গলায় জবাব দিলো — ‘খোঁজখবর আব কী ।’

‘কে আছেন তোমাব এখানে ?’

‘এখানে ?’ সত্যেন একটু থামলো । ‘এক মামা ছিলেন, তিনি—তিনি আর নেই ।’

‘মামিমা ? মামাতো ভাই-বোন ?’

‘তান্না আছে ।’

‘ক-জন ?’

শ্বেতার 'এত খবর জানতে চাওয়ায় সত্যেন অবাক হ'লো।
অনিচ্ছায় জবাব দিলো, 'এক বোন—তু-ভাই।'

'বোন ছোটো?'

'না, না, মামিমার মেয়েই বড়ো—তাব বিয়েও হ'য়ে গেছে।'

'এখানেই থাকে?'

'না। সে থাকে—' কোথায় না থাকে বলু? বাজিতপুর?
পাবনা?—যাকগে। 'সে পাবনায় থাকে,' ব'লে কথা শেষ
করলো সত্যেন।

'মামিমার কাছে যাও না মাঝে-মাঝে?'

'হ্যাঁ—না—মাঝে-মাঝে ঠিক না—এই—' সত্যেনের গলা
মীইয়ে এলো শেষের দিকে। এইমাত্র সে বুঝলো যে মামিমার
কাছে শেষ কবে গিয়েছিলো সত্যিই তা মনে করতে পারে না।

'মামিমা তো আসেন তোমাকে দেখতে?'

'না, তিনি ঠিক—মানে, অনেক দূরে থাকেন তো, সে-ই
বরানগর!' আর সে-ই বরানগর থেকে মামিমার দশ বছরের ছেলে
খুঁজে-খুঁজে এই টালিগঞ্জে এসেছিলো একদিন, টুকরো কাগজে
জ্বলো কালিতে দশটা টাকা চেয়েছিলেন মামিমা। টাকা সে
তক্ষুনি দিয়েছিলো, আর ব'লে দিয়েছিলো—'মা-কে বোলো আমি
শিগগিরই একদিন যাবো।' আর তারপব কতদিন কেটে গেলো!

এর পরে শ্বেতা বললো, 'এক মামাই তোমার?'

'হ্যাঁ।' সত্যেন ওখানেই থামতে চেয়েছিলো, কিন্তু ইচ্ছাকে
ডিঙিয়ে তার ভিতর থেকে যেন অস্থ-কেউ কথা ব'লে ফেললো,
'বড়ো ভালোমানুষ ছিলেন মামা—আর অনেকটা অল্প বয়সেই—'

নিজেৰ কথাটা নিজেৰ কানে শুনতে পেয়ে সত্যেন প্ৰায় জিভ কামড়ে থেমে গেলো। এ-সব কেন বলছে, আৰ কাকে বলছে ? যে নিজেও—আৰ এই সেদিন। প্ৰমথেশবাবুব গোলগাল হাসিমুখটা একবাৰ মনে পড়লো তাৰ, সেই সপ্তে মামাকেও মনে পড়লো—ভালোবাসতেন তাকে, খুব টানাটানিৰ সংসায়েও বাডিতে আৰ হৃদয়ে একটু জাযগা বেখেছিলেন তাৰ জন্তু— তাৰপৰ তাৰ অসতৰ্কতাৰ পৰিণাম দেখাৰ জন্তু একটু ভয়ে-ভয়ে শ্বেতাৰ মুখেৰ দিকে তাকালো।

কিন্তু শ্বেতা জিগেস কবলো, ‘কী কবতেন তিনি ?’

‘মামা ? স্কলমাষ্টাৰ ছিলেন। আৰ তাই মামিমা এখন—’ বলতে-বলতে আৰাৰ থেমে গেলো সত্যেন —সত্যি, কী-কষ্টে পড়েছেন মামিমা। এবানগৰে ঐ একটা বস্তিপাড়া—।

‘বড়ো ছেলে ক’ বড়ো ?’

বড়দিৰ মুখে সত্যেন দেখলো যে-কথা সে বুলেনি তা তিনি বুঝেছেন। ‘খুব ছোটো না,’ সে যেন আগ্রাস দিলো—নিজেকেই — ‘বড়োটি একটা কাজও পেয়ে গেছে।’—কিন্তু কী-বা কাজ— কাৰখানায় মজুৰ খাটা। আৰ যে-বয়সে কলেজে পড়াৰ কথা সে-বয়সেই। কী হবে এদের ?— ‘ওব,’ এই ‘তবু’টা যেন তাৰ নিজেৰ কোনো কিছুৰ সাব্যস্ত, ‘এদের কথা ভাবলেই খাবাপ লাগে। আৰ যা-ই হোক, পড়াশুনো তো হ’লো না।’ শেষেৰ কথাটায় এমন সত্যিকাৰ দুখেৰ সুৰ লাগলো যে সত্যেনেৰ মুখটা অগ্ৰবকম দেখালো মুহূৰ্তেৰ জন্তু। শাস্ত্ৰতী— এতক্ষণ সে চুপ ক’বে শুনছিলো কথাবাতী—একটু অবাৰ হ’লো, ঐ একটা

কথায় ইন্স-করা ভদ্রতা পেরিয়ে সত্যেনের ভিতরকার মানুষকে সে যেন দেখতে পেলো, ঐ একটা মুহূর্তে অনেক বেশি চিনে ফেললো তাকে। আর, বড়দিব কাছে এলেই কেন ভালো লাগে তাও বুঝলো সঙ্গে-সঙ্গে। বড়দি নিজের কথা বলেন না, অন্য জনের বিষয়েই কথা বলেন—যেন সকলের জীবনেই তাঁরও কিছু অংশ আছে—আর এটাই তাঁর স্বভাব, যেমন সুখের সময়ে, তেমনি দুঃখের দিনেও, আর এ-জন্মই দুঃখী মানুষ তাঁকে মনে হয় না কখনো—এখনো। শাস্ত্রী আর-একবার তাকালো সত্যেনের ঈষৎ-লজ্জা-পাওয়া মুখের দিকে, দৈবাৎ সত্যেনও তাকালো তখন—ব্রহ্মে চোখ সরিয়ে নিলো। সেও বুঝলো এখন তাকে অন্তরকম দেখাচ্ছে এঁদের চোখে, যে-রকমটা সে দেখাতে চায় না, লুকোতে চায়, লজ্জার ভাব ছড়ালো তার মুখে ;—তার অভ্যাস, তার চেষ্টা কোনো কাজে লাগলো না ; যা বলতে চায়নি, চায় না, কখনো কোথাও বলে না, তা-ই ব’লে ফেললো। কখনো কোথাও বলে না ? কিন্তু আর কোথায়, আর কখন কেউ শুনতে চেয়েছে এ-সব ?

নীল পরদা নড়লো, ঘবে এলো—আতা। চা-বাসন-সাজানো একটি পিতলের ট্রে সাবধানে ছ-হাতে ধ’বে সে ঘরে এলো ; মুখ নিচু রেখে টিপিটিপি পায়ে এগিয়ে এসে মাঝের গোল টেবিলে ট্রেটা নামালো, তাব পরেই ক্ষিপ্তর গতিতে অন্তর্হিত হ’লো আবার পরদার ওপারে। আর প্রায় সঙ্গে-সঙ্গেই, তাতা বিদ্যুতের মতো ছুটে এসে ঝাঁপিয়ে পড়লো মা-র গায়ের উপর।

তার বাবড়ি চুলে হাত রেখে শ্বেতা বললো, ‘কী রে ?’

‘ম্মা—’

‘কী ?’

‘মা—!’ আতা মা-র কোলে মুখ ঘষলো দু-বার।

মেয়ের মাথাটি দু-হাতে তুলে ধ’রে নিজের মুখ তার কাছে নামিয়ে শ্বেতা বললো, ‘কী ? চুপে-চুপে বলো।...উ ?...ও, বুঝছি। হ্যাঁ, খুব দোষ হয়েছে দিদির। আমি ব’কে দেবো।’

শাস্বতী বললো : ‘দিদি চায়ের ট্রে এনেছে, তাই বুঝি—?’

‘সত্যি তো, ও বুঝি আর পারতো না আনতে ? দিদির চেয়ে ভালোই পারতো। তা তুমি এক কাজ করো, খুব ভালো-ভালো মশলা নিয়ে এসো তো একটা প্লেটে সাজিয়ে। আর ছোটোমাসিকে এখানে আসতে বলো।’

‘ছোটোমাসি রাগ করেছে।’

‘রাগ করেছে। কেন ?’

‘দিদির উপর রাগ করেছে। শোনো মা, আগে চা দিয়ে পরে তো গরম জল ঢালতে হয়—এ আর কে না জানে ?—আর দিদিটা এমন—’

‘সত্যি, দিদি কিচ্ছু পারে না ! ছোটোমাসিকে বলো গিয়ে এখন আর রাগ করতে হবে না—মা তোমাকে ডাকছেন।’

তাতা খুশি হ’য়ে বাবড়ি ছুলিয়ে চ’লে গেলো, যেতে-যেতে এক পলক বাঁকা চোখ হানলো সত্যেনের দিকে।

শাস্বতী বললো, ‘ওদের তুমি কী-আদরটাই দিতে পারো, বড়দি।’

‘তোর মনে পড়ে, শাস্বতী,’ একটু পরে শ্বেতা বললো, ‘স্বাতী ঠিক এ-রকম করতো তোর সঙ্গে ?’

‘শুধু আমার সঙ্গে ? মেজদি-সেজদিকেও কম জ্বালিয়েছে স্বাতীটা !’

‘তাতার খুব ইচ্ছে,’ সত্যেনের দিকে তাকালো শ্বেতা, ‘তোমার সঙ্গে ভাব করার, কিন্তু লজ্জা ভীষণ। আতাও, দেখলে না, কোনোরকমে ট্রেটা নামিয়েই পালালো !’

এতক্ষণ এ-ঘরে যা-কিছু হচ্ছিলো তা সত্যেনকে প্রায় একটা আবিষ্টতার মধ্যে টেনে এনেছিলো ; শ্বেতার শেষ কথাটা-যে তাকেই বলা, তা বুঝতে একটু দেবি হ’লো তাব। আস্তে-আস্তে বললো, ‘আমার অনেক দোষের মধ্যে এও একটা যে ছোটোদের সঙ্গে ভাব জমাতে আমি মোটে পারি না,’ ব’লে চোখ নামালো শ্বেতার ছুটি শাদা পাঁয়ের দিকে। কৌতুক ছিলো না কথাটায়, সত্যি তখন তাব মনে হচ্ছিলো জীবনের অনেক-কিছুই সে জানে না, বোঝে না, পাবে না।

‘চা-টা বোধহয় -’ শাস্বতী টী-পণ্টের দিকে তাকালো। ‘এই-যে স্বাতী। আয়, চা ঢাল।’

‘তুমি থাকতে আমি কেন ?’

শাস্বতী হাসলো। ‘তাতা ঠিকই বলেছিলো ! সত্যি রোগে আছিস !’

শ্বেতা বললো, ‘দেখলি তো, স্বাতীই এখনো ছেলেবেলার অভ্যাস ছাড়তে পারলো না, আর তাতা তো তাতা !’

‘আচ্ছা আমিই ঢালি,’ শাস্বতী এগোলো। ‘ক-চামচে চিনি আপনার ?’

‘স্বাতী ও-সব জানে ঠিক,’ বললো শ্বেতা। ‘ও তুই ওকেই দে।’

‘ওকেই তো বলছি,’ শাস্ত্রতী স’রে এলো।

কিন্তু স্বাতী একটু দূরে বসলো।

‘স্বাতী, আয়!’ ডাকলো শ্বেতা।

স্বাতী উঠলো, কোনো কথা না-ব’লে কাছে এসে চা ঢাললো নিচুমুখে, চায়ের খয়েরি রংটাকে ছুধ কেনন আস্তে-আস্তে সোনালি ক’রে দেয়, সেইটে দেখতে-দেখতে নিজের মুখের রং-বদলটা লুকোবার চেষ্টা করলো।

সত্যেনও বোধহয় চায়ের রং দেখছিলো, কিন্তু এক পেয়ালা ঢেলেই স্বাতী যখন টেবিলটা আস্তে একটু ঠেলে দিলো তার দিকে, তখন চোখ তুলে, চোখ সরিয়ে বললো, ‘আর-কেউ—আপনারা—আপনি, মিসেস নন্দী?’

‘আপনার মুখে মিসেস নন্দীটা কিন্তু ভালো শুনলাম না।’

‘তাহ’লে—শাস্ত্রতী দেবী?’

‘একেবারে দেবী?’ শাস্ত্রতী হাসলো।

‘কেনই বা ও-সব হাস্যামা। তুমি ওকে ছোড়দিই ডেকো,’ শ্বেতা খুব সহজে সমস্যার সমাধান ক’রে দিলো।

‘ঐ আমার আরেক দোষ,’ শ্বেতা-শাস্ত্রতীর মাঝামাঝি তাকালো সত্যেন, ‘ও-সব ডাক-টাক আমার আসে না। তাছাড়া বয়সে তো আমিই বড়ো।

‘কত আর বড়ো?’

‘সেটা বলতে হ’লে একটা নিষিদ্ধ প্রশ্ন করতে হয়।’

শাস্ত্রতী বললো, ‘আমার চব্বিশ। আপনার?’

‘আমার ছাব্বিশ। চব্বিশে আর ছাব্বিশে কি তুলনা হয়?’

‘মেয়েদের চাক্ষুশে আর পুরুষের বত্রিশেও তুলনা হয় না।’

‘হারীতবাবুর বয়স বুঝি বত্রিশ?’

শ্বেতা হেসে ফেললো কথা শুনে, শাস্ত্রী লাল হ’য়ে হাসলো, স্বাতীও একটু না-হেসে পারলো না। শ্বেতা বললো, ‘তোমার চা ঠাণ্ডা হ’য়ে যাচ্ছে। খাও।’

‘একেবারে একাই খাবো? বড়দি একটু বলুন না ওঁকে—’ সত্যেন চোখ দিয়ে শাস্ত্রীকে দেখালো।

শাস্ত্রী হেসে উঠে বললো, ‘এই-না বললেন আপনার ডাক-টাক আসে না!’

‘আসে না মানে কি আর—’ সত্যেনের লাল-হওয়া মুখ থেকে শ্বেতা চোখ সরিয়ে আনলো। ‘শাস্ত্রী, খা না একটু চা। স্বাতী, তুই—’

‘না,’ এতক্ষণে এই একটি কথা উচ্চারণ করলো স্বাতী।

‘আমরা অবশ্য তেমন চা-পিয়াসী নই, তবে—আচ্ছা, স্বাতীর হাতের চা খাওয়া যাক একটু—’ শাস্ত্রী তার চেয়ারটা সরিয়ে আনলো। ‘বড়দি, তুমি সত্যেনবাবুকে কিছু খেতে বলো।’

‘না—না—আর-কিছু না। শুধু-শুধু চা-ই ভালো লাগে আমার।’

শ্বেতা বললো, ‘থাক, ইচ্ছা না-হ’লে খেয়ো না।’

‘আমি আবার শুধু-চা খেতে পারি না,’ ব’লে শাস্ত্রী হাত বাড়িয়ে একখানা বিস্কুট নিলো। শাস্ত্রীর হাতে-ধরা বিস্কুটটার চেহারা হঠাৎ খুব ভালো লেগে গেলো সত্যেনের, নিজেকেও নিলো একটা। তারপর—যদিও মিষ্টিতে তার ঘোর অভক্তি—কথা

বলতে-বলতে একটা সন্দেশও খেয়ে ফেললো, আর চায়ের পরে—যদিও কোনো-কিছু দিয়েই মুখের চায়ের স্বাদ নষ্ট করা তার পছন্দ না—লজ্জাজড়োসড়ো তাতার হাত থেকে মশলা নিয়েও মুখে দিলো, শুধু তা-ই নয়, চুলে হাত রেখে মুখ কাছে নিয়ে—নিজেও অবশ্য জড়োসড়োভাবে—তাতাকে একটা ‘বাঃ!’ পর্যন্ত বললো। আর সঙ্গে-সঙ্গে এ-কথাটা তার মনে হ’লো যে-আত্মীয়তাকে মুখে সে এত অবজ্ঞা করে, তারই রস এখানে ব’সে-ব’সে ভোগ করছে সে। তারপরেই ভাবলো : কিন্তু এখন আর ব’সে থাকার কোনো কারণ থাকলো না। এখন যেতেই হবে।

‘আচ্ছা, যাই।’ সে চায়নি, তখনই বলতে চায়নি, কিন্তু কেউ যেন ঠেলে বের ক’রে দিলো কথাটা তার মুখ দিয়ে। আর বলা যখন হ’য়েই গেছে উঠতেই হ’লো।

শাস্ত্রী বললো, ‘তাহ’লে আজই যাচ্ছেন?’

তা-ই তো, আজ তো সে যাচ্ছে! কোথায় না? হ্যাঁ, রাঁচি। ‘আজই যাচ্ছি,’ একটু কড়া শোনালো সত্যেনের গলা।

‘কবে ফিরবেন?’

‘ছুটি ফুরোলে।’ একটু আগে উচ্ছল ছিলো যে-মানুষটা, সে হঠাৎ কঠোর গম্ভীর স্বল্পভাষী হ’য়ে গেলো।

‘আপনাদের ছুটি তো লম্বা,’ শাস্ত্রী আর-একটু কথাবার্তার চেষ্টা করলো। ‘আর দু-চারদিন পরে গেলেও—’

‘সে আর হয় না,’ সত্যেন পাংলা একটু হাসি ফোটালো ঠোটে।

‘শ্বেতা বললো, ‘সত্যি তো, যাওয়া যখন স্থির করেছো—’

ব্যাপারটাতে কোথাও যাতে ফাঁক না থাকে, সত্যেন তাই আলাদা করে শ্বেতার আর শাস্তীর দিকে তাকিয়ে বললো, ‘ফিরে এসেই দেখা করবো আপনাদের সঙ্গে। আচ্ছা যাই,’ শেষের কথাটা ব’লে—এতক্ষণে, এতক্ষণ পরে—স্বাতীর দিকে চোখ ফেরালো, যেন এইমাত্রই তার মনে পড়লো যে দিদি দু-জন ছাড়া আরো কেউ ঘরে আছে। শেষ বিদায়টা সে নিয়েছিলো দরজার কাছে, তার সামনে শাস্তী, একটু পিছনে তাতার হাত ধ’রে শ্বেতা, আরো একটু পিছনে, বড়দির অর্ধেক আড়ালে, স্বাতী। সে তাকাতে স্বাতী একটু স’রে এলো, ফিরে তাকালো। আর রাস্তায় এসে সত্যেনের মনে হ’লো স্বাতীর সেই দৃষ্টি শেষ হয়নি, এখনো ‘চলছে, আসছে তার পিছনে, সঙ্গে-সঙ্গে, ফুর মতো পের্চিয়ে-পের্চিয়ে এইমাত্র ঢুকে গেলো তার শরীরে। প্রায় কষ্টের মতো লাগলো তার, শরীরের কষ্ট, কষ্টে প্রায় চোখে জল এলো। দ্রুত হাঁটলো, দ্রুত এলো ট্রাম-রাস্তায়, ট্রামে উঠে বসলো হাজরা-মোড়ে রাঁচির টিকিট কিনবে ব’লে।

ভিতরে এসে স্বাতী ডাকলো, ‘লোটন !’

লোটন কাছেই ছিলো, ডাক শুনে ছুটে এলো হামাগুড়ি দিয়ে।

‘চল—স্নান ! মাসির কাছে স্নান করবি না ?’

মাসির হাঁটুর কাছের কাপড় ধ’রে লোটন টলতে-টলতে উঠে দাঁড়ালো। মুখ তুলে চকচকে চোখে আওয়াজ ছাড়লো—
‘মাতী-ঈ ! তা—ন্ন।’ বলতে-বলতে দুই ছড়ানো হাতে কাপড়

দিলো মাথায় ; অল্প ভাষা তাতে পুষিয়ে বেশি হ'লো, কিন্তু এমন বেগ দিলো যে দাঁড়ানো থেকে ধপাশ্ হ'লো মেঝের উপর ।

স্বাতী হেসে উঠে বললো, 'মাসির কাছে তো ?'

ব'সে-ব'সে হাত বাড়িয়ে দিলো লোটন । 'মাতী ! কোয়ে !'

'না, কোলে না !' স্বাতী কয়েক পা পিছনে সরলো । 'চ'লে এসো হেঁটে-হেঁটে । এসো !'

লোটন নাকি সুরে গলা চড়ালো, 'কোঞ্জে !'

'আচ্ছা, কোলে নেবো—আগে বলো কার কাছে স্নান করবে !'

'ম্মা—'

'মা ! তা-আ-আ হ'লে তোমার সঙ্গে আড়ি !' স্বাতী গাল ফুলিয়ে চোখ ঘোরালো ।

'মাতী-ঈ-ঈ !' 'ঈ' টাকে টানতে গিয়ে লোটন কান থেকে কান পর্যন্ত ঠোঁট ছটোকে ছড়িয়ে দিলো, মুখে বুড়বুড়ি উঠলো তার, চোখ গোল-গোল হ'লো ।

'না ! তোমার সঙ্গে আড়ি !' স্বাতী ভুরু বাঁকালো, মুখ ফেরালো ।

'নে, রঙ্গ রাখ,' শ্বেতা হাসলো । 'আর ঐ-তো এক রঙ্গ রোজ-রোজ ।'

এবার চোখ বড়ো ক'রে ধমকের সুরে স্বাতী বললো, 'ঠিক ক'রে বলো কার কাছে স্নান করবে !'

মুখের দিকে তাকিয়ে খিলখিল ক'রে হেসে উঠলো লোটন ।

‘মা-র কাছে ?’

লোটন জোরে মাথা নাড়লো, যেমন ক’রে মানুষ ‘না’ বলে ।

‘মাসির কাছে তো ?’

তেমনি ক’রেই আরো জোরে মাথা নাড়লো লোটন ।

‘দূর বোকা । কিছু পারিস না এখনো !’ স্বাতী রাজি-
হওয়ার মাথা-নাড়া দেখালো, আব লোটন তক্ষুনি সেটা শিখে
নিয়ে সেই-যে দম দেয়া পুতুলেব মতো মাথা নাড়তে লাগলো,
সে আর থামেই না ।

‘হয়েছে, হয়েছে, আর না । এবাব চলো । তান্ন !’ স্বাতী
কোমরে আঁচল জড়িয়ে তৈরি হ’লো ।

‘বড়দি ! সত্যি দেখি স্বাতী ওকে নিয়ে চললো,’ ব্যস্ত হ’লো
শাশ্বতী ।

খেঁতা বললো, ‘মেয়েটাও কম না ! আব-কাউকে যেন চেনেই
না এখন ।’

‘আর স্বাতীর ভাবটা ! সত্যি যেন পাববে স্নান কবাতে !’
শাশ্বতী হাসলো ।

‘করায় তো দেখি মাঝে-মাঝে ।’

‘পারে ? স্বাতী পারে ?’ ঠিক এ-সময়টায় শাশ্বতী এলো
অনেকদিন পর, ব্যাপারটা তাই তার কাছে নতুন ।

‘পারি কিনা ছাখো !’ ব’লে স্বাতী লোটনকে পিঠে নিয়ে
চ’লে এলো ভিতরদিকের বারান্দায় ।

শাশ্বতী নিজে কোনো শিশুকে নাড়াচাড়া করেনি—করতে
হয়নি এখনো—তাই বড়দির নিশ্চিত্ত ভাব দেখেও তার অবিশ্বাস

ঘুচলো না। ‘ভালো করলে না, বড়দি ; ওর একটা হাত-পা না ভেঙে ফেলে স্বাতী।’

‘আরে না !’

‘চলো, দেখি—’

শাশ্বতী বারান্দায় এলো, শ্বেতাও এলো একটু পরে। ততক্ষণে স্বাতীর দুই সহকারিণী মহা উৎসাহে লাফাতে লেগেছে : আতা একটানে খুলে ফেলেছে লোটনের গায়ের ঝক, তাতা একছুটে নিয়ে এসেছে বাথকম থেকে সাবান তোয়ালে তেলের বাটি, আর তাদেব সোর শুনে ছোটন হাপ্প্যাণ্টের পকেটে হাত ঢুকিয়ে মজা দেখতে এসে দাঁড়িয়েছে।

স্বাতীর গা ঘেষে উদাসভাবে হেঁটে যেতে-যেতে বিজন বললো, ‘কী বে, চ’লে যাচ্ছে নাকি আজ ?’

স্বাতী না-শোনাব ভাণ করলো।

একটু দূরে স’বে, ঠিক স্বাতীব দিকে না-তাকিয়ে বিজন আবার বললো, ‘সত্যি যাচ্ছে নাকি ?’

‘কী বলছিস তুই !’ স্বাতী অর্ধেক চোখ তুললো বিজনের দিকে।

‘সত্যেন নাকি চ’লে যাচ্ছে ?’

‘চ’লে আবার যাবে কোথায় ?’ মনেব কথাটা স্বাতী প্রায় মুখেই ব’লে ফেলেছিলো, সামলে নিয়ে বললো, ‘তুই আজকাল বড্ড বাড়ি থাকিস, দাদা !’

শ্বেতা বললো, ‘বেচারা ! বাড়িতে থাকে না ব’লেও বকুনি খায়, আবার থাকলেও কেউ খুশি না !’

‘দেখলে তো, বড়দি! ছুটির দিনেও যে নিশ্চিন্তে জিরোবো—’

‘এই-না তোর এত কাজ যে রোববারেও ছুটি নেই?’

বিজন তৎক্ষণাৎ গস্তীর হ’য়ে বললো, ‘ছুটি-অছুটি আমার ইচ্ছেমতো। চাকরি তো করি না কারো!’

‘তাই ব’লে ঐ ছেড়া গেঞ্জিটা প’রে ঘুরঘুর করছিস কেন এখানে? দেখাচ্ছে কী!’

হাত বেকিয়ে গেঞ্জির ফুটোয় পিঠ চুলকোতে-চুলকোতে বিজন বললো, ‘বাই, সত্যেনকে একটা কথা ব’লে আসি। বাড়ি গেলো নাকি রে এখন?’

শাস্তী নিচু গলায় শ্বেতাকে বললো, ‘ভারি ফাজিল হয়েছে বিজুটা!’

স্বাতী কিছুই বললো না; মোঝতে আসনপিঁড়ি হ’য়ে ব’সে লোটনকে জাপটে শোওয়ালো কোলের মধ্যে, আর লোটন তার অভ্যেসমতো হাত-পা ছুঁড়ে আসর জমালো।

‘কী মজা!’ হাততালি দিয়ে ব’লে উঠলো তাতা।

ছোটন বললো, ‘এ না! এ আবার একটা মজা কী!’

‘মজা না? খুব মজা!’

‘মোটেও না!’

‘তবে তুই যা এখান থেকে!’

কিন্তু ছোটন নড়লো না, না-মজাটাই দেখতে লাগলো। তার বোন ব’লে পরিচিত ঐ ছোট্ট মানুষটাকে সে খুব ভালো চোখে ঝাখে না; বিচ্ছিরি, নোংরা, এখনো বিছানায় ইয়ে করে—ছি!—আর বুদ্ধিও তেমনি, সেদিন তার লাটুটাই মুখের মধ্যে পুরে

দিয়েছে—জিভ-টিভ কেটে এক কাণ্ড—মা আবার উণ্টে তাকেই বকলেন ! এদিকে ও-যে অমন বোকা, লাট্টু খেতে হয় না তা পর্যন্ত জানে না—তাব আর কিছু না !

মাসির তেল-মাখা হাতটা গায়ে লাগতেই লোটন এমন-এক ভিলিক দিলো যেন উণ্টো ডিগবাজি খাবে ।

আতা তাড়াতাড়ি বললো, ‘হাত ধরবো ছোটোমাসি ?’

‘আমি পা !’ জুড়লো তাতা ।

‘না বড়দি,’ শাস্তী শাসালো, ‘আজ কিছু আছে তোমার মেয়েব কপালে !’

স্বাতী এবাব মন দিয়ে কাজে লাগলো । প্রথমে আস্তে, সাবধানে, তারপব নির্ভয়ে, স্বচ্ছন্দে, লোটনের মিষ্টি, নরম, গরম শরীরটাব উপব দিয়ে নানা ভঙ্গিতে নড়তে লাগলো তাব হাত ;—প্রথমে এক হাত ; তাবপব লোটন যখন ছটফটানি থামিয়ে আবারে গা এলিয়ে গব্বব . আওয়াজ ক’বে-ক’বে দর্শকদের খুশি কবতে লাগলো—তখন দু-হাত ;—বড়দিকে যে-রকম দেখেছে, ঠিক সে-রকম ক’বেই চেষ্টা কবলো বলোতে, চাপড়াতে, বগড়াতে ; গল্লাব ভাজে-ভাজে, আঙুলেব ফাঁকে-ফাঁকে তেলের ফোঁটা মিশিয়ে দিলো, ছোট টুকটুকে কান দুটিকেও ভুললো না ; চুপচাপ নিচু চোখে, চুপচাপ গম্ভীর মুখে নিজেবই অজান্তে তৈরি হ’তে লাগলো ভবিষ্যতের জন্ম । ভবিষ্যৎ কাছে এসে গেছে, সে জানে । ভিতবে-ভিতরে কাঁপছে সে, স্টেশনের প্ল্যাটফর্ম যেমন দূব-চাকাব মাটি-তলার ধাক্কায় অনেক আগে থেকেই একটু-একটু কাঁপে । আর তাই, ট্রেনের ঘণ্টা

পড়লে প্ল্যাটফর্মে যেমন ব্যস্ততা, তেমনি তারও সমস্ত শরীরে কাজের ঢেউ উঠেছে এখন, হাতের কাজ, নড়াচড়ার, চলাফেরার;—সে এত বেশি বেঁচে আছে যে খানিকটা তার খরচ ক’রে না-দিলে বাঁচে না। টান হ’য়ে আছে বৃকের মধ্যে সব সময়, দপদপ করছে আঙুলের ডগা, ক্লান্তি কাকে বলে ভুলে’ গেছে, শান্তি কাকে বলে তাও ভুলেছে।...চ’লে যাবে? আজ চ’লে যাবে? না, যাবে না, যাবে না; আমি বলছি যাবে না।

লোটন ছুঁচোলো গলায় কেঁদে উঠলো হঠাৎ।

‘এই রে!’ শাস্বতী বললো, ‘চোখে গিয়েছে!’

‘না, না, কিছু হয়নি! বা—বা কী সুন্দর তেল মাখে লোটন,’ বড়দির সুর অবিকল নকল করলো স্বাতী, ‘একটু কাঁদে না—ছাখো তোমরা সব—কেউ পারে না এ-রকম—’

‘ভারি তো!’ ছোটনের গলা শোনা গেলো, ‘আমি ওর চেয়ে কত ভালো পারি!’

‘সে তো সত্যি! লোটন তো দাদাকে দেখেই শিখেছে এত সুন্দর নাইতে!’

এ-কথা শুনে দায়িত্বপূর্ণ দাদার মতোই গম্ভীর হ’লো ছোটন।

স্বৈতা বললো, ‘দিস-তো ওকে ধ’রে একদিন ভালো ক’রে নাইয়ে! আমি ডাকলে তো মাথা পাতে না, তা তোর কাছে বোধহয়—’

ছোটন বললো, ‘ধ্যৎ!’

‘ছোটনের বুঝি স্নানে তেমন উৎসাহ নেই,’ বললো শাস্বতী।

‘মামার ধাত !’ শ্বেতা হাসলো। ‘যা, কাণ্ড ক’রে এক-একদিন নাওয়াতে হ’তো বিজুকে !’

‘আমার বিষয়ে কী বলছে তোমরা ?’ বলতে-বলতে বিজু দরজার ধারে দাঁড়ালো। ছেঁড়া গেঞ্জি ঢাকবার জন্য কুঁচকোনা একটা সিন্ধের পাঞ্জাবি পরেছে—আরো বদ দেখাচ্ছে তাতে—হাতে জ্বলছে সিগারেট। শাস্ত্রী শ্বেতার দিকে তাকিয়ে বললো, ‘তুমি ওকে কিছু বলছে না, বড়দি, তোমার সামনেই সিগারেট খাচ্ছে !’

‘বড়দি ও-সব মাইণ্ড করেন না।’ বিজন গম্ভীরভাবে সিগারেটে টান দিলো, তারপর দু-পা এগিয়ে লোটনের দিকে তাকালো।

‘এঃ !’ বিজন নাক কুঁচকে বললো, ‘শর্ষের তেল !’

‘দ্যাখো বড়দি, হয়েছে ঠিক ?’ ব’লে স্বাতী আর-একবার হাত বুলিয়ে গেলো ছোট্টো, নগ্ন, নরম, মসৃণ শরীরটাকে। সেদিকে তাকিয়ে শাস্ত্রী ভাবলো ও-রকম একটা হ’য়ে-ট’য়ে পড়লে মন্দ কী—কিন্তু হারীত কিছুতেই রাজি না।

বিজন বললো, ‘শর্ষের তেলে রং কালো হয় ; অলিভ অয়েল মাখাতে হয় বাচ্চাদের।’

‘নাকি ? আব কী-কী করতে হয় বল তো ?’

বিজন খোশমেজাজে হাসলো, ‘আচ্ছা, সব এনে দেবো তোমাকে বড়দি, ভেবো না।’

‘যাক। এতদিনে, বড়দি, তুমি নিশ্চিত হ’লে,’ ব’লে চিক্ণ লোটনকে কোলে ক’রে স্বাতী উঠে দাঁড়ালো।

‘দেখবি, দেখবি।’ আধ-পোড়া সিগারেট ঠোঁটের ফাঁকে ঝুলিয়ে চোখ মিটমিট করলো বিজন।

স্বাতী উঠোনে নামলো, সেখানে টবে ক’রে লোটনের স্নানের জল রোদে গরম হচ্ছিলো অনেক আগে থেকেই। লোটন গলাজলে ব’সে থাকা মেরে-মেরে জল ছিটোতে লাগলো, আর কণ্ঠের আশ্চর্য কসরৎ দেখিয়ে সব ক-টা ব্যঞ্জনবর্ণ অভ্যাস করতে লাগলো তারস্বরে; আর তাকে দেখতে-দেখতে, তার খুশিতে খুশি হ’তে-হ’তে স্বাতীর মনে একটু আগে যে-উদ্বেগ উঠেছিলো, তা হঠাৎ একেবারে মিলিয়ে গেলো। মনের মধ্যে নিশ্চিত জানলো যে সত্যেন যাবে না, যেতে পারে না।

আতা ঘটি ক’রে জল ঢাললো লোটনের মাথায়, তাতা গায়ে একটু সাবান না-ধুলিয়ে ছাড়লোই না, ওদের দু-জনেরও আন্ধেক স্নান হ’য়ে গেলো লোটনের দাপাদাপিতে, আর ওদের হাত থেকে লোটনকে উদ্ধার করতে গিয়ে প্রায় স্বাতীরও। লোটন হাসলো, আতা-তাতা হাসলো, স্বাতীও হাসলো সঙ্গে-সঙ্গে, আর মাথার উপর আকাশে ভেসে বেড়ালো শরতের শাদা মেঘ, আর শান্ত একটি আকাশ তাকিয়ে-তাকিয়ে দেখতে লাগলো।

‘ওরে ! আর না ! তোল !’ শ্বেতা ডাকলো বারান্দা থেকে।

কিন্তু তোলা কি সোজা ! লোটন কেবল বলে, ‘ননা—তান্নন্ !’ আর টবের কড়া ঝাঁকড়ে থাকে দু-হাতে—ঐটুকু-টুকু তো মুঠি, কিন্তু জোর কী !—মাসিকে একদম হারিয়ে দিলো দু-বার, মুখ-টুকু ভিজিয়ে দিলো, আর তাতে স্বাতীর এত মজা লাগলো যে পরের বার আর চেঁচাই করতে পারলো না।

‘রোজই এ-রকম করে, বড়দি?’ শাস্ত্রতী জানতে চাইলো।

‘মাসির কাছে একটু বেশি কবে। সব বিত্তে দেখানো চাইতো।’

শাস্ত্রতী উশখুশ কবলো। অতক্ষণ ভিজ়ে গায়ে থেকে জ্বর-টর হবে না তো মেয়েটার? কড়া ধ’বে নাচতে-নাচতে উল্টে পড়বে না তো হঠাৎ? চেষ্টিয়ে বললো, ‘স্বাতী, তোম!’ তাবপর নিজেই উঠে দাড়ালো। মনের মধ্যে আবছা একটা ইচ্ছা জাগছিলো তার, উঠোনে গিয়ে ওদেব সঙ্গে দাড়াবার, লোটনকে একটু কোলে নেবাব; এতক্ষণে যেন নিজেব কাছেই একটা ছুতো পেলো। ‘আমিই ওকে নিয়ে আসি, বড়দি,’ ব’লে সিঁড়ির দিকে এগোলো সে, কিন্তু স্বাতী তখনই নিয়ে এলো লোটনকে, গলাব চাঁৎকাব আব গায়েব জল স্কুদ, মেঝেতে নামিয়ে দিলো, হাটু ভেঙে ব’সে মুছিয়ে দিতে লাগলো তোয়ালে দিয়ে।

বড়দি আস্তে বনলেন, ‘স্বাতী আনাকে দে।’

‘আমিই পাববো,’ স্বাতী ঘাড় বঁকিয়ে নিজের ভিজ়ে মুখটা কাধেব কাপড়ে মুছে নিলো। ‘কী-ছুষ্ট, বড়দি, তোমাব ’ কথা থেমে গেলো মুখের দিকে তাকিয়ে। বড়দিব চোখেব ভাব বদলে গেছে -কী? স্বাতীব চোখ দ্রুত সবলো ছোড়দিব, দাদার দিকে, ছু-জনেই কেমন সামনেব দিকে তাকিয়ে—কী হয়েছে? স্বাতী লোটনকে ছেড়ে দিয়ে উঠে দাড়ালো, আব তখনই, ফিরে তাকানোব আগেই, তাব মনের তলায় লাফিয়ে উঠলো কী হয়েছে; তাই উঠোনের মধ্যখানে বোদ-লাগা লালচে মুখে সত্যেনকে দাড়িয়ে থাকতে দেখে একটুও অবাক হ’লো না।

বিজন তাড়াতাড়ি নেমে গিয়ে অভ্যর্থনা করলো, ‘আমুন।’

এতক্ষণে—স্নানের টবটা দেখে, সকলকে দেখে—সত্যেন বুঝলো যে পিছনের দরজা দিয়ে হঠাৎ এ-রকম বাড়ির মধ্যে চ’লে আসাটা একেবারেই শোভন হয়নি। ‘আমি—আমি—’ ওটুকু ব’লেই থেমে গেলো।

‘আমুন,’ আবারো দরাজ গলায় বিজন বললো।

‘ওদিকেব দরজাটা বন্ধ ছিলো --কারো সাড়া পেলাম না— তাই ভাবলাম—ভাবলাম একবার—’ কী ভেবেছিলো? সকালবেলায় অতক্ষণ কাটিয়ে গিয়ে এফুনি কেন আবার এসেছে এই ব্যস্ত চড়া বেলার অসময়ে? আব-একবার, শুধু আর-একবার চোখে দেখতে!

‘তাতে কী হয়েছে? আমুন, বসুন এসে।’

‘না, না, এখন আর—’ সত্যেনেব মন চাইলো দৌড়ে আবার বেরিয়ে যেতে, কিন্তু তাব শবীব নড়তে পাবলো না—মানে, কলেব মতো নড়লো, পা টিপে-টিপে উঠে এলো বিজনের পিছনে সিঁড়ি ক-টা।

‘বসুন। এই যে—না, ও-ঘরে চলুন—’ বিজনের নড়াচড়ায় ভক্ততা ঝ’রে পড়লো।

‘কেন, এখানেই বোসো না,’ লোটনকে জাঙিয়া পরিয়ে শ্বেতা উঠে দাঁড়ালো।

‘না, না এখানে কী—আমুন আমার সঙ্গে। মানে,’ বিজন একটু থামলো, ‘আপনার যা ইচ্ছে।’

ইচ্ছে! কথাটার অর্থ সত্যেন যেন বুঝতে পারলো না, কেমন

নিঃসাড়মতো ব'সে পড়লো সেই ভেনেস্টা চেয়ারটাতেই, বিজন যেটা প্রথমে এগিয়ে দিয়েছিলো।

বিজনও বসলো, ঘরোয়াভাবে আলাপ আরম্ভ করলো, 'কোথায় গিয়েছিলেন?'

'এখন? টিকিট কিনে আনলাম। এই-যে—' কোনো দবকার ছিলো না, এ-বকম কেউ করেও না সাধারণত, তবু পকেট থেকে বের করলো সবুজ রঙের রেল-টিকিটটা। অনর্থক, কতগুলি টাকা একদম জলে ফেলে, একেবারে সেকেণ্ড ক্লাশই কোটেছে, যাতে এব পর কিছুতেই তার না-যাওয়া না হয়, যাতে অন্তত ঐ টাকা ক-টাই তাকে হিঁচড়ে নিয়ে যায় রাঁচিতে। টিকিটটা আঙুলে ধরে ঘোবালো একটু—যেন সবাইকে দেখাতে চায়—তারপব নিজে চোখ ফেরালো এদিক-ওদিক। দেখলো দিদি দু-জনকে দবজাব ধারে পাশাপাশি, স্বাতীকেও দেখলো—আবছা দেখলো—একটু দূরে দেয়াল ঘেঁষে দাঁড়ানো। আড়ষ্ট, অস্পষ্ট, স্বাতী দাঁড়িয়ে ছিলো অর্ধেক মুখ ফিরিয়ে: সত্যনকে চোখে দেখার সঙ্গে-সঙ্গে যেন আয়নার মধ্যে নিজের চেহারাটা দেখতে পেয়েছিলো সে—চুল-টুল খুলে একাকার, শাড়িটা তেলে-জলে মাখামাখি;—বদলে আসবে?—না। চ'লে যাবে এখান থেকে?—না। এখানেই থাকবে?—না। থাকলো ওখানেই, আর প্রতি মুহূর্তে ভাবলো কেন আছি, আর ভাবতে-ভাবতে দাঁড়িয়ে থাকলো না-ন'ড়ে, না-ব'লে, না-দেখে।

'যাচ্ছেন বুঝি কোথাও?' বিজন, ভালোমানুষ, জিগেস করলো।

সত্যেন খুব গম্ভীৰ গলায় বললো—‘আজ যাচ্ছি রাঁচি।
আপনি রাঁচি গিয়েছেন, বিজনবাবু ?’

‘বোসো তোমরা—’ শ্বেতা ভিতৰে এলো লোৰ্টনকে নিয়ে,
আব একটু পৰে শাস্ত্ৰতীও এলো সেখানে, মুখে আঁচল চেপে
নিঃশব্দে কিন্তু প্ৰবলবেগে হাসতে লাগলো।

‘কী বে ? কী হ’লো ?’

শাস্ত্ৰতী কথা বলতে পাবলো না, হাসিব ঠেলায় কাঁপতে-কাঁপতে
দিদিৰ কাঁধে মুখ গুঁজলো।

লোৰ্টনেৰ গায়ে পাউডৰ দিতে-দিতে শ্বেতা বললো, ‘ছাথো
কাণ্ড ! হাসছিস কেন ও-বকম ?’

‘আবাব বিজন-বাবু—!’ হাসিব ফাঁকে ঠাণ ক’বে আওয়াজ
বেবোলো শাস্ত্ৰতীৰ।

‘ভালো তো। বিজুকে বাবু বলাব একজন হ’লো এতদিনে !’

‘আব বিজুটাও কম না ! কেমন আলাপ জুড়লো—এদিকে
সাত জন্মে একটা কথা বলে না সত্যেনেৰ সঙ্গে।’

‘তা এতদিন তো আব—’, শ্বেতা কথা শেষ না-ক’বে লোৰ্টনেৰ
ভাঁজ-কবা জামাগুলি তুলে-তুলে দেখতে লাগলো।

‘সত্যি !’ হাসি-থামা অস্থগলায় শাস্ত্ৰতী বললো, ‘কেন-ৰে
সত্যেন যাচ্ছে—’

‘কেন, ঘূৰে আসা তো ভালোই।’

‘ভালো ? এদিকে—বাবাৰ গলা না ?’

পাংলা শাদা মলমলেৰ একটা বেনিয়ান শ্বেতা পৰিয়ে দিলো
লোৰ্টনকে।

‘বাবা গিয়েছিলেন কোথায় ?’

‘তোর নাকি পুজোর শাড়ি পছন্দ হয়নি—’

‘ও-মা ! পছন্দ আবার হ’লো না কবে ? আমি শুধু বলেছিলাম—’

‘ঐ হ’লো । ওটুকু খুঁতই বা থাকে কেন ।’

‘তাই ব’লে আবার বদলাতে গেলেন ? সত্যি—’

শ্রান্ত চেহারা নিয়ে রাজেনবাবু ঘবে এলেন । তার হাতের কাগজেব বাক্সটা দেখেই শাশ্বতী ব’লে উঠলো, ‘এ তোমার ভারি অত্যাচার বাবা !’

‘ত্যাখ-তো অত্যাচারটা কেমন,’ বাক্সটা মেয়ের হাতে দিলেন রাজেনবাবু ।

ডালাটা অল্প ভুলে উকি দিয়েই শাশ্বতী তার মত জানালো : ‘খুব সুন্দর !’

‘না-দেখেই ?’

খুলে ভালো ক’রে দেখার জন্য তার মনের চঞ্চলতা শাশ্বতী সামলে নিলো । মনে পড়লো এ-সব শাড়ি বড়দি আর পরেন না, পরবেন না ; তাই লজ্জা করলো একটু ।

‘আমি একটু দেখেই ভালো জিনিশ চিনতে পারি । কিন্তু কেন বলো তো তুমি আবার—বরং ঐ জরিপাড় ধুতিটা বদলে আনলে ঠিক হ’তো ।’

‘কেন ?’ জিগেস করলো শ্বেতা ।

‘উনি ও-সব ভালোবাসেন না । বলেন, জামাই-কাপড়—’

‘তবে ঠিকই আছে,’ শ্বেতা বললো । ‘এখানকার তো জামাই সে ।’

‘আর ধুতি পরেই বা ক-দিন বছরে ! মিছিমিছি—’

শ্বেতা সঙ্গে-সঙ্গে জবাব দিলো, ‘কম পরে ব’লেই তো ভালো পরতে হয়।’

‘হ্যাঃ !’ ঐ আওয়াজটা ক’বে কী-যেন একটা বলতে-না-পারা কথাকে শাস্বতী পিষে দিলো, আর তার পরেই বললো, ‘সত্যেনকে দেখলে, বাবা ?’

‘হ্যা, দেখা হ’লো।’

‘আমরা সবাই চ’লে এলাম—ভালো দেখাচ্ছে কি ?’

‘সত্যেনের কথা বলছিস ? তাকে তো চ’লে যেতে দেখলাম।’

‘চ’লে গেলো এর মধ্যে ? এলোই তো এইমাত্র।’

রাজেনবাবু কিছু বললেন না।

‘সকালেও এসেছিলো একবার।’

রাজেনবাবু এবারেও কিছু বললেন না। শাস্বতীও কথা পেলো না আর, শ্বেতা ছোট্ট লাল চিরুনি দিয়ে লোটনেব চুল আঁচড়ে দিতে লাগলো, আর একটু পবে রামের মা এলো লোটনের ছুধের বাটি নিয়ে।

শাস্বতী হঠাৎ চোঁচিয়ে ডাকলো, ‘স্বাতী !’ উত্তর না-পেয়ে আবার ডাকলো। তারপর একটু ন’ড়ে-চ’ড়ে, একটু-যেন উদ্বিগ্ন স্বরেই বললো, ‘স্বাতী কোথায় ?’

‘দিদিমনি তো নাইতে ঢুকলেন,’ রামের মা-র ফিশফিশে গলা শোনা গেলো।

আবার চুপ। তিনজনের একজনও অন্যজনের দিকে তাকালো না ; আর মিনিটখানেক এ-রকম কাটবার পর

রাজেনবাবু আস্তে-আস্তে অশ্রু ঘরে চ'লে গেলেন। শাস্ত্রতী তখনো কথা বললো না, শ্বেতাও না ; মা-র কোলে শুয়ে লোটন দুধ খেতে লাগলো ঢকঢক ক'রে, আর বাটি খালি হবার সঙ্গে-সঙ্গেই ছবির মতো ঘুমিয়ে পড়লো।

শাস্ত্রতী বাড়ি ফিরলো, বাড়ির খাওয়া-দাওয়া চুকলো, সারা পাড়া ছপুর-চুপ। তারও মধ্যে আরো চুপ রাজেনবাবুর বাড়িতে স্বাতীর ঘরটি ; সেখানে শাস্ত্রতীর পুরোনো খাট আবার পড়েছে—আতা তাতা রাত্রে শোয়—আর এখন সেখানে ঘুমিয়ে আছে লোটন। তার বোজা চোখের ফোলা-ফোলা, ফিকে-গোলাপি, আবার একটু নীলচে পাতা দুটি মস্ত দেখাচ্ছে এখন। কিন্তু ঘরে আব যে দু-জন আছে, এই সুন্দর দৃশ্যটি তারা দেখছে না ; শ্বেতা ব'সে আছে মেয়ের দিকে পিঠ ফিরিয়ে উঁচু-করা হাঁটুতে থুতনি রেখে, আর স্বাতীর নভেল-পড়া বেতের চেয়ারটিতে ব'সে রাজেনবাবু মেঝের একটা বিশেষ অংশ মন দিয়ে দেখছেন। দেখে মনে হয় এ-ভাবেই কিছুক্ষণ ব'সে আছে দু-জনে ; চুপ, যেন চিন্তিত। একটু পরে শ্বেতা নিচু গলায় বললো, 'তাহ'লে, বাবা ?'

রাজেনবাবু মেঝে থেকে চোখ তুললেন।

শ্বেতা বললো, 'সবই তো ভালো ; এক—কেউ নেই ছেলেটির—'

'কেউ নেই কেন ? আমরা আছি !' ব'লে রাজেনবাবু চেয়ার ছেড়ে উঠে পড়লেন। যেতে-যেতে থামলেন স্বাতীর ছোট্ট আলনার কাছে। শাড়ি, জামা ; তলায় রাখা তিন জোড়া জুতো,

হু-জোড়াই কোন জন্মের পুরোনো, কিছু ফেলতে ওর মন সরে না। স'রে এলেন টেবিলের কাছে; সেই কবেকার বেতের শেলফটি বইয়ের ভারে বাঁকা; নিচের তাকে স্কুলের বইগুলি ধুলোপড়া—নীল মলমলের অ্যাটলাসটা—টেবিলে এখনকার বই, গল্পের বই, খাতা। একটা খাতা খুললেন; পোশিয়ার চরিত্র লিখেছে, তা-ই পড়লেন একটু, চশমা ছাড়া ঝাপসা দেখলেন, তবু দেখতেই লাগলেন, আর সামনের দেয়াল থেকে তাঁকে দেখতে লাগলো ধুলো-পড়া কাচের আড়ালে ছবি-হ'য়ে-বাওয়া শিশিরকণার ঝাপসা চোখ। রাজেনবাবু তা জানলেন না।

খাতা বন্ধ ক'রে জায়গামতো রেখে পাশের ঘরে এলেন। আতা তাতা ছোটন লুডো খেলছে সেখানে, তাঁকে দেখেই তাতা আহ্লাদি গলায় ব'লে উঠলো—‘দাছ খেলবে আমাদের সঙ্গে?’

‘খেলবে?’ আতা তাকালো। ‘তাহ’লে আবার প্রথম থেকে আরম্ভ করি। ছোটোমাসিকে এত বললাম—চারজন না-হ'লে তো জমে না খেলা।’

‘আমি আর দাছ!’ ছোটন আসনপিঁড়ি হ'য়ে জাঁকিয়ে বসলো।

‘আচ্ছা তোমাদের এ-পাটি শেষ হোক,’ ব'লে রাজেনবাবু বারান্দায় এলেন। উঠোনে অর্ধেকটা ছায়া পড়েছে, তারে কাপড় শুকোচ্ছে, কোথায় একটা কাক ডাকছে কা-কা, আর স্বাতী ব'সে আছে সিঁড়িতে চুপ ক'রে। রাজেনবাবু ডাকলেন না, কাছে গেলেন না, দাঁড়িয়ে-দাঁড়িয়ে পিছন থেকে দেখতে লাগলেন। একটু পরে স্বাতী ফিরে তাকালো।

রাজেনবাবু তাড়াতাড়ি বললেন, ‘আমার পানের ডিবেটা দেখেছিস নাকি রে?’

‘ছিলো তো ওখানেই—দেখছি—’ স্বাতীও তাড়াতাড়ি উঠলো।

‘আচ্ছা থাক, আমিই খুঁজে নেবো।’

‘আমি এনে দিচ্ছি—’

‘স্বাতী—’

স্বাতী যেতে-যেতে থামলো। রাজেনবাবু মেয়ের মুখের দিকে তাকালেন, কিন্তু স্বাতী দাঁড়ালো না, তাকালো না, বাবার চোখ এড়িয়ে চ’লে এলো সেখান থেকে। এই প্রথম, জীবনে এই প্রথম, বাবাব কাছে তার লজ্জা করলো।

এলো বড়দির কাছে। ঘুমোচ্ছেন। আর-একবার তাকিয়ে ভুল ভাঙলো। বড়দি শুয়ে আছেন কপালে হাত রেখে, আর চোখ-চাপা হাতটির তলা দিয়ে চোখের দু-কোণ বেয়ে-বেয়ে পরিষ্কার ছুটি জলের রেখা নেমে এসেছে নাকের ধার দিয়ে বেঁকে ঠোঁটের কাছে, ঠোঁট এশ্টু ফাঁক, শাদা গলার উপর সরু একটিনীল শিরা খুব আস্তে কাঁপছে। স্বাতী থমকালো, অবাক হ’লো, চোখ ফেরাতে পারলো না। বড়দিও কাঁদেন? আর সে ভেবেছিলো—ভেবে নিশ্চিত ছিলো—যে বড়দি মনের দুঃখ চমৎকার লুকোতে পারেন। লুকোতে !—দুঃখ না-লুকিয়ে উপায় কী এই পৃথিবীতে—দুঃখের জায়গা কোথায়, সময় কোথায়? কিন্তু যদি কখনো সময় হয়? এইরকম নিরিবিলি ছুপুরবেলা, আর সবাই যখন ঘুমিয়ে থাকে, সেইসব অন্ধকার বড়ো-বড়ো রাতগুলি—সে কী জানে তার, বড়দির দিন-রাত্রির কথা সে কী জানে? আর

ছঃখেরই বা কী জানে—কী জানতো, আজকের আগে পর্যন্ত
ছঃখেরই বা কী জানতো সে ?

যেই কথাটা ভাবলো, যেই মনে পড়লো সত্যেন আজ ঠিকই
চ'লে যাচ্ছে, অমনি যেন সত্যি তার বুক ফেটে কান্না এলো।
কিন্তু কোথায় গিয়ে কাঁদবে, কোথায় লুকোবে, কেউ-না-কেউ দেখে
ফেলবেই, কী বলবে তখন ? বড়দির কাছেই সে সবচেয়ে
নিশ্চিত—ছিলো—কিন্তু বড়দিও যদি নিজের কান্না দিয়ে তাকে
পর ক'রে দেন !

স্বাতী ফিরে যাচ্ছিলো, কিন্তু শ্বেতার চোখ খুলে গেলো।
একটু তাকিয়ে থেকে ভিজে-ভিজে গলায় শ্বেতা ডাকলো, 'স্বাতী,
আয়।'

স্বাতী দাঁড়ালো।

'আয়।' শ্বেতা, আস্তে কেশে, আবার ডাকলো। সে-যে
কাঁদছিলো সেটা মেনে নিলো তার চোখের দৃষ্টি, কিন্তু কান্না থেমেও
গেলো তখনই, শুধু গলার আওয়াজে তার স্মৃতি রইলো।

স্বাতী এগিয়ে এলো, বঁসলো বড়দির শিয়রে।

'শুবি ? শো।' শ্বেতা একটু সরলো, আর সেই সঙ্গে হাতের
উল্টো পিঠে আস্তে মুখ মুছলো।

স্বাতী শুয়ে পড়লো বড়দির পাশে, গায়ে গা লাগিয়ে ;
ছঃবোনে পাশাপাশি শুয়ে থাকলো কেউ কোনো কথা না-ব'লে।

'হিঁয়াওঁ !' ঘুমোনো লোটন কেঁদে উঠলো।

শ্বেতার বাঁ হাতটি নড়লো একবার। 'দাঁশ ! ভিজিয়ে
একেবারে—' উঠে ব'সে কাঁথা বদলে দিলো, মেয়ের পিঠে চাপড়

দিতে-দিতে বললো, ‘এ-মেয়েটা বিষম হিশুনি ! এ-জন্তাই দেখতে পারি না এটাকে !’

ও-কথা শুনে স্বাতীর মনে হ’লো বড়দি তার কাছে ফিরে এলেন। আবার সহজ হ’লো, হেসে বললো, ‘তুমি কেবল ওর নিন্দে করো, বড়দি ! লক্ষ্মী মেয়ে—সে-ই কখন থেকে ঘুমোচ্ছে !’

‘খাওয়া আর ঘুম ছাড়া আছেই বা কী !’

‘কী-ই বলো !’ স্বাতীর গলায় ঢেউ দিলো। ‘রোজ কথা শিখছে না নতুন-নতুন ? আর দেখতে কী সুন্দর !’

‘নাকি ?’ শ্বেতা আড়চোখে মেয়েকে দেখলো।

‘ও তোমার সকলের চেয়ে সুন্দর হবে দেখো,’ বেমালুম বাবার কথা চুরি ক’বে স্বাতী বললো।

‘আমি তো দেখি না ! কুচ্ছিৎ কপালটা !’ ব’লে শ্বেতা সেই কুচ্ছিৎ কপালে তিনটি আঙুল ছোওয়ালো।

লোটনের ফোলা-ফোলা চোখের লালচে মুখে চোখ রেখে স্বাতী বললো, ‘আমার ওকে এত ভালো লাগে বলবো কী, বড়দি !’

‘ক-দিন আর ! এর পরেই এক বুড়ি দাঁত, টাশ-টাশ কথা—আব ঠাশ-ঠাশ চড় !’

স্বাতী আওয়াজ ক’রে হেসে উঠলো।—‘তখন বুঝি আর ভালো না ?’

‘এ-রকম কি আর !’

স্বাতী একটু ভাবলো। শিশু সুন্দর, খুব সুন্দর, কিন্তু সে-তো অতাদের—বড়োদের—উপভোগের, তাতে তার নিজের কী ? সে তো জানে না সে সুন্দর, সে-যে আছে তা-ই ভালো ক’রে

জ্ঞানে না, আর তা যদি জানবে সেদিনই এই সুন্দরের খতম । না, লোটনকে দেখতেই ভালো, লোটন হওয়াটা ভালো না । বেচারা—ঘুমিয়েই চব্বিশ ঘণ্টার যোলো ঘণ্টা কাটিয়ে দিচ্ছে ; কত বছর, আরো কত বছর লাগবে তার এখানে পৌঁছতে, যেখানে আমি এখন আছি, যেখানে এসে মানুষ জানতে পারে সে বেঁচে আছে, জানতে পারে সে কী চায়, সত্যি কী চায়, আর শুনতে পায় বুকের মধ্যে এই টিপটিপ কথা যে সত্যি সে যা চায় তা-ই পাবে, সত্যি যা চায় তা-ই হবে, হ'তেই হবে, না-হ'য়েই পারে না ।

নিজের বুকের টিপটিপ কথা কানে-কানে শুনতে-শুনতে স্বাতী বললো, 'আমার কিন্তু মনে হয় বড়ো হওয়াটা আরো ভালো ।'

'হ্যাঁ, ভালোই তো,' শ্বেতা সায় দিলো । 'নিজের হাতে-পায়ে চলে—নির্বঙ্ঘাট ।'

'বেশি যেন তুমি খুশি না তাতে ?'

'খুব একটা খুশিরই বা কী,' শ্বেতা আবার শুয়ে পড়লো স্বাতীর পাশে । 'প্রথম তিন বছরের মতো কি আর-কিছু ?'

কী বলতে গিয়ে স্বাতী থেমে গেলো । অশ্রু-একটা কথা—অদ্ভুত কথা—মনে হ'লো তার : এই 'প্রথম তিন বছর' বড়দির জীবনে লোটনই শেষ, আর বাবার জীবনে শেষ হয়েছিলো তারই সঙ্গে । বড়দির দিকে তাকিয়ে-তাকিয়ে সে যেন বাবার মুখটা দেখতে পেলো, একটু আগে-যে দেখা হ'লো সেই কেমন-কেমন, বলতে-না-পারা মুখটা, তারপর বাবা যেন মা হ'য়ে গেলেন ; অসুখ না, কষ্ট না, পান-খাওয়া টুকটুকে ঠোঁটের ঝলমলে মা ; আর

দেখতে-দেখতেই রং মুছে গিয়ে আবার সব শাদা হ'লো। 'হঠাৎ ব'লে উঠলো, 'আচ্ছা বড়দি, পান খাও না কেন?'

শ্বেতা উত্তর দিলো না।

'কেন খাও না? ওতে কী দোষ?'

'দোষ আব কী।'

'তবে?—কেন?'—স্বাতী আবেগ দিয়ে বলতে লাগলো, যেন এই পান খাওয়া বা না-খাওয়াটাই সবচেয়ে বড়ো কথা। 'কেন খাও না? তুমি-তো ভালোবাসতে—'

'উনিও খুব ভালোবাসতেন,' ছোট গলায় শ্বেতা বললো।

এই প্রথম স্বাতী শুনলো বড়দিব মুখে সেই মানুষের কোনো কথা, যে-মানুষ আব নেই, আব যাব না-থাকাটা এব মধ্যেই সবাই মেনে নিয়েছে। সবাই—, কিন্তু একজন না, আব সেই একজনের কাছে কেমন লাগে অত সকলকে? স্বাতী আস্তে মুখ ফিরিয়ে নিলো, তাব মনের অনেক তলাবচুপি-চুপি কান্না আবাব যেন বেবিযে আসাব ছুতো পেলো। পাশেব ঘব থেকে উড়ে এলো ফুটিব আওয়াজ—লুডো খেলছে ওবা। সময় কাটাবাব কত উপায় বেব কবেছে মানুষ, তব সময়টাই সমস্তা, তবু জীবনে এমন সময় আছেই যখন সময় আব কাটে না।—চ'লে যাবে!—একটা হাতুড়িব বাড়ি দিনো স্বাতীব হুংপিও—চ'লে যাবে? তাহ'লে আমি এখন কী কবি?

কী কবি, সত্যেনও তখন ভাবছিলো, কী কবি। বাত্রি দূরে এখনো, স্টেশনে রওনা হবাব সময় হ'তে আবো অনেক দেরি।

অস্তুত ছ-ঘণ্টা ! আর এই ছ-ঘণ্টা তাকে এমনি ক'রেই কাটাতে হবে, এমনি চুপচাপ আবাম-চেয়ারে এলিয়ে, না-জেগে, না-ঘুমিয়ে, না-বঁচে ; কেননা সবচেয়ে যেটাকে সে ভয় করেছে, প্রাণপণে যেটাকে সে এড়িয়েছে, আজ এতদিন পরে হঠাৎ তারই খপ্পরে সে প'ড়ে গেছে, আজ এই ছ-ঘণ্টা সময়—যতক্ষণ-না হাওড়ার বাস্-এ চ'ড়ে বসতে পারে—ততক্ষণ তাব কিছু নেই, কিছু করা ব নেই ।

সত্যেন এদিক-ওদিক তাকালো । পরিষ্কার ঠাণ্ডা ঘর ; বই-বোঝাই শেলফ দুটোয় সাহিত্যের অধিপতিরা সাবি-দাঁড়িয়ে ; টেবিলে, হাতেব কাছে টাটকা কয়েকটা । তার মনে পড়লো ভবানীপুরের মেস থেকে এসে স্বর্গ মনে হয়েছিলো এই ঘর ; মনে পড়লো কোনো-এক সময়ে ভেবেছিলো শুধু বই প'ড়েই জীবন কাটিয়ে দিতে পারবে । জীবন ! জীবন কত বড়ো ? সে যা চায় তা-ই তো পেয়েছে ; বেশি কিছু চায়নি, কিন্তু যা চেয়েছে তা-ই পেয়েছে ; পেয়েছে কম-টাকার বেশি-ছুটির চাকরি, নিরিবিলি ঘর, কলকাতার জ্যাস্ত হাওয়া, পেয়েছে সেই স্বাধীনতা, আর সেই মন, যাতে নিজের কথা সবচেয়ে কম ভাবতে হয় । কিন্তু অত্ন যে-সব ভাবনা—তার মনের বই-হজম-করা সতেজ পাইচারি—কোথায় তাবা ? বই, তোমরা আজ ফেল হ'লে কেন ? যে-সুন্দর, ছোটো ফ্রেমটাতে জীবনটাকে সে বেঁধে নিয়েছিলো—যার মধ্যে, আর যা-ই হোক, সময় কাটাতে ভাবতে হ'তো না কখনো—তাতে কি আর কুলোচ্ছে না ? জীবনটা কি বেড়ে গেলো হঠাৎ ? আরো কোনো চাওয়া কি

তার বাকি আছে?—কিন্তু চাওয়া তো শুধু না, চাওয়া মানেই পাওয়া, নয়তো চাই-চাই ব'লে গলা শুকিয়ে মরতে পারে না তো ! চাওয়া মানেই পাওয়া—বেশি-কমের কথা নেই এতে ; কেননা যার কাছে যেটা বেশি, বড়ো, সে তা-ই চায়—চাইলেই পাওয়া যায়, আর তা যদি না হয়, তবে তো না-চাওয়া ছাড়া উপায় নেই মানুষের !

ছবি ভেসে উঠলো সত্যেনের মনে। সেই যেদিন বারান্দায় দাঁড়িয়ে একটি মেয়েকে দেখেছিলো মাঠ পার হ'য়ে হেঁটে আসতে। বর্ষাকাল তখন ; নতুন এসেছে—এ-বাড়িতে ; বৃষ্টির পর রোদ উঠেছে বিকেলে। একই সঙ্গে দেখেছিলো লাল আকাশ, ছড়ানো মাঠ, আর—মেয়েটি যখন কাছে এলো, চিনলো, তার কালো চুলে হলদে রোদের ফিতে। কত আশ্রয় ছিলো তখন, নির্লিপ্ত, সুন্দরকে সুন্দর ব'লেই ভালবাসতো। আর এখন ? অগ্নি ছবি এবার। চড়তি বেলা, ব্যস্ত বাড়ি, তার মধ্যে হঠাৎ...উঠানের মধ্যে দাঁড়িয়ে—সে। কী ভেবেছিলো সবাই ? কী ভেবেছিলো, যখন সে ঐ টিকিটটা বের করেছিলো পকেট থেকে ! একটা কথা হ'লো না, ভালো ক'রে চোখেও যেন দেখলো না। অনর্থক—সব অনর্থক ! কোনো মানুষকে দেখে-দেখে আরো যদি দেখতেই শুধু ইচ্ছে করে তবে-তো তাকে না-দেখাই ভালো। তারপর, তখনই, আরো হঠাৎ তার চ'লে আসাটা—ঠিক বেরোবার মুখে ওব বাবার সঙ্গে দেখা—কী-যেন তিনি বলেছিলেন, কোনো জবাব দেয়নি, পাছে কথা বলতে দাঁড়ালেই তিনি আবার বসতে বলেন, আর সে-ও রাজি হ'য়ে যায়। বোকামি—সমস্তটাই বোকামি !

সুন্দরের ধর্মই ক্ষণিকত্ব ; সুন্দরের শর্তই এই যে নিজের জন্ত তাকে—আমরা চাইবো না। তাজমহলে বাস করা যায় না, কষ্টিপাথরের পার্বতী মন্দিরেই মানায়, পুরীতে যারা বারো মাস থাকে তারা সমুদ্রের দিকে ফিবে তাকায় না। তাই রক্তমাংসের মানুষ সুন্দর হ'তে পারে না ; যদি সুন্দর লাগে, ভালো লাগে, যে-কোনো কাবণে কোনো জ্যান্ত মানুষকে ভালো লাগে যদি, তাহ'লে তাকে আমরা চাই—চাই—আব সেই তাতাথৈ ইচ্ছায় কোথায় সুন্দর! আর তাই মানুষকে ভালোবাসতে সাবধান : কবিতা ভালোবাসো, প্রজ্ঞা ভালোবাসো, আকাশ ভালোবাসো—কিন্তু কোনো জীবন্ত মানুষকে ভালোবাসতে খুব সাবধান। এই-তো সে, সভ্য মানুষ, শিক্ষিত ভদ্রলোক, সতেবো বছরের বাচ্চা-ছেলেব মতো আকাট বোকামি ক'বে এলো তখন, আব এখন—যদিও তাব কোনো অভাব নেই, ছুঃখ নেই—যেন চেয়াবে ব'সে-ব'সে অথই জলে খাবি' খাচ্ছে।

একটা উপমা মনে এলো সত্যেনব। তীব্র দাঁড়িয়ে নদীব সুন্দর দৃশ্য দেখছিলো, ভালো লাগছিলো, আবো, আরো ভালো, যত ভালো লাগছে ততই আবো ভালো ক'বে দেখতে গিয়ে স'বে আসতে-আসতে হঠাৎ জলের মধ্যেই প'ড়ে গেছে। বাঁকা, চোবা, কুটিল, পিছল জল ; এখানে চাপ, ওখানে টান, সেখানে ধাক্কা ; যত নরম, তত নাছোড় ;—আর, যদি কখনো পায়ের তলায় মাটি ঠেকে, তাও পিছল। কিন্তু তুমি তো জানতে, সত্যেন নিজেকে নিজে বললো, তুমি কি জানতে না যে জল এ-রকম ? নিজেই উত্তর দিলো, কী ক'রে জানবো, আগে তো কখনো জলে পড়িনি। তবে

এটা তো জানতে জলের অত কাছে গেলে প'ড়ে যেতে পারে ?
এবার আর উত্তর দিলো না সত্যেন।

মরীয়া হ'য়ে হাত তুললো সে ; আঙুলের ভঙ্গি হ'লো যেন
টেবিলে পর-পর শোওয়ানো তিনটি বইয়ের উপরেরটিকে আঁকড়ে
ধরবে, কিন্তু তারপরেই সেই হাত ভিজে স্নাতার মতো
চ'লে পড়লো কোলের উপর। বথা ! বই দিয়ে মুখ লুকোবে
কার কাছে ? কার কাছে লুকোবে যে তার সমস্ত মন প'ড়ে আছে
ঐখানে, ঐ বাড়িটায়, ছ-মিনিট দূরে, কিন্তু এখন যেন পৃথিবীর
অন্য প্রান্তে। লুকোতে হবে না, আর ভাবতে হবে না, আর মাত্র
কয়েকটা ঘণ্টা, তারপরেই রাত্রি, রেলগাড়ি, অন্য দেশ। কী
আছে সেই অন্য দেশে ? শাস্তি আছে ? মুক্তি আছে ? আশ্রয়
আছে ? না—তার এই ঘরে এখন যা আছে সেখানেও তা-ই—
শূন্যতা, শুষ্ক শূন্যতা। তবু, এই যাওয়াটা একটা চেষ্টা অন্তত ;
একজন মানুষ, মাত্র একজন মানুষ যেখানে নেই, সেখানে কিছুই
নেই, এই অসম্ভব অবস্থাটাকে অস্বীকারের চেষ্টা, আর চেষ্টা কবতে
গিয়ে হয়তো তার শক্তি বাড়বে, খুঁজে পাবে নিজেরই মনের
খলিমাটির তলায় আবে পু'বোনা পাথর। কিন্তু ফিরে তো
আসবে ? তারপর আবার —? না, ফিরে এসে এ-বাড়ি ছাড়বে,
এ-পাড়া ছাড়বে, ছেড়ে দেবে কলেজে মেয়েদের ক্লাশ। দেখা
না-হ'লেই ঠিক হবে সব। শূন্যতাব ন-ন রাজ্য পার হ'য়ে আবার
ফিরে পাবে নিয়মের আরাম, অভ্যাসের আশ্রয়, তার সম্পূর্ণ সন্তা,
তার স্বাধীন মন। ঠিক, এই ঠিক !

নিজের ছাড়পত্র নিজেই লিখে, সই ক'রে, তাব একটু

হালকা লাগলো। একটু বেশি হালকা : যেন ডাক্তার বলেছে ভয় নেই, ব্যামো সারবে, কিন্তু একটি পা কেটে ফেলা চাই। তারপরেই মনে হ'লো : আর তো দেখা হবে না, তাহ'লে আজ আর-একবার—। মনে হ'তেই উঠে বসলো চেয়ারে, হঠাৎ যেন বেঁচে উঠলো, ফিরে পেলো বাস্তবের পৃথিবীটাকে। আবার যাবে ? ঐ ছপুরবেলার পর আবার ! সত্যেন মনের চোখে দেখলো সেই তিনটে ছাইরঙের মিঁড়ি, সবুজ দরজা, উল্টোদিকের নীল পরদাটা, আর সেই পরদা সরিয়ে স্বাতী এসে দাঁড়ালো ঘরের মধ্যে। কী বলবে ? কোনো কথা নেই, আর নয় তো এত কথা আছে যে কখনো শেষ হবে না। এতদিন ধ'রে এত কথার পরেও তবু-তো সব কথাই বাকি থাকলো—বাকিই থাক। কী হবে গিয়ে—সত্যেন আবার এলিয়ে পড়লো চেয়ারে—গিয়ে তো সেই চ'লেই আসতে হবে আবার।

বাড়ি, মিঁড়ি, দরজা, মিলিয়ে গেলো ; তবু দাঁড়িয়ে থাকলো স্বাতী, তার পিছনে নীল পরদাটা, শূন্য-হ'য়ে-যাওয়া বিশ্বে শুধু স্বাতী, যেমন মাঠের মধ্যে শুয়ে থাকলে মনে হয় আকাশেব গায়ে ঐ শাদা মেঘ ছাড়া কোথাও কিছু নেই। নড়লো না, সরলো না, স্থির দাঁড়িয়ে থাকলো। স্বাতীর চোখ, চোখের ভিজে-ভিজে আভা, তাও দেখতে পেলো সত্যেন—যেন অপেক্ষা করছে, কেউ কিছু বলবে ব'লে, কোথাও কিছু ঘটবে ব'লে অপেক্ষা করছে। স্বাতী অপেক্ষা করছে তার জন্ম ;—কিছু সে বলেনি, কিছু সে ভুলে গেছে ; আর সেইটে মনে পড়লে, সেইটে বলা হ'লেই সব মিটে যাবে, সব ঠিক হবে।

এতক্ষণ শূন্যতা ছিলো, অশান্তি জায়গা জুড়িলো এবাব। এটা তাব একলাব ব্যাপাব নয়; আব-একজনেবও অংশ আছে, তাব সমান-সমানই অংশ। অথচ এতক্ষণ সে নিজেব কথাই শুধু ভাবছিলো, সে কেমন ক'বে ফিবে পাবে তাব শান্ত জীবন, তা-ই ভাবছিলো শুধু, আব সেজন্য দুঃখ মেনে নিতে প্রস্তুত কবছিলো নিজেকে। তাব জীবন। আব কি তাব জীবনেব উপব কর্তৃত্ব আছে তাব? সে কি ইচ্ছে কবলেই ইচ্ছাব বিকান্ধে যেতে পাবে, যদি ইচ্ছাটাও তাব একলাব না হয়, আব-একজনেবও? নিজেকে দুঃখ দিতে পাবে, কিন্তু অন্তকে? স্বাতীকে? সে কি স্বাতীকে দুঃখ দিতে পাবে?

দাযিত্ব, দাযিত্বেব ভাব সত্যেনেব মাথা নামিয়ে দিলো কাঁধেব উপব, চোখ বজিয়ে দিলো। চেষ্টা কবলো না-ভাবতে, কিছু না-ভাবতে, একটা ঝাপসা, ঝিমোনো ছায়াব মধ্যে মিলিয়ে যেতে। কিন্তু চোখ তাকিয়ে আছে তাব দিকে, ভিজে-ভিজে আভাব চিকচিকে চোখ, বোজা চোখেব অন্ধকাৰে জেগে আছে, দেখছে তাব চোখেব ভিতবে, মনেব ভিতবে, বিঁধছে তাব শবীৰে, বিঁধছে। সেই চোখ থেকে ছাড়া পেতে সত্যেন চোখ খুলে ফেললো, আব সামনেব মেঝেটার দিকে তাকিয়ে স্পষ্ট দেখতে পেলো যে এখন একটিমাত্র উপায় আছে তাব—তাদেব—, সে-উপায় বিয়ে।

বিয়ে। কথাটা অদ্ভুত শোনালো তাব বানে। কেন, নিজেকে প্রশ্ন কবলো, এব মধ্যে বখনো কি কথাটা উকি দেযনি তোমাব মনে? হয়তো—কিন্তু তাই ব'লে সত্যি। সত্যি তো হবেই

কখনো। তাই ব'লে এখনই! তা-ই তো ভালো, সবচেয়ে ভালো—স্বাভাবিক। স্বাভাবিক? না গতানুগতিক? তাহ'লে-তো সবচেয়ে গতানুগতিক বেঁচে থাকটা।

সত্যেন একবার মনটাকে দৌড় করিয়ে আনলো তার প্রথম যৌবনের বছরগুলির উপর দিয়ে। সব অর্থেই স্ত্রীলোকবর্জিত জীবন তার। অভাববোধ ছিলো? হয়তো, কিন্তু অধৈর্য ছিলো না। অনেক দেখেছে সহপাঠীদের মধ্যে—যুবতীদের সঙ্গ পেতে অন্তহীন উত্তম তাদের। আরো সাহসী যারা, তাদেরও দেখেছে। বীবদেব বিক্রম মেনে নিয়ে নিজেকে বাজে খরচ না-ক'রে ঐ বছরগুলি সে কাটিয়ে দিতে পেরেছিলো কিসেব জোরে? অন্যদের চেয়ে সে ভালো ব'লে না—ঈশ্বর জানেন—বুদ্ধিমান ব'লেও না। নিঃসাড় ব'লে তো নিশ্চয়ই না; তার কারণ বোধহয় ঐ যে অল্প বয়স থেকে কবিতা প'ড়ে-প'ড়ে এ-বিষয়ে একটা কল্পনা জেগেছিলো তার, আর সেই কল্পনাব কাছে গোপন, খুব গোপন একটা প্রতিজ্ঞায় সে আবদ্ধ ছিলো। কখনো মনে হয়েছে সেই কল্পনাব ছবি হয়তো কোনো মানুষের মধ্যে দেখবে, কিন্তু তার মধ্যে বিবেক কোনো কথা ছিলো না, অন্তত বাধ্যতা ছিলো না। বিয়ে? না-ই বা হ'লো—আর হয় যদি তো হবে কোনো-একদিন। এইরকমের হালকা টোকাই এতদিন সে কথাটাকে মনের এ-পাশ থেকে ও-পাশে সরিয়ে দিয়েছে; কিন্তু এখন আর পারলো না, কথাটা হঠাৎ কাঁটার মতো এঁটে বসলো।

হঠাৎ? হঠাৎ ব'লে কিছু নেই, সবই আমরা ইচ্ছে ক'রে স্মৃতি। বলো, সত্য বলো, তিন বছর আগে এক সকালবেলায়

কলেজের ক্লাশ-ঘরে বই থেকে চোখ তুলে তুমি কি তোমার কল্পনার ছবি বাস্তবে দেখেছিলে? না কি এই তিন বছরে একটু-একটু ক'রে তুমি তোমার কল্পনাকেই ছেঁটে-কেটে মিলিয়ে নিয়েছো তার সঙ্গে? বলো, কবুল করো, এটা কি আকাশ থেকে পড়লো তোমার উপর, না কি তুমিই দিনে-দিনে এটাকে বানিয়েছো, তারপর খড়-মাটি-রঙের মধ্যে প্রাণ দিয়েছো তুমি! শুধু আমি? ছ-জনেই, ছ-জনেই; ছ-জন ছাড়া কি হয়? কিন্তু ছ-জন আর কোথায়; ছ-জনের এখন এক জীবন; এখন তোমরা এক।

সত্যোনের মেরুদণ্ড বেয়ে শিউরানি নামলো ঠাণ্ডা। তারা এক! কখনো আর আলাদা হবে না! আর তার মানেই বিয়ে? হৈ-চৈ, পৈতে-পরা মূর্থ পুরুষ, নতুন ফার্নিচারের মদ-মদ গন্ধ! ছ-জনের মধ্যে যা জন্মালো, বড়ো হ'লো, সেই জীবন্ত সুন্দরকে ঢোল পিটিয়ে বিশ্বসংসাবে রটানো! কিন্তু তা ছাড়া আর উপায় কী? আর কোন উপায় আছে যাতে চোখ ভ'বে দেখা যায়, সব কথা বলা যায়, চ'লে আসতে হয় না! আর কোন পথ আছে যাতে ফিরে আসা নেই?

প্রশ্নটি একটু-যেন ভেসে থাকলো তার মনের উপর, কোনোদিক থেকে কোনো উত্তর না-পেয়ে আস্তে ডুবে যেতে লাগলো, আর তখনই মস্ত ঘোলা ঢেউ তুলে ফিরে এলো সব—সেই সব, তার রাঁচির টিকিট; ছ-বার ক'রে বিদায় নেয়া, তার একটু আগের কত-কিছু সংকল্প। কোনটা? তাকে মনস্থির করতে হবে—আজই; এখনই। যদি যায়, সেটা শুধু কলকাতা ছেড়ে

বেড়াতে যাওয়া হবে না, ছেড়ে যেতে হবে এই সমস্তটা জীবন, যে-জীবন তার—হ’তে পারতো, হ’তে পারে। আর আজ যদি না যায়—তাহ’লে আর দেরি করতেও পারবে না। কোনটা ?

সত্যেন চেয়ার ছেড়ে উঠলো। মনে হ’লো তার শরীরের কোনো ওজন নেই, মেঝের উপর দিয়ে ভেসে-ভেসে চ’লে যাচ্ছে। শোবার ঘবে এলো, আয়নার সামনে চুল আঁচড়ালো, অচেনা লাগলো নিজের মুখ। ব’সে-ব’সে আর ভাবতে পারে না—বাইরে, যেখানে হয়, কাটিয়ে আসবে, আরো-তো কয়েক ঘণ্টা সময় আছে, অন্তত কয়েকটা ঘণ্টা তাকে নিশ্চিত কিছু করতে হবে না। পকেটে টাকা নিলো ; হঠাৎ মনে পড়লো শিলং, যেদিন শেষ চিঠিটা পেয়েছিলো, আর পেয়েই ট্রেন ধরতে ছুটেছিলো। সেদিনই বুঝেছিলো আজকের মতো একটা দিন আসবে, আসবেই। সব বুঝেছে, সব জানে, স্বাভাবিক জানে, ও-বাড়ির সকলেই বুঝেছে এতদিনে—এতক্ষণ শুধু ভাগ, নিজের কাছে নিজের মান বাড়ানো। যা-ই করুক, যা-ই ভাবুক, পাববে নাকি এখন কলকাতা ছাড়তে ? পাববে না ? নিশ্চয়ই পারবে ! সত্যেন বেগে বেরিয়ে এলো রাস্তায় ; দ্রুত হাঁটলো রাস্তার বাঁ দিক ঘেষে, ডান দিকের গলিটার দিকে—শাদা একতলাটার দিকে—ফিরেও তাকালো না ; সোজা চ’লে এলো ট্রাম-রাস্তায়, ট্রামে উঠে একেবারে এসপ্লানেড।

মেট্রো সিনেমার সামনে দাঁড়ালো, যেন সে এ-জন্তাই এসেছে। সেখানে টিকিট না-পেয়ে এলো অন্ত-একটায়, ঢুকে পড়লো।

ছবি আরম্ভ হ'য়ে গেছে তখন। ঘরের নীলচে অন্ধকার, অতগুলি একভাবের মানুষ, আর পরদার উপর কড়া আলোয় দেখানো ছায়া-ছবি—সব মিলিয়ে একটু উপশম আনলো তার মনে। নিবিষ্ট হ'তে চেষ্টা করলো। ছুই বন্ধু একই মেয়েকে ভালোবাসে; একজনকে সে বিয়ে করলো, আর-একজন দেশ ছাড়লো নাবিক হ'য়ে। সময় কাটলো। নাবিক ফিরলো, আবার দেখা হ'লো, আর দেখামাত্র তার প্রেমেই প'ড়ে গেলো মেয়েটি। নাবিক কিন্তু বন্ধুকে ঠকাতে রাজি না; এদিকে স্বামী ব্যাপার বুঝে সাস্থনা খুঁজলো এক নাচওয়ালিতে, তাতে আবাব স্ত্রীর আঁতে ঘা লাগলো। টানা-পোড়েন চললো; সময় আর কাটে না। সত্যেনের মনে হ'তে লাগলো চেয়ারটা তেমন আবামের না, লোকেরা বড্ড কাশছে, এবার-তো শেষ হ'লেই পারে। যুদ্ধ বাধলো—সব সমস্যার সমাধান—স্বামী আকাশে পাইলট, নাবিক ডুবো-জাহাজে কাপ্তান, আব ছুই বোবের ফোটোগ্রাফ নিয়ে জুয়েটি গদগদ—এবার গড সেভ দি কিং বাজলেই হয়; কিন্তু সত্যেন তার আগেই উঠলো, বেরিয়ে এলো মিটমিটে চোখে হলদে-হওয়া রোদ্দুবে। এখনো এত বেলা! তাহ'লে—? আচ্ছা, এক পেয়ালা চা। চৌবন্ধিতে এসে প্রথম যে-বেস্তারটা পেলো, সেটাতেই ঢুকে পড়লো।

সে বসতেই পাশের টেবিল থেকে একজন ব'লে উঠলো, 'আ-রে! সত্যেন!'

সত্যেন মুখ ফিরিয়ে দেখলো, মটন-চপের গায়ে কাঁটা বিঁধিয়ে তার দিকে তাকিয়ে আছে কিরণ বস্তু। কিন্তু যে-কিরণকে

সে চিনতো, যে তার সঙ্গে চার বছর কলেজে পড়েছিলো, সেই খদ্দরপরা খোঁচাদাড়ি কিরণ বক্সি না ; গরদের পাঞ্জাবি, সোনার বোতাম, ফিটফাট চুল ; সবস্বন্ধু একটা একদম-নতুনের চোখে-পড়া চকচকানি ।

‘এসো না এই টেবিলেই !’ কিরণ অগ্নি হাতটা শূন্যে নাড়লো । আর সত্যেন তার মুখোমুখি চেয়ারটায় বসতে-না-বসতেই আবার বললো, ‘কতকাল পব দেখা ! তারপর—কী-খবর ?’

‘খবর-তো তোমার,’ সত্যেন একচোখ তাকালো কিরণের গালের দিকে—দাড়ি তো কামায়নি, যেন ছাল ছাড়িয়ে নিয়েছে, আবার পাউডরও !—‘কী-ব্যাপার ?’

‘আর বোলো না ভাই, একটা কাণ্ড হ’য়ে গেলো এর মধ্যে,’ বলতে-বলতে কিরণের দুই চিকচিকে গালে হাসির দুটি বড়ো-বড়ো ভাঁজ পড়লো ।

‘কবে ?’

‘ষোলোই শ্রাবণ ।’ কিরণ গম্ভীর গলায় দিন-ক্ষণ জানানো, যেন তার বিয়ের তারিখটা সত্যেনের কাছেও—সকলের কাছেই—বিশেষ-একটা দিন । ‘তোমাকে খবর দিতে পারিনি—বড্ড হঠাৎ—আর কোথায় আছো তাও ঠিক—’

‘তাতে কী হয়েছে । চপটা খাও ।’

‘হ্যাঁ, এই-যে । তুমি—তুমি কী খাবে, বলো ।’

‘চা ।’

‘আর...কিছু না?...কিছু না ? কিছু খাও ! যা তোমার ইচ্ছে । আমি খাওয়াচ্ছি !’

সত্যেন একটু হাসলো।

‘আহা—খাও না কিছু!’ কিরণ সহৃদয়তায় উদ্বেল হ’লো, চপ-কটলেট ভালো না লাগে অথু কিছু? স্যাণ্ডউইচ? কেক? ঠক—কেকটাই তোমার পছন্দ—মনে নেই কর্নফুলি কেবিন?’

সত্যেন ভাবলো, কিরণ যে-রকম বলছে সে-রকম ঘনিষ্ঠতা ওর সঙ্গে কখনো আমাব ছিলো কি? আর স্নেই ফাঁকে কিরণ হাঁক দিলো, ‘বোয়!’

বোয় এনে সত্যেনের সামনে কেক বাখলো, কিশমিশঘন পুষ্ঠ একটি আধো-চাদ। কিরণ খুশি হ’য়ে বললো, ‘বে-শ! একা ব’সে খেতে কি ভালো লাগে!’

‘একাই তো খাচ্ছিলে।’

‘তুমি তো আসোনি তখন।’ এতক্ষণে নিশ্চিত হ’য়ে কিরণ ফিবে গেলো তার মটন-চপে—আব আগের কথায়। চিবোতে-চিবোতে বললো, ‘হ্যাঁ, বন্ধু-বান্ধব অনেকেই বাদ প’ড়ে গেলো। আব দেখাশোনাও হয় না—সবাই ব্যস্ত—বেশ ছিলো স্টুডেন্ট-লাইফটা—কী বলো?’ ব’লে পিঠ-চাপড়ানো হাসলো।

সত্যেন বললো, ‘তোমার ওকালতি কেমন?’

‘আর সে-কথা! আলিপুর্বে বেরোচ্ছিলাম—ট্রামভাড়াটাও পোষাতো না। এখন ইনকম-ট্যাক্স ধরেছি, এটাতে একটু আশা হচ্ছে—আমার শ্বশুর আবার আই. টি. ও. কিনা।’

‘আই. টি. ও.?’

‘ইনকম-ট্যাক্স অফিসার। বুঝেছো না—ওটা একটা মন্ত

ব্যাকিং! আর ইনকমট্যাক্সের প্র্যাকটিসে পয়সাও চটপট।—
ইশ, একটু ধার নেই ছুরিটায়।’

‘কেনই-বা ও-সব হাঙ্গামা। হাত দিয়েই খাও,’ সত্যেন
আঙুলে ভেঙে একটু কেক মুখে দিলো।

‘সত্যি! ছুরি-কাঁটা দিয়ে কিছু কি ঠিকমতো খাওয়া যায়!’
কিরণ ও-সব সরিয়ে রেখে হাত লাগালো, কিন্তু একটু পরেই
ব’লে উঠলো, ‘এঃ!’

‘কী হ’লো?’

কিরণ ভরামুখে দুঃখীমুরে বললো, ‘ঝোল প’ড়ে গেলো
পাঞ্জাবির হাতায়!’

সত্যেন তাকিয়ে দেখলো কিরণের মুখে একটা সত্যিকার
হায়-হায় ভাব। তার জামার হাতার দিকে চোখ নামিয়ে বললো,
‘কই, বোঝা তো যাচ্ছে না কিছু।’

‘যাচ্ছে না?’ মুখের মটনটা ভালো ক’রে না-চিবিয়েই কিরণ
গিলে ফেললো। হাতটা উঁচু ক’রে ঘুরিয়ে-ঘুরিয়ে দেখতে লাগলো,
তার আংটির হিরে ঝিলিক দিলো সত্যেনের চোখে। একটু পরে
বললো, ‘এখন জামার রঙে মিশে আছে, কিন্তু শুকোলেই—; ধুয়ে
ফেলবো এখনই?’

সত্যেন বললো, ‘না, না; তাতে আরো ছড়াবে, আর ইপ্তিও
নষ্ট হবে।’

‘ঠিক! তাহ’লে এই থাক—কী বলো? ইশ্শু!’ গরদের
উপর ঈষৎ ভারি-রঙের ক্ষুদ্র বিন্দুটির দিকে শোকের চোখে শেষবার
তাকিয়ে কিরণ হাত নামালো, ঠিক হ’য়ে বসলো। অনেকটা

নিস্তেজ গলায় বললো, ‘তারপর—তুমি তো, সেই কলেজেই—
এখন কোথেকে?’

‘একটা ফিল্ম দেখে এলাম।’

‘কোনটা?’

সত্যেনের মনে পড়লো যে ফিল্মটার নাম সে জানে না, বাইরের
দেয়াল-ছবিও লক্ষ্য করেনি। অগত্যা হাউসটার নাম করলো।

‘ও। “এণ্ডস মীটিং” দেখে এলে? কেমন?’

‘মন্দ না।’

‘ভালো শুনেছিলাম—জ্যানেট গ্রীন আছে—আমার আর
দেখা হ’লো না।’

‘কেন?’

‘আর বোলো না। অনীতা আবার বাংলা ফিল্মের পোকা—
অনীতা আমার স্ত্রীব নাম। কেমন নাম?’

‘অমিতা খুব ভালো নাম।’

‘অমিতা না, অ-নীতা।’ কিরণ আওয়াজ ক’রে হেসে উঠলো।
‘সবাই এ-ভুলটা করে। বেশ নতুন—না?’

সত্যেন বললো ‘হ্যাঁ।’ ভাবলো, মা-বাবারা একটু ভেবে-চিন্তে
নাম রাখলে তো পারেন, যাতে একটা মানে অন্তত হয়। অনিলেন্দু
আর অনীতায় দেশ-তো ছেয়ে গেলো।

‘হ্যাঁ—ঐ বাংলা ফিল্মগুলো, জানো-তো, ছু-চক্ষের বিষ আমার,
কিন্তু কী করবো, দায়ে প’ড়ে যেতেই হয়—এই সপ্তাহেই দুটো
হ’য়ে গেলো। আর এও ভাবি যে আমরা কেউই যদি না
যাই, তাহ’লে একটা দিশি ইণ্ডাস্ট্রি গ’ড়েই-বা উঠবে কী ক’রে।’

সত্যেন বললো, ‘সে-তো ঠিক।’

‘না হে, বিয়ে করলে আর স্বাধীনতা থাকে না। এই-তো এই ছুটিটা—ছুটিতে-তো মানুষ একটু বিশ্রাম করে—আমার কেটে যাচ্ছে কেবল শ্বশুরবাড়ির আত্মীয়দের বাড়ি ঘুরে-ঘুরে। এখন যেতে হবে ছু-জায়গায়; প্রথমে ক্রীক রো, সেখান থেকে ফড়েপুকুর; এক বাড়িতে অসুখ, আর-এক বাড়িতে এক বৌদির নতুন বাচ্চা হয়েছে—কেমন আছে-টাছে এই আরকি।’ খুব যেন বিরক্ত ভাব ক’রে কিরণ প্লেটটার দিকে তাকালো, তারপর চপের শেষ অংশটুকু মুখে পুরলো।

সত্যেন বললো, ‘সেইজন্য মজবুত হ’য়ে নিচ্ছে?’

‘হ্যাঁ—তা—তা বলতে পারো!’ কিরণ খুব হাসলো কথাটা উপভোগ ক’রে।

‘কিন্তু একা যে?’

কিরণের হাসিমুখ নিমেষে গম্ভীর হ’লো। একটু নিচু গলায় বললো, ‘সেই তো! সব ঠিকঠাক, মা-র হঠাৎ শখ উঠলো বৌকে নিয়ে কোথায় বেড়াতে যাবেন। বোয়!’ রাগি আওয়াজে হাঁক দিলো, ‘ফিঙ্গার! বোল।’

‘তাই বুঝি রাগ ক’রে বাড়িতে চা খাওনি?’

কিরণ জলের বাটিতে আঙুলে আঙুল ঘ’ষে হাত পরিষ্কার করলো। রুমালে মুছে বললো, ‘মায়ের কোনো কাণ্ডজ্ঞান নেই, আর জীরা—তঁরা সকলকে খুশি রেখে চলবেন—তোমাকে ছাড়া। ডাখো-না, অসুখও এমন-কিছু না, বাচ্চার মা-ও ভালো আছে—আমার একলা যাবার কি কোনো মানে হয়? কিন্তু

না যদি যাই—’ কিরণ মাথা নাড়লো, ঠাণ্ডা-হ’য়ে-ফাওয়া চা-টা এক টোকে গিলে কথা শেষ করলো, ‘বেশ আছে হে, বেশ আছে !’

সত্যেন একটু পরে বললো, ‘তোমার হয়েছে ?’

‘হ্যাঁ—চলো। কেকটা তো খেলেই না, দেখছি—বিল কিন্তু আমি।’ কিরণ বিল মিটিয়ে উঠলো, আস্তিন সরিয়ে সোনার কজ্জিঝড়ি দেখলো। তার চোখের ভাব বদলে গেলো একটু, আপশোষের ছোট্ট আওয়াজ বেরোলো।

সত্যেন বললো, ‘ওটা কিন্তু চোখেই পড়বে না কারো, যদি-না তুমি দেখিয়ে দাও।’

‘হ্যাঁঃ !’ কিরণ সোজা হ’য়ে দাঁড়ালো, ন’ড়ে-চ’ড়ে বললো, ‘আর কাচালে তো উঠেই যাবে।’

‘হ্যাঁ, কাচালে নিশ্চয়ই উঠবে,’ সত্যেন আগে রাস্তায় নামলো। ‘তুমি-তো এখন ক্রীক রো ?’

‘আব বলো কেন !’ কিরণের গালে আবার হাসির ভাঁজ পড়লো। চৌরঙ্গি পার হ’তে-হ’তে বললো, ‘তা তোমার খবর তো কিছুই শোনা হ’লো না। সেই মেস-এই-—?’

বেদম আওয়াজে একটা লরি গেলো ; জবাব দেবার দরকার হ’লো না।

‘বেশ লাগলো তোমার সঙ্গে দেখা হ’য়ে,’ কিরণ কথা চালালো। ‘এসো না একদিন আমার ওখানে—মনে আছে তো সর্দার শঙ্কর রোড ?—কালই এসো না, অনীতাও খুশি হবে খুব ! এসে চা খাবে বিকেলবেলা, ঠিক ?’

ফুটপাতে উঠে সত্যেন বললো, ‘খুব সুখের কথা, কিন্তু আমি আজ রাঁচি চ’লে যাচ্ছি।’

‘রাঁচি যাচ্ছে? তা যাবেই-বা না কেন—স্বাধীন মানুষ তুমি— আর আমরা এদিকে—এই-যে তিন নম্বর বাস্। তাহ’লে ফিরে এসে—মনে থাকবে তো? আচ্ছা—’ কিরণ তাড়াতাড়ি বাস্-এ উঠে পড়লো, জানলায় হাত নেড়ে বিদায় নিলো আর-একবার।

বাস্টা চ’লে গেলো, সত্যেন দাঁড়িয়ে থাকলো সেখানেই।— দিন চলেছে; পশ্চিম-খোলা চৌবঙ্গি সোনাব পাতের মতো জ্বলজ্বলে, এক-একটা দোকানের কাচের জানলায় রোদ ঠিকবে চোখ ধাঁধিয়ে দিচ্ছে। দাঁড়িয়ে-দাঁড়িয়ে দেখতে লাগলো গাড়িবে শ্রোত, একটার পর একটা বাস্-এর দাঁড়ানো, চ’লে যাওয়া। রোদের রং ঘন হ’লো, ল্যাম্পপোস্টের ট্যারচা ছায়া ফুটপাত পেবিযে ফ্যাকাশে হ’য়ে দোকানের সিঁড়িতে উঠলো। সত্যেন ফিবলো ট্রাম-স্টপের দিকে, পশ্চিমে মুখ ক’বে দাঁড়ালো। সবুজ ছড়িয়ে আছে ময়দান, সোনাঁলি; ঘাস, গাছ, রাস্তা, বেঞ্চি, বাচ্চাদের খেলা, পাথরের মূর্তি, সব নিয়ে সোনাঁলি; কমলাবগ্গেব, লালচে, দূরে আবছা চিপির মতো ফোর্টটাকে স্পষ্ট দেখা গেলো পলকে, ইডেন-গার্ডেনের দিকটা সবুজ থেকে নীলচে হ’লো। সত্যেন দাঁড়িয়ে-দাঁড়িয়ে দেখতে লাগলো একটার পর একটা ট্রামেব দাঁড়ানো, চ’লে যাওয়া। আয়ারা আড্ডা ছেড়ে উঠলো, বিলেতি বাচ্চাদের ঘরে ফেরা শুরু হ’লো, দূরে একটি মূর্তির কালো পাথবে হঠাৎ রক্ত-রঙের রোদ পড়লো। কক শব্দ উঠলো তার মাথাব

উপর, পাখি উড়ে এসে বসলো সামনের গাছটায়। সত্যেন
ট্রামে উঠে পড়লো।

‘ছোটোমাসি, যাবে না?’

‘হ্যাঁ, চলো!’

‘চলো না!’

স্বাতী বললো, ‘চলো।’

তাতা বললো, ‘কখন থেকে চলো চলো বলছো! সন্ধে হ’য়ে
গেলো না এদিকে?’

শ্বেতা বললো, ‘আঃ! কেন বিবক্ত কবিস ছোটোমাসিকে!’

আতা ঠোট ফুলিয়ে বললো, ‘বা রে! ছোটোমাসিই তো
বলছিলো কাল—’

স্বাতী শাড়িটা ঘুবিয়ে প’বে নিলো, চুলে চিরুনি ছোঁওয়ালো,
হু-জনকে নিয়ে বেরিয়ে পড়লো বাড়ি থেকে।

‘আজ চিলড্রেন্স পার্কে, ছোটোমাসি!’

স্বাতী বললো, ‘আজ চলো ঐ মাঠটায়।’

‘না, ছোটোমাসি—’

‘একটা শিউলি গাছ আছে ওখানে। বেশ ফল কুড়াবে।’

‘ওঃ, শিউলি! কত শিউলি আমাদের মৈমনশিঙে! শিউলি
দিয়ে কী হবে!’

‘কী দিয়েই বা কী হবে তাহ’লে?’ তাতার কথা উড়িয়ে
দিলো আতা। ‘আমার খুব ফুল কুড়োতে ভালো লাগে।
চলো!’

ছোটোমাসির মুখের দিকে একপলক তাকিয়ে তাতা বললো, ‘আমি অনেক বেশি কুড়োবো দিদির চেয়ে—দেখো! একটু জোরে হাঁটো, ছোটোমাসি।’

ছুই বোনঝিকে দু-পাশে নিয়ে স্বাতী মাঠে এলো। মাঠ আর নেই, পাড়া হ’য়ে গেছে। লাল শুড়কির রাস্তা, ইলেকট্রিকের তার, টাটকা-রং-করা ছোটো-ছোটো বাড়ি; কোনোটা এখনো হচ্ছে, কোনোটা শেষ হ’য়েও খালি, কোনোটায় শেষ না-হ’তেই লোক এসে গেছে; আর তার সেই অনুকূল-কাকার বাড়িটার—ভাড়াটে আছে সেখানে—বাইরের শাদা রঙে কালচে ধরেছে এর মধ্যেই। না, মাঠ নেই, তবু মাঝে-মাঝে ফাঁকা, আর একেবারে পশ্চিমটায় খানিকটা মাঠ আছে এখনো। জায়গাটা কেমন ছিলো আগে, তিন বছর আগে? কিন্তু এটাই-যে সে-জায়গা তা আর মনে হ’লো না স্বাতীর: সেই মস্ত মাঠ, ঘন গাছ—বাড়ির জানলা দিয়েই দেখতে পেতো তখন—সে-সব বদলে-বদলে এখন এই হয়েছে তা যেন ঠিক না, সে-সবও আছে, অণু কোথাও আছে, চিরকাল থাকবে সেখানে। নিজের পাড়ায় নিজেকে তার আগন্তুক লাগলো, শুড়কির রাস্তা পার হ’লো তাড়াতাড়ি, বাড়িগুলির দিকে আর তাকালো না; পশ্চিমের এবড়োখেবড়ো মরা ঘাসের মাঠে এসে দাঁড়ালো।

‘কই, ছোটোমাসি, শিউলি গাছ?’

‘এই-যে।’

‘ও মা, এ—ই! দিদি, আমাদের সেই পুকুর-পাড়ের শিউলি গাছটা! কত বড়ো!’

আতা সঙ্গে-সঙ্গে বললো, ‘মোটেও না ! মোটেও খুব বেশি
বড়ো না !’

‘বড়ো না ! ছাখো দিদি—’

স্বাতী বললো, ‘ঐ ছাখো ফুল প’ড়ে আছে ।’

‘কই ?’

‘খুঁজলেই পাবে ।’

‘ছোটোমাসি, তুমি তুলবে না আমাদের সঙ্গে ?’

‘আমি এখানে দাঁড়িয়ে থাকি ; দেখি তোমরা কে কত
মানতে পারো ।’

স্বাতী দাঁড়িয়ে-দাঁড়িয়ে দেখতে লাগলো—কখনো আতা-
তাতাকে, কখনো অন্য সব দিকে । জায়গাটা সুন্দর না, বরং উণ্টো,
কিন্তু তারও কেমন-একটা ছবি হয়েছে । একটা দিক গাছপালায়
কালো, আবার আর-একদিকে রসা রোডের উচু উচু ছাতও দেখা
যাচ্ছে, আর ঐ কোণে কয়েকটা শুপুরি গাছের ছাত-ছাড়ানো
ঝাকড়া-মাথায় সূর্যাস্তের একটু রং আটকে আছে এখনো ।
স্বাতীর চোখের সামনে একটা দিন, আরো-একটা দিন
আস্তে-আস্তে ম’রে গেলো । জায়গাটার চেহারা বদলে গেলো
চমৎ ; আলো নেই ; কেউ নেই ; শূন্য । আশ্বিন মাসে যেমন
হয়, সারাদিনের ঝকঝকে গরমের পর শীত-করা কুয়াশার সন্ধ্যা
হুঁখু মুখে পাশে এসে দাঁড়ালো । স্বাতী ডাকলো, ‘আতা !
তাতা !’

‘যা—ই ।’

স্বাতী ওদের কাছে গিয়ে বললো, ‘বাড়ি এবার ।’

‘না ছোটোমাসি, আর-একটু,’ ব’লে আবার অন্য দিকে ম’রে গেলো ওরা।

স্বাতী আবার একটু পরে ডাকলো ওদের। আতা আগে এসে বললো, ‘বেশি ফুল নেই ছোটোমাসি, এই ক-টা মোটে পেলাম। আর যা ধুলো আর ময়লা!’

তাতা তগুনি ছুটে এসে বললো, ‘এই দ্বাখো আমি বেশি পেয়েছি! কেমন, বেশি না?’

‘অনে—ক বেশি!’ কিন্তু স্বাতীর গলায় কিশোর উৎসাহ ঠিক ফুটলো না।

‘কোথায় রাখি, ছোটোমাসি, ফুলগুলি?’

আতা বললো, ‘আমাকে দে। আঁচলে বেঁধে রাখি সব।’

‘না! আমারটা তুমি রাখো, ছোটোমাসি।’

স্বাতী হাতের মুঠোয় ফুল নিয়ে বললো, ‘চলো।’

আতা বললো, ‘বাড়ি তো ওদিকে।’

‘চলো একটু ঘুরেই যাই।’

‘হ্যাঁ—তা-ই ভালো! জানো ছোটোমাসি, এখানকার শিউলি কেমন রোগা-রোগা। আর আমাদের সেই পুকুরপাড়ের শিউলিতলা—ঈশ! তুমি যদি একবার দেখতে, ছোটোমাসি!’

মাসির হাত ধ’রে আতা তাড়াতাড়ি বললো, ‘তুমি বুঝি ফুল খুব ভালোবাসো। আচ্ছা, কোন ফুল তোমার সবচেয়ে ভালো লাগে?’

‘আমি জানি!’ স্বাতীর অন্য পাশে ব’লে উঠলো আতা।

‘তুমি চুপ করো তো দিদি! বলো ছোটোমাসি, কোন ফুল?’

‘কোন ফুল ?...কোন ফুল ?...’ স্বাতী হঠাৎ থামলো ; শুধু কথায় না, চলাতেও থামলো । একটা দূর আওয়াজ শোনা গেলো, গুমগুম । আতা তাতাও থামলো ।

আতা বললো, ‘কী হ’লো ?’

‘শুনছো ?’

‘ও-তো ট্রেন !’ একটু পরে আতা আবার বললো, ‘তাতে কী ?’

তাতা বললো, ‘ট্রেনের শব্দ তো রোজ শুনি আমরা !’

আতা বললো, ‘বাস্তায় বেবোলে দেখাও যায় কত সময় । টালিগঞ্জের ব্রিজটা কী মজাব ! নিচে ট্রাম, উপরে রেলগাড়ি ! একদিন বেল-লাইনে উঠবে, ছোটোমাসি ?’

স্বাতী কথা বললো না, নড়লো না । নড়তে সে পাবে না— তাব তা-ই মনে হ’লো—যতক্ষণ-না শব্দটা মিলিয়ে যায় । হাতের মুঠো শক্ত হ’লো তাব : ভাবলো, ফলগুলো নষ্ট হচ্ছে । শব্দের একটা পাঁচানো স্রোত লম্বা হ’য়ে খুলতে-খুলতে ফুরিয়ে গেলো । স্বাতী বুঝলো তার চোখে জল আসছে—আসতে দিলো, অন্ধকার হ’য়ে গেছে ততক্ষণে ।

‘চলো, ছোটোমাসি !’

স্বাতী আবার হাঁটলো, তাডাতাড়ি এবার, কিন্তু বাড়ির— সেই বাড়ির—আরো কাছে এসে মূছ, আরো মূছ হ’লো তার চলা । দরজা বন্ধ, ঘর অন্ধকার । উপরতলায় আলো জ্বলছে ; একতলাটা বন্ধ, অন্ধকার ।

‘উঃ !’ তাতা চৈঁচিয়ে উঠলো । ‘দিদি আমার পা মাড়িয়ে দিলো !’

‘তুই অমন পায়ে-পায়ে হাঁটিস কেন ?’

‘শোনো ছোটোমাসি—’ তাতা আখুটে গলায় আরম্ভ করলো, কিন্তু মাসির মুখ দেখে থেমে গেলো। একটু পরে একেবারে অগ্নি সুরে বললো, ‘একটা কথা শোনো, ছোটোমাসি।’

মাসি তাকালো তার দিকে।

তাতা ফিশফিশ ক’রে বললো, ‘এইটে তোমার সত্যেনবাবুব বাড়ি না ?’

স্বাতী মাথা নাড়লো।

‘আছেন এখন বাড়িতে ?’

আতা হেসে উঠলো, ‘কেন ? তুই যাবি নাকি ?’

দিদিব এই একটা কথা তাতা বিনা-জবাবে ছেড়ে দিলো, উপবেব দিকে তাকিয়ে তেমনি ফিশফিশ গলায় বললো, ‘আছেন বোধহয়।’

আতা বললো, ‘দূব বোকা ! উপবে তো অন্তেরা থাকে। আর ফিশফিশ কবছিস কেন ও-বকম ? যেন কী-একটা ভীষণ গোপন কথা !’ আতা আবাব হাসলো।

‘তুমি চুপ কবো-তো দিদি !’ তাতা বেশ গলা চড়ালো এবাব।

‘চল এখন !’ আতা তাড়া দিলো বোনকে। ‘রাস্তাব মবো আব দাঁড়িয়ে থাকতে হবে না !’

বাকি পথটুকু তর্ক করতে-করতে এলো ছ-বোনে। স্বাতী তাদের গলা শুনলো, একটা কথা বুঝলো না। হঠাৎ মনে পড়লো : ফুলগুলো ? আছে হাতে। বন্ধ, অন্ধকার। ট্রেন কখন ? হাতটা ঘামছে। ফুলগুলি বাঁ হাতে নেবো ?

আতা তাতার গলা থেমে গেলো হঠাৎ । স্বাতীর কাপড়ে টান পড়লো ।

‘কী ?’

আগের চেয়েও ফিশফিশ গলায় আতা বললো, ‘ছোটোমাসি—’ স্বাতী তাকিয়ে দেখলো, সামনেই বাড়ি। আর সিঁড়ির ধাপে দরজার ধারে সত্যেন। দরজায় আঙুলেব টোকা পড়লো তিনবার ।

আতা নিচু গলায় বললো, ‘কী বে। কেউ শুনতে পায় না ? আমি যাই ওদিক দিয়ে—’

‘আমিও!’ তাতা ছুটলো আতার পিছনে। সত্যেন ফিরে তাকালো। স্বাতী তিনটি সিঁড়ি উঠলো।

সত্যেন বললো, ‘আবাব এলাম।’

স্বাতী কিছু বললো না।

সত্যেন বললো, ‘এলাম মানে—মানে আসতেই হ’লো।’

স্বাতী কিছু বললো না। একটু চুপ ক’রে থেকে সত্যেন আবার বললো, ‘আসতেই হ’লো। না-এসে পারলাম না। তা—আমার বোধহয় সময় হ’লো এদিকে।—আচ্ছা—’

স্বাতী বললো, ‘না।’ হাত থেকে কয়েকটা শিউলি তার পায়ের কাছে পড়লো। আবাব বললো, ‘না। যেয়ো না।’ ভিতর থেকে দরজা খুলে গেলো।

শীতের ছোটো দিন দেখতে-দেখতে ফুরোলো, সন্ধ্যা নামলো।
ছটি ঘরের মাঝখানকার দরজায় দাঁড়িয়ে তরুলতা বললেন, ‘সতু,
এবার তৈরি হ’য়ে নে।’

সত্যেন হাসলো। আজ দিনের মধ্যে যতবার মামিমা তাকে
‘সতু’ ব’লে ডেকেছেন, ততবার ঐ একটু হাসি ফুটেছে তার ঠোঁটে ;
ঠাট্টার হাসি, আবার যেন অগ্নি কিছুরও। ভাবতে কেমন মজাই
লাগে যে তাকে ‘তুই’ বলবার, ‘সতু’ ব’লে ডাকবার এখন এই
মামিমা ছাড়া বলতে গেলে কেউ নেই।

সত্যেন বললো, ‘তৈরি আবার কী।’

কিরণ বক্সি গম্ভীর চোখে তাকালো।—‘সাজবে না ?’

‘সাজবো কেন ? আর সেজেই তো আছি।’

‘এই ?’ সত্যেনের মুখ থেকে নিচের দিকে চোখ নামিয়ে
আনলেঃ কিরণ, আবার উপরে তুলে বললো, ‘তুমি এখনো
আলোতে ঠোঙা পরাওনি দেখছি।’

‘কী হবে ?’

‘আমিও তাই বলি—কী হবে ! কিন্তু আমাদের পাড়ায়
এ. আর. পি-র ছোঁড়াগুলোর যা তড়পানি ! না হে,’ কিরণ
আর-একবার উপরদিকে তাকালো, ‘আলোটা বাইরে যাচ্ছে।
জানলাটা বরং ভেজিয়ে দিই।’

‘আরে বোসো, বোসো।’

কিরণ উঠে জানলা ভেজিয়ে দিলো। ফিল্মে এসে একটু নিচু গলায় বললো, ‘জাপানিরা নাকি বর্মায় ঢুকে গেছে, রেঙ্গুনে বোমাও পড়েছে কাল।’

কিরণ প্রশ্নের সুরে কথা শেষ করলো, তাই সত্যেনকে বলতে হ’লো—‘তা হবে।’

‘সুবিধে ঠেকছে না ব্যাপারটা।’ কিরণ ছোট্ট ক’রে বললো, ‘বর্মা গেলো।’

তা গেলোই বা, সত্যেন ভাবলো। কী এসে যায়, কী আছে সেখানে? বর্মায় একমাত্র মূলবান ছিলো স্বাতীর মেজদি, তিনি তো কলকাতাতেই—হেমাঙ্গবাবুও, যা ভাবনাই গেছে ক-দিন তাঁর জন্ম—যাক, এসে গেছেন। তাহ’লে আর বর্মার জন্ম ভাবনার কী রইলো?

অখিল ভিতর থেকে এসে সত্যেনের পাশের চেয়ারটায় রাখলো একটি পাট-না-ভাঙা সিল্কের পাঞ্জাবি। সত্যেন তাকিয়ে বললো, ‘কী?’

‘মা তোমাকে এটা পরতে বললেন,’ ব’লে অখিল হাসলো। আকাবাঁকা তার দাঁতের সারি, মুখটা রোগা, কিন্তু—সত্যেন ভাবলো—চোখ দুটি ভারি সজীব তো, আগে তো দেখিনি! এই অখিলই একদিন এসেছিলো দশটা টাকার জন্ম—আজ কত অল্প রকম দেখাচ্ছে। একটু তাকিয়ে থেকে বললো, ‘খুব তো টেড়ি কেটেছো, অখিল।’

আলতো ক’রে চূলে হাত ছুঁইয়ে অখিল ঘাড় কাৎ ক’রে লজ্জা পেলো। কিরণ বললো, ‘সত্যেন নখ কেটেছো?’

আঙুলের দিকে তাকাতে গিয়ে সত্যেনের চোখে পড়লো ডান হাতের কজিতে বাঁধা 'হলদে সূতো'। এটা নাকি পরতেই হবে!

একটু পরে কিরণ বললো, 'আমি ভাবছি গরদের জোড় প'রে কেমন দেখাবে তোমাকে।'

'গরদের জোড় মানে?'

'বাঃ, কী প'রে বিয়ে হয় জানো না?'

'সে-সব নিয়ম আজকালও আছে নাকি?'

কিরণ মিটিমিটি হাসতে লাগলো, যেন একটা চমৎকার প্রতিশোধ নিচ্ছে সত্যেনের উপর। আশ্বে-আশ্বে বললো, 'শোনো : চারদিকে লোক, অচেনা লোক, মেয়েরা—সব চোখ তোমার উপর—তার মধ্যে তুমি মূর্তিমান দাঁড়িয়ে আছো। ছ-জন লোক ছ-দিকে একটা কাপড় ধ'রে তোমাকে ঘিরে দিলো, আর তুমি যথাসম্ভব গাম্ভীর্য বজায় রেখে কাপড় ছেড়ে নিলে। ধুতিটা একটু ছোটোই থাকে সাধারণত, ঠিক পা পর্যন্ত পড়ে না, আর উড়ুনিটা—তা তুমি ছিপছিপে আছো, তুমি বেশ ঢেকে-ঢুকেই বসতে পারবে।'

সত্যেন ব'লে উঠলো, 'অসম্ভব!'

'বললে হবে কী ; সূতি প'রে তো আর বিয়ে হয় না।'

'হয় না?' সত্যেন আঁংকানো চোখে এদিক-ওদিক তাকালো। খপ ক'রে সিক্কের পাঞ্জাবিটা তুলে নিয়ে বললো, 'ঠিক! এইটে প'রে নিই, তাহ'লেই হবে।'

কিরণ অটলভাবে বললো, 'জামা পরাই বারণ।'

'পাগল নাকি! ভাগ্যিৎ এটা ছিলো, আর মামিমাও বুদ্ধি

ক’রে—’ চকিতে জামা বদলে নিলো সত্যেন্, রুমাল পকেটে নিয়ে বসলো, ‘কত হাঙ্গামা অনর্থক ! আমি ওঁদের এত ক’রে বললাম রেজিস্ট্রি ক’রে বিয়ে হোক ; ওঁরা কানেই তুললেন না ।’

কিরণ হেসে বললো, ‘কেন তুলবেন ? তারপর তুমি যদি একদিন ব’লে বসো, “ব্যস ! থাকো এবার । আমি চললাম,” তখন ?’

কথাটা বুঝতে একটু দেরি হ’লো সত্যেনের । কিন্তু বুঝতে পেরেই উত্তর দিলো, ‘সেইজন্মই তো ! যাবার কোনো উপায়ই যদি না থাকে, তাহ’লে আর না-যাবার মূল্য কী ?’

‘উপায় সবটাতেই আছে,’ কিরণ হালকাভাবে বললো, ‘আমরা উকিলরা নয় তো আছি কী করতে ?’

সত্যেন কথা বললো না । তার মনে পড়লো স্বাতীর কাছেও সে এ-কথা বলেছিলো ; একবার না, দু-বারও না, কয়েকবার । স্বাতী প্রথমে এমন ভাব করেছে যেন শোনেইনি, তারপর ‘কী—!’ ব’লে ভুরু কুঁচকেছে, আর তারপর একদিন জ্বলজ্বলে চোখে ব’লে উঠলো, ‘কখনো আর এ-কথা মুখে আনবে না !’

‘কেন ?’

‘কেন আবার ? তুমি কি কখনো ছেড়ে যাবে আমাকে ?’

‘না । আর সেজন্মই ইচ্ছা ছাড়া আর বাধ্যতা চাই না ।’

‘তুমি না চাইতে পারো, আমি চাই !’

‘তুমি বাধ্যতা চাও ? স্বাধীনতা চাও না ?’

‘না । তোমাকে ছেড়ে যাবার স্বাধীনতা আমি চাই না !’

‘কেন ?’ এর পরেও সত্যেন বলেছিলো, ‘নিজের উপর যথেষ্ট বিশ্বাস নেই তোমার ?’

‘না-থাকলে তো তোমার মতোই অনুষ্ঠানকে ডরাতাম !’
ব’লে স্বাতী একবার তাকিয়েছিলো তার দিকে, রানীর মতো
সেই দৃষ্টি। মুহূর্তের জন্তু নিজেকে একটু ছোটো লেগেছিলো
সত্যেনের।

বাইরে থেকে নিখিল ঘরে এলো, গায়ে গরম কাপড়ের খয়েরি
শার্ট, হাতে এক পয়সা দামের টেলিগ্রাফ ভাঁজ-করা। ঐ শার্টটা
দেখে সত্যেনের ভালো লাগলো, তার চেনা ওটা, কত দেখেছে
মামার গায়ে—আব দেখতেও অনেকটা মামার মতোই—বেশ
ছেলে হয়েছে নিখিল।

কিরণ বললো, ‘খবর আছে নাকি কিছু ?’

‘কিছু না ! সকালের কথাই ঘুরিয়ে লিখেছে,’ নিখিল কাগজটা
ছুঁড়ে ফেললো টেবিলের উপর।

কিরণ সেটা তুলে নিয়ে তাকালো। ‘তিন দিনে পনেবো
হাজার লোক—’

‘আরো বেশি হবে,’ বললো নিখিল। ‘ট্রেনে আর গুটা
যাচ্ছে না—দেহাতিরা সব হেঁটে-হেঁটেই ভাগল বা !’

‘ওদের আর দোষ কী ! ভালো-ভালো ভদ্রলোকেরাই—
কিরণ কথা শেষ করলো না, ভাবলো তার স্বশুরের কথা :
ভদ্রলোক এব মধ্য্যেই একটা বাড়ি নিয়ে ফেলেছেন রামপুরহাটে—
মেয়েদের সব পাঠিয়ে দেবেন—অনীতাকেও নাকি যেতেই হবে
সেখানে ! কী অশ্রায় জেদ !

‘হ্যাঁ—রাস্তায় আর কথাই নেই এ ছাড়া !’ নিখিল হাসলো।
‘এইমাত্র শুনলাম একজন বলছে—’

‘সত্যি, কী যে হবে!’ কিরণ সত্যেনের দিকে চোখ ফেরালো।

‘তোমার কী মনে হয়?’

সত্যেন অমায়িকভাবে বললো, ‘কী আবার হবে। তুমি বুঝি ও-বাড়ি থেকে এলে, নিখিল?’

‘হ্যাঁ। তোমাকে নিতে আসছেন ওঁরা।’

সত্যেনের হাসি পেলো। আজ বুঝি আর নিতে না-এলে যেতে পারি না? কী-সব নিয়ম! দিদিরা তো কবে থেকেই তাকে তাড়াচ্ছেন—এখন আর দেখাশোনা না, আর একেবারে বিয়ের সময়! আর তারপর কাল মেজদি—না, সেজদি—সরস্বতী তো সেজদিরই নাম?—খুব গম্ভীরভাবে বললেন—‘সত্যেন, কাল কিন্তু তুমি আর এসো না—বুঝেছো তো?’—আর তাই-তো আজ সকাল থেকেই দিনটা ঝাপসা; এই দু-মাসের মধ্যে আজই প্রথম, যেদিন সকাল থেকে সন্ধ্য পর্যন্ত স্বাতীর সঙ্গে একবারও তার দেখা হ’লো না।

তরুলতা কুলো হাতে ঘরে এলেন, মেঝেতে কুলো নামিয়ে সামনে আলপনা-আঁকা পিঁড়ি পেতে ডাকলেন, ‘সতু, আয়।’

‘আবার কী? সত্যেন ভুরু কঁচকালো।

‘আয়। বসতে হয় এবার।’

‘যত বাজে!’

‘ও-সব চলবে না হে!’ কিরণ বললো। ‘যে যা বলবে তা-ই করতে হবে আজ!’

তা-ই তো করছি, সত্যেন ভাবলো, আমার আমিষ আর কিছুই থাকলো না। সকালে হ’য়ে গেলো এক গ্রন্থ—মামিমা

ছাড়লেন না কিছুতেই : পুরুৎ এলো, টিকিওলা পুজুদি বামুন, কলাপাতার ঠোঙা, চালকলা—উঃ !—হু-ঘণ্টা ব'সে-ব'সে কী-সব বিড়বিড়—আবার প্রপিতামহীর নাম জিগেস করে !—যেন প্রপিতামহীর নাম কোনো জন্মে কেউ শুনেছে !—প্রহসন ! কিন্তু এই প্রহসনের পরপারেই বাস্তব ; এ-সব মিথ্যা তাদেব খোলশ ছাড়াতে-ছাড়াতেই শেষ সত্যে পৌঁছবে। সে কি জানতো এই সত্য, যদি সে রাঁচি চ'লে যেতো সেদিন, দু-মাস আগের প্রথম কুয়াশার সেই সন্ধ্যায় ? পৃথিবীর সব শব্দ থেমে গিয়েছিলো তখন, যখন বারান্দার সিঁড়িতে দাঁড়িয়ে স্বাতী বলেছিলো, অনেক কথা বলেছে স্বাতী, সে-ও বলেছে ; মনে হয় যেন মনের সব কথা, জীবনের সব কথা ; মনে হয়েছিলো জীবন ভ'রে বললেও ফুরোবে না, কিন্তু ফুরোলো, আর কথা নেই, দু-জনে আবার প্রথম থেকে আরম্ভ না-করলে আর কথা নেই। এই সেই আরম্ভ।

‘ব'সে রইলে যে ?’ কিরণ তাড়া দিলো, ‘ওঠো।’

সত্যেন উঠলো, চিত্রি-করা পিঁড়িতে বসলো। সামনে কুলোতে প্রদীপ জ্বলছে, ধানদূর্বা কী-কী সব সাজানো। মামিমা উব-হাঁটু হ'য়ে তার সামনে বসলেন, তার মাথায় হাত রেখে, ঠোঁট নেড়ে কিন্তু আওয়াজ না-ক'রে কী বললেন, হাত সরিয়ে এনে বাঁ হাতের কড়ে আঙুলে চন্দনের ফোঁটা দিলেন তার কপালে।

‘আমিও দিই একটু—’ কিরণ এগিয়ে এসে নিচু হ'লো।

‘না—না—’ দু-হাত তুলে কিরণকে ঠেকাতে গেলো সত্যেন।

‘রাখো তো !’ কিরণ মোটা আঙুলে বেশ টিপে-টিপে চন্দন

দিলো সত্যেনের কপালে। ‘এই একদিনই তৌ বিয়ে করবে জীবনে!’ স’রে এসে বললো, ‘বেশ দেখাচ্ছে।’

তরুলতা ধানদূর্বা দিলেন তার মাথায়, প্রদীপসুন্ধু কুলোটা একবার কপালে ঠেকালেন, তারপর হঠাৎ তার ডান হাতটি টেনে নিয়ে কড়ে আঙুলে ছোট্ট কামড় দিলেন। সত্যেন তাড়াতাড়ি উঠে পড়লো।

কিরণ বললো, ‘বাঃ, প্রণাম করলে না মামিমাকে?’

‘থাক, থাক,’ তরুলতা কুলো সরালেন, পিঁড়ি তুললেন।

‘চটচট করছে,’ সত্যেন আঙুল তুললো কপালের দিকে।

‘না, না, মুছো না! ও-থাক—বোঝা যাচ্ছে না। আরে এতেই এ-রকম করছো তুমি, আর আমাকে যা শাস্তি করেছিলেন কাকিমারা!’ কিরণ হাসলো তরুলতার দিকে তাকিরে।

‘আমাদের শ্রীমানের সবটাতাই আপত্তি!’—তরুলতা ঘরের চেয়ার ঠিক করলেন—‘তক্তাপোশের চাদরটা টান ক’রে দে তো, নিখিল।’

‘বোঝা যাচ্ছে না ঠিক তো?’ উদ্বিগ্ন প্রশ্ন করলো সত্যেন।

‘একটু গেলোই বা। চন্দনের ফোঁটা তো ভালো—যখন টোপর প’রে—ইশ, একেবারে সং সাজিয়ে ছাড়ে হে!’ কিরণ ফুটিসে হেসে উঠলো।

ঘরের মধ্যে ঘুরতে-ঘুরতে তরুলতা বললেন, ‘ছাখ তো নিখিল, মহেশ পান জ্ঞানতে গিয়ে কোথায় লেগে রইলো।’

‘আমি দেখছি—’ অখিল ছুটে বেরোলো।

‘আর যে কেউ এলো না এখনো?’ কিরণ একবার রাস্তার

মিকে তাকালো। কোনো উত্তর না-পেয়ে আবার বললো,
‘বন্ধুবান্ধব আর-কেউ এলো না?’

‘বলেছে নাকি কাউকে? ওর এক কাকা আছেন কলকাতায়,
বাবার সাক্ষাৎ জ্যাঠাতুতো ভাই—কত বললাম আমি তাঁকে খবর
দিতে—শুনলো কি কথা! আমি একা আর কত পারি!’
তক্তাপোশের টান-করা চাদরটায় আরো ছোটো টান দিয়ে তরুলতা
পাশের ঘরে চ’লে গেলেন।

একা আর কত পারি! কতবার শুনলো সত্যেন! কিন্তু
কমও তো পারেন না—ঐ টেবিলটাই কতবার গোছাবেন দিনেব
মধ্যে—এত গোছাবার কী-যে আছে! সত্যেন একবার তাকালো
ঘরের চারদিকে, সব পরিষ্কার ফিটফাট, নিখুঁতরকম গুছোনো-
এমনকি শেলফ ছোটোয় একটাও বই কাৎ হ’য়ে নেই। হঠাৎ মনে
হ’লো সে অন্য কোথাও এসেছে—আর মিথ্যেই বা কী, তাব
নিজের ঘর তো নেই আর। মামিমাকে নিয়ে আসতে হ’লো ছ-দিন
আগেই; তারপরেই অন্য এক জগৎ জেগে উঠলো এই ঘবে।
লোকজন, যাওয়া-আসা, লোকজন। আবার ফাঁকা হ’লেও বিষম
ফাঁকা। আজ ছপূরবেলা স্বাতীদেব ফাঁকা বাড়িটাতেই একবার
গিয়েছিলো সে—কেউ ছিলো না তখন— একটু অবাক লেগেছিলো
স্বাতীকে ওখানে দেখতে না-পেয়ে। ডালিমের খাটটায় শুয়ে-শুয়ে
সময় কাটিয়েছিলো খানিকটা।

‘সত্যি? কাউকে বলানি? কলেজের কোলীগর?...তোমাব
সাহিত্যিকরা?...কাউকে না?...বাঃ!’

কিরণের আওয়াঃজর উত্তরে সত্যেন শুধু আবছা হাসলো।

‘না, না, এটা ভালো করোনি। আগে জানলে আমিই ব’লে দিতাম কয়েকজনকে—ভবেশ চন্দ আর ফণী ভট্টাচার্যকে তো নিশ্চয়ই!’

সত্যেন বললো, ‘তোমার একটু একা লাগছে বুঝতে পারছি।’

‘সেজন্য বলছি না। আর কাউকে না-ব’লে আমাকেই শুধু বলেছো, এটা আমার পক্ষে তো গৌরবেরই।’ ‘কিরণ একটু অল্প রকম তাকালো সত্যেনের দিকে।

সত্যেন সলজ্জ চোখ সরালো। দৈবাৎ সেদিন চায়ের দোকানে দেখা! তা ভালোই হয়েছিলো, তবু একজনকে মনে পড়লো এই সময়ে। আর কিরণ তো ভালোই—হ্যাঁ, বেশ ভালো, তখন যাদেব সঙ্গে আমি বেশি মিশতাম তাদের অনেকের চেয়েই আসলে ভালো। ছাত্রজীবনে কিরণকে সে তুচ্ছ করেছে, তাকে নিয়ে অন্তদের তামাশাতেও যোগ দিয়েছে, সে-সব মনে ক’রে সত্যেনেব অন্তশোচনা হ’লো।

‘সতুদা, ওঁরা আসছেন!’ অখিল ছুটে এলো। ‘ম-স্ত গাড়িটা!’ আবাব ছুটে গেলো দরজার বাইরে।

একটু চুপ। সত্যেন দেখলো, বেশ ভারিক্কি চেহারা ক’রে নিখিল দাঁড়িয়েছে দরজার ধাবে, মামিমা তার পিছনে, চেয়ারে কিরণ ন’ড়ে-চ’ড়ে সোজা হ’য়ে বসলো। কেমন ক’রে কেটে গেলো দিনটা! একটা দিন সে কিছু করলো না, ভাবলো না, এতদিনের উথালপাথালের পরে আজ তার অনুভূতি নেই, স্বাভাবিক কথ্য বেশ ভাবতে পারলো বৃকের মধ্যে কেঁপে না-উঠে। আজ সকাল থেকে আবেগ তাকে ছেড়ে গেছে, প্রতীক্ষা ম’রে গেছে, শুধু একটা

অস্তিত্ব ভেসে চলেছে সময়ের স্রোতের উপর অত্বর। দু-জনের জগৎ ছিলো এতদিন; দু-জনের নিজত্বের; এখন অন্যদের জগৎ, সকলের, কারোরই না—এখন বিজ্ঞাপন, ব্যাকরণ, ব্যবস্থা।—মিথ্যা সব!

‘কী?’ আস্তে একটি হাত পড়লো তার কাঁধে।

সত্যেন মুখ তুলে অরুণবাবুর স্ত্রী মুখটা দেখতে পেলো। একটু-কালো রংটা—পুরুষের পক্ষে ওটাই ঠিক রং—উড়ু-উড়ু চুলের কালো রং কানের কাছে ফিকে হচ্ছে, আর সেই ধোঁয়ারঙের উপর চশমার মোটা কালো ফ্রেমটা মানিয়েছে বেশ। এঁকে প্রথম দেখেই, শুধু চোখে দেখেই, ভালো লেগেছে তার—কথা ব’লে আরো—একটু লাজুক, কেমন আবছা ক’রে কথা বলেন, মিষ্টি শোনায়—আর, প্রথম ক-বার ‘আপনি’ বলার পর তাকে ‘তুমি’ বললেন যখন!

অরুণবাবুর চশমার পিছনে বড়ো-দেখানো চোখে একবার চোখ রেখে সত্যেন বললো, ‘কিরণ, ইনি—ইনি অরুণবাবু, আর—’

কিরণ হাসলো। ‘থাক, থাক, ওতেই হবে। আপনি বসুন,’ সত্যেনের হ’য়ে সে-ই ভদ্রতা করলো।

সত্যেনের পাশের চেয়ারটায় অরুণ বসলো। তরুলতা কাছে এসে জিগেস করলেন, ‘আমাদের বোমা কেমন আছেন?’

‘আর বলবেন না!’ অরুণ দু-চোখের কাছে দু-আঙুল ছড়িয়ে হাতটা মুখের উপর দিয়ে নামিয়ে আনলো।

‘কাঁদছে খুব?’

‘আমি এসে অবধি তো এমিই দেখছি।’

‘স্বয়ংবরা হ’য়েও এত কান্না ?’

‘আমিও তো তা-ই বলি ! কিন্তু বললে কী হবে—কেঁদে-কেঁদে রোগা হ’য়ে গেলো।’ মুহূর্তের জন্য অরুণের গলা অগ্ররকম শোনালো, হাসির ভাবটাও মুছে গেলো মুখের।

তক্তাপোশে পা তুলে ব’সে হেমাঙ্গ তার মিহি গলায় বললো, ‘শুনছো তো সত্যেন, সব কান্না কিন্তু পুষিয়ে দিতে হবে তোমাকে !’

‘সেটা পুষিয়ে যাবে জেনেই তো অত কান্না !’ বরপক্ষ সেজে তক্ষুনি জবাব দিলো কিরণ।

হেমাঙ্গর কথা শুনে সত্যেন একটু হেসেছিলো.; কিরণের কথা শুনে আবার তা-ই করলো। এটা তার ইচ্ছার হাসি না, অনিচ্ছারও না, অল্পপায়ের; আপাতত মুদ্রাদোষ হ’য়ে গেছে এটা। এখনকার মতো তার কোনো ইচ্ছা নেই, শক্তি নেই, সে থেমে আছে; তাকে ঘিরে অনেক কিছু হচ্ছে, কিন্তু সে কিছু ঘটাতে পারে না, ঠেকাতেও পারে না, সে শুধু দেখবে, শুনবে, আর মাঝে-মাঝে ঐ-রকম একটু না-হেসেই পারবে না। এখন আর শুনছেও না ভালো ক’রে; যাতে তার কোনো অংশ নেই, এ-রকম একটা দৃশ্যের মতো দেখছে মামিমার চলাফেরা; মিষ্টির খালা এনে-এনে প্রত্যেকের সামনে রাখছেন তিনি, মহেশ নিয়ে এলো ট্রেতে ক’রে অনেকগুলি জলের গ্লাস—বাঃ, মহেশকে বেশ ফিটফাট দেখাচ্ছে তো আজ—আর অখিল পানের রেকাবি হাতে নিয়ে ঘরে এলো।

মামিমা দাঁড়ালেন কিরণের সামনে। ‘একটু খাও।’

‘আমি তো এসেই খেলাম।’

‘যাবাব সময় অধবাব খেতে হয়। ডালিম আর-কিছু—’

অকণ ডালিমের দিকে তাকালো। ‘ব’লে দেবো নাকি, ডালিম; দূরে দাঁড়িয়ে ডালিম লাল হ’লো।

‘মেসোমশাই ডাকবে না কিছুতেই, সত্যেনদা ব’লে ডাকবে— এই নিয়ে ডালিম রোজ ঝগড়া কবে তাব মা-ব সঙ্গে।’

‘মেসোমশাই’ কথাটা শুনে সত্যেন শিউবোলো, আ লাল-হওয়া মুখে অনেকখানি সপ্রতিভতা এনে ডালিম বললে “মেসোমশাই”টা কী বিস্তী—বুডো।’

‘ঠিক বলেছো, ডালিম।’ ব’লে উঠলো হেমাঙ্গ। ‘আমবাই নি আব জন্ম থেকেই মেসোমশাই ছিলাম।’ ব’লে চাঁদির ছোট্ট টাকে—এমন আব ছোট্টো কী—হাত বাখলো একবাব।

এ-কথাটা শুনে হেমাঙ্গবাবুকে খুব ভালো লেগে গেলে সত্যেনের। হ্যাঁ—উনিও খুব ভালো, দেখতে একটু গম্ভীর, কথা কম বলেন, কিন্তু বলেন বেশ। আর ডালিম—একেবাবে টুকটুকে লাল হ’য়ে গেছে বেচাবা—কী মিষ্টি দেখাচ্ছে।

তরুলতার দিকে, তাকিয়ে গম্ভীরভাবে হেমাঙ্গ বললে ‘স্বাতাবাঁতি এগাবোজনের মেসোমশাই।’

সত্যেনের চোখের পাতা মিটমিট কবলো, গায়ে পিন-টি ফুটলে যেমন হয়, আব তরুলতা গম্ভীরভাবেই জবাব দিলেন ‘আপনাদের মতো বান্ধব পাওয়া ওব ভাগ্যই তো—তা আপনাবা বন্ধ পেলেন।—ডালিম আব একটা সরের নাডু?’

রাজি-হওয়া-হওয়া মুখে ডালিম তাকালো নিখিলের দিকে নিখিল তার গাল দেখিয়ে বললো, ‘পান খাচ্ছি।’

‘ঠিক—পানই খাই!’ ডালিম এমনভাবে বললো যেন মিষ্ট্র বদলে পান খাওয়াটা খুব নতুন আর আশ্চর্য প্রস্তাব; পান তুলে নিয়ে মুখে দিলো।

মহেশ থালা-গেলাশ সবালো, অখিল বাঁ হাতে চুল চাপলো একবার, ডালিমের নিচেব ঠোঁটে ঈষৎ লাল বং দেখা দিলো। তকলতা সত্যেনেব সামনে এসে দাঁড়ালেন থালায় ক’বে ফুলের মালা নিয়ে। ‘নে, সতু।’

‘কী?’

‘প’বে নে।’

‘মালা পবতে হবে?’ সত্যেন দু-হাত তুলে পিছিয়ে গেলো। ‘না, না, কিছুতেই না, কিছুতেই পাববো না!’

‘পাববো না কী-বকম? আবে মালা ছাড়া যে বিয়েই হয় না! এসো, এসো—’ বুথা ছটফটালো সত্যেন, কিবণ বক্সি জোর ক’রেই তাকে পবিয়ে দিলো মোটা, শাদা, গন্ধভবা বজনীগন্ধার মালা।

অকণ তাকিয়ে বললো, ‘বাঃ, বেশ দেখাচ্ছে। তা আপনিও নিন একটা।’

‘আমি? আচ্ছা!’ কিবণ হাসলো, ছোটো একটি মালা তুলে হাতে জডাতে গিয়ে থামলো, গোল ক’বে আস্তে পকেটে রাখলো কমালের তলায়। অনীতাকে দিতে হবে বাত্রে।

সত্যেন এই ফাকে মালা খুলে ফেলছিলো গলা থেকে, কিরণ এবাব হাঁ-হাঁ ক’রে পডলো তার উপব। ‘কী ছেলেমানুষি কবো সব সময়! রাখো!’ এমন ধমক দিয়ে কথাটা বললো যে সত্যেন কেমন মিনিমুখে গলায় মালা নিয়েই দাঁড়িয়ে থাকলো চুপ করে।

আরো মালা ছিলো* থালায় ; অখিল নিলো, নিখিল নিজে নিয়ে ডালিমকেও দিলো। হঠাৎ সমস্তটা ঘর রজনীগন্ধার গন্ধে ভ'রে গেলো, আর যেন সেই গন্ধ ভালো ক'রে নেবার জ্ঞান সকলেই চুষ ক'রে থাকলো একটুক্ষণ।

তারপর হেমাঙ্গ মুখে একটি ছোটো এলাচ দিয়ে বললো, 'এবার তাহ'লে—'

'হ্যাঁ, আর আড্ডা না। সত্যেন, চলো।' অকণ কোঁচা ধ'বে উঠে পড়লো।

ডালিম এগিয়ে এলো তাড়াতাড়ি। 'ট্যাক্সি আনবে আর-একটা?'

চারদিকে একবার পলকপাত ক'রে হেমাঙ্গ বললো, 'আব দিয়ে কী হবে?'

গাড়ি দিয়েই বা কী হবে, সত্যেন ভাবলো। এখান থেকে হেঁটেই যাওয়া যায় কত বার। কিন্তু স্বাতীদেব বাড়িতে হ'লেও বোধহয় গাড়িতেই যেতে হ'তো এখন ?

'দেখুন না অগ্নায়টা।' কাঁধেব উপর শাল ঠিক ক'রে কিবো উঠে দাঁড়ালো। 'কাউকে বলেনি—একদম ফাঁকি দিয়েছে সবাইকে। আপনারাই বলুন, একজন বন্ধু নিয়ে বিয়ে করতে যায় কেউ?'

'সত্যেন আজকাল একজন ছাড়া দু-জন জানে না,' অরুণ আস্তে বললো, আর কিরণ কথা শুনে হে-হে ক'রে লম্বা হাসলো। হাসির শেষ দমটা সরু ক'রে বের ক'রে দিয়ে বললো, 'আচ্ছা—হ'বোভাতের সময় শোধ নেবো!'

সত্যেনের গায়ের কাপড়টা চেয়ারের পিঠ থেকে কাঁধে তুলে

দিলো অরুণ। সত্যেন ফিরে তাকালো, একটু লাল হ'লো।
ওদিকে হেমাঙ্গর মিহি গলা শোনা গেলো, 'আপনি তাহ'লে
অনুমতি করুন।'

তরুলতা কথা না-ব'লে সত্যেনের দিকে তাকালেন। সত্যেন
একটু এগিয়ে এলো, হঠাৎ থেমে বললো, 'আপনি যাবেন না,
মামিমা?' মামিমার ঠোঁটের হাসি দেখে আবার বললো, 'যেতে
নেই বুঝি?'

'ও-সব বাজে নিয়ম!' ব'লে উঠলো অরুণ। 'চলুন আপনি।'
হাসি একটু ছড়ালো তরুলতার ঠোঁটে। 'আমি একেবারে
বরণ ক'রে বৌ ঘরে আনবো।'

সত্যেনের পিছনে কিরণ চুপি-চুপি বললো, 'এ-বাড়িতেই
থাকছো বিয়ে ক'রে?'

'দেখি।'

'আমাদের পাড়ায় অনেক ফ্ল্যাট খালি যাচ্ছে। বলো তো
দেখি একটা।'

নতুন, সত্যেনের মনে হ'লো, সমস্তটাই নতুন। সকলেই
তার কথা ভাবছে, সকলেই তার ভালো চায়, তার কাজে লাগতে
চায়। ঐ-তো মামিমা, মুখে ছুঃখের স্ত্রী, চুপচাপ মানুষ, একলা
কত কাজ করলেন এসে থেকে, আর নিখিলের যা ছুটোছুটি—সত্যি,
খুব অগ্নায় করেছে সে এতদিন—এখন থেকে ওদের খোঁজখবর
নেবে সব সময়—নিশ্চয়ই!

'তাহ'লে যাই আমরা?' অনুমতি নেবার সুরে হেমাঙ্গ
আবার বললো তরুলতাকে।

চোখ সরলো সত্যেনের। মেঝেব ছোঁটি জায়গাটুকুতে গোল হ'য়ে দাঁড়িয়েছে সবাই—এ-ঘবে এত লোক সে কখনো ছাখেনি। সকলের মুখ ছুঁয়ে-ছুঁয়ে এলো তার চোখ—সকলেই খুশি, সুখী, মামিমার মুখেও শুধুই সুখ এখন—এত সুখী হবার কী আছে? কিছু না, সকলেই ভালো, তাই সকলেই সুখী। যেতে-যেতে চোখে পড়লো 'মহেশকে—কেমন দাঁড়িয়ে আছে এক কোণে, মনে পড়লো চায়েব দেবির জন্ত একদিন বকেছিলো তাকে, মনটা একটু খাবাপ লাগলো মুহূর্তেব জন্ত।

সকলে বাইরে এলো। তকলতা দবজাব ধাবে দাঁড়ালেন, হাত দিয়ে মুখ আডাল ক'বে উলু দিলেন। অনভ্যাসে প্রথম বাব আওয়াজ বেবোলো না, তারপব আবছা, পবেব বাব জোব আওয়াজ হ'লো, দোতলাব বাবান্দায় বেবিয়ে এলো ছটি মেযে, তাদের পিছনে একজন মোটা গিনি, একটু দেখেই ছটি মেযেব বড়োটি ঘরে চ'লে এলো সাজতে—তারাও যাবে বিয়েতে।

ছোটো বাস্তায়, অন্ধকাবে, কালো গাড়িটা প্রায় মিশে ছিলো, এইবাব ভিতরেব অলো জ'লে উঠলো, হাত বাড়িয়ে দবজা খুলে দিলো ড্রাইভব।

সত্যেন স্নিড়িতে দাঁড়িয়ে বললো, 'গাড়িটা খুব বড়ো তো।'

'বিজনেব এক বন্ধু আছে মজুমদার,' পিছন থেকে অকণ জবাব দিলো। 'তাব গাড়ি। একদম নতুন।'

মজুমদাবকে সত্যেন চেনে না, নামও শোনেনি এর আগে, কিন্তু শুনেই বুঝলো এই মজুমদার তদ্রলোকও খুব ভালো—হয়তো নিজের অসুবিধে ক'রেও গাড়ি ছেড়ে দিয়েছেন। একটু

অবাকই লাগলো তার—এত ভালো আছে পৃথিবীতে অথচ এতদিন সে তার কিছুই জানতো না !

হেমাঙ্গ বললো, ‘ডালিম ট্যাক্সিটায় যাও ।’

‘আমিও ট্যাক্সিতে,’ বললো নিখিল ।

বাকি সকলেকেই ধ’রে গেলো মজুমদারের গাড়িতে । গাড়ির আলো নিবলো । ভিতরে অখিল আব কিরণ বসলো সত্যেনের ছু-পাশে, কিরণের পাশে অকণ, আর অখিল আব সত্যেনের মাঝখানে থাকলো বরের টোপরটা । শোলায় বানানো ঐ বিশ্রী বস্তুর চকচকে রাংতা হঠাৎ সত্যেনের চোখে ঝিলিক দিলো । এটাও ?—গাড়ি ন’ড়ে উঠলো তখনই, আর সেই মুহূর্তটিতে অল্প সব কথা ভুলে গিয়ে সত্যেন ভাবলো : তাহ’লে সত্যি ? সব সত্যি ?

আলো-জ্বলা দরজায় তরুলতার মূর্তি স’বে গেলো, পিছনে প’ড়ে রইলো সত্যেনের বইয়ে-ঘেবা একতলার ঘর, দোতলার বারান্দা খালি হ’লো । গাড়ি আস্তে-আস্তে গলি পেরোলো ; অকণ — তার চোখে তখনো কনট সার্কসের উজ্জলতার আমেজ—বসা বোডে প’ড়ে ব’লে উঠলো, ‘কী অন্ধকারই করেছে !’

হেমাঙ্গ—সে বসেছিলো ড্রাইভরের পাশে—ফিরে তাকিয়ে বললো, ‘ব্ল্যাক-আউট মাটি ক’রে দিলো । খুব আলো-টালো হ’লে তো বিয়েবাড়ি !’

‘সুন্দর বাড়িটি কিন্তু । কী ক’রে পেলেন ?’

‘কলকাতায় এখন বাড়ি পাওয়া বোধহয় শক্ত না ।’

‘তা সত্যি,’ ব’লে উঠলো কিরণ । ‘যা যাই-যাই রব ! আর ঠাকুর-চাকর তো আর টে’কানো যাচ্ছে না ।

পিছনের ট্যাঙ্কিতে নিখিল ডালিমের কাঁধে টোকা দিলো।
‘একটা নেবেন?’

‘সিগারেট?’ ডালিমের চোখ বড়ো হ’লো।- ‘আপনি
সিগারেট খান?’

‘পেলে খাই,’ নিখিল হাসলো। ‘একটা দেখুন না—’

‘না, না—’ ডালিম একটু স’রে এলো, তার মনে হ’লো মা
তাকে দেখছেন।

‘স্টেট-এক্সপ্রেস! ফাইভ-ফিফটিকাইভ!’ নিখিল এক
আঙুলে সিগারেটটাকে আদব কবলো।

‘নাকি? যুদ্ধ না-খামলে আব কলকাতায় ফিরবেই না?’
অরুণ আওয়াজ ক’রে হাসলো। ‘তা ভালোই; বিয়েটাও
সুবিধেমতো হ’লো, আর আপনিও বেশ বাড়িটি পেয়ে গেলেন
‘রেঙ্গুন থেকে এসেই।’

‘আপনি রেঙ্গুন থেকে এলেন?’ কিবণ পিঠ সোজা করলো।
‘কবে এলেন? খবর কী বর্মার?’

‘উনি আর বেশি কী জানবেন,’ উত্তর দিলো অরুণ।
‘পার্ল-হারবরের পরের দিনই উনি জাহাজে!’

কিবণ র্লললো, ‘বাঃ!’ খানিকটা তারিফ ক’রে, খানিকটা
নিরাশ হ’য়ে। নরম গদিতে আরাম করলো আবার।

অন্ধকারে দেশলাইয়ের আলোয় লাল দেখালো নিখিলের
মুখটা; ছ-চোখে ভয় আর সঙ্কম আর ঈর্ষা নিয়ে ডালিম দেখতে
লাগলো। চোখা ঠোঁটে ধোঁয়া বের ক’রে নিখিল বললো,
‘বিজনবাবু মাইডিয়ার মানুষ। দেখা হ’লেই সিগারেট!’

অরুণ বললো, ‘ওরা সব আগেই চ’লে এসেছিলো ভাগিন্য ! সকলকে নিয়ে এখন আসতে হ’লে বিপদেই পড়তেন আপনি ।’

‘বিপদ আর কী ।’ পলকের জন্ম হেমাঙ্গর মনে পড়লো তার রেঙ্গুনের চোদ্দ বছর বাস-করা বাড়ি, বাড়িভরা ফার্নিচার, শখের জিনিশ, তার মগ চাকর মধু, এইটুকু বয়স থেকে তার কাছে ছিলো । ‘এবারে আসা মানেই যে আসা, তাও কি ভেবেছিলাম ।’

‘ভালো তো ! এ-রকম কিছু হ’য়ে না-পড়লে জীবনেও তো আপনি বর্মা ছাড়তেন না । মহাশ্বেতা খুব খুশি !’

‘সরস্বতী কিন্তু না ।’

কথাটার মানে বুঝে অরুণ বললো, ‘তা লক্ষ্মী-সরস্বতীরা যা-ই বলুন, পেলো আমি ছাড়বো না ।’

‘যুদ্ধে যাবেন ?’

‘তবে কি আরুইন হাসপাতালের সেকণ্ড সার্জন হ’য়ে জীবন কাটাবো !’

সত্যেনের একটু অবাক লাগলো যে অরুণবাবু মতো একজন চমৎকার মানুষ স্ত্রীকে ফেলে কোথাও চ’লে যেতে চাচ্ছেন । নিশ্চয়ই ঠাট্টা ক’রে বলছেন এ-সব ?—সত্যি কি আর যাবেন । কিছু বলতে যাচ্ছিলো, কিন্তু গাড়ি তখনই ঘুবলো ; এসে গেছে ।

রসা রোড থেকে সাদার্ন এভিনিউ যেখানে তীব্র মোড় নিয়ে বেঁকে গেছে, সেখানে আড় ক’রে বসানো একটি দোতলা বাড়িব সামনে গাড়ি দাঁড়ালো । এ-বাড়িটাকে যেতে-আসতে লক্ষ্য করেছে সত্যেন, সুন্দর দেখায় বিকেলের আলোয় ; কিন্তু—গাড়ির

মোটী কাটের ভিতর দিয়ে সে তাকালো—আর ট্যান্ডি থেকে নামার আগে নিখিল অসীম আপশোবে মাত্র এক-কড়-পোড়া জ্বলন্ত স্টেট এক্সপ্রেসটা ছুঁড়ে ফেলে দিলো—ছিঃ! এটুকুতেই চ'লে আসবে বুঝলে ধরাতো নাকি তখন?—কিন্তু এখন একেবারে আশ্চর্যকর, ছাতে মেরাপ বাঁধা, গাড়িতে ব'সেই ভিতরের ভিড় বোঝা যাচ্ছে, উপরের রেলিঙে ঝুঁকে রঙবেরঙের শাড়ি, নিচের সিঁড়িতে কারা সব—অন্য জগৎ এখন। অন্য, অচেনা, অদ্ভুত জগৎ, অন্যদের, সকলের।—অবাস্তব, এ কিছু না, এখনই মিলোবে, আর তারপর আবার তার নিজের জগৎ—নতুন-পাওয়া নিজের, যদিও কবে যে তা ছিলো না এখন আর মনে পড়ে না।

গাড়ি থেকে নামলো সত্যেন। ভিতর থেকে বাজনা বেজে উঠলো ঝমঝম, শাঁখ বেজে উঠলো তীক্ষ্ণ।

মহাশ্বেতা চোখ খুললো, উঠে বসলো। ছোটোর পর শুয়েছে কাল রাত্রে, আবার ভোর না-হ'তেই গায়ে-হলুদ;—সারাদিন ঝিমঝিম করেছে, আর বিকেল থেকেই মাথাটা—কী শরীবই হয়েছে তার! পাছে মাথা ধরে আর সব মাটি হ'য়ে যায়, এত গোলমালের মধ্যেও জোর ক'রে খানিকক্ষণ শুয়ে ছিলো আলো নিবিয়ে, একটু ঘুমিয়ে নিয়ে এখন—হ্যাঁ, ঠিক। সে ঠিক থাকবে, কিছু বাদ দেবে না, বিয়ের ফুটির একটি ফোঁটাও বাদ দেবে না। কতকাল, কতকাল পরে এই জীবন! ষাট থেকে নেমে আলো জ্বললো; মুখোমুখি দাঁড়ানো আলমারির আব ছবি টেবিলের দুই আয়নার আলো বলসালো, জোড়াখাটের

পিছল গায়ে টাটকা বানস্ বিলিক দিলো। আরো লাগলো মহাশ্বেতার; বানিশের গন্ধের খোঁচা ভালো লাগলো, নতুন গন্ধ, নতুন জীবন—আজ রাতে যারা এ-ঘরে থাকবে, তাদেরই শুধু নয়, তারও, হ্যাঁ, তারও।

মহাশ্বেতা ঘরের দরজা বন্ধ করলো। আয়নার সামনে গায়ের কাপড় ফেলে মুখে গলায় ক্রীম মাখলো, তারপর গোলাপি রঙের পাউডর বুলোতে লাগলো আস্তে-আস্তে।

দরজায় টোকা পড়লো।

‘কে?’

‘আমি। সরস্বতী।’

আঁচলটা লোটাতে-লোটাতে মহাশ্বেতা দরজা খুলে আড়ালে ঠাডালো। সরস্বতী ভিতরে আসতেই বন্ধ ক’রে দিলো আবার।

‘এতক্ষণে কাপড় পরছিস তুই!’

‘এই-তো হ’য়ে গেলো।’, শুয়ে থাকার জন্ত চুলের যা-একটু গাঙচুর হয়েছিলো, পাংলা-পাংলা আঙুলে তার মেরামত ক’রে মহাশ্বেতা খোঁপা চাপড়ালো দু-বার। সরস্বতী বললো, ‘তোমার লি কিস্তি খুব আছে এখনো।’

তার মানে, মহাশ্বেতা ভাবলো, ঐ যা-একটু চুলই আছে, আর-কিছু নেই। কিস্তি চুলই-বা কী—লম্বা, কিস্তি শনের দড়ির তো পাংলা হ’য়ে গেছে, আর একদম টান-টান। বোনের খার কৌকড়া ঘন পুঞ্জের দিকে একপলক তাকালো, শুকনো কটু হেসে বললো, ‘চুল! লম্বা চুল এক যন্ত্রণা—খুলতে খতে হয়রানি!’

সরস্বতী টোটেই কোণে হাসলো।

‘না—সত্যি!’ পরনের ঢাকাই জামদানিটা ছেড়ে ফেলে মহাশ্বেতা একটু দাঁড়ালো, হাতকাটা বিলেতি শেমিজের উপর ছুধ-শাদা সাটিনের পেটিকোট পরা। সরস্বতী তার চোখের দিকে তাকিয়ে বললো, ‘ঘুমুচ্ছিলি?’

‘না,’ মহাশ্বেতা অস্বীকার করলো। শাদা, সরু হাত দুটি ঢুকিয়ে দিলো মিশকালো ব্লাউজে, পেটিকোট ঢিলে ক’রে ব্লাউজের তলার কাপড়টা ভিতরে ঢুকিয়ে দড়ি বাঁধতে-বাঁধতে বললো, ‘শুয়ে ছিলাম একটু। বর এসে গেছে, না?’

‘হ্যাঁ—চল। তোর মাথা ধরা কেমন?’

মহাশ্বেতা খুশি গলায় বললো, ‘ধরলো না শেষ পর্যন্ত!’ খাটের উপর থেকে তুলে নিলো শাড়িটা, যেটা দশ দোকান ঘুরে ক-দিন আগে কিনেছে।

ক্রীমরঙের বেনারসির সাচ্চাৰুপোর আঁচলটা দেখতে-দেখতে সরস্বতী বললো, ‘এ-সব মিটে গেলে তোর শরীরটা সারিয়ে নে সত্যি ক’রে। অ্যানিমিয়ার খুব ভালো একটা চিকিৎসা বেরিয়েছে নতুন।’

‘আর চিকিৎসা!’ মহাশ্বেতা ভাঁজ ফেলে-ফেলে কোঁচা বললো। ‘ছেলেপুলে হ’তে-হ’তে মেয়েদের শরীরের আর কী!’ বলে ঝুলমলে আঁচলটা কাঁধের উপর দিয়ে নামিয়ে নিলো।

‘এসব রাজে কথা!’ অরুণ ডাক্তারের হালের মতটা উদ্ধৃত করে বললো সরস্বতী।

‘কাজে তো বেশি কিছু দেখাওনি বাপু ~~কাজে~~ ~~এগোলো~~।
মতো বড়ো-বড়ো মুক্তোর একটি কাঁস-গা। ~~গা~~ ‘ভিড়,
মহাশ্বেতা। ‘ছুটির পরেই তো চুপচাপ।’ বোন স’রে দাঁড়ালো,

‘তোমারই বা কী? মোটে তো কারা?’
পিঠ-চাপড়ানো হাসলো। ডি নামতে-নামতে

‘পাঁচজন, সরস্বতী।’ শুকনো গলায় জবা
মুক্তোর বুমকো ঝুলিয়ে দিলো ছই কানে।

সরস্বতীর মুখের ভাব বদলে গেলো। সত্যি—মহাশ্বেতার
প্রথম মেয়েটা যে আট মাসের হ’য়ে মরেছিলো সে-কথা
তার মনেই থাকে না। তাড়াতাড়ি কিছু বলবার জন্মই
বললো, ‘বড়দিরও পাঁচজন।’ ব’লেই বুঝলো এটা আরো ভুল
হ’লো।

অথচ, মহাশ্বেতা ভাবলো, দিদি কী সুন্দর আছে এখনো।
থান পরলেই মানুষকে বুড়ো দেখায়, কিন্তু আমি আর দিদি
পাশাপাশি দাঁড়ালে আমাদেরই দিদি ভাববে লোকে। কেন
আমার এ-রকম হ’লো?—দিদির তো হয়নি, অনেকের তো
হয় না। কেন আমার রক্ত নেই, মাংস নেই—আর হবেও না
কোনোদিন! নেতিয়ে-পড়া বুকের উপর শাড়িতে ছোটো-ছোটো
টান দিতে-দিতে বললো, ‘কী-কষ্ট এক-একজনকে ধারণ করতে,
জন্ম দিতে, বড়ো ক’রে তুলতে! সব গুণে নিয়েছে!’ আয়নার
দিকে তাকিয়ে, নিচু গলায়, যেন নিজের শাদা, বড্ড শাদা
মুখটাকে লক্ষ্য ক’রেই সে কথাগুলি বললো। তারপর সেক্টর
ছিপি কয়েকবার ছোঁওয়ালো কাঁধে, বুক, গলায়।

সরস্বতী ঠোঁটের দ্বিধা একটু, সরস্বতী কথা বলবার ভেতন

‘না—সত্যি !’

মহাশ্বেতা একটু দাঁশিগিটা দিয়ে মহাশ্বেতা বললো, ‘শাস্ত্রীটা দুধ-শাদা সাটিনের ওর বিয়ে হয়েছে চার বছর হ’লো না ? তাকিয়ে বললো, ‘

‘না’ মহাশ্বেতা হ’লো। চোরা হেসে বললো, ‘এখন একটা, বাচ্চা হওয়াই ওর ভালো। মোটা হ’য়ে যাচ্ছে।’

সরস্বতীর ছিপছিপে, একটু ভারি শরীরের দিকে, আঁটো, একটু ভাবি বুকের দিকে, আর তার তলায় পেটের পাংলা খাঁজটাব দিকে ঈর্ষার চোখে তাকালো মহাশ্বেতা। তা সরস্বতীর তো প্রথম থেকেই জিতের হাত ; ওব কপালেই অরুণ ছিলো। হঠাৎ বললো, ‘অরুণ নাকি যুদ্ধে যাচ্ছে ? সত্যি ?’

‘আমি জানি না !’

‘তুই জানিস না ?’ মহাশ্বেতা আয়না থেকে সরে এলো। ‘বারণ কর !’

‘তুই একবার কথা ব’লে ছাখ না,’ সরস্বতী গম্ভীরভাবে বললো।

বোনের মুখের দিকে তাকিয়ে মহাশ্বেতা একটু হাসলো, কিন্তু কথা বললো বিষন্ন গলায়। ‘পুরুষমানুষ—উন্নতি ছাড়া কিছু বোঝে না !’

‘বেশ-তো ! আমি কি ধ’রে রাখছি—না কি কেউ কাউকে ধ’রে রাখতে পারে !’

কথাটা মহাশ্বেতার মনের তলার কোন একটা অংশকে

‘একবার সত্যেন্দ্রকে দেখে আসি চল,’ ব’লে মহাশ্বেতা এগোলো।
ঘর থেকে বেরোলো সরস্বতী মহাশ্বেতা। গলিতে ভিড়,
সিঁড়িতে নতুন একদল উঠে আসছে। ছ-বোন স’রে দাঁড়ালো,
দলটি চ’লে যাবার পর সরস্বতী বললো, ‘এবা কারা?’

‘আমি চিনলে তুইও চিনতিস,’ সিঁড়ি নামতে-নামতে
মহাশ্বেতা জবাব দিলো।

‘তুই একমাস আগে থেকে আছিস, আব আমি তো মোটে
সেদিন এলাম।’

‘পাড়ার বোধহয়। হ্যা—ঐ মোটা গিলিকে যেন দেখেছি।’

‘বাবার কাণ্ড! লোকও বলেছেন!’

‘বাবার উপবে বিজু আবাব এক কাঠি। স্বাতীৰ বিয়ে—কেউ
যেন বাদ না যায়। সাংবাগাছিব নেপাল্ল-পশেমশাইকে
বিজুবই তো মনে পড়লো।’

‘বুড়ো মবেনি এখনো।’ সুবস্বতী হাসলো।

সিঁড়ির শেষ ধাপে ছ-কোণ কাচের চশমা-পরা একটি মেয়ে
তাদের দেখে থামলো। ‘আপনারা স্বাতীৰ দিদি?’

একটু হেসে এই পরিচয় মেনে নিলো ছ-বোন।

‘আপনি বুঝি মহাশ্বেতা?’

একটুখানি ভুক ঝাঁকিয়ে সরস্বতী জবাব দিলো, ‘মহাশ্বেতা
এঁর নাম।’

‘আপনি তবে সরস্বতী?’ মেয়েটি ঝকঝকে হাসলো।

‘বিজনদার কাছে সব শুনেছি আপনাদের কথা। আমি উল্লা,
প্রবীৰ মজুমদার আমার মামা। আমরা এই এলাম।’

সরস্বতী নিপুণ একটি হাসি কোটালো। ‘আচ্ছা, উপরে গিয়ে বোসো তুমি। স্বাতীর বন্ধুরা আছে।’

‘খুব স্মার্ট তো মেয়েটি,’ বললো মহাশ্বেতা।

‘খুব।’ সরস্বতী সামনের ঘরের দিকে এগোলো, দু-জন লোক তাদের পাশ দিয়ে চ’লে গেলো এক ঝুড়ি মাটির গেলান ধরাধরি ক’রে। ‘বিজুর খুব দেখি এক বন্ধু জুটেছে এই মজুমদার।’

‘আর ঠোট ছটোকে কী-রকম রক্তের মতো করেছে!’

‘কলকাতায় তো এখনো কম; দিল্লিতে প্রায় সব মেয়েই রং মাখে আজকাল।’

ছ-টি সাতটি বাচ্চা মেয়ে খিলখিল হাসতে-হাসতে সিঁড়ির দিকে ছুটে গেলো।

‘তোরা ভালো লাগে?’

‘আ—র! গীতিটাই ও-সব ধরেছে এর মধ্যে!’

‘...হংকং!’ সামনের ঘরের দরজার কাছে আসতেই জোরালো গলা শোনা গেলো।

সরস্বতী বললো, ‘নাঃ, হারীত নন্দীকে নিয়ে আর পারা গেলো না! বোমা বিনে গীত নেই ওর।’

দরজার ধারে ছ-বোন দাঁড়ালো।

হারীত বললো, ‘হংকং ইভ্যাকুএট-ক’রে ইংরেজরা এখন—’

‘ইভ্যাকুএট! পালিয়েছে, বলুন! যমের ডরে পালিয়েছে!’ কথটা বললেন মজবুত চেহারার এক ভদ্রলোক, ঘি-রঙের ক্যান্ডেলের চুড়িদার পাঞ্জাবি পরা, টেড়িকাটা চুল মাথায় বেন।
তা দিয়ে ল্যাপটানো।

শুনে অনেকে হেসে উঠলো। সরস্বতী এগিয়ে এসে বললো, ‘নন্দীর এতক্ষণে সময় হ’লো আসার?’ তার গলা শুনে অনেকেই তাকালো।

সত্যেনও তাকালো। তামাশা মন্দ না—ঘরে পা দিয়েই শ্বে ভেবেছে—দরজায় জুতোর স্তূপ, শাদা ফরাশের উপর হলদে কার্পেট, আর সেটার শেষে ছোটো আর-একটা লাল, সেখানে ঘোর-লাল মকমলের তাকিয়া, আরো-লাল, প্রায় কালচে গোলাপের ছোটো তোড়া। বসতে যাচ্ছিলো, কিন্তু না—অকণবাবুরা ঐ লালের রাজ্যেই তাকে নিয়ে এলেন, ডবল-গালিচায় ছেড়ে দিয়ে উধাও হলেন। বসতেই গন্ধে যেন দম আটকালো হঠাৎ—থোবা-থোবা গোলাপ, লম্বা রজনীগন্ধা—কত!—তা যা-ই হোক, গলার মালাটা এবার খুলতে পেরে হাঁপ ছাড়লো। তাকিয়ে দেখলো নিখিল অখিল জড়োসড়ো, কিরণও চুপ—আর সব অচেনা—একবার শুধু একপলক ছোড়দিকে দেখলো—আরো আসছে; লেমনেড, চা, প্লেট ভরা-ভরা পান আর সিগারেট—কালো-কালো মাথার উপর প্যাচালো ধোঁয়া, কথা, হাসি, বাইরে হাঁকডাক চলাফেরা—ঘরের তিনটে দরজায় বাচ্চা-বাচ্চা মেয়েদের উকিঝুঁকি—যাক, হারীতবাবু এলেন। যুদ্ধের কথা বলছেন ওঁরা, একটু শুনলো—তাই তো, কিছু একটা গোলমাল হ’লে ভারি অশুবিধে হবে লোকেদের—একটা দেয়াল ঘেঁষে বসতে পারলে পিঠটার আরাম হ’তো—এই-যে।

সত্যেন প্রথম দেখলো মহাশ্বেতাকে। অদ্ভুত রোগা, অদ্ভুত কশী,

শাদা, প্রায় হলদে—গালের উপর ছোটো একটি নীল শিরা স্পষ্ট—গায়ের রঙে শাড়ির রঙে মিশে আছে, আর কালো ব্লাউজের উপর দিয়ে ঝলমলিয়ে নেমেছে রূপোর পাতের মতো আঁচল। তারপর সরস্বতীকে : সোজা দাঁড়িয়েছে, চোখে হাসি, ঠোটে হাসি, কাঁধের উপর মাথাটি চমৎকার বসানো, শাড়িটা নীল—ময়ূরের গায়ে যে-নীল থাকে, সেইরকম—আর কচুরিপানার ফুলের রঙের জামা। তারপর একসঙ্গে দু-জনকে দেখলো।

সরস্বতী বললো, ‘সব ঠিক আছে ? কিছু চাই ?’

কথাটা তাকেই বলা, সেটা বুঝতে পেরে সত্যেন বললো, ‘এই তোড়া দুটো কি সবানো যায় ?’

‘কেন, ফুল ভালোবাসো না ?’ বললো মহাশ্বেতা।

‘ফুল খুব ভালো, কিন্তু দু-পাশে দুটো তোড়া নিয়ে ব’সে থাকা—’

‘থাক না, বেশ তো দেখাচ্ছে।’

পিছন থেকে ভাঙা-ভাঙা ভাবি গলায় একজন বললো, ‘আচ্ছা সরিয়ে দিই।’

সত্যেন ফিবে তাকালো। ‘বিজনবাবু ! কী, সর্দি বুঝি ?’

‘হ্যাঁঃ !’ বিজন হাসলো, তু-বাব কাশলো, নিচু হ’য়ে ফুলদানিতে হাত দিলো।

‘বিজু—’ মহাশ্বেতা ব’লে উঠলো—‘থাক !’

‘তাহ’লে আমি কি একটু স’রে বসতে পারি ?’ মহাশ্বেতাকে আবেদন জানালো সত্যেন।

‘আহা—বসুন না,’ বললেন খি-রঙের ফ্র্যান্সেলের পাঞ্জাবি-পবা

মজবুত চেহারার ভদ্রলোক। ‘আপনি ভাগ্যবান—আপনাকে দেখি আমরা।’

‘এই যে—আরাম ক’রে বসুন,’ বিজন তাকিয়াটা সত্যেনের গায়ে ঠেকিয়ে দিলো।

‘না, না, তাকিয়া না!’ ত্রস্তে স’রে এলো সত্যেন।

মহাশ্বেতা নিচু গলায় বললো, ‘বিজুর চেহারা বড়ো খারাপ হয়েছে। যা খাটুনি!’

‘আর কান্না! ঐ এক দোষ ওর, বড্ড কাঁদে!’

‘আবার উপোশ না-ক’রেও ছাড়লো না!’

‘সত্যি, বিজুটা—’ সরস্বতী হাসতে গেলো, কিন্তু হাসির বদলে খুব ছোটো একটা নিশ্বাস পড়লো তার, সেইসঙ্গে মহাশ্বেতার।

‘মেজদি, সেজদি—ইনি প্রবীণ মজুমদার।’ ঘি-রঙের ফ্ল্যানেলের পাঞ্জাবি-পরা ভদ্রলোক হলদে কার্পেটের উপর উঠে দাঁড়ালেন।

‘ইনি সত্যেনবাবুর বন্ধু,’ কিরণকে দেখিয়ে বিজন বললো, ‘এই আমাদের অখিল আর নিখিলবাবু—আর এঁরা সব—’

‘আমরা চেনা লোক!’ পিছন থেকে একজন ব’লে উঠলো। আর অন্তেরা—বেশির ভাগই দূর’ সম্পর্কের বিবিধ আত্মীয়—মৃদু মর্মরে সমর্থন জানালো।

সত্যেন বললো, ‘আপনার গাড়িতেই এলাম?’

‘আমার সৌভাগ্য,’ মোটা-মোটা পায়ে আসনপিঁড়ি হ’য়ে মজুমদার আবার বসলো।

‘অত বড়ো গাড়ি দিয়ে কী করেন?’

‘কিছু না! ছোটো গাড়িতেই ‘ঘুরি।’

কিরণ বললো, ‘ক-টা গাড়ি আপনার ?’

‘মজুমদার জবাব দিলো না, বড়ো-বড়ো দাঁত দেখিয়ে হাসলো।

মজুমদারের হাঁটু ছুঁয়ে হারীত বললো, ‘এখনো হাসছেন আপনারা, কিন্তু জাপানিদের মংলবটা জানেন ?’

গায়ে গরম কোট, জাঁদরেল শাদা গৌক, শক্তপোক্ত বুড়োমতো একজন বললেন, ‘হংকং কি সত্যি গেলো ?’

‘এইমাত্র শুনে এলাম রেডিও সাইগাঁ। এদিকে ট্যাভয় ধরো-ধরো! আর রক্ষে নেই!’ এই সাংঘাতিক খবরটা বেশ গলায় ঘোষণা ক’রে হারীত সকলের দিকে তাকালো, কহরো-কারো মুখে ভয়ের ভাব দেখতে পেয়ে আরো সুখী হ’লো।

‘কলকাতায় বোমা-টোমা পড়বে নাকি সত্যি ?’ দূর থেকে শ্লেষাভরা গলায় জিগেস করলো একজন।

‘তার আগে কি আর বাঙালি বাবুদের টনক নড়বে! কিন্তু কথাটা হচ্ছে—’

ইনি আরো কী বলেন তা শোনার জন্তু নিখিল কান খাড়া করলো, কিন্তু সরস্বতী তখনই বললো, ‘এখন এ-সব কথা থাক না। আরো তো সময় আছে!’

হারীত চট ক’রে মুখ ফেরালো সরস্বতীর দিকে, ঘোঁক ক’বে হাসলো।

‘মা—’ ছোট্ট আওয়াজ হ’লো মহাশ্বেতার পিছনে।

ইরুকে দেখে মহাশ্বেতা আবারও যেন অবাক হ’লো। কে বলবে বারো বছরের মেয়ে—আর ঐ টুকটুকে লাল ক্রেপ-বেনারসি প’রে কত বড়োই আজ দেখাচ্ছে! ঐ তো

গীতি—ওর তু-মাসের মোটে ছোটো, দেখায় তু-বছরের ; আর চোদ্দ বছরের আঁতাকে ওর সমান-সমানই লাগে। তিনজনকে আর-একবার দেখলো মহাশ্বেতা, হঠাৎ চোখ সরু ক’রে বললো, ‘ঠোটে রং মেখেছিস নাকি রে তোরা ?’

সরস্বতী ফিরে তাকালো।

‘আমাদের ঘণ্টা বাজলো এবার,’ হারীত. নিচু গলায় মজুমদারকে জানালো। ““প্রিন্স অব ওএলস” “রিপালস” যেদিন ডুবলো, সেদিনই বোঝা গেছে—’

সরস্বতী মহাশ্বেতার দিক থেকে চোখ সরিয়ে এনে মজুমদার জোরে একবার মাথা নাড়লো হঠাৎ। আর নিখিল লাল সবুজ কমলা রঙের মেয়ে তিনটিকে আর-একবার দেখতে গিয়ে হারীতের কথাটা একদম শুনতে পেলো না।

ইরু তাকালো আতার দিকে, আতা গীতির দিকে, তিনজনে ফটফুটে ঠোটে হাসলো। ইরু তার হাতের খাতাটা দেখিয়ে বললো, ‘মা, এখন বলি ?’

‘বল।’

‘তুমি বলো, মা।’

মহাশ্বেতা বললো, ‘এরা কী বলতে এসেছে তোমাকে, সত্যেন।’

‘এক সপ্তাহে থাইল্যান্ড, মালয়, ফিলিপাইন...’ এবার নিখিল মনস্থির ক’রে হারীতের আরো কাছে স’রে বসলো।

সত্যেন দেখলো তিনটি মেয়ে তার দিকে আসছে, মাথায় প্রায় সমান-সমান, বাচ্চাও না বড়োও না, হালকা, তিনটি রঙিন পালক ঝরেছে হাওয়ায়, টুকটুকে-লাল, কমলা-লাল, সবুজ।

ইরু বললো, ‘এই খাতাটায় আপনি একটু লিখে দিন।’

‘এখনই?’ বেগনি মলাটের অটোগ্রাফ খাতাটার কয়েকটা হলদে শাদা গোলাপি পাতা উল্টিয়ে সত্যেন বললো, ‘কিছু তো লেখা নেই দেখছি।’

গীতি বললো, ‘একটা আছে।’ হাসিব বুড়বুড়ি উঠলো অগ্ন হু-জনের। ‘সামনের দিকে—’

সতুদার কাঁধের উপর দিয়ে গলা বাড়িয়ে অখিল দেখলো খুলে-ধরা শাদা পাতাটায় লেখা আছে, ‘স্বাতী মিত্র,’ আর তলায় একটু ছোটো ক’রে লেখা, ‘স্বাতী বায়।’

সত্যেনের চোখ লেখাটার উপর পড়তেই তিনজনের হাসি ছলকালো একসঙ্গে। উঃ, কী-মজাই হয়েছিলো ছোটোমাসিকে দিয়ে এটা লেখাবার সময়।

লেখাটার—লেখা ছোটোর—দিকে সত্যেন একটু তাকিয়ে থাকলো। ‘আপনি এ-পাতাতেই লিখুন,’ ব’লে ইক তার হাতে দিলো পিছল-কালো সরু ছাঁদের কলম। ‘না—এ-পাতাতেই।’

সত্যেন নিজের নাম লিখে দিলো।

‘তারিখ দিন!’

হাতে কলম নিয়ে সত্যেন একবার ছবিটি দেখলো, তিনটি দাঁড়ানো মেয়ের রঙিন ছবি।

হারীত একটু কথা থামিয়ে সদয় আমোদের চোখে ব্যাপারটা দেখছিলো, তাড়াতাড়ি প্রম্ট করলো, ‘পনেরোই ডিসেম্বর—’

‘না, না, বাংলাটা লেখো,’ কিরণ ব্যস্ত হ’লো। ‘উনতিরিশে অজ্ঞান।’

‘বলতে হবে না,’ মজুমদার হাত তুললো। ছোটোই, গুঁর মুখস্ত।’

‘হৃদয়স্থ, বলুন!’ কিবণ একলাই হাঃ ক’রে হাসলো।

খাতা হাতে নিয়ে ইক বললো, ‘চল।’ তিন জোড়া চোখে হাসি ঝলসালো : কী-মজা—সকলকে দেখাবে এখন! ছুটে যেতে-যেতে বাপেব সঙ্গে কলিশন হ’লো ইকর—না, আগে ছোটোমাসিকে।

‘টোকিও বলছে ক্রিসমাসেব মধ্যে...’ হাবীত আবাব গলা নামালো।

মজুমদার দেখলো দবজার ধারে একটি টাক-পড়া মাথা। ছ-বোনেব মধ্যে যাব কালো ভেলভেটেব ব্লাউজ, তাকে কী বললেন ভদ্রলোক। ইনিই স্বামী ?—তা-ই হবে, নয়তো কথা বলতে একটুও কি মুখেব ভাব বদলাতো না ? কালো-ব্লাউজ-পরা বোন লাল-মালা-গলায় বোনকে কিছু বললো ; ছ-জনে ফিরলো, চ’লে গেলো।

হাবীত স্বাধীন হ’লো। সত্যেনের দিকে তাকিয়ে বললো, ‘খুব সময়মতো বিয়েটা হচ্ছে। একেবাবে তোপের মুখে!’

মনে-মনে চটপট একটু হিশেব ক’রে কিরণ বললো, ‘অজ্ঞানের মাঝামাঝি হ’লেও এ-সব গোলমাল কিছু—’

‘দেবিটা আমার জন্মই হ’লো,’ হেমাঙ্গ এগিয়ে এলো হলদে কার্পেটে।

‘হ্যাঁ—আপনি প্রায় ভাবিয়ে তুলেছিলেন এঁদের!’ হারীত এমনভাবে কথাটা বললো যেন ‘এঁদের’ ভাবনাটা নেহাৎ অর্থহীন।

‘এদিক-ওদিক’ তাকিয়ে বিজনকে দেখতে না-পেয়ে মজুমদার নিজেই আলাপ জুড়লো, ‘আপনিই বর্মা থেকে?’

‘বর্মার খবর কিছু বলুন!’ কিরণ হাঁটু নাচালো, আর উত্তরট শোনার জন্য নিখিল তাকালো হেমাঙ্গর দিকে।

‘আপনার খবর কী?’ জিগেস করলো মজুমদার। ‘ওখানকা কারবার আপনার?’

হেমাঙ্গ পাংলা হাসলো। ‘আপনি মিস্টার মজুমদার? পড়ে একদিন কথা বলবো আপনার সঙ্গে।’

মজুমদার যেন বাধিত হ’য়ে মাথা নোওয়ালো, মুখ তুলে চওড়া ক’রে হাসলো। চোখে-চোখে জ্ঞাতিত্ব স্থাপিত হ’লে ছু-জনের মধ্যে, প্রতিযোগিতাও। হেমাঙ্গ বুঝলো যে দেখতে বোকা-সোকা হ’লেও লোকটা কাজে ওস্তাদ, আর মজুমদার বুঝলো এই মিহি গলার মেজ-জামাইটি ফতুর হ’য়ে আসেনি, হাতে আছে বেশ, আর কাজেও মেগে যাবে এখানেই, এখনই।

‘বর্মার খবর?’ হারীত এ-সুযোগে কথার সুতো তুলে নিলো, আর নিখিল চোখ সরালো হেমাঙ্গ থেকে হারীতের মুখে। ‘বর্মার খবর, তা আমাদেরও খবর হবে ছু-দিন পরে, যদি-না আমবা—’

‘কিন্তু রেঙ্গুনে কি বোমা পড়েছে?’ শ্লেষাভরা গলায় আবাব প্রশ্ন হ’লো।

হারীত তাকিল্যে ঠোট বাঁকালো। এই এক বোমা নিষেই যত ভাবনা এদের—যেন কোনোরকমে বোমা থেকে বাঁচলেই নিশ্চিন্ত। কী অশিক্ষিত সব! মুখচোখ উদাস ক’বে বললো, ‘পড়লেই হ’লো। কলকাতায় পড়তেই বা বাধা কী।’

হঠাৎ যেন শীতে কেঁপে উঠে কিরণ হাতে হাত ঘঁষে হি-হি ক'রে হাসলো। 'তাই তো! পড়লৈই হ'লো! যদি আজই—যদি, ধরো, আজ রাত্রেই—' বলতে-বলতে সত্যেনের দিকে ফিরলো।

আবছা হাসলো সত্যেন। বোমা পড়বে? জাপানিরা এসে বোমা ফেলবে কলকাতায়? না, না, জাপানিরা কি আর সত্যি অত মন্দ? আর ফ্যালেও যদি, যদি আজই ফ্যালে—তাহ'লেই বা কী? কিছু হবে না বোমাতে, কেউ মরবে না, একটি বাড়িও ভাঙবে না—আর যদি ভাঙেও, কি আগুন-টাগুন লেগে যায়, তাতে তার—তাদের কিছু হবে না, আর তারা যে-কজনকে ভালোবাসে তাদেরও কিছু হবে না; সব ঠিক থাকবে।

কিবণেব হি-হি হাসি শুনে হাবীত তার দিকে একটা আগুন-চোখ ছাড়লো, তাবপব মজুমদারের দিকে ফিবে একটা পরিপাটি বক্তৃতা আরম্ভ করলো। 'ব্যাপাবটা হচ্ছে এই। ধ'রে নিন জাপান এ-দেশে আসবেই। ধরে নিন ইংবেজ আপাতত আরো হ'টে যাবে। এখন আমবা যদি—'

'চলুন আপনারা!' অকণ দাঁড়ালো দরজাব ধারে। 'চলুন। চলুন।' তাব গলা বেশি চড়ে না, বাব-বাব ব'লে কথাটা ছড়িয়ে দিলো। নাঃ—হারীতের একটা কাঁধ জোবে ন'ড়ে উঠলো—বিয়ে-বাড়িতে কথা বলা!

চশমা-চোখে খুশি-মুখেব মানুষটিকে দেখে মজুমদার বুঝলো ইনি আর-এক জামাই—সেই লাল-মালা-গলার?—তা-ই হবে, বড়োজন তো বিধবা? বিজনের কাছে শুনে-শুনে সকলেই তার চেনা হ'য়ে গেছে, কিন্তু সত্যি-তো কাউকেই সে চেনে না, মিসেস

নন্দীকে ছাড়া—আর অবশ্য তাঁর ক্লু-আলগা-মাথার স্বামীটিকে ।
ইঠাং তার মনে হ'লো, না-এলেই পারতাম ।

ঘরের মধ্যে মূহু নড়াচড়া আরম্ভ হ'লো ।

‘চলুন, চলুন সবাই । নিখিল, অখিল, এসো । কিরণবাবু—
আপনি কিন্তু বিয়ে পর্যন্ত থাকবেন ।’

‘লগ্ন কখন ?’

‘দশটার পরে ;—থাকবেন, চ'লে যাবেন না । হারীতবাবু,
আপনিও তো অভ্যাগতর দলেই—দয়া ক'রে উঠুন ।’

হারীত ভদ্রতা ক'বে হাসিব মতো ভাঁজ ফেললো মুখে, একটু
দাঁত দেখালো । যাক, খেতে-খেতে শেষ করবে কথাটা, মজুমদার
আবার ফশকে না যায় । হাতে রাখাব জন্ম খুব মশ্গল ক'বে
বললো, ‘মিস্টর মজুমদার, চলুন তাহ'লে ।’

‘ও, আপনিই !’ বিজনেব বড়ো-গাড়িওলা বন্ধুব দিকে
এগিয়ে এলো অরুণ । ‘কত সাহায্য কবলেন আপনি আমাদেব ।
এখন একটু কষ্ট ক'রে—’ অরুণ স'রে গেলো অন্নদের দিকে ।
‘আপনারা’ চলুন—হ্যাঁ, তেতলায়—সোজা সিঁড়ি দিয়ে উঠে—
হ্যাঁ, হ্যাঁ, জুতো প'রেই যান ।’

‘বেশ বাড়িটি পেয়েছিস,’ আবার দোতলায় উঠতে-উঠতে
সরস্বতী বললো ।

‘ভালো ?’ মহাশ্বেতা অস্পষ্ট স্বরে বললো । বাড়িটাকে
আলাদা ক'রে ভালো ব'লে সে বোঝেনি এখনো ; এটা কলকাতা,
সে কলকাতায় আছে, থাকবে, আর তাকে কালাপানি পেবোতে

হবে না, এইটে বুঝতে-বুঝতেই দিন কেটে যাচ্ছে। ভাগ্যিশ যুদ্ধটা বাধিয়েছিলো জাপানিরা।

‘তুই ক-বছর পর এলি রে?’ সিঁড়িতে মোড় নিয়ে সে জিগেস করলো।

‘বছর তিন হবে। তুই?’

‘আমি পাঁচ বছর,’ মহাশ্বেতা সঙ্গে-সঙ্গে জবাব দিলো। ‘বাবা যেবাব বাড়ি করলেন এসেছিলাম, তারপর এই।’

‘হ্যাঁ, শাস্ত্রতীর বিয়েতে তোব আসা হয়নি,’ সরস্বতীর মনে পড়লো।

‘তোর সঙ্গে আমার দেখা হ’লো সাত বছর পরে। সেই খতীন দাস রোডেব বাড়িতে—’ দোতলায় পৌঁছে মহাশ্বেতা একটু দাঁড়ালো, দম নিলো। ‘আর দিদিকে দেখলাম দশ বছর পর।’

‘দশ বছর!’ সরস্বতী হাসতে গেলো, কিন্তু হাসির বদলে নিশ্বাস পড়লো তার। ‘সত্যি, বড়দি—’ কথা শেষ করলো না; মহাশ্বেতাও ভাবলো, ‘সত্যি—!’ দু-জনে দু-জনের চোখ এড়ালো।

দরজার পরদা কাঁপিয়ে মাঝের বড়ো ঘরটি থেকে হাসতে-হাসতে ছুটে বেবোলো তিনটি ছিপছিপে মেয়ে, একজন টুকটুকে লাল, একজন সবুজ, আব-একজন কমলারঙের। ‘মা, জ্যাখো—’ কালো চোখে আলো ঝলকিয়ে খাতাটা খুলে ধবলো ইরু।

‘হাতের লেখা কার বেশি ভালো, মা?’ গীতি জিগেস করলো।

ইরু বললো ‘আলবৎ ছোটোমাসির!’

‘কক্খনো না! সত্যেনদার,’ বললো আতা।

মা-মাসির রায় শুনতে দাঁড়ালো না তারা, রঙের ঢেউ তুলে চ'লে গেলো ।

কেমন মজার টান দিয়ে কথা ব'লে ইরু, সরস্বতী ভাবলো, বর্মায় হয় নাকি ও-রকম ? আর মহাশ্বেতা ভাবলো, গীতি ও-রকম নেচে-নেচে হাঁটে কেন মেমসাহেবের মতো ? ছ-বোনে বড়ো ঘরটির দরজার ধারে দাঁড়ালো ।

‘কী গো, মহাশ্বেতা, সরস্বতী, কোথায় ছিলে এতক্ষণ ? এসো—সব ঠিক হচ্ছে কিনা জাখো’সে ।’

কথাটা বললেন দূর থেকে তাদের দেখতে পেয়ে এক দিদিমা, তাদের ভূপেশ-দাছুর দ্বিতীয় পক্ষ, গোলগাল আহ্লাদি চেহাবাব মানুষ, মুখে এক টিপি পান, মাত্রই বছর দশ-বারোর বড়ো তাদেব ।

সরস্বতী চুপি-চুপি বললো, ‘বড়ো স্বামী নিয়ে আছেন বেশ কুন্দ-দিদিমা ।’ এগিয়ে এলো ঘরের মধ্যে ।

মহাশ্বেতা কথাটা শুনলো না, দেখতেই ব্যস্ত ছিলো সে । কিছু আসবাব নেই ঘরটিতে, থাকলে এখন বেশি হ'তো । মা'মু'ষেই ভরা । সব মেয়ে ; নানা বয়সের কুমারী আর সধবা । ছড়িয়ে-ছড়িয়ে গল্প করছে দু-তিনজন ক'রে, বসবার জায়গা নেই ব'লে নড়াচড়ার একটা শ্রোত চলছে চাবদিকে ; আর মাঝখানটায় ছোটো একটি দল গোল হ'য়ে দাঁড়িয়ে । কারো দিকে চোখ ফেলে, কারো দিকে হাসি ছুঁড়ে সেই গোল দলটিতে ভিড়লো মহাশ্বেতা সরস্বতী ।

এবার ভালো ক'রে চারদিকে তাকালো মহাশ্বেতা । আত্মীয় সব ; বাপের বাড়ির, মামাকাড়ির দিকের ; যারা তাকে ছোটো

দেখেছে, যাদের সে ছোটো দেখেছে : তার সমস্ত ছেলেবেলাটা সশরীরে এই ঘরে হাজির, স্মৃতি বেরিয়ে এসেছে মন থেকে চোখের সামনে। জীবনে এদের আর দেখবে ভাবেনি, অনেককেই ভুলে গিয়েছিলো, কিন্তু দেখেই বুঝেছে কাউকেই ভোলেনি, কেউ কাউকে ভোলে না, সকলেই সকলের সঙ্গে কোনো-এক সময়ে আবার দেখা হবার আশায় ব'সে থাকে। সকলের মুখের উপর দিয়ে ঘুরিয়ে আনতে-আনতে মহাশ্বেতাব শোভার চোখে চোখ পড়লো।

শোভা—আগে থেকেই মহাশ্বেতাকে দেখছিলো সে—একটু হেসে চোখ সবালো, আর মহাশ্বেতা মন দিয়ে দেখলো এই সমবয়সী জ্যাঠাতুতো, বোনটিকে, চেষ্টা করলো তাব আগের মুখটা মনে আনতে। নাঃ, বড়ো হ'য়ে গেছে শোভাটা—কষ্টে থাকে, অবস্থা ভালো না। মনের মধ্যে একটা 'আহা' উঠেই মিলিয়ে গেলো, নিশ্বাস পড়লো অল্প রকম। আমি—আমাকেও কি ঐ রকম দেখায়?

পাশের মেয়েটি শোভার কানে-কানে বললো, 'মহাশ্বেতার কঙ্গিটা দেখেছো?'

দেখেছো মানে? না-দেখে উপায় আছে নাকি? কণ্ঠার হাড় এমনি তো ঢাকে না, তাই বড়ো-বড়ো মুক্তো দিয়েই—। কিন্তু ঈর্ষা ফণা তুলেই ফিরে গেলো, জিৎলো সুখ। সুখ শোভার মনে, এ-বাড়িতে যখন পা দিয়েছে কাল সকালে, তখন থেকেই সুখ, আব তারপর বেড়েই চলেছে কেবল ;—আজ রাত্রিটাও সে এখানে, আর আজকের রাত আরম্ভও হয়নি এখনো। দুটো দিন, আস্ত দুটো দিন রাজেন-কাকা তাকে বাঁচালেন, নেই-নেই আর আর-পারি-নার

সংসার থেকে : সে না-রৈঁধেই খাচ্ছে, কিছু না-ক'রে ঘুরে বেড়াচ্ছে, হাসছে, সাজছে, গল্প করছে ইচ্ছেমতো, আব গল্প করার লোকও কত—সকলেই ! এত আত্মীয় তার আছে এই কলকাতাতেই—তা যেন আব ভাবতেও পারে না আজকাল । দেখাও হয় না কারো সঙ্গে, মনেও পড়ে না সাত জন্মে ; কিন্তু এই-তো—কেমন আপন-আপন লাগছে এখানে আবার সকলকে, সকলেবই ; একটা ছোঁয়াচে ভালো লাগা সকলেব থেকে সকলেব মনে ছড়াচ্ছে—সত্যি, একটা বিয়েব মতো আনন্দের আব কিছু না ! আব এব পবেই সবাই যে যাব বাড়ি' চ'লে যাবে, যে যাব সংসারে ঢুকবে, আবার সবাই তেমনি দূর, তেমনি পব ; আবার ভোব থেকে বাত পর্যন্ত—না, এখন না, এখনো না ।

শোভা চোখ নামালো । চোখে পড়লো শাদা সুন্দর মেঝেতে সুন্দর শাদা চিকনপাটির উপর শাদা ছুটি পা, শাশ্বতীব হাতেব তুলিতে লাল হচ্ছে ধারে-ধাবে, আব বাঁকানো পিঠে ছড়ানো একঢাল কালো—পিছনে হাঁটু ভেঙে ব'সে চিকনি টানছেন উঁষা-বোদি । কেমন ছবিব মতো ব'সে আছে স্বাতী, উচু-কবা হাঁটুতে থুঁতনি বেখে, হাঁটু'ব নিচেটা দু-হাতে জড়িয়ে, চোখ নিচু ক'বে চুপ । তা ওর আর নিচু চোখেব দরকাব কী, নিজেই নিজেবটা ঠিক কয়লো, আমাদের মতো বোজা-চোখেব বিয়ে তো না । চোখেও দেখিনি আগে, কিছুই জানিনি, বাতাবাতি সর্বেশ্বব হ'য়ে বসলো একেবারে অচেনা একজন—এই, গতানুগতিক চিরাচরিতে শোভা হঠাৎ অবাক হ'লো ।—তা ওতেও তো বেশ কেটে যায় জীবন, আর এতেই কি ভালোই হয় সব সময় ?

‘সরস্বতী, কী-রকম চুলবাঁধা হবে বলো-টলো।’ কী-সুন্দর,

‘আমি তোমাকে বলবো, উষা-বৌদি। তুমি হ’লে চুল নেককরণ
ওস্তাদ!’ যন

‘দিল্লির ফ্যাশন বলো দেখি ছ-একটা,’ উষা-বৌদি খুশি হ’য়ে
ফিতে হাতে নিলেন। ‘না-হয় মহাশ্বেতাই বলো। বর্মায় তো
খুব খোঁপার বাহার।’

‘বর্মায় না, জাপানে,’ স্বাতীর পা থেকে চোখ না-তুলে শাস্বতী
বললো।

‘কী-সব শুনছি বে?’ বললেন পান-মুখে টোপলা-গালে
কুন্দ-দিদিমা, ‘আমাদের নাকি জাপানি রাজা হবে এর পরে?
জিনিশপত্র শস্তা হবে তো তাহ’লে?’

‘আর চুলবাঁধা!’ উষা-বৌদি ঘাডেব কাছেব চুলটা গোল
ক’বে চেপে ধবলেন, ‘এ-সব পাটই থাকবে না ক-দিন পরে
দেশে,’—আঁটো ক’বে বেঁধে ফেললেন ফিতেটা।

‘কেন? থাকবে না কেন?’ একটি অল্পবয়সী মেয়ে হাসির
স্রবে জিগেস করলে।

‘সব ববছাঁট হবে!’ উষা-বৌদি তাঁব চোখ ছটিকে ভাসিয়ে
দিলেন উপরদিকে, যেন ভবিষ্যৎ স্পষ্ট দেখা যাচ্ছে সেখানে।
মহাশ্বেতার চোখে চোখ পড়লো।

‘তা মন্দ কী—বড়িখোঁপার চেয়ে ববছাঁটই ভালো!’ কথাটা
ব’লে, নিজের কথা ভেবে নিজেই খুব হাসতে লাগলেন মহাশ্বেতার
পাশে দাঁড়িয়ে তাদের লীলা-মাসি। যারা শুনলো, তারাও
যে যার চুলের দশা ভাবলো একটু।

সংসার থেকেই মোটা গোছাটায় উষা-বৌদি আস্তে ছুটো চাপড় হাসছে, স সরস্বতীর দিকে তাকিয়ে বললেন, ‘কী চুল ভাই কজমাদের বোনেদের—হিংসে হয় সত্যি !’

‘স্বাতী ছ-একটা কথা-টতা বল।’ হাসি-হাসি চোখে তাক ক’রে কুন্দ দিদিমা বললেন, ‘কাণ্ডটি তো ভালোই ঘটালি—আর লজ্জা কী।’

‘স্বাতী এখন কথার বাজে-খরচ করবে না,’ কোমর থেকে জড়িয়ে-জড়িয়ে চুলগুলি উপরে তুলতে লাগলেন উষা-বৌদি। ‘সব জমিয়ে রাখছে।’

‘তা বাপু কিছু-তো খরচ হ’য়ে গেছে আগেই,’ দিদিমা টেনে-টেনে বললেন, ‘তা-ই থেকেই ছ-একটা নমুনা শুনি আমরা। কী-এমন কথা বলিস রে তুই, যা দিয়ে অত বড়ো বিদ্বানকে জয় করলি ! হ্যাঁ রে, পৃথিবীর সব বই নাকি প’ড়ে ফেলেছে ?’

‘পৃথিবীর সবচেয়ে ভালো বইটি পড়তে আরম্ভ কববে এতদিনে,’ ছ-হাতে পাকিয়ে-পাকিয়ে উষা-বৌদি খোঁপা গড়তে লাগলেন।

শোভা কথা শুনে হাসলো, স্বাতীব মুখ দেখার জন্য তাকালো। কিন্তু মুখের বদলে দেখলো একদিকের গালের খানিকটা ; একটি চোখের কালো পলক-নড়লো। হাতের জড়ানো আঙুলগুলি ছাড়িয়ে নিয়ে স্বাতী যেন চমকে তাকালো। যতবার আঙুয়াজ হয়েছে ততবার চমকেছে, আর যতবার তাকিয়েছে ততবার অবাক হয়েছে। স্বাতী এবারেও অবাক হ’লো তার হাতের দিকে তাকিয়ে—চুড়ি, কঙ্কণ, কত !—আর ঐ বাকবাকে চঞ্চল

চুড়িগুলির পাশে হলদে-সুতো-জড়ানো শাঁখাটা কী-সুন্দর, কী-শান্ত শাদা। শাঁখা পরানো শক্ত নাকি, টিপে-টিপে অনেকক্ষণ ধরে পরাতে হয়, পাছে ভেঙে যায়; কিন্তু ছোট্ট শাঁখাটা যেন নিজে-নিজেই চ'লে এলো তার হাতে, আঙুলের গাঁটে মোটে ঠেকলো না। স্নলক্ষণ, সবাই বললো।

স্বাতী আস্তে বললো, ‘ছোড়দি, হ'লো তোমার?’

‘এই হ'লো।’ শাস্ত্রী হাত সরালো, মাথাটি একটু দূরে সরিয়ে দেখলো একবার, তারপব হাতে টিপে সরু ক'রে নিলো তুলিটা। ‘পা-টা উচু কব তো একটু।’

মেঝেতে গোড়ালি বেখে পায়ের আঙুল উচু করলো স্বাতী। তুলিটা শুড়শুড়ি দিলো আঙুলের ফাঁকে। স্বাতী ন'ড়ে উঠলো, তলি স'রে গেলো।

‘নড়িস না—হ্যাঁ, এই ঠিক। ঠিক এইভাবে থাক।’ শাস্ত্রী খুব মন দিয়ে আঙুলের গলিতে তুলি বুলোতে লাগলো, আর স্বাতী তাকিয়ে থাকলো তার পায়ের পাতার হলদেমতো রঙের দিকে। সন্ধেবেলা কাঁচা হলুদে স্নান, তাবপব এই মোটা, কোরা লালপাড শাড়িটা পরতে হ'লো—শাড়িটা ওবা পাঠিয়েছে—ওবা—সে—শাড়িটা সে পাঠিয়েছে আমাব জন্তু। পায়ের পাতার একটু উপবে টকটকে লাল পাড়টার দিকে স্বাতী একবার তাকালো। কাকে নাকি দিয়ে দেবে এটা। এটাই? অল্প শাড়ি দিলে হয় না?

‘কই গো রাজকন্যারা, কোথায় সব?’

শাস্ত্রী মুখ তুললো, স্বাতীও; ছ-বোনে চোখোচোখি হ'লো,

দু-জনেই বুঝলো একই কথা মনে হয়েছে দু-জনের। কথাটা, বলার ধরনটা, এমনকি গলার আওয়াজটাও অনেকটা বাবার মতো—সেই আগেকার দিনে যেমন ক’রে বলতেন বাবা—বারে-বারেই ভুল হয়। বাবার কথা মনে হ’তেই স্বাতীর বুকেব মধ্যে আঁটো কষ্ট মোচড় দিলো আবাব, আর মহাশ্বেতা সরস্বতীর মনে পড়লো ছেলেবেলায় এই বড়োপিসি যখন এসেছেন, তাঁব কাছে শোয়া নিয়ে কত ঝগড়া করেছে তিন বোনে।

‘এখন আর রাজকন্যা না,’ কুন্দ-দিদিমা হাসলেন, ‘সব রাজরানী।’

শাস্বতী নিচু গলায় বললো, ‘পা নামা এবাব।’ স্বাতী পা পাতলো; প্রত্যেকটি নখে একটি লালের ফোঁটা দিয়ে স্বাতী উঠে দাঁড়ালো।.

‘বেশ হয়েছে,’ লীলা-মাসি তাবিক কবলেন।

শাদা চুলে সিঁদুর নিয়ে বড়োপিসি এদিকে তাকালেন, ওদিকে তাকালেন। ‘ভাঙা গালে মিষ্টি হেসে বললেন, ‘পঞ্চকন্যা একসঙ্গে আবার। রাজুব অনেক দিনেব একটা সাধ মিটলো।’

‘আমাদেরও,’ আলগোছে ব’লে নিয়ে উষা-বৌদি মস্ত ঘন কালো খোঁপাটায় কাঁটা বসাতে লাগলেন।

‘তা সত্যি! আমাদের মেয়ে ক-টিও তেমনি তো! রূপে শুণে এমন আর দেখলাম না!’ বলতে-বলতে নিঃসন্তান বড়োপিসিব তোবড়ানো গালের ফোকরে-ফোকরে হাসি ঝরলো।

পিসিমার আর কাণ্ডজ্ঞান হ’লো না, মহাশ্বেতা ভাবলো; একধর মেয়ের সামনে এ-রকম বলতে হয়! কথাটা চাপা দেবাব

জ্ঞা একটা জানা কথাই জিগেস করলো, ‘পিসিমা শাশ্বতীর বিয়েতে এসেছিলে ?’

‘ও মা !’ গালে হাত দিয়ে বড়োপিসি অবাক হলেন, ‘আমার অসুখ না তখন ?’ তোদের পিসে তো ভেবেছিলো আমি ম’রেই যাবো। হুঁঃ, আমার মরা যেন সোজা—কলেরা টাইফোট কতই দেখলাম, আমার কাছে সব ফেলটুশ !’

ঘরে একটা হাসির হাওয়া বইলো ; স্বাতী ভাবলো বড়দির কথাও অনেকটা এ-রকম—আব সুখের কুয়াশা আরো ঘন•হ’য়ে ঘিরলো শোভাকে, মুখগুলি ঝাপসা দেখলো সে, যেন নাক-চোখ কারোরই স্পষ্ট না, শুধু একটা হাসিতে—একই হাসিতে—প্রত্যেকটি মুখ সেজে আছে। সকলেই স্বাতীদের আত্মীয়, সে ভাবলো, কিন্তু সকলেই সকলের আত্মীয় না ; অনেকে অনেককে চেনেও না ভালো ক’বে, অনেকে অনেককে জীবনেও আর দেখবে না ; তবু এখন, এখনকাল মতো, কেউ কারো দূর নয়, পব নয়, সকলকেই একবাড়ির লোক ক’রে দিয়েছে বিয়েবাড়ি, আব এই সকলের মধ্যে সেও আছে।

স্বাতীর পরবাব সোনালি-লাল বেনাবসির ভাঁজ খুলতে-খুলতে সবস্বতী বললো, ‘যাক, স্বাতীর পয়াতে সকলের সঙ্গে সকলের দেখা হ’লো। কতকাল এ-রকম হয়নি !’

কতকাল কেন, মহাশ্বেতা ভাবলো, কোনোদিন না, কোনোদিন হয়নি। একসঙ্গে এদের সকলকে কোনোদিন দেখিনি আমি, আব অনেক সব বো, জামাই, আর ছোটোদের তো এই প্রথম দেখলাম। আর-একবার সে চোখ ঘুরিয়ে আনলো ঘরের মধ্যে,

তারপর বড়োপিসির কুঁকড়োনো মুখে চোখ রেখে ভাবলো, আমরা সকলেই একসঙ্গে বেঁচে আছি, আমিও আছি সকলের সঙ্গে। কথাটা ভেবে অবাক লাগলো তার, ভারি ভালো লাগলো।

‘হ্যাঁ, সকলের সঙ্গেই সকলের,’ মহাশ্বেতা বললো, ‘কেউ বাকি নেই।’

কেউ বাকি নেই?—একটা বোবা চিৎকার উঠলো স্বাতীর মনে—জামাইবাবু! কারো মনে পড়ে না একবার, মানুষটা যে ছিলো তাও মনে পড়ে না? এক ঝাপটে ফিরলো তার মনে ছোড়দির বিয়ে, পরের দিনের সকালবেলা, খাটের উপর পায়ে পা তুলে সেই হা-হা হাসি, সেই একটুতেই-অবাক-হওয়া গোল-গোল চোখের অফুরন্ত ভালোমানুষি। সব মুছে গেলো? এর মধ্যেই? চাপা কষ্ট ছাড়া পেলো, ছড়ালো, অনেকক্ষণ পব ঠেলে উঠলো গলাব কাছে। এখন সে আর আর সে-মেয়ে নয় যাকে সে চেনে না, যার হাতে শাঁখা, পায়ে আলতা, পরনে ‘তার’ পাঠানো কোরা শাড়ি, আর যাকে ঘিরে সকলের সুখ, আনন্দ; এখন সে আবার স্বাতী, পাঁচ বছরের, এগারো বছরের, পনেরো বছরের স্বাতী, কৌকড়া চুলেব, আঁকড়ে-ধরা, কেঁদে-কেঁদে না-খেয়ে ঘুমিয়ে-পড়া, বৃষ্টি-পড়া রাত্রে জেগে উঠে ভয়-পাওয়া, লালপাড় শাড়িতে মাঘের সকাল আলো-করা, এখন সে আবার তার মা-ব শরীর, এখন সে আবার তার বাবার মেয়ে। স্বাতী হাঁটুতে মুখ লুকোলো।

সোনালি-লাল বেনারসিটা হাতে নিয়ে সরস্বতী কাছে এলো। ‘স্বাতী ওঠ। শাড়ি পরবি।’

‘স্বাতী,’ শাশ্বতী আরো নরম ক’রে ডাকলো। সিঁড়িতে শোনা গেলো জুতোর শব্দ, একসঙ্গে অনেক; আরো, অনেক লোক উপরে উঠছে একসঙ্গে।

স্বাতী মুখ তুলে হাতের পাতায় চোখ মুছলো। মস্ত কালো খোঁপাবাঁধা মাথাটি ঘুরিয়ে-ঘুরিয়ে লালচে চোখে তাকালো চারদিকে, দেখলো হাসি, শাড়ি, রঙের ছড়াছড়ি, গলার হারে কানেব ছলে বেঘারেঘি, ধবধবে ইলেকট্রিকের আলোয় মস্ত ময়ূর পেখম ছড়ালো, আনন্দ দাঁড়িয়ে আছে তাকে ঘিরে, সকলের আনন্দ। মুখ থেকে মুখে সরলো তার চোখ, কী-যেন খুঁজলো।

শাশ্বতী বললো, ‘কিছু চাই, স্বাতী?’

খুব ছোট্ট গলায় স্বাতী বললো, ‘বড়দি কোথায়?’

‘বড়দি? বড়দিকে চাই? ডেকে দিচ্ছি—’ শাশ্বতী দরজার দিকে এগোলো, জুতোর শব্দ মিলোতে লাগলো দোতলা পার হ’য়ে ছাতের দিকে, সত্যেনকে একবার দেখে আসতে হয় এখন।

‘এই-যে বড়দি। তোমার খোঁজেই যাচ্ছিলাম। স্বাতী ডাকছে তোমাকে।’ শাশ্বতী আর দাঁড়ালো না, সিঁড়ির দিকে এগোলো।

‘ঐ-তো বড়দি,’ সবস্বতী বললো। ‘এসো, তুমি না-এলে স্বাতী শাড়ি পরবে না।’

‘তোমরা যাও উপবে,’ বলতে-বলতে শ্বেতা কাছে এলো। ‘লীলা-মাসি, তুমি এঁদের নিয়ে যাও। পিসিমা বলো সকলকে।’

কুন্দ-দিদিমা বললেন, ‘পুঙ্খদের হোক।’

‘আজকাল আর ও-সব নেই!’ বড়োপিসি হাত নাড়লেন।

‘পুরুষের সঙ্গে সমান-সমান স্ত্রীলোক ! আসুন আপনি। তোরা সব চল রে।’

দূর দেয়াল থেকে একটা নড়াচড়ার হাওয়া মাঝের দলটি পয়ন্ত পৌঁছলো। সিল্কে সোনায় ঝিলিক দিলো, পাল্লা-চুনি চিকচিকোলো। আর ঘরভরা ঐ চপল সোনা আর মুখর জড়োয়া আর সিল্ক সাটিন ব্রোকেডের আশ্চর্য নাচের মধ্যে স্বাতী দেখলো বড়দিকে আরো আশ্চর্য, শাদা, থানপরা, তার হাতের চুড়িগুলির পাশে শাঁখাটার মতোই আশ্চর্য শাদা, আর সেইরকমই শান্ত, সুন্দর।

‘কী স্বাতী ?’ স্বাতী চোখ নামালো, শ্বেতা তার পাশে এসে বসলো। নিচু গলায় বললো, ‘কিছু একটু খা, কেমন ?’

‘না।’

‘একটু নেবুর জল ক’রে আনি—ভালো লাগবে। তেষ্ঠা তো পায়।’

‘এখন না। একটু বোসো, বড়দি।’

‘স্বাতী—’ সরস্বতী তাড়া দিলো।

‘আচ্ছা, একটু পরেই পরবে।’ স্বাতীর পাশে ব’সে শ্বেতা তাকে এক হাতে জড়ালো, তার হাতে পৌঁছলো স্বাতীর ভিতরকাব কাঁপুনি। ঘরের ভিড় কমলো, ক’মে এলো, পাটির উপর প’ড়ে রইলো শাড়ি, জামা, ওড়না, গয়না ; ছাতে আরম্ভ হ’লো খেতে বসা।

সিঁড়ির মাঝপথে শান্তী দেখলো হারীতের সঙ্গে উঠে আসছে প্রবীর মজুমদার। শান্তী থামলো, মজুমদারও থামলো তাকে দেখে। আগের মতোই হাত জোড় ক’রে অনেকখানি

মাথা নোওয়ালো, আগের মতোই সমস্ত মুখ ভ'রে হেসে বললো,
'মিসেস নন্দী, ভালো আছেন?'

শাশ্বতী ঘাড় হেলিয়ে বললো, 'আপনি ভালো?'

'ভাগ্য আমার,' শাশ্বতীর মুখের উপর চোখ রাখলো মজুমদার,
'আপনার সঙ্গে দেখা হ'য়ে গেলো।'

শাশ্বতী হাসলো, কী বলবে ভেবে পেলো না। সেই যেদিন
মজুমদার তার মুখে—তাকেই বলতে হয়েছিলো কথাটা—
প্রত্যাখানের পাকা খবর নিয়ে ফিরে গিয়েছিলো, তারপর শাশ্বতী
আর ছাথেনি তাকে, ভাবেনি আর দেখবে। স্বাতীর বিয়েতে
মজুমদার আসবে তাও ভাবেনি। আসা তো কম কথাই—
মজুমদারের বেশ উৎসাহই যেন; উপহার পাঠিয়েছে একেবারে
একটা গ্রামোফোন, গাড়ি পাঠিয়ে দিয়েছে সারাদিনের জন্য,
আর দেখাচ্ছে তাকে আগের মতোই খুশি। মানুষটা কী?—
নিঃসাড়? মহৎ? না কি তখন একটা উড়ো খেয়াল হয়েছিলো—
সত্যিকার কিছু না?

'আপনার গ্রামোফোনটি খুব সুন্দর,' শাশ্বতী মনে হ'লে।
এ-কথাটা বলা যায়, উচিতও বলা।

'আমার তো না!' মজুমদার হাসলো।

হারীত তাড়া দিলো, 'চলুন।' এই কথাবার্তাটা বাজে
লাগছিলো তার, কানও দেয়নি, কিন্তু মজুমদার কী-রকম বিগলিত!
আবার বললো, 'চলুন।'

'আচ্ছা, খুব ভালো লাগলো দেখা হ'য়ে,' মজুমদার বিদায়
নিলো।

‘আমারও,’ আবার হাসলো শাশ্বতী, মাথার একটু ভঙ্গি করলো।

শাশ্বতী নামলো, মজুমদার উঠলো, হারীত একবার ফিবে তাকালো, আর শাশ্বতী যেন সেটা আশা ক’রেই যেতে-যেতে চোখ তুললো। নিজের জীকে হঠাৎ খুব সুন্দর দেখলো হারীত।

না—মজুমদার ভদ্রলোক; আর-কিছু না, যাকে ভদ্রলোক ব’লে তা-ই। কত ভালো লাগলো মজুমদারের এই—এই অসাধারণ ভদ্রতায়—হ্যাঁ, অসাধারণ বইকি; যা হ’লো না স্টেটাকে কেমন মেনে নিলো, সুখী হ’লো সকলের সুখে। শাশ্বতীব সুখ এতে বেড়ে গেলো, ভাবলো এটা আমার উপবি-পাওনা, দিদিরা কেউ জানেই না ব্যাপারটা, স্বাতীর বিয়েতে আমাব যতটা, ততটা ওদেব কাবোবই না। ভাবলো, তুল কবেছিলাম তখন, কিন্তু স্বাতী করেনি, সত্যেন ছাড়া কারো সঙ্গেই ওকে মানাতো না—সত্যি!—ঠিক মানুষের সঙ্গে ঠিক মানুষের দেখা হয়েছে, বিয়ে হচ্ছে; সুখী হবে ওরা, কত সুখী হবে, একটু খুঁত থাকবে না কোথাও। শাশ্বতীব মন সুখে ভ’বে গেলো, যেন আর ধরে না, যেন হাওয়ায় ভেসে-ভেসে চ’লে এলো সামনের ঘরটির দরজায়।

মেঝে-জোড়া ফরাশের উপর হলদে কার্পেট প’ড়ে আছে, পানের থালা ছাইয়ের বাটি ছড়ানো, লাল কার্পেট থেকে স’বে এসে মস্ত ঘরে একলা ব’সে আছে সত্যেন। তাড়াতাড়ি কাছে এসে শাশ্বতী বললো, ‘বাঃ!’

সত্যেনের চোখে আভা’ দিলো ম্যাজেন্টা রঙের শাড়ি, হলদে

আর সবুজে মেশানো জামা, সবুজ আর লাল পাখী
জাল-বোনা নেকলেস। প্রথমে সে ঠোঁট ছটির নড়া দেখলো,
তারপর কথা শুনলো : ‘আপনাকে একা ফেলে চ’লে গেছে
সবাই ! বেশ !’

‘অরুণবাবু ছিলেন। আসবেন আবার। আর একা আমার
ভালোই লাগছিলো।’

সত্যেনের নরম চোখে তাকিয়ে, নরম গলার কথা শুনে
শাস্ত্রীর মন উচ্ছল হ’লো, এখন ঠিক সুখে না, সুখ-ছাপানো
অগ্ন-কিছু, নতুন বোধ এটা, আর-কোনো মানুষের জন্ত তার
জাগেনি ; মনে হ’লো, আমি এর জন্ত কী করতে পারি ? শাস্ত্রী
অবাক হ’য়ে ভাবলো : স্বাতীর চেয়েও কি বেশি হ’লো সত্যেন ?
অবাক হ’য়ে ভাবলো : একেই স্নেহ বলে ?

‘একাই ভালো লাগছিলো ? তাহ’লে আমি না-এলেই ভালো
হতো ?’

সত্যেন তাড়াতাড়ি বললো, ‘না, না, এটা আরো ভালো।’

শাস্ত্রী হাসলো। এদিক-ওদিক চোখ ফেলে বললো, ‘এখানে
ফুল ছিলো না ?’

‘আমি সরিয়ে রেখেছি। আর যদি অনুমতি করেন একবার
উঠে দাঁড়াই।’

‘নিশ্চয়ই !’

সত্যেন উঠলো। তার পিছনে ঝলক দিলো লাল গোলাপের
তোড়া দুটো।

শাস্ত্রী বললো, ‘ক্লান্ত লাগছে, না ? চা খেয়েছিলেন এসে ?’

‘বোধহয় ।’

‘বোধহয় মানে ?’

সত্যেন কার্পেটের উপর কয়েক পা হাঁটলো। ‘মানে—সকলকে যখন চা দিচ্ছিলো আমাকেও দিয়েছিলো এক পেয়ালা, কিন্তু খেয়েছিলাম কিনা ঠিক মনে পড়ছে না ।’

সত্যেনের প্রত্যেকটা কথায় তাকে আরো ভালোবাসলো শাস্ত্রী। ‘আর-একটু খাবেন এখন ? অবশ্য উপোশের উপর বেশি চা খাওয়া ঠিক না ।’

‘উপোশ কেন ? আমি-তো খেয়েছি-টেয়েছি ।’

‘বে-শ ! এদিকে আমাদের মেয়ে কিছু খায়নি সারাদিন ।’

‘খায়নি ? আমি বলেছিলাম তো খেতে ।’

শাস্ত্রীর হাসি পেলো কথা শুনে। হাসি চেপে বললো, ‘আমরাও বলেছিলাম, কিন্তু খেলো না কিছুতেই। আর, একটা দিন না-খেলেই বা কী। আপনি তাহ’লে—আমি চা নিয়ে আসি, কেমন ? এক্ষুনি আসবো ।’

‘আমি ভাবছিলাম—’

‘কী ?’

‘অন্য কোথাও বসা যায় কি ?’

‘কেন, এখানে কী-হ’লো ?’

‘একটা চেয়ার-টেয়ার যদি থাকে কোথাও—’

‘ও !’ শাস্ত্রী চোখ দিয়ে হাসলো। ‘আচ্ছা, আসুন।’ সত্যেনকে নিয়ে এলো ভিতরের দরজা দিয়ে ছোটো একটা ঘরে, সেখানে তিন-পাঁচ ডব্লিংক্রমের আসবাব ঘেঁষাঘেঁষি ক’রে রাখা।

সত্যেন একটা চেয়ারে বসে পিঠ জিরোলো। শীঘ্র
জিগেস কবলো, ‘এখন আরাম হচ্ছে?’

‘থুব। একটু বেশিই।’

‘নীল বংটা কেমন?’

‘এই চেয়াবেব? থুব সুন্দব।’

‘যাক। আপনাব অপছন্দ হয়নি? তাহ’লেই হ’লো।’

কথাটা বুঝতে না-পেবে সত্যেন বললো, ‘কেন?’

‘বাঃ, আপনাব জিনিশ—’

‘আমাব কেন?’ সত্যেন একটু পরে আবার বললো, ‘আমি
এ-সব দিয়ে কববো কী। আব বাখবোই বা কোথায়?’

‘ও-সব ভাববাব লোকও তো হ’লো।’ হাসিব একটা
ঝলমলানি বেখে শাশ্বতী চ’লে গেলো, একটু পরে ফিরে
এসে ধোঁয়া-ওঠা এক পেয়াল চা বাখলো সত্যেনের পাশে
হলদে-কাচ-বসানো ছোটো টেবিলে।

সত্যেন বললো, ‘আপনি একটু বসুন এবাব।’

‘না, বসবো না। আপনি খান।’

চায়ে চুমুক দিয়ে সত্যেন বললো, ‘বাঁচলাম।’ এতক্ষণে
বুঝলো ভিতবে-ভিতবে চায়েব তেষ্ঠাই পাচ্ছিলো তাব।

‘ঠিক হয়েছে? চিনি বেশি হয়নি?’

‘ঠিক। চমৎকাব।’

শাশ্বতী দাঁড়িয়ে-দাঁড়িয়ে একটু সত্যেনকে দেখলো, তারপর
বললো, ‘একটা কথা বলি আপনাকে।’

‘বলুন।’

‘আমাকে কিন্তু ছোড়দি ডাকতে হবে।’

‘ডাকবো।’

‘আর আমি কিন্তু কাল থেকে আপনাকে “তুমি” বলবো।’

সত্যেন মুখের দিকে তাকিয়ে বললো, ‘নিশ্চয়ই।’

‘আপনিও আমাকে “তুমি” বলতে পারেন ইচ্ছে করলে।’

‘তা-ই বলবো। কাল থেকে তো?’

‘হ্যাঁ, কাল থেকে।’

আস্তে হেসে উঠলো দু-জনে একসঙ্গে। অকণ ব্যস্তভাবে ঘরে এসে বললো, ‘বাঃ, সত্যেনকে এখানে এনে লুকিয়ে বেখেছো, শাস্ত্রী! এদিকে আমি ভাবছি কী হ’লো।’

‘আপনাদের ভাবনা তো দেখলাম। মানুষটাকে একলা ফেলে চ’লে গিয়েছিলেন সব!’

‘উপরটা দেখে এলাম একবার। সত্যেন তৈরি তো? বেশি আর দেরি নেই কিন্তু।’

‘আমিও যাই। ওঁকে দেখবেন, অকণদা—হারিয়ে-টাবিয়ে না যায়।’ শাস্ত্রী যেতে-যেতে একবার ফিরে তাকালো সত্যেনের দিকে।

সোঁজা ছাতে এলো। মেরাপ-বাঁধা শামিয়ানা-খাটানো মস্ত ছাত, ব্ল্যাক-আউটের আর শীতের জুতা টেনিস-লনের মতো মোটা নীল পরদা-ঘেরা, আর-একটা পরদা চ’লে গেছে চিলকোঠাব বরাবর ছাতটাকে ছোটো আর বড়ো দুটো অংশে ভাগ ক’বে দিয়ে। ছোটো দিকটায় বিয়ে হবে, আর বড়োটায় খাবার

জায়গা—খাওয়া হচ্ছে। সরু-সরু লম্বা টেবিলে মুখোমুখি বসে
সারিতে বসে গেছে সব; পাঁচটা টেবিল ভরে পুরুষরা, আ-
তিনটে ভরে মেয়েরা; দেখাচ্ছে বেশ। ছ-সার পিঠের মধ্য
দিয়ে সরু পথে এগিয়ে এলো শাস্ত্রী, খয়েরি শার্ট দেখে দাঁড়িয়ে
বললো, ‘ভালো ক’রে খাচ্ছো তো, নিখিল?’

এক টুকরো ভেটকি-ফ্রাই মুখে তুলতে গিয়ে নিখিল ঘাড়
ফেরালো, শাস্ত্রীকে দেখতে পেলে অনেকখানি লাল হ’লো।
শাস্ত্রী আবার বললো, ‘কী, কিছু চাই?’

‘না, কিছু না,’ নিখিল চোখ নামালো টেবিলে পাতা ঘি-রঙের
পাংলা কাগজে, ছোটো-বড়ো খুবিতে ঘেবা মাটির লাল থালায়।
চাইবাব কী আছে? শাক থেকে রসমালাই পর্যন্ত আমিষ
নিরামিষ চাটনি মিষ্টি মিলিয়ে আঠারো রকম খাবার— হ্যাঁ,
আঠাবো, সে গুণে দেখেছে—একই সঙ্গে সাজানো, সুগন্ধি
কেওড়া-জল, আলাদা একটি ছোট থালায় লবঙ্গ-বেঁধা একটি পান
পর্যন্ত—সঙ্গে, পান যাবা খায় না বোধহয় তাদের জন্য একটু
গুপুবি মৌবি আব আস্ত একটি বড়ো এলাচ। বিয়েব নেমস্তম্ভের
যে-ছবি নিখিলের মনে ঝাঁকা, আছে, ছেলেবেলায় অনেকবার যা
দেখেছে, তার সঙ্গে কিছুই এব মেলে না। সেই কুশাসন
কলাপাতার ঘেঁষাঘেঁষি, গায়েব জামার নিচের দিকটা ভিজ়ে যাওয়া,
বেগুনভাজা পাত্রে নিয়ে ডালের জন্ত বসে থাকা, ঝোলার উপর
অম্বল, আর অম্বলের উপর দইয়েব গড়িয়ে যাওয়া, অল্প সব দিয়ে
খাওয়া যখন প্রায় শেষ তখন হঠাৎ পোলাও মাংসের জাঁকালো
আমদানি—ঘাম, গন্ধ, পরিবেশনের পরিশ্রম, কিছুই না; আর—

য়ে যা ভালো, আশ্চর্য, নিখিলের কাছে নতুন—চ্যাচারি
কিডাক নেই, চুপচাপ, যারা খাচ্ছে তাদেরই কথাবার্তার গুনগুনানি
শোনা যাচ্ছে শুধু। খাওয়াও যাচ্ছে বেশ বেছে-বেছে, আরামে ব'সে,
স্বাধীনভাবে; আর যদিও আঠারো রকম খাবার, তবু সবই বেশ
অল্প-অল্প ব'লে কোনোটাই প্রায় ফেলতে হয় না। ভেটকিটা শেষ
করতে-করতে নিখিল আশেপাশের কথাবার্তায় কান দিলো।

‘...কথাটা হচ্ছে আমরা এখন কী করবো।’

‘আমরা?’ গলাবন্ধ লম্বা কালো কোট-পরা শৌখিন চেহারার
মানববয়সী একজন ভদ্রলোক হারীতের দিকে চোখ তুললেন।

‘আমরা আর কী করবো। গোলাম আছি, গোলামই থাকবো।’

কেউ-কেউ হাসলো কথাটা শুনে। হারীতের মুখ লাল হ'লো,
তার ছোট্ট হাসি ঘক ক'বে উঠলো। শাল-কাঁধে আর-একজন
বললো, ‘তাই-বা কেন? এই হয়তো আমাদের সুযোগ।’

‘সুযোগ নিশ্চয়ই!’ তীব্র মতো প্রশ্ন ছোটালো হাবীত,
‘কিন্তু কিসের?’

ছোলের ডালের ছেচকি দিয়ে মটরশুঁটির কচুবি খেতে-খেতে
মজুমদার একবার চোখ তুলে দেখলো মিসেস নন্দী সামনে দিয়ে
চ'লে যাচ্ছেন। একটু তাকিয়ে থাকলো, কিন্তু চোখাচোখি
হ'লো না। শাস্তী এগোলো, জলের জগ হাতে দু-জন লোক
দু-দিকে চ'লে গেলো, দূবে দাঁড়িয়ে রেজুনি জামাইটি কাকে দেখে
হাসলেন, আর অগ্নি দিকে, মেয়েরা যেখানে বসেছে সেখানে
একবার বলক দিলো কালো মখমল-কাঁধের উপর রূপোর মতো

আঁচল। না-এলেই পারতাম, আবাব জাবলো মজুমদার, সাংসার কেন এসেছি ? মনে পড়লো মিসেস নন্দীর কাছে শেষ বেদিন—; অনেক কথাই বলবে ভেবেছিলো, কিন্তু বেশি বলতে হ'লো না ;— হ'লো না। বিজন তাবপব এসেছিলো একটা পালক-ঝরা-পাখিব মতো চেহারা ক'বে, ফোঁশফোঁশ গর্জেছিলো ; তাব প্রায় কিছুই সে শোনেনি, তাব কানে আওয়াজ দিচ্ছিলো। অনেক ধরে শুধু ঐ কথাটা—হ'লো না। কষ্ট পায়ছিলো ? বুক ফেটে গিয়েছিলো ? না তো। এ-অবস্থাব যে-বকম বর্ণনা নভেল-টভেলে লেখে সে-বকম কিছুই তাব লাগেনি। কষ্ট কিছু না, আব-কিছু না, শুধু অপমানব বিছেব জ্বলুনি, না-পাবাব বিকাব। সে পাবলো না, ফেল হ'লো, সে, প্রবীবচন্দ্র মজুমদাব, কুচোকেবানিব ডালভাত খেয়ে বডো-হওয়া বডো ছেলে, আজ দেডশো লোকের মনিব, বডো গাড়ি আব ছোটো গাড়িব মালিক, এই প্রথম সে কিছু চেপ্টা ক'বে পাবলো না। না কি তেমন ক'বে চেপ্টা কবেনি, তেমন ক'রে ইচ্ছা কবেনি—যেমন ক'বে ষোলো বছব আগে মুঠো চেপে বলেছিলো, 'টাকা আমাব চাই।'

‘ কিছু বোঝে না কেউ। আপনি কী বলেন ? ’ হাবীত নন্দীর অস্থবঙ্গতা মজুমদাবেব কান কাডলো।

‘আমি ?—আমি ঠিক ’

‘কথাটা খুব সোজা। আপনি কি ফ্যাশিস্টদেব জয় চান ?’

হাবীতেব মুখের দিকে একটু তাকিয়ে থাকলো মজুমদাব। গালেব ভাঁজে-ভাঁজে বিনয় ঝবিযে নবম সুরে বললো, ‘আচ্ছা, ফ্যাশিস্ট কাকে বলে ?’

হাতীত হাত নেড়ে হেসে উঠলো।

‘দয়া ক’বে যদি, একটু বুঝিয়ে দেন, মিস্টার নন্দী,’ গম্ভীর মুখে
আবো নরম গলায় অনুনয় করলো মজুমদার। ‘আমি লেখাপড়া
শিখিনি, কিছু বুঝি না।’

‘আমি তো কবে থেকেই ছেলেদের বলছি,’ শ্লেষা-ভবা চড়া
গলার আওয়াজ হ’লো তাদের পিছনে, ‘বেশি আব পাশ-টাশ
ক’রে কাজ নেই বাপু, একটু জাপানিটা শেখো!’

লোকটার চেহারা দেখাব জন্ম হাবীত ক্ষিপ্ত ঘাড় ফেবালো,
আব মজুমদার সেই স্রযোগে হাত দিলো শর্যে দিয়ে ভাপানো
চিংড়িতে। পাবলো না, চেষ্টা ক’বে পাবলো না, আশা ম’বে
গেলো, তবু লোভ তাকে ছাড়লো না। এই সেদিন বিজন যখন
এলো কেমন চোব-চোব মুখে বোনের বিয়েব খবর দিতে—নেমন্তন্ন
কবতে—তাকেই দেখাতো হ’লো খুশি, উৎসাহ,—বিজনের
কিন্তু-কিন্তু ভাবটা তাকেই কাটাতে হ’লো—আব দেখাতে গিয়ে
সেটাই যেন সত্যি হ’য়ে গেলো। উপহার পাঠালো চাবশে।
টাকার গ্রামোফোন, উপকার পাঠালো সারাদিনের জন্ম বড়ো
গাড়িটা; আব নিজেও এলো সময়মতো ভাগনিকে নিয়ে
মুর্তিমান সৌজন্য সেজে। কেন? কৃতজ্ঞ কবতে? মহত্ব
দেখাতে? বাজে। যে-কোনো স্ত্রে, যে-কোনো শর্তে একটু
সম্পর্ক পাতা, সম্বন্ধ বাখা, এই কি সে চায়? এই কি সে চায় না।
এত কাণাল সে?

‘...তা পেনশনটা দেবে তো ঠিকমতো?’ একজোড়া ভাঁদরেল
শাদা গৌফের ফাঁক দিয়ে সব্ব একটি প্রশ্ন পড়লো মজুমদারের

ঠিক পিছনে, আর তার মুখোমুখি ব'সে কিরণ বক্সি কল কল করে ফুলকপিটি মুখে তুলতে গিয়ে হঠাৎ থেমে গেলো।

‘সত্যি কি এখন কলকাতার বাইবে ফ্যামিলি পাঠানো দরকার?’

কিরণ বক্সির প্রশ্নটা হারীতকে লক্ষ্য করেছিলো, কিন্তু হারীত মুখ তুলে ছ-গালের পেশী একবার একটু নাচালো শুধু ;—হাসতেই চেয়েছিলো, কিন্তু দেখালো ভেংচির ~~হাস~~।

কিরণের খালি-হ'ওয়া গেলাশে জল ঢেলে দিলো তার পিছনে দাঁড়িয়ে কৌকড়াচুলের এক নবযুবক। নিখিল ঘাড় বেঁকিয়ে তাকালো, ডালিম এর মধ্যে আবার পোশাক বদলেছে ; ঢোলা পাজাবির বদলে এখন তাব গায়ে ছাইরঙের ডোরা-কাটা সিক্কের শার্ট, আস্তিন-গুটোনো, কজিতে আবার সোনাব ঘড়ি—ঘড়িটা কেন?

চোখোচোখি হ'তে নিখিল বললো, ‘ক-টা বাজলো, ডালিমবাবু?’

ঘড়ির দিকে তাকাতে গিয়ে ঠাট্টা বুঝে লাল হ'লো ডালিম, এগিয়ে গেলো টেবিল-ফাঁকের গলি দিয়ে।

‘.. এখন যাদের পেনশন হবো-হবো তাদের আর ভাবনা কী। চাইলেই এক্সটেনশন!’

‘নাকি?’

‘বাঃ, এ. আব. পি, সাপ্লাই—এই-যে, এখানে একটু জল। আঃ, খাশা পোনা!’

কথাটা শুনতে পেয়ে হেমাঙ্গ ছুটে এলো। ‘আপনাকে আর-একটু...আর-কিছু...?’

হাস্তা জাপানিরা কি সোজা প্লেনে ডাফৎ নামা ফেলবে
কলকাতায়, নাকি এয়ারক্রাফট-কেরিয়ার নিয়ে বে-অব বেঙ্গলে
আসবে ?’

কিরণ বস্ত্রির এই সূক্ষ্ম সামবিক প্রশ্নের উত্তরে হারীত মুখ
পর্যন্ত তুললো না ; যেন চারদিকে নিবুদ্ধিতার ভারে ছুয়ে প’ড়ে
পোলাওয়ার পেস্তা-বাদাম খেতে লাগলো খুঁটে-খুঁটে, তারপর
হঠাৎ দ্রুত আঙুলে মাংস ~~শ্বেত~~ নিয়ে চাখলো—মন্দ না-তো, বেশ !
একটু খেয়ে নিয়ে খুব নিচু গলায় আরম্ভ করলো, ‘শুনুন, ফ্যাশিস্ট
হচ্ছে তারাই, যারা...’

‘আপনি এক্সটেনশন নিচ্ছেন নাকি ?’

‘নাঃ, আমি আর ..’ বক্তাব মুখের চর্য পদার্থে বাকি কথা
চাপা পড়লো । ‘তবে রাজেন বোধহয়—’

‘রাজেনবাবু ? তিনি-তো পেনশনের দিন গুনছিলেন ।’

‘তপাল! তপাল!’ এতক্ষণে প্রথম কথা বললেন খুব-বুড়ো একজন,
রাজেনবাবুর সাক্ষাৎ ভগ্নীপতি, সেই বড়োপিসিব শাদাচুলের লাল
সিঁছর ঝাঁর বেঁচে থাকার ইস্তাহার । ‘বড়ো মেয়েটা বিধবা হ’য়ে..’

ডালিম তাড়াতাড়ি স’রে গেলো অশ্রুদিকে, শাস্ত্রী তাকে
দেখতে পেয়ে হাত নেড়ে ডাকলো ; আর হারীতের নাছোড়
ঘ্যানঘ্যান শুনতে-শুনতে—মানে, না-শুনতে-শুনতে—হঠাৎ একবার
চোখ তুলতেই সেই হাতনাড়াটুকু মজুমদাবের চোখে পড়লো ।

‘তেন রাজেনের তপালে এ-রতম ?’ দাঁত-পড়া মুখে ‘ক’ গুলি
সব ‘ত’ শোনালা, তারপর একটু জোর দিয়ে বলতে গিয়ে ‘স’টা
সুদ্ধ ‘ত’ হ’য়ে গেলো, ‘মানুষটা তৎ, তাই !’

‘তা সত্যি!’ সঙ্গে-সঙ্গে সায় দিলেন রেবতী সিংহ, রাজেনবাবুর প্রতিবেশী। ‘অতি সজ্জন রাজেনবাবু! আমাদের পাড়ার মধ্যে—’

‘দে তো আমাকে একটু জল। উঃ, এমন ঢেকেছে চারদিকে—’

‘ভাগ্যিশ শীতকাল!’ ডালিম গন্তীব গলায় বললো, ‘গরম পড়লে যে এই ব্র্যাক-আউটে কী-ক’রে—’

‘তদ্দিনই থাকবে ব্র্যাক-আউট ~~কিন্তু~~ শাস্তীব চিন্তা হ’লো। ‘কী-যে হাঙ্গামা, সত্যি! তা তুই যে জল নিয়ে? ওরা সব আছে তো।’

‘আমিও তো আছি,’ ডালিম মিষ্টি ক’বে হাসলো। তারপর হঠাৎ হাতের জগটা নামিয়ে কজিতে বাঁধা ঘড়িটা খুলে পকেটে বাখলো।

‘খুলে বাখলি যে?’

‘অনুবিধে লাগে,’ ডালিম একটু আবছা ক’বে হাসলো।

‘মানিয়েছিলো কিন্তু। জামাইবাবু ঘড়িটা—না?’ হালকা গলায় এ-কথা ব’লে শাস্তী চ’লে গেলো মেয়েদেব টেবিলের দিকে।

ডালিম একটু দাঁড়ালো, আলগোছে আবাব প’রে নিলো ঘড়িটা।

‘...স্বাতীটা তাব বাপের প্রাণ! তাকে বিয়ে দিয়ে এখন—’ কথা শেষ না-ক’রে কুন্দ-দিদিমা পাতের দিকে তাকালেন, বেসনে-ভাজা চাকতি-বেগুনে কামড় দিলেন এতক্ষণে।

‘ও সবই স’য়ে যায়, সবই ঠিক হ’য়ে যায়,’ হাসি-হাসি,

লীলামাসি পৌছিলেন মাছের মুড়ো দিয়ে রাখা বাঁধাকপির
জলনায়।

‘চিংড়িটা কী-অদ্ভুত ভালো!’ শোভার ডরামুখ থেকে
উৎসাহ উপচোলো।

‘কোনটা না?’ তক্ষুনি ব’লে উঠলেন বড়োপিসি। ‘প্রতাপ
ঠাকুরের রান্না—এর উপর কি আর কথা আছে!’

একটু দূর থেকে অন্ধকারে কবয়সেব একজন মহিলা জিগেস.
করলেন, ‘বিখ্যাত বুঝি প্রতাপ-ঠাকুর?’

‘ও মা!’ বড়োপিসি গালে হাত দিয়ে অবাক হলেন।
‘প্রতাপ ঠাকুরের নাম শোনেননি আপনি? তার বাপ ছিলো
বিক্রমপুত্রের শ্রেষ্ঠ ঠাকুর, সাবা দেশেও তো তার মতো—’

পিছনে দাঁড়িয়ে মহাশ্বেতা ছোট চিমটি কাটলো বড়োপিসির
কাঁধে।

‘বাঃ!’ জলপাইয়েব টকে এইমাত্র চিকচিকে হওয়া শাদা
গোঁফের ফাঁক দিয়ে আওয়াজ বেবোলে। ‘রাজেন ব্যবস্থাটি
করেছে, পরিপাটি, তা বলতেই হয়।’

‘হ্যাঁ, উত্তম!’

‘তোফা রান্না!’

‘শেষ মেয়েব বিয়ে, খবচ করেছে খুব। আর জামাইবাও
সব যোগ্য—’

‘এটি কিন্তু পয়সায় খাটো হ’লো,’ একটু নিচু গলায় মন্তব্য
করলেন, সোনার চশমা-পরা, টাক-পড়া প্রোঢ়, স্বাতীদেব প্রভাত-
মেসোমশাই, লীলামাসির স্বামী।

‘তা হোক,’ টম্যাটোর চাটনিতে ভেজানো আঙুলটা মুখ থেকে বের ক’রে রেবতীবাবু মত দিলেন, ‘ছেলে খুব ভালো! এতদিন এ’রে দেখছি—আমার বাড়িতেই তো—চোখ তুলে তাকায় না কাবো দিকে!’

‘যেখানে তাকাবার সেখানে ঠিক তাকিয়েছে!’ শ্লেষাভরা ওড়া গলার অঙ্কুরাজ হ’লো।

কইমাল্লের লম্বা শাদা কাঁটাটি ~~সেখানে~~ ধাবে সাজিয়ে চিত্রা বললো, ‘মনে-মনে স্বাতীর এই ছিলো!’

‘আমি তো কবেই বুঝেছিলাম!’ অল্পম্মা হাসলো।

‘কবে বুঝেছিলি?’ চিত্রা যেন অবিশ্বাস করলো কথাটা।

‘অনার্স ক্লাসে তো দেখিসনি। সত্যেনবাবু একবারও তাকান না স্বাতীর দিকে, আব স্বাতীও কক্খনো বই থেকে চোখ তোলে না!’

মস্ত, বয়স্ক, অত্যন্ত-সাজা, বিয়ে-না-হ’য়ে-বেমানান ইভা গাঙ্গুলি পুরুষের মতো মোটা গলায় বললো, ‘তা তোমরা যে যা-ই বলো, প্রোফেসরের সঙ্গে ছাত্রীর এ-রকম—’

‘আস্তে! ঐ-যে স্বাতীর ছোড়দি!’

‘আপনি মুগের ডালটা খেলেন না?’ একদম অচেনা একজনের দিকে ভুরু কুঁচকোলেন বড়োপিসি।

‘কত খাবো!’ লাজুক মহিলাটি নিচু গলায় বললেন।

‘একটু মুখে দিয়ে দেখুন,’ বড়োপিসির হাসিতে স্পষ্ট এই কথাটা ফুটলো যে এমন মুগের ডাল পৃথিবীর ইতিহাসে এই প্রথম রান্না হ’লো, দ্বিতীয়বার আর হবে না।

‘আপনি তো কই খাচ্ছেন না, শুধু কথাই বলছেন,’ বললেন লাল-পাড় গরদ-পৰ্বা একজন পরিতৃপ্ত প্রৌঢ়া, হারীতের মা।

‘এই-যে খাই,’ বড়োপিসি পোলাওয়ে হাত দিলেন।

‘তা-আ-বেশ!’ মুখ খুলে-খুলে সোনা বাঁধানো দাঁতে মাংস চিবোতে-চিবোতে বয়সের পক্ষে বেখাপ্লাবকম রংচঙে শাড়ি-পরা এক গিন্নির এইমাত্রই যেন মনে পড়লো নিমন্ত্রণের উপলক্ষ্যটা। ‘বে-শ বিয়ে হ’লো। যা দিনকাল তাতে মেয়ের পাত্র জোটানো—’

‘যা বলেছেন!’ বড়োপিসি খাওয়া থামিয়ে গম্ভীর মুখে তাকালেন। ‘চারদিকেই তা-ই—একটি-ছুটি পার কবতেই গলদঘর্ম এক-একজন। আব আমাদেব পাঁচ-পাঁচটি মেয়ে—’ বড়োপিসিব সমস্ত মুখ মধুব একটি হাসিতে উদ্ভাসিত হ’লো, চোখ ঘুরিয়ে-ঘুরিয়ে সকলেব দিকে তাকিয়ে বলতে লাগলেন, ‘পাঁচটিরই যেন উড়াল দিয়ে বিয়ে হ’য়ে গেলো—একটাব বেশি কথা না—চোখে দেখলো কি লুফে নিলো। আর জামাইও এক-একটি—’

‘আঃ! থামো তো তুমি!’ মহাশ্বেতার ফিশফিশে গলা অনেকেই শুনলো, কিন্তু কথাটা যাকে বলা তিনিই যেন শুনতে পেলেন না।

‘তী দেখুন আমাদেব মেয়েরা তো আর নিজেরাই বব ধবতে ছোট্টে না!’ বললেন রেবতী-গিন্নি টেবিলের একধাবে ব’সে পাশের চেয়ারের পাশের বাড়ির মেজবোর কানে-কানে।

মেজবো কথা না-ব’লে হাত ওল্টালেন। তাঁর আংটিব পাথর থেকে একদানা পোলাও ঝরে পড়লো।

‘স্বাতী নিশ্চয়ই কলেজ ছেড়ে দেবে?’

‘সে-তো দিতেই হবে,’ জবাব দিলো ইভা গান্জুলি, তার ভাইস-প্রিন্সিপাল মামার কতৃহের সুরে।

‘বেশ ছিলো স্বাতীটা,’ একটু বিষাদ লাগলো অনুপমার গলায়। ‘মনে আছে সেই এনশেণ্ট ম্যারিনরের ক্লাশ?’

‘আর সেই-যে একদিন ট্র্যামে ফিরছিলাম, সত্যেন রায় উঠলেন?’

একসঙ্গে ছোটো নিশ্বাস পড়লো অনুপমার, চিত্রার। সে-সব দিন যেন কত দূরে চ’লে গেছে এরই মধ্যে।

‘সুগ্রীতির চিঠিপত্র পাস?’

‘কই আর? বিয়ে হ’য়ে গেলে আর বন্ধুবা!’

‘কে-যে কার মধ্যে কী দেখতে পায়!’ ইভা গান্জুলি তার পুকষের গলা অনেকটা নামালো, কিন্তু তাও বেশ চড়া শোনালো অগ্নি ছ-জনের নিচু গলার পরে। ‘সত্যেন রায়েব মতো ত্রিলিয়ান্ট ইয়ং মান—তার আরো, আরো একটু—’

কথা শেষ না-ক’রে ইভা গান্জুলি এখনো-না-ছোওয়া খাবার থেকে চোখ দিয়ে বাহুতে লাগলো; একটু দূর থেকে তার মুখের উপর পড়লো ছ-কোণ চশমা-পরা তীক্ষ্ণ চোখ, আর এতদিনের মধ্যে এই প্রথম তার মুখে সত্যেন রায় সম্বন্ধে প্রশংসা কিছু শুনে চিত্রা অনুপমা অবাক হ’য়ে তাকালো।

‘—তার আরো অ্যান্ডিশস হওয়া উচিত ছিলো,’ টকের খুরি থেকে আলগোছে জলপাইটি তুলে নিয়ে কথা শেষ করলো ইভা। ‘মামা তো বলেনই, “কেন যে সত্যেন এখানে প’ড়ে আছে

জানি না ; কত ভালো চাকরি ওর হ'তে পারে । ঐ ওর দোষ—
অ্যাস্থিশন নেই !”

‘কিছু মনে করবেন না,’ ঘেঁষাঘেঁষি টেবিলে যতটা সম্ভব
এগিয়ে এলো ছ-কোণ-চশমা-পরা বংমাখা মুখটি, ‘কিছু মনে
করবেন না, আপনাদের কাউকে চিনি না—আপনাদের কথাব
মধ্যে কথা বলছি—আপনারা স্বাতী বন্ধু তো ? আমিও স্বাতী ব
বন্ধু—আব আমি এ-কথা ~~কিছু~~ চয়ই বলবো যে স্বাতী অসাধাবণ
মেয়ে, এব. সত্যেনবাবু অসাধাবণ—ভাগ্যবান ।’

এই প্রোচাব বক্তৃতাটি শুনে ইভা গাঙ্গুলি ফুঁকু হকচকালো,
আব চিত্রা যেন এতে জোব পেলো তাব আন্তরিক একটি অভিমত
ব্যক্ত করার, ‘সত্যেনবাবু দেখতে কিন্তু ভালো না ।’

‘দেখতে ভালো কিনা জানি না, তবে খুব অ্যাট্রাক্টিভ ।’
স্পষ্ট উচ্চারণে কথাটা ব’লে উঠলো ছিপছিপে কালো একটি
মেয়ে, মাত্রই একটি ঢাকাই শাড়ি পবা, এবাব তাদের সঙ্গে
নতুন ভবতি-হওয়া ।

‘এখন আবাব বেশি অ্যাট্রাক্টিভ হ’লে বিপদ !’ ইভা বাঁকা
হাসলো কালো মেয়েটির দিকে তাকিয়ে ।

‘আপনাদের কাবো কিছু, আব কিছু ’ শাস্তী তাদের কাছে
এসে দাঁড়ালো ।

উর্মিলা বললো, ‘একটু জল, ছোড়দি ।’ বিজনকে বিজ্ঞদা
বললেও শাস্তীকে এর আগে ছোড়দি বলেনি সে, কিন্তু এখন
বললো এইজন্ত যাতে অন্তেবা বুঝতে পাবে তার সঙ্গে এদের
কত ঘনিষ্ঠতা ।

‘জল? এই-যে—’ এদিক-ওদিক তাকাতে শাখতীর চোখাচোখি হ’লো ডালিমের সঙ্গে, চোখ দিয়ে তাকে ডাকলো।

কর্তব্যপৰ্যায় ডালিম বাধ্য হ’য়ে এগোলো। এতক্ষণ ঘুবে-ঘুরে অণ্ড সব টেবিলের অনেক খালি-হওয়া গেলাশেই সে জল দিয়েছে, সময়ে এড়িয়ে গেছে এই একটি টেবিল। ওখানে যাবা ব’সে আছে নাদের দিকে দূর থেকে তাকাতে গেলেও চোম্বের পাতা যেন তাব হ’য়ে নেমে আসে। কেন ~~কেন~~ কেন? কেন মেয়েবা এত সুন্দর, আর কিছুতেই কেন তাদের কাছ থেকে যাওয়া যায় না?

শুভ্র, গম্ভীর মুখে, শ্রাণপণে লাল-না-হবাব চেপ্টা কবতে-করতে, গম্ভীর গেলাশে জল ঢালতে লম্বা ডালিম নিচু হ’লো। একটা গন্ধ নাকিষে উঠলো তাব দিকে—কেমন, কেমন-কেমন, নতুন, অদ্ভুত, আশ্চর্য গন্ধ।

‘আমাকে একটু জল দিন তো,’ স্পষ্ট গলায় কথাটা যে বললো ডালিম তাকে আগেও একবার দেখেছিলো—বডোমাসির কী-বকম নন্দ যেন—আব খানিক আগে সিঁড়িতে একবার—ঠিক তখনই, ঠিক দেখতে পায়নি, শুধু একটা কপের আভা, রঙের বলক চমকে গিয়েছিলো তাব চোখের সামনে। টিপিটিপি কষেক চ্যাব সবলো ডালিম, আস্তিন-গুটোনো ঘড়ি-বাঁধা ফর্সা হাতে জলের জগ উচু কবলো, আব ঠিক তখনই, একেবারে অকাবণে কপসীটি মুখ তুললো, ন’ডে উঠলো চাকার মতো কানবালা, চোটেব উপর পাংলা গোঁফে আলো পড়লো। জগটা হঠাৎ ভাবি হ’য়ে গেলো ডালিমের হাতে, আব এমন বেয়াড়া হ’য়ে উঠলো যে ডালিম গায়ের জোরে চেপে ধবতে-ধবতেও উপচে পড়লো জল,

গেলাশ ছাপিয়ে, টেবিলের পাংলা কাগজ ভিজিয়ে, ঝ'রে পড়লো
ঝলমলে বেনারসিতে, গাডিয়ে নামলো মখমলের জুতোয়, পৌঁছলো
আশে-পাশে ছোট ছিটে হ'য়ে। মহাশ্বেতার কী-বকম-যেন
ননদটি একবার নিচু হ'য়েই ক্ষিপ্ত মুখ তুলে কটমট ক'বে তাকালো
ডালিমের দিকে, তাব বম্য ঠোঁটের উপর পাংলা সোনালি গোফ
আলো স্পষ্ট দেখা গেলো এবার ; আশে-পাশে হাসি বইলো
ঝিরঝির ; শাস্তীর মেজো-জা 'মিনি' শাশুড়ির সান্নিধ্য এড়াব
জন্ত তরুণীটেবিলেই বসেছিলেন—অবশ্য নিজেও তরুণী, কিন্তু
বিবাহিত ॥ আব অবিবাহিত মেয়েতে তো জন্মান্তরবৎ তফাৎ—
শাস্তীর মেজো-জা বেদরকারি ছোটো-ছোটো জলের টোকে হাসি
চাপতে চেষ্টা কবলেন, আব টেবিলের একধারে ব'সে জলতরঙ্গ
বাজনার মতো হেসে উঠলো তিনটি ফুটফুটে পবী, পাশাপাশি,
একজন লাল, একজন সবুজ, অশ্রুজন কমলাবড়োব।

মুখভরা সন্দেশ, খেতে-খেতে গরম লেগেছে ব'লে খয়েরি শাটের
'গলার বোতামটা খোলা, নিখিল হাসির শব্দে ঘাড় ফেবালো।
হাসতে গিয়ে তিনজনেই পিছনদিকে হেলোছে, তাই তিনজনকেই
এবার একটু স্পষ্ট দেখতে পেলো নিখিল, আর খুব স্পষ্ট দেখলো
ডালিমকে, ছিমছাম, সুশ্রী, গ্রে স্ট্রাইপের ছবস্ত্র একটি শার্ট পবা,
নিচু মাথায় চুলের ঢেউ দেখিয়ে জলের জগ হাতে সেখানটাতেই
দাঁড়িয়ে। নিখিল কিছু জানলো না, শুধু দেখতে পেলো ; তাব
মনে হ'লো ডালিমের মুখও হাসি-হাসি ; হঠাৎ ঈর্ষার একটা
ঝাপট দিলো তার মনে, কাঁচা ছানার চমৎকার ববফিটা আটকে
গেলো গলায়।

কিয়ণ বস্তু জিগেস করলো, ‘তাহ’লে সত্যি জাপানিরা বোমা ফেলবে কলকাতায়?’ কাকে জিগেস করলো নিজেই জানলো না, ‘তাহ’লেটাও অর্থহীন; কেননা এর আগে তার আরো ছোটো সূক্ষ্মতর, গুরুতর প্রশ্নের—‘কলকাতা ছেড়ে মিনিমম কত মাইল দূরে ঠিক নিশ্চিত বলা যায়?’ ‘ডিরেক্ট হিট না-হ’লে তো আর কিছু হবে না?’—কোনো তরফ থেকে কোনো জবাব পায়নি; খেতে-খেতে নিজেব ভাবনা ভেবে ~~বোমার~~ স্বপ্নের গৌ, তার আসন্ন, অনিশ্চিত অনীতাহীন অবস্থা, চিরস্থায়ী কলকাতায় এই কল্পনাভীত অঘটন, আর তারই স্মৃতি ধ’রে-ধ’বে এইমাত্র-পাতে-পড়া পাপবভাজা ভাঙতে গিয়ে এই আদি প্রশ্নটাই আবার খুব জরুরি স্তরে বেরিয়ে গেছে তাব মুখ দিয়ে।

‘না, বোমা ফেলবে না,’ মৃদু জবাব দিলেন লম্বা-কোট-পরা, লম্বা জুলপিওলা শোখিন ভদ্রলোকটি, ‘গোলগাল শহরটিকে আস্ত মুখে পুবে—এইবকম,’ ব’লে মুখ উচু ক’বে ছু-আঙুলে-ধরা রসগোল্লাটি একটু দূর থেকে আস্ত ফেলে দিলেন জিভের উপর।

ফিফ্থ কলাম! সব ফিফ্থ কলাম! না—সব না, আমরা আছি! লড়বো, কথবো, জিতবো আমরা—ছারপোকার মতো টিপে-টিপে মারবো এক-একটাকে! ভাবতে-ভাবতে হারীতের মুখ হিংস্র হ’য়ে উঠলো, আঙুলগুলি দ্রুত নড়তে ‘লাগলো থালার উপর, খামকা কিছু-একটা তুললো থালা থেকে—খাওয়া তার হ’য়ে গিয়েছিলো অনেকক্ষণ, আদ্বৈত জিনিশই ছোঁয়নি—চোখে না-দেখে চিবিয়ে ফেললো টোম্যাটো-চাটনির আদার কুচি। ওঃ—ঝাল!

‘আমাকে পাপর না!’ জিভের ঝাঁঝে মনের ঝালে মিশে কথটি জ্বল্জ্বল শোনালা, উগ্র ধমকের মতো।

হারীতের শিষ-টানা শুনে মজুমদার তার মোলায়েমতম গলায় বললো, ‘কোনটা ঝাল লাগলো, মিস্টর নন্দী?’

উত্তরে হারীত একটু ভালোমানুষি হাসির চেষ্টা কবলো।

‘একটু মিষ্টি খান—এই এটা বেশ উপাদেয় মনে হচ্ছে।’ মজুমদার তার পরিষ্কার ~~মুখ~~ খুরিস্কু রসমালাই তুললো। একটু-একটু পাপর ভেঙে ~~দিয়ে~~ দিয়ে তুলে-তুলে খেতে লাগলো। ‘দেখছেন তো পাপরের সুবিধে—চামচেতে চামচে, খাওয়াতে খাওয়া। কিন্তু আপনি বুঝি পাপর ভালোবাসেন না?’ বলে সারা মুখে হাসি ফুটিয়ে হারীতের দিকে তাকাতে গিয়েই হঠাৎ তার মুখের ভাব বদলালো, চোখ স’রে গেলো, মাংসল ঠোঁট কমনীয় হ’লো, চোখে ফুটলো ঠাট্টার বদলে গভীরতা, চোখোচোখি হ’লো সামনে দিয়ে চ’লে যাওয়া শাস্ত্রতীর সঙ্গে।

‘থাকছেন তো?’ ঘাড় হেলিয়ে কথটি বলে শাস্ত্রতী একটু তাড়াতাড়ি এগোলো। নিচে এখন—এতক্ষণে স্বাতীকে সাজানো বোধহয়—কিন্তু মোড় নিয়ে হঠাৎ থামলো বাবাকে দেখতে পেয়ে। দূরে, কোণে, যেখানে আলো একটু কম, সেখানে জলের জালা আর থালা-প্লাশের স্তূপের কাছে বাবা দাঁড়িয়ে আছেন হেমাঙ্গ-দাঁপ পাশে। শাস্ত্রতী যেন অনেকক্ষণ পর বাবাকে দেখলো, যেন অস্বস্তিকরকম দেখলো। বাবাব মুখটা যেন ছোটো, মানুষটাই যেন ছোটো হ’য়ে গেছেন আগের চাইতে। রেখা-পড়া মুখ, কঁকড়োনো চোখ, গলার চামড়া ঢিলে, গায়ে সেই ছাইরঙা আলোয়ানটি

কেমন বিষমতার মতো জড়ানো—দূর থেকে, আর বাবা অন্যদিকে তাকিয়ে ছিলেন ব'লে, সবই যেন খুব স্পষ্ট দেখলো শাস্ত্রী। ফিবলো—যদিও নিচে যাবার গরজ তার খুব; টেবিলফাঁকের উজ্জ্বল গলি দিয়ে, যুবকদের চকচকে চুল আর মেয়েদের রংবাহার শাড়ি-গয়নার ধার ঘেঁষে, পাপব-পরিবেষকদের ঝুড়ির ধাক্কা বাঁচিয়ে, দূরের কম-আলোব কোণের দিকেই শাস্ত্রী যেতে লাগলো। বাবাকে বলাব কোনো ~~কথা~~ কথারি কথা যে তার মনে প'ড়ে গিয়েছিলো তা নয়, বাবাকে বলার কিছু কথা যে তার ছিলো তাও নয়;—কিছুই না, শুধু মনে হ'লো একবার যাও।

‘আমাদের দেশের অসুবিধে হচ্ছে যে কোনো পলিটিক্যাল এডুকেশন নেই,’ আদাব ঝাল সামলে নিয়ে হাবীত তার গান্ধীর্থে ফিবলো।

মজুমদার তখন জল খাচ্ছিলো, কিন্তু জলের গ্লাস নামিয়েই কথা বললো না। নেবুত কচলে নিয়ে গ্লাশের বাকি জলে ডুবিয়ে হাত ধলো, বাঁ হাতে বিলিতি সূতির রুমাল বেব ক'বে ঘ'বে-ঘ'বে হাত মুছলো; সেটা ছুমড়ে বাঁ পকেটে ফিরিয়ে ডান পকেট থেকে বেব করলো মস্ত মসবকপী সিল্কের রুমাল, সেটি একবার ঠোঁটে বুলিয়ে আস্তে-আস্তে বললো, ‘সিল্কের কমালের অসুবিধে এই যে তাতে ঠিকমতো হাত মোছা যায় না। সেইজন্য বিয়ের নিমন্ত্রণে আসতে হ'লে আমি দুটো আনতে ভুলি না।’ হারীতেব দিকে একচোখ তাকিয়ে তখনই আবার বললো, ‘কিন্তু আপনার কথা খুব সত্যি! এই দেখুন না—আমি এটা পর্যন্ত জানতাম না যে

জাপানিরা রাস্তায় দাঁড়িয়ে জ্যাস্ত গোরু কেটে-কেটে খায়! কত শিখলাম আজ আপনার কাছে।’

হারীতের নাকের বাঁশি ছুটি একটু ফুলে-ফুলে উঠলো,
মজুমদারের রেশমি রুমাল তাতে উপহার দিলো। ল্যাভেণ্ডরের গন্ধ,
হারীত কৌশ ক'রে নিশ্বাস ফেললো। না, রাগবে না ; রাগলে
কিছু হবে না ; শত্রুপক্ষকেও কাজে লাগানো চাই, তবে তো!
আপাতত লোকটার সঙ্গে ~~সঙ্গে~~ পারলে এই খেয়ে-টেয়ে আব
হাঁটতে হয় না। হারীত অর্থাৎ তাকালো, যেন ঠাট্টা বোঝেনি,
কিংবা সেও যোগ দিচ্ছে ঠাট্টায় ; আলগোছে বললো, ‘আপনি
এখন কোন দিকে?’

‘আমি এখন—’ মজুমদার থামলো। এখন বাড়ি? এখনই? আর কোথায়? কোথাও সুখ নেই!—সুখ! যারা কিছুই পেলো না, সুখ নামক বিখ্যাত বস্তুটা তো তাদেরই কনসোলেশন প্রাইজ! সে কী করবে সুখ দিয়ে?

‘যদি আপনার পথে পড়ে আমাকে নামিয়ে দিতে পাবেন?’
হারীত খুলেই বললো কথাটা।

মজুমদার ফিরে তাকালো। ‘আপনি থাকছেন না?’ অথাক
হওয়ার সুর লাগলো তার গলায়।

‘আমি ভাবছিলাম—মানে, কথাটা হচ্ছে এই বিয়ে ব্যাপাবটা
এত বোরিং !’

‘কোনটা ? অনুষ্ঠানটা না পরের অবস্থাটা ?—কিছু মনে করবেন না ; আপনি অভিজ্ঞ, আপনার কাছে জেনে নিচ্ছি ।’

কথাটা কিরণ বস্ত্রির বিশী লাগলো, কিন্তু সেই জুলপিওলা

ভদ্রলোকটি আব আরো ছ-জন হাসলেন কথা শুনে, কিন্তু হাবীত হাসতে গিয়ে থেমে গেলো, যেন এইমাত্রই তাঁর মনে পড়লো যে এই মজুমদার স্বাতীৰ জন্ম সচেষ্ট হয়েছিলো, আব হঠাৎ, এমন-যে চৌকশ ছেলে হাবীত নন্দী, তাবও একটু অপ্রতিভ লাগলো যেন, আব সুখী শাস্ত্রী বাবাব পাশে দাঁড়িয়ে-দাঁড়িয়ে উজ্জল দৃশ্য দেখতে লাগলো । ভাঙবাব আগে আসব জমাট ; আগেব চেয়ে সবব এখন, গলা আরো খোলা ; অনেকব খাওয়া শেষ, তাবা সোৎসাহে কথা ছিটোচ্ছে আশে-পাশে, আর দূবে-বসা চেনা লোকেব দিকে হাত নাডছে ; কেউ হেলান দিয়ে পান চিবোচ্ছে আদামে, কেউ টেবিলে হাত বেখে ওঠাব জন্ম তৈরি ; অনেকে গ্লাশেব জলে হাত ধুচ্ছে । মেয়েদেব আব বুড়োদেব টেবিলে মিষ্টি চলছে এখনো, ভূপেশ-দাচ্ চোদ্দটা বসগোলা খেলেন, সবাই খুব হাসলো ।

‘চমৎকাব খাওয়া হয়েছে, বাবা । খু—ব ভালো খেয়েছে সবাই,’ শাস্ত্রী জলজলে মুখে বাবাব দিকে তাকালো ।

‘না, না, আপনি থাকবেন না তা কী হয় ?’ মজুমদার নিচু গলায় বললো হাবীতকে । ‘কী মনে কববে সবাই ? আব মিসেস নন্দী—’

শাস্ত্রী বললো, ‘বাবা, চলো এখন । সি ডিতে ভিড’আবস্ত হ’লে আব—’

‘আপনাকে থাকতেই হবে!’ মজুমদার হাবীতকে পিড়াপিড়ি কবলো ।

‘আপনি থাকছেন ?’

থাকবো ? মিসেস নন্দী ব'লে গেলেন না ? আঃ—ও-বকম তো সকলকেই ব'লে ! আব বললেই থাকতে হবে ? না—খুব হয়েছে, আব না ! নন্দীকেই বা আমি কেন ? আমি কে ? আমাব কী ? আর এই হিন্দুবিবাহেব পবিত্ৰ পুতুলখেলা দেখাব চাইতে আবো অনেক ভালো-ভালো ব্যাপাব আছে কলকাতায় শীতেব বাত্ৰে ! এই লড়াই-খ্যাপা জগাইটাকে সেখানে ধ'বে নিয়ে গেলে কেমন হয় ? ~~জুমদা~~ জুমদাবেব বেজায় হাসি পেলো কথাটা ভেবে, কিন্তু হাসি চেপে গভীৰ গলায় হাবীতেব প্রশ্নেব জবাব দিলো, 'আমি ? আপনি এখানকাব যা, আমি কি তা-ই ?' কথাব শেষে বড়ো-বড়ো দাঁত দেখিয়ে হাসলো ।

হাবীত মনে-মনে খুব তাৰিফ-কবলো লোকটাকে । এ-বকম বলতে, এ-বকম হাসতে সেও পাবতো না ।

মেয়েব সঙ্গে যেতে-যেতে বাজেনবাবু একবাব বয়স্কদেব টেবিলে দাঁড়ালেন, শোভা ভাবলো নিচে গিয়েই পেটিকোট্ৰেব দড়িটো টিলে কবতে হবে, নিখিল ভাবলো ডালিমকে আব দেখাচি না কেন, ইভা বললো কলকাতাব ক্রিসমাসটা এবাব মাটি হ'লে তোমরা কোথায়, লীলা-মাসি ভাবলেন উনি তো এখনই যেনে চাইবেন কিন্তু আমি বিয়ে না-দেখে, কুন্দ-দিদিমা একসঙ্গে চাবটে পান মুখে পুৰলেন, হাবীত ভাবলো আচ্ছা তাহ'লে তামাশাটা, কিন্তু আমরা সব ব'সে আছি কাব জন্তু, শাস্ত্ৰতী বাবাব জানা ধ'ৰে, টান দিলো, তাব মোজো-জা ভাবলেন বাবলাটা উঠে পড়েনি তো এতদ্বাৰে, উৰ্মিলা আরো ক-টি এলাচদানা মুখে দিলো, আব মহাপ্ৰেতা ভাবলো মেয়েটিব চুল কি ঐ-বকমই না কলে

কোকড়ানো । ‘আমবা ছুটি হ’লেই জামতাড়া, তাবপর কী হয় না হয়—’ বলতে-বলতে ইভা উঠলো, হাবীত উঠলো, প্রভাত-মেসো আব বেবতী-গিল্লি উঠলেন, সবাই একসঙ্গে উঠলো হু-উ-উশ্ শব্দে, যুবকবা কেউ-কেউ উঠতে-উঠতেই সিগারেট ধবালো, নিখিল ছুটলো একতলায় পকেটের স্টেট এক্সপ্রেসের নিবিবিলি সদগতি কবতে, চেযাব-ঠেলা চলাফেবা শুরু হ’লো, দাঁত-পড়া পিসেমশাই কাশলেন, একবাড়ির মেয়ে-পুত্র পবম্পরকে খুঁজলো, বাক ট্র্যামেব সময় আছে এবাব তাহ’লে, হেমান্ন স’বে-স’বে এলো কম-আলোব কোণ থেকে বিয়ে হবাব দিকটায়, উর্মিলা তাব মামাকে বললো আব গোফ ওলা মেয়েটি বললো মহাশ্বেতাকে, মহাশ্বেতা এগোলো সিঁড়িব দিকে, আব তাব পাশ দিয়ে ঝলকে চ’লে গেলো লাল কমলা সবুজ তিনজন, হালকা নামলো সিঁড়ি দিয়ে, হাসতে-হাসতে মাঝপথে ছাড়িয়ে গেলো দাড়ায়ে আব মাসিকে, বাফিয়ে নামলো দোতলায় ছুম ।

দোতলায় এসে শাশতী বললো, ‘স্বাণী যা উপহার পেয়েছে, সব তুমি দেখছো, বাবা ?’

‘সব দেখিনি,’ এন্ট-যেন ভবে বাবে-নবাব জবাব দিলেন ।

‘দেখবে ? এসো । এসো না একবাব ।’ শাশতী বাবাকে নিয়ে এলো সেই ঘবে, যেখানে বব আসাব সময় মহাশ্বেতা শুয়ে ছিলো । টাটকা নতুন ডেসিং-টেবিলে ব’সে ডালিম খুব নিবিষ্ট হ’য়ে চুলে চিকনি টানছিলো, ঘবে আওয়াজ পেয়ে তডাক ক’বে উঠলো ।

‘ডালিম এখানে ?’

‘আমি—এই—এখান দিয়ে যাচ্ছিলাম—দেখলাম ঘরটায় কেউ নেই, তাই—অনেক সব জিনিশ-টিনিশ তো আছে, খালি ফেলে রাখা কি ঠিক ?’

‘মোটোও ঠিক না।’ ষ্টোট গোল ক’বে, চোখ টান ক’বে শাস্ত্রী বললো।

‘আব সবাই তো প্রায় তেতলায়,’ গম্ভীর ডালিম আবো যুক্তি দিলো, ‘আমি তাই—’

‘তুই বুঝি কোনো কাজে না-লেগে ছাড়বিই না ?’

ডালিম ঘাড় পর্যন্ত বাঙলো। তাকে অত লাল হ’তে দেখে শাস্ত্রীর মনে পড়লো সেই জল ঢালাব দুর্ঘটনা, যেটা, অবশ্য, প্রায় সঙ্গে-সঙ্গেই ভুলে গিয়েছিলো সে।

‘তবে এক কাজ কব, নিচে তোব নতুন মেসোকে একবার দেখে আয়।’

‘না, সেজোমাসি, মেসো না।’

‘আচ্ছা, তবে তোব সত্যেনদাকেই—’

‘নিশ্চয়ই।’ ডালিম সৈনিকের মতো সোজা হ’লো। ‘কিছু বলতে হবে ?’

‘এই—একটু কথা-টতা বলবি আবকি। একাই হয়তো আছে এতক্ষণ।’

, ‘আচ্ছা,’ নিস্তেজ শোনালো ডালিমের গলা। এব চেয়ে সেজোমাসি তাকে বললেন না কেন এই আলমারিটা ঘাড়ে ক’ব নিচে নিয়ে যেতে ? সত্যেনদায় সঙ্গে কী-কথা বলবে সে ? প্রথমে

কী বলবে? না কি ঐ উনিই আগে কিছু বলবেন? চিন্তিত ডালিম এগোলো, দরজার ধারে থামলো তেতক্তার সিঁড়িতে পায়ের শব্দে। মুখ ফিবিয়া হালকা গলায় বললো, ‘সেজোমাসি, ঐ-তো নেমে আসছে সব—আমি তাহ’লে—কী বলো?’

সেজোমাসি জবাব দিলেন না, মনেহ’লো না শুনতে পেয়েছেন তাঁর আঁচল-ঝরা পিঠের দিকে একবার তাকিয়ে. ডালিম সব পড়লো।

‘এই টিশু-শাড়িটা দিয়েছেন লীলামাসি, সাক্ষা কপো বাবা,’ থবে-থবে শাড়ি-সাজানো আলনার কাছে দাঁড়িয়ে আঙুল দিয়ে দ্রষ্টব্যগুলি ছুঁয়ে-ছুঁয়ে শাস্বতী বলতে লাগলো—‘আব তপনদা এই ফ্রেঞ্চ শিফন—স্কাই-বু—বাণ্ডেবে বংটা ঠিক—পবেশ-কাকা এই মেকনবঙেব মুর্শিদাবাদ সিক, আব এই—এই ঢাকাই জামদানিটা—এটা শোভাদি দিয়েছে—’ শেষেব কথাটায় শাস্বতীব গলা নিচু হ’লো, এবটু লজ্জিত যেন, যেন বলতে চায় শোভা তার অবস্থার পক্ষে খুব দিয়েছে।

‘বেশ জামদানিটা,’ বাজেনবাবু মেয়েব দিকে তাকালেন একবার ‘হ্যা, খুব ভালো।’ একটু-যেন বেশি উৎসাহ শাস্বতী গলায়—‘ভিটেব শাড়ি—টাকা বাবো কি দাম না হবে! আ জলি শাড়িটা ছাখো—এ-বকম দুটো হ’য়ে গেলো—আব জানে বাবা, শোভনা-শাড়ি—ঐ-যে নতুন একবকম ডুবে বেবিয়ায়ে আজকাল—সে-বকম পাঁচখানা পেয়েছে।’

‘আচ্ছা—’ বাজেনবাবু নড়তেই শাস্বতী তাঁকে কাঁধেব কাছে ধ’—‘এদিকে—এদিকে একটু দেখে যাও, বাবা—’

নিয়ে এলো ড্রেসিং-টেবিলের ধারে—‘ফুলদানি ছোটো বেশ নতুন ধরনের, না বাবা ? আব এই গালাব কাজ-কবা ছোটো বাক্সটা কী মিষ্টি—আব এই জয়পুবি মিনেরটা !—আব, ছাখো—’ শাস্ত্রী দেবাজ ধ’বে টান দিলো—‘এই কলমটা—নিউ মডেল লেডিজ পার্কার—স্বাতীর বন্ধুবা মিলে দিয়েছে—আব দেখেছো—কতগুলো সিঁদুব-কোটো !—আমাব এই হাতির দাঁতেরটাই সবচেয়ে ভালো লাগে—কিন্তু কী-বা হবে এত দিয়ে । আব এই কপোর ফ্রেমের আয়নাটা—’ শাস্ত্রী এক দেবাজ বন্ধ ক’রে আব-এক দেবাজ খুললো, তাবপর আবো একটা—বিছু-একটা ছুল্লো, কোনো-একটা তুলে দেখলো, আব সঙ্গে-সঙ্গে নিজেই নিজের উৎসাহে অনর্গল বলতে লাগলো, ‘টয়লেট-সেট টিংকেট-বক্স কাম্বিবি কাজ, ’

‘কই গো, এ-ঘবে কেউ আছে-টাছে নাকি ?’ দরজাব কাছে গিল্লি-গলাব ভাবি আওয়াজ হ’লো ।

রাজেনবাবু তক্ষুনি সবলেন মেয়েব পাশ থেকে ।

‘দখি, মেয়ে কী পেলো-টেলো—’ বলতে-বলতে বেবতী গিল্লি ঘবে এলেন, রাজেনবাবুকে দেখামাত্র ঘোমটা টেনে চওড়া মুতে ঈষৎ জড়োসড়ো হলেন ।

‘আমুন—’

শাস্ত্রী হেসে এগিয়ে এলো, বাজেনবাবু দেয়াল ঘেঁষে দাঁড়ালেন । স্বপ্নে এলেন বেকতী-গিল্লি আব তাঁব পিছনে আবো দু-জন, সিঁড়িতে পায়ের শব্দ প্রায় শেষ হ’লো । বাজেনবাবু বেবিয়ে যেতে-যেতে শুনলেন, ‘তোমরা দিদিরা কে কী দিলে সেটা দেখি আগে—’

স্বাতী যে-ঘরে আছে সেদিকে রাজেনবাবু তাকালেন না, কোনোদিকেই তাকালেন না ; সোজা এলেন সামনের দিকের বারান্দায়, যার রেলিঙে ঝুঁকে সারি-সারি মেয়েরা বর আসা দেখেছিলো। এসেই থমকালেন। বিজু প'ড়ে আছে তক্তাপোশে হাত ছড়িয়ে উপুড় হ'য়ে, কাঁধ দুটো ফুলে-ফুলে উঠছে, ঘাড় থেকে কোমর পর্যন্ত কাঁপছে, বেড়ালের ফোশকোঁশেব মতো। কেমন-একটা বিশ্রী আওয়াজের ঝাপট দিচ্ছে এক-একবাব, আব তাব নাথার কাছে ঝুঁকে আছে শ্বেতা, গায়ে হাত বুলিয়ে আস্তে কী বলছে। রাজেনবাবু কাছে গিয়ে বসলেন, 'কী হয়েছে ?'

'আর বলো কেন।' শ্বেতাব গলা ফিসফিসে শোনালো।
'বিজুটা এমন--!'

রাজেনবাবুব মুখ কঠোর হ'লো, বিবক্তিব বেখা ফুটলো কপালে। শ্বেতা ডাকলো, 'বিজু—এই -লক্ষ্মী-তো, ষষ্ঠ—আর সময় নেই '

'আব কেঁদেহ্-কেঁদে কী হবেহ্ -এইহ্ - সংসারের এইহ্- নিয়ম !'

রাজেনবাবু ফিবে তাকালেন। তাড়াতাড়ি বাবান্দার অন্ত দিকে এসে বললেন, 'কী রে বেলি, খুব কষ্ট ?'

একেবাবে ফিকে-হ'য়ে-যাওয়া অস্পষ্ট বয়সের একটি' বিধবা মেয়ে বাপ্পো-বাধো গলায় কথা বললো, 'টান উঠলে ফাঁকায় ভালো থাকেন, তাই এই বারান্দায়—'

'বেশ করেছে, বেশ কবেছো।—তা আর-কিছু—কোনো ওষুধ-টষুধ—একটু যদি আরাম হয়.কিছুতে—'

‘নাহ্—কিছু নাহ্—কিছুতে কিছু হয় নাহ্—আমিহ্—
আমি বিজনকে বলছিলাহ্—’

‘আব কথা বোলো না দাদা,’ ব’লে বিধবা মেয়েটি হাঁটু ভেঙে
ব’সে তালপাখা নিয়ে হাওয়া কবতে লাগলো ।

কিন্তু হাঁপানিতে ধুকতে-ধুকতেও নেপালবাবু কথা ছাড়লেন না।
—‘বলছিলাম যে এমন দিনেহ্—এমন দিনে কিহ্—এমন
দিনে কী কঁাদতে আছেহ্—আব কঁাদবাহ্—’

রাজেনবাবু কথাগুলি ভালো শুনতে পেলেন না, এমন মন
দিয়ে তিনি মাছুরটাকে দেখছিলেন। মেঝেতে বিছানো কস্মলে
নেপালবাবু ব’সে আছেন উব-হাঁটু হ’য়ে, পাশে পিকদানি, কোমবেব
কাছে কে-জানে-কতকালের বালারপাশটি, চোঙেব মতো হাঁটু ছোটোব
উপর দিয়ে এসে দড়িব মতো হাত ছুটো ঝুলছে, ধসমা মাটিতে
এক-অষ্টা ঘাসেব মতো গর্ত-গালের ফোকরে-ফোকবে দাড়িব
কুচি, আর ঘোলা ছুটো চোখ যেন তাদের উপবঙলা কপালের
দিকে তাকাতে সাংঘাতিক সচেষ্ঠ। বক্তমাংস সব চেটে-পুচে
খেয়ে গেছে, তবু জীবন্ত, আব ওবই মধ্যে গলাটা—চামডাব
দেয়ালে ‘ভাগ-কবা-কবা কামবায় মোটা-মোটা শিবা আব
পিণ্ডেব মতো একটা কণ্ঠমণি নিয়ে গলাটা যেন নিশ্বাস নেবাব
কোনো আশ্চর্য যন্ত্রেব মতো আলাদা কণ্ঠেব জীবন্ত।

—‘কঁাদবাব হয়েছে কীহ্—এ-তো সুখের—কত সুখেহ্—
আমিহ্—আমি যথহ্—যখন সেইহ্—সেইহ্—’ নেপালবাবু
হয় আর বলতে পাবলেন না, নয় কী বলছিলেন ভুলে গেলেন।

রাজেনবাবু সেখানে আর দাঁড়ালেন না। তাঁর মনে পড়লো যে

ইনিও একদিন মেয়ে বিয়ে দিয়েছিলেন—একটিই মেয়ে, একমাত্র সন্তান তাঁর—মেয়েটা ম'রে গেলো বিয়ের পরে ছ-বছর না-পুরতে, নাৎনিকে এনে রাখলেন দাদা-দিদি, তারপর তারও বিয়ে দিলেন, বিধবা হ'য়ে ফিরে এলো সে, আর এখন সেই নাৎনিকে নিয়েই সাঁত্রাগাছিতে বেঁচে আছেন ছত্রিশ টাকা পেনশন নিয়ে এই জীর্ণ বিপত্নীক। আর তিনি মারা গেলে বেলিটার—কিন্তু ভাবনা কোথাও এসে থামেই।

‘...পুরুষ্ঠাকুর উপরে গেছেন, সত্যেনকে ডাকতে যাচ্ছে, বিজু—শিগগির—’

বড়দির এই কথায় বিজু বয়লারের স্টীমের মতো আওয়াজ ছাড়লো।

রাজেনবাবুর উপরের ঠোট নিচেরটির উপর, চেপে বসলো, কপাল এমন ঘন হ'য়ে কুঁচকোলো যে চোখ দুটি ছোটো দেখালো। ছেলের দিকে একটু তাকিয়ে থেক ডাকলেন, ‘বিজু—ওঠ!’

বিজু সমস্ত শরীরে কাৎরিয়া উঠলো একবার, তক্তার কর্কশ ধারটা মুঠোয় আঁকড়ে স্তব্ধ হ'লো।

‘ওঠ,’ ছোটো, ছোট আওয়াজ হ'লো শ্বেতার।

‘কী? ব্যাপার কী?’ বিজুর পায়ের দিকটায় দাঁড়ালো এসে মহাশ্বেতা সরস্বতী।

শ্বেতা বললো, ‘কিছু না। ওদিকে কদর?’

‘প্রায় তৈরি। বিজু উঠছে না কেন?’

‘এই উঠবে এবার। একটু শুয়ে নিলো—যা খাটুনি যাচ্ছে!’

ছোটো ছ-বোন বিশ্বাস করেছিলো দিদির কথা, কিন্তু বিজু

উঠে বসতে ব্যাপার বুঝলো। চোখ দুটো এমন ফুলেছে যে চেনা যায় না। ছ-বোন চোখাচোখি করলো, সরস্বতী ঠোট বাঁকালো আর মহাশ্বেতার ঠোটে সেই ভঙ্গিটি প্রতিফলিত হ'তে-হ'তে হঠাৎ তার মুখের ভাবই বদলে গেলো, আর সেই বদলানো ভাবটা প্রতিফলিত হ'লো সরস্বতীর মুখে। ছ-জনে ছ-দিকে মুখ ফিরিয়ে নিলো।

‘বিজহ্ন—যাওহ্—তোমাহ্‌র কাজ—কত সুখেহ্‌র—কতহ্—কতহ্—খখখখ্‌!’ কোনো পুরোনো কিন্তু শক্ত জিনিশের ফেটে যাওয়ার মতো আওয়াজ হ'লো, নেপালবাবু তাঁর ভিতরকার অফুরন্ত শ্লেষ্মার একটি টুকরো টেনে তুললেন, মাথা ঢ'লে পড়লো, বিধবা বেলি পিকদানি ধরলো মুখের সামনে।

সরস্বতী বাঁকা চোখে একবার সেদিকে তাকালো, তাবপদ বাবার কাছে এসে বললো, ‘বাবা স্বাতীকে একবার দেখবে চলো। সাজানো বোধহয় ভালোই হয়েছে।’ ওতে তার নিজেস্বরূপ কারিগরি অনেকটা ব'লে বিনয় ক'রে বললো।

‘ওঠ না!’ হঠাৎ যেন ধমক দিলেন রাজেনবাবু, অস্বাভাবিক শোনালাে তাঁর গলা।

কুকড়ে-ব'সে থাকা বিজু বাবার দিকে মুখ তুললো, তার ঠোট নড়লো, কিছু বলতে গেলো বোধহয়, কিন্তু দুটো নাকই বন্ধ আর গলায় একদম আওয়াজ নেই। মুখ দিয়ে জোরে একবার নিশ্বাস ছেড়ে তাড়াতাড়ি উঠে চ'লে গেলো, কারো দিকে তাকালো না।

‘বাবা স্বাতীকে একবার—’

কিন্তু এবারেও সরস্বতীর কণ্ঠাটা বাবার যেন কানেই গেলো না।

‘এখানে বিছানা ক’রে দিক ভালো ক’রে,’ একটু ব্যস্তভাবেই তিনি বলতে লাগলেন, ‘বালিশ দিয়ে উঁচু ক’রে দিক, আর নেপালবাবুকে এখানে—অসুস্থ মানুষ—কী-যে সব—’ ‘সব’ মানে কারা, আর নির্দেশগুলোই-বা কাকে দিচ্ছেন তা ঠিক বোঝা গেলো না।

একটি শীর্ণ হাত নিষেধ জানিয়ে ত্রাতার মতো নড়লো, ‘আব বেলি মৃদুস্ববে বললো, ‘এ-ই বেশ আছে, আপনারা মিছিমিছি—’

‘না—না—তা কী হয়—হেলান দিয়ে উঁচু ক’বে বসাতে হয়—আব একটু নিবিবিলি—’ কেমন অসহায়েব মতো রাজেনবাবু এদিক-ওদিক তাকালেন।

সবস্বতী সক্ষমভাবে বললো, ‘আমি দেখছি।’

লোক ডেকে আনলো সে, তাবা তত্ত্বাপোশে পুক ক’বে বিছানা পাতলো, গোটাপাঁচেক বালিশ দিলো, বেলির সঙ্গে এবাদবি ক’বে বাজেনবাবু বোগীকে এনে বসিয়ে দিলেন, পিঠে ঘাড়ে বালিশগুলি অকাবণেই নেড়ে-চেড়ে বললেন, ‘কেমন? ঠিক আছে? এখন ঠিক আছে?’

বেলি বিব্রত হ’য়ে বললো, ‘আপনি কেন—আমি—আমি দিচ্ছি সব ঠিক ক’রে।’

‘এই-যে বামেব মা—তোমাকে এখন আর-কিছু করতে হবে না—এখানে ব’সে থাকো—যদি কিছু লাগে-টাগে—’

‘কিছু লাগবে না রাজেন-দাছ—মিছিমিছি—এমনিতেই কত—’ মোছা-মোছা বেলির কুণ্ঠিত কথা এর বেশি এগোলো না,

কলমলে ছুই বোনের দিকে আদ্বৈক পিঠি ফিরিয়ে দাদার গা ঘেঁষে
এমম ক'রে সে বসলো যে দেখা যায় কি না যায়। নেপালবাবু
আর কথা বলার চেষ্টা করলেন না, কী হচ্ছে তাও যেন
বুঝলেন না; তাঁর গোল-গোল ঘোলা চোখ উপরদিকে তাকিয়ে
ক্লেমন স্থির হ'লো, ছেঁড়া জুতোর হাঁ-করা চামড়ার মতো ঠোঁট
ছোটো খুলে থাকলো, মুখের কালো গর্তটা ভ'রে-ভ'রে হাঁপরের মতো
তিনি হাওয়া টানতে লাগলেন, হাওয়া, শুধু হাওয়া, নিশ্বাস।
হয়তো নরম বিছানায় পাঁচ বালিশে হেলান দিয়ে একটু আবাম
তাঁর হয়েছিলো, কিংবা হয়তো তখনকার মতো ডুবে ছিলেন সেই
নির্বোধ উদাসীনতায়, যা রোগযন্ত্রণার সবশেষের আশান।

মহাশ্বেতা সরস্বতী দাঁড়িয়ে-দাঁড়িয়ে এই দৃশ্যটি দেখলো
সরস্বতী চেষ্টা করলো বাবাকে চোখে ডাকতে, কিন্তু চোখে
চোখ ফেলতেই পারলো না। ফিরে যেতে-যেতে ফিফফিশিয়ে
বললো, 'বাবার সবটাই বাড়াবাড়ি।'

'বুড়ো এখানেই মরবে-টরবে না তো?' একটু উদ্ভিগ্ন প্রশ্ন
করলো মহাশ্বেতা।

'আরে না! হাঁপানিতে কেউ মরে না।'

এ-কথা শুনে মহাশ্বেতার চিন্তা হ'লো নেপাল-পিসে তাহ'লে
কিসে মরবেন। কিন্তু সেটা প্রকাশ না-ক'রে বললো, 'এঁকে
বিজু না-আনলেই পারতো।'

'বিজুর বুদ্ধি!' সরস্বতী থামলো কনে-সাজানো ঘবেব দবজায়;
নেপালবাবু একটি পা টান করলেন, আর-একটা উচু হ'য়েই
থাকলো, বেলি আস্তে সেটিও টান ক'রে বালাপোশে ঢাকলো,

আব বাজেনবাবু দাঁড়িয়ে থাকলেন সেখানেই। তাঁর মুখে চিন্তা, প্রায় দুশ্চিন্তা। কী-যেন একটা জকবি কথা তিনি ভুলে গেছেন ; কিছু-একটা তাঁর কবা উচিত, এখনই কবা উচিত, কিন্তু সেটা-যে কী তা কিছুতেই মনে পড়ছে না। বেলিব দিকে, নেপালবাবুর দিকে চোখ ফেললেন ; হঠাৎ মনে হ'লো—এরা কে ? এদিক-ওদিক তাকিয়ে আব-কাউকে দেখতে পেলেন না।—কাথায় সব ? রাজেনবাবু বাবান্দা পাব হলেন, মুখোমুখি ববগুলিব মাঝখানের গলি দিয়ে যেতে-যেতে হঠাৎ ডাক শুনলেন, 'বাবা !'

—কিছু না, মেয়েলি গলায় ঐ ডাক জীবনে লক্ষ্যবান তিনি শুনেছেন, কিন্তু হঠাৎ তাঁর যেন দম বন্ধ হ'লো। একটু পরে বকলেন, পবদা-ঢাকা দবজাব সামনে শাস্ততী।

'বাবা।' শাস্ততী হাসলো, 'তুমি যেন আমাদের চেনোই না আজকাল ?'

বাজেনবাবু কথা বললেন না, হাসিব কোনো চেষ্টা কবলেন না।

'এসো একটু এ-ববে—' শাস্ততী নিচে যাচ্ছিলো বিয়ে আরম্ভ হবাব আগে সত্যেনকে আব-একবাব দেখতে, বাবাকে দেখে খেনেছিলো, বাবাকে নিয়ে ফিবলো। ভিড নেই এখন, ববেব চাবদিকটা ফাঁকা, কিন্তু মাঝেব, গোল দলটি আগেব চেয়ে বড়ো, আব আগেব চেয়ে নীবব, নিবিষ্ট। সকলেই যেন মন দিয়ে একজনকে দেখছে, কেউ বেশি কিছু বলছে না।

'বাবা, এসো !' শাস্ততী ঘরে এসে আবাব ডাকলো, 'ভাখো—কী-সুন্দর দেখাচ্ছে স্বাতীকে !'

তার গলা পেয়ে কেউ-কেউ ফিরে তাকালো। সরস্বতী এগিয়ে এলো, উষা-বৌদি মাথায় কাপড় টানলেন, বড়োপিসির মুখটা একটু করুণ হ'লো। গোল-দাঁড়ানো মেয়েরা ছোটো অংশে ভাগ হ'য়ে জায়গা ক'রে দিলো, শাস্বতী আর সরস্বতী বাবাকে নিয়ে এলো ঠিক মাঝখানটায়, মুখোমুখি। স্বাতী। শাদা সুন্দর মেঝেতে সুন্দর শাদা চিকনপাটির উপর স্বাতী দাঁড়ানো। পায়ের পাতা সোনালি পাড়ে ঢাকা, শুধু আঙুলের ডগাটুকু ফটে আছে। মাথার চুলও সোনালি পাড়ে ঢাকা, শুধু সিঁথির সব রেখাটি যেন নতুন ফুটে আছে। স্বাতী। সোনার তাবা-জ্বলা শাড়ি লাল উঠে গেছে ঝিলিক তুলে-তুলে, আবার নেমেছে সোনালি, কালো চুলের উপর দিয়ে সাঁকোর মতো, তরুণ ঝিলিকের 'মতো' যে-কান ছুটি এইমাত্র পান্নার তুলে ভাবি হ'লো, তার পাশ দিয়ে অন্তরঙ্গ, পদ্ম-লাল জামার কাঁধে উজ্জ্বল পান্না-চুনি-মেশানো নেকলেসটিকে পাশ-কাটানো, এখনকার মতো স্বাধীন-শক্তিহীন বাহুটির কম-ফর্শা বাইবের দিকটাকে ছুঁয়ে-না-ছুঁয়ে পড়ন্ত। স্বাতী। তাব কপালে, যেখানে একটি-না-একটি চুলের গোছা প্রায় সব সময় অবাধ্য লোটাতো, টান-ক'বে-বাঁধা চুলের তলায় সেই কপালটি এখন নতুন চাঁদের মতো মসৃণ, আর চাঁদের গায়ে দাগের মতো ফোঁটা-ফোঁটা শাদা চন্দনে সাজানো। আর সেই চুলের গোছা তুলে দিতে যে-হাত বারে-বারেই উঁচু হ'তো, সে-হাত ছুটি এখন বেকার বুলছে পাশে, বাঁ হাতের আংটি-পরা আঙুলটি বোধহয় অনভ্যাসে বেকে আছে, গোলাপি নখটি বোধহয় না-জেনেই সোনালি পাড়টিতে পড়েছে। স্বাতী। তার মুখ—

সুখছুখের ব্যস্ত সেই রঙ্গমঞ্চ—এতদিন পরে একটু যেন বিরতি পেলো ; আলো জ্বলে আছে, দৃশ্যপট সাজানো, কিন্তু কুশীলব নেই, ফাঁকা, চূপ, চোখের উপর ভারি হ'য়ে' নেমেছে একটু ফোলা-ফোলা গোলাপি দুটি পাতা, ভরা-ভরা সজল ঠোট দুটি বোজা, নাকের একটি বাঁশির চোখে-না-পড়ার মতো ঈষৎ স্পন্দন ছাড়া সমস্ত মুখে আর ভাষা নেই।

রাজেনবাবু এসে দাঁড়াবার পর মিনিটখানেক স্তব্ধ থাকলো ঘব, তারপর নতুন ক'রে গুঞ্জন উঠলো, “সুন্দর...কী-সুন্দর দেখাচ্ছে...সুন্দরী সত্যি !’

শাস্ত্রী নিচু গলায় বললো, ‘শাড়িটায় খুব মানিয়েছে, না বাবা ?’

কিন্তু রাজেনবাবু শাড়ি দেখছিলেন না। সোনালি-লাল উজ্জ্বল সেই শাড়ি, পদ্ম-লাল জামা, পান্নার তুল আর পান্না-চুনির হাব, হাতের শাদা শাঁখার পাশে ঝকঝকে নতুন চুড়ি আর কঙ্কণ—এ-সব কিছুই তাঁর চোখে পড়ছিলো না ; যাকে ঘিরে এত লোক এখন দাঁড়িয়ে, এত জোড়া চোখ যাব দিকে এখন নিবিষ্ট, সেই মানুষকে যেন চোখেই দেখছিলেন না তিনি, কিন্তু তাকেই দেখছিলেন। রাজেনবাবু স্বাতীকেই দেখছিলেন, ফ্রক-পরা ছোট্ট চরমু অস্থির স্বাতীকে, ছোড়দির সঙ্গে তলুতুল বাগড়-করা, মা-ব কাছে ধমক খেয়ে কঁদে-কঁদে ঘুমিয়ে-পড়া, কৌকড়া মাথাটা বাবার কাঁধে রেখে না-খেয়ে ঘুমিয়ে-পড়া। হঠাৎ বাজেনবাবুর চোখের সামনে কুয়াশা নামলো ; মস্ত ঘর, আলো, লোকজন মিলিয়ে গেলো ; স্বাতীকে শাস্ত ক'রে ঘুম পাড়িয়ে

এইমাত্র শুইয়ে দিলেন তার মা-র কাছে, আর বিছানায় হাঁটু উচু ক'রে ব'সে রোগা, মুখের বড়ো-বড়ো চোখে ঘুমন্ত মেয়েকে দেখতে লাগলেন মা। রাজেনবাবু মেয়েকে ভুলে মাকেই দেখতে লাগলেন; মুখ তুলবে, কিছু বলবে এখনই। কিন্তু রোগা মুখের ক্লান্ত চোখ ছুটি নড়লো না, শুধু চুপ ক'রে মেয়ের দিকেই তাকিয়ে থাকলো।

‘শোনো—’

রাজেনবাবু কেঁপে উঠলেন। কে কথা বললো?

বাবার কানের কাছে সরস্বতী বললো, ‘গয়না সব পবাইনি, বাবা। জবড়জং হ'য়ে যায়।’

রাজেনবাবু নিশ্বাস ছাড়লেন। আবার সব স্পষ্ট হ'লো, বাস্তব হ'লো; দেখলেন চোখের সামনে উজ্জ্বল, সুন্দরী, সুদূর স্বাতীকে। কবে বড়ো হ'লো? এত বড়ো হ'লো কবে? রাজেনবাবু অবাক হলেন।

‘স্বাতী, একটু তাকাও তো এদিকে।’ একটু দূবে দাঁড়িয়ে উষা-বৌদি স্নান চোখে সন্দেহ কবছিলেন যে সিঁথিব ঠিক পাশেই একটা ছোট্ট চুল এর মধ্যেই দলছুট, তাই আবার বললেন, ‘দেখি একটু—আহা, মুখটা আবার নামালে কেন?’

কিন্তু স্বাতীর মুখ আবো নিচু হ'লো। মনে-মনে বললো : বাবা। আজ সারাদিন বাবাকে সে চোখে ছাখেনি। আজ কতদিন বাবা তার মুখের দিকে তাকান না—তাকাতে পাবেন না। সেও যায় না বাবার কাছে, কাছে গিয়ে দাঁড়ায় না, কিছু বলে না। আবার মনে-মনে বললো : বাবা। বাবার আলোয়ানের ফ্যাকাশে

বং দেখলো, জামাব হাতা, একটি হাত, তারপর সে তাকিয়ে থাকতে-থাকতেই হাতটি নিচু হ'লো, তাবপব' দেখলো ধূতির ভাঁজ, কোঁচা, চটি। বাবাব মুখের দিকে তাকাতে পারলো না স্বাতী, মেয়ে হ'য়ে জন্মাবাব লজ্জায়, গোববে, দায়িত্বে তার চোখ আবো নিচু হ'লো।

নিচে তখন অতিথিবা চ'লে যাচ্ছে, বাস্তা পর্যন্ত সবগবম। বিদায় ব্যাপাবে খামকা দেপি না ক'বে বেশিব ভাগ চটপট ছুটেছে ট্রান ধবতে, ছোটো-বডো দলে ভাগ হ'য়ে, ছুঁচোলো আব ভাবি জুতোব শকে, সক আব মোটা গলার কথায়, আলো-নেবানো ডব-লাগা কলকাতাব শীত-বাতেব চুপচাপ বাস্তায় হঠাৎ একটা চঞ্চলতাব ঢেউ তুলেছে তাবা, এদিকে দবে-দাঁড়ানো খানদশেক গাড়ি ঘন-ঘন শিঙে ফুঁকতে-ফুঁকতে পিছু হ'টে-হ'টে একে-একে বিষেবাডিব ফটকে দাঁড়াচ্ছে, কেউ বাস্তায় এসে ট্যান্ডি খুজছে কি বিকশ নিচ্ছে, কেউ বলছে হেঁটেই যাই চলো, আব পথ-চলা কেউ-কেউ ভিড পাঁচাতে খামছে, বাড়িটাব দিকে একবাব তাকিয়ে বোমাবিব্রত চিত্তে ভাবছে বাঃ, আবাব বিয়ে।

ফটকেব কাছে দু-জন লোক পিছু-হটা গাড়িব তদাবকে ব্যস্ত, আব বারান্দায় যেখান দিবে সবাই বেবোচ্ছে তাব দু-দিকে ইক আব গীতি কপোব থালায় পান নিবে দাঁড়ানো— যদি যাবাব সময় আব-একটাব ইচ্ছে হয় কাবো--আব সিঁড়ির প্রথম ধাপটায় হেমাঙ্গ দাঁড়িয়ে অতিথিদেব বিদায় দিচ্ছে। বয়স বুঝে, সম্পর্ক

বুকে, চেনার মাত্রা বুকে প্রায় প্রত্যেকেব' সঙ্গে একটি ক'বে কথা বলছে সে, আর যাঁবা একেবাবেই অচেনা তাদেব বলছে, 'আচ্ছা—নমস্কাব।' তার এই অভিবাদন অনেক লক্ষ্যই করেছে না, নিজেকেদেব মধ্যে কথা বলতে-বলতে কিংবা ট্রাম পাবে কিনা ভাবতে-ভাবতে বেবিযে যাচ্ছে : কিন্তু হেমাঙ্গ যখনই আবাব অচেনা কাউকে দেখে, তেমনি মাথা হেলিয়ে ঠিক তেমনি ক'বেই আবাব বলছে, 'আচ্ছা, নমস্কাব।'

ভিড় যখন অনেক হালকা, থলথলে গিনি আব ভব-বয়সী কুমাবী ছুটি মেযেকে নিয়ে বেবতীবাবু বেবোলেন। হেমাঙ্গ একে আগে একবাবই একটুখানি দেখেছিলো, কিন্তু দেখেই চিনলো—মানুষের মুখ তাব খুব মনে থাকে। হাতে হাত ঘ'ষে বললো, 'আপনাবা এখনই—'

'হ্যাঁ, যাই —' হেমাঙ্গব কথাটা শেষ হবাব আগেই বেবতীবাবু জবাব দিলেন। 'থাকবাব তো ইচ্ছে ছিলো খুব—এঁদেব তো খুবই—' স্ত্রীব দিকে মাথা নোওয়ালেন তিনি, আব মহিলাটি যেন এই চপলতায় ক্ষুব্ধ হ'য়ে শব্দ মুখ ফিবিযে নিলেন-- 'তবে আমাব শরীবটা তেমন—আবাব না ঠাণ্ডা-ফাণ্ডা লেগে—'

হেমাঙ্গ তাড়াতাড়ি বললো, 'তাহ'লে আপনাকে এবটা গাডি—'

'কিছু না!' বেবতীবাবু হাত তুললেন। 'আবে এইটুকু তে। পথ, এর জন্ত আবাব—আচ্ছা, খুব ভালো হ'লো, চমৎকা-ব' বলতে-বলতে সপবিবাবে সিঁড়ি ক-টা নামলেন।

এর পরে দেখা গেলো ভাগনিব সঙ্গে মজুমদারকে। তাকে

দখে হেমাঙ্গর মুখ প্রথমই হাসি-হাসি হ'লো, তারপর নির্ভাশ হ'লো। 'আপনিও যাচ্ছেন ?'

আপনিও ! কেন, আমি কি বিশেষ কেউ ? মজুমদার সংক্ষেপে বললো, 'যাচ্ছি !'

'আমরা খুব আশা কবেছিলাম আপনি—' উর্মিলার দিকে তাকিয়ে হেমাঙ্গ তাড়াতাড়ি নিজেকে শোধবালো—'আপনার থাকবেন।'

'খুব বেশি আশা কবাটা কিছু না।' মজুমদার হাসলো না, এমন ক'রে কথাটা বললো যে প্রায় কটু শোনাগেলো। তারপরেই যেন নিজেই সেটা বুঝে চওড়া হেসে আবার বললো, 'আজ চলি। আবার দেখা হবে। আপনি তো এখানেই—এই বাড়িতেই ?'

উর্মিলা এই সুযোগে তার মনের ইচ্ছাটা আব-একবার ব্যক্ত কবলো, 'একটু থাকি না, মামা।'

মজুমদারের মুখেই ভাব মুহূর্তে বদলে গেলো, কঠোর চোখে ভাগনির দিকে তাকালো। মামার এই দৃষ্টি তার চেনা, এটাই মানে হচ্ছে যে আমার কথাগুলো ঠিক-ঠিক চলো তো সব পাবে, আর তা যদি তোমার পছন্দ না হয় তোমাকে অবিলম্বে ফেরৎ পাঠাচ্ছি তোমার মা-ব বাচ্চে নাথবামপুবে। উর্মিলা কঁকড়ে চুপ করলো।

আবার হাসিমুখে মজুমদার হেমাঙ্গকে বললো—'আপনাদের যদি অসুবিধে না হয়, পড়িয়াকটা নিয়ে যাই। মানে—অস্টিনটা আবার ড্রাইভের ফিরিয়ে নিয়ে গেলে কিনা।' এমন ক'রে বললো

যেন' ডাইভৰ নিজৰ বুদ্ধিতেই এটা করেছে, কৰ্তাৰ কোনো হাত ছিলো না।

হেমাঙ্গ মনে-মনে ককণায় হাসলো। ছেলেমানুষ—নতুন গাড়ি কিনেছে।—‘নিশ্চয়ই! আপনাব গাড়ি আপনি নিয়ে যাবেন তাতে আর কথা কী। আব আমাদেব কাজ তো সব হ'য়েই গেছে। সত্যি, কত উপকাৰ কবলেন আপনি আমাদেব।’ হেমাঙ্গ বুঝলো যে মজুমদাৰ এটা আবো একবাৰ শুনতে চাচ্ছে, সেইজন্তু শেষেব কথাটা বললো।

মজুমদাবেব শুনতে ভালো লাগলো, কিন্তু সেই সঙ্গে চিড়িক ক'বে উঠলো মাথাৰ মধ্য বাগ। উপকাৰ। পৰোপকাৰ কি তাৰ পেশা? মনে পড়লো হাবীত নন্দী তাৰ সঙ্গেই উপব থেকে নথমছিলো—উঃ, বকতেও পাবে লোকটা।—দোতলায় আসতেই সেই লাল-মালা-গলায় বোন কোথেকে বেবিষে এসে বললো, ‘নন্দী যাচ্ছে কোথায়? জাবে শোনো—এদিকে এসো।’ মুহূৰ্তে যেন ঘোড়াৰ মতো মানুষটাকে ভেড়া বানিয়ে টেনে নিয়ে গেলো, আব ওবই মধ্য তাৰ দিকে একবাৰ মাথা হেলিয়ে, মিলুব দিকে একটু হাসলো। নন্দীৰ হাত থেকে এতক্ষণে বেহাই পেয়ে তখন মজুমদাৰ হাঁফ ছেড়েছিলো, কিন্তু মাত্ৰই কয়েক মিনিট পৰে খটনাটা মনে ক'বে অপমান লাগলো তাৰ; নিজেব মনে যতই বুঝলো যে অপমানের কোনো কথাই এতে নেই, ততই মাথা আবো গৰম হ'লো, ইচ্ছে কবলো কোনো-একটা কড়া কথা শোনাতে, বেশ বি'ধবে এমন কথা, কিন্তু ভদ্ৰতা বাঁচিয়ে কী-এমন বলা যায় তাও ভেবে পেলো না, আর তাকিয়ে দেখলো

মেজো-জামাইটি এইমাত্র-বেরোনো অন্য এক দলের দিকে মন দিয়েছে, বড়ো দল, পানের-থালি-হাতে লাল আর কমলা শাড়ি-পরা মেয়ে দুটির সঙ্গে কথা বলছেন ময়লামতো স্ত্রী এক আধ-বুড়ো, বয়স কম হ'লে নন্দীর মতো দেখাতো।

‘ফাইন গার্লস ! ফাইন ইয়ং উইমেন !’ ব’লে হারীতের উৎসাহী বাবা অস্বাভাবিক-শাদা নকল দাঁতে হাসলেন।

নিজেদের সম্বন্ধে ‘ইয়ং উইমেন’ আখ্যা শুনে ঈর্ষ আর গীতি সাবামুখে চাপা হাসলো, তারপর স’রে এসে চোখোচোখি ক’রে খামকা হেসে উঠলো শব্দ ক’রে, আর রাস্তায় দাঁড়িয়ে দ্বিতীয় সিগারেটটি নিঃশেষে টেনে ফিরে আসতে-আসতে সেই শব্দের শেষ তরঙ্গটি পৌঁছলো খয়েরি ফ্ল্যানেলের পুরোনো শার্ট-পরা নিখিলের কানে।

‘আপনি একটা পান ?’ হেমাঙ্গ ফিরে তাকালো মজুমদারের দিকে। ঈর্ষ তাড়াতাড়ি সামনে এসে থালা বাড়ালো। টুকটুকে লাল শাড়ি-পরা ফুটফুটে মেয়েটির দিকে মজুমদার একবার চোখ বাখলো, একটু হাসলো, একটি পান ভুলে নিলো।

একটু-যেন হেমাঙ্গ ব্যস্তভাবে বললো, ‘আমার মেয়ে।’

হেমাঙ্গর ব্যস্ততা মজুমদার লক্ষ্য করলো না, বাগ ভুলে গেলো ; ঠিক সেখানে সেই মুহূর্তে হালকা ছিপছিপে স্ত্রী কিশোরীটির কাছে এসে দাঁড়ানোয় তার মনের কোন-একটা নরম জায়গার যেন চাপ পড়লো, হঠাৎ একটি লাগণ্যের রেখা বেরোলো তার ঠোঁটের কোণে যখন সে বললো, ‘বুঝছি। নয়তো কি আর এমন রূপ !’

এ-কথা শুনে চাঁদ্রি ছোট্ট টাকে হাত বুলিয়ে হেমাঙ্গ বর্ধন সবিনয়ে হাসলো, যেন কণ্ঠ্যর এই রূপের কৃতিত্বটা একান্তই তার ; আর তারপরেই আবার এগোলো শাশ্বতীর শ্বশুরবাড়ির দলটিব দিকে, তারা তখন সিঁড়ির দিকে যাচ্ছে ।

পিছনে সরতে গিয়ে মজুমদার শুনলো মিলুর নম্র গলা, ‘মামা, চলো আমরাও—’

মিলুর দিকে অর্ধেক ফিরে মজুমদার বললো, ‘আচ্ছা, তুই থাক ।’

তৎক্ষণাৎ উজ্জ্বল হ’লো ছ-কোণ-চশমা-পরা রঙিন মুখ । উর্মিলা অবাক হ’লো না, মামাব এই হঠাৎ-হঠাৎ মতিবদলে সে অভ্যস্ত । বোকা নয় সে, বুঝে নিয়েছে মামা তার অধীনদেব নাচাতে ভালোবাসেন, নিজের কতৃৎ নানারকম ক’রে চাখতে ভালোবাসেন । উর্মিলা তখনই একটু চাটনি জোগাতে যাচ্ছিলে মামার পছন্দমতো কিছু কথা ব’লে, কিন্তু সময় পেলো না ।

‘সুবীরকে দিয়ে গাড়ি পাঠিয়ে দেবো ঘণ্টাখানেক বাদে ।’ মজুমদার ভাগনির দিকে দ্বিতীয়বার দৃষ্টিপাত করলো না, হেমাঙ্গকে সামনে দেখে মাথা নুইয়ে ‘আচ্ছা চলি,’ ব’লেই টপকে সিঁড়ি নামলো, নন্দী পরিবারকে ছাড়িয়ে প্রায় দৌড়ে বেরোলো রাস্তায়, অন্ধকক্ষে মিশে-থাকা কালো পন্টিয়াকটায় উঠে ব’সে যেন বন্ধুবে ফিরে পেলো ।

কোথায় ?...এখন কোথায় ?...কোথায় আর—বাড়িতেই, সেই বাড়িতেই, সেই বাড়িতে, যেখানে গলা পর্যন্ত আরাম কিন্তু সুখ নেই । সুখ না থাক খুম তো আছে ; আর তারপরেই আবার দিন,

আবার কাজ। কিন্তু এখনই ঘুম? শোওয়ামাত্রই টুপ ক'রে, তবে তো! তাই ক্লান্তি চাই, আরো ক্লান্তি। মজুমদার গিয়র বদলালো—কোথায়? ডন জুয়ানের হুল্লোড়? গীতালি? না কি আজ—? না কি বাড়ি ফিবে আপিশেব ম্যানেজারকে তলব ক'রে পাঠাবে, লেপের তলা ছেড়ে কাঁপতে-কাঁপতে ছুটে আসবে বুড়ো মানুষটা! না, কোথাও না, কোথাও কিছু নেই। কেবল খোশামোদ। বাবা সুদ্ধ, হাত কচলে কথা বলেন—ঘেন্না ক'রে। টাকা না-থাকলে কী-জঘন্ঠ, আবার টাকা থাকলেও জীবন কী-জঘন্ঠ। মা যদি ম'বে না-যেতেন—শ্শ্শ্—

মজুমদার থিস্তি ক'বে ব্রেক কষলো। সামনে ওটা—গোক? গাখো কাণ্ড, সাধে কি আর গোক বলে! মজুমদার লম্বা হর্ন দিলো, কিন্তু মানুষেব পিলে-চমকানো সেই নিউ মডেল হর্নেকটুকি হর্নেব আওয়াজে গোকটা একটুও বিচলিত হ'লো না, প্রকাণ্ড দামি পল্টিবাক গাড়িটা তাব জঘন্ঠই-যে থেমে আছে তা বুঝলোই না মোটে, দিবা নিশ্চিন্তে এক-পা দু-পা সবলো, নড়লো কি নড়লো না, যেন কাযক্লেশে কিঞ্চিৎ পাশে স'রে ঠিক গাড়ি যাবাব মতো জায়গাটুকু ক'বে দিয়ে ওখান থেকেই গলা বাড়িয়ে সাদার্ন এভিনিউব মাঝখানেব জমিব শুকনো ঘাস ছিঁড়তে লাগলো, আর মজুমদার তাব ল্যাজ ঘেঁষে একটা বদমেজাজি মোড় নিয়ে ল্যান্ডাউন রোডে বেকলো। এই এক ফাঁকড়া হয়েছে ব্ল্যাক-আউট—গাড়ি চালিয়েও সুখ নেই!

ততক্ষণে বিয়েবাড়ির একতলার কার্পেট-মোড়া বড়ো ঘবটির

ভিড় ক'মে-ক'মে মাত্রই জনপানেরো 'পুকষে ঠেকেছে, নিবট অশ্রায়, কি যাঁবা জীব কথা ঠেলতে পারেনি, কিংবা যাদের নিজেদেরই উৎসাহ কি কোতূহল বেশি। বরের কাছাকাছি স'বে বসেছে তারা; সংখ্যায় কম, প্রায় সকলেই সকলের চেনা, সকলেই এইমাত্র খুব ভালো খেয়েছে; একটু বেশি বয়স্ক যাদের এখনই চোখ ঘুম-ঘুম, তাদের বাদ দিয়ে সকলের মুখেই কথাব আগ্রহ।

এখন আব যুদ্ধের কথা বলছে না কেউ—; কিবণ বক্সি শুদ্ধু আপাতত বোমা ভুলেছে, হাবীতও ওখানে নেই যে মনে কবিয়ে দেবে। আজ বাত্রির ঘটনা নিয়েই কথা হচ্ছে এখন, সামনে উপস্থিত নায়কটিকে লক্ষ্য ক'বেও মন্তব্য পড়ছে মাঝে-মাঝে।

‘...এইটুকু থেকে দেখে আসছি তো,’ গোল মুখে সোনার সর্ক চশমা-পবা প্রভাত-মেসো বলছিলেন, ‘চমৎকাব মেয়ে, চমৎকাব বুদ্ধিমতী। বাজেনবাবুব ভাবি ভাবনা ছিলো এ-মেয়েকে কাব হাতে দেবেন—’ অবশ্য বাজেনবাবুব মুখে এ-বিষয়ে কোনো ছুভাবনাও কথা কখনো তিনি শোনেননি, কিন্তু বলতে দোষ কী—‘তা মেয়ে নিজেই বাপের ভাবনা ঘোচালো। বেশ, বেশ!’ ব’লে সপ্রশংস কৌতুকের কটাক্ষ কবলেন সত্যেনব দিকে।

‘আজকাল তো এ-রকম বিয়েই বেশি হচ্ছে,’ বললেন তপনদা, টাটকা বিলেতফেরৎ ঝকঝকে ব্যারিস্টব।

‘বেশি? বেশি কী হে? সমস্ত দেশের মধ্যে ক-টা হয় এ-রকম?’ চোদ্দটা রসগোল্লা খাবাব পরেও অকাতরে তর্কে নামলেন ষাট-পেরোমো ভূপেশ-দাছ।

‘না হয় তো হওয়া উচিত!’ জোয়গলায় ঘোষণা করলেন তপনদা, কেননা বিয়ের যোগ্য ছেলেমেয়ে থাকা দূরের কথা, তিনি নিজেই অবিবাহিত; রূপ, গুণ আর বাপের পয়সা-প্রতিপত্তির হিশেব মিলিয়ে-মিলিয়ে দুটি তরুণীর সঙ্গে কিছুদিন ধরে পূর্বরাগ চালাচ্ছেন, এখনো মনস্থির করতে পারছেন না।

‘উচিত কেন?’ এঞ্জিনিয়ার পবেশ-কাকা ভূপেশ-দাত্তর পক্ষ নিলেন।

‘আমাদের এই কনে-দেখা বিয়েটা একটা বর্বরতা।’

‘অ্যা! বর্বরতা!’ খুতনি উচু ক’রে প্রভাত-মেসো হা-হা হাসলেন। ‘দেশশুদ্ধ লোককে বর্বর ব’লে দিলে!’

‘দেশশুদ্ধ কেন, পৃথিবী ভ’বেই এই নিয়ম,’ অকাটা কথা যে বলে তাব গলা যেমন নিচু হয়, তেমনি নিচু গলায় পবেশ-কাকা বললেন। ‘সব দেশেই বেশিভাগ মা-বাবাই সব ঠিক ক’রে দেয়, তাবপব ঐ একটা নিয়মরক্ষা আবাকি।’

‘নাকি?’ তপনদা বাঁকা চোখে তাকালেন।

‘অবশ্য ভালো-ভালো ঘবের কথা বলছি। সেখানে বিলেত-টিলেতেও কড়াকড়।’ পবম প্রত্যয় ফুটলো পবেশ-কাকার কথায়, কেননা ইংলণ্ড, স্কটলণ্ড আব জার্মনিব কল-কারখানার এলাকায় প্রায় নির্বিঘ্নেই যৌবন কাটিয়ে এনে গ্রাসগোতে একবার তাঁকে বিয়ে করতেই হয়েছিলো। মেয়েটি, তাঁর নিজেবই মত-মাফিক, ‘ভালো ঘরে’ব অবশ্য ছিলো না, কিন্তু ছাড়ান পেতে, বেজায় নাজেহাল হয়েছিলেন; আর এখন তাঁর কুড়ি-বছর-আগের বিয়ে-করা কিছু-লেখাপড়া-না-জানা বাঙালি

শ্রী সুকুম্ভ সাহেব-স্বামীর সাবেকি মতে এক-এক সময় চমকায়।
ছোকরা-ব্যারিস্টারের চোখের ঠাট্টা লক্ষ্য ক'রে এঞ্জিনিয়ার আবার
বললেন, 'দশ বছর ছিলাম ও-সব দেশে, আমি জানি।'

'সে কোন জন্মের কথা!' ঠোঁটের ভঙ্গিতে অবজ্ঞা ফোটালেন
তপনদা। 'এখন বদলে গেছে সব।'

'বদলে গেছে? এই সেদিন-না এডওয়ার্ড দি এইটুকু
রাজ্যপাট ছাড়তে হ'লো-?'

'ও, সে-কথা! তার কারণ অগ্নি। কিন্তু—'

'এ নিয়ে এত বলার কী আছে?' প্রভাত-মেসো চড়া গলায়
বাধা দিলেন—'আরে আমাদের সব মা-বাবাই তো বিষে
দিয়েছিলেন—তা মন্দ কী—জীবনটা তো কেটে গেলো একবকম -
হাঃ।' মোজা-পরা পায়ের পাতায় হাত বুলিয়ে কোমর থেকে
কাঁধ পর্যন্ত 'শরীরটি একটু দোলালেন তিনি, সমস্ত গোল মুখটি
ভ'রে নিঃশব্দে হেসে আবার একটু লালও হলেন হঠাৎ।

কিন্তু অগ্নি দু-জন লক্ষ্যই করলেন না তাঁর কথা। অগ্নি
সবলকে বাদ দিয়ে—প্রায় ভুলে গিয়ে—শুধু নিজেদের মধ্যে
তখন কথা বলছেন পরেশ-কাকা আর তপনদা; ইওরোপ বিষয়ে
কে বেশি সবজান্টা তা-ই নিয়ে একটা প্রতিযোগিতা দাঁড়িয়ে
গেছে দু-জনের মধ্যে। পরেশ-কাকার যুক্তি এই যে তিনি
ছিলেনও বছরদিন, ঘুরেছেনও বিস্তর, অতএব তাঁর কথার উপ-
কথা বলার এখানে অন্তত কেউ নেই; আর তপনদা বলতে
চাচ্ছেন যে যেহেতু তিনি সত্ত্ব গিয়েছিলেন, তাই বিলেত বিষয়ে
তিনিই ঠিক ওয়াকিবহাল।

প্রভাত-মেসো একটুকুণ তর্কটা শুনলেন, কিছুই সুকিধে করত না-পেরে ফিরে তাকাতেই গলা-বাড়ানো কিরণ বস্ত্রির সঙ্গে চোখোচোখি হ'লো।

কিরণ বস্ত্রি অনেকক্ষণ ধ'রে কিছু বলি-বলি করছিলো। খুব মন দিয়েই কথাবার্তা শুনছিলো সে, শুনে অস্বস্তি হচ্ছিলো, খারাপ লাগছিলো রীতিমতো। কী-রকম বলছে সব বিয়ের বিষয়ে, যেন ওর উপর কোনো জন্মে কোনো মানুষের হাত আছে। ওটা একটা—একটা—কী, তা কিরণ ভেবে পেলো না, কথা খুঁজে পেলো না, কিন্তু নিজের মনে গভীরভাবে বুঝলো। এই-তো অনীতা—ক-দিন বা বিয়ে হয়েছে, এই সেদিনও তার কথা কিছুই জানতাম না—কিন্তু মনে হয় কত কালের, কত জন্মের—এই বকম আরকি। আগে তো কত খোঁজাখুঁজি, কত মেয়েই দেখেছেন না, আমিও মাঝে-মাঝে—কিন্তু এখন কি আর অনীতা ছাড়া আব-কাউকে কল্পনা করতেও পারি আমি? তেমনি সত্যেনও—আর এই সত্যেনের সামনেই ঐরূপী কিনা—কী-যে সব! কিরণ মনে-মনে এ-সব ভাবছিলো, আর গলা বাড়িয়ে-বাড়িয়ে একবার এর দিকে, একবার ওর দিকে তাকিয়ে কথা বলার সুযোগ খুঁজছিলো; প্রভাত-মেসোর চোখে চোখ পড়তে সে আর দেরি করলো না।

‘আমি আপনার সঙ্গে সম্পূর্ণ একমত,’ ব'লে কথা আরম্ভ করলো কিরণ, ‘আমি’টায় জোর দিয়ে বললো।

মেসোটি অবাক হলেন, বিব্রতও। ভেবেই পেলেন না, কখন তিনি এমন-কী বললেন যার সঙ্গে একমত হ'য়ে বসে আছে—আর-কেউ না, একেবারে জামাইয়ের বন্ধু!

‘ঐ আপনি বিয়ের বিষয়ে যেটা বলছিলেন,’ কিরণ তাঁকে মনে করিয়ে দিলো। ‘সত্যি তো! বিয়েটাই আসল, কেমন ক’রে ঘটলো সেটা কিছু না।’

বক্তা-যে তাঁর মতেরই সমর্থক সেটা ভুলে গিয়ে প্রভাত-মেসো তৎক্ষণাৎ মাথা নেড়ে সায় দিলেন, ‘ঠিক!’

‘এঁদের কথার কোনো মানে হয় না,’ কিরণ চোখ দিয়ে অশ্রুদের দেখালো। ‘আসলে—’ ‘আসল’ কথাটাকে হঠাৎ খুঁজে পেয়ে যেন আঁকড়ে ধরলো সে—‘আসলে বিয়ে হচ্ছে একটা— একটা—’ কিরণ কথা খুঁজতে থামলো, কিন্তু তখনই প্রভাত-মেসো আবার ব’লে উঠলেন, ‘ঠিক! ঠিক কথা!’ ব’লে আরো মাথা নাড়লেন, তারপর জামাইয়ের দিকে ফিরে মোলায়ুম মিহি স্ববে বললেন, ‘তুমি না কোন কলেজে প্রোফেসর?’

সত্যেন হঠাৎ বুঝলো যে তাকে কিছু বলা হচ্ছে। কিন্তু—কী? কী বললেন উনি? তাব দ্রুত দেখে কিরণই জবাব দিলো তাব হ’য়ে, তার কলেজের নামটা জানিয়ে দিলো।

‘বেশ, বেশ,’ সত্যেনের দিকে তাকিয়েই প্রভাত-মেসো আবার বললেন। ‘তা বিলেতটা ঘুরে এসো একবার।’ দেখছো তো, বিচ্ছে তোমার যতই থাক, বিলেতি ছাপ না-থাকলে কিছু না।’

উত্তরে সত্যেন অমায়িক হাসলো।

‘আমাদের হারীত কেমন বেশ—আর চাকরিতেও নাকি উন্নতি করেছে।’

এই প্রফুল্ল, সন্ময়, চশমা-চোখে, চমৎকার ভদ্রলোকের আগেব

কথার সঙ্গে পরের কথার সম্বন্ধ বুঝতে না-পেরে সত্যেন আধারুও হাসলো, এবার একটু বোকাব মতোই।

‘বেশ, বেশ!’ কাব বা কোনটাব তিনি তারিফ করছেন সেটা প্রভাত-মেসো স্পষ্ট কবলেন না, অনুমোদনের সুখী চোখে চাবদিকেই তাকিয়ে বললেন, ‘তা হারীতকে দেখছি না এখানে? কোথায় সে?’

তখন দোতলায় সিঁড়িব চত্ববে দাঁড়িয়ে সরস্বতী অরুণকে বলছে, ‘নন্দীকেও নিয়ে যাও।’

নিজেব নামটা কানে যেতে হাবীত একবাব উদাস চোখে তাকালো। তাব এখনকাব দ্ববদৃষ্ট বীবব মতো মেনে নিয়েছিলো সে; দেযাল ঘেষে টিলে দাঁড়িয়ে ছিলো এমন ভঙ্গিতে, যাতে স্ত্রীলোকেব আব অনুষ্ঠানেব এই বোকা জগৎটাব উপর তাব মহৎ অবজ্ঞা সাবা শবীব স্পষ্ট ফোটে। তবু আটকে ছিলো ওখানেই, নডতে পাবেনি, কেননা হয় সবস্বতী নয় মহাশ্বেতা, নয় একসঙ্গে দু-জনে তাকে ফাঁকে-ফাঁকেই আলাপে টেনেছে—বাজে কথা সব!—কিন্তু—আচ্ছা, এঁবা যখন না-ব’লেই ছাড়বেন না, ওখন শোনাই যাক। সবস্বতীকে ঈংবেজিতে একবাব এ-কথাও বলেছিলো, আপনাব বয়স কিন্তু একদিনও বাডেনি, আব সে-কথা ওনে সবস্বতী যখন হেসেছিলো, সেও হেসেছিলো সঙ্গে।

‘আব দেরি কোরো না,’ স্বামীকে তাডা দিলো সবস্বতী।

অরুণ তার উড়ু-উড়ু চুলে হাত বুলিয়ে হাবীতের সামনে এসে দাঁড়ালো। ‘চলুন নন্দী-সাহেব।’

‘কোথায়?’

অন্য কার কী-একটা কথা শুনতে-শুনতে সরস্বতী চট ক'বে মুখ ফিরিয়ে বললো, 'নন্দী যাও। বর নিয়ে এসো।'

'বর আনবো মানে? সে তো কখন এসে ব'সে আছে।'

কথাটা শুনে একসঙ্গে গমক দিয়ে হেসে উঠলো সবস্বতী, মহাশ্বেতা আর যাবার আগে আর-একবার দাঁড়ানো মহাশ্বেতাব পাংলা-গোঁফ-ওলা রূপসী ননদটি। হারীত লাল হ'লো, ভেবেই পেলো না কথাটায় এত হাসিব কী আছে।

'আরে চলুন, চলুন,' অরুণ আস্তে হাত ছোঁওয়ালো হাবীতেব কাঁধে; চপলমতি মহিলাদেব হাত থেকে তাকে উদ্ধাব ক'বে নিচে নিয়ে এলো।

বল, পরেশ-কাকা আর তপনদাব তর্ক তখনো চলছে। এঞ্জিনিয়র ব্রার তাঁর বয়সের সুবিধে নিয়ে বললেন, 'তুমি কিছু কী না না হে!' ব্যাবিস্টর আইনমাফিক জবাব দিলেন, 'অনেক হ'মে না-জেনে অল্প ঠিক জানা ভালো।' পবেশ-কাকা আব রে জবাব দিলেন না, তপনদাও আর-কিছু বললেন না, দু-জনেই বুঝলেন ঠিক সেই সময়টায় ঘরেব অগ্নেরাও কেউ কিছু বলছে না; তাই তাঁরাও কথা থামালেন। কোনো-একটা ঘটনাব অপেক্ষায় লোকেরা যখন ব'সে থাকে, তখন যেমন মাঝে-মাঝেই হয়, তেমনি হঠাৎ একসঙ্গে সবাই চুপ হ'য়ে গেলো।

ঘরে এলো অরুণ আর হারীত, সকলের চোখ তাদের দিকে ফিরলো। অরুণ এর মধ্যে মুখে প্রায় ডাক্তারি গান্ধীর্ষ এনে ফেলেছে, আর মুখে যেন অল্পগ্রহের, হাসি ফুটিয়ে পিছনে আসতে-আসতে হারীতের চকিতে মনে পড়লো তার নিজের বিয়ের রাত্রিটি।

অরুণ এসে সত্যেনের পাশে দাঁড়ালো। আরগে তাকে ‘তুমি’ বলেছে সে-কথা ভুলে গিয়ে বললো, ‘চলুন।’

সত্যেনের পাশে-রাখা মালাটি ছ-হাতে ভুলে কিরণ বললো, ‘নাও।’

এবার আব সত্যেন বিজ্রোহের চেষ্টা করলো না, মালা হাতে নিলো।

‘আলোয়ানটা আর কেন?’ ব’লে কিরণ সত্যেনের কাঁধ থেকে নিজেই সেটা ভুলে নিয়ে কাছে-দাঁড়ানো নিখিলকে রাখতে দিলো। ‘নাও, পনো এবাব।’

সত্যেন মালা প’রে উঠলো, সঙ্গে-সঙ্গে উপস্থিতরা প্রায় সকলেই উঠলেন, শুধু ঘুমোচোখ বুড়োবা কেউ-কেউ ব’সে থাকলেন। কিন্তু বব চলতে গিয়ে থপ্ ক’রে ব্যাঙের মতো লাফ দিলো।

অরুণের ডাল্ভাবি গান্ধীর্ষ টিকলো না, হেসে ফেলে বললো, ‘কী হ’লো?’

‘ঝাঁঝি ধবেছে।’

‘ঝাঁঝি?’ হাবীত হাসি চাপলো। ‘তা ঝাঁঝি’র দোষ কী— এতক্ষণ একভাবে ব’সে থাকা!’

‘আমার হাত ধরো না-হয়,’ কিরণ হাত বাড়ালো।

‘না, না—ঠিক আছে!’ ব’লে একপায়ে আর-একটা লাফ দিলো সত্যেন।

কিরণ ফিশফিশ ক’বে বললো, ‘পা-টা জোরসে ঝেঁকে নাও একবার!’

‘কিছু লাগবে না।’ লাফের বদলে আড় ক’রে পা পেতে-পেতে সত্যেন খুঁড়িয়ে এগোলো, তার প্রত্যেক পা-ফেলার জালে মালাটা লাফিয়ে উঠলো গলায়। ওরই মধ্যে মুখের ভাবে যথাসম্ভব মান বজায় রাখলো সে, কিন্তু কষ্ট আব কষ্ট লুকোবার চেষ্টায় মিশে তাব মুখটা দেখালো যেন ছুঁ ছেলে মাষ্টারের কাছে শাস্তি নিতে যাচ্ছে, কিন্তু ক্লাশের সকলকে দেখাতে চাচ্ছে খোড়াই পরোয়া।

সেই মুখ দেখে সত্যেনকে হঠাৎ কেমন ভালো লেগে গেলো হারীতের। ঘবের বাইবে এসে বললো, ‘কী, কমলো?’

‘কমেছে,’ ব’লে সত্যেন জুতো পবতে গেলো, কিন্তু অকণ ব’লে উঠলো, ‘জুতোটা থাক না।’

‘প’বেই নিই,’ পা বাডালো সত্যেন, কিন্তু তখনো ফুলে-থাকা বাঁ পা-টা জুতোয় ঢুকলো না। দেয়াল ধ’বে দাঁড়িয়ে কসবং করলো, কিন্তু পা ঢুকলো না।

কিরণ ব’লে উঠলো, ‘কী-মুশকিল! জুতো প’বে বিয়ে কববে নাকি!’

‘আচ্ছা, থাক।’ যেন নিবাস, দুঃখিত, হ’য়ে সত্যেন খালিপায়েই চললো। তার দু-পাশে অকণ আব হাবীত, ঠিক পিছনে কিবণ, কিরণের পবে নিখিল, আব তাবপব কণ্ঠাপক্ষের লম্বা বাঁকা লাইন।

সিঁড়ির গোড়ায় তাব কাঁধে চাপ দিলো কিবণ। সে ফিরে তাকাতে চাপা গলায় বললো, ‘কী? কেমন লাগছে?’

‘কিছু লাগছে না!’ সকলের শোনবার মতো খোলা গলায় তখনই জবাব দিলো সত্যেন।

‘হ্যাঃ!’ কিরণ ঘাড় নেড়ে উড়িয়ে দিলো কথাটা, কিন্তু সত্যেন নিছক সত্যই বলেছিলো। সত্যি তখন তার কিছুই লাগছিলো না, কোনো শিহরণ, কোনো নূতনত্বের শিহরণও না। সবই যেন জানা, যেন সে কত আগে থেকেই জেনে রেখেছে ঠিক এই সময়ে ঠিক এ-রকম-এ-বকম হবেই। ঠিক আজকের তাবিখেব এই মুহূর্তে এই বাডিব এই লাল সিঁড়িটায় সে পা বাখবে, তাবপব এটাতে। আবেগ আজ সকাল থেকেই নেই, কিন্তু নেই ব’লে অভাবের আবছা চেতনা ছিলো এতক্ষণ এখন তাও নেই। সেই অভাবের চেতনায় দিনটা ঝাপসা হ’য়ে ছিলো সকাল থেকে, এখন আব ঝাপসাও নেই। এখন সব পবিষ্কার— অর্থাৎ সাধাবণ। সাধাবণ লাগছে তাব, একেবারেই সুস্থ, মাথা-ঠাণ্ডা। মনে কোনো কম্পন, কোনো অনুকম্পনও নেই। না আশা, না ভয়, না সন্দেহ, না আনন্দ। যেমন ছাত্রজীবনে কোনো পবীক্ষার আগের রাতে উৎকণ্ঠায় সে ঘুমোতে পাবেনি, কিন্তু পবেব দিন পবীক্ষা দিতে যেই বসেছে, প্রশ্ন বিলোবার খশখশে আওয়াজ থেমে গিয়ে যেই স্তব্ধ হয়েছে মস্ত হল, তখনই নিরুৎসুক, নিকদ্বেগ, স্থির হ’য়ে গেছে তাব মন, তেমনি এখনো তার কাছে সব পবিষ্কার, সহজ, এত সহজ যে সাধাবণ। নিজেই এতে অবাক হ’লো, কোনো অনুভূতিব চেষ্টা কবলো, এমনকি;—কিন্তু কিছুই অনুভব কবলো না, পা-টা এইমাত্র পুরোপুরি ছেড়ে যাবার আবাম ছাড়া। সত্যেন স্বচ্ছন্দে উঠলো সিঁড়ি দিয়ে, দোতলা পাব হ’য়ে তেতলাব দিকে, শেষ ধাপটার আগে অরুণ আর হারীতকে হঠাৎ ছাড়িয়ে সকলের আগে একলা

এগোলো ; সহজ, স্বাধীন, নিশ্চিত দাঁড়ালো আলো-জ্বলা ছাতেব
দরজায় ।

ছাতের বড়ো অংশে, যেখানে খাওয়া হয়েছিলো, সেখানে এখন
চুপচাপ । চেয়ারগুলি এব মধ্যই তুলে ফেলেছে, সাবি-সারি শূন্য
টেবিল শুধু প'ড়ে আছে । আব আগে যেখানে দু-চাবজনের
শুধু চলাফেবা ছিলো, সেই ছোটো অংশ এখন ব্যস্ত, গুনগুন-ব্যস্ত,
হাসি-হাসি রঙিন, আবাব গস্তীরও ।

আতা এতক্ষণ মুগ্ধ হ'য়ে বিবেব সাজে ছোটোমাসিকে
দেখছিলো, হঠাৎ ফিবে তাকিয়ে সখী দু-জনকে দেখতে না-পেয়ে
ছুটে ছাতে এলো । কই ? কিন্তু ইক গীতির খোঁজে ঘুবে
না-বেড়িয়ে আতা সেখানেই একটা সুবিধেমতো জায়গা বেছে
দাঁড়ালো, বিয়েটা প্রথম থেকে দেখা চাই তো । এখন ওবা এসে
পড়লেই হয় ।

দেরি হ'লো না, একটু পবেই ছোট চড় পড়লো তাব পিঠে ।
'এই তো !—আমি বলছি না নিশ্চয়ই ছাতে !'

চকচকে সুখী চোখে তাকিয়ে আতা বললো, 'কোথায় ছিলি
তোবা ?'

'আমরা ?' গীতি এমন ক'বে তাকালো যেন এব মধ্যে কতই
রহস্য লুকোনো । ইকব দিকে ফিবে বললো, 'তুই ক-টা
খেয়েছিস বে ?'

'ছাব্বিশটা ।'

'চালিয়াৎ !'

ইরু বললো, ‘তা দশটা-বারোটা তো হবে।’

‘আমি সন্ধে থেকে গুনে-গুনে ঠিক আঠারোটা,’ বললো গীতি।

‘পান তো?’ আতা ঠোট ফুলিয়ে চোখ বাঁকালো। ‘ঐ তোমরা এই করছিলে এতক্ষণ! লুকিয়ে পান খাচ্ছিলে?’

‘লুকিয়ে কেন?’ ইরুও ভঙ্গি করলো চোখেব। ‘প্রকাশে সর্বসমক্ষে। আমবা সকলকে পান দিচ্ছিলাম, আর সকলকে দিতে-দিতে নিজেদের মুখে টপার্টপ—’

‘আমার জন্তু আনিসনি?’ অভিমানের ঢেউ দিলো আতার গলায়।

ইরু কথা না-ব’লে আতাব ডান হাতটি নিজের বাঁ হাতে ধরলো, তারপর ডান হাতের বন্ধ মুঠি খুলে সেখানে রাখলো তাঁর হাতের তাপে গবম-হওয়া একটি লবঙ্গ-ফোঁড়া ছোট্ট খিলি।

তখন আতা বললো, ‘আমিও ঢেব পান খেয়েছি। কত, তার অন্তই নেই।--তা তুই এনেছিস এটাও খাই।’ পান মুখে দিয়ে চোখে হেসে ইরুকে বললো, ‘তোব ঠোট বেজায় লাল হয়েছে রে!’

গীতি তাড়াতাড়ি জিগেস করলো, ‘আমার?’

ইরু বললো, ‘তোব ঠোট আবাব লাল হবে কী—এমনিই তো। চিঠির বাস্ক ক’বে রেখেছিস!’

আতাব এই মন্তব্য মিথ্যা প্রমাণ ক’বে গীতির রং-বোলানো গাল আরো লাল হ’লো। ‘আ-হা—ইরু বুঝি আর রং মাখেনি? ব’লে কাঁধ দিয়ে ধাক্কা দিলো ইরুকে।

‘একটু স’রে দাঁড়াও মা-সম্মীরি,’ তামার খালায় কী-সব

সাজাওঁ-সাজাতে রোগা পুরুষ্ঠাকুর আশাতীত মোটা গলায় বললেন ।

চেউয়ের মতো স'রে গেলো লাল সবুজ কমলা শাড়ি । 'মা লক্ষ্মী' শুনে ইরু গীতির বড্ড হাসি পেলো, চাপতে গিয়ে গপগপ উপচোলো । 'হাসছিস কেন ?' হাসির কারণ বুঝে ভুরু বাঁকালো আতা ।

'পুরুতের গায়ে ওটা কী বে ?' গীতি জিগেস করলো কানে-কানে ।

আতা হাসলো এবাব । 'এও জানিস না ? ওটা তো নামাবলী ।'

'ও ! একেই নামাবলী বলে ?' গীতি গম্ভীর হ'লো, কিন্তু তখনই আকার খুক ক'বে হেসে ফেললো । 'টিকিটা দেখেছিস ?'

ইরু বললো, 'টিক-টিকি !'

এ-কথা শুনে আতারও হাসি পেলো, সামলে নিয়ে হাসিতে শাসনে মেশানো গলায় বললো, 'কী বাজে—! জানিস, ইনি আজ-বাজে পুরু না, কোন স্কুলের হেড-পণ্ডিত !'

'যাঃ ! পুরু বুঝি আবাব পণ্ডিত হয় !' বললো গীতি ।

'বা, আমি জানি যে ! আচ্ছা, মামাকে জিগেস কবিস—'

আতার কাঁধে টোকা দিয়ে ইরু বললো, 'চুপ ! ঐ মামা এলেন । আরম্ভ হবে এবার ।'

তিনজনে আর-একটু ঘেঁষাঘেঁষি দাঁড়ালো ।

গরদের চাদর-জড়ানো বিজন একটু অস্বাভাবিকরকম জোড়াতাড়ি হেঁটে পুরুতের সামনে এসেই ধপ ক'রে ব'সে পড়ছিলো,

পুরু হাত তুলে বাধা দিলেন। 'ঐ আসন তোমার। উত্তর দিকে মুখ।'

বিজন উত্তর দিকে মুখ ক'বে কুশাসনে বসলো। ব'সেই কেঁপে উঠলো। পুরু বললেন, 'স্থির হ'য়ে বোসো।'

বিজন স্থির হ'লো। তাকে একটু লক্ষ্য ক'বে দেখলো অনেক জোড়া চোখ—ততক্ষণে আবার অনেকে হাজির হয়েছে সেখানে, মেয়েই বেশি। ইভা গাঙ্গুলি চিত্রাকে জিগেস করলো, 'ইনি কে?'

'মনে হচ্ছে ইনি সম্প্রদান করবেন?'

'নাকি? ঐটুকু ছেলে সম্প্রদান কববে?'

কাছে দাঁড়িয়ে উর্মিলা শুনলো কথাটা। চোখের কোণ থেকে একটা দৃষ্টিপাত ক'বে বললো, 'ইনি স্বাতীর্থ দাদা।'

কোণকাটা চশমাটা ইভা চিনলো, খেতে ব'সে লক্ষ্য না-ক'বে উপায় ছিলো না। এখন আবার একটু ভালো ক'বে তাকালো মুখের দিকে, একটু চেনা-চেনা হাসলো। উর্মিলা তখনই ফিরে হেসে কাছে ঘেষলো। ইভা জিগেস করলো, 'আপনি বুঝি বাড়ির কেউ?'

'না, না, বাড়ির কেউ না। বললাম না তখন আমিও বন্ধু? তবে —' এক দমকে অনেক কথা ব'লে ফেললো উর্মিলা। আর পাঁচ মিনিটের মধ্যে তার সঙ্গে ইভা গাঙ্গুলির সেই বন্ধুতা জন্মালো, যা রেলগাড়িতে আর বিয়েবাড়িতে দু-জন মেয়েৰ মধ্যেই শুধু সম্ভব, আর-কোথাও আর-কাবো মধ্যে না।

পরস্পরের বিষয়ে প্রধান তথ্যগুলি জেনে নেবার পবে উর্মিলা

বললো, 'বিজনদাকে কী-রকম বেচারী দেখাচ্ছে ওখানে ব'সে !
স্বাতীর দাদার কথা বলছি ।'

ইভা বললো, 'উনি তো কিছু করছেন না, শুধু ব'সেই আছেন ।'

'না, না, ঠোট নড়ছে দেখতে পাচ্ছেন না ?'

'হ্যাঁ !' ইভা হাসলো । 'মস্ত-টম্ব পুকুই যা-হোক বিড়বিড়
করে, অতাদের ঠোট নাড়াই কাজ ।'

উর্মিলাও হাসলো । 'হাঙ্গামাও । সংক্ষেপে সারতে পারে না ?'

'দেখতে কিন্তু মন্দ না,' মৃদু মন্তব্য কবলো অনুপমা ।

'হ্যাঁ, অতদেব পক্ষে খুব ভালো,' ইভাব পুরুষ-গলায়
আশে-পাশে কেউ-কেউ ফিবে তাকালো । 'কিন্তু যাদেব বিয়ে,
তাদের কী-কষ্ট ।'

'খুব কি কষ্ট ?' চিত্রা ব'লে উঠলো কশ ব'নে । হাসিব
হাওয়া ছলিয়ে. গেলো অনুপমা থেকে উর্মিলা পর্যন্ত চাবটি
পাশাপাশি তরুনীকে ।

চিত্রাব আঁচলে টান পড়লো এমন সময় । বছব দশেকের
একটি মেয়ে ফিশফিশে গলায় ডাকলো, 'দিদি—'

ফিরে তাকিয়ে মা-কে দেখতে পেয়ে চিত্রাব হাসিমাখা মুখটা
নিমেষে করুণ হ'লো । 'এখন যাবে, মা ?'

'হ্যাঁ—চল । বাত হ'লো—আবাব ব্র্যাক-আউট । তুমিও তো
আমাদের সঙ্গে ?' ব'লে চিত্রাব মা অনুপমার দিকে তাকালেন ।

'এখনই যাবেন ?' অনুপমার কথাটা কাকুতির মতো
শোনালা ।

ইভা বললো, 'একটু থাকুন না । আমিও যাবো একটু পরে,

‘একসঙ্গেই যাবো সবাই। কাছেই তো—আর এখান থেকে একজন লোক নিয়ে নিলেই হবে।’

কিন্তু স্বামী-সংসার নিয়ে বিব্রত চিত্রার মা আর থাকতে রাজি হলেন না। হঠাৎ তাঁর দিকে গলা বাড়িয়ে উর্মিলা বললো, ‘একটা কথা বলি—কিছু মনে করবেন না। আমাকে নিতে গাড়ি আসবে খানিক পরে, আপনাদের সকলকেই নামিয়ে দিতে পারবো।’—কিন্তু ছোটো গাড়ি আসে যদি? তাহ’লে দু-বারে যাওয়া যাবে—এমন আর মুশকিল কী। উর্মিলা নিশ্চিত হ’য়ে আবার ভদ্রমহিলার দিকে তাকালো। ‘সুবিধে হবে?’

ঝকঝকে মুখের অচেনা এই মেয়েটির আমন্ত্রণেব উত্তরে চিত্রার মা তখনই কিছু বলতে পাবলেন না। ‘থাকবার ইচ্ছে অবশ্য মনে-মনে তাঁরও, কিন্তু ইচ্ছেমতো আব কতটুকু হয় সংসারে। তাঁর দ্বিধার স্বেযোগ নিয়ে চিত্রা আবাব বললো, ‘থাকো না, মা।’

‘আচ্ছা—। তোব ঘুম পায়নি তো, টুন্টি?’

‘না তো! একটুও ঘুম পায়নি!’ দশ বছরের মেয়েটি খুব বড়ো ক’রে চোখ খুলে তার কথার চাক্ষুষ প্রমাণ দিলো। তারপরেই ন’ড়ে উঠে ব্রহ্ম গলায় বললো, ‘মা! ঐ তো বর!’

ছোটো মেয়েটির কথাটা যেন হাওয়ায় ছড়ালো, চঞ্চল হ’লো সবাই। বরের সঙ্গে-সঙ্গে, পিছনে, আরো অনেকে এলো, সবাই পুরুষ, আর তাদের পিছনে এলো পাঁচ থেকে দশ পর্যন্ত বয়সের এক দঙ্গল ছেলেমেয়ে। তাদের মধ্যে দু-চারজন সাহসী অনেকটা কাছে এগিয়ে ব’সেই পড়লো, আর তাদের কেউ কিছু বললো না দেখে অগ্র বাচ্চারাও টিপটিপ ব’সে পড়তে লাগলো।

সহ্যম আলপনা-আঁকা পিঁড়িতে পুৰ দিকে মুখ ক'ৰে বসলো; তার পাশে খালি থাকলো আর-একটা পিঁড়ি, একটু ছোটো, আলপনাও তার অস্থ্য রকম। ব'সে চাবদিকে একবাব তাকালো সত্যেন; প্রথমেই চোখ পড়লো লেপটে-বসা বাচ্চাদের দলটিতে। ঐ-তো—আহা, কী না নাম দিল্লির দিদিব ছেলের—হ্যাঁ, দীপু;—আব বর্মার দিদির মাথায় প্রায় সমান-সমান তিন ছেলে পাশাপাশি—আব ছোটন তো সকলেব সামনে—আসনপিঁড়ি হ'য়ে কেমন বসেছে ঢাখো না ধুতি-পাঞ্জাবি-পর। ফুলবাবু! ওদিকে তাতাও তার দলবল নিয়ে;—সব বলমলে শাড়ি আজ, সব ঠোঁট পান খেয়ে লাল—আব বাচ্চা হ'লে কী হবে, মেয়ের দলে আব ছেলেব দলে স্পষ্ট আলাদা ভাব। সত্যেন চোখ সবালো সেখান থেকে, হঠাৎ অখিলকে দেখতে পেলো তাব কাছেই। রোগা মুখে উপলক্ষ্যেব উপযোগী গান্ধীৰ্ব এনেছে অখিল, বুকেব উপব হাত ভাঁজ ক'রে দাঁড়িয়েছে।

সত্যেন আস্তে বললো, 'অখিল বোসো না।'

সতুদা বিয়ে কবতে ব'সে তাব সঙ্গে কথা বলবেন এত বড়ো সৌভাগ্য অখিল কল্পনাও কবেনি; মুহূর্তে তাব গান্ধীৰ্ব ঝ'বে আঁকাবাঁকা দাঁতেব সাবি হাসিতে বেবিয়ে পড়লো।

সত্যেনের কথাটা শুনতে পেয়ে অখিলের কাঁধে হাত রাখলো অক্ষণ। 'তুমি এখানেই বোসো,' ব'লে তার সতুদার প্রায় গা ঝেঁষে বসিয়ে দিলো তাকে। অখিলেব আরাম হ'লো—এর আগে অক্ষণ সে বসেনি; কিন্তু সতুদার অত কাছে বসা কি

উচিত ? খানিকটা স'রে বসলো সে, কিন্তু বাচ্চাদের দিকে
ঘেঁষলো না—ছি ! ঐ পুঁচকেদের সঙ্গে !

‘বেশ ! আসল জিনিশই ফেলে এসেছিলে !’ ব'লে হেমাঙ্গ
পিছন থেকে নিচু হ'য়ে বরের টোপরটা সত্যেনের একেবারে
কোলেব উপর নামালো। সত্যেন ভুরু কুঁচকে তাকালো ;
শোলায় আর রাংতায় বানানো চিকচিকে বিক্রী বস্ত্রটাকে আশ্বে
ছ-আঙুলে সরিয়ে কাতর মুখে বললো, ‘এটা পরতে হবে ?’

পুরুৎ বললেন, ‘মস্তকে স্থাপন করো।’

‘এখনই ?’

ববের মুখের দিকে একটু তাকিয়ে থেকে পুরুৎ বললেন,
‘আচ্ছা, পবে হবে।’

‘আব-এক কথা। আমি কিন্তু এই জামা-টামা প'রেই
থাকবো,’ ব'লে সত্যেন পুরুতের কাঁচাপাকা ঘন ভুরুর তলায়
নিম্প্রভ চোখে চোখ রাখলো।

ভেবেছিলো এ-কথা শুনে পুরুতের তাক লাগবে, কিন্তু
সে-বকম কোনো লক্ষণই টিকিওলা বামুনের পরিষ্কার-কামানো
শীর্ণ মুখে ফুটলো না। ঈষৎ ক্লান্ত স্বরে বললেন, ‘যথাসময়ে
উত্তরীয়ের আচ্ছাদন হ'লেই চলবে।’

সত্যেন খুশি হ'লো ; কিন্তু এত সহজ সমাধানে তত যেন
খুশি হ'লো না, তেমন-যেন জিৎ-জিৎ লাগলো না তার।

বিয়ে আরম্ভ হ'লো। বিজনের সামনে একটি তামার থালা
ধ'রে পুরুৎ বললেন, ‘ডান হাতে এক মুঠো তুণুল তোলো।’

বিজন ডান হাতে এক মুঠো আঙুল চাল তুললো।

‘এবার বাঁ হাতটি ডান হাতের উপর স্তম্ভ করো।’

বিজন তা-ই করলো।

বিজনের বাঁ হাতটি ঠিকভাবে বসিয়ে দিয়ে পুরুৎ বললেন,

‘এবার ডান হাতে জামাতার দক্ষিণ জাহু স্পর্শ করো।’

শরীরের কোন অংশকে ‘জাহু’ বলে বিজনের তা হঠাৎ মনে পড়লো না, পুরুতের মুখের দিকে তাকালো।

পুরুৎ নিজেই সম্প্রদাতারি ডান হাতের একটি আঙুল জামাতাব ডান হাঁটুতে ঠেকিয়ে দিলেন। বিজনকে সত্যোনের দিকে অনেকটা হেলতে হ’লো, তার চাদর স’বে গিয়ে ভিতবকাব খোলা গায়েব এক চিলতে চামড়া সত্যোনেব চোখে পড়লো। পুরুৎ থেমে-থেমে সংস্কৃত বললেন, আব অফুট, ফিশফিশে, ব’সে-যাওয়া গলায় খানিকটা ঐ-রকমই কিছু-একটা আউড়িয়ে চললো বিজন। সত্যোনেব আঙুল-ঠেকানো হাঁটু শুড়শুড় ক’বে উঠলো, একটু পবে ঠোঁটচাপা হাসি ফুটলো মুখে।

সেটা লক্ষ্য ক’বে উষা-বৌদি বললেন, ‘বর বেশ সপ্রতিভ তো। হাসছে।’

ঘটনাস্থল থেকে চোখ না-সরিয়ে শোভা বললো, ‘হ্যাঁ, খুব আর কেনই-বা হবে না!’ ভাবতে চেষ্টা করলো আগেই খুব চেনাশোনা থাকলে ঠিক বিয়ের সময়টায় কেমন লাগে, কিন্তু মুহূর্তেই ভাবনা ছেড়ে আবার দেখতেই নিবিষ্ট হ’লো তার মন।

বরের হাঁটু থেকে আঙুল সবিয়ে বিজু সোজা হ’লো, পুরুৎঠাকুর খাড় কিরিয়ে হেমাঙ্গবাবুকে কী বললেন, হেমাঙ্গবাবু ইশাব

করলেন অরুণবাবুকে, অরুণবাবু রাস্তা হ'য়ে ছুটলেন, কাছে-বসে-
বাচ্চারা ঘাড় বেঁকিয়ে দেখতে লাগলো। তাদের মধ্যে নিজের
ছুই মেয়েকে চকিতে দেখলো শোভা, চকিতেই তার চোখ
স'রে গেলো ;—কতকাল পরে পাওয়া এই আনন্দের কাছে, তার
পক্ষে এই শেষ আনন্দের রাত্রিটিতে, সম্তানকেও তার তুচ্ছ
লাগলো।

পিছনে ঠানদি-গলায় কে বললেন, 'বর-যে ব'সেই রইলো।
জোড় পরবে না ?'

'কনে আনতে' গেলো ?' অনেকটা কাঁচা গলার আওয়াজ
হ'লো সঙ্গে-সঙ্গে।

'কনে আনতে ?...কনে আসছে ?' মেয়েদের গুনগুন রব
রাস্তাব দিকের কানিশ থেকে ছড়িয়ে সিঁড়ির চিলকোঠায় চুপ
করলো। দোতলাও চুপ ; কনে-সাজানো ঘরে আর ভিড় নেই ;
যে-ক'জন আছে তাদের মুখেও কথা নেই।

উশকোখুশকো অকণ হঠাৎ আবিভূত হ'য়ে বললো, 'স্বাতী,
চলো !'

কথাটা পড়লো মেঝের উপর শিষের টুকরো। বড়োপিসিমা
আর কুন্দ-দিদিমা চোখোচোখি করলেন, তারপর কুন্দ-দিদিমা
ডাকলেন, 'স্বাতী, আয়। পিঁড়িতে বোস।'

স্বাতী নড়লো না। তেমনি দাঁড়িয়ে ছিলো সে, মুখ নিচু,
হাত দুটি নিঃসাড়, যেমন তাকে রাজেনবাবু দেখেছিলেন, তবে
সাজসজ্জায় তফাৎ হয়েছে। একটি গোলাপি রঙের স্বচ্ছ রেশমি
ওড়নায় তার মুখ এখন অর্ধেক ঢাকা, সিঁথিতে বাঁধা শোলার মুকুট,

আর পান্না-চুনি-সোনালি-লালের উপর দিয়ে নেমে এসেছে গলা থেকে প্রায় হাঁটু পর্যন্ত মস্ত মোটা ধবধবে শাদা সুগন্ধি মালা ।

লীলামাসি আস্তে বললেন, ‘হেঁটেই যাক না ।’

‘হেঁটে!’ শাস্ত, একটু বিষন্ন চোখে বডোপিসি স্বাতীকে দেখছিলেন এতক্ষণ, কিন্তু কথাটা শোনামাত্র সাবা শবীবে তাঁর ব্যস্ততা জাগলো । ‘বিয়েব কনে হেঁটে যাবে? কী-যে সব বলে আজকাল—হেসে বাঁচনে!’ চোখেব ঝলকে কুন্দ-দিদিমাব মুখ থেকে সমর্থন কাড়লেন তিনি, তাবপব আড়চোখের দ্রুত দৃষ্টিতে লীলা-মাসিকে যেন ভস্ম ক’রে দিয়ে একটু ভাঙা-ভাঙা গলায় হাঁক দিলেন, ‘কই, কে-কে পিঁড়ি ধববে এসো ।’

ডোরা কাটা শাটের আস্তিন গুটিয়ে এগিয়ে এলো ডালিম ।

‘আর?’

‘আমি আছি,’ অরুণ বললো পিছন থেকে ।

‘আয়, স্বাতী । বোস ।’ বডোপিসির গলার আওয়াজ বদলে গেলো হঠাৎ; নরম হ’লো, ভিজে এলো ।

স্বাতী নড়লো ; হলদে, শাদা আব লাল বঙে আঁকা পিঁড়িটার উঠে দাঁড়ালো ; বসলো পিঁড়িতে আসনপিঁড়ি হ’য়ে, রজনীগন্ধাব মালার প্রায় অর্ধেকটা গোল হ’য়ে কোলে পড়লো লাল বেনারসিব উপব শাদা । দিদিরা তাকে ঘিরে দাঁড়ালো ; মহাশ্বেতা আব সরস্বতীর মাঝখানে শ্বেতাকে দেখালো স্বাতীর গলার মালার মতোই শাদা ।

শাস্বতী হাঁটু ভেঙে ব’সে পড়লো স্বাতীর পিছনে । পিঠে হাত

‘রেখে কত আস্তে যে ডাকলো, ‘স্বাতী!’ হঠাৎ কারা পাচ্ছিলো তার, নিশ্বাস নিতে পারছিলো না, তাই অত আস্তে ।

স্বাতী কেঁপে উঠলো । ওড়না-ঢাকা মুখ তুললো, মুখ ফেবালো, সব ঝাপসা দেখলো, ঝাপসা চোখে বড়দিকে দেখলো ।

‘বোকা মেয়ে!’ হাসি, হাসির ছায়া শ্বেতার ঠোঁটের উপর ভেসে গেলো । ‘কই, অকণ - ’

শাশ্বতী উঠলো, দিদিরা স’রে দাঁড়ালো, অরুণ আর ডালিম ত-দিকে নিচু হ’য়ে পিঁড়ি ধ’বে তুললো । খানিকটা শৃঙ্খি হ’তেই স্বাগী ন’ড়ে উঠলো, তাড়াতাড়ি ছ-হাত বাড়িয়ে গলা জড়ালো ছ-জনেব ।

সোজা হ’য়ে অকণ বললো, ‘পারবে, ডালিম?’

ডালিম বুক টান ক’বে বললো, ‘খুব !’

‘না, না, ছ-জনে হবে না । দাঁড়াও !’ ব’লে শ্বেতা তাড়াতাড়ি এলো দবজাব কাছে, পবদা ধ’বে দাঁড়িয়ে ডাকলো, ‘পবেশ-কাকা আস্তন । পি ডি বববেনা ।’

‘পি ডি বববো : অরা বাইট !’ হাতের সিগারেট ফেলে পবেশ-কাকা প্রথমেই দবজাব পবদা ধ’বে টান দিলেন । সরাসরে চেয়েছিলেন, কিন্তু আলণা-বসানো পরদা পিতলের রডশুকু প’ড়ে গেলো । তলে নিষে সবিয়ে বাখলো শ্বেতা ।

‘এসো হে ব্যাবিস্টব-সাহেব !’ বেঁটে কিন্তু গাঁট্টা জোয়ান পবেশ-কাকা পা ফেললেন ।

‘আমিও ? আচ্ছা ।’ তপনদা, বাবু মানুষ, আস্তে এগোলেন ।

ভৰ্কের ঝাঁজটা তখনো ভুলতে না-পেরে ঈষৎ ঠেশ দিয়ে বললেন, ‘আপনি আর কেন, পরেশদা ?’

‘কী ? ভাবছো পরেশদার বয়েস হয়েছে ? আবে এখনো তোমাদেব মতো আধ-ডজনকে—ধরো !’

চার জোয়ান চাবদিকে পিঁড়ি ধবলো ; স্বাতী শূন্যে চ’ড়ে যাত্রা কবলো জীবনেব দিকে। শাঁখের ফুঁ উঠলো উলুধ্বনি ছাপিয়ে, মেঘেব দল পিছনে এলো, বাবান্দায় তন্দ্রা-লাগা নেপাল-পিসে চমকে কেঁপে উঠলেন, বেলি তাঁকে ফেলেই একটু উঠে এলো দেখতে, গলিতে বাজেনবাবুব ছাইবঙেব আলোয়ানটা চকিতে দেখা গেলো।

সিঁড়িৰ কাছে এসে পবেশ-কাকা বললেন, ‘সাবধান এবাব !’

ডালিম বললো, ‘ঠিক আছে !’

স্বাতী ‘সিঁড়ি উঠলো, টু-পাশে অকণ আৰ ডালিম, পিছনে পরেশ-কাকা, আৰ সামনে, তাৰ মুখোমুখি, তপনদা। তপনদাব কষ্ট কম, কিন্তু অসুবিধে বেশি, কেননা তাঁকে পিছু হেঁটে সিঁড়ি উঠতে হচ্ছে। অর্ধেক সিঁড়িতে মোড় নেবাব সময় কোঁচায় পা বেধে তিনি হেঁচট খেলেন।

পিঁড়িটা সামনেব দিকে বুঁকলো, বিষম টান পড়লো অকণ ডালিমের গলায়, পরেশ-কাকা দেখলেন স্বাতীব পিঠটা সাঁতাকব মতো বেঁকছে। চট ক’বে এক হাতে তাকে ধ’রে ফেলে বললেন, ‘খাক। তুমি ছেড়ে দাও, তপন।’

‘আপনি বরং এদিকে আসুন,’ জবাব দিলেন তপনদা।

পরেশ-কাকা আর তপনদা জায়গা-বদল করলেন, কিন্তু এর

পবেও ছাতেব দরজায় এসে পিঁড়ি একবার ঠেকে গেলো। পিঁড়ি আড় ক'রে, নিজেবা কাৎ হ'য়ে, মুখঢাকা নিচুমাথা সোনালি-লাল নতুন স্বাতীকে নিয়ে চাবজনে যেই ছাতে পৌঁছলো, অমনি আরো জোবে ছড়ালো মেয়েলি গলাব গুনগুন, 'ঐ-যে!... কনে এলো! . স্বাতী! বাঃ, সুন্দর!

পায়বাব ঝাক হাওয়ায় উঠলো, পাখার শব্দ ক'বে নানা দিকে উড়লো। যেমন নাটকেব বডো দৃশ্য আবস্ত হবাব আগে এদিক-ওদিক তাকানো ছেড়ে, ঘবোথা ভাবনা থামিয়ে, প্রোগ্রামেব ভাঁজ মুড়ে, সবাই ঠিকঠাক ব'সে নিয়ে সামনে তাকায়, তেমনি ঝিবঝিব-চঞ্চলতা ব গায়ে-গায়ে-ছোয়া কয়েকটা চেউয়েব মিলিয়ে যাবাব পবে সবলে আবো স্থি ব হ'য়ে তাকালো। কেউ সবলো, কেউ এগোলো, সতৃদাব বেকাব আলোযান নিয়ে ঈষৎ-বিত্রত নিখিল শবীবেব ভাব এক পা থেকে আব-এক পায়ে বদলি কবলো। অনুপমা হাত বাখলো চিত্রাব কাঁধে, কিবণ বস্ত্রিব ভাঁজ-না-ভাঙা শাল বাঁ থেকে ডান কাধে ঝাললো, নিখিল মনে-মনে দললো এখন আব কোনোদিকে তাকাবো না, বাচ্চাদেব কয়েকজন ভালো ক'বে দেখাব জন্ত আসনপিঁড়ি ছেড়ে হাঁটু ভেঙে বসলো, শবীবটাতে একটা ঝাঁকানি দিবে ঘুম তাডালো ছোকন। সতোন তানিবে দেখলো আবো অনেক লোক—হাসিমুখ শাস্ত্রতী নামনেই দাঁড়িয়ে—জায়গাটা ভ'বে গিয়ে কেমন অস্থ বকম দেখাচ্ছে।

পিঁড়ি নামানো হ'লো , হলদে, শাদা আর লাল বঙে আঁকা পিঁড়ি ছেড়ে স্বাতী এবাব বিযেব পিঁড়িতে বসলো সতোনের বাঁ পাশে। পুৰুং জিগেস কবলেন, 'কন্তা কি হেঁটে প্রদক্ষিণ কববেন?'

‘না, ঘোবানো হবে,’ বলে হেমঙ্গ চচ্চড় শব্দে পাটরঙের প্লাটিকাপড়ের কড়কড়ে উড়নিটার ভাঁজ খুলে ফেললো। সত্যেনের কঁধের উপর সেটা ফেলে বললো, ‘জড়িয়ে নাও।’

সঙ্গে-সঙ্গে শাস্ত্রতী নিচু হ’য়ে টোপব পবিয়ে দিলো বরের মাথায়। লজ্জায় অধোবদন, সত্যেন হাসিব শব্দের অপেক্ষা করলো, কিন্তু না—কেউ হাসলো না, সত্যেন বায়কে বিয়েব সময় টোপব পরতে দেখে ওখানে উপস্থিত অতগুলি মানুষের মধ্যে একজনও হাসলো না। সত্যেন বায় একটু অবাক হলেন।

পুরুষ বললেন, ‘জামাতা দণ্ডায়মান।’

টোপব-মাথায় মালা-গলায় সত্যেন উঠে দাঁড়াতে-দাঁড়াতে উড়নিটা জড়িয়ে নিলো। নেহাৎ মন্দ লাগলো না। একটু যেন শীত-শীত। বিজনবাবুব গায়ে তো জামাও নেই, শীত কবছে না তো?

বিয়ের পিঁড়ি ধ’বে আবার স্বাতীকে টুটু করলো ডালিম, অরুণ, পবেশ-কাকা—চাবজনের বদলে তিনজনেই শুবিধে। বাদ প’ড়ে তপনদা মুষড়ে গেলেন না, ববং খুশি হ’য়ে স’বে দাঁড়িয়ে দৃশ্য দেখতে লাগলেন।

স্বাতীকে শূণ্ঠি ক’বে সাত পাক ঘোবাতে-ঘোবাতে ডালিমের ফর্সা হাতের শিব ফুলে উঠলো, অকণের উপবের ঠোটটা মুখের মধ্যে ঢুকে গেলো, পবেশ-কাকাবও চোখমুখ বেশ শক্ত হ’লো। তিনজোড়া হাতের উপর স্পষ্ট আবো ভাবি হ’তে লাগলো স্বাতী, আর যেন ও-তিনজনকে উৎসাহ দিয়ে হেমঙ্গ চেষ্টায়ে গুনতে লাগলো, ‘এক... দুই... চার...’

‘ভুল হ’লো ! এই ‘তিনবার !’ ব’লে উঠলো চিত্রা ।

অনুপমা বললো, ‘না, ঠিক আছে !’

‘দৈশ, স্বাতীর মুখটা দেখাঈ যাচ্ছে না !’

‘দেখা যাবে কী-বে ? মুকুটটা স্নতো দিয়ে বেঁধে দেয়স্ট্রীতা ঘোমটা যাতে স’বে না যায় সেইজন্মই !’

‘মুখ তো ববেবও ঢাকা । সামনে একটা কাপড় ধরেছে আবাব ! বাবিশ !’ ইভা কটাক হানলো উমিলাকে ।

‘বাঃ !’ বাঁকা হাসলো উমিনা । ‘শুভদৃষ্টিব আগে মুখ দেখতে নেই যে !’

‘ও, শুভদৃষ্টিব আগে মুখ দেখতে নেই বুঝি ?’ ইভা তার পৃক্শ-গলায় এমন হেসে উঠলো যে আশে-পাশে অনেকে চমকে থাকালো ।

‘পাঁচ !’

পিঁড়ি থেমে গেলো । সক-গলায় আবো চেটিয়ে হেমাঙ্গ আবাব বললো, ‘পাঁচ পাঁচ—আব দু-বাব !’

পবেশ-কাবা বললেন, ‘ডালিমের কণ্ট হচ্চে !’

‘নাঃ !’ ফোশ ক’বে নিশ্বাস ফেললো ডালিম ।

‘চলো !’

পিঁড়ি আবাব চললো । অবগেব উপরেব ঠোঁট খুলে গেলো, নিচেরটির উপর জিভ বুলিয়ে খুব নিচু গলায় বললো, ‘স্বাতী, আস্তে ।’ কিন্তু স্বাতী বোধহয় কথাটা শুনলো না, কি বুঝলো না, তেমনি শক্ত ক’বেই গলা আকড়ে থাকলো ।

পিঁড়ি এবাব ঘুরতেই ইভা গাদুলিব চোখে পড়লো লম্বা

ডালিমকে, কোঁকড়া চুলের তলায় এখন অন্য কারণে লাল-হওয়া তাঁর কিশোর মুখটা। উর্মিলার কাঁধে টোকা দিয়ে জিগেস করলো, ‘স্বাতীকে ঘোরাচ্ছে কারা জানেন?’

সুদীপ চশমা-পরা-জন তো জামাইবাবু।’ অরুণকে আজই প্রথম দেখেছিলো উর্মিলা, এ-বাড়ির সঙ্গে তার সম্পর্কটা দেখামাত্রই ঠাউরেছিলো, কিন্তু কথাটা বললো এমন ক’রে যেন জামাইবাবুটি তার কতই চেনা।

‘আর অন্যজন? ঐ কর্শা ছেলেটি?’ বেঁটেমতো বড়োমতো তৃতীয়জনের অস্তিত্বটাই মানলো না ইভা।

কর্শা ছেলেটিকেও উর্মিলা আগে ছাথেনি, কিন্তু খেতে ব’সে শাস্ত্রতীকে শুনেছিলো তাকে ডালিম ব’লে ডাকতে, আর তাদের বাড়িতে ‘অবিরতই যাওয়া-আসা-রাখা বিজনেব মুখে কবে একবার শুনেছিলো এই ভাগনেটির কথা। কোনো খবর, যে-কোনো খবর—যতই যেনন-তেমন ক’রে বলা হোক—একবার কানে ঢুকলে উর্মিলা ভোলে না; তাই স্বচ্ছন্দে জবাব দিলো, ‘ও-তো ডালিম। স্বাতীর বড়দির ছেলে। কী-কাণ্ড তখন জল ঢালতে গিয়ে! বেচারা!’ উর্মিলা হাসলো।

ঘটনাটা ইভারও মনে পড়লো, কিন্তু হাসি পেলো না। বললো, ‘যারা ঘোবাচ্ছে তাদের কী কষ্ট!’

‘এমন আর কী,’ বললো অনুপমা।

‘কষ্ট না? সব বড়ো-বড়ো মেয়ে আজকাল—তাদের কি আর—’

‘স্বাতীকে কিন্তু ছোট্ট দেখাচ্ছে!’

‘বিয়ের সময় সব মেয়েকেই ছোটো দেখায়।’ মা-র মুখে শোনা এই কথাটার সঙ্গে চিত্রা স্বাধীন, একটু মন্তব্য জুড়লো, ‘তাই ব’লে ইভাকে দেখাবে না।’

‘ভাগিাশ!’ ইভা হাসলো, বড্ড জোরে। আবার কেউ-কেউ ফিরে তাকালো তার দিকে।

চিত্রাব দিকে ঘাড় বঁকিয়ে উর্মিলা কোন-কাগজে-পড়া একটা বোল ঝাডলো, ‘মেয়েরা আজকাল স্বাধীন ব’লে লম্বাতেও বাডছে। আগে—’

‘সাত!’ হেমাঙ্গর মিহি গলা তীক্ষ্ণ বেজে উঠলো।

ঢেউয়েব মতো এগিয়ে এলো মেয়ের দল, বাচ্চাবা উঠেই দাঁড়ালো অনেকে, হেমাঙ্গব কাঁধেব উপর দিয়ে গলা বাডালো কিবণ বক্সি, হেমাঙ্গ স’বে গিয়ে বনযাত্রীকে খাতির করলো, তার পাশে এসে দাঁড়ালো শাস্ত্রী, অগত্যা-উপস্থিত হাবীত নেহাৎ কৌতুহলের চোখেই স্বাতীব দিকে তাকালো।

পিঁড়ি দাঁড়ালো বরের মুখোমুখি। হেমাঙ্গ বললো, ‘অত উচ্চত না।’

পি ড়ি নামলো।

‘হাল-একটু উচ। চোখে-চোখে ঠিক লেভেল হওয়া চাই।’

পিঁড়ি নিচু হ’লো আবার। পবেশ-কাকা চোখ কুঁচকে হেমাঙ্গব দিকে তাকালেন। ‘জাখো হে, লেভেল হয়েছে?’

হেমাঙ্গ তাকিয়ে বললো, ‘এই—আব-একটু কাছে—হ্যাঁ—ঠিক!’

পিঁড়ি স্থির হ’লো, বরের মুখের সামনে এতক্ষণ ধ’রে-রাখা

কাপড়টা স'রে গেলো, স্বাতীর ছ-দিকে দাঁড়িয়ে ঘোমটা সরিয়ে দিলো
মহাশ্বেতা আর সরস্বতী। কিন্তু স্বাতী চোখ তুলতে পারলো না।

সরস্বতী বললো, 'স্বাতী, তাকা!'

ওদিকে কিরণ বললো, 'তাকাও, সত্যেন!'

কিন্তু সত্যেন তাকিয়েই ছিলো। এই স্বাতী? চোখে
পড়লো নিচু চোখের লম্বা কালো পলক। এই স্বাতী।

চোখে চোখ পড়লো, শাঁখ বাজলো। কী-কাবণে কেউ
জানে না, কিন্তু উপস্থিত মেয়ে-পুরুষ ছেলে-বুড়ো প্রত্যেকের মন
বিশেষ-একটু স্থখী লাগলো সেই মুহূর্তে। পিঁড়ি মেঝেতে
নামলো, ববের পিঁড়ির মুখোমুখি স্বাতীকে বসিয়ে এতক্ষণে ছাড়া
পেলো ডালিম, অৰুণ, পরেশ-কাকা। অরুণ প্রথমেই গলায়
হাত বুলোলো, ডালিম হাতে হাত ঘষলো, পবেশ-কাকা শুধু তাঁব
চওড়া, ব্যায়ামী বুক ভ'বে নিশ্বাস নিলেন একবার। হেমাঙ্গ বললো,
'এখন মালাবদল। স্বাতী, দাঁড়াও।'

সাত পাক ঘোরার পর দাঁড়াতে পেরে আবাম হ'লো স্বাতীর
শরীবে। কিন্তু সেই আবামের বোধ পলকে মুছে গেলো; তাঁর সামনে,
কাছে, মুখোমুখি দাঁড়ানো সত্যেনকে ছাড়া আর-কিছুই সে
অনুভব করতে পাবলো না সেই মুহূর্তে। সে জানলো না যে
সারাদিনের উপোশে তার পা এখন কাপছে; বুঝলো না শাড়ি-
গয়নায় জড়ানো তাঁর শরীরের অস্বাচ্ছন্দ্য; ভুলে গেলো বাবাকে ছেড়ে
যাবার অসহ্য কষ্ট; মুহূর্তের জ্ঞান অজ্ঞ-কোনো বোধ তার
থাকলো না, শুধু সত্যেনকে অনুভব করলো—দেখলো না, শুধু
'অনুভব করলো।'

মালা-হাতে, মুখোমুখি, দাঁড়ালো ছু-জনে। টোপর-পরা মাথা নিচু হ'লো ; সত্যোনের গলা বেয়ে বুদ্ধের উপর নামলো স্বাতীর গলার শাদা ফুলের মালা। ওড়না-ঢাকা মাথা নিচু হ'লো ; স্বাতীব বুদ্ধের উপর পড়লো সত্যোনের গলার একটু ছোটো, একটু-মলিন-হওয়া মালা। কোনো কারণ নেই, কোনো অর্থ নেই এ-সবের ; লক্ষ অন্তর্ধান ব্যর্থ, হৃদয়ে যদি সত্য না থাকে ; কিন্তু তখনকার মতো সুখের, আনন্দের, কল্যাণের হাওয়া দিলো ঝিরঝির, দিকে-দিকে ছড়ালো, শোভাব বিহ্বল চোখ থেকে হাবীতের কোতুকে বাকানো ঠোট পর্যন্ত পৌঁছলো। কোতুকটা যেন মন্দ লাগলো না হারীতের।

শাস্ত্রী মুহূষরে বললো, 'স্বাতী, বোস এখন।'

সত্যেনও বসবাব জন্ম নিচু হ'লো, কিন্তু হঠাৎ গোলগাল বর্ষীয়সী কালো একজন মহিলা তার কাছে এসে বললেন, 'আগে একবার নিচে চলো তো বাপু।'

'নিচে। কেন?'

'আছে, আছে ; চলো।' কালো মহিলাটি চোখ টিপে হাসলেন।

সত্যেন কেমন-কেমন চোখে চারদিকে তাকালো, কিন্তু কেউ তাকে কিছু বললো না, কেউ বুঝিয়ে দিলো না ব্যাপারটা কী। 'চলো কুন্দ-দিদিমা, আমিও যাই,' ব'লে শাস্ত্রী এগোলো।

সত্যেন অসহায়ভাবে বললো, 'আমাকেও আসতে হবে?'

'এসো,' গম্ভীর মুখে কাছে এলো সরস্বতী। 'ভয় নেই কিছু।'

'আমি একাই?' সত্যেন ঈষৎ মুখ ফেরালো স্বাতীব দিকে।

কুরকুর হাসি বইলো তার প্রশ্নের উত্তরে, তারপর মহাশ্বেতা চোখ টান ক'রে বললো, 'না, না, না, একা তোমাকে ছেড়ে দেবো না ; আমরা নিয়ে যাচ্ছি পাহারা দিয়ে । চলো ।'

তিন দিদি আর কুন্দ-দিদিমা সত্যেনকে এমনভাবে ঘিরে দৌতলায় নিয়ে এলো যেন শত্রুপক্ষের খোদকর্তাকেই পাকড়েছে । এলো সেই ঘরে, যে-ঘরে মহাশ্বেতা শুয়ে ছিলো সন্ধেবেলা, যে-ঘরে বাসর হবে । বড়োপিসি অপেক্ষা করছিলেন সেখানে ।

সত্যেন ঘবে আসতেই বড়োপিসি একটা লাঠি নিয়ে তাকে তাড়া করলেন । সত্যেন একটু অবাক হ'লো, কিন্তু শাদাচুলের মহিলাটি তাকে মাবলেন না, লাঠি দিয়ে পা থেকে মাথা পর্যন্ত একবার মাপলেন শুধু । তাবপর একবার তাকে দেয়ালের দিকে মুখ ক'বে দাঁড়াতে হ'লো, একবার মেঝেতে কয়েক পা ঠাঁটতে হ'লো, একবার কালো মহিলাটি কী বিড়বিড় করতে-করতে তিন-তিন টোকা দিলেন তার মাথায় । এর পর অবাক হওয়া ছেড়ে দিলো সত্যেন ।

কী-সব দিয়ে সাজানো একটি তামার থালা হাতে ক'বে তার সামনে দাঁড়ালেন শাদাচুলের মহিলা । জিগেস করলেন, 'আমার হাতে এটা কী বলো তো ?'

সত্যেন, অবোধ, জবাব দিলো, 'থালো ।'

'স্বাতী তোমার গলাব মালা ।'

সত্যেনের কান পর্যন্ত গরম হ'লো, সাবা মুখে পিন ফুটলো । আর তাঁর ঐ অবস্থাটা—শুধু বড়োপিসি আর কুন্দ-দিদিমা না, দিদিরাও নিঃশব্দে মহাশ্বেতা উপভোগ করলেন—শাস্বতী শুদ্ধ,

যদিও শাস্ত্রতীর সত্যেনের জন্তুও খারাপ লাগছিলো, আর এ-সব সেকেলে কাণ্ড তারও ঘোর অপছন্দ।

‘আচ্ছা, এবাব বলো তো এটা কী?’ কুন্দ-দিদিমা থালায় রাখা পানের পাতাটি আঙুলে ছুঁলেন।

‘ওটা?’ সত্যেন থামলো। পান? তাব মানেই—‘প্রাণ’! অতএব—‘ওটা তাম্বুল,’ বলে বিজয়ী সত্যেন কুন্দ-দিদিমাকে চোখে বিঁধলো।

‘কমন!’ শাস্ত্রতী হাতে তালি দিয়ে হাসলো। ‘এবাব!’

কিন্তু একটু—মাত্র একটুখানি দেবি ক’বে কুন্দ-দিদিমা সগোববে বললেন, ‘স্বাভাব যে নিন্দে ক’বে তোমাব সে চক্ষুশূল।’

‘বা। বা।’ তিন দিদি একসঙ্গে হসে উঠলো দিদিমাকে তাবিক ক’বে, সত্যেনেব মুখেও হাসি ফুটলো। বেশ বলেছে। কত চট ক’বে!

‘এখন যেতে পারি?’ সত্যেন, সপ্রতিভ, পাকাচুলের মহিলাব দিকে তাকালো।

‘বড্ড ব্যস্ত যে। আচ্ছা, এদিকে এসো।’

মহিলাবা তাকে নিয়ে এলেন ঘবেব এক কোণে, সেখানে কুলোয় জ্বলছে প্রদীপ। মামিমাব কুলোব মতোই, তবে চিত্রি-বিচিত্র বেশি, জিনিশও আবো বেশি সাজানো, তার কোনো-কোনোটা সত্যেনকে ছুঁতে হ’লো, তারপর সেই পানের পাতাটি ঘটে ডুবিয়ে তাব গায়ে জল ছিটোলেন কালো মহিলা। এখন কপালে কুলো ঠেকানো হবে ভেবে সত্যেন আগে থেকেই ঘাড় বাড়ালো, কিন্তু কোনো-এক রহস্যময় কাবণে সেটা বাদ

পড়লো ; মহিলারা উঠলেন, পুরো দলটি ছাতে ফিরলো তাকে নিয়ে, পাকাচুলের মহিলা সুন্দু।

ছোটনের পিঠে পিছন থেকে খোঁচা দিয়ে তাতা ডাকলো, ‘এই—! ঘুমোচ্ছিস নাকি ?’

‘না তো !’ চুলে-পড়া মাথাটা একটানে সোজা করলো ছোটন।

‘শুয়ে থাক না নিচে গিয়ে !’ এটুকু দিদিগিবি ফলিয়েই তাতা ফিরলো বিজলীর দিকে। শোভাব বড়ো মেয়ে বিজলী, এই দু-দিনেই জমাট ভাব হ’য়ে গেছে দু-জনে।

এইমাত্র ফিরে-আসা বরের দিকে তাকিয়ে বিজলী বললো, ‘বিয়েতে কিন্তু মেয়েদেরই জিৎ।’

‘জিৎ কেন ?’

‘কিন্তু শাড়ি-গয়না পায় ! কী-মজা, না রে !’

‘মজা না হাতি ! এদিকে মা-কে ছেড়ে থাকতে হয় যে ! বাক্সা রে বাবা !’

‘কিন্তু স্বাতী-মাসির তো মা নেই,’ মনে পড়লো বিজলীর।

‘মা না থাক বাবা তো আছে ! ও একই হ’লো।’ তাতার চকিতে মনে পড়লো তার নিজের বাবাকে, কিন্তু তখনই আবার বললো, ‘মজা তো ছেলেদেরই। বলতেই বলে জামাই-আদর ! আর স্বস্তুরবাড়িতে মেয়েদের ?’

‘ছেলেরা তো আর স্বস্তুরবাড়িতে থাকে না,’ ব’লে উঠলো পাশ থেকে আর-একটি মেয়ে। ‘জামাই-আদর ক-দিন আর !’

এই কথাবার্তা শুনতে পেলো বুলন, মহাশ্বেতার মেজ

ছেলে। ভাবলো : ছোঃ! ব'য়ে গেছে ছেলেদের শঙ্গুরবাড়িতে থাকতে! মেয়েগুলো কী রে! খালি বিয়ে-বিয়ে মন! তা ওরা বিয়ে কবে ককক—তা ছাড়া আর হবেই বা কী মেয়েগুলোকে দিয়ে—কিন্তু ছেলেবা কেন যে—! ‘আচ্ছা দাদা,’ মনের কথাটা সে না-ব'লে আব পাবলো না, ‘ছেলেরা কেন বিয়ে করে?’

‘কী বোকাব মতো কথা!’ অমল, তার দেড় বছরের বড়ো, ছোটো ভাইয়েব অজ্ঞতায় হাসলো।

‘বোকাব মতো কেন—’

‘বা বে!’ বললেন কথায় বাধা দিলো ওট্টু, তার দু-বছরের ছোটো। ‘বিয়ে করে ব'লেই তো লোকদের ছেলেপুলে হয়!’

‘ওট্টু!’ তাহা বমক দিলো পিছন থেকে।—কী-যে অসভ্য ছেলেগুলো! শিষ্ট!

তাৎনিব দিকে একটা কঠোর দৃষ্টি ছুঁড়ে ওট্টু চুপ করলো। আব বুদন ভাবলো ছেলেপুলে? ছেলেপুলেও তো মেয়েদেরই হয়! তাহ'লে? আব এ ওগ্রাও-ওগ্রাও বাচ্চাগুলো যেন হ'তেই হবে! কিছু বোঝে না ওট্টুটা! বলন আরো খানিকটা ভাবলো, বাগু কিছুই ভেবে পেলো না; আবাব মন দিলো পুরুষ হ'য়েও বিয়ে করতে বাজি-হওয়া ম'লুন মানুষটিকে দেখতে।

ওগ্রাও মস্তাদান আবস্ত হয়েছে। মুখোমুখি বসেছে বরু'কনে, আব তাদের মাঝখানে মঙ্গলঘট বেখে এব উপব লম্বা ক'বে কুশ সাজাচ্ছেন পুরুষটাকুব। হঠাৎ অকণকে পাশে দেখে কিরণ বক্সি জিগেস কবলো, ‘বরপক্ষেব পুরুষ আসেনি?’

‘আবার বরপক্ষেব?’ অকণ আবছা হাসলো।

‘হ্যাঃ!’ কিরণও হাসলো। ‘আর সত্যেন যে-রকম—’ কথা শেষ না-ক’রে চোখ নামালো।

পুরুৎ বললেন, ‘বরের দক্ষিণ হস্ত এখানে স্থাপন করো।’

সত্যেন ঘটের উপর উপুড় ক’রে হাত রাখলো।

‘হস্ত উত্তান করো।’

‘সত্যেন পুরুতের দিকে তাকালো, পুরুৎ তার হাতটি হাতে ধ’বে ঘটের উপর চিৎ ক’রে দিলেন। উত্তান মানে চিৎ?—
বাঃ! সুন্দর একটা নতুন কথা শিখে সত্যেন খুশি হ’লো, আর একটু পবেই স্বাতীর ডান হাতটি আস্তে নামলো আকাশের তলায় মেলে-ধরা তার হাতেই উপর। উত্তান হাত, মৃদু, অসীম মৃদুতা তার, প্রায় স্পর্শহীন। পুরুৎ এক গাড়া কুশ দিয়ে দুই হাত বেঁধে দিলেন, তাবপর বিজনের মুখোমুখি ব’সে পুঁথি খুললেন।

বিজন এতক্ষণ একভাবে ব’সে ছিলো, নিচু মাথায়, থুতনি প্রায় বুকে ছুঁইয়ে; আবার মদ্র শুনে ভিত্তু চোখে তাকালো। পুরুতের মুখের উপর চোখ বেখে অক্ষুট স্বরে ঠোট নাড়লো সে; আর সত্যেন একটু চেষ্টাই করলো মন দিয়ে সবটা শুনে নিয়ে স্পষ্ট ক’রে বলতে, যেন এখানেও তার শিক্ষাব মানরক্ষা চাই।

পুরুৎ বললেন, ‘এনাং কণ্ঠাং সালংকারাং—’

বিজন আঙালো, ‘এনাং কণ্ঠাং শঙ্করালং—’

‘সবস্ত্রাজ্জাদনাং—’

‘শস্ত্রচ্ছেদনাং—’

‘প্রজাপতিদেবতাকাং—’

‘প্রজাপতিদেবতাতাং—’

‘তুভ্যমহং সম্প্রদদে ।’

‘তুমভয়ং সম্প্রদদে ।’

‘বরের হাতে ওটা কী দিলো বে?’ জিগেস করলো অনুপমা ।

‘কে জানে!’ চিত্রা ফিবলো ইভাব দিকে । ‘এ মেয়েটিকে ছাখ!’

‘কোন—’

‘এ বেগনি শাড়ি । নেকলেসটা নতুন বকমেব, না?’

‘নতুন আর কী । এ তো রেডিও-মালা ।’

‘এঁও কত্যা ময়া দত্তা বক্ষণং পোষণং কুক,’ পুকতের মোটা গলা ইভাব কানে বাজলো । তেসে বললো, ‘বক্ষণং পোষণং কুব ! কেন, মেয়েবা বুঝি আব নিজেব পায়ে দাঁড়াতে পারে না?’ বলে ঈষৎ তাকালো উর্মিলার দিকে, কিন্তু এমন একটা মনঃপূত কথাব পিঠেও তাব নতুন বান্ধবী শুধু চোখেব পাতা নেড়ে সায় দিলো, কিছু বললো না ।

বললো না, যেহেতু উর্মিলা তখন একটু বিশেষভাবে ব্যস্ত ছিলো । ব্যস্ত ছিলো বিজনকে দেখতে । বিজনের মুখটো যেন মাঝ-খাওয়া, ভয়-পাওয়া, আব সেইসঙ্গে দাকণ গম্ভীর । কিছুই মেলে না তাব বিজনদার সঙ্গে, যাকে সে চেনে, খুব চেনে, যাকে সে মনে-মনে জানে তার দেখন-হাসিব এক নখব বাজিমাৎ । সেই বোকা, ভালো, সুশ্রী, মজার, সব মিলিয়ে ইচ্ছে-করা মুখটার

কোনো চিহ্ন, কোনো-একটু ঝিলিক উমিলা তাকিয়ে-তাকিয়ে খুঁজলো —কিছুই পেলো না। এমন একটি মুহূর্ত পেলো না। বিজনের মুখের ভাব যখন বদলালো : এমন একটি মুহূর্ত পেলো না যখন বিজন মুখ তুলে চাবদিকে দেখলো, তাকে দেখতে পেলো। অতক্ষণ ধরে তাকিয়ে থেকে, আর তাব পবে ঘন-ঘন তাকিয়েও, তাব বিজনদাব সঙ্গে একবার চোখোচোখি করতে পারলো না উমিলা।

শুধু উমিলাকে না, তখনকার মতো অন্য সবই ভুলে ছিলো বিজন। স্বাতীর সম্প্রদানের ভাব'য়ে তাবই উপব পড়লো, এব গুরুত্ব সে আজ সকাল থেকে অভিভূত। আচারে-অনুষ্ঠানে একটু ফাঁক সে থাকতে দেবে না ; সাবাটা দিন ঠায় উপোশ ক'বে আছে বেচারী। বিকেলের দিকে বড়োপিসি বুঝি একবার বনেছিলেন, 'স্বাতী একটু ফল-মিষ্টি খেয়ে নিক না- এতে বী আছে ?'—বিজন শোনামাত্র ব্যাকুল বাপা দিলো। বী আছে ? কে জানে কী আছে। কিন্তু আমবা জানি না ব'লে যে কিছুই নেই তা-ই বা কে জানে। কিছু না-থাকলে নিয়ম থাকবে কেন, আর বোনের'বিয়ে দিতে ব'সে এই অবা-হওয়া কে-ডানে-কী ভাবটা তাকে ছাড়ছিলো না, বস-বেডেই চলছিলো। স্বাতীকে সত্যনকে ঠিক সত্যিকার মানুসের মতো আন লাগছিলো না ; ওবা যেন দূরে চ'লে গেছে, গল্পেব মানুস হ'য়ে গেছে ; - দীনবন্ধু হাই-স্কুলের ষাট টাকা মাইনের হেড-পণ্ডিতের তোবডানো মুখটা দেখতে-দেখতে মনে হচ্ছিলো মহাপুরুষ, আর সেই-মহাপুরুষের কথামতো এই-যে সে কোশাব জলে হাত ডোবালো, ডান

হাতে ত্রিপত্র ধরলো, আবার সেই ডান হাতের উপর বাঁ হাতটি উপুড় কবলো, আবার তারপর এষ্টমাত্র-বে সামান্য শব্দ, শূন্য মেঝেটায় মাথা ঠেকালো, এবং প্রত্যেকটাই খুব আশ্চর্য লাগছিলো বিজনেব, আশ্চর্য, রহস্যময়, প্রায় অলৌকিক।

পুরুষ একবার পিঠ সোজা কবলেন, গায়ের নামাবলীর ভাঁজ বদলালেন। তারপর অন্য কয়েকটা কোশাকুশি ঠিকঠাক ক'রে সাজিয়ে আবার পুথি খুলে বরের দিকে তাকালেন : 'ও যা অকুন্তলবসন্ '

হাবীত হঠাৎ বললো, 'আশ্চর্য ! সব মন্ত্রই বরের ? কত্থার 'কক্ক' নেই ?'

'আবার কী ?' মুচ টিপ্পনি কবলেন তপনদা। 'মেয়েদের তো শুধু বাজি হওয়াই পাট।'

'হাতে তাদের সুবিবেচ' অকস্মৎ একচোখ তাকালো ব্যাবিটবেব দিকে। 'স্বামীদের দিবে সাধাতিক সব প্রতিজ্ঞা কবিবে নিজেবা দিবি নিশ্চিত !' এগৎ

অকস্মৎ কথাটা উপভোগ করে ক্রিয়ামণ্ডি দিবে সরস্বতী বরের মন্ত্রগুলো ? খানি না

'অতঃপরম্বা'র 'সত্যেনের চোখ বড়ো হ'লো, এত-কিছুই পাবেও এটা যেন অবিশ্বাস লাগলো।

'হ্যাঁ, এটাবকমণ্ড' ব'লে সরস্বতী টোপবান^৩ আশবার চাপিয়ে দিলো তার মাথায়। সত্যেনের ব'লে এই বিয়েই জুজ শোলাব ফুল শুড়শুড়ি ছিলো কানে। মন মালুয হ মা !

'শোভা ব'লে উঠলো, 'এখনই যজ্ঞ যে ?'

‘ত’লেই হয়,’ জবাব দিলেন লীলা-মাসি।

‘না, না, পনের দিন সকালে তো?’

উষা-বৌদি বললেন, ‘সে ভাঙ এক-এক দেশের এক-এক আচার—আমার বাপের বাড়িতেই তো বিয়ের বাত্রেই সব সেরে দেয়।’

‘ভালোও তা-ই। যা কষ্ট আমার পনের দিন বেলা ছপুব অবধি—ধোঁয়াধ যা চোখ অলংগিলো এখনো মনে আছে।’ বলল লীলা-মাসি একটু হাসলেন।

নীলচে দেওয়া উল্লো সত্যেনের চোখের সামান। বয়স শ মনে পড়লো তার যত্নেব পোষায় লাল-হওয়া সোতাব চোখ। ‘স্বাতীর চোখ? তাবাত্তে যাচ্ছিলো, কিন্তু পুৰং ওখনই তার হাতে বাজাদেব কিন্তুকেব মতো কী-একটা দিবে বললেন, ‘অগ্নিতে অর্পণ করো।’

৫. গৌ সত্যেন প্রথমে ভেবেছিলো যে কিন্তুক গাঙ্গু বসি আত্মনে নেই ফলতে হবে, তাবপব দেখলো না, গৌ সিংহা । তাগ্ননে আঘি দিলো সে, ছ-বাব সিংহ হ’লো একটা সিংহা । সিংহা ভা আগুন আবে নাগ হ’লো, নীল চোখ সিংহ হ’লো। স তাবপব মন্ত।

৬

হাই-স্কুলেব যাট টাকাডা। চিকমতা বলাব চেটা কবো-ববতে দেখতে-দেখতে মনে হচ্ছিলো ভাবলো কত কখন দুবোবে? কথামতো এই-যে সে । ব চেয়ে চুপচাপ, পুৰতেব পেশাদাব গলা ছেহ। মাঝে-মাঝে এদিক-ওদিক তাকা লা

‘যা মুখচোবা মানুষ -- আর যা ভিড় -- আর যা খাটনি সারা দিন --
‘আমিও তো তু-দিন ধরে এখানেই -- না কি, বাগিচায় বসে ?
এমনি তো মাং চড়ে বা ফাটে না, কিন্তু আমার উপর রাগিনা
আছে ঠিক !

‘ও মম ত্রুতে হে অদর্য দলান, মম চিওমন্ত চিত্তং
তে অস্ত্র।’

সামনে স্বাতী, পিছনে সন্ধান, হাতে-হাতে অঞ্জলি পাতা
সুন্দর, কী-সুন্দর মানিয়েছে। বড়োপিসির চোখে জল পেলো।
স্বাতীর পিমে দেখলো না ? ঘুমছে নিচে। ঘুমছে তো ? ঘুম
ভাঙলেহ তো জল চাই, পান চাই, পান আবার ছেঁচে দিতে
হবে-- ফোকলা বড়োকে নিয়ে আলাতন কি কম ! আর
এই মানুষট বী ছিলো দেখতে, যখন বড়োপিসির, তাসি
পেলো।

‘ও অপ্রাপ্তোন্নত মনিনা প্রাপ্তোন্নত পুষ্কলা,’ শেষের কাছাকাছি
এসে পুবতের বন উৎসাহ বাজলো, গলা চড়লো, ‘বল্লমি
সত্যপ্রতিভা, মনও প্রাপ্তোন্নত।’

মানে কী কথাগুলো ? ‘উষা-বাদি ভাবলেন-- শুনতে কিন্তু
সুন্দর। টুনি নাকি মনও পড়েছিলো বলেছে। তা কী-বা
হ’লো ও মম পড়ে-চড়ে-জান ভাবে যা পড়ো চাকরি, আর
চাকরির বাবা, বাবো মাসে সোফা চর পোশাক আছে। আসবার
কথা তো শুক্লবাবো এখন কে জানে ! -- আর এই বিয়ের জন্য
ছুটো দিন আগে এলেই হ’লো। না ! ওমম মানুষট মা !
চাকরিতে প্রাণ !

‘যদেতচ্ছৃদয়ং তব, তদন্তু হৃদয়ং মম । যদিদং হৃদয়ং মম, তদন্তু
হৃদয়ং তব ।’

না, না

হৃদয় । কথাটা হঠাৎ কানে গেলো ঠিক, গীতি, আতাব, একটু
কোঁপে উঠলো লাগ কামলা সবুজ শাড়ি । হৃদয় ! ওটা এখনো
মজাব কথা তাদের কাছে, চাটাব কথা, কোনো ডাপা বইয়ে
চোখে পড়লে হাসির শুভুগুড়ি লাগে, —কিন্তু এখন তারা
কাঁপলো কোত্থেকে না, কোত্থলেও না, কথাটা শুনে মহতের
জন্ম বোমাধ্ব হ’লো তাদের । যে-যৌবন তাদের ঠিক জাগেনি,
কিন্তু জাগলো ব’লে, এবই একটু বিজ্ঞান চর্কিতে বাঁয়ে গেলো
তাদের শবাবের, আর নিখিলের হঠাৎ মনে হ’লো কানখানায়
পেবেক চোকে নাতে কী, কষ্টে আছে তাতে কী, কোনো ভয়
নেই, কোনো দুঃখ নেই, সে সব পাবে, তাব সব আছে, আব কিবদ
বস্তু বঝলো—স্পষ্টে বুঝলো না এব আগে এমন নিশ্চিত
বোঝেনি যে অনীতাকে ভেঙে থাকা তাব পক্ষে অসম্ভব
অসংসার । না, দেবে না যেতে, স্বপ্নব বাগ কবে একক, মা-বাবার
সঙ্গে তে বগড়া হয় তো হাক, বোমাব ভয়ে কলকাতা-সুদূর লোক
ভাগলেন ও অনীতা-যাবে না, সেও যাবে না নয়তো দু-জনেই
একসঙ্গে যাবে । সেই মালাটি তখন বেখেছিলো না পকেটে
হ্যাঁ, জাঃ ছে ।

শেবেব গোল দাগটিতে পা পড়লো, আবাব খই পড়লো
আগুনে, আবো খই, আবো মন্থ, শাখ, সেই কেমন-কেমন চুপচাপেব
বেড়া ভেঙে গিয়ে আবাব কথা, হাসি চলাফেরা, সংখ্যায়
ক’মে-যাওয়া বাচ্চাব দল উঠে পড়লো, প্রভাত-মেসো ভাবলেন

কি আরো থাকতে চাইবে, বিজন

যি হেমাঙ্গ বলনো তুমি এবাব, আব ঐ ফুঁ নিখিলটি ফোঁট।
 নীলো আপনি কি, আব শাশ্বতীন মুখ থেকে চাখ সবিরাসানো,
 ড থেকে সবে দাঁড়ালো হাবীত।—ঐন! কত সময় নষ্ট হ'লো, কিছুই
 তক্ষণে সেই ইস্তাহাবগা লিখে খেলতে পাবতো! আবার -বলা
 ব তাব মনে পড়লো। জাপানের কুচক্র, বাশিয়ার বিপদ, যে
 বাব বাঙালি বাবুগা, মনে পড়লো ভাদেব প্রতিবোধ সংস্থা ৭ ইঠাৎ
 কাণ্ড দারিহ। কী-কাণ্ড, ভুলেই ছিলাম এতক্ষণ। সাবে, কৈল
 ব আবিং বলেছে। না, এই মহর্ষে বাড়ি, হেচেই, গিয়েই ঘুম,
 বিপব কাল সকালেই। হাবীত গো নিয়ে নেমে গেলো সকলের
 মাগে, কিন্তু দোতলাব এসেই থামলো। শাশ্বতী কি, না সেরে
 আছে, সে তো বলতে গেলো আজকাল বাপেব বাড়িতেই
 ড নি মেয়েদেব এহ বাপেব বাড়ি এক ব্যাপাব! আজ থেকে
 যতাবও বাপেব বাড়ি। দোতলা থেকে একতলায় একটু
 বীবে নামলো হাবীত, নামতে-নামতে কেন-যে মনে পড়লো
 সবে বতীন দাস বোডেব বাড়ি, এদিকে গাটছড়া-বাঁধা
 তী-সেতানকে মেয়েব দল ঘিবে ফেললো, স্বাতীব জন্মদিনেব
 নেনব আসব, সেই প্রথম এ-বাড়িতে, এ-বাড়িতে, হাটি-হাটি-
 গা-পা বব-কথা চললেন, খুব কিন্তু শুনিয়ছিলা স্বাতী সেই
 হাযেটিকে, পিছন-পিছন সবাই চললো, বাজে ছোকরা! আব
 শাশ্বতী সেদিন, আব শাশ্বতী স্বাতীব পিঠে হাত রাখলো, বিজন
 কেঁপে উঠলো একবাব, ছাতেব দুবেব অর্ধেকটা খালি
 আব মহাশ্বেতা, স্বাতীব ঠিক পিছনে, প্রথম সিঁড়ি

বড়োবো? মা? মহাশ্বেতা সরস্বতীর দিকে তাকালো, মা-কে মনে পড়লো ছ-বোনের। মনে পড়লো তাদের বিয়ের মধ্যে মা হঠাৎ এমন অস্থির হ'য়ে পড়েছিলেন যে ঐ রাস্তিরে আর ঐ বৃষ্টিতে তখনই ডাক্তার ডেকে ইঞ্জেকশন দিতে হয়েছিলো— তারা শুনেছিলো পবের দিন। ঈষৎ বিষণ্ণ লাগলো তাদের।

সেটা বুঝতে পেরে বড়োপিসি কথা বদলালেন, 'আর পরের দিন বিয়ে দেখলো না ব'লে স্বাতী কী কান্না!'

'মেজদি সেজদির বিয়েতে স্বাতী অগ্নি কারণেও কেঁদেছিলো,' শাস্বতী মুখ টিপে হাসলো, চোখোচোখি করলো মেজদি সেজদির পুত্রকে। ছ-বোনের মনে পড়লো 'আমি অরুণদাকে বিয়ে করবো' ব'লে পাঁচ বছরেব স্বাতীব খুনোখুনি, তিন বোনের চোখে-চোখে ব'য়ে গেলো অগ্নদের না-জানা নিঃশব্দ কোঁতুক, কিন্তু মহাশ্বেতাকে এই কোঁতুকটা কোথায় একটু খোঁচাও দিলো।

স্বাতীর দিকে ফিরে শাস্বতী শাসালো, 'ব'লে দেবো নাকি?' অরুণ কাশলো।

শ্বেতা ঘবে এসে কাছে দাঁড়ালো। 'স্বাতী, আমি এখন ঘাই রে—'

'ঘাচ্ছে, দিদি?' মহাশ্বেতা তাকালো। 'থাকো না।'

'না, ঘাই।' স্বাতীর দিকে, সত্যেনের দিকে ফিরে, যেন তাদের সম্মতিটাই আসল, এমুনি স্নেবে শ্বেতা বললো, 'কাল সন্ধ্যাই চ'লে আসবো। কেমন?'

'তুমি করলে কী এতক্ষণ?'

‘এই বাচ্চাগুলোকে একটু ঠিকঠাক ক’বে—বণক্ষেত্রের মতো
 া’ড়ে ছিলো তো সব। আতা গীতি এবাব শুয়ে থাক না গিয়ে—
 হুঁমুছেছিলিস তো!’

‘ইক—?’ মেয়েকে হঠাৎ মনে পড়লো মহাশ্বেতাব।

‘তোব মেয়ে বেনারসি প’বেই ঘুমুচ্ছে বে,’ শ্বেতা হাসলো।

ঘুমুচ্ছে? গীতিব কানে গেলো কথাটা। কে? আমি? না,
 আমি তো জেগে আছি—এই তো। কিংবু চোখ তখনই আবার
 জড়ালো, ট্রেনেব দোলা লাগলো শবীবে, ট্রেন, এই টুঙলা
 এলো, মা।

‘শোভা কালই যাবি?’ শোভাব মুখ দেখতে মাথা একটু
 কাৎ কবলো শ্বেতা।

শোভা তখন মহাশ্বেতাব পিছনে ব’সে মহাশ্বেতাব গলাব
 কচ্ছপেব ডিমের মতো মুন্ডো খুঁটছিলো, চকিতে হাত সরিয়ে
 সলজ্জ বললো, ‘হ্যাঁ শ্বেতাদি, কালই যাবো।’

‘তোব শাশুড়িকে একটা—আচ্ছা কাল বলবো।’ শ্বেতা
 স্নেহে এলো স্বাতীব কাছে, নিচু হ’য়ে তাব ঘোমটা-ঢাকা মাথায়
 হাত বাখলো, সত্যেনেব চোখে চোখ ফেললো একবার। সোজা
 হ’তে-হ’তে বললো, ‘বেশি আব জাগিয়ে বেখো না, পিসিমা,
 ওদেব। আবাব না শবীব-টবীব খাবাপ হয়।’

‘স্বাতীবও তা-ই মত নাকি?’ এবাব স্বাতীকে তাক করলেন
 অক্লান্ত কুন্দ-দিদিমা।

‘আচ্ছা—’ স্বাতী-সত্যেনেব কাছে আব-একবার চোখে বিদায়
 নিয়ে শ্বেতা ঘবেব বাইবে এলো। এসেই ডালিমের সঙ্গে দেখা।

বিজন যেন শুনেই পেলো না কথাটা। বাসরঘরের দরজার দিকে তাকিয়ে বললো, ‘ও-সব আর কতক্ষণ?’

‘এই শেষ হবে এবার।’

‘কত রাত হ’লো! নাঃ, পিসিমাকে বলি এখন—’
রক্ত-বলতে বিজন এলো বাসরঘরের দরজায়, ডালিম ~~দরজা~~ সঙ্গে
এলো, মামা-ভাগনে বাসরঘরে ঢুকলো, ছ-সার ঘরের মাঝের
দালি দিয়ে শ্বেতা এগোলো, এলো সামনের বারান্দায়, যেখানে
কাঁড়িয়ে সন্ধেবেলা বর আসা দেখেছিলো মেয়েরা। ঠাণ্ডার জল
একদিকেব চিক ফেলে দিয়েছে এখন; তক্তাপোশের বিছানায়
নেপাল-পিসেমশাই, চোখ আধ-বোজা, স্থির, হাঁ খোলা,
ঠোট বাঁকা, হঠাৎ দেখলে—না, বালাপোশেব তলায় কাঁপা বুকটা
ভাঁজে পড়ছে—আহা ঘুমোক—বেলিও ঘুমোচ্ছে মেঝেতে
কম্বলমুড়ি—খেয়েছিলো কিছু? হ্যাঁ।—শ্বেতা সরলো, বারান্দার
অন্য দিকে দেয়ালঘেঁষা ইজিচেয়ার, ছাইবঙা আলোয়ান, বাইরে
গাখ, বাবা।

‘বাবা,’ শ্বেতা আস্তে ডাকলো।

বাজেনবাবু মুখ ফেবালেন।

‘বিকশ এসেছে, বাবা।’

চল।’

বাজেনবাবু উঠলেন, মেয়েব একটা কাঁধ চোখে পড়লো, মোটা
রুথের জামা। ‘তোমার গায়ের গবম কিছু—’

‘আছে। চলো।’

বাজেনবাবু চলতে-চলতে বললেন, ‘হেমাঙ্গ ফিরেছে?’

‘ফেরেনি এখনো । অনেককে নামাতে হবে তো ।’

‘দেরি হচ্ছে না ?’

‘৫৩৩’

‘দেরি হবে কেন । এই-তো খানিক আগে—তোমার
হচ্ছে নাকি ?’

‘না, না—রাত হ’লো তো, আবার ব্ল্যাক-আউট—’

‘কিছু না ! একটু দাঁড়াও, বাবা ।’

দোতলায় সবচেয়ে বড়ো ঘে-ঘরটিতে স্বাতীকে তখন সাজানে
হয়েছিলো, সেই ঘর থেকে ঘুমোনা লোটনকে কোলে ক’রে
নিয়ে এলো শ্বেতা । লোটনকে জড়িয়ে নিয়েছে গোলাপি উলব
স্কার্ফে, নিজের পিঠের উপর শাদা একটি স্কার্ফ ফেলা ।

একটু পরে শ্বেতা আবার থামলো । ‘বাবা একবার দেখে
বারে’ নাকি ?’

বাসরঘরের দরজায় রাজেনবাবু থামলেন । সামনে দাঁড়ানো
বিজু আর ডালিমের ফাঁক দিয়ে একবার স্বাতীকে দেখলেন,
ডালিম আব অরুণের ফাঁকে একবার সত্যেনকে । আতা গীতিকে
ধাক্কা দিয়ে বললো ওঠ না, সরস্বতী বললো সত্যেন তাহ’লে,
উজ্জল আলোর সিঁড়ি দিয়ে নামলো দু-জনে, উজ্জল একতলা
পেরোলো, কেউ নেই, চুপ, শাশ্বতী বললো স্বাতী কি, শোভা
দ্রাবলো ঘুম ; অন্ধকাব, কলকাতা কালো, রিকশব তুই চোখই
উজ্জল, টুংটাং, চুপ, সব চুপ, টুংটাং, আরো কালো মাথার
উপর আকাশ, আরো উজ্জল আকাশের তারা, তারা, কত !
মহাশ্বেতা বললো শাশ্বতী তুই, কুন্দ-দিদিমা বললেন সত্যেন এই
প্রদীপ কিন্তু সারা রাত, টুংটাং রিকশ অন্ধকারে, কেউ নেই,

বিজন

দিকে তাকিয়ে মিটমিট, আলো পোকা, বড়ো-বড়ো বাড়ি
 এই আলো খাবার জল আর এই, আর রাতে যদি;
 'কত' কালো, শূন্য ট্রামলাইন কালো, শূন্য ফুটপাথে
 বলতে-বলতে বেরিয়ে বললো কোন ঘর, বিজন বললো
 এলো এলো, এই-তো হেমাঙ্গবাবু, চলো জলিম, শ্বেতা
 বাবা তোমার শীত, রাজেনবাবু বললেন লোটন তো খুব,
 রিকশ টুংটাং, অন্ধকার, অন্ধকারে পাছাড়ের মতো বেল-লাইনের
 বাঁধ, টালিগঞ্জের ব্রিজ, প্রদীপ-জ্বলা কুলো দেয়াল ঘেষে সরিয়ে
 বাখলেন বড়োপিসি, শোভা ভাবলো শেষ, এর পর, বাবু ফাঁহাপব,
 শোভাব হাই উঠলো, শেষ, শাস্ত্রী বললো পিসিমা, কুন্দ-দিদিমা
 সবে এসে, বিকশ মোড় নিলো, নিঃসাড় পাড়া, বলমল জোনাকি,
 বলমল শাড়ি, মহাশ্বেতা সবস্বতী উঠলো, টুংটাং চুড়ি, রিকশ
 থামলো টুং। আচ্ছা, আচ্ছা, চলি, চলি, বাজেনবাবু আগে নেমে
 লোটনকে কোলে, শ্বেতা নেমে বাবাব কোল থেকে মেয়েকে,
 মহাশ্বেতা সবস্বতী বেবোলো, শোভা, শেষ, বাজেনবাবু তিনটি
 সিঁড়ি উঠলেন, শূন্য, শাস্ত্রী, কুন্দ-দিদিমা যেতে-যেতে ঘরের
 আলো নিবিয়ে, অন্ধকার; অন্ধকার, বন্ধ, পকেট থেকে চাবি
 বড়োপিসি বাইবে এসে দরজা ভেজিয়ে, রাজেনবাবু দরজার
 সামনে নিচু হয়ে, চুপ; সাবা বাড়ি চুপ, পৃথিবী চুপ; শ্বেতা
 একবার আকাশেব দিকে মুখ তুললো, তাবা, চুপ; স্বাতী
 নড়লো না, সত্যেন নড়লো না, চুপ, কুলোব প্রদীপের ছায়া-ছায়া
 আলো, লুকোনো, লাজুক, বলতে-না-পারা কথা, তুলতে-না-পারা;
 দরজা খুলে গেলো, অন্ধকার, কেউ বললো না, কেউ তুললো না

